



Digitized by the Internet Archive
in 2024 with funding from
University of Toronto

CF 201
VNIVERSÆ
GEOMETRIÆ,
MIXTÆQVE
MATHEMATICÆ
SYNOPSIS,

ET BINI REFRACTIONVM
DEMONSTRATARVM TRACTATVS.

Studio & Operâ F. M. MERSENNI M.



PARISIIS,
Apud ANTONIVM BERTIER, viâ Iacobæâ,
sub signo Fortunæ.

M. DC. XLIV.
CVM PRIVILEGIO REGIS.



ILLVSTRISSIMO PRINCIPI
LVDOVICO VALESIO
ALENSI COMITI
LEVIORIS EQVITATVS PER GALLIAS
MAGISTRO, ET GALLO-PROVINCIAE PROREGI.

F. M. MERSENNVS EYFATTEIN.


ILLVSTRISSIME PRINCEPS,

I Magnorum Virorum, quos secula vetera
prodidere, opera nobilissima, quae in omnium
commodum in Synopsim contracta unico studiosorum ob-
tutui representanda suscipio, pluribus de causis Tuo no-
mini nuncupata volui, praesertim verò quòd illis Te
scientijs plurimum delectari nouerim, quae nihil fuca-
tum, nil in utramque partem mobile, nil prater verita-
tem proferant, & summopere mendacium oderint.

Censeas igitur, MAGNE PRINCEPS,
hocce Volumine praclara Gracia, Italia, & Gallia in-
genia mutuo consensu Te salutatum ire: praerèque du-
cem Archimedem Regis Syracusanorum sanguine no-
bilem, qui nunquam satis laudatum Opus de Sphaera,
cylindròque Tibi offerat, ceteròsque Gracos Theodo-
sium, Apollonium, Pappum & alios comites habeat.
Commandinum, & Valerium Italos; Snellium, Ste-

uinum Batauos, Vietam Gallum, & alios, huius operis
decus & ornamentum, Prouinciam adire, eique congra-
tulari quòd Ludouicum Valesium Litteratorum Me-
cenatem Proregem habeat.

Anglia velut agrè ferens quòd illi Te veneraturi
praierint, binis Operibus, firmissimis exquisitissimisque
demonstrationibus euincit sibi locum ultimum inter
Primates illos minimè deberi; quapropter lucis candi-
dissima radijs armata Refractiones suas ad pedes tuos
procumbens deponit. Faxit Deus Opt. Max. ut quem-
admodum hac veritas solet à paralogismis Geometras
eruere, ita nos ab omnibus erroribus tam practicis,
quàm speculatiuis aeterna liberet Veritas, quam impen-
sè diligis, donec solutis enigmatibus qua nostra mentis
aciem perstringunt, illius plenâ luce perfundaris, illâ-
que verba Regia, Beati qui habitant in domo tua Do-
mine, in sæcula sæculorum laudabunt te, Memoriam abun-
dantiæ suauitatis tuæ exultabunt, & iustitiâ tuâ exultabunt,
raptus in eternam gloriam perpetuò contempleris.



PRÆFATIO

V T I L I S

I N S Y N O P S I M

M A T H E M A T I C A M.



NTE sequentium Tractatum lectionem primò notandum venit operæpretium esse, si quisquis utiliter hosce tractatus secum ruri circumferre velit ad refricandam omnium Mathematicæ partium memoriam, & ad citandas, reperiendasque veterum & recentiorum propositiones, margini, vel chartæ quibuscumque foliis impressis interiectæ diagrammata, quæ iudicabit necessaria propositionibus intelligendis, adhibeat: quod typis fieri non potuit absque maximis impensis: sufficiet autem illas figuras addere propositionibus quas absque figura non intellexeris.

Secundò cruces Euclidis, Archimedis, Theodosij & Sphæricorum quibusdam propositionibus adhibitæ significant illas esse præcipuas, magisque addiscendas. Sed cum cæterorum tractatum fecundiores propositiones debuissent etiam crucibus interdistingui, illas Typographi omisere: quas ex nostro codice quispiam in suum transferre poterit.

III. Geometricum studium seridè amplectentibus, ab Euclideanis elementis, quæ via regia vocantur, incipiendum; quæ vel sola sufficiunt ad ea faciliè capiendâ quæ de rebus Mathematicis Plato, Aristoteles, & alij Philosophi hucusque editi suis scriptis interseruere; imò & ad alios Geometras intelligendos qui sequuntur. Constat autem ex omnibus artibus, & scientiis, quantus & quam utilis, ac præclarus sit illorum vsus; de quo Blancanus, Betrinus, Proclus, & alij consulantur, si quæ diximus in Genesim, & de Harmonicis minimè sufficiant.

IV. Rami Geometriam Euclidi subiecimus ob summam illius breuitatem: quòdque termini, & ordo quibus utitur, nonnunquam

Euclideis propositionibus lucem afferat: sed & ipse in scholis Mathematicis habet de illarum usu non contemnenda, quæque lectione digna sunt.

V. Sequitur Archimedes, cui vix quispiam ausit se comparare si præsertim ea quæ tradit, vi solâ ingenij, absque Analyticæ artis, vel Speciosæ auxilio repererit & demonstrarit: quâ quidem arte iteti Geometræ credunt se omnia, & alia plura inuenire posse, quæ prodidit Syracusanus ille: quapropter Victæ debent plurimum, utpote Speciosæ inuentori, vel restauratori; quem etiam Diophantus iuuit.

Florentij Riualti versionem habes, quod non omnia Archimedis opera Commandinus verterit: cuius tamen versione in Euclidis elementis usus sum. Cum autem primo notando monuerim de schematibus addendis, ea saltem adhibeantur propositionibus quæ à litteris Capitalibus pendent, quales sunt ferè omnes de Quadratura parabolæ, & quæ secundum conicorum librum C. Mydorgij componunt. Vnico schemate Arenarium explicatum volui; idem in aliis facturis tractatibus, si pauca schemata sufficere potuissent: quod etiam factum est l. 4. Opticæ Prop. 59. in explicandis parallaxibus.

Archimedi verò succedunt nonnulla supplementa quæ viris doctis Snellio, Keplero, Lucæque Valerio debentur: quibus addi possint acutissimæ propositiones clarissimi Tauricelli; qualis est ea quæ nuper tantopere nobis placuit, qua demonstratur solidum hyperbolicum infinitæ longitudinis æquale cylindro finito; quod etiam Geometra nuper reperit in spatio ex curua per summitates omnium rectorum proportionalium, & rectâ, cui sunt illæ perpendiculares, composito: si tamen spatium dici potest, quod non vndequaquæ clauditur nisi forsan in infinitum: debent autem illæ perpendiculares spatiiis æqualibus distare: quas quidem propositiones breui publicas faciet. Omitto varia quæ nostri Geometræ circa grauitatis centra nuper inueniendæ, quæ præfatione in nostra mechanica phænomena protuli, & alia quæ ad trochoidem attinent, cuius spatium triplum est circuli lineam rectam motu suo circumferentiæ suæ æqualem super plano recto describentis: solidum autem ex trochoidis circa suam diametrum, vel suam axem conuersionibus genitum Geometra noster reperit esse ad suum cylindrum vt 5. ad 8. quem vrgere & precibus flectere debeas ad opus admirabile quod paratū habet de trochoide tam æquali, quàm producta, vel contracta edendum: varios omitto modos quadrandi parabolam à priori: quibus fortè breui quadratura

IN SYNOPSIS.

hyperboles & circuli; & inuentio rectæ lineæ parabolæ æqualis accedat.

VI. Sequuntur sphærica, de quibus agunt Theodosius, Menelaus & Maurolycus; quibus tamen Trigonometriam anteposuimus, quæ tam rectilinea, quam sphærica & mixtilinea triangu-
la metitur. Quibus iam addere possis aream ipsam triangulorum sphæricorum 3 maximis circulis constantium, quæ videlicet est ad maximum sphære circulum, vt differentia trium illius trianguli angulorum ad duos rectos angulos; verbi gratia, si differentia sit vnus rectus, area trianguli erit subdupla maximi circuli, vt Geometra noster demonstrauit.

Maurolyci verò sphærica sequuntur Autolycus de sphæra mobili: Theodosius de habitationibus, Euclidis phænomena, & Cosmographia Astronomica, cum habitationum collatione, quæ sphæricis coronidem imponit: quibus theoriam planetarum addere poterimus, vbi Samius Aristarchus de mundi systemate ad manus nostras peruenierit, vt huic volumini portatili nil omnino desit.

VII. Sequitur Apollonius, cuius libris quattuor alij 4 eiusdem materiæ Clarissimi viri Claudij Mydorgij de sectionibus Conicis subiunguntur, qui Pergæanos vterius promoueant; qui cum 4 posteriores, quos animo paratos habet, in lucem ediderit, non est quod 4 non extantes Apollonij perquiras, aut quidpiam Opticæ, Catoptricæ, vel Dioptricæ perfectioni accessurum desideres, vix enim quidpiam de reflexionibus, refractionibus, & Dioptrarum vsu legitimo, cæterisque ad visionem pertinentibus dici potest, quod non possis ab eo expectare; vt iam monueram paginâ 193 Hydraulicorum.

VIII. Contractam Pappi Collectionem leges postea, qui libro 7 multos tractatus à veteribus editos enumerat, qui partim temporis tractu perire, partim etiam extant, vel nuper à viris eruditissimis restituti sunt. Sunt autem data Euclidis, quæ Alcalmus hac ratione in compendium & tabellam redegit.

SYNOPSIS LIBRI DATORVM EVCLIDIS.

Magnitudi- ne.	}	Magnitudo in ge- nere.	}	Quibus æqua lia possumus exhibere.	}	2.3.4.7. Pro- pos. 52. 92.
		Area.				93.94. 95.
		Linea recta.				32. 55. 57.
		Angulus.				58. 59. 60. 84. 85. 86. 87. 88. 33. 39.
		Circulus, cuius quæ ex centro magnitudine da- tur.				
		Segmentum circuli, in quo angulus datus est & basis magnitudine.				
		Rectæ ad rectam 1.5.6.8.9.22.23. 24. 34.53.54. 56.68.69.76.77.81.94.				
æqualẽ pos- sumus exhi- bere.	}	Rectilinei ad Recti- lineam.	}	Similis 51. 50. Diffi- milis.	}	vtcumque Trianguli ad Triangulũ 41. 71 72. Quadrati ad Triangulũ 63. Rectilinei ad Triangulũ 64. 65. 66.67. Parallelogrã- mi ad paralle- logrãmũ 70.73
Specie re- ctilineũ cu- ius anguli dati sunt ad vnum & la- terum ratio- nes ad in- uicem data sunt autem.	}	Triangula	}	quæcumque Rectangula	}	34.40.41.42.43.44.45.46.47.80. 61.62. 78.
Positione dantur quæ eũdem sem- per locũ oc- cupant.	}	Punctum	}	Linea	}	25.27. 90.96. 28.29.30.31.35.36.37.38.
						Angulus.
positione & magnitudi- ne.	}	Circulus	}	cuius centrum positione datur, eaque quæ ex centro magnitudine.	}	
positione & magnitudi- ne.	}	Segmentum circuli	}	in quo angulus datus est ma- gnitudine, & basis positione & magnitudine.	}	
						Linea recta 26.91.

IN SYNOPSISIM.

Magnitudo magnitudine dato maior est quando ablato dato reliquum eidem æquum fuerit 12.

Magnitudo magnitudine dato maior est quam in ratione quando ablato dato reliquum ad idem rationem datam habuerit 10.11.13.14.15.16.17.18.19.20.21.

Quamquam propositiones 48, 49, 74, 75, 79, 82, 83 & 89, minimè cõplexus fuerit vt optimè vir eruditus, amicusq; charissimus animaduertit. Itaque data illa dedimus; deque Spatij Sectione, determinata Sectione, Tactionibus tam planis quàm sphæricis; locis planis, & inclinationibus protulimus ea quæ hætenus restituta sunt, ex quibus supersunt restituenda Euclidis Porismata. Quod enim ad locum ad tres, quatuorue lineas attinet, iam iam Geometra noster illum demonstrauit.

Cùm autem maxima pars propositionum Pappi schemata supponat, eas duntaxat attuli, quæ posse videntur absque figuris intelligi: quæ alia forsan editione dabuntur figuris ad libri marginem appositis.

Porrò qui Pappi textum Græcum videre voluerit, apud Dominum Lescuyer Senatorem eximium esse nouerit, cuius Bibliotheca nulli alteri cedit. Iuuabit autem hîc monere problema illud quod ad calcem Præfationis in Conica Cl. Mydorgij protuli, nunc vniuersaliùs à G. Desfargues doctis soluendum ita proponi.

Dato itaque solido, de quo ibidem; plani secantis illud in figura dati generis, cuius figuræ axes sunt in ratione data, positionem inuenire; vel cuius maxima diametrorum coniugarum inclinatio sit æqualis inclinationi datæ.

Quod vt soluat, mediantibus binis lineis per puncta quotlibet descriptis, plani positionem reperit solidum secantis in elliptica figura, à cuius centro recta ad solidi verticem ducta plano perpendicularis est. Hac enim elliptica mediante figurâ plani positio solidum in circulo secantis inuenietur: Hocque iuuante circulo, plani positio solidum secantis in figura dati generis suos axes habentis in ratione data reperietur; vel cuius axes coniugati maximæ inclinationis, datæ inclinationi æqualis est. Sed absque hisce mediis forsan eadem inuenientur ex data prima base prædicti solidi.

Sequitur verò illius generalissima propositio, quam soluat Geometra. Datis conie base & vertice, datæque intersectione plani baseos cum plano secante conum, & binorum istorum planorum inclinatione, inuenire, absque figuræ descriptione, plana conicas secantia diametros sub angulo dato generantia, tangentes, ordinatas,

P R A E F A T I O

parametros, cæterasque præcipuas figuræ lineas.

Superfunt aliquæ propositiones ad anguli solidi contemplationem attinentes, quas integro tractatu demonstrandas habet, quasque in antecessum accipe.

In angulo solido tribus rectis conterminato bina sunt ternaria, tres scilicet anguli qui solidum illum angulum inter se constituunt, & tres inclinationes planorum ipsorum angulorum. Vnde videntur quatuor oriri problemata, nempe,

1. Datis tribus angulis tres inclinationes inuenire.
2. Datis duobus angulis & vna inclinatione, reliquum angulum cum duabus aliis inclinationibus inuenire.
3. Dato vno angulo cum duabus inclinationibus, duos alios angulos & vnam inclinationem inuenire.
4. Datis tribus inclinationibus tres angulos inuenire.

Ex hac autem solidi contemplatione duo tantum exorientur problemata: hic autem modus est.

In quocunque angulo solido tribus rectis conterminato plana inclinationum illius ita sumi possunt vt ad inuicem alium angulum solidum tribus itidem rectis conterminatum constituent; cuius vertex intra primum contineatur, & in alterutro ipsorum angulorum solidorum quilibet angulus sit reciproce supplementum vnius inclinationum alterius.

Quibus demonstratis problema tertium ad secundum, quantumque quod difficilius videbatur, reducitur ad primum, estque facillimum.

IX. Sequuntur Mechanicorum Libri, quorum primo fusissimè de centro solidorum, deque aliis agitur, partèque secunda & tertia quæ Commandinus & Lucas Valerius ea de re docuerunt, referuntur. Quibus iam addi possent multa præclara, præter ea quæ notando 3 & 4 præfationis in mechanica phænomena diximus, quæ nouiter à nostris summis Geometris inuenta sunt. Quarta pars libri I mechanicæ agit de linea directionis, & cæteris ad grauitatis centrum attinentibus.

Liber secundus fusè de quinque potentiis; cuius prima pars de iis quæ vectem atque libram, & centri grauitatis inueniendi modum spectant: Secunda de ponderibus obliquis, iterumque de Vecte & Libra, reliquisue machinis ad illud principium reuocandis: deque nauigatione, & aliis quæstionibus Mechanicis ab Aristotele propositis. Tertia pars de circuli vtilitatibus, & mirabilibus in mechanicis. Quarta pars de Trochleis. Quinta de Scytalis, Ergatis, axe in

IN SYNOPSIS.

peritrochio, tollenone, pancratio, &c. Quæ omnia iuuabunt, iuuabunturque ex nostrorum Phænomenon Mechanicorum comparatione, vt iam præfationis puncto 2 in illa phænomena monui.

X. Iam superest Optica quæ 7 libris huic Synopsi colophonem imponit: quorum primus agit de luce, vmbra, coloribus, oculi fabrica, visione, communibus obiectis & aspectus fallaciis. Secundus de Catoptrica, vel speculis tam planis, quàm sphæricis, cylindricis, & conicis. Tertius de Dioptricis, & tubis Batauicis. Quartus de parallaxibus, seu diuerſitatibus aspectus. Quintus de arte Perspectiuæ. Sextus & septimus refractionis naturam variis demonstrationibus explicant, quorum septimus ex hypothesibus Physicis præclara concludit.

Iuuabit autem legiſſe Sanctori j obſervationem, qui pag. 312 in artem medicinalem Galeni, ait nigrum colorem fieri dum lumen in ſuperficiebus innumeris refrangitur, ſeu ex ſphæris diaphanis plenis illuminatis, quòd hæ tenebras & vmbraſ generent ex quibus nigredo; quòd ex lagena vitrea aqua plena lumen in culpidem projiciatur, vmbra verò in partes reliquaſ.

Album ait ſe producere ex 40 plus minus ſphæruſ vitreis vacuiſ & perforatiſ, quæ ſint nucleis ceraſorum magnitudine æqualeſ, in cyathum aquâ plenum miſſiſ, quæ ſimul vnitæ & vacuæ colorem album efficiunt: quæ cùm aquâ replentur, fit nigrum: ab aliis corporibus non ſphæriciſ viridem, puniceum & purpureum deducit. Alioſ medioſ coloreſ facit, pallidum inter album & ſlauum, quem dicere poſſiſ giluum, & *αἰπόριον*, qualis eſt albi vini antiquati: ſlauum *ξανθόν*, qualis eſt in ſlaua bile: ruſum, ſeu rutilum; qualis in arido croci flore: ſuluum, qualis eſt in orichalco, dorſoque vulpiſ, quem paulo obſcuriorem rauum, appellant: rubrum, phæniceum, vel puniceum, qualis in graniſ mali punici, & in ſuperiore iride: qui ſimiliter purpureuſ in labiſ, ſanguineuſ, chermefinuſ, oſtrum, &c. Glaucum, vel cæſium in oculiſ, cæruleum in coeliſ, lapide lazuli, ſaphyro, &c. Cætera penes autorem.

Quanto ſubtiliſ colorum naturam Vir illuſtriſ R. Carteſiuſ octauo de Iride diſcurſu explicariſ, quiſquiſ ibidem colorum ortum ex variſ ſphæruſarum motibuſ legeriſ, cum admiratione fatebitur. Ad quod breui ſperamus æceſſurum peculiarem de coloribuſ tractatum ſubtiliſſimi Philoſophi Honorati Fabri, de quo iam alibi, qui tot rationibuſ & obſervationibuſ probat coloreſ nil eſſe aliud præter lumen vario modo reflexum, aut refractum: album eſſe continuam radiorum ſeriem ab obiectiſ reflexorum, vel manantium, nigrum vel

P R Æ F A T I O

omnimodam radiorum absentiam, si fuerit perfectè nigrum, vel illorum paucitatem, & interruptionem ferè continuam; rubeum inter album & nigrum medium, alternam radiorum interruptionem, &c. ut eum nequeas animo discendi perlegere, quin eas libenter in illius sententiam.

Porro quam initio libri 7 Opticæ reperies hypothesim fusiùs, explicatam habes 24 Prop. Ballisticæ, quæ illi iuncta libro pauca superunt in ea materia quæ desideres: quanquam notandum illam solis tumescentiam non ita necessariam videri, quin aliquo corporis solaris motu trepidationis, cribrationis, &c. Phænomena lucida possint explicari: dummodo enim ita moueatur circumfusus aër, aut quoduis aliud corpus solem circumstans, ut lucem eodem modo percipere, sentireque videamur, nec quidpiam contra mechanicæ leges afferatur, quid vlteriùs cupias? nisi fortè nunquam tibi satisfieri dixeris, donec clarè innotescat non solùm quot modis fieri possit illuminatio, sed etiam quomodo reuera fiat: quod vix peregrinus sperare, potiùsque in patria expectare debeas.

Est tamen quòd plurimi faciamus viros summos qui pro viribus nituntur ex hypothesibus siue Democriti & aliorum veterum, siue propriis, omnia naturæ phænomena explicare, quos inter eminet Vir illustris, cuius Physicam indies expectamus; & Decanus Dinienfis, cuius Philosophia tam stili pulchritudine, quàm nouarum observationum multitudine, rationumque subtilitate philomusos in tantiviri raptura sit admirationem, vix ut vnus inperfit, qui deinceps atomos reijciat.

Quod attinet ad artem Perspectiuæ, non est quòd aliam desideres eà perfectiorem quam ab A. Bosse expectamus, qui cælaturis, & incisionibus suis, quibus varios de sectione lapidum, de horologiis, &c. tractatus à G. Desargues compositos tam admirabiliter exornauit, ut ars cælaturæ manum vltimam inuenisse videatur.

Adde Curiosam R. P. Nicéronis Perspectiuam, quàm edidit de Speculis cylindricis figuras incognitas, ob varias projectiones aperientibus; & de Diaphanis, ob diuersa plana triangularia, siue omphaloptra, ex certis distantia punctis obiecta dissita colligentibus (quæ collecta dissipant ex aliis punctis) deque aliis mirandis phænomenis, quibus propediem plura sit additurus.

XI. Quasdam verò huic Synopsi Mathematicæ partes deesse noui; verbi causâ Horologiographiam, vel Sciotericam, de qua fusè satis nuper prædictus A. Bosse: Theoriam Planetarum, de qua consulatur Epitome Kepleri, Blancani sphaera, & Aristarchus in syste-

matè, quem fortè breui faciemus iuris publici. Quid opus illud ingens eximij Astronomi I. Boullialdi, quod iam prælum exercet, recticam? quod facile superabit quidquid hactenus Astronomicum editum est, quòdque nihil aliunde supponet, vt qui volumen illud habuerit, omnia generis istius obtineat. Omitto etiam Analysim, seu Algebram, quam ex Vieta, nuperaque illustris V. Geometria, Diophanto adhibito repetas; nisi malis eam industriâ Geometræ D. Chauueau adornatam, & maiori claritate, facilitatèque donatam expectare.

Non commemoro quæcunque ad obsidiones, & defensiones attingunt, hoc est Architecturam militarem, quam plurimi cum Itali, & Germani, tum etiam Galli, vt eques à Villa, &c. prope colophonem perduxisse videntur, quòd hæc pars ad Ingeniosos pertineat, è quibus maximè cupiam virum laudatissimum Dominum de Mets pulcherrimum & limatissimum opus suum de Munitione, seu fortificatione in lucem edere, cui deinceps quidquam aliud addi minimè necessarium; & cui etiam exteri gratias habere debeant de incredibili hac in re diligentia.

Sed neque Arithmeticam interferui, cuius fundamental 5, 7, 8, & 9, Elementorum Euclidis habentur; vt Algebrae libro 10. quòd tantus extet Arithmeticarum numerus vt frustra multiplicetur: quum tamen si his in rebus vir incomparabilis D. Freniclus suis nouis repertis augere velit, omnium possit animos rapere in admirationem.

Non defunt autem egregij viri apprimè tam in Geometricis puris quàm mixtis versati, qui scientias istas maximè promoueant, quos inter Pellium Anglum, præter eos quos hoc Opere laudauimus, ad ea quæ parauit in lucem edenda virgere, iuuareque oporteat.

XII. Non solùm verò Geometras admiror qui vel ipsum Archimede breui fortè superaturi sint, verùm etiam alios, qui noua reperiunt, aut vetera multis accessionibus adornant; quos inter R. P. Petauius eminet, qui tribus Positiuæ Theologiæ voluminibus satis ostendit, post 4 aut quinque reliqua, quæ in dies expectamus, nullam deinceps aliam Theologiam desiderandam esse, siue rerum soliditatem, siue elegantiam, & expositionem quæsieris, vt iam rerum Theologicarum Ofores barbariem non possint ampliùs obijcere, & exprobrare.

Sed & admirandi viri, verèque Theodidacti, & Theotimi Marandei Theologicâ Paraphrasim in sancti Doctoris summâ mirâ eruditione,

P R Æ F A T I O

rarâque pietate illustrantem commemorare lubet, quâ nostram Galliam adornat, & idioma nostrum ad summam dignitatem hoc opere incomparabili euectum, atque sanctificatum perducit; Hispanosque, Germanos, Belgas, Batauos, Polonos, & alios totius orbis, Christiani præsertim, incolas beatos duxero, si opus adeo pulchrum, & vtile in idiomata sua transferri curent, vt æmulatione sanctâ provocati & incensi scientiâ beatorum perfruantur.

XIII. Verbi diuini præcones monitos velim, qui nouis exordiis suas conciones, aut alias partes inauditis, pulchris tamen & vtilibus tropologiis, & comparationibus, atque parallelis exornare voluerint, habere plurima tam hoc quàm præcedente volumine quæ possint ad mores traducere. Quid enim, verbi causâ, facilius quàm ex 29 lucis theorematibus, aut 30 vmbraë sequentibus, quæ leguntur Optices libro primo, multa cum ad fidem tum ad virtutes commendandas elicere?

Vixque propositionem vllâm ex ingenti numero theorematum, quibus Opticorum libri septem constant, possis intelligere, quæ peculiarem de moribus cogitationem non ingeneret, & exornandæ concioni seruiat.

Idemque de propositionibus Mechanicis dicendum, illis præsertim quæ i & 4 parte l. 1. & toto l. 2 continentur. Sunt enim secunda, tertiaque libri pars magis arduæ. Tertius liber facillimè transferretur ad pietatem ab omnibus, modo voluerint; cuius rei sexcenta proferrem exempla, si contrariæ Synopsis leges permitterent.

Adde quod cuique magè sapiant quæ proprio studio reperit, quòd ab alio suggesta, & edita fiant omnibus communia, vel à pluribus negligantur: vel si quis vtatur, timet ne forsan alius eadem in vsus suos conuerterit, ex quo postmodum hausisse, vel cum quo concurrisse dicatur. Solent enim homines eâ gloriæ cupiditate titillari vt quæ primi dixerint, abs se inuenta credant auditores, apud quos propterea maiori valeant auctoritate, vrpote ingenio præstantiores, vel pietate præcipui; quod gloriæ, famæque desiderium sola valet extinguere, vel sedare Dei charitas: quam diuini verbi præconita debet apud seipsum statuere, & ordinare, nil, vt Dei gloriam & auditorum salutem æternam quærere debeat.

XIV. Huic Præfationi finem impono vbi monuerim viros illos eruditos qui peculiâres ad nostræ fidei confirmationem rationes meditati sunt, & inuenerunt, magnam laudem consecuturos, maioremque carpturos utilitatem, si tractatus suos rationibus adeo solidis fulciant, vt impij veritati cedere cogantur. Quapropter ob-

IN SYNOPSISIM.

secrandi sunt R. P. Dinetus, qui breui, sed neruoso tractatu Dei existentiam, & animorum nostrorum immortalitatem probat: Montarsius subtilissimus, qui ex primis naturæ, vel scientiarum principiis idem aggressus est, & R. P. I. Lacombeus noster, qui Philosophiam & Theologiam nouam adeo foeliciter condidisse mihi videtur, ex idearum diuinarum contemplatione, & variis participationis gradibus, quibus ad Deum creaturæ referuntur, vt qui systema illius Theologico-Philosophicum perfectè hauserint, nil illis superfit quàm vt in profundissimam ecclasiā rapti cum beatis æternum Deo canant, *Memoriam abundantia suauitatis tue eructabunt, & iustitiā tuā exultabunt*: Obsecrandi sunt, inquam, illi viri præstantissimi, vel si qui præterea, ne suos illos tractatus, si fieri commodè potest, diutiùs luci denegent, tantòsque thesauros diu nimis recon-
dant.

ERRATA TYPORVM EMENDANDA.

Paginà 58. l. 14. quintupartiente. p. 86. l. 27. homogenea. p. 87. l. 28. solidus, p. 113. l. 1. SERENI. p. 365. l. 9. COLLECTIO. p. 583. in figura sinistra pro i scribe k. & dele g & h, & pro o inuerso scribe S. p. 588. in figura adde Bin centro. p. 589. in figura. pro D scribe B, & in angulis inferioris acumine addatur D.

Omitto reliquos errores quos Lector facillè poterit emendare, vt in superioribus marginibus Collectionis Pappi, semper apponi debuit Pappi Collectiones.

Deinde aliquando in numeris paginarum aberratum, vt post 71 & 72, iterum repetitur 71 & 72.

Cæterùm Index qui folium illud sequitur, instar erit Dictionarij Mathematici, quo ferè omnes termini vulgo non ita notè explicabuntur.



INDEX LIBRORVM HOC VOLVMINE

COMPREHENSORVM.

- I. **E**uclidis Elementorum Libri XV, cum 3 Candallæ, à prima pagina ad 64.
- II. Rami Geometriæ Libri XXVII. à pag. 65. ad 91.
- III. Archimedis opera, seu de sphaera & cylindro, Libri duo, à pag. 92. ad 109. De dimensione circuli à 109. ad 110. De Conoidibus, & Sphaeroidibus, à pag. 110 ad 124. De Quadratura parabolæ, à pag. 124. ad 130. De Spiralibus, à 130 ad 134. De Centrobaricis Libri duo, à pag. 142. ad 148. De insidentibus humido, à 149 ad 114. Arenarius à 154 ad 165.
- IV. Supplementum Archimedis, cuius Cyclometricus Snellij, à pag. 165 ad 169. Stereometria Kepleri, à 169 ad 177. Lucæ falsum simplex quadrans parabolam, à 177 ad 178.
- V. Theodosij sphaericorum Libri tres, à pag. 119 ad 205. Menelai sphaericorum libri tres, à 205 ad 230. Maurolyci tres, à 205. ad 243. Antolycus de sphaera, à pag. 243 ad 246. Hinc Theodosius de Habitationibus ad 249 : hincque Euclidis phaenomena ad vsque 255. Cosmographia vsque ad 272.
- Apollonij, libri 4 de sectionibus Conicis, à 276 ad 312.
- Sereni libri duo de sectione cylindri, à 313 ad 328.
- C. Mydorgij libri 4 de sectionibus conicis, à 332 ad 365.
- Pappi Collectionum octo libri abbreviati, à 365 ad 393 : Vbi habentur data Euclidis, Vietæ Sectiones angulares, & alij plurimi Tractatus restituti.
- Mechanicorum libri duo, à 395 ad 472. vbi Commandinus & Lucas Valerius de centro grauitatis solidorum. De linea directionis, & de quinque Potentijs, seu viribus Mechanicis.
- Opticorum libri septem, à 471 & deinceps; vbi Catoptrica, Dioptrica, Parallaxes. & refractiones explicantur.



DICTIONARIUM MATHEMATICVM.

Hoc est Syllabus omnium vocabulorum , & rerum
præcipuarum quæ isto secundo volumine
continentur.

A

A Ben Nedin Arabs,	275	Analogiæ decem ,	365
Actionis definitio,	567	Analogismus visionis refractæ,	149
Adscriptio circuli,	80	Analysis Vietæ,	330
Adscriptio trianguli 80, & triangulati, 81		Analytici libri 31 numeri	372
Adumbrandum & umbra,	543	Angularium sectionum doctrina 389, vs-	
Æqualium & inæqualium comparatio-		que ad 392	
nes,	3	Anguli homogenei, cruribus congrui,	66
Æquatoris officia,	261	Anguli in centro , & in peripheria,	79
Æquilibrium & æquilibrantium leges,		Anguli mensura,	181
439		Anguli sinus, 231. proportionales	232
Æquilibrium super planis obliquis,	445	Anguli solidi contemplatio problematica,	
Æquinoctialis quid , 249 , 259 , 260,		præf. punct. viii.	
& 261		Anguli spheræales comparati ,	205
Æquinoctialis incolæ,	246, & 247	Angulorum valor,	142
Æquinoctialis gradus 20 leucarum, 260		Angulorum leges,	66
Æquiponderantium proprietates à 142		Angulorum in plano passionés,	68
ad 148		Angulorum æqualitas in sphericis,	211
Æquipondii proportio	453	Angulorum diuisiones & proprietates,	182
Aër densior æthere,	529	Angulus in portione,	8
Agens & patiens, quid	567	Angulus solidus,	41
Albus, niger, viridis, rubeus, cæruleus,		Angulus contactus,	78
486		Angulus in sectione,	79
Almicantarath, vel circuli progressio-		Angulus in semicirculo,	80
num,	266	Angulus planus.	1, & 66
Altitudo figuræ,	18	Angulus inclinationis,	190
Amphiscii, & Amphiumbræ, 261, & 271		Angulus obtusus & acutus,	1, & 67
Anæclasticæ elementa,	589	Angulus spheræalis, quis, 204. triplex.	
Analogia,	14	Angulus refractus, & refractionis 515, in-	
Analogia ordinata perturbata,	14	cidentiæ,	514
		Angulus maior inclinationis habet maio-	
		rem angulum refractum,	585

DICTIONARIUM

Angulus refractionis radii ingredientis, 290, & 341	Asymptoti proprietates, 291, & deinceps.
est æqualis refractioni radii exeuntis, 580	
Annulare corpus, 171	Asteriscus Pancratii, 471
Annulus sectionis circularis, 172	Astra quæ oriuntur, quæ non 250, & deinceps.
Ansa est pendula diameter, 442	Astronomia Boullialdi, præf. puncto xi.
Antenna causa motus navis, 451	Astronomicus locus, 37
Antitycho Scipionis, 519	Astronomicus dies, 265. horizon, ibid.
Antichthones, vel Antipodes, 270	Astronomicus horizon, seu verus, 265
Antoeci, & illorum in sphaera oppositiones, ibid.	Attalus, 274. & 305
Apollonii liber 5, 6, & 7, apud Golium 274	Auroræ colores, 529
Apollonius Gallus, 383	Autolycus de sphaera mobili, 243. & deinceps.
Apollonius Arabs, 174, eius propositiones.	Axes coniugati, 278
Apotomæ sex definitæ, 38, & illarum passionēs, 39	Axes optici, vbi, 491
Apotomarum passionēs, 37	Axiomata, vel communes notiones, 3
Apotomen sequentes lineæ tredecim, 40	Axiomata 4 magnitudinum, 31
Apum industria, 368	Axiomata sex pro solutione triangulorum rectilineorum, 186
Aquæ plus continetur in vase ad pedem, quam in vertice montis, 399	Axiomata 4 pro triang. sphaeric. solutione, 186
Aqueus humor & alii, 487	Axis coni & cylindri, 42
Archimedis dictum audax, 395	Axis solidi, 85
Architectura militaris, præfat. puncto x.	Axis extrema, poli, 189
Arcus minores semicirculo, 215	Axis, & basis cylindri.
Arcus cum basi contermini, 217	Axis sectionis coni, 333. vertex.
Arcus circulorum sphaeralium comparati 206, & deinceps.	Axis prismatis, cylindri, pyramidis, 400
Arcus motus veri, & visi, 531	Axis in peritrochio leges, 468
Area triangulorum sphaericorum comparata maximo sphaeræ circulo, præfat. puncto vi.	Axis communis immutabilis, 491
	Axis opticus qualis, 488
	B
Arenarum numerus in toto mundo in arenam conuerso, 164	B aculus digito sustentatus, 455
Arenæ granum quantum, 159	Baldi opinio de antenna, 451
Aries, primum signum, 263	Basis trianguli potentia, 75
Aristarchus Samius 154, eius systema cœlestē, 154	Basis, altitudo, vertex sectionum, 129
Arithmetica medietas, 366	Bilancis, seu trutinæ vsus, 127
Artes Sculptoriæ, Architecturæ partes, 541	Binomium, seu bina nomina, 34
	Bononiæ Garisenda, 436
Ars Manganorum, 392	Buccofitas in dollis, 177
Ascensio recta vera, visa, 531	C
Aspectus fallaciæ, 495	C alefieri quid, 567
	Cathetus incidentiæ, & reflexionis, 561

MATHEMATICVM.

Canceri & Capricorni tropicus,	266	Chordæ comparantur arcibus,	240
Canouis triangulorum constructio,	186	Chordæ tres pro velis,	451
Cauæ superficies,	93	Choroides & sclerodes,	488
Celonij, seu tollenonis descriptio,	469	Christallinum esse lentem,	522
Centra grauitatum, 143. & deinceps.		Circuli diuisio in 360 partes,	259
Centra grauitatis sphæroidis, 426. 2. parabolarum,	427	Circuli maiores sphæaræ, & illorum proprietates,	192
Centra diuersarum magnitudinum,	417	Circuli maioris motus densitati, minoris raritati comparatur,	460
Centri grauitatis definitio,	393. & 396	Circuli passionēs,	10, & 11
Centrobarica solidorum,	444	Circuli dimensio,	83
Centrum,	1. & 67	Circulus maioris sphæaræ officia, 244. & deinceps.	
Centrum semiparabolæ,	178	Circuli, & periphæriæ variæ comparationes.	167
Centrum grauitatis,	ibid.	Circuli multæ proprietates,	134
Centrum grauitatis 2. pyramidum, 410. & 416		Circuli diuisio in 360 gradus,	182
Centrum grauitatis cuiuslibet portionis parabolæ,	148	Circuli segmenta,	79
Centrum grauitatis frusti pyramidis, 411. conij 412. cylindri.		Circuli area ad diametri quadratum, vt 11. ad 14.	169
Centrum sectionis, quid,	282	Circuli vtilitates in mechanicis,	456
Centrum sectionis conij,	335	Circuli centrum,	9
Centrum terræ 2. modis reperitur,	399	Circuli progressionum,	266
Centrum omnis figuræ rectilineæ, ellipsis, prismatis, cylindri,	401	Circuli declinationum,	265
Centrum portionis sphæaræ, & sphæroidis,	402	Circuli polus,	190
Centrum terræ leucis 1145 distans,	398	Circuli æquidistantes in sphæra,	202
Centrum magnitudinis,	397	Circuli adscriptio,	80
Centrum figuræ 397. vniuersi.		Circuli multæ figuræ inscriptæ, & earum mensura,	167
Centrum polyedri,	406	Circulorum in sphæra contactus, & occurfus,	201
Centrum grauitatis trianguli, parallelogrammi,	409	Circulorum maiorum contactus, & aliæ proprietates,	202, &c.
Centrum grauitatis trapezii, 410. polygoni.		Circulorum inscriptiones, & circumscriptiōes,	13
Centrum hemisphærici,	418. & 429	Circulorum in sphæra inclinationes,	201
Centrum portionis sphæaræ, vbi,	418. & deinceps.	Circulorum sectio in sphæra,	202
Centrum sectionis,	314	Circulorum comparatio,	46
Centrum grauitatis cuiuscunque corporis, quomodo reperitur,	443	Circulorum & sphærarum comparationes, & mensura,	125
Centrum grauitatis nunquam ascendit,	436	Circulus minimus maximo equalis,	459.
Centrum portionis conoidis,	404	quare motum æqualem describat.	
Cerebri in videndo reactio,	369	Circulus infinitis angulis constans,	457
Charistii & Pancratij miranda vis,	471	Circulus sectio,	315
Chordæ arcus,	223	Circulus sphæaræ quis maior,	191
		Circulus comparatur triangulo, & qua-	

DICTIONARIUM.

drato,	109	Compositus numerus 21, & 25	
Circulus cui triangulo æqualis,	167	Concauarum & conuexarum lentium	
Circulus seu figura rotunda, i. & 68. & 77		vsus,	326
Circulus comparatus coni & cylindri superficiei,	97	Concentricus orbis solis quid,	369
Circumferentia ex sectione coni nata,		Conchois lineæ,	104
334		Conoishyperbolica,	118
Circumferentia plusquam diametri tripla	157	Concionatorum tropologiæ, præf. puncto XIII.	
Circumferentiæ similes,	9	Concursus, & lineæ concurrentes,	543
Circumferentiæ diametris comparatæ,	469	Coni scaleni sectio per axem, 322. & deinceps.	
Circumferentiæ circulorum vt diametri,	394	Coni rectanguli sectiones, 12, & deinceps.	
Circumferentiæ ratio ad diametrum, 110		Coni & cylindri axis, & bases,	42
Circumscriptio & inscriptio figurarum circulo,	13	Coni acutianguli sectio,	115
Cissoïdis ope ducans medias inuenire,	104	Coni recti, qui, 277. scaleni, & 333	
Citrii corpus quantum,	171	Coni variæ sectiones,	172
Climata tribus parallelis inclusa,	267	Coni similes sectiones,	350, & 360
Climatum nomina, & loca,	267	Coni eadem sectiones,	350
Climatum latitudines, & poli eleuatio, ib.		Coni similes, qui, 350. dissimiles.	
Climatum numerus & magnitudo,	268	Coni sectionis superpositio alteri coni sectioni, quid,	350
Cochlea vestis continuatus,	469	Coni & cylindri geodæsia,	117
Cochlea infinita, quid,	470	Coni rectanguli portio,	110
Colloppum maiorum effectus,	467	Coni isoscelis superficies circulo comparata,	97
Color quid,	485	Coni inter se comparati,	98
Color albus & niger quomodo fiant, præf. puncto X.		Coni per axem sectiones,	279, & 333
Color gilvus, rarus, &c. & quinam, præf. puncto X.		Coni generatio,	279
Colores auroræ,	529	Coni definitio, vertex, basis, axis,	332
Colores prismatis & iridis vnde,	589	Conica lineæ,	333
Colores ad 3 reuocati,	486	Conica superficies, quæ, 277, vertex ipse & axis.	
Colores idem ac lumen, & quot radiis quisque color fiat, præf. puncto X.		Conicæ superficiei definitio 332. vertex axis.	
Columnarum centra grauitatis, 442. pondera,	443	Conicarum sectionum circumstantiæ,	173
Colorum officia,	264	Conicorum 8 libri Mydorgii, & eorum breuiarium,	329
Commandini liber de centro solidorum à 400 ad 405		Conicum,	84
Commenfurabiles magnitudines,	30	Coniugationum trunci quanti,	176
Communes notiones quatuor,	31	Conoides parabolicum comparatum cylindro,	415
Comparatio triangulorum,	71	Conoidis segmentum, & portio,	121
Complementum,	73	Conoidis rectangulæ in aquam immersio,	151. & deinceps.
Compositio rationis,	14		

M A T H E M A T I C V M.

Conoidis parabolici centrum 421. item
hyperbolici.
Conois amblygonia, 111
Conoides rectangulum 111. axis, ver-
tex.
Conoideon, & sphæroideon sectiones,
122
Conon, 92, & 104, & 124, & 130. & 308
Conorum mensuræ & comparatio, 46
Conorum passionēs, 321
Conorum æquealorum proportio, 327
Contactus punctum quid, 78
Contactus parabolarum, & aliarum se-
ctionum, 310
Continuum, 65
Conuersio rationis, 14
Conuexarum superficialium mensuræ,
170
Conus sectus plano per verticem, 324, &
deinceps.
Conus æqualis segmento sphæræ, 170
Conus æqualis sphæræ, ibid.
Conus & eius proprietates, 90, & 42
Corneæ tunicæ diameter, 488
Corporum regularium eidem sphæræ in-
scriptorum comparatio, 53
Corpus oliuæ, pruni, citrii quantum, 172
Corpus quid, 84
Corollarium vtilissimum pro refractio-
ne, 587
Cratista, 365
Crepusculum cum sol 18 gradus sub ho-
rizonte, 262
Cubi comparatio cum aliis cubis, 414
Cubus an figura stabilissima, 458
Cubus, pyramis, octaedrum, &c. com-
parantur, 56, & 58
Cubus numerus 22, & 26, & 27
Cubus circumscriptus sphæræ ad sphæ-
ram vt 21 ad 11. 170
Cubus 87. eius proprietates, 42
Cunei valida impressio, 468
Cunei naturam sequuntur enses, limæ.
467
Cuneorum duæ species, 469
Cuneus rectus multiplicatus, ibid.

Cuneus linearis, & superficialis, ibid.
Curuæ diameter & vertex, 314
Cyclometricus Villebrordi, 165
Cylinder collatus cum hemisphæroidibus
425, & deinceps.
Cylinder & trunci coniungati, 174
Cylinder subcontrarius, 175
Cylinder æqualistrunco, ibid.
Cylindræum, 84
Cylindræ superficiæ generatio, 314
Cylindri frustra, 114
Cylindri inter se comparati, 98
Cylindri recti & scaleni, 314
Cylindri sectio, ellipsis 318. & deinceps.
Cylindri sectio per axem quid generet, 316
Cylindri superficies comparata circulo, 97
Cylindri definitio, basis & circuli, 314
Cylindricorum frustorum varie sectionum
centra, 428
Cylindricum speculum, 506
Cylindrorum mensura & comparatio, 46
Cylindrorum mensuræ & sectiones, 174
Cylindrus sphæræ comparatus, 101
Cylindrus & conus eadem ellipfi secti, 317
Cylindrus sphæræ sesquialter quis, 369
Cylindrus quis capacissimus, 174
Cylindrus & eius dimensiones, 90. & 42
Cyrus, 313. & 320

D

D'Apodogrammaphe quid, 545
Dari specie, petitione, positione, ma-
gnitudine, 373
Data Euclidis à 376 ad 381. vide pun-
ctum 8. præfationis.
Data Euclidis in tabellam contracta:
præf. puncto VIII.
Data magnitudine, 373
Data Euclidis referuntur, ibid.
Data magnitudines multifariam expo-
sita à 374 ad 381
Datum hypothesis ordinatum, perimon,
poriston, effabile cognitum 373. quid
sint.
Decangulum, 82

DICTIONARIUM

E Cliptica syderum locus	263
Eclipticæ officia	ibid.
Ellipses similes	314
Ellipsis & parabolæ area quanta	170
Ellipsis generatio & definitio	334
Elliptica specula	513
Eratosthenis mesolabium	365
Euclidis phænomena	249
Eudemus 274. & 276. Pergamus	305
Eudoxi inuenta	92
Eudoxus quid in Geometria reperit.	ibid.
Eudoxus facit solem lunæ noncuplum	
E utocii ratio improbata	330
Exostædron	59. vsque ad 63

F igura quid	1 & 67
Figura rectilinea	12
Figura prima, rationalis, isoperimetra	67
Figura explicans refractiones	539
Figura explicans systema Aristarchi	157
Figurarum leges	67
Figuratus parallelepipedum	87
Figurae similes	18, reciprocae
Figurae solidae inscriptiones	43
Figurae reciprocae	67
Figurae altitudo quae	67
Figurae proprietates	67, & deinceps
Figurae similes	67, & 68
Figurae complentes locum	68
Figurae in sphaera inscriptae	99
Figurae circa sphaeram circumscriptae	100
Figurae solidae sub conicis superficiebus	102
Figurae solidae in sphaera portione	102
Figurae conscriptae circa spirales	139
Figurae hyperbolarum & ellipsium	335
Figurae locum replentes	368
Finis contingentiae	505
Firmamenti ambitus quantus	558
Firmamentum, speculum	509
Flumina varia referuntur	272
Foci speculorum lucem cylindricam proicientes,	508
Focorum vires & proportiones	509
Forcipum helices habentium vis	470
Frusti conoidis parab. & hyperb. centrum	421
Frusti pyramidis mensurae,	423
Frustum coni, eius mensura	424
Frustorum pyramidis & coni centra,	416
Frustum solidum, quid Archimedi	93
Frustum cylindri & coni cylindro & cono comparatum	121
Frustum pyramidis, coni conoidis	400
Fulcimentum duplex statuae	452
Fundamentum Trigonometriae	183
Fusa hyperbolica reliquis corporibus comparata,	173

G elon rex,	154, & 164, & 165
Gellibrandi trigonometria	255
Geodasia rectorum	71 & 72
Geometria quid	65
Geometrica medietas	366
Germanica milliarum quot in ambitu terrae,	260
Gethaldi opus	388
Gibbum	83
Gnomo	73
Gravitantium super planis obliquis leges,	445 & deinceps.
Gravitas corporum maior unde	399
Gravitates corporum simul comparatae	438 & deinceps.
Gravitatis descriptio	396
Gravitatis proprietates	398
Gravitatis diameter	442
Gravitaris centra.	143

H abitationes terrae Theodosii	246
Harmonica medietas	306.
Harmoniae contraria	
Hedrae pyramidis	85, prismatis 86
Helicis cochleae	470
Helicis prima & secunda revolutio	132
Helix	66
Hemisphaerii comparatio cum cono & cylindro,	404
Hemisphaeroideon centra gravitatis,	429
& deinceps	
Hemisphaeroideon mensurae.	424 & deinceps
Hercules Geometra	131
Hermodorus Pappi filius	392
Hexaedrum prisma	86
Hexagoni faui	368
Hominis caput pedibus quanto celerius moueatur	398
Homo quomodo stare possit,	435

Homologæ magnitudines	14	Inclinationes restitutæ	388
Horizon quid	249	Index & transuersarium	71
Horizon astronomicus & sensibilis	265.	infinita quattuor	457
quantus.		Infinitum spatium planum æquale finito, præfationis puncto V.	
Horizontis officia	266	Inscriptæ lineæ	77
Horopter, vbi	492	Inscriptæ corporum regularium reciproca	53
Horopteris planum	490	Instrumentum ad solis magnitudinem capiendam,	156
Humeri difficultas in oneribus ferendis	455	Instrumentum idem catoptricum & dioptricum	518
Humidorum proprietates	144	Irrationales magnitudines	30
Hyperbolarum & Ellipsium vmbilici	335	Iris felium	487
Hyperbolæ cum aliis lineis comparatio	432	Isoceles	2
Hyperboles generatio 281. definitio	334	Isoperimetrarum quæ maxima	369
Hyperbolica fusa, & parabolica.	173		
Hyperbolici conoidis cum aliis corporibus comparation.	432 & 433		
Hyperbolicum solidum infinitum finito cylindro æquale, præfationis puncto V.			
Hypotheses Archimedis	93		
Hypotheses physicæ luminis & visionis	567		


I

I chnographia, quid	543	L acombei Theologia qualis, præf. puucto XIV.	
Icosaëdron	88. & 43	Laconica scyrala	467
Icosidodecaëdron 59. eius cum cubo, & aliis corporibus comparatio	61	Latera pyramidis, cubi, & icosaëdri comparata	55
Ignis per lumen transfusus	510	Latitudinum circuli, qui,	263
Imaginis locus	501	Latitudo cœlestis vnde sumpta,	ibid.
Imaginis visio, locus	475	Latitudo in meridiano	264. & 265
Imaginis locus in speculis, vbi	503	Lemma habens 18 modos	24
Imaginis per lentem conuexam erectæ proprietas	523	Lentes cauæ, & conuexæ, quomodo ad visionem concurrant, à 510 ad 524.	
Imago refracta, & eius locus	515	Lentis concauæ, & conuexæ effectus	527
Imago in medio ratiore & densiore	516	& deinceps.	
Incidentia diametæ, centrum,	550	Lentium conuexarum in repræsentando proprietates	523
Incidentia linea, punctum 500. cathetus, angulus	501	Leuca Gallica, 2500. sexpedarum.	259
Inclinatio conoidis in humido natantis, quando	152	Leuitatis descriptio	396
Inclinatio superficiæ super superficiem,	590.	Leuitatis centrum	197
Inclinatio quid	190 & eius angulus	Librarum fraudes,	448
		Librarum tria genera, quod nam melius,	449
		Libræ ibrachia ponderibus proportionalia	439
		Libræ maiores cur exactiores,	448
		Libræ diuersæ, & earum leges	441
		Libræ centrum, quomodo inueniendum	ibidem

Libri octo Pappi quid contineant à 365.	Linearum multæ comparationes	135
ad 394	Linearum sectarum, & tangentium	135
Librile cò celerius mouetur quo magis	riæ proportionales	422
ab agina distat	Lineas proportionales inuenire	19
Ligna gestata ad vestem reducta, 454	Loci plani, solidi, lineares, &c.	385
Linea extrema & media ratione secta,	Loci ad medietates Eratosthenis	385
eiusque proprietates 47, & 48.	Locus resolutus	371
& 50	Locus imaginis triplex	507
Linea & linearum 1, & 65, & 66	Locus imaginis in speculis sphericis,	505
Linea recta	Logarithmi, Neperi & Briggsii	255
Linea caua quid	Londini longitudo, & latitudo	270
Linea iuxta quam	Longitudo cœlestis, vnde numeretur,	263
Linea circum tangens	Longitudo Lutetiæ, & latitudo	264
Linea spiralem tangens	Longitudo terræ vnde sumatur	260
Linea recta proximè æqualis circumferentia	Lucæ Valerii libri de centro grauitatis, à 405 ad 433	
Linea ex centro sectionis	Lucidi diastole & systole,	568
Linea à tactu ad vmbilicum	Lucidi actio in oculum	ibid.
Linea mirabilis Menelai	Lucidum segmentum	481
Linea directionis	Lucidum ab omnibus visum	567
Linea directionis ad standum necessaria	Lucis & luminis proprietates 478, & deinceps.	
399	Lumen est motus	569
Linea directionis, 433. causa stationis	Luminis figura	479
434	Luminis natura & generatio 568, & deinceps,	
Linea directionis transit per centrum grauitatis,	Luminosæ sphaeræ passionēs 480, & deinceps.	
Linea nutus, 458. & renixus.	Lutetiæ polus fere 49 gradus altus	261
Linea incidentiæ, & reflexionis,	Lux prima, minima	477
Linea loci veri, visi	Lux condensata, & rarefacta	ibid.
Linea terræ, horizontalis		
Linea imaginaria		
Linea interradiosa, 551, & 555		
Linea lucis, quid		
Linea Mathematica, quis radius		
Lineæ 4 proportionales		
Lineæ circuli		
Lineæ in solido		
Lineæ spiralis descriptio		
Lineæ ellipticæ mensura		
Lineæ rectæ transitus per sphaeræ polos,		
119, & deinceps.		
Lineæ refractæ in perspicillis,		
Linearum rectarum & planorum comparationes à 43 ad 45		
Linearum in plano proprietates		
Linearum proportionalium proprietates,		

M

Magnitudo quid	65
Magnitudo speculorum sphericorum, cylindricorum, &c.	505
Magnitudine quamnam data 373, & positione,	374
Magnitudines incommensurabiles	30
Magnitudines quomodo maiores sint & minores	570
Magnitudines plurifariam comparatæ 15, & deinceps.	
Magnitudines proportionales	13
Magnitudines congruæ, assymmetræ,	



D I C T I O N A R I U M

adscriptæ	65	puncto X.	
Magnitudines apparentes, & veræ	495	Motus quomodo motum generet,	567
Magnitudines 2, 3, & octo simul comparatæ,	413	Motus quando vocandum sit lumen,	569
Magnitudinum commens. & incommensurabilium passionēs & comparationēs, à 31 ad 40		Multangulum ordinatum	83
Mali partes	451	Multiplex quid	21
Marandei Theologia Gallica laudata, præf. puncto XII.		Munitio, seu fortificatio D. de Mets, præf. puncto XI.	
Mathematicæ propositiones mirabiles,	395	Musculi vectibus comparati,	449
Mathematicæ partes totâ Præfatione explicatæ.		Myrias myriadum	159
Mechanicæ Artis definitio	395	N	
Mechanicæ potentia	471	Nadir	204
Mechanicæ principium ex circulo,	457	Nautis temo ad vectem reductus,	450, eius vires.
Mechanicum problema difficile	448	Nicomedis Conchois	367
Media, quid	33	Nicoteles,	306
Media maior	34	Niger color quomodo fiat, præf. puncto X.	
Media commensurabilis	33	Nix hexagona 369. vide Meteora D. Cartesii.	
Media apotome prima	37	Notiones communes tredecim	22
Medietas triplex	365	Notiones communes, siue axiomata	3
Medium rarius, quid 567. densius.		Nouem Archimedis hypothefes	94
Medium vniforme, quid	571	Nomen minus & maius	38
Menechmi methodus duarum mediarum	105	Nouem visibilia in duo restricta	486
Menelaus, seu Mileus Geometra,	204	Nouemdecim Apollonii definitiones	277
Meridiani diuersæ inuentiones	265	Nox instans est	248
Meridiani eiusdem incolæ	247	Nucifrangibulum vecti obligatum	454
Meridianus quid, 249. eius officia	264	Numerandi modus in infinitum 159, & deinceps.	
Meridianus primus vbi incipiat	ibid.	Numeri ab Archimede ordinati	159
Milliare Helueticum & Germanicum,	260	Numerorum passionēs à 22 ad 30	
Minimi numeri	246 & 25, & 29	Numerus	21
Mirabilia 5 circuli explicata, impugnatæ	456	Numerus par, impar, pariter par, impariter impar, primus compositus, quadratus, cubus proportionalis, similis planus & solidus, perfectus, 21, & 22	
Mons non est valle, vel plano capacior	398	O	
Montarsii subtilitas, præf. puncto XIV.		Oblongum & eius passionēs	75
Montè regio, & Purbachius	205, & 230	Observationes faciendæ	271
Motuum vires quantæ	447	Obtusangulum & obliquangulû 2, & 72	
Motus duorum punctorum helicis patens	133		
Motus sextuplex rotundorum	460		
Motus varij lumen explicantes, præf.			

MATHEMATICVM.

Oſtaëdram	88. & 42	Parabolæ vmbilicus	333
Oſto librorum conicorum Apollonii ſynopſis	276	Parabolæ generatio	336
Oſto libri Pappi, à 365. ad 394		Parabolæ, ellipſis & hyperbolæ proprietates, à 283 ad 312	
Oculi 3 humores, 7 tunicæ	487	Parabolici, & hyperb. conoidis centrum	431
Oculi nerui ſeptem & eorum officia, ibid.		Parabolicis comburentibus lentes comparantur	523
Oculi acies	489	Parabolicorum ſpeculorum proprietates	511. & deinceps.
Oculus Perſpectiuæ, quid	543	Parabolicum ſpatium quadratum,	130
Oculus presbytro, & myopis quomodo videat	523	Parabolicus annulus vrens	513
Oculus vbi non appareat	507	Parallaxes rerum viſarum reperta,	532
Oculus in centro ſpeculi ſe ſolum videt ibidem.		Parallaxes deprimunt, refractiones eleuant	529
Oculus quomodo profunditate circum-lum, rei locum, ſitum, continuum, motum, velocitatem, tarditatem, tranſparentiam, & alia obiecta cognoscat, 494. & deinceps. 20		Parallaxium doctrina	530
Opterocathetus, & opterometros	543	Parallaxium verticalium, & latitudinis differentia	531
Optica pyramis 490. eius axis.		Parallaxi vna data reperire aliam	534
Optici nerui, vbi. 491. illorum motus.		Parallaxis verticalis, declinationis, aſcenſionis, diſtantiæ motus	531
Ordinata	333	Parallelæ linæ	28 & 66
Ordinata ad diametrum applicatæ proprietates	337	Parallelepipedum	409
Ortographia	543	Parallelepipedum	87 & 43
		Paralleli circuli	267
		Paralleli cuiusdem incolæ	147
		Parallelogrammorum proprietates	20
		Parallelogrammorum paſſiones	5
		Parallelogrammum & eius proprietates	72 & 74. & 6
		Parallelogrammum qualis ſectio	314
		Parallelorum magnitudo 270. Lu-tetia.	
		Parameter contigua	335
		Parameter conſectionis	333
		Parameter, ſeu rectum latus	330
		Parium & imparium numerorum proprietates	29
		Pars quid	13
		Pars, & partes	21
		Paſſio, quid	167
		Pauimentum, quid	543
		Pedem facere quid Ariſtoreli	431
		Pendulorum leges	442

P

PAncratii ope terram tollere	471
Papaueris granum quantum Archi-medi	159
Pappi collectiones	365
Pappi error in mechanicis	393
Pappi. liber ſeptimus quid contineat	392
Par & impar numerus	21
Parabola qua ſectio generetur 280. definitio	334
Parabolæ quadratura, 124. & deinceps.	
Parabolæ & triangulorum inſcriptorum proportio	129
Parabolæ & circuli conuenientia,	169
Parabolæ & conoideon. natatio	151
Parabolæ centrum grauitatis	147
Parabolæ proprietates	178



DICTIONARIUM.

Percussionis vires ex motus celeritate		Polygonum circulo inscriptum	99
447		Pondera, longitudines, celeritates reci-	
Perfectus numerus	22	procz	439
Pericæci quinam	270	Pondera humorum cum duris compo-	
Peripheria	66	sita	150
Peripheria sectionis	79	Pondera obliqua quæ, & quanta,	
Periscii qui	262	444	
Perpendicularis trianguli	72	Ponderandi omnia modus in humidis 150	
Perpendicularum refractionis 574, & de-		& deinceps.	
inceps.		Ponderis ad potentiam ratio explicata,	
Perspectivæ fundamentum 2 propo-		465	
sitionibus conclusum	547	Ponderum proprietates 142, & deinceps.	
Perspectivæ definitio	542		
Perispicilia Bataunica explicata	474	Pondus super circulo motum variè pon-	
Perispicilia visionem iuvantia	423	derat	446
Pes Regius Galliæ quantus	260	Porismata Euclidis,	385
Petaui Theologia laudata, præf. pun-		Poristicon, quid	373
cto XII.		Portio circuli	8
Petitio Theodosii	190	Portiones similes, quid	9
Petitiones 12 Archimedis 141, & 142		Portionis angulus	8
Phænomena Euclidis 249, & deinceps.		Positio corporum quid	500
Phænomeni distantia vera, visa, 531, & deinceps.		Postulata duo	400
Phalanx	455	Postulata quinque	2
Phantasma à lucido est lumen	569	Postulata 6. Lucæ	407
Phidias	155	Postulata optica	477
Philo Tyaceus	368	Postulatum lucidum	574
Pictura quomodo fiat,	546	Potens bina media	35
Pisida iambographus	395	Potentia rectæ quid	74
Plana tangentia conoideas & sphaeroi-		Potentia ponderi collata 439. motus	
deas	120	vtriusque	
Plana similia 70. rectilinea, ibid.		Potentia & pondus in trochleis & com-	
Plani problematis solutio legitima,		paratio spatiorum	463
368		Prima ex binis mediis	34
Plani numeri	22, & 24	Primus numerus	21, & 25
Plani loci restituti, à 386 ad 388		Prisma	86, & 42
Planorum proprietates	41	Prisma qualem visionem terminet	
Planum sub acutianguli sectione	115	520	
Planus quadrati	74	Prismatis centrum, vbi	411
Platonius numerus	257	Prismatis colores ex refractione qui &	
Poli alitudo Lutetiana	261	cur	589
Polorum incolæ	248	Prismatis centrum gravitatis	415
Polorum sphaeræ proprietates	191	Prismatis axis	406
Polyedra mista ordinata	88	Prismatum mensuræ	403
Polygona maiora, quæ	369	Problema mirabile	379
		Problema Dioptricum	549
		Problema pulchrum	275

MATHEMATICVM.

Problematis definitio	395	Radii refractionis est vertigo	589
Problematum tria genera	365	Radii optici & visorii	491
Proectorum leges	446	Radii paralleli incidentes in lentem chry-	
Proportio sectionis	382	stallinam	520
Proportio, vel ratio	13	Radii diuersi tabularum,	187
Proportio tripla in recto cono, & triangu-		Radii 2 & 4 puncta in eodem plano	502
lo per axem,	328	Radii directi & refracti via	572
Proportio composita	18	Radiorum passiones	478
Proportionales magnitudines	13	Radiorum parallelorum post lentem	
Proportionales numeri 22. & 26. & 29		concurfus	521
Proportionalium proprietates	105	Radiorum directorum causa physica	571
Protarchus	49	Radiofitatis dilatatio	552 & 554
Ptolomæus sumpsit ex Menefio	204	Radius	67
Pugni vis quomodo inuenta	454	Radius triplex	479
Puncta 3 lineæ horizontalis	542	Radius est spatium solidum	571
Punctum lucis in orbem radians,	477	Radius directus & refractus quid	571
Punctum euerfionis	523	Radius, & radiofa linea, & pyramis	477
Punctum	1. & 65	Radius à perpendiculo recedit in medio	
Punctum incidentiæ	500	rariore,	575
Purpurariorum fraus	448	Radius incidens in medium diuersum	
Pupillæ motus	487	curuum quam habeat refractionem	
Pyramidatum	86		588
Pyramidis lateris comparatum cum illius		Rarefactionis vires	472
perpendiculari	50	Raritas tarditati comparata	460
Pyramidis proprietates & mensuræ	408	Ratio 7 ad 12 in spirialium spatiis	140
Pyramidis centrum, vbi	411	Ratio permutata, conuersa, æqua	14

Q

Q uadratum ex binis nominibus	35	Rationem dari, quid	373
Quadratum rationalis	40	Ratione adplicatum	33
Quadratura parabolæ 124. & deinceps.	224.	Rationum octodecim compositiones	
Quadratus numerus 21. & 27		Reactio cerebri in visione	569
Quattuor lineæ proportionales	19	Recta proportionaliter secta & eius pro-	
Quattuor species conicarum sectionum,		prietates	76
173.		Rectangulorum proprietates	183
Quinquangulum	77	Rectangulum	74
Quinque corpora ordinata	90	Rectarum Geodæfia	71. & 72
Quinque corpora sphaera includere	48 &	Reflectio quomodo fiat	502
49		Reflectionis superficies	501. angulus
Quinque lineæ in oculo spectandæ	490	Refraction ad perpendicularem	515
Quinque vires 392. & deinceps		Refraction crystalli quanta	519

R

R adii definitio	570.	Refraction eadem radii ingredientis & e-	
Radii diuergetes effecti paralleli	519	gredientis	ibid.
		Refraction; illius punctum, linea, superfi-	

†††† †

DICTIONARIUM

cies, &c.	514	Sectionum nomina, vnde	339
Refractionis causa	572	Sectionum conicarum proprietates	280
Refractionis planum oculare	551	deinceps.	
Refractionis superficies 4 continet	515	Sectionum trium multifaria per puncta	
Refractionis interradiosa planum	552	descriptions à	343. ad 349
Refractiones & embla	525	Sector sphaerae	91
Refractionum proprietates	517 & deinceps.	Sector & eius proprietas	99
Refractus angulus, quando minor semirecto	578	Securiculae grauitatis centrum	444
Refringentis superficiei proprietates	516	Segmenta Citrii, oliuae, &c.	174
Remi partes & leges	451	Segmenta sphaerae, & sphaeroidis quanta	171
Remigum triplex ordo, & nouem.	450	Segmenta sphaerae, & illorum mensura	131.
Repraesentandarum imaginum modi	545.	Segmentum maius & minus	76
Repraesentatio confusa, vnde,	523	Segmentum circuli	79
Retinae officium	488	Semicirculus	2. & 79
Resolutio & compositio	371	Septentrionales incolae,	246
Retentionis puncta,	442	Sereni sectio cylindri	313
Reuolutiones spirales	132	Sexangula tria complent locum	82
Reuolutionum spiralis mensurae	137	Sex definitiones secundae	35
Rhetici radius		Sex definitiones tertiae	38
Rhombus solidus, quid	93	Sex definitiones Maurolyci,	231
Rhombus ex isoscelibus compositus	98	Sex species motus in rotundis,	460
Rhombus, & rhomboides	2. & 76	Signorum coelestium diuisiones	263
		Signorum praecedentia, & consequentia	263
		Similes numeri	22. & 27
		Similitudo triangulorum	19
		Similitudo conoideon & sphaeroideon	123
		Sinuum proprietates à	231. ad 237
		Sinus recti, & secundarii	188
		Sinus arcuum	123
		Sinus rectus, & versus, & illorum proprietates	187
		Sinus rectus: quadrantis; secundus; versus	231
		Sinus anguli inclinationis ad sinum anguli refracti in qua ratione	583
		Sol vniuersi centrum	398
		Sol quanto maior terra	267
		Sol cur ellipticus apparet	517
		Solis magnitudo quomodo inuenta,	156
		Solis radii vbi comburant vt foci speculorum	509
		Solis & lunae diametri	373

S

S Acoma	448
Sanctorii demonstratio de coloribus, praefat. puncto x	
Scalenum	2
Scapi & ponderum proportio	452
Sciagraphiae descriptio,	543
Scintillatio, systole & diastole	568
Scytalarum, & Ergatarum rationes & leges,	467
Secans & tangens definitae,	187
Sectio quid	79
Sectio subcontraria	315
Sectio, triangulum,	278
Sectio spatii	382 determinata
Sectio coni quot in punctis sectionem aliam contingere queat,	310
Sectiones oppositae, quae	281. & 334
Sectiones conoideon & sphaeroideon,	122 & 123

MATHematicvm,

Solis eleuatio super horizontem inuenta,	265
Solida, seu dura humidis, quoad pondus,	
comparata	149
Solidæ figuræ multifariam spectatæ	103
Solidi numeri	22 & 27
Solidi axis	85
Solidum, quid	41
Solidum varium	90
Solidus angulus	41
Species intentionales vbi visibiles, & in-	
uisibiles	486
Specula columnaria	506
Specula irregularia	513
Speculum sphaericum est sphaeræ seg-	
mentum	471
Speculum maius quodnam	471
Sphaeræ contactus à plana superficie	191
Sphaeræ centrum diameter, axis definiun-	
tur	189
Sphaeræ centrum & diameter	42
Sphaerois oblonga	119
Sphaeropoeciæ liber Archimedis	393
Sphaericum	83
Spiralis descriptio	132
Spori modus duarum mediarum	104
Stadium quantum	260
Statera partes	452
Statera, seu trutinæ ad libram reductæ	
leges	452
Statio animalium, auium, arborum ob	
lineam directionis	435
Stellæ loca	263
Stellarum æquinoctialium velocitas	
quanta	258
Stellarum à terra distantia	267
Stereometria Kepleri	169
Subcontraria positio, & coni sectio quid	
334	
Succularum vsus	468
Superficies gibba	83
Superficies in solido	84
Superficies plana 1, curua	66 & 68
Superficies corporum regularium com-	
parantur	51
Synopsi nostra quæ comprehendantur	
præf. punctis primis 10 habes: & quæ	

illi desint, puncto XI.	
Synopsis datorum Euclidis, præf. pun-	
cto VIII.	
Systole & diastole lucidi	568

T

TAbula, vitrum, sectio	492
Tactiones sphaericæ	384
Tactiones 383. seu Apollonius Gallus.	
Tactus sphaeroidearum figurarum	120
Tangens & secans quid	187
Tangens quid	78
Tangentes sectionum 284, & deinceps.	
Tangentes spiralem cuiuslibet reuolutio-	
nis 137, & deinceps.	
Tangentium proprietates, & cum aliis li-	
neis proportionibus 285, & deinceps.	
Terminus	65 & 1
Terra quomodo mobilis	399
Terra circa solem mota	154
Terræ ambitus quantus	155
Terræ ambitus diameter, superficies, so-	
liditas	259
Terræ & siderum proportionibus	267
Terræ centrum quomodo inuentum	399
Terræ, & mundi diametri mensura	159
Terræ, aquæ, & aëris proportio	267
Tetraëdram 86, eiusque proprietates,	
& 42	
Thalamites, Thranites, Zygites	450
Theodosius de habitationibus	247
Theologiæ Positiuæ præstantia, præf.	
puncto XII.	
Theoremata pulchra Archimedis	91
Transuersarium	77
Trapeziorum centra grauitatis 144, &	
145	
Trapezium	2, & 76
Tredecim axiomata	22
Tres petitiones	ibid.
Tres definitiones	129
Tres Archimedis hypotheses	149
Tres magni viri laudantur, præf. pun-	
cto XIV.	
Tres anguli trianguli sphaerici semper mi-	
nores sex rectis, & maiores duobus 209	

DICTIO NARIVM

Triangulati adscriptio	81	Viginti corporum regulatum inscriptiones	54
Triangulatum & eius passiones	72	Viginti & vna definitiones	21
Trianguli adscriptio	80. 81	Viginti visibilia Vitellionis	486
Triangulum	2. & 70	Virga doliorum, <i>iange</i>	177
Triangulum rectangulum	2. & 72	Viri docti huius sæculi laudantur, præf.	
Triangulum sphaerale	204	puncto X, & XI.	
Triangulum subfsequitertium parabolæ	129	Viso quid	567
Triangulum qualis sectio	334	Viso quomodo fiat	488
Triangulus habens tres angulos rectos	200	Viso refracta	564
Trigonometria Gillebrandi optima	255	Viso singularis	556
Trigonometriæ definitiones & leges 119, & deinceps.		Viso singularis, & coniugata	549
Triplex visionis genus modos pingendi refert	546	Viso directæ, & obliqua	515
Trium sectionum generatio	511	Viso distincta, clara, obscura	522
Trochleæ descriptio 461. ad quem vectem reducitur.		Viso coniugata 551. recta, obliqua	552
Trochleæ duæ 461, tres & quatuor	362	Visionis coniugatæ tam rectæ quàm obliquæ passiones	556, & deinceps.
Trochleæ minores an celerius & facilius moueantur	466	Visualis diameter, visuale centrum	550
Trochleæ superiores & inferiores considerandæ	464	Visus & eius proprietates & proportiones in dimetiendo	71
orbiculi trochlearum, & illorum in trahendo proportioncs	462	Visus obiectum 485, secundarium noncu-plex	486
Trochoidis solidum ad suum cylindrum vt 8 ad 5, puncto V.		Visus quando maximè decipiat 495, vique ad 499	
Trochus motus	449	Vitri & aëris comparatio	578
Tropici, & illorum officia	266	Vitri sectio prima, & secunda	543
Tropologiæ vnde sumendæ, præfat. puncto XIII.		Vitri conuexi figura & distantie in perspiciliis	472
Trunci coniugationum quanti	176	Vitrum & eius basis	543
Trutina dans quadraturam parabolæ	125	Vmbra quomodo fiat	477
Tubi optici descriptio	525	Vmbra lunæ solari longior	485
Tubus opticus explicatus	475	Vmbra triplex	483
Tympana dentata	393	Vmbra recta & versa	483
		Vmbra proiecta in circulum, parabolam, hyperbolam & ellipsim ab horologii filo	485
		Vmbra cuiuslibet rei quæ exprimitur	544, & deinceps.
		Vmbra contra solem proiecta	520
		Vmbra passiones	482, & deinceps.
		Vmbra ope metiri altitudines	484
		Vndecim definitiones magnitudinum	30
		Vnitas quid	21
			Z
		Zenith & nadir	264
		Zeuixippus	154, & 159
		Zodiaci officia	264, & deinceps.
		Zona mali, quid	172
		Zona citrii truncati	172
		Zona sphaeræ & sphaeroidis quanta	171
		Zonæ frigida initium	263

FINIS.


E V C L I D I S

E L E M E N T O R V M

L I B E R P R I M V S.

DEFINITIONES.

1.



VNCTVM est, cuius nulla est pars, vel quod magnitudinem non habet.

2. Linea verò est longitudo latitudinis expers.

3. Lineæ fines sunt puncta.

4. Recta linea est quæ ex æquali suis interijcitur punctis.

5. Superficies est id, quod longitudinem & latitudinem tantum habet.

6. Superficieci fines sunt lineæ.

7. Plana superficies est, quæ ex æquali suis interijcitur lineis.

8. Planus angulus est duabus lineis in plano sese contingentibus, & non in directum iacentibus, alterius ad alteram inclinatio.

9. Quando autem quæ angulum continent rectæ lineæ fuerint, rectilineus angulus appellatur.

10. Cum verò recta linea super rectam lineam insistens eos, qui deinceps sunt, angulos æquales inter se fecerit, rectus est uterque æqualium angulorum: & quæ insistit recta linea, perpendicularis vocatur ad eam, cui insistit.

11. Obtusus angulus est, qui maior est recto.

12. Acutus autem, qui recto est minor.

13. Terminus est, qui alicuius est finis.

14. Figura est, quæ aliquo, vel aliquibus terminis continetur.

15. Circulus est figura plana vnâ lineâ contenta, quæ circumferentia appellatur: ad quam ab vno puncto intra figuram existente omnes rectæ lineæ pertinentes sunt æquales.

16. Hoc autem punctum centrum circuli nuncupatur.

17. Diameter circuli est recta quædam linea per centrum ducta,

& ex vtraque parte à circumferentia circuli terminata, quæ quidem & circulum bifariam secat.

18. Semicirculus est figura, quæ continetur diametro, & eâ quæ ex ipsa circuli circumferentia intercipitur.

19. Portio circuli est figura, quæ rectâ lineâ, & circuli circumferentiâ continetur.

20. Rectilineæ figuræ sunt, quæ rectis continentur lineis.

21. Trilateræ quidem, quæ tribus.

22. Quadrilateræ, quæ quatuor.

23. Multilateræ verò, quæ pluribus quàm quatuor rectis lineis comprehenduntur.

24. Trilaterarum figurarum æquilaterum est triangulum, quod tria latera habet æqualia.

25. Isosceles, siue æquicrure, quod duo tantùm æqualia latera habet.

26. Scalenum verò, quod tria inæqualia habet latera.

27. Ad hæc, trilaterarum figurarum, rectangulum quidem est triangulum, quod rectum angulum habet.

28. Obtusiangulum est, quod obtusum habet angulum.

29. Acutiangulum verò, quod tres acutos angulos habet.

30. Quadrilaterarum figurarum quadratum est, quod & æquilaterum est, & rectangulum.

31. Altera parte longior figura est, quæ rectangula quidem, æquilatera verò non est.

32. Rhombus, quæ æquilatera quidem, sed rectangula non est.

33. Rhomboides, quæ & opposita latera, & oppositos angulos inter se æquales habet, neque æquilatera est, neque rectangula.

34. Præter has autem reliquæ quadrilateræ figuræ trapezia vocentur.

35. Parallelæ, seu æquidistantes rectæ lineæ sunt, quæ cum in eodem sint plano, & ex vtraque parte in infinitum producantur, in neutram partem inter se conuenient.

Postulata quinque.

1. Postuletur à quouis puncto ad quoduis punctum rectam lineam ducere.

2. Rectam lineam terminatam in continuum, & directum producere.

3. Quouis centro, & interuallo circulum describere.

4. Omnes angulos rectos inter se æquales esse.
 5. Et si in duas rectas lineas recta linea incidens interiores, & ex eadem parte angulos duobus rectis minores fecerit, rectas lineas illas in infinitum productas, inter se conuenire ex ea parte, in qua sunt anguli acuti duobus rectis minores.

*Axiomata, seu communes notiones
decem.*

- ✦ 1. Quæ eidem æqualia, & inter se sunt æqualia.
 2. Et si æqualibus æqualia adiciantur, tota sunt æqualia.
 3. Et si ab æqualibus æqualia auferantur, reliqua sunt æqualia.
 4. Et si inæqualibus æqualia adiciantur, tota sunt inæqualia.
 5. Et si ab inæqualibus æqualia auferantur, reliqua sunt inæqualia.
 6. Et quæ eiusdem dupla, inter se sunt æqualia.
 7. Et quæ eiusdem dimidia, inter se sunt æqualia.
 8. Et quæ sibiipsis congruunt, inter se sunt inæqualia.
 9. Totum est sua parte maius.
 10. Duæ rectæ lineæ spatium non comprehendunt.

PROPOSITIONES XLVIII.

1. **I**N data recta linea terminata, triangulum æquilaterum constituere.
 2. Ad datum punctum datæ rectæ lineæ æqualem rectam lineam ponere.
 3. Duabus datis rectis lineis inæqualibus, à maiori, minori æqualem abscindere.
 ✦ 4. Si duo triangula duo latera duobus lateribus æqualia habeant, alterum alteri: habeant autem & angulum angulo æquale, qui æqualibus rectis lineis continetur: & basim basi æquale habebunt: & triangulum triangulo æquale erit: & reliqui anguli reliquis angulis æquales, alter alteri: quibus æqualia latera subtenduntur.
 ✦ 5. Æquicrurium triangulorum qui ad basim anguli inter se sunt æquales: & productis æqualibus rectis lineis anguli qui sunt sub basi inter se æquales erunt.
 ✦ 6. Si trianguli duo anguli inter se sint æquales, & æquales angulos subtendentia latera inter se æqualia erunt.

7. In eadem recta linea, duabus eisdem rectis lineis aliæ duæ rectæ lineæ æquales, altera alteri non constituentur ad aliud, atque aliud punctum, ad easdem partes, eosdem, quos primæ lineæ terminos habentes.

† 8. Si duo triangula duo latera duobus lateribus æqualia habeant, alterum alteri: habeant autem & basim basi æqualem: angulum quoque, qui æqualibus lateribus continetur, angulo æqualem habebunt.

† 9. Datum angulum rectilineum bifariam secare.

† 10. Datam rectam lineam terminatam bifariam secare.

11. Datæ rectæ lineæ à puncto in ipsa dato ad rectos angulos rectam lineam ducere.

12. Super datam rectam lineam infinitam dato puncto, quod in ea non est, perpendicularem rectam lineam ducere.

† 13. Cum recta linea super rectam consistens lineam angulos fecerit; vel duos rectos, vel duobus rectis æquales efficiet.

† 14. Si ad aliquam rectam lineam, atque ad punctum in ea duæ rectæ lineæ non ad easdem partes positæ, angulos qui deinceps sunt duobus rectis æquales fecerint: ipsæ rectæ lineæ in directum sibi inuicem erunt.

† 15. Si duæ rectæ lineæ se inuicem secuerint, angulos qui ad verticem sunt, inter se æquales efficient.

† 16. Omnis trianguli vno latere producto exterior angulus utroque interiore, & opposito est maior.

† 17. Omnis trianguli acuti duo anguli duobus rectis minores sunt, quomodocumque sumpti.

† 18. Omnis trianguli maius latus maiorem angulum subtendit.

† 19. Omnis trianguli maiorem angulum maius latus subtendit.

† 20. Omnis trianguli duo latera reliquo maiora sunt, quomodocumque sumpta.

† 21. Si à terminis vnius lateris trianguli duæ rectæ lineæ intra constituentur, hæ reliquis duobus trianguli lateribus minores quidem erunt, maiorem verò angulum continebunt.

† 22. Ex tribus rectis lineis, quæ tribus rectis lineis datis æquales sint, triangulum constituere. Oportet autem duas reliquæ maiores esse, quomodocumque sumptas: quoniam omnis trianguli duo latera reliquo maiora sunt, quomodocumque sumpta.

23. Ad datam rectam lineam, & ad datum in ea punctum, dato angulo rectilineo æqualem angulum rectilineum constituere.

† 24. Si duo triangula duo latera duobus lateribus æqualia ha-

beant, alterum alteri, angulum autem angulo maiorem, qui æqualibus rectis lineis continetur: & basim basi maiorem habebunt.

25. Si duo triangula duo latera duobus lateribus æqualia habeant, alterum alteri, basim verò basi maiorem: & angulum angulo, qui æqualibus lateribus continetur, maiorem habebunt.

26. Si duo triangula duos angulos duobus angulis æquales habeant, alterum alteri, vnumque latus vni lateri æquale, vel quod æqualibus adiacet angulis, vel quod vni æqualium angulorum subtenditur: & reliqua latera reliquis lateribus æqualia, alterum alteri, & reliquum angulum reliquo angulo æqualem habebunt.

† 27. Si in duas rectas lineas recta linea incidens alternos angulos inter se æquales fecerit, parallelæ erunt rectæ lineæ.

28. Si in duas rectas lineas recta linea incidens exteriorem angulum interiori, & opposito, & ad easdem partes æqualem fecerit, vel interiores, & ad easdem partes duobus rectis æquales: parallelæ erunt inter se rectæ lineæ.

† 29. In parallelas rectas lineas recta linea incidens, & alternos angulos inter se æquales, & exteriorem interiori & opposito, & ad easdem partes æqualem, & interiores, & ad easdem partes duobus rectis æquales efficiet.

† 30. Quæ eidem rectæ lineæ sunt parallelæ, & inter se parallelæ erunt.

31. Per datum punctum datæ rectæ lineæ parallelam rectam lineam ducere.

32. Omnis trianguli vno latere producto exterior angulus duobus interioribus, & oppositis est æqualis: & trianguli tres interiores anguli duobus rectis æquales sunt.

† 33. Quæ æquales, & parallelas ad easdem partes coniungunt rectæ lineæ, & ipsæ æquales, & parallelæ sunt.

34. Parallelogrammorum spatiorum latera, quæ ex opposito, & anguli, inter se æqualia sunt: & diameter ea bifariam secat.

† 35. Parallelogramma in eadem basi, & in eisdem parallelis constituta, inter se æqualia sunt.

† 36. Parallelogramma in æqualibus basibus, & in eisdem parallelis constituta inter se sunt æqualia.

† 37. Triangula in eadem basi, & in eisdem parallelis constituta inter se æqualia sunt.

† 38. Triangula in basibus æqualibus, & in eisdem parallelis constituta, inter se sunt æqualia.

† 39. Triangula æqualia in eadem basi, & ad easdem partes

constituta, in eisdem quoque sunt parallelis.

40. Triangula æqualia in basibus æqualibus, & ad easdem partes constituta, in eisdem quoque sunt parallelis.

† 41. Si parallelogrammum & triangulum eandem basim habeant, in eisdemque sint parallelis: parallelogrammum ipsius trianguli duplum erit.

42. Dato triangulo æquale parallelogrammum constituere in dato angulo rectilineo.

† 43. Omnis parallelogrammi spatij eorum, quæ circa diametrum sunt, parallelogrammorum supplementa inter se sunt æqualia.

44. Ad datam rectam lineam dato triangulo æquale parallelogrammum applicare in dato angulo rectilineo.

45. Rectilineo dato æquale parallelogrammum constituere in dato angulo rectilineo.

46. A data recta linea quadratum describere.

† 47. In rectangulis triangulis, quod à latere rectum angulum subtendente describitur quadratum æquale est quadratis, quæ à lateribus rectum angulum continentibus describuntur.

† 48. Si quadratum, quod describitur ab vno laterum trianguli æquale sit quadratis, quæ à reliquis trianguli lateribus describuntur: angulus reliquis duobus trianguli lateribus contentus rectus erit.



LIBER SECVNDVS.

Definitiones duæ.

1. **O**Mne parallelogrammum rectangulum contineri dicitur duabus rectis lineis, quæ rectum angulum constituunt.

2. Omnis parallelogrammi spatij vnumquodque eorum, quæ circa diametrum ipsius sunt, parallelogrammorum, cum duobus supplementis *gnomon* vocetur. *Vide Scholium.*

Theoremata & Propositiones quatuordecim.

† 1. Si sint duæ rectæ lineæ, altera autem ipsarum secta fuerit in quotcunque partes: rectangulum duabus rectis lineis contentum æquale est eis rectangulis, quæ rectâ lineâ insectâ, & singulis partibus continentur. *Videantur duo theoremata Commandini.*

† 2. Si recta linea secta fuerit vtcumque: rectangula quæ totâ, & singulis partibus continentur, æqualia sunt ei, quod à tota fit, quadrato.

† 3. Si recta linea vtcumque secta fuerit: rectangulum sub tota, & vna eius parte contentum æquale est & rectangulo, quod partibus continetur, & ei quod à prædicta parte fit quadrato.

† 4. Si recta linea secta fuerit vtcumque, quadratum quod fit à tota æquale erit, & quadratis, quæ à partibus fiunt, & ei, quod bis partibus continetur rectangulo. *Vide Corollarium.*

† 5. Si recta linea secta fuerit in partes æquales, & in partes inæquales, rectangulum inæqualibus totius partibus contentum vnâ cum quadrato lineæ, quæ inter sectiones interijcitur, æquale est ei, quod à dimidia fit quadrato.

† 6. Si recta linea bifariam secetur, atque ipsi in rectum adijciatur quædam recta linea: rectangulum sub totâ cum adiecta, & adiectâ contentum, vnâ cum quadrato dimidiæ, æquale est quadrato, quod ab ea, quæ ex dimidia, & adiecta constat, tanquam ab vna linea describitur. *Vide Scholium.*

† 7. Si recta linea vtcumque secta fuerit, quæ à tota, & vna parte fiunt vtraque quadrata æqualia sunt, & rectangulo, quod bis tota, ac dicta parte continetur, & ei, quod à reliqua parte fit quadrato.

† 8. Si recta linea vtcumque secta fuerit; & quod quater tota, & vna parte continetur rectangulum vnâ cum quadrato reliquæ partis, æquale est quadrato, quod ex tota, & dicta parte tanquam ex vna linea describitur.

† 9. Si recta linea in partes æquales, & in partes inæquales secta fuerit, quadrata, quæ ab inæqualibus totius partibus describuntur, dupla sunt & quadrati dimidiæ, & quadrati lineæ eius, quæ inter sectiones interijcitur.

† 10. Si recta linea secetur bifariam, & ipsi in rectum quædam recta linea adijciatur: quæ à tota cum adiecta, & adiecta fiunt vtraque quadrata dupla sunt, & quadrati dimidiæ, & quadrati, quod ab ea quæ ex dimidia, & adiecta constat, tanquam ab vna linea describitur.

† 11. Datam rectam lineam secare, ita vt quod sub tota, & altera parte continetur rectangulum æquale sit ei, quod à reliqua parte fit, quadrato *Vide Scholium.*

† 12. In obtusiangulis triangulis, quod à latere obtusum angulum subtendente fit quadratum maius fit quàm quadrata, quæ fiunt à lateribus obtusum angulum continentibus, rectangulo contento bis vno laterum, quæ sunt circa obtusum angulum, in quod scilicet præ-

8 EVCLIDIS ELEMENTORVM

tractum perpendicularis cadit, & linea assumpta exterius à perpendiculari ad angulum obtusum.

† 13. In acutiangulis triangulis, quod à latere acutum angulum subtendente fit quadratum, minus est quàm quadrata quæ sunt à lateribus acutum angulum continentibus, rectangulo contento bis vno laterum, quæ sunt circa acutum angulum, in quod perpendicularis cadit, & lineâ perpendiculari intus assumptâ ad angulum acutum. *Vide Scholium.*

14. Dato rectilineo æquale quadratum constituere. *Vide prop. 25. lib. 6.*



LIBER TERTIVS.

Definitiones duodecim.

1. **Æ**Quales circuli sunt, quorum diametri sunt æquales, vel quorum quæ ex centris sunt æquales.
2. Recta linea circulum contingere dicitur, quæ contingens circulum, & producta non secat.
3. Circuli contingere se se dicuntur, qui contingentes seipsos non secant.
4. In circulo æqualiter distare à centro rectæ lineæ dicuntur, quando à centro ad ipsas perpendiculares ductæ sunt æquales.
5. Magis autem distare à centro dicuntur ea, ad quam maior perpendicularis cadit.
6. Portio circuli est figura, quæ recta lineâ, & circuli circumferentia continetur.
7. Portionis autem angulus est, qui recta linea, & circuli circumferentiâ comprehenditur.
8. In portione angulus est, quando in circumferentia portionis sumptum fuerit aliquod punctum, atque ab ipso ad terminos lineæ eius, quæ basis est portionis, rectæ lineæ ductæ fuerint, angulus verò dictis lineis sit contentus.
9. Quando autem continentes angulum rectæ lineæ assumunt circumferentiam, in illa consistere angulus dicitur.
10. Sector circuli est, quando angulus ad centrum constiterit, figura contenta rectis lineis angulum comprehendentibus, & circumferentiâ ab ipsis assumptâ.

11. Similes

11. Similes circulorum portiones sunt, quæ angulos suscipiunt æquales, vel in quibus anguli æquales consistunt: quibus additur à Commandino.

12. Similes circumferentiæ circulorum sunt, in quibus anguli consistunt.

PROPOSITIONES XXXVII.

1. **D**ati circuli centrum inuenire. *Videatur Corollarium & Scholium.*

2. Si in circumferentia circuli duo quæuis puncta sumantur, quæ ipsa coniungit recta linea, intra circulum cadet.

✦ 3. Si in circulo recta linea per centrum ducta rectam lineam quandam non ductam per centrum bifariam secet, & ad angulos rectos ipsam secabit: quod si ad angulos rectos ipsam secet, & bifariam secabit.

✦ 4. Si in circulo duæ rectæ lineæ se inuicem secent, non ductæ per centrum, sese bifariam non secabunt. *Vide Scholium.*

5. Si duo circuli se inuicem secent, non erit ipsorum idem centrum.

6. Si duo circuli sese intra contingant, ipsorum idem centrum non erit.

✦ 7. Si in circuli diametro aliquod punctum sumatur, quod non sit centrum circuli: & ab eo in circulum cadant quædam rectæ lineæ: maxima quidem erit, in qua centrum, minima verò reliqua: aliarum autem propinquior ei, quæ per centrum transit, semper remotiore maior est: at duæ tantum æquales ab eodem puncto in circulum cadent ad vtrasque partes minimæ. *Vide Scholium.*

✦ 8. Si extra circulum aliquod punctum sumatur, atque ab eo ad circulum ducantur quædam rectæ lineæ, quarum vna per centrum transeat, aliæ verò vtrumque: earum quidem, quæ in concavam circumferentiam cadunt, maxima est, quæ per centrum transit: aliarum autem propinquior ei, quæ per centrum, semper remotiore maior est: at earum, quæ in curuam circumferentiam cadunt, minima est, quæ inter punctum, & diametrum interijcitur: aliarum verò quæ propinquior minimæ semper remotiore est minor: duæ autem tantum æquales à puncto in circulum cadunt ad vtrasque partes minimæ.

✦ 9. Si intra circulum sumatur aliquod punctum, atque ab eo in circulum cadant plures quàm duæ rectæ lineæ æquales: punctum

quod sumitur, circuli centrum erit.

10. Circulus circulum in pluribus quàm duobus punctis non secatur.

11. Si duo circuli sese intus contingant, & sumantur centra ipsorum; recta linea ipsorum centrum coniungens, & producta in circulorum contactum cadet.

✦ 12. Si duo circuli sese extra contingant, recta linea ipsorum centrum coniungens per contactum transibit.

13. Circulus circulum non contingit in pluribus punctis quàm vno, siue intus, siue extra contingat.

14. In circulo æquales rectæ lineæ æqualiter à centro distant; & quæ æqualiter à centro distant, inter se sunt æquales.

15. In circulo maxima quidem est diameter: aliarum verò semper propinquior ei, quæ per centrum transit, remotiore maior est.

✦ 16. Quæ diametro circuli ad rectos angulos ab extremitate ducitur, cadit extra circulum: & in locum qui inter rectam lineam, & circumferentiam interijcitur altera recta linea non cadet: & semicirculi angulus omni angulo acuto rectilineo maior est: reliquus autem minor. *Vide Corollarium.*

17. A dato puncto rectam lineam ducere, quæ datum circulum contingat.

✦ 18. Si circulum contingat quædam recta linea, à centro autem in contactum recta linea ducatur, ea ad contingentem perpendicularis erit.

✦ 19. Si circulum contingat quædam recta linea, à contactu autem ad rectos angulos contingentem recta linea ducatur, in ea circuli centrum erit. *Vide Scholium.*

✦ 20. In circulo angulus, qui ad centrum, duplus est eius qui ad circumferentiam, quando circumferentiam eandem pro basi habent. *Vide Commentarium.*

✦ 21. In circulo qui in eadem portione sunt anguli, inter se æquales sunt.

22. Quadrilaterorum, quæ in circulis describuntur, anguli oppositi duobus rectis æquales sunt.

23. In eadem recta linea duæ circulorum portiones similes & inæquales ex eadem parte non constituentur.

24. In æqualibus rectis lineis similes circulorum portiones inter se æquales sunt.

25. Circuli portione data describere circulum, cuius ea portio est.

✦ 26. In æqualibus circulis æquales anguli æqualibus insistant.

Circumferentiis, siue ad centra, siue ad circumferentias insistant.

✦ 27. In æqualibus circulis anguli, qui æqualibus insistant circumferentijs, inter se æquales sunt; siue ad centra, siue ad circumferentias insistant.

✦ 28. In æqualibus circulis æquales rectæ lineæ circumferentias æquales auferunt, maiorem quidem maiori, minorem verò minori.

✦ 29. In æqualibus circulis, æquales circumferentias æquales rectæ lineæ subtendunt. *Videantur quatuor aliæ propositiones.*

30. Datam circumferentiam bifariam secare.

✦ 31. In circulo angulus, qui in semicirculo, rectus est; qui verò in maiori portione, minor est recto; & qui in minori maior recto: & in super maioris quidem portionis angulus recto maior est, minoris verò portionis angulus recto minor. *Vide Corollar. & Scholium.*

✦ 32. Si circulum contingat quædam recta linea, à contactu autem in circulum ducatur recta linea ipsum secans; anguli quos ad contingentem facit, æquales erunt ijs, qui in alternis circuli portionibus consistunt.

33. In data recta linea describere portionem circuli, quæ suscipiat angulum dato angulo rectilineo æqualem.

34. A dato circulo portionem abscindere, quæ suscipiat angulum dato angulo rectilineo æqualem.

✦ 35. Si in circulo duæ rectæ lineæ sese mutuo secent, rectangulum portionibus vnius contentum æquale est ei, quod alterius portionibus continetur.

✦ 36. Si extra circulum aliquod punctum sumatur, & ab eo in circulum cadant duæ rectæ lineæ, quarum altera quidem circulum secet, altera verò contingat: rectangulum, quod totâ secante, & exteriùs assumptâ inter punctum, & curuam circumferentiam continetur, æquale erit ei, quod à contingente fit quadrato. *Vide 2. Corollar. Campani.*

37. Si extra circulum sumatur aliquod punctum, atque ab eo in circulum cadant duæ rectæ lineæ, quarum altera quidem circulum secet, altera verò incidat: sit autem quod totâ secante, & exteriùs assumptâ inter punctum, & curuam circumferentiam continetur, æquale ei, quod ab incidente fit quadrato; incidens linea circulum continget.



LIBER QVARTVS.

Definitiones septem.

1. **F**igura rectilinea in figura rectilinea describi dicitur, quando vnusquisque figuræ descriptæ angulus vnumquodque latus eius, in qua describitur, contingit.
2. Figura similiter circa figuram describi dicitur, quando vnumquodque latus descriptæ vnumquemque angulum eius, circa quam describitur, contingit.
3. Figura rectilinea in circulo describi dicitur, quando vnusquisque descriptæ figuræ angulus circuli circumferentiam contingit.
4. Figura rectilinea circa circulum describi dicitur, quando vnumquodque latus descriptæ circuli circumferentiam contingit.
5. Circulus similiter in figura rectilinea describi dicitur, quando circuli circumferentia vnumquodque latus eius, in qua describitur, contingit.
6. Circulus circa figuram rectilineam describi dicitur, quando circumferentia vnumquemque angulum eius, circa quam describitur, contingit.
7. Recta linea in circulo aptari dicitur, quando eius extrema ad circuli circumferentiam se applicant.

Propositiones quæ & Problemata, sexdecim.

1. **I**N dato circulo datæ rectæ lineæ, quæ diametro eius maior non sit, æqualem rectam lineam aptare. *Vide Scholium.*
2. In circulo dato, dato triangulo æquiangulum triangulum describere.
3. Circa datum circulum triangulo dato æquiangulum triangulum describere.
4. In dato triangulo circulum describere.
5. Circa datum triangulum circulum describere. *Vide Corollarium.*
6. In dato circulo quadratum describere.
7. Circa datum circulum quadratum describere.
8. In dato quadrato circulum describere.

9. Circa datum quadratum circulum describere.
10. *Æquicrurum* triangulum constituere, habens vtrumquē angulum, qui sunt ad basim, duplum reliqui.
11. In dato circulo pentagonum *æquilaterum* & *æquiangulum* describere.
12. Circa datum circulum pentagonum *æquilaterum*, & *æquiangulum* describere.
13. In dato pentagono, quod *æquilaterum*, & *æquiangulum* sit, circulum describere.
14. Circa datum pentagonum, quod *æquilaterum*, & *æquiangulum* sit, circulum describere.
15. In dato circulo hexagonum *æquilaterum*, & *æquiangulum* describere. *Vide Corollarium.*
16. In dato circulo quindecagonum *æquilaterum*, & *æquiangulum* describere.



LIBER QVINTVS.

Definitiones viginti.

1. **P**ars est magnitudo magnitudinis, minor maioris, quando minor maiorem metitur. *Vide Scholium.*
2. Multiplex est maior minoris, quando maiorem minor metitur.
3. Proportio est duarum magnitudinum eiusdem generis, quatenus ad quantitatem pertinet, mutua quædam habitudo. *Vide Scholium.*
4. Proportionem inter se habere magnitudines dicuntur, quæ multiplicatæ se inuicem superare possunt.
5. In eadem proportionem magnitudines esse dicuntur prima ad secundam, & tertia ad quartam, quando primæ, & tertiæ æquemultiplices secundæ & quartæ æquemultiplices iuxta quamvis multiplicationem vtraque vtramque vel vnâ superant, vel vnâ æquales sunt, vel vnâ deficiunt inter se comparatæ.
6. Magnitudines, quæ eandem proportionem habent, proportionales vocentur.
7. Quando autem æquemultiplicium multiplex quidem primæ superauerit multiplicem secundæ, multiplex verò tertiæ non superauerit multiplicem quartæ: tunc prima ad secundam maiorem proportionem habere dicitur, quàm tertia ad quartam.

8. Analogia est proportionum similitudo.

9. Analogia verò in tribus minimùm terminis consistit.

✦ 10. Quando tres magnitudines proportionales sunt, prima ad tertiam duplam proportionem habere dicitur eius, quam habet ad secundam. *Vide Scholium.*

✦ 11. Quando autem quatuor magnitudines sunt proportionales, prima ad quartam triplam habere proportionem dicitur eius, quam habet ad secundam: & semper deinceps vnâ plus, quoad analogia processerit.

12. Homologæ, vel similis rationis magnitudines dicuntur antecedentes quidem antecedentibus, consequentes verò consequentibus.

✦ 13. Permutata ratio est sumptio antecedentis ad antecedentem, & consequentis ad consequentem.

✦ 14. Conuersa ratio est sumptio consequentis, vt antecedentis ad antecedentem, velut ad ipsum consequentem.

✦ 15. Compositio rationis est sumptio antecedentis vnâ cum consequente tanquam vnius ad ipsam consequentem. *Vide Scholium.*

✦ 16. Diuisio rationis est sumptio excessus, quo antecedens superat consequentem, ad ipsam consequentem.

✦ 17. Conuersio rationis est sumptio antecedentis ad excessum, quo antecedens ipsam consequentem superat.

18. Æqua ratio, siue ex æquali est, cum plures magnitudines extiterint, & aliæ ipsis numero æquales, quæ binæ sumantur, & in eadem proportionem, fueritque vt in primis magnitudinibus prima ad ultimam, ita in secundis magnitudinibus prima ad ultimam: *vel aliter*, Est sumptio extremarum per subtractionem mediarum.

19. Ordinata analogia est quando fuerit vt antecedens ad consequentem, ita antecedens ad consequentem: vt autem consequens ad aliam quampiam, ita consequens ad aliam quampiam.

20. Perturbata verò analogia est, quando tribus existentibus magnitudinibus, & alijs ipsis numero æqualibus fuerit: vt in primis magnitudinibus antecedens ad consequentem, ita in secundis magnitudinibus anteedens ad consequentem. Vt autem in primis magnitudinibus consequens ad aliam quampiam, ita in secundis alia quampiam ad antecedentem. *Vide duas communes notiones.*

Propositiones triginta tres.

I. **S**I fuerint quotcumque magnitudines quotcumque magnitudinum æqualium numero singulæ singularum æquemultiplices: quotuplex est vna magnitudo vnus, totuplices erunt & omnes omnium.

2. Si prima secundæ æquemultiplex fuerit, ac tertia quartæ: fuerit autem & quinta secundæ æquemultiplex, ac sexta quartæ: erit etiam composita prima, & quinta secundæ æquemultiplex, ac tertia, & sexta quartæ.

3. Si prima secundæ æquemultiplex fuerit, ac tertia quartæ: sumantur autem æquemultiplices primæ, & tertiæ: erit & ex æquali sumptarum vtraque vtriusque æquemultiplex, altera quidem secundæ, altera verò quartæ.

4. Si prima ad secundam eandem habeat proportionem, quam tertia ad quartam, & æquemultiplices primæ, & tertiæ ad æquemultiplices secundæ, & quartæ, iuxta quamvis multiplicationem, eandem proportionem habebunt, inter se comparatæ. *Vide Corollarium. & Scholium.*

5. Si magnitudo magnitudinis æquemultiplex sit, atque ablata ablata: & reliqua reliquæ æquemultiplex erit, atque tota totius.

6. Si duæ magnitudines duarum magnitudinum æquemultiplices sint, & ablata sint quædam earundem multiples: erunt & reliquæ vel eisdem æquales, vel ipsarum æquemultiplices. *Vide Scholium.*

† 7. Æquales ad eandem, eandem habent proportionem, & eadem ad æquales.

† 8. Inæqualium magnitudinum maior ad eandem maiorem habet proportionem, quàm minor: & eadem ad minorem maiorem proportionem habet, quàm ad maiorem.

† 9. Quæ ad eandem eandem proportionem habent, inter se æquales sunt: & ad quas eadem eandem habet proportionem, ipsæ inter se sunt æquales.

† 10. Ad eandem proportionem habentium quæ maiorem proportionem habet, illa maior est: ad quam verò eadem maiorem habet proportionem, illa minor est.

† 11. Quæ eidem eadem sunt proportionem, & inter se eadem sunt.

✚ 12. Si quocumque magnitudines proportionales fuerint, vt vna antecedentium ad vnā consequentium, ita erunt antecedentes omnes ad omnes consequentes.

✚ 13. Si prima ad secundam eandem habeat proportionem, quam tertia ad quartam: tertia autem ad quartam maiorem proportionem habeat, quā quinta ad sextam: & prima ad secundam maiorem habebit proportionem, quā quinta ad sextam. *Videantur Corollaria.*

✚ 14. Si prima ad secundam eandem habeat proportionem, quā tertia ad quartam: prima autem maior sit, quā tertia: & secunda quā quarta maior erit: & si æqualis, æqualis: & si minor, minor. *Vide Scholium.*

✚ 15. Partes eodem modo multiplicium inter se comparatæ eandem habent proportionem.

✚ 16. Si quatuor magnitudines proportionales fuerint, & permutatæ proportionales erunt. *Vide Corollarium.*

✚ 17. Si compositæ magnitudines sint proportionales, & diuisæ proportionales erunt.

✚ 18. Si diuisæ magnitudines sint proportionales, & compositæ proportionales erunt.

19. Si fuerit vt tota ad totam, ita ablata ad ablatam: & reliqua ad reliquam erit, vt tota ad totam. *Vide Corollarium.*

✚ 20. Si sint tres magnitudines, & aliæ ipsis numero æquales, quæ binæ sumantur, & in eadem proportionē: ex æquali autem prima maior sit quā tertia: & quarta quā sexta maior erit: & si æqualis, æqualis: & si minor, minor.

21. Si sint tres magnitudines, & aliæ ipsis numero æquales, quæ binæ sumantur, & in eadem proportionē: sit autem perturbata earum analogia, & ex æquali prima maior sit quā tertia: & quarta quā sexta maior erit: & si æqualis, æqualis: & si minor, minor.

✚ 22. Si sint quocumque magnitudines, & aliæ ipsis numero æquales, quæ binæ sumantur in eadem proportionē: & ex æquali in eadem proportionē erunt. *Vide Scholium.*

✚ 23. Si sint tres magnitudines, & aliæ ipsis numero æquales, quæ binæ sumantur in eadem proportionē, sit autem perturbata earum analogia: & ex æquali in eadem proportionē erunt.

24. Si prima ad secundam eandem habeat proportionem, quā tertia ad quartam: habeat autem & quinta ad secundam proportionem eandem, quā sexta ad quartam: & composita prima & quinta ad secundam eandem proportionem habebit, quā tertia, & sexta ad quartam.

✚ 25. Si

† 25. Si quatuor magnitudines fuerint proportionales, maxima ipsarum, & minima duabus reliquis maiores erunt. *Sequentes prop. addidit Commandinus ex Pappo.*

† 26. Si prima ad secundam maiorem habeat proportionem, quàm tertia ad quartam, & conuertendo secunda ad primam minorem proportionem habebit, quàm quarta ad tertiam. *Vide Coroll.*

† 27. Si prima ad secundam maiorem proportionem habeat, quàm tertia ad quartam: & permutando prima ad tertiam maiorem habebit proportionem, quàm secunda ad quartam.

† 28. Si prima ad secundam maiorem proportionem habeat, quàm tertia ad quartam: etiam componendo prima & secunda ad secundam maiorem proportionem habebit, quàm tertia & quarta ad quartam.

† 29. Si prima & secunda ad secundam maiorem habeat proportionem, quàm tertia, & quarta ad quartam: & diuidendo prima ad secundam maiorem proportionem habebit, quàm tertia ad quartam.

† 30. Si prima & secunda ad secundam maiorem proportionem habeat, quàm tertia, & quarta ad quartam: per conuersionem rationis prima & secunda ad primam minorem habebit proportionem, quàm tertia & quarta ad tertiam.

† 31. Si prima ad tertiam maiorem proportionem habeat, quàm secunda ad quartam, etiam prima ad tertiam habebit maiorem proportionem, quàm prima & secunda ad tertiam & quartam.

† 32. Si tota ad totam maiorem habeat proportionem, quàm ablata ad ablatam, & reliqua ad reliquam maiorem proportionem habebit, quàm tota ad totam.

33. Si sint tres magnitudines, & aliae ipsis numero æquales, habeatque prima priorum ad secundam maiorem proportionem, quàm prima posteriorum ad secundam: secunda verò priorum ad tertiam maiorem proportionem habeat, quàm secunda posteriorum ad tertiam: etiam ex æquali prima priorum ad tertiam maiorem habebit proportionem, quàm prima posteriorum ad tertiam.



LIBER SEXTVS.

Definitiones quinque.

1. **S**imiles figuræ rectilinéæ sunt, quæ & singulos angulos æquales habent & circa angulos æquales latera proportionalia.
2. Reciproæ figuræ sunt, quando in vtraque figura antecedentes, & consequentes rationes fuerint.
3. Extrema ac media ratione secari recta linea dicitur, cùm vt tota ad maiorem portionem, ita maior portio ad minorem se habuerit.
4. Altitudo cuiuscumque figuræ est linea perpendicularis, quæ à vertice ad basim ducitur.
5. Proportio ex proportionibus componi dicitur, quando proportionum quantitates inter se multiplicatæ aliquam efficiunt proportionem. *Vide Scholium.*

Propositiones triginta tres.

- † I. **T**riangula & parallelogramma, quæ eandem habent altitudinem, inter se sunt vt bases.
- † II. Si vni laterum trianguli parallela quædam recta linea ducta fuerit, proportionaliter secabit ipsius trianguli latera: & si trianguli latera proportionaliter secta fuerint, quæ sectiones coniungit recta linea reliquo trianguli lateri parallela erit.
- † 3. Si trianguli angulus bifariam secetur, secans autem angulum recta linea, secet etiam basim: basis partes eandem proportionem habebunt, quam reliqua trianguli latera: quæ à vertice ad sectionem ducitur recta linea, trianguli angulum bifariam secabit.
- † 4. Æquiangulorum triangulorum latera, quæ circum æquales angulos proportionalia sunt: & homologa siue eiusdem rationis sunt latera, quæ æqualibus angulis subtenduntur.
- † 5. Si duo triangula, latera proportionalia habeant, æquiangula erunt triangula, & æquales habebunt angulos, quibus homologa latera subtenduntur.
- † 6. Si duo triangula vnum angulum vni angulo æqualem habeant, circa æquales autem angulos latera proportionalia: æquian-

gula erunt trianguła, & æquales habebunt angulos, quibus homologa latera subtenduntur.

✦ 7. Si duo trianguła vnum angulum vni angulo æqualem habeant, circa alios autem angulos latera proportionalia, & reliquorum vtrumque simul, vel minorem, vel non minorem recto: æquianguła erunt trianguła: & æquales habebunt angulos, circa quos latera sunt proportionalia.

✦ 8. Si in trianguło rectangulo ab angulo recto ad basim perpendicularis ducatur: quæ ad perpendicularem sunt trianguła & tota & inter se similia sunt.

9. A data recta lineâ partem imperatam abscindere.

10. Datam rectam lineam insectam, datæ rectæ lineæ sectæ similiter secare. *Videantur Corollaria.*

11. Duabus datis rectis lineis tertiam proportionalem inuenire.

12. Tribus datis rectis lineis quartam proportionalem inuenire.

13. Duabus datis rectis lineis mediam proportionalem inuenire.

✦ 15. Æqualium & vnum vni æqualem habentium angulum parallelogrammorum latera, quæ circum æquales angulos, ex contraria parte sibiipsis respondent; siue reciproce proportionalia sunt: & quorum triangulorum vnum vni æqualem habentium angulum latera, quæ circum æquales angulos, ex contraria parte sibiipsis respondent: ea inter se sunt æqualia.

✦ 16. Si quatuor rectæ lineæ proportionales fuerint, rectangulum extremis contentum æquale est ei rectangulo, quod mediis continetur: & si rectangulum extremis contentum æquale fuerit ei, quod mediis continetur, quatuor rectæ lineæ proportionales erunt.

✦ 17. Si tres rectæ lineæ proportionales fuerint, rectangulum extremis contentum æquale est ei, quod à media fit, quadrato: & si rectangulum extremis contentum æquale fuerit ei, quod à media fit, quadrato: tres rectæ lineæ proportionales erunt.

18. A data recta lineâ dato rectilineo simile, & similiter positum rectilineum describere.

✦ 19. Similia trianguła inter se sunt in dupla proportionem laterum homologorum. *Vide Corollarium.*

✦ 20. Similia polygona in similia trianguła diuiduntur, & numero æqualia, & homologa totis: & polygonum ad polygonum duplam proportionem habet eius, quam latus homologum habet ad homologum latus. *Vide duo Corollaria.*

21. Quæ eidem rectilineo sunt similia, & inter se similia sunt.

✦ 22. Si quatuor rectæ lineæ proportionales fuerint, & rectilinea,

quæ ab ipsis fiunt, similia & similiter descripta proportionalia erunt. Et si rectilinea, quæ ab ipsis fiunt, similia & similiter descripta proportionalia fuerint, & ipsæ rectæ lineæ proportionales erunt. *Vide Lemma.*

† 23. *Æquiangula parallelogramma inter se proportionem habent ex lateribus compositam. Vide Corollarium, & duo theoremata.*

† 24. Omnis parallelogrammi, quæ circa diametrum sunt parallelogramma, & toti & inter se similia sunt.

25. Dato rectilineo simile, & alteri dato æquale idem constitue-
re.

26. Si à parallelogrammo parallelogrammum auferatur simile toti, & similiter positum, communem ipsi angulum habens, circa diametrum est toti.

† 27. Omnium parallelogrammorum ad eandem rectam lineam applicatorum, & deficientium figuris parallelogrammis similibus, & similiter positis ei quæ à dimidia describitur, maximum est quod ad dimidiam est applicatum, simile existens defectui.

28. Ad datam rectam lineam dato rectilineo æquale parallelogrammum applicare, deficiens figurâ parallelogrammâ, quæ similis sit alteri datæ. Oportet autem datum rectilineum, cui æquale applicandum est, non maius esse eo, quod ad dimidiam applicatur, similibus existentibus defectibus, & eo quod à dimidiâ, & eo, cui oportet simile deficere. *Videatur Problema.*

29. Ad datam rectam lineam dato rectilineo æquale parallelogrammum applicare, excedens figurâ parallelogrammâ, quæ similis sit alteri datæ.

30. Datam rectam lineam terminatam extremâ ac mediâ ratione fecare.

† 31. In rectangulis triangulis figura, quæ fit à latere rectum angulum subtendente, æqualis est eis, quæ à lateribus rectum angulum continentibus fiunt, similibus, & similiter descriptis. *Videatur theorema Pappi.*

† 32. Si duo triangula componantur ad vnum angulum, quæ duo latera duobus lateribus proportionalia habeant, ita vt homologa latera ipsorum etiam sint parallela, reliqua triangulorum latera in directum sibi constituta erunt.

† 33. In circulis æqualibus anguli eandem habent proportionem, quam circumferentiæ, quibus insistent, siue ad centra, siue ad circumferentias insistant. Adhuc autem & sectores, quippe qui ad centra sunt constituti. *Hinc vt sector ad sectorem, ita angulus ad angulum.*



LIBER SEPTIMVS.

Definitiones vigintitres.

1. **V**nitates est, quâ vnumquodque eorum, quæ sunt, vnum dicitur.

2. Numerus autem ex vnitatibus constans multitudo.

3. Pars est numerus numeri, minor maioris, quando maiorem metitur.

4. Partes autem, quando non metitur.

5. Multiplex est maior minoris, quando minor eum metitur.

6. Par numerus est, qui bifariam diuiditur.

7. Impar verò, qui bifariam non diuiditur: vel qui à pari numero vnitatem differt.

8. Pariter par numerus est, quem par numerus per parem numerum metitur. *Vide Scholium.*

9. Pariter verò impar est, quem par numerus per numerum imparem metitur. *Vide Commentarium.*

10. Impariter verò impar numerus est, quem impar numerus per numerum imparem metitur.

11. Primus numerus est, quem vnitates sola metitur.

12. Primi inter se numeri sunt, quos sola vnitates communis mensura metitur.

13. Compositus numerus est, quem numerus aliquis metitur.

14. Compositi inter se numeri sunt, quos numerus aliquis communis mensura metitur.

15. Numerus numerum multiplicare dicitur, quando quot vnitates sunt in ipso, toties componitur multiplicatus, & aliquis gignitur.

16. Quando duo numeri sese multiplicantes aliquem fecerint, qui factus est planus appellatur: latera verò ipsius sese multiplicantes numeri.

17. Quando autem tres numeri sese multiplicantes aliquem fecerint, factus solidus appellatur: latera verò ipsius sese multiplicantes numeri.

18. Quadratus numerus est, qui æqualiter est æqualis, vel qui duobus æqualibus numeris continetur.

19. Cubus verò, qui æqualiter est æqualis æqualiter, vel qui tribus æqualibus numeris continetur.

20. Numeri proportionales sunt, quando primus secundi, & tertius quarti æquemultiplex fuerit, vel eadem partes.

21. Similes plani, & solidi numeri sunt, qui latera habent proportionalia.

22. Perfectus numerus est, qui suis ipsius partibus est æqualis.

23. Cum fuerint quotcumque numeri deinceps proportionales, primus ad tertium duplam proportionem habere dicitur eius, quam habet ad secundum: & primus ad quartum triplam, & eodem modo in alijs.

Petitiones tres.

1. **C**vilibet numero quotlibet sumi posse, æquales, vel multiplices.
2. Quolibet numero sumi posse maiorem.
3. Numerus infinitè augetur, sed non infinitè minuitur.

Communes Notiones tredecim.

1. **Q**vicumque eiusdem, vel æqualium æquemultiplices fuerint, & ipsi inter se sunt æquales.
2. Quorum idem numerus æquemultiplex fuerit, vel quorum æquemultiplices fuerint æquales, & ipsi inter se æquales sunt.
3. Quicumque eiusdem numeri, vel æqualium eadem pars, vel eadem partes fuerint, & ipsi inter se sunt æquales.
4. Quorum idem, vel æquales numeri eadem pars, vel eadem partes fuerint, & ipsi inter se sunt æquales.
5. Omnis numeri pars est vnitas ab eo denominata, binarij enim numeri vnitas pars est ab ipso binario denominata, quæ dimidia dicitur, ternarij verò vnitas est pars, quæ à ternario denominata tertia dicitur: quaternarij quarta, & ita in alijs.
6. Vnitas omnem numerum metitur per vnitates quæ in ipso sunt.
7. Omnis numerus seipsum metitur.
8. Si numerus metiatur numerum, & ille, per quem metitur, eundem metietur per eas, quæ sunt in metiente, vnitates.

9. Quicumque numerus alium metitur, multiplicans eum, vel multiplicatus ab eo, per quem metitur, illum ipsum producit.

10. Si numerus numerum alium multiplicans, aliquem produxerit, multiplicans quidem productum metitur per vnitates quæ sunt in multiplicato: multiplicatus verò metitur eundem per vnitates quæ sunt in multiplicante.

11. Quicumque numerus metitur duos, vel plures, metietur quoque eum, qui ex illis componitur.

12. Quicumque numerus metitur aliquem, metietur quoque eum, quem ille ipse metitur.

13. Quicumque numerus metitur totum & ablatum, etiam reliquum metietur.

Propositiones 41.

✦ 1. **S**I duobus numeris inæqualibus expositis, detracto semper minore de maiore, reliquus minimè metiatur præcedentem, quoad assumpta fuerit vnitas: numeri à principio positi primi inter se erunt.

2. Duobus numeris datis non primis inter se, maximam eorum communem mensuram inuenire. *Vide Corollarium.*

3. Tribus numeris datis non primis inter se, maximam ipsorum communem mensuram inuenire. *Vide Corollarium.*

4. Omnis numerus omnis numeri minor maioris, vel pars est, vel partes.

✦ 5. Si numerus numeri pars fuerit & alter alterius eadem pars: & vterque vtriusque eadem pars erit, quæ vnus vnus.

6. Si numerus numeri partes fuerit, & alter alterius eadem partes: & vterque vtriusque eadem partes erit, quæ vnus vnus.

✦ 7. Si numerus numeri pars fuerit, quæ ablatu ablati: & reliquus reliqui eadem pars erit, quæ totus totius.

8. Si numerus numeri partes fuerit, quæ ablatu ablati: & reliquus reliqui eadem partes erit, quæ totus totius.

✦ 9. Si numerus numeri pars fuerit, & alter alterius eadem pars: & permutando quæ pars est, vel partes primus tertij, eadem erit pars, vel eadem partes, & secundus quarti.

✦ 10. Si numerus numeri partes fuerit, & alter alterius eadem partes: & permutando quæ partes est primus tertij, vel pars, eadem partes erit, & secundus quarti, vel eadem pars.

† 11. Si fuerit ut totus ad totum, ita ablatum ad ablatum, & reliquus ad reliquum erit, ut totus ad totum.

† 12. Si quotcumque numeri proportionales fuerint, ut unus antecedentium ad unum consequentium, ita erunt omnes antecedentes ad omnes consequentes. *Vide Scholium.*

† 13. Si quatuor numeri proportionales fuerint, & permutando proportionales erunt.

† 14. Si fuerint quotcumque numeri, & alij ipsis multitudine æquales, qui bini sumantur, & in eadem proportionem: etiam ex æquali in eadem proportionem erunt. *Videantur quinque propositiones Commandini.*

† 15. Si unitas numerum aliquem metiatur, alter autem numerus æqualiter metiatur alium aliquem: & permutando unitas tertium numerum æqualiter metietur, atque secundus quartum.

† 16. Si duo numeri se se multiplicantes fecerint aliquos, facti ex ipsis inter se æquales erunt.

17. Si numerus duos numeros multiplicans fecerit aliquos, facti ex ipsis eandem proportionem habebunt, quam multiplicati.

18. Si duo numeri numerum aliquem multiplicantes fecerint aliquos, facti ex ipsis eandem proportionem habebunt, quam multiplicantes.

19. † Si quatuor numeri proportionales fuerint, qui ex primo, & quarto fit numerus, æqualis erit ei, qui fit ex secundo, & tertio: & si numerus, qui fit ex primo, & quarto, æqualis fuerit ei, qui ex secundo, & tertio, quatuor numeri proportionales erunt.

† 20. Si tres numeri proportionales fuerint, qui ab extremis fit numerus, æqualis erit ei, qui fit à medio. Si autem qui ab extremis fit, æqualis fuerit ei, qui à medio: tres numeri proportionales erunt.

† 21. Minimi numeri eandem, quam ipsi proportionem habentium, eos, qui eandem habent proportionem, æqualiter metiuntur, maior maiorem, & minor minorem.

† 22. Si sint tres numeri, & alij ipsis multitudine æquales, qui bini sumantur, & in eadem proportionem: sit autem perturbata eorum analogia: etiam ex æquali in eadem proportionem erunt.

23. Primi inter se numeri minimi sunt eorum, qui eandem, quam ipsi proportionem habent.

† 24. Minimi numeri eorum, qui eandem, quam ipsi proportionem habent, primi inter se sunt.

25. Si duo numeri primi inter se fuerint, qui unum ipsorum metitur numerus ad reliquum primus erit.

† 26. Si

† 26. Si duo numeri ad aliquem numerum primi fuerint, & qui fit ex ipsis ad eum primus erit.

† 27. Si duo numeri primi inter se fuerint, qui fit ab vno ipsorum ad reliquum primus erit.

† 28. Si duo numeri ad duos numeros vterque ad vtrumque primi fuerint, & qui fiunt ex ipsis inter se primi erunt.

† 29. Si duo numeri primi inter se fuerint, & vterque seipsum multiplicans faciat aliquos: facti ex ipsis primi erunt inter se, & si numeri à principio positi eos, qui facti sunt, multiplicantes aliquos faciant, & ipsi inter se primi erunt: & semper circa extremos hoc continget.

† 30. Si duo numeri primi inter se fuerint, & vterque simul ad vtrumque ipsorum primus erit. Quod si vterque simul ad vnum aliquem ipsorum sit primus, & numeri à principio positi inter se primi erunt.

† 31. Omnis primus numerus ad omnem numerum, quem non metitur, primus est.

† 32. Si duo numeri se se multiplicantes aliquem faciant, eum verò qui ex ipsis fit, metiatur aliquis numerus primus: & vnum ipsorum, qui à principio positi sunt, metietur.

33. Omnem numerum compositum primus aliquis numerus metitur.

† 34. Omnis numerus vel primus est, vel eum primus aliquis numerus metitur.

35. Numeris quocumque datis inuenire minimos eorum, qui eandem, quam ipsi, proportionem habeant. *Videatur Problema Commandini.*

36. Duobus numeris datis, inuenire quem minimum numerum metiantur. *Vide Scholium.*

† 37. Si duo numeri metiantur numerum aliquem, & minimus, quem illi metiuntur, eundem metietur.

† 38. Tribus numeris datis inuenire quem minimum numerum metiantur.

39. Si numerum numerus aliquis metiatur, mensus partem habebit à metiente denominatam.

40. Si numerus partem quamcumque habeat, eum numerus à parte denominatus metietur.

41. Numerum inuenire, qui minimus existens datas partes habeat.



LIBER OCTAVVS

Propositiones vigintiseptem.

1. **S**I sint quotcumque numeri deinceps proportionales, quorum extremi sunt inter se primi: minimi erunt omnium qui eandem, quam ipsi proportionem habent.

2. Numeros inuenire deinceps proportionales minimos, quotcumque quis imperauerit in data proportionem. *Vide Corollarium.*

3. Si sint quotcumque numeri deinceps proportionales, minimi omnium, qui eandem quam ipsi, proportionem habent, eorum extremi primi inter se erunt.

4. Proportionibus datis quotcumque in minimis numeris, numeros inuenire deinceps minimos in datis proportionibus.

⊕ 5. Plani numeri inter se proportionem habent ex lateribus compositam.

6. Si fuerint quotcumque numeri deinceps proportionales, primus autem secundū non metiatur: neque alius aliquis vllum metietur.

7. Si fuerint quotcumque numeri deinceps proportionales, primus autem metiatur extremum; & secundum metietur.

8. Si inter duos numeros numeri deinceps proportionales ceciderint, quot inter eos cadunt, numeri deinceps proportionales, totidem & inter alios eandem, quam ipsi, proportionem habentes cadent.

9. Si duo numeri inter se primi fuerint, & inter ipsos numeri deinceps proportionales ceciderint, quot inter ipsos cadunt numeri deinceps proportionales, totidem & inter vtrumque ipsorum, & vnitatem deinceps proportionales cadent.

10. Si inter duos numeros, & vnitatem deinceps proportionales numeri ceciderint, quot inter vtrumque ipsorum, & vnitatem cadunt numeri deinceps proportionales: totidem & inter ipsos numeri deinceps proportionales cadent.

⊕ 11. Inter duos numeros quadratos vnus medius proportionalis cadit: & quadratus ad quadratum duplam proportionem habet eius, quam latus habet ad latus.

⊕ 12. Inter duos numeros cubos duo medij proportionales cadunt, & cubus ad cubum triplam habet proportionem eius, quam latus habet ad latus.

13. Si sint quotcumque numeri deinceps proportionales, & vnusquisque se ipsum multiplicans faciat aliquos: facti ex ipsis proportionales erunt: & positi à principio numeri factos multiplicantes alios faciant, & ipsi proportionales erunt, & semper circa extremos hoc continget.

† 14. Si numerus quadratus metiatur quadratum numerum, & latus latus metietur: & si latus metiatur latus, & quadratus quadratum metietur.

† 15. Si numerus cubus metiatur cubum numerum, & latus latus metietur: & si latus metiatur latus, & cubus cubum metietur.

† 16. Si numerus quadratus non metiatur quadratum numerum, neque latus latus metietur: & si latus non metiatur latus, neque quadratus quadratum metietur.

† 17. Si numerus cubus non metiatur cubum numerum, neque latus latus metietur: & si latus non metiatur latus, neque cubus cubum metietur.

† 18. Inter duos similes planos numeros vnus medius proportionalis cadit: & planus ad planum duplam proportionem habet eius, quam latus homologum habet ad homologum latus.

† 19. Inter duos similes solidos numeros duo medij proportionales cadunt; & solidus ad solidum triplam proportionem habet eius, quam latus homologum habet ad homologum latus.

† 20. Si inter duos numeros vnus medius proportionalis cadat, numeri similes plani erunt.

† 21. Si inter duos numeros duo medij proportionales cadant, numeri similes solidi erunt.

† 22. Si tres numeri deinceps proportionales fuerint, primus autem sit quadratus, & tertius quadratus erit.

† 23. Si quatuor numeri deinceps proportionales fuerint, primus autem sit cubus, & quartus cubus erit.

† 24. Si duo numeri inter se proportionem habeant, quam numerus quadratus ad quadratum numerum, primus autem sit quadratus; & secundus quadratus erit.

† 25. Si duo numeri inter se proportionem habeant, quam numerus cubus ad cubum numerum, primus autem sit cubus; & secundus cubus erit.

26. Similes plani numeri inter se proportionem habent, quam numerus quadratus ad quadratum numerum.

27. Similes solidi numeri inter se proportionem habent, quam numerus cubus ad cubum numerum.



LIBER NONVS.

Propositiones triginta sex.

† 1. **S**I duo similes plani numeri se se multiplicantes aliquem fecerint, factus quadratus erit.

† 2. Si duo numeri se multiplicantes quadratum numerum efficiant, similes plani erunt.

† 3. Si cubus numerus seipsum multiplicans faciat aliquem, factus cubus erit.

† 4. Si numerus cubus cubum numerum multiplicans faciat aliquem, factus cubus erit.

5. Si numerus cubus numerum aliquem multiplicans faciat cubum, multiplicatus cubus erit.

† 6. Si numerus seipsum multiplicans cubum faciat, & ipse cubus erit.

7. Si compositus numerus numerum aliquem multiplicans, quempiam faciat, factus solidus erit.

† 8. Si ab vnitatem quotcumque numeri deinceps proportionales fuerint, tertius quidem ab vnitatem quadratus est, & vnum intermitentes omnes: quartus autem est cubus, & duos intermitentes omnes: septimus verò cubus simul, & quadratus, & quinque intermitentes omnes.

9. Si ab vnitatem quotcumque numeri deinceps proportionales fuerint, qui verò post vnitatem sit quadratus; & reliqui omnes quadrati erunt: at si qui post vnitatem sit cubus, & reliqui omnes cubi erunt.

10. Si ab vnitatem quotcumque numeri deinceps proportionales fuerint, qui verò post vnitatem non sit quadratus; neque alius vllus quadratus erit, præter tertium ab vnitatem, & vnum intermitentes omnes: at si qui post vnitatem non sit cubus; neque alius vllus cubus erit, præter quartum ab vnitatem, & duos intermitentes omnes.

11. Si ab vnitatem quotcumque numeri deinceps proportionales fuerint, minor maiorem metitur per aliquem eorum, qui sunt in numeris proportionalibus.

12. Si ab vnitatem quotlibet numeri deinceps proportionales fuerint, quicumque primorum numerorum metiuntur vltimum iidem.

& eum, qui vnitati proximus est, metientur.

13. Si ab vnitate quocumque numeri deinceps proportionales fuerint; qui verò post vnitatem primus sit: maximum nullus alius metietur præter eos, qui sunt in numeris proportionalibus.

14. Si minimum numerum primi numeri metiantur, nullus alius numerus metietur ipsum præter eos, qui à principio metiebantur.

15. Si tres numeri deinceps proportionales fuerint, minimi eorum qui eandem, quam ipsi proportionem habeant; duo quilibet compositi ad reliquum primi etunt. *Videantur 10. theoremata.*

16. Si duo numeri primi inter se fuerint, non erit vt primus ad secundum, ita secundus ad alium vllum.

17. Si fuerint quocumque numeri deinceps proportionales, extremi autem ipsorum primi inter se fiat, non erit vt primus ad secundum, ita vltimus ad alium vllum.

18. Duobus numeris datis considerare an tertius ipsis proportionalis inueniri possit.

19. Tribus numeris datis considerare an quartus ipsis proportionalis inueniri possit.

20. Primi numeri plures sunt, omni proposita multitudine primorum numerorum. *vide Scholium.*

21. Si pares numeri quocumque componantur, totus par erit.

22. Si impares numeri quocumque componantur, multitudo autem ipsorum sit par, totus par erit.

23. Si impares numeri quocumque componantur, & multitudo ipsorum sit impar, & totus impar erit.

24. Si à pari numero par auferatur, & reliquus par erit.

25. Si à pari numero impar auferatur, & reliquus impar erit.

26. Si ab impari numero impar auferatur, & reliquus par erit.

27. Si ab impari numero par auferatur, reliquus impar erit.

28. Si impar numerus parem multiplicans faciat aliquem, factus par erit.

29. Si impar numerus imparem numerum multiplicans faciat aliquem, factus impar erit.

30. Si impar numerus parem numerum metiatur, & dimidium eius metietur.

31. Si impar numerus ad aliquem numerum sit primus, & ad ipsius duplum primus erit.

32. Numerorum à binario duplatorum vnusquisque pariter par est tantum.

34. Si par numerus neque sit à binario duplatus, neque dimidium

imparem habeat : pariter par est, & pariter impar.

✦ 35. Si sint quotcumque numeri deinceps proportionales : auferantur autem à secundo, & vltimo æquales primo : erit vt secundi excessus ad primum, ita vltimi excessus ad omnes ipsum antecedentes.

✦ 36. Si ab vnitae quotcumque numeri deinceps proportionales exponantur in dupla analogia, quoad totus compositus primus fiat, & totus in vltimum multiplicatus faciat aliquem : factus perfectus erit. *Videatur Scholium decimilibri, qui sequitur.*



LIBER DECIMVS.

Definitiones vndecim.

1. **C**ommenfurabiles magnitudines dicuntur, quas eadem mensura metitur.
2. Incommenfurabiles autem, quarum nullam esse communem mensuram contingit.
3. Rectæ lineæ potentia commensurabiles sunt, cùm ea, quæ ab ipsis fiunt, quadrata idem spatium metitur.
4. Incommenfurabiles autem, cùm quadratis, quæ ab ipsis fiunt, nullum commune spatium esse contingit.
- 5 His positis ostenditur, cuicumque rectæ lineæ propositæ rectas lineas multitudine infinitas, & commensurabiles esse, & incommensurabiles : alias quidem longitudine & potentia : alias verò potentia solum. Vocetur autem proposita recta linea, rationalis.
6. Et huic mensurabiles siue longitudine & potentia, siue potentia solum, rationales.
- 7 Incommensurabiles verò irrationales vocentur.
8. Et quadratum, quod è recta linea proposita, dicatur rationale.
- 9 Et huic commensurabilia quidem rationalia.
10. Incommensurabilia verò, irrationalia dicantur.
11. Et rectæ lineæ, quæ incommensurabilia possunt, vocentur irrationales : si quidem ea quadrata sint, ipsorum latera : si verò alia quæpiam rectilinea, quæ ipsis æqualia quadrata describunt.

Communes Notiones quatuor.

1. **Q**uælibet magnitudo multiplicata potest omnem proportionalem magnitudinem eiusdem generis superare.
2. Quæcumque magnitudo metitur aliquam, metitur quoque eam quam illa ipsa metitur.
3. Quæcumque magnitudo metitur totam, & ablatam: etiam reliquam metietur.
4. Quæcumque magnitudo metitur duas, vel plures magnitudines, metitur quoque eam, quæ ex ipsis componitur.

Propositiones 117.

I. **D**ubius magnitudinibus inæqualibus expositis, si à maiori auferatur maius, quam dimidium: & ab eo, quod reliquum est, rursus auferatur maius quam dimidium, & hoc semper fiat: relinquetur tandem quædam magnitudo, quæ minori magnitudine expositâ minor erit.

II. Si duabus magnitudinibus inæqualibus expositis detracta semper minore de maiore, reliqua minimè præcedentem metiatur: magnitudines incommensurabiles erunt. *Vide duo Scholia.*

III. Duabus magnitudinibus commensurabilibus datis, maximam earum communem mensuram inuenire. *Vide Coroll. & Schol.*

IV. Tribus magnitudinibus commensurabilibus datis, maximam ipsarum communem mensuram inuenire. *Vide Coroll. & duo Scholia.*

⊕ V. Commensurabiles magnitudines inter se proportionem habent, quam numerus ad numerum. *Vide Scholium.*

⊕ VI. Si duæ magnitudines inter se proportionem habeant, quam numerus ad numerum, commensurabiles magnitudines erunt. *Vide Coroll. & Scholium.*

⊕ VII. Incommensurabiles magnitudines inter se proportionem non habent, quam numerus ad numerum.

⊕ VIII. Si duæ magnitudines inter se proportionem non habeant, quam numerus ad numerum, incommensurabiles erunt.

⊕ IX. Quæ à rectis lineis longitudine commensurabilibus fiunt quadrata inter se proportionem habent, quam quadratus numerus ad quadratum numerum: & quadrata inter se proportionem habentia,

quam quadratus numerus ad quadratum numerum, & latera habebunt longitudine commensurabilia: quadrata verò, quæ à longitudine incommensurabilibus rectis lineis fiunt, inter se proportionem non habent, quam quadratus numerus ad quadratum numerum, neque latera habebunt longitudine commensurabilia. *Vide Corollarium, & Scholium.*

† 10. Si quatuor magnitudines proportionales fuerint, prima verò secundæ fuerit commensurabilis, & tertia commensurabilis erit: & si prima secundæ fuerit incommensurabilis, & tertia quartæ incommensurabilis erit. *Vide tria Lemmata.*

11. Propositæ rectæ lineæ inuenire duas rectas lineas incommensurabiles, alteram quidem longitudine tantum, alteram verò etiam potentia.

† 12. Quæ eidem magnitudini sunt commensurabiles, & inter se commensurabiles sunt. *Vide Scholium.*

† 13. Si sint duæ magnitudines, & altera quidem eidem sit commensurabilis: magnitudines inter se incommensurabiles erunt.

† 14. Si duæ magnitudines commensurabiles sint, altera autem ipsarum alicui magnitudini sit incommensurabilis, & reliqua eidem incommensurabilis erit. *Vide Lemma.*

† 15. Si quatuor rectæ lineæ proportionales fuerint: prima verò tanto plus possit quam secunda, quantum est quadratum rectæ lineæ sibi commensurabilis longitudine: & tertia tanto plus poterit, quam quarta, quantum est quadratum rectæ lineæ sibi longitudine commensurabilis. Quod si prima tanto plus possit, quam secunda, quantum est quadratum rectæ lineæ sibi incommensurabilis longitudine: & tertia, quam quarta tanto plus poterit, quantum est quadratum rectæ lineæ sibi longitudine incommensurabilis.

† 16. Si duæ magnitudines commensurabiles componantur, & tota magnitudo utriusque ipsarum commensurabilis erit: quod si tota magnitudo vni ipsarum sit commensurabilis, & quæ à principio magnitudines commensurabiles erunt.

† 17. Si duæ magnitudines incommensurabiles componantur, & tota magnitudo utriusque ipsarum incommensurabilis erit: quod si tota magnitudo vni ipsarum sit incommensurabilis, & quæ à principio magnitudines incommensurabiles erunt. *Vide tria Lemmata.*

† 18. Si duæ rectæ lineæ inæquales sint, quartæ autem parti quadrati, quod sit à minori æquale parallelogrammum ad maiorem applicetur, deficiens figurâ quadratâ, & in partes longitudine commensurabiles ipsam diuidat: maior tanto plus poterit quam minor, quantum

quantum est quadratum rectæ lineæ sibi longitudine commensurabilis. Quod si maior tanto plus possit, quàm minor, quantum est quadratum rectæ lineæ sibi longitudine commensurabilis, quartæ autem parti quadrati, quod fit à minori æquale parallelogrammum ad maiorem applicetur, deficiens figurâ quadratâ: in partes longitudine commensurabiles ipsam diuidet.

† 19. Si duæ rectæ lineæ inæquales sint, quartæ autem parti quadrati, quod fit à minori æquale parallelogrammum ad maiorem applicetur, deficiens & figura quadrata, & in partes incommensurabiles longitudine ipsam diuidat: maior tanto plus poterit, quàm minor, quantum est quadratum rectæ lineæ sibi longitudine incommensurabilis. Quod si maior tanto plus possit, quàm minor, quantum est quadratum rectæ lineæ sibi longitudine incommensurabilis, quartæ autem parti quadrati, quod fit à minori æquale parallelogrammum ad maiorem applicetur, deficiens quadrata figura: in partes longitudine incommensurabiles ipsam diuidet. *Vide Schol. & tria Lemmata.*

† 20. Quod rationalibus longitudine commensurabilibus rectis lineis secundum aliquem prædictorum modorum continetur rectangulum rationale est. *Videantur quatuor theorematâ.*

† 21. Si rationale ad rationalem applicetur, latitudinem efficit rationalem, & ei, ad quam applicatum est, longitudine commensurabilem. *Vide duo Lemmata.*

† 22. Quod rationalibus potentiâ solum commensurabilibus rectis lineis continetur rectangulum irrationale est: & recta linea ipsum potens est irrationalis. Vocetur autem media. *Vide duo Scho. & Lemma.*

23. Quod fit à media ad rationalem applicatum, latitudinem efficit rationalem, & ei ad quam applicatum est, longitudine incommensurabilem.

24. Mediæ commensurabilis, media est. *Vide Coroll. & Schol.*

25. Quod mediis longitudine commensurabilibus rectis lineis continetur rectangulum medium est. *Vide quatuor theorematâ.*

26. Quod sub mediis potentiâ solum commensurabilibus rectis lineis continetur rectangulum, vel rationale est, vel medium. *Vide Scholium.*

27. Medium non superat medium rationali.

28. Medias inuenire potentiâ solum commensurabiles, quæ rationale contineant.

29. Medias inuenire potentiâ solum commensurabiles, quæ medium contineant. *Vide duo Lemmata, & Caroll.*

30. Inuenire duas rationales potentiâ solùm commensurabiles, ita vt maior plus possit, quàm minor quadrato rectæ linæ sibi longitudine commensurabilis. *Vide Schol.*

31. Inuenire duas rationales potentiâ solùm commensurabiles, ita vt maior plus possit, quàm minor, quadrato rectæ linæ sibi longitudine incommensurabilis. *Vide Lemma.*

32. Inuenire duas medias potentiâ solùm commensurabiles, quæ rationale contineant, ita vt maior plus possit, quàm minor quadrato rectæ linæ sibi longitudine commensurabilis. *Vide Lemma.*

33. Inuenire duas medias potentiâ solùm commensurabiles, quæ medium contineant, ita vt maior plus possit, quàm minor, quadrato rectæ linæ sibi longitudine cōmensurabilis. *Vide tria Lemmata.*

34. Inuenire duas rectas lineas potentiâ incommensurabiles, quæ faciant compositum quidem ex ipsarum quadratis rationale: rectangulum verò, quod ipsis continetur, medium. *Vide Schol. & quinque theoremata.*

35. Inuenire duas rectas lineas potentiâ incommensurabiles, quæ faciant compositum quidem ex ipsarum quadratis medium, rectangulum verò quod ipsis continetur rationale.

36. Inuenire duas rectas lineas potentiâ incommensurabiles, quæ faciant & compositum ex ipsarum quadratis medium, & rectangulum, quod ipsis continetur, medium, incommensurabileque composito ex ipsarum quadratis.

+ 37. Si duæ rationales potentiâ solùm commensurabiles componentur, tota irrationalis erit. Vocetur autem ex binis nominibus. *Vide Scholium.*

+ 38. Si duæ mediæ potentiâ solùm commensurabiles componentur, quæ rationale contineant, tota irrationalis erit. Vocetur autem ex binis mediis prima.

+ 39. Si duæ mediæ potentiâ solùm commensurabiles componentur, quæ medium contineant, tota irrationalis erit. Vocetur autem ex binis mediis secunda. *Vide Scholium.*

40. Si duæ rectæ linæ potentiâ incommensurabiles componantur, quæ faciant compositum quidem ex ipsarum quadratis rationale: quod autem ipsis continetur medium, tota recta linea irrationalis erit. Vocetur autem maior. *Vide Scholium.*

41. Si duæ rectæ linæ potentiâ incommensurabiles componantur, quæ faciant compositum quidem ex ipsarum quadratis medium, quod autem ipsis continetur, rationale: tota recta linea irrationalis erit. Vocetur autem rationale, ac medium potens. *Vide Scholium.*

42. Si duæ rectæ lineæ potentiâ incommensurabiles componantur, quæ faciant compositum ex ipsarum quadratis medium, & quod ipsis continetur medium, incommensurabileque composito ex quadratis ipsarum, tota recta linea irrationalis erit. Vocetur autem bina media potens. *Vide Scholia duo, & Lemma.*

43. Quæ ex binis nominibus, ad vnum dumtaxat punctum diuiditur in nomina.

44. Quæ ex binis mediis prima, ad vnum dumtaxat punctum diuiditur in nomina.

45. Quæ ex binis mediis secunda ad vnum dumtaxat punctum diuiditur in nomina.

46. Maior ad idem dumtaxat punctum diuiditur in nomina.

47. Rationale, ac medium potens ad vnum dumtaxat punctum diuiditur in nomina.

48. Bina media potens ad vnum dumtaxat punctum diuiditur in nomina.

Definitiones secunda sex.

1. **E**Xposita rationali, & quæ ex binis nominibus diuisa in nomina, cuius maius nomen plus possit, quàm minus, quadrato rectæ lineæ sibi longitudine commensurabilis, siquidem maius nomen expositæ rationali commensurabile sit longitudine, tota dicatur ex binis nominibus prima.

2. Si verò minus nomen expositæ rationali longitudine sit commensurabile, dicatur ex binis nominibus secunda.

3. Quod si neutrum ipsorum nominum sit longitudine commensurabile expositæ rationali, vocetur ex binis nominibus tertia.

4. Rursus si maius nomen plus possit, quàm minus, quadrato rectæ lineæ sibi longitudine incommensurabilis, si quidem maius nomen expositæ rationali sit commensurabile longitudine, dicatur ex binis nominibus quarta.

5. Si verò minus dicatur quinta.

6. Quod si neutrum, dicatur sexta. *Vide Scholium.*

Propositiones.

49. 50. 51. 52. 53. & 54. Inuenire ex binis nominibus primam, secundam, tertiam, quartam, quintam, & sextam. *Vide Lemma.*

55. Si spatium contineatur rationali, & ex binis nominibus prima recta linea spatium potens irrationalis est, quæ ex binis nominibus appellatur.

56. Si spatium contineatur rationali, & ex binis nominibus secunda, recta linea spatium potens irrationalis est, quæ ex binis mediis prima appellatur.

57. Si spatium contineatur rationali, & ex binis nominibus tertia, recta linea spatium potens irrationalis est, quæ appellatur ex binis mediis secunda.

58. Si spatium contineatur rationali, & ex binis nominibus quarta, recta linea spatium potens irrationalis est, quæ vocatur maior.

59. Si spatium contineatur rationali, & ex binis nominibus quinta, quæ spatium potest recta linea irrationalis est, vocaturque rationale, & medium potens.

60. Si spatium contineatur rationali, & ex binis nominibus sexta, quæ spatium potest recta linea irrationalis est: vocaturque bina media potens. *Vide Lemma.*

61. Quadratum eius, quæ est ex binis nominibus ad rationalem applicatum latitudinem facit ex binis nominibus primam.

62. Quadratum eius, quæ est ex binis mediis prima, ad rationalem applicatum latitudinem facit ex binis nominibus secundam.

63. Quadratum eius, quæ est ex binis mediis secunda, ad rationalem applicatum latitudinem facit ex binis nominibus tertiam.

64. Quadratum maioris ad rationalem applicatum latitudinem facit ex binis nominibus quartam.

65. Quadratum eius, quæ rationale, ac medium potest ad rationalem applicatum latitudinem facit ex binis nominibus quintam.

66. Quadratum eius, quæ bina media potest, ad rationalem applicatum latitudinem facit ex binis nominibus sextam.

67. Ei, quæ est ex binis nominibus longitudine commensurabilis, & ipsa ex binis nominibus est, atque ordine eadem.

68. Ei, quæ est ex binis mediis longitudine commensurabilis, & ipsa ex binis mediis est, atque ordine eadem.

69. Maiori commensurabilis, & ipsa maior est.
70. Rationale, ac medium potenti commensurabilis, & ipsa rationale, ac medium potens est.
71. Bina media potenti commensurabilis, & ipsa bina media potens est.
72. Sirationale, & medium componantur, quatuor irrationales sunt, vel ea, quæ ex binis nominibus, vel quæ ex binis mediis prima, vel maior, vel rationale ac medium potens.
73. Si duo media inter se incommensurabilia componantur, duæ reliquæ irrationales fiunt, vel ex binis mediis secunda, vel bina media potens. *Vide Scholium.*
74. Si à rationali rationalis auferatur potentia solum commensurabilis existens toti, reliqua irrationalis est. Vocetur autem apotome. *Apotome prima.*
75. Si à media auferatur potentia solum commensurabilis existens toti, quæ cum tota rationale contineat: reliqua irrationalis est. Vocetur autem mediæ apotome prima.
76. Si à media media auferatur, potentia solum commensurabilis existens toti, quæ cum tota medium contineat: & reliqua irrationalis est. Vocetur autem mediæ apotome secunda.
77. Si à recta linea recta linea auferatur, potentia incommensurabilis existens toti, quæ cum tota faciat compositum quidem ex ipsarum quadratis rationale, quod autem ipsis continetur medium: reliqua irrationalis est. Vocetur autem minor.
78. Si à recta linea recta linea auferatur potentia incommensurabilis existens toti, & cum tota faciens compositum quidem ex ipsarum quadratis medium, quod autem ipsis bis continetur rationale: reliqua irrationalis est: voceturque cum rationali medium totum efficiens.
79. Si à recta linea recta linea auferatur potentia incommensurabilis existens toti: & cum tota faciens compositum quidem ex ipsarum quadratis medium, quod autem ipsis bis continetur medium, incommensurabileque composito ex quadratis ipsarum: reliqua irrationalis est. Vocetur autem cum medio medium totum efficiens.
80. Apotomæ vna tantum congruit recta linea potentia solum commensurabilis existens toti.
81. Mediæ apotomæ primæ vna tantum congruit recta linea media, potentia solum commensurabilis existens toti, & cum tota rationale continens.
82. Mediæ apotomæ secundæ vna tantum congruit recta linea

media potentia solum commensurabilis existens toti, & cum tota medium continens.

83. Minori vna tantum congruit recta linea, potentia incommensurabilis existens toti, & cum tota faciens compositum quidem ex ipsarum quadratis rationale: quod autem bis ipsis continetur, medium.

84. Ei, quæ cum rationali medium totum facit, vna tantum congruit recta linea, potentia incommensurabilis existens toti, & cum tota efficiens compositum quidem ex ipsarum quadratis medium: quod autem bis ipsis continetur, rationale.

85. Ei, quæ cum medio medium totum facit, vna tantum congruit recta linea, potentia incommensurabilis existens toti, & cum tota faciens compositum quidem ex ipsarum quadratis medium, quod autem bis ipsis continetur, medium, & adhuc incommensurable composito ex quadratis ipsarum.

Definitiones tertia, sex.

1. **E**Xposita rationali & apotoma, si quidem tota plus possit, quam congruens quadrato rectæ lineæ sibi commensurabilis longitudine: sitque tota expositæ rationali longitudine commensurabilis: vocetur apotome prima.

2. Si verò congruens sit longitudine commensurabilis expositæ rationali, & tota plus possit, quam congruens quadrato rectæ lineæ sibi commensurabilis longitudine: vocetur apotome secunda.

3. Quod si neutra sit longitudine commensurabilis expositæ rationali, & tota plus possit, quam congruens quadrato rectæ lineæ sibi commensurabilis longitudine: dicatur apotome tertia.

4. Rursus si tota plus possit, quam congruens quadrato rectæ lineæ sibi commensurabilis longitudine, si quidem sit tota longitudine commensurabilis expositæ rationali, vocetur apotome quarta.

5. Si verò congruens expositæ rationali sit longitudine commensurabilis, vocetur apotome quinta.

6. Quod si neutra, dicatur apotome sexta.

Propositiones sequuntur.

LXXXVI. 87. 88. 89. 90. & 91. Inuenire primam, secundam,

tertiam, quartam, quintam, & sextam apotomen.

92. Si spatium contineatur rationali, & apotoma prima, recta linea spatium potens apotome est.

93. Si spatium contineatur rationali, & apotoma secunda, recta linea spatium potens mediæ est apotome prima.

94. Si spatium contineatur rationali, & apotome tertia, recta linea spatium potens mediæ est apotome secunda.

95. Si spatium contineatur rationali, & apotoma quarta, recta linea spatium potens minor est.

96. Si spatium contineatur rationali, & apotoma quinta, recta linea spatium potens est, quæ cum rationali medium totum efficit.

97. Si spatium contineatur rationali, & apotoma sexta, recta linea spatium potens est, quæ cum medio medium totum efficit.

98. Quadratum apotomæ ad rationalem applicatum latitudinem facit apotomen primam.

99. Quadratum mediæ apotomæ primæ ad rationalem applicatum latitudinem facit apotomen secundam.

100. Quadratum mediæ secundæ apotomæ ad rationalem applicatum latitudinem facit apotomen tertiam.

101. Quadratum minoris ad rationalem applicatum, latitudinem facit apotomen quartam.

102. Quadratum eius, quæ cum rationali medium totum efficit ad rationalem applicatum, latitudinem facit apotomen quintam.

103. Quadratum eius, quæ cum medio medium totum efficit ad rationalem applicatum latitudinem facit apotomen sextam.

104. Recta linea apotomæ longitudine commensurabilis, & ipsa apotome est, atque ordine eadem.

105. Recta linea mediæ apotomæ commensurabilis, & ipsa mediæ apotome est, atque ordine eadem.

106. Recta linea minori commensurabilis, & ipsa minor est.

107. Recta linea commensurabilis ei, quæ cum rationali medium efficit, & ipsa cum rationali medium totum efficiens est.

108. Recta linea commensurabilis ei, quæ cum medio medium totum efficit, & ipsa cum medio totum efficiens est.

109. Medio de rationali detracto, recta linea, quæ reliquum spatium potest, una ex duabus irrationalibus fit, vel apotome, vel minor.

110. Rationali de medio detracto alia duæ irrationales sunt, vel

mediæ apotome prima, vel cum rationali medium totum efficiens.

III. Medio de medio detracto, quod sit incommensurabile toti, reliquæ duæ irrationales fiunt, vel mediæ apotomæ secunda, vel cum medio medium totum efficiens.

II2. Apotome non est eadem quæ ex binis nominibus. *Recte verò lineæ quæ sequuntur apotomen, & eam quæ ex binis nominibus sunt numero tredecim, videlicet* 1. media. 2. quæ ex binis nominibus. 3. quæ ex binis mediis prima. 4. quæ ex binis mediis secunda. 5. maior. 6. rationale ac medium potens. 7. bina media potens. 8. apotome. 9. mediæ apotomæ prima. 10. mediæ apotomæ secunda. 11. minor. 12. cum rationali medium totum efficiens. 13. cum medio medium totum efficiens.

II3. Quadratum rationalis ad eam, quæ ex binis nominibus applicatum latitudinem facit apotomen, cuius nomina commensurabilia sunt nominibus eius, quæ est ex binis nominibus, & in eadem proportione: & adhuc apotome, quæ fit, eundem habet ordinem, quem ea, quæ est ex binis nominibus.

II4. Quadratum rationalis ad apotomen applicatum latitudinem facit eam, quæ ex binis nominibus, cuius nomina commensurabilia sunt apotomæ nominibus, & in eadem proportione, & adhuc quæ ex binis nominibus fit, eundem habet ordinem, quæ ipsa apotome.

II5. Si spatium continetur apotoma, & ea, quæ ex binis nominibus, cuius nomina commensurabilia sunt nominibus apotomæ, & in eadem proportione: recta linea spatium potens est rationalis. *Vide Coroll. & monitum Candalle.*

II6. A media infinitæ irrationales fiunt, & nulla alicui intercedentium est eadem.

✚ II7. Propositum sit nobis ostendere in quadratis figuris diametrum lateri incommensurabilem esse longitudine.



LIBER VNDECIMVS

ELEMENTORVM,

Solidorum verò primus.

DEFINITIONES 19.

1. **S**olidum est, quod longitudinem, latitudinem, & crassitudinem habet.
2. Solidi terminus est superficies.
3. Recta linea ad planum recta est, quando ad omnes rectas lineas, quæ ipsam contingunt, & in subiecto sunt plano, rectos angulos efficit. *Vide Scholium.*
4. Planum ad planum rectum est, quando communi planorum sectioni ad rectos angulos ductæ rectæ lineæ in vno plano, alteri plano ad rectos angulos fuerint.
5. Rectæ lineæ ad planum inclinatio est, quando à sublimi termino lineæ ad planum perpendiculari acta, à puncto facto ad terminum lineæ, qui est in plano, recta linea ducta fuerit, angulus acutus, qui ducta linea & stante continetur.
6. Plani ad planum inclinatio est angulus acutus rectis lineis contentus, quæ ad rectos angulos communi planorum sectioni ad vnum ipsius punctum in vtroque planorum ducuntur.
7. Planum ad planum similiter inclinari dicitur, & alterum ad alterum, quando dicti inclinationum anguli inter se fuerint æquales.
8. Plana parallela sunt, quæ inter se non conueniunt.
9. & 10. Similes & æquales solidæ figuræ sunt, quæ similibus planis multitudine & magnitudine æqualibus continentur.
11. Solidus angulus est plurium, quàm duarum linearum, quæ se se contingant, & non in eadem sint superficie, ad omnes lineas inclinatio; *vel*, Solidus angulus est, qui pluribus, quàm duobus planis angulis comprehenditur, non existentibus in eodem plano, & ad vnum punctum constitutis. *Vide Scholium.*
12. Pyramis est figura solida planis comprehensa, quæ ab vno plano ad vnum punctum constituitur.

13. Prisma est figura solida planis comprehensa, quorum duo, quæ opponuntur æqualia, & similia & parallela sunt: reliqua verò parallelogramma.

14. Sphæra est figura comprehensa, quando circa manentem diametrum semicirculus conuersus restituitur rursus in eundem locum, à quo moueri cœpit.

15. Axis sphæræ est recta linea manens, circa quam semicirculus conuertitur.

16. Centrum sphæræ est idem, quod & semicirculi centrum.

17. Diameter sphæræ est recta linea quædam per centrum ducta, & ex vtraque parte à superficie sphæræ terminata.

18. Conus est comprehensa figura, quando orthogonij trianguli manente vno latere eorum, quæ circa rectum angulum sunt, triangulum conuertitur, quoad rursus in eundem restituatur locum, à quo moueri cœpit. Et si quidem manens recta linea æqualis fuerit reliquo lateri, quod circa rectum angulum conuertitur, conus orthogonius erit: si verò minor, amblygonius: & si maior, oxygonius.

19. Axis conici est recta linea manens, circa quam triangulum conuertitur.

20. Basis verò, circulus à conuersa recta linea descriptus. *Vide Scholium, & alias definitiones conorum in Apollonio, & Sereno nostro.*

21. Cylindrus est comprehensa figura, quando orthogonij parallelogrammi manente vno latere eorum, quæ circa rectum angulum sunt, parallelogrammum conuertitur, quousque rursus restituatur in eundemque locum, à quo moueri cœpit.

22. Axis cylindri est manens recta linea, circa quam parallelogrammum conuertitur.

23. Bases autem, circuli, qui à duobus è regione lateribus conuersi describuntur. *Vide Serenum.*

24. Similes coni, & cylindri sunt, quorum & axes, & basium diametri eandem inter se proportionem habent.

25. Cubus est figura solida, sex æqualibus quadratis contenta.

26. Tetraëdrum est figura solida quatuor triangulis æqualibus & æquilateris comprehensa.

27. Octaëdrum est figura solida octo triangulis æqualibus, & æquilateris comprehensa.

28. Dodecaëdrum est figura solida, quæ duodecim pentagonis æqualibus, & æquilateris, & æquiangulis continetur.

29. Icosaëdron est figura solida, quæ viginti triangulis æqualibus, & æquilateris comprehenditur.

His autem tres sequentes definitiones Candalla subiungit.

30. Solidum parallelepipedum est figura solida sub quadrangulis planis, quorum quæ ex opposito sunt parallela comprehensa.

31. Figura solida in figura solida inscribi dicitur, quando inscriptæ figuræ anguli simul angulos, aut simul superficies, vel simul latera circumscriptæ tangunt.

32. Figura solida figuræ solidæ circumscribi dicitur, quando circumscriptæ figuræ anguli simul, latera simul, aut superficies simul angulos inscriptæ tangunt. *Vide monitum Candalle.*

Propositiones quadraginta.

1. **R**ectæ lineæ pars quædam non est in subiecto plano, quædam verò in sublimi. *Vide Scholium.*

✦ 2. Si duæ rectæ lineæ se inuicem secent, in vno sunt plano, & omne triangulum in vno plano consistit. *Vide Scholium.*

✦ 3. Si duo plana se inuicem secent, communis ipsorum sectio recta linea erit.

✦ 4. Si recta linea duabus rectis lineis se inuicem secantibus in communi sectione ad rectos angulos insistat, etiam ducto per ipsas plano ad rectos angulos erit.

✦ 5. Si recta linea tribus rectis lineis sese tangentibus in communi sectione ad rectos angulos insistat, tres illæ rectæ lineæ in vno plano erunt.

✦ 6. Si duæ rectæ lineæ eidem plano ad rectos angulos sfuerint, illæ inter se parallelæ erunt.

✦ 7. Si duæ rectæ lineæ parallelæ sint, sumantur autem in vtraque ipsarum quælibet puncta: quæ dicta puncta coniungit recta linea in eodem erit plano, in quo & parallelæ.

✦ 8. Si duæ rectæ lineæ parallelæ sint, altera autem ipsarum plano alicui sit ad rectos angulos: & reliqua eidem plano ad rectos angulos erit.

✦ 9. Quæ eidem rectæ lineæ sunt parallelæ non existentes in eodem, in quo ipsa plano, etiam inter se parallelæ erunt.

✦ 10. Si duæ rectæ lineæ sese contingentes duabus rectis lineis sese contingentibus sint parallelæ, non autem in eodem plano: æquales angulos continebunt. *Vide Scholium.*

11. A dato puncto sublimi ad subiectum planum perpendiculari-
rem rectam lineam ducere.

12. Dato plano à puncto, quod in ipso datum est, ad rectos angulos
rectam lineam constituere.

13. Dato plano à puncto, quod in ipso est, duæ rectæ lineæ ad rectos
angulos non constituentur ex eadem parte.

14. Ad quæ plana eadem recta linea est perpendicularis, ea parallela
sunt. *Vide Scholium.*

15. Si duæ rectæ lineæ sese tangentes duabus rectis lineis sese tan-
gentibus sint parallelæ, non autem in eodem plano: & quæ per ipsas
transeunt plana parallela erunt.

16. Si duo plana parallela ab aliquo plano secentur, communes ip-
sorum sectiones parallelæ erunt.

✦ 17. Si duæ rectæ lineæ à parallelis secantur planis, in easdem pro-
portiones secabuntur.

18. Si recta linea plano alicui sit ad rectos angulos, & omnia quæ per
ipsam transeunt plana eidem plano ad rectos angulos erunt.

19. Si duo plana se inuicem secantia plano alicui sunt ad rectos an-
gulos, & communis ipsorum sectio eidem plano ad rectos angulos erit.

✦ 20. Si solidus angulus tribus angulis planis contineatur, duo qui-
libet reliquo maiores sunt, quomodocumque sumpti.

✦ 21. Omnis solidus angulus minoribus quàm quatuor rectis angu-
lis planis continetur.

22. Si sint tres anguli plani, quorum duo reliquo sint maiores, quo-
modocumque sumpti, contineant autem ipsos rectæ lineæ æquales,
fieri potest, vt ex iis quæ rectas æquales coniungunt triangulum con-
stituatur.

23. Ex tribus angulis planis, quorum duo reliquo sint maiores, quo-
modocumque sumpti, solidum angulum constituere. Oportet autem
tres angulos quatuor rectis esse minores. *Vide Lemmata, & tres pro-
positiones Scholij.*

✦ 24. Si solidum parallelis planis contineatur, opposita ipsius plana
& æqualia & parallelogramma erunt. *Vide quatuor Corol. Candalle.*

✦ 25. Si solidum parallelepipedum plano secetur oppositis planis
parallelo, erit vt basis ad basim, ita solidum ad solidum.

26. Ad datam rectam lineam, & ad datum in ipsa punctum dato an-
gulo solido æqualem angulum solidum constituere.

27. A data recta linea dato solido parallelepipedo simile & similiter
positum solidum parallelepipedum describere.

✦ 28. Si solidum parallelepipedum plano secetur per diagonales op-

positorum planorum, ab ipso plano bifariam secabitur.

† 29. & 30. Solida parallelepipedā, quæ in eadem sunt basi, & eadem altitudine, siue eorum stantes sint in eisdem rectis lineis siue non, inter se sunt æqualia.

† 31. Solida parallelepipedā, quæ in æqualibus sunt basibus, & eadem altitudine, inter se sunt æqualia. *Vide Coroll. Candallæ.*

† 32. Solida parallelepipedā, quæ eandem habent altitudinem, inter se sunt vt bases.

† 33. Similia solida parallelepipedā inter se sunt in tripla proportionē homologorum laterum, *Vide Coroll. Command. & Candallæ.*

† 34. Æqualium solidorum parallelepipedorum bases ex contraria parte altitudinibus respondetur; & quorum solidorum parallelepipedorum bases ex contraria parte altitudinibus respondent, ea inter se sunt æqualia. *Vide Coroll.*

† 35. Si sint duo anguli plani æquales, & in verticibus ipsorum sublimes rectæ lineæ constituentur, quæ cum rectis lineis à principio positis angulos contineant æquales, alterum alteri: in sublimibus autem sumantur quæuis puncta, atque ab ipsis ad plana in quibus sunt anguli primi perpendiculares ducantur: & à punctis, quæ à perpendicularibus fiunt in planis ad primos angulos iungantur rectæ lineæ: cum sublimibus æquales angulos continebunt. *Vide Coroll. Command. & Candallæ.*

† 36. Si tres rectæ lineæ proportionales sint, solidum parallelepipedum quod à tribus fit. æquale est solido parallelepipedo, quod fit à media, æquilatere quidem, æquiangulo autem antedicto.

† 37. Si quatuor rectæ lineæ proportionales sint, & quæ ab ipsis fiunt solida parallelepipedā similia, & similiter descripta proportionalia erunt. Et si quæ ab ipsis fiunt solida parallelepipedā similia & similiter descripta proportionalia sint: & ipsæ rectæ lineæ proportionales erunt.

† 38. Si planum ad planum rectum sit, & ab aliquo puncto eorum, quæ sunt in vno plano ad alterum planum perpendicularis ducatur, ea in communem planorum sectionem cadet.

† 39. Si in solido parallelepipedo oppositorum planorum latera sectentur bifariam, per sectiones verò plana ducantur, communis planorum sectio, & solidi parallelepipedī diameter sese bifariam secabunt. *Vide Coroll. Candallæ.*

† 40. Si sint duo prismata æquealta, quorum vnum quidem basim habeat parallelogrammum; alterum verò triangulum, & parallelogrammū duplum sit trianguli: ea inter se æqualia erunt. *Vide Cor. Candallæ.*



LIBER DVODECIMVS,

ET SOLIDORVM SECVNDVS.

PROPOSITIONES.

† 1. **S**IMILIA polygona, quæ in circulis describuntur: inter se sunt vt diametrorum quadrata.

2. Circuli inter se sunt vt diametrorum quadrata. *Vide Lemma & Scholium Comm. & duo coroll. Candal.*

3. Omnis pyramis triangularem habens basim diuiditur in duas pyramides æquales, & similes inter se, quæ triangulares bases habent: similisque toti: & duo prismata æqualia, quæ quidem prismata dimidio totius pyramidis sunt maiora.

† 4. Si sint duæ pyramides æquealtæ, quæ triangulares bases habeant, diuidatur autem vtraque ipsarum, & in duas pyramides æquales inter se, similisque toti, & in duo prismata æqualia, & factarum pyramidum vtraque eodem modo diuidatur, atque hoc semper fiat: erit vt vnus pyramidis basis ad basim alterius, ita & in vna pyramide prismata omnia ad prismata omnia in altera pyramide, altitudine æqualia *Vide Lemma.*

† 6. & 7. Pyramides quæ in eadem altitudine, & triangulares, vel multiangulas bases habent, inter se sunt vt bases.

† 7. Omne prisma triangularem habent basim diuiditur in tres pyramides æquales inter se, quæ triangulares bases habent. *Vide 5. coroll. Candal.*

† 8. Similes pyramides, quæ triangulares, vel multiangulas bases habent, in tripla sunt proportionem homologorum laterum. *Vide duo coroll. & Theoremata.*

† 9. Æqualium pyramidum, & triangulares bases habentium bases ex contraria parte altitudinibus respondent: & quarum pyramidum triangulares bases habentium bases ex contraria parte altitudinibus respondeat, illæ sunt æquales. *Vide Coroll. Cand.*

† 10. Omnis conus tertia pars est cylindri, qui eandem basim habet & altitudinem æqualem. *Vide Corollarium.*

† 11. Coni & cylindri, qui eandem habent altitudinem, inter se sunt vt bases.

† 12. Similes coni & cylindri inter se sunt in tripla proportionē diametrorum, quæ sunt in basibus.

† 13. Si cylindrus plano secetur oppositis planis parallelo, erit vt cylindrus ad cylindrum, ita axis ad axem.

† 14. In æqualibus basibus existentes coni, & cylindri inter se sunt vt altitudines.

† 15. Æqualium conorum, & cylindrorum bases ex contraria parte altitudinibus respondent, & quorum conorum & cylindrorum bases ex contraria parte altitudinibus respondent, illi inter se sunt æquales. *Vide Coroll. Candal.*

† 16. Duobus circulis circa idem centrum existentibus in maiori polygonum æqualium, & numero parium laterum describere, quod minorem circulum non tangat. *Vide Lemma, & quatuor Corol. Candal.*

17. Duabus sphaëris circa idem centrum existentibus in maiori solidum polyhedrum describere, quod minoris sphaëre superficiem non tangat. *Vide Coroll.*

† 18. Sphaërae sunt inter se in tripla proportionē suarum diametrorum. *Vide Coroll. Candal. qui sequentem 19. propositionem addit. Si sphaera planum tangat, à centro in contactum demissa, perpendicularis erit plano.*



LIBER DECIMVS-TERTIVS

SOLIDORVM TERTIVS,

& corporum regularium primus.

Propositiones octodecim.

1. **S**irecta linea extrema, ac media ratione secta fuerit, maior portio assumens dimidiam totius, quintuplum potest eius, quod à dimidia fit, quadrati. *Vide Scholium utilissimū, & duas propositiones, & Corol. Candal. quo ait maius segmentum cum dimidia posse sesquiquartum totius.*

2. Si recta linea partis ipsius quintuplum possit, dupla dictæ partis extrema, ac media ratione secta, maior portio reliqua pars est eius, quæ à principio rectæ lineæ. *Vide Scholium.*

3. Si recta linea extrema, ac media ratione secta fuerit, portio mi-

nor assumens dimidiam maioris portionis, quintuplum potest eius, quod à dimidia maioris portionis fit, quadrati. *Vide Scholium.*

4. Si recta linea extrema, ac media ratione secta fuerit, totius & minoris portionis vtraque quadrata tripla sunt quadrati eius, quod à maiori fit portione. *Vide Scholium.*

5. Si recta linea extrema, ac media ratione secetur, adiciaturque ipsi æqualis maiori portioni: erit tota linea extrema, ac media ratione secta, & maior portio erit ea, quæ à principio posita est recta linea. *Vide Scholium & theorema; huic duas sequentes Maurolycus subiunxit.*

Si recta linea extrema, & media ratione secetur, apponaturque ei æqualis minori segmento: tota quintuplum poterit eius, quod à maiori segmento, quadrati. *Deinde.* Si duæ rectæ lineæ extremâ, singulæ & media ratione secentur, totæ ad maiora segmenta eandem habebunt rationem: item totæ ad minora eandem. Item segmenta segmentis proportionalia erunt.

6. Si recta linea rationalis extrema, ac media ratione secta fuerit, vtraque portio irrationalis est, quæ apotome appellatur. *Vide duas propositiones Command. & duo coroll. Candal.*

† 7. Si pentagoni æquilateri tres anguli siue continuati, siue non continuati fuerint æquales, æquiangulum erit pentagonum.

† 8. Si pentagoni æquilateri, & æquianguli duos continuatos angulos subtendant rectæ lineæ, extrema, ac media ratione se mutuò secant, & maiores ipsarum portiones pentagoni lateri sunt æquales.

† 9. Si hexagoni, & decagoni latera in circulo descripta componantur, erit tota recta linea extrema, ac media ratione secta, & maior ipsius portio erit hexagoni latus. *Vide tres propositiones.*

† 10. Si in circulo pentagonum æquilaterum describatur, latus pentagoni potest, & hexagoni & decagoni latus in eodem circulo descriptorum. *Vide Coroll. Candal.*

† 11. Si in circulo rationalem diametrum habente pentagonum æquilaterum describatur, pentagoni latus est linea irrationalis, quæ minor appellatur.

12. Si in circulo triangulum æquilaterum describatur, trianguli latus potentia triplum est eius, quæ ex circuli centro. *Vide quatuor utilia corollaria Candalle.*

13. Pyramidem constituere, & sphæra data comprehendere, ac demonstrare sphære diametrum potentia sesquialteram esse lateris ipsius pyramidis. *Vide tria corol. Candella.*

14. Octaëdram constituere, & sphæra comprehendere, qua & pyramidem, demonstrareque sphære diametrum potentia duplam esse lateris

teris octaëdri. *Vide tria coroll. Candalla.*

15. Cubum constituere, & sphæra comprehendere, qua & priores: demonstrarèque sphæræ diametrum lateris cubi potentia triplam esse. *Vide duo coroll. Candalla.*

16. Icosaëdrum constituere, & sphæra comprehendere, qua & prædictas figuras: demonstrarèque icosaëdri latus irrationalem esse lineam, quæ minor appellatur. *Vide Coroll.*

17. Dodecaëdrum constituere, & sphæra comprehendere, qua & prædictas figuras: demonstrareque dodecaëdri latus esse irrationalem lineam, quæ apotome appellatur. *Vide corollar. Command. & quatuor Coroll. Cand.*

18. Latera quinque figurarum exponere, & inter se comparare. Videatur Maurolycus, qui tabulis quibusdam explicat quot partium sint latera figurarum æquilaterarum circulo inscriptarum, cuius diameter sit. 12. partium. *Vide duo Coroll. Cand. & monitum.*



LIBER DECIMVS-QVARTVS,

ET SOLIDORVM QVARTVS,

& corporum regularium

secundus.

LIBER hic primus de quinque corporibus regularibus Hypsicli Alexandrino tribuitur, qui cum Protarcho familiari suo dedicat. Meminit etiam Apollonij, à quo librum de Dodecaëdri, & icosaëdri in eadem sphæra descriptorum comparatione scriptum esse docet, quo tamen caremus, quamvis tunc in omnium manibus versaretur.

Propositiones septem.

1. **Q**Uæ à centro circuli alicuius ad pentagoni latus in eodem circulo descripti, perpendicularis ducitur, dimidia est utriusque & hexagoni lateris, & decagoni, quæ in eodem circulo descri-

buntur. *Vide Coroll. Candal.*

2. Idem circulus comprehendit dodecaëdri pentagonum, & icosaëdri triangulum in eadem sphæra descriptorum. *Videantur Coroll.*

3. Si fuerit pentagonum æquilaterum, & æquiangulum, & circa ipsum circulus: à centro autem ad vnum latus perpendicularis ducta fuerit: quod tricies vno latere, & perpendiculari continetur, superficiem dodecaëdri est æquale. *Vide Coroll.*

4. Hoc probato demonstrandum erit, vt dodecaëdri superficies ad superficiem icosaëdri, ita esse latus cubi ad icosaëdri latus.

5. Ostendendum est, & qualibet recta linea extrema, ac media ratione secta, quam proportionem habet potens quadratum totius & quadratum maioris portionis ad eam, quæ potest quadratum totius & minoris portionis, eandem habere cubi latus ad latus icosaëdri.

6. Ostendendum nunc est vt latus cubi icosaëdri latus, ita esse dodecaëdri solidum ad solidum icosaëdri.

7. At verò duas rectas lineas, si extrema, ac media ratione sectæ fuerint, in subiecta esse analogia demonstratur. *Vide Corol. Quibus novas Maurolyci propositiones subiungo.*

8. Trianguli æquilateri latus ad perpendicularem, quæ ab angulo ad basim, potentia sesquitertium est.

9. Si trianguli æquilateri latus fuerit rationale, superficies eius est medialis.

10. Tota superficies pyramidis, vel octaëdri intra sphæram, cuius diameter rationalis est, descripti medialis est.

11. Pyramidis latus ad perpendicularem, quæ à vertice ad basim delabitur, potentia sesquialterum est. *Eadem est cum 13. prop. l. 13.*

12. A sphære centro ad basim circumscriptæ pyramidis recta perpendicularis est sexta pars sphæricæ diametri.

13. Sphære semidiameter ad perpendicularem à centro ad basim octaëdri circumscripti, potentia triplum est. Vnde latus ipsius solidi ad eandem perpendicularem potentia sextuplum erit.

14. Semidiameter sphære ad latus octaëdri potentia est vt 3. ad 6: latus autem octaëdri ad semidiametrum circuli qui basim octaëdri circumscribet, vt 6. ad 2. in potentia, igitur, per equam proportionem, semidiameter sphære ad semidiametrum dicti circuli est vt 3. ad 2: sed quadratum semidiametri dicti circuli cum quadrato perpendicularis æquum est quadrato semidiametri sphære, igitur quadratum semidiametri sphære ad quadratum perpendicularis triplum: quare latus octaëdri sexcuplum potentialiter ad eandem. *Eadem est cum 14.*

propositione lib. 13.

15. Perpendicularis à centro sphærae ad basim octaëdri potentialiter tripla est ad perpendicularem ab eodem centro ad basim pyramidis in eadem sphæra locatæ.

16. Perpendicularis à centro sphærae ad basim cubi ab ipsa sphæra comprehensi est dimidium lateris cubi.

17. Duæ perpendiculares, vna à centro sphærae ad basim octaëdri, altera ab eodem centro ad basim cubi in eadem sphæra comprehensorum sunt æquales.

18. Basis pyramidis ad basim octaëdri in eadem sphæra comprehensi est sesquitertia.

19. Tota pyramidis superficies ad totam octaëdri superficiem est sub-sesquialtera.

20. Ratio sexcupla superpartiens tres quartas dupla est ad rationem, quam habet octaëdri solidum ad pyramidis solidum in eadem sphæra existentium.

21. Cubi quadratum & octaëdri triangulum ab vna sphæra comprehensorum, ab eodem circulo circumscribuntur.

22. Quod sub perpendiculari à centro basis cubi ad latus, & sub ipso latere comprehenditur, rectangulum est totius cubicæ superficiei pars duodecima.

23. Quod sub perpendiculari à centro basis octaëdri ad latus, & sub ipso latere comprehenditur, rectangulum est totius solidi areæ pars duodecima.

24. A centro circuli ad latus trianguli æquilateri in circulo descripti perpendicularis dimidium est semidiametri eiusdem circuli.

25. Sesquitertia ratio dupla est eius, quam habet tota cubi superficies ad totam octaëdri superficiem.

26. Cubica superficies ad octaëdri superficiem est sicut pyramidis latus ad octaëdri latus in eadem sphæra.

27. Sicut est cubi superficies ad octaëdri superficiem, sic cubi solidum ad octaëdri solidum in eadem sphæra.

28. Dupla decemque vicesimas septimas superpartiens ratio est sicut ratio cubicæ basis ad octaëdricam basim duplicata, solidorum in eadem sphæra locatorum.

29. Sesquitertia ratio dupla est eius, quam habet cubica basis ad pyramidis basim in eadem sphæra.

30. Tripla ratio dupla est eius, quam habet cubica superficies ad pyramidis superficiem in eadem sphæra.

31. Cubus triplus est ad pyramidem in eadem sphæra descri-

ptam. *Vide calculum istarum figurarum apud Maurolycum.*

32. A centro sphære ad basim icosaedri recta perpendicularis maior est quàm perpendicularis ab eodem centro ad basim cubi in eadem sphæra constituti.

33. Maius est icosaedri latus sphære, intra quam describitur, semidiametro.

24. Duo quadrata, quæ ex sphære diametro, simul sumpta æqualia sunt superfici ei cubi in sphæra constructi.

35. Viginti triangula æquilatera maius sunt, quàm octo quadrata super eisdem descripta lateribus.

36. Icosaedri superficies maior est, quàm cubi in eadem sphæra positi superficies.

36. Icosaedrum maius est cubo secum in vna sphæra descripto.

37. Quæ à circuli centro in pentagoni latus in ipso circulo descripti perpendicularis ducitur, dimidia est simul vtriusque & eius, quæ ex centro & lateris decagoni in eodem circulo descripti.

39. Quadrata, quod à latere pentagoni, quodque ex eius angulum subtendente, simul sumpta, quincuplum sunt quadrati, quod ex circuli pentagonum circumscribentis semidiametro.

40. Idem circulus comprehendit dodecaedri quinquangulum & icosaedri triangulum in eadem sphæra descriptorum.

41. Perpendiculares à centro sphære ad bases dodecaedri & icosaedri ab ipsa sphæra circumscriptorum sunt æquales.

42. Quod sub perpendiculari à centro basis dodecaedri ad latus, & sub ipso latere comprehenditur, rectangulum est totius superfici ei dodecaedricæ parstricesima.

43. Quod sub perpendiculari à centro basis icosaedri ad latus, & sub ipso latere continetur rectangulum, est totius icosaedricæ superfici ei parstricesima.

44. Dodecaedri superficies ad icosaedri superficiem est sicut cubi latus ad icosaedri latus, in solidis scilicet ab eadem sphæra contentis.

45. Ex drodante diametri in dextrantem lineæ angulum pentagoni subtendentis fit æquale pentagono, quod à circulo circumscribitur, rectangulum.

46. Rursum ostendere, quod sicut cubi latus ad icosaedri latus, sic est dodecaedri superficies ad icosaedri superficiem in eadem sphæra conscriptorum. *Sequens Maurolyci propositio eadem est cum quinta huius.*

47. Dodecaedri solidum ad icosaedri solidum in eadem sphæra est sicut dodecaedri superficies ad icosaedri superficiem. *Hinc constat veritas sextæ huius. Deinde prædictorum quinque solidorum in vna sphæra*

conſtructorum maximum eſſe dodecaedrum ; icosaëdram autem maius eſſe cubo, cubum maiorem octaëdro ; octaëdram maius pyramide. Quem etiam ordinem ſequuntur illorum ſuperficies, donec ad octaëdri ſuperficiem deveniatur, quæ eſt ſeſquialtera ſuperficie pyramidis. Denique cuius corpus maximum, & ſuperficies maxima, eiſdem latus eſt minimum ; ac proinde cuius ſoliditas, & ſuperficies minima, eiſdem latus eſt maximum : nam magnitudinis laterum ordo converſus eſt ad ordinem ſuperficierum, & ſoliditatum. Videantur quedam alie propoſitiones Candalla.



LIBER DECIMVS-QVINTVS.

SOLIDORVM QVINTVS, ET CORPORVM
regularium tertius.

QVINQUE ſolùm Euclidis propoſitiones hocce libro legimus ; quibus alias Maurolyci, & Fluſſatis ſubiungemus, ne quid huic libello deſit.

Propoſitiones viginti duæ.

1. **I**N dato cubo pyramis ita inſcribetur : protrahe ſex baſium cubi diametros ad quatuor ex cubi angulis concurrentes ; tales diametri erunt ſex latera inſcriptæ pyramidis.
2. In pyramide octaëdram inſcribetur, ſi diuidantur ſingula pyramidis latera. *Vide coroll. Cand.*
3. In cubo octaëdram includetur, ſi coniungantur ſex baſium cubi centra per duodecim rectas. *Vide coroll. Cand.*
4. In octaëdro cubus collocabitur, ſi octo triangulorum centra per duodecim rectas continuentur.
5. In octaëdro pyramis inſcribetur, ſi octaëdro cubus, & cubo pyramis includatur. *Vide duo coroll. Cand.*
6. In icosaëdro dodecaëdram coaptabitur, ſi coniungas viginti triangulorum cubi centra per triginta lineas ; quibus centris ſingulis anguli ſinguli dodecaëdri incident.
7. In dodecaëdro icosaëdram effingetur, ſi duodecim pentagonorum centra coniungantur productis triginta chordis : ſic enim anguli clauſi icosaëdri tangent centra baſium claudentis dodecaëdri.
8. In dodecaëdro cubus ſtatuetur, ſi protrahas ſingulorum penta-

gonorum singulas rectas, quæ pentagoni subtendunt angulos. Sic 12 rectæ conflabunt 6 quadrata cubum inclusum constructura.

9. In dodecaedro octaedrum componetur, si sex dodecaedri latera, quorum bina sunt per diametrum opposita, & æquidistantia per æqualia diuidantur, & puncta diuisionum connectantur per duodecim lineas.

10. In dodecaedro pyramis accommodabitur per inscriptionem cubi in dodecaedro, & pyramidis in cubo.

11. In icosaedro cubus condetur, si icosaedro dodecaedrum, & dodecaedro cubum inscribas.

12. In icosaedro pyramis figurabitur, si icosaedro cubus, cuboque pyramis inscribatur. *Quæ quidem mutue regularium corporum inscriptiones possent esse viginti: sed pyramidi solùm conuenit octaëdrum inscribi: cubo pyramidem, & octaëdrum: octaëdro pyramidem & cubum: icosaëdro pyramidem, cubum, & dodecaëdrum: denique singula dodecaëdro.*

13. In quolibet dictorum solidorum sphaera inscribi potest; si à centro sphaeræ solidum circumscribentis ducatur ad vnâ basium solidi linea perpendicularis per 11. 11. ad cuius spatium super centro semicirculus, & semicirculo circumducto super diametrum sphaera describetur, quæ ob æqualitatem perpendicularium tanget singulas solidi bases, cui inscribitur, in illis punctis quæ perpendicularium casus suscipiunt. *Videatur calculus laterum, & perpendicularium figurarum planarum, & solidarum apud Maurolycum. Videantur duo corol. Candalla ad hanc prop. quæ est apud eum 21. Sequuntur alia propositiones Candalla, quibus iungentur corollaria.*

14. Proposito cubo dodecaedrum inscribere. Dimetiens autem sphaeræ dodecaedrum ambientis bina potest latera, scilicet dodecaedri, & dodecaedrum ambientis cubi. Cubi verò latus extrema, & media ratione sectum efficit minus segmentum latus dodecaedri sibi inscripti. Maius verò segmentum latus cubi eidem dodecaedro inscripti. Denique cubi latus, dodecaedri inscripti, & circumscripti lateribus est æquale.

15. In dato cubo icosaedrum describere. Dimetiens verò sphaeræ icosaedrum ambientis bina potest & icosaedri & ipsum continentis cubi latera. *Videantur tria alia corollaria.*

16. & 17. In dato icosaedro octaedrum collocare, & in octaedro icosaedrum. *Videantur duo corol.*

18. & 19. In dato octaedro dodecaedrum; & in data trilatera, & æquilatera pyramide cubum collocare. Quæ verò bifariam secat opposita pyramidis latera, tripla est lateris inscripti cubi: & per cen-

trum transit. Insuper pyramidis latus triplum est ac parallelum dimittentis cubi basis: & duplum potest eius, quæ coniungit opposita eiusdem latera.

20. & 21. In prædicta pyramide icosaedrum & dodecaedrum componere. Dodecaedri autem & cubi in sphæra descriptorum dimittentes dimidiæ sunt eius, quæ à pyramidis angulo in basim demissa fuit. *Sequitur liber 16. quem Candalla quindecim libris elementorum Euclidis subiunxit.*



LIBER DECIMVS-SEXTVS

ELEMENTORVM

Geometricorum.

PROPOSITIONES.

1. **D**Odecaedrum, sibi que inscriptus cubus, ac eidem cubo inscripta pyramis, eadem capiuntur sphærâ. Quæ tria solida similiter eidem insident icosaedro, octaedro, & pyramidi.

2. Dodecaedri circumscripti ad dodecaedrum cubo inscriptum ratio tripla est extremæ, & mediæ rationis.

3. Omnis quinquanguli æquilateri, & æquianguli, quæ ab vno angulorum in basim perpendicularis extrema & media ratione secatur, per rectam angulum eundem subtendentem. *Vide coroll.*

4. Quæ ab angulis basis pyramidis latera opposita secant extrema & media ratione rectæ, ipsæ comprehendunt basim icosaedri pyramidis inscripti, triangulo æquilatero inscriptam, cuius anguli latera basis pyramidis extrema & media ratione secant. *Vide duo coroll.*

5. Latus pyramidis extrema & media ratione sectum, efficit minus segmentum potentia duplum lateris icosaedri. *Vide Coroll.*

6. Latus cubi dimidium potest lateris sibi inscriptæ pyramidis triangularis æquilateræ.

7. Latus pyramidis duplum est lateris sibi inscripti octaedri.

8. Cubi latus duplum potest lateris sibi inscripti octaedri.

9. Dodecaedri latus, maius segmentum est, eius quæ dimidium potest lateris sibi inscriptæ pyramidis.

10. Latus icosaedri media est proportionalis inter latus cubi icosaedro circumscripti, & dodecaedri eidem cubo inscripti.

11. Latus pyramidis octodecuplum potest lateris sibi inscripti cubi.
12. Latus pyramidis octodecuplum potest eius rectæ, cuius dodecaedri latus pyramidi inscripti, sit maius segmentum.
13. Minoris segmenti lateris octaedri duplum potest latus sibi inscripti icosaedri.
14. Octaedri & sibi inscripti cubi latera quadruplam sesquialteram rationem potentia habent.
15. Octaedri latus quadruplum sesquialterum potest rectæ, cuius dodecaedri ipsi octaedro inscripti latus erit maius segmentum.
16. Icosaedri latus est maius segmentum, eius quæ duplum potest lateris octaedri ipsi icosaedro inscripti.
17. Cubi latus ad sibi inscripti dodecaedri latus, rationem habet extremæ & mediæ rationalis duplam.
18. Dodecaedri ad sibi inscripti cubi latus, rationem habet mediæ ac extremæ conuersam.
19. Latus octaedri sesquialterum est lateris sibi inscriptæ pyramidis,
20. Si ab icosaedri dimetientis potentia, tripla auferatur lateris sibi inscripti cubi potentia, reliqua sesquitertia erit potentia lateris ipsius icosaedri. *Vide Coroll.*
21. Dodecaedri latus minus segmentum est eius quæ duplum potest lateris octaedri eidem dodecaedro inscripti.
22. Dimetiens icosaedri potest & sui ipsius lateris sesquitertium, & lateris icosaedro inscriptæ pyramidis sesquialterum.
23. Dodecaedri latus ad icosaedri sibi inscripti latus se habet vt minus segmentum perpendicularis pentagoni ad eam quæ ex centro in latus eiusdem pentagoni.
24. Si lateris icosaedri dimidia extrema & media ratione secta fuerit, minusque segmentum eius à toto latere tollatur, reliquæ verò tertia pars rursus auferatur, quæ superest, æqualis erit lateri dodecaedri ipsi icosaedro inscripti.
25. Datum cubum sibi inscriptæ trilateræ æquilateræ pyramidis triplum esse demonstrare.
26. Pyramidem præcedentem sibi inscripti octaedri duplam, & octaedrum pyramidis quæ super basi & vertice continetur, quadruplum esse ostendere.
27. & 28. Cubum sibi inscripti octaedri sextuplum: & octaedrum sibi inscripti cubi quadruplum sesquialterum esse patefacere. Hæc autem rationem, quam latera potentia, habent.
29. 30. Octaedrum sibi inscriptæ trilateræ æquilateræ pyramidis

tredecuplum sesquialterum: hanc autem cubi sibi inscripti non cuplam esse demonstrare.

31. Octaedrum ad sibi inscriptum icosaedrum eam seruat, quam binę octaedri bases ad quinque icosaedri rationem.

32. Icosaedri solidi ad sibi inscriptum dodecaedri solidum ratio constat ex ratione lateris icosaedri ad latus cubi eadem sphaera comprehensi, & ratione tripla dimetientis, ad eam quę coniungit oppositarum icosaedri basium centra.

33. Dodecaedri solidum excedit cubi sibi inscripti solidum, parallelepipedo solido, quod super eiusdem cubi basi, vertice verò cubi lateris maiori & dimidio minoris segmentis constituitur. *Vide Corollarium.*

34. Dodecaedri ad sibi inscriptum icosaedri solidum ratio constat ex tripla ratione dimetientis ad eam quę coniungit oppositarum dodecaedri basium centra, & ratione lateris cubi ad latus icosaedri, eidem sphaerę inscriptorum.

35. Dodecaedri solidum pyramidis sibi circumscriptę solidi bipartitur nonas, dempto vnus nonę (extremā & mediā ratione sectę, dimidio minoris segmenti).

36. Octaedrum excedit sibi inscriptum icosaedrum solido parallelepipedo quod super potentia lateris icosaedri, vertice autem ea quę semidimetientis octaedri est maius segmentum. *Vide Corol.*

37. Si trianguli certam propositam basim habentis latera basi potentiā commensurabilia fuerint, à vertice autem demissa perpendicularis basim secuerit, sectiones toti basi longitudine, perpendicularis verò potentiā commensurabiles erunt. *Vide Coroll. 2.*

38. Si proposita recta assumat maius, & dimidię minus segmenta, totius autem suscipiatur maius maiori segmenti, cubus ad sibi inscriptum dodecaedrum habet rationem quam proposita ad idem minus segmentum.

39. Si proposita recta assumat maius, & dimidium minoris segmenta, tota recta ad tertium propositę se habet, vt dodecaedri solidum ad sibi inscriptę pyramidis solidum.

40. Si dodecaedri dimetiens totam & minus segmentum possit, quod super totius dimidia potentia, vertice verò eiusdem totius tertio comprehensum solidum, equale erit octaedro eidem dodecaedro inscripto. *Vide Corol. & lemma.*

41. Si dimetiens icosaedri totam & maius segmentum possit, ab ea autem tota tertium minoris segmenti tollatur, quod ex reliquę mediā & extremā ratione sectę maiori segmento solidum rectangu-

lum, æquale erit cubo eidem icosaedro inscripto.

42. Si dimetiens icosaedri totam & maius segmentum possit, quod super totius dimidia potentia, vertice autem eiusdem tertio comprehensum solidum æquale erit octaedro eidem icosaedro inscripto.

43. Si dimetiens icosaedri totam & maius segmentum possit, à totius autem maiori segmento dimidium sui minoris tollatur, quod super requilæ quadrato, vertice verò eiusdem tertio comprehensum solidum æquale erit pyramidi eidem, icosaedro inscriptæ.

44. Pyramis ad sibi inscriptum dodecaedrum rationem habet quam nouem ad vnam, cum maiori & dimidio minoris eius segmentis, magnitudines.

45. Si à lateris cubi potentia tollatur tertium potentix sui maioris segmenti, quod sub vertice quintupartiente sextas eius quæ reliquum potest, & super triangulo quod ex dupla eiusdem maioris segmenti solidum æquale erit icosaedro eidem cubo inscripto.

46. Octaedri solidum ad sibi inscripti dodecaedri solidum se habet, vt quadratum lateris octaedri, ad quod sub tertio dimetientis, & ea quæ idem tertium excedit sui ipsius maiori, & dimido minoris segmentis comprehenditur rectangulum.



LIBER DECIMVS SEPTIMVS,

SOLIDORVM VERO REGV-

larium compositorum

primus.

DEFINITIONES 2.

1. **E**X octaedron est figura solida æquilatera, & æquiangula, sex æqualibus quadratis, & octotriangulis æqualibus & æquilateris comprehensa.

2. Icosidodecaedron est figura solida, æquilatera & æquiangula, duodecim quinquangulis æquilateris, æqualibus, & æquiangulis, & viginti triangulis, æqualibus & æquilateris comprehensa.

Propositiones viginti-octo.

1. **E**Xoctaedron æquilaterum & æquiangulum construere, & data sphæra comprehendere, & ostendere dimetientem lateris duplam esse. *Videantur quatuor Coroll.*

2. Icosidodecaedron æquilaterum & æquiangulum construere, & datâ sphærâ comprehendere, ostendereque dimetientem extrema & media ratione sectam efficere maius segmentum, duplum lateris icosidodecaedri. *Vide duo Coroll.*

3. Idem describitur icosidodecaedron ablatis icosaedri solidis angulis, quod à dodecaedro persimiles laterum sectiones. *Vide Coroll.*


4. Pyramidi trilateræ & æquilateræ exoctaedron inscribere.

Propositiones à 5. ad 25. In dato octaedro; & cubo exoctaedrum; in icosaedro; & dodecaedro exoctaedron: In exoctaedro pyramidem trilateram, & æquilateram: octaedron: cubum: & icosaedron. In icosaedro: trilatera, & æquilatera pyramide: octaedro: & cubo, icosidodecaedron. In exoctaedro dodecaedron; in hoc icosidodecaedro dodecaedron cubum: pyramidem trilateram æquilateram, octaedron, icosaedron, & exoctaedron: & in exoctaedro icosidodecaedrum inscribere. *Vide 15. Coroll.*

26. Icosidodecaedri & exoctaedri bases, & latera opposita parallela ad inuicem esse demonstrare.

27. Icosidodecaedrum secari bifariam 6. decagonis æquilateris, & æquiangulis vnde duodecim pyramidibus quinquangulis, & 20. pyram. triangulis æquis, & similibus componitur.

28. Exoctaedron quatuor hexagonis æquilateris, & æquiangulis bifariam secatur. *Vide Coroll.*



LIBER DECIMVS-OCTAVVS.

SOLIDORVM VERO REGV-

larium compositorum.
secundus.

PROPOSITIONES 45.

1. **O**ctaedri latus sibi inscripti exoctaedri lateris duplum est.
2. **P**yramidis trilateræ, & æquilateræ latus, lateris sibi inscripti exoctaedri quadruplum est.
3. Cubi latus, duplum potest lateris sibi inscripti exoctaedri.
4. Si icosaedri maius segmentum secetur in totam & minus, latus icosaedri assumens idem minus, duplum potest lateris sibi inscripti exoctaedri.
5. Dodecaedri latus ad exoctaedri sibi inscripti latus est sicut maius segmentum rectæ extremæ ac mediâ ratione sectæ, ad eam quæ potest dimidium totius.
6. Exoctaedri latus sibi inscriptæ trilateræ æquilateræ pyramidis lateris tripartitur quartas.
7. Latus exoctaedri lateri sibi inscripti octaedri est æquale.
8. Exoctaedri latus lateris sibi inscripti cubi sesquioctauum potest.
9. Latus exoctaedri ad latus sibi inscripti icosaedri rationem habet quam recta potens dimidium rectæ extremæ, & mediâ ratione sectæ ad maius segmentum totius.
10. Exoctaedri latus ad dodecaedri sibi inscripti latus se habet ut potens dimidium rectæ extrema, & media ratione sectæ ad minus eius segmentum.
11. Pyramidis lateris extremæ, & mediâ ratione secti minus segmentum octuplum est lateris sibi inscripti icosidodecaedri potentia.
12. Octaedri latus extrema & media ratione sectum efficit minus segmentum, duplum potentia lateris sibi inscripti icosidodecaedri.
Vide Coroll.
13. Lateris cubi dimidia extrema & media ratione secta, efficit maius segmentum latus icosidodecaedri, eidem cubo inscripti.
14. Icosaedri latus, lateris sibi inscripti icosidodecaedri duplum est.

15. Dodecaedri latus, icosidodecaedri sibi inscripti lateris extrema & media ratione secti, maioris segmenti duplum est. *Vide Coroll.*

17. Dodecaedri dimetiens quatuor planis orthogonijs secatur, ad utrasque centri partes, extrema & media ratione iungentibus. *Vide Coroll. 2.*

17. Icosidodecaedri latus ad dodecaedri sibi inscripti latus rationem habet, quam tota & maius, ad totam, maius & tertiam minoris segmenti, eiusdem totius.

18. Icosidodecaedri latus deficit à latere sibi inscripti icosaedri, dimidio maioris segmenti lateris icosaedri.

19. Icosidodecaedri latus sectū in totam & maius deficit à latere sibi inscripti cubi, minoris eius segmento, & insuper tertia parte minoris segmenti prædictæ totius.

20. Latus icosidodecaedri assumens maius eius segmentum dimidium potest lateris sibi inscripti octaedri.

21. Icosidodecaedri lateris maioris segmento, extrema & media ratione secto, tertium minoris eius segmenti, est excessus, quo totum latus deficit à maiori segmento eius, quæ dimidium potest lateris icosidod. inscriptæ pyramidis.

22. Latus icosidod. dimidium potest lateris sibi inscripti exoctaedri. *Vide Coroll.*

23. Latus exoctaedri duplum potest eius, cuius latus sibi inscripti icosidodecaedri est maius segmentum.

24. Cubus sibi inscripti exoctaedri sesquiquintum est.

25. Octaedron sibi inscripti exoctaedri supertripartiens quintas est.

26. Trilatera æquilatera pyramis sibi inscripti exoctaedri tripla sesquiquinta est.

27. Dodecaedri solidum excedit exoctaedri sibi inscripti solidum parallelepipedo solido, quod super basi cubi dodecaedro inscripti, vertice autem maiore segmento, dimidio minoris segmenti, & sexta parte lateris cubi. *Vide Corollarium.*

28. Icosaedri solidum ad sibi inscripti exoctaedri solidum, rationem habet, quam solidum parallelepipedum, constitutum super eo, quod sub trianguli icosaedri latere, & dupla suæ perpendicularis, vertice verò superpartiente tertias eius quæ à centro in basim icosaedri perpendicularis continetur, ad solidum parallelepipedum super quadrato lateris sumentis minus segmentum sui maioris, & in totam, & minus secti, vertice autem quintupartiente sextas totius comprehensum. *Vide Coroll.*

29. Ex octaedri solidum ad sibi inscriptæ trilateræ æquil. pyramidis solidum rationem habet octuplam superseptupartientem decimas sextas.

30. Ex octaedrum ad sibi inscriptum octaedrum, rationem habet quintuplam.

31. Ex octaedri solidum ad sibi inscripti cubi solidum rationem habet duplam supertredecupartientem decimas sextas.

32. Si proposita recta assumat sui maius, & dimidia minus segmenta, totius autem suscipiatur minus maioris segmenti, ex octaedrum ad sibi inscriptum dodecaedrum habebit rationem, quam propositæ quinque sextæ, ad idem minus segmentum.

33. Ex octaedrum ad icosaedrum sibi inscriptum, se habet sicut solidum parallelepipedum super quadrato lateris icosaedri, cum maiori eius segmento, vertice autem quintupartiente sextas totius comprehensum, ad solidum parallelepipedum super eo quod sub icosaedri eodem latere, & tripla sibi potentia, vertice autem quintupartiente sextas iungentis oppositarum eiusdem basium centra.

34. Dodecaedron excedit sibi inscriptum icosidodecaedron, solido prismate, cuius basis est æquilaterum triangulum, super binis eorum lateribus descriptum, vertex autem minoris segmenti dimetientis dodecaedri duo nona. *Vide duo Coroll.*

35. Icosaedri solidum excedit sibi inscripti icosidodecaedri solidum, solido super eiusdem pentagona basi, vertice verò iungentis eiusdem, & oppositæ basis centra, dupla minoris segmenti constituto, *Vide duo Coroll.*

36. Octaedri solidum excedit sibi inscripti icosidodecaedri solidum solidis, quæ super quadrato duplæ lateris icosidodecaedri, vertice verò ea, quæ ex eiusdem centro, & super pentagono sui eiusdem lateris, vertice autem binis minoribus segmentis, iungentis oppositorum pentagonorum centra constituuntur.

37. Si cubi dodecaedro inscripti latus, assumat maius, & dimidiæ minus segmenta: totius autem suscipiatur minus maioris segmentum, cubus dodecaedro circumscriptus excedet sibi inscriptum icosidodecaedrum, solido quod super basi cubi inscripti, vertice verò ea quæ latus eiusdem cubi excedit idem minus maioris segmentum, & insuper prismate super triangulo lateris eiusdem cubi, vertice autem quintupartiente decimas octauas maioris segmenti dimetientis dodecaedri, constituto.

38. Pyramis trilatera æquilatera icosidodecaedri sibi inscripti superat duplam, solido parallelepipedo, super quadrato dupli sui lateris,

vertice autem dimetiente comprehenso, & solido super pentagono eiusdem dupli lateris, vertice verò maiori segmento eius, quæ à pentagoni centro, constituto.

39. Si recta iungentis oppositorum icosidodecaedri pentagonorum centra, dupla fuerit, ad aliam autem sit vt dimidia ad maius, & idem aliam, vt dimidia ad maius; maxima autem ad aliam sit tripla in ratione totius ad duo tertia, & maius segmentum: quod sub reliquæ vertice, & pentagona basi solidum, æquale erit dodecaedro, icosidodecaedro inscripto.

40. Si à iungente oppositorum icosidodecaedri triangulorum centra, tollatur sexta pars: à reliqua verò auferatur tripla rationis totius & minoris segmenti ad totam, quod sub reliquæ vertice, & super triangulo, quod ex quadrupla lateris icosidodecaedri, solidum, æquale erit icosaedro eidem icosidodecaedro inscripto.

41. Si iungens oppositorum icosidodecaedri quinquangulorum centra aliquam tertio minoris segmenti superet, eamdem autem excedat alia quarto minoris segmenti, quod sub excedentis vertice, & super pentagono eius, quæ proximorum icosidodecaedri triangulorum centra iungit, solidum, æquale erit cubo eidem icosidodecaedro inscripto.

42. Octaedri solidum æquale est solido parallelepipedo, quod sub vertice icosidodecaedri circumscripti dimetiente, & super quadrato eius quæ sextum dimetientis potest.

43. Si ab icosidodecaedri dimetiente tertium minoris segmenti tollatur, reliqua verò extremâ & mediâ ratione diuidatur, erit, quod super maioris segmenti quadrato, vertice verò eiusdem tertia parte solidum, æquale pyramidi eidem icosidodecaedro inscriptæ.

44. Si icosidodecaedri dimetiens extremâ & mediâ ratione diuidatur, quod super maioris segmenti quadrato, & vertice quintupartiente sextas eiusdem comprehensum solidum, æquale erit ex octaedro eidem icosidodecaedro inscripto.

45. Si super quadrato maioris segmenti dimetientis basis ex octaedri, vertice autem quadrati latere, maiori & dimidio minoris segmenti eiusdem, comprehendatur solidum, ab hoc detractum quod super æquilatelo triangulo eiusdem lateris, vertice verò quintupartiente decimas octauas minoris segmenti eius quæ triplum potest eiusdem lateris solidum relinquit, æquale icosidodecaedro eidem ex octaedro inscripto solidum. *Qui verò naturam pyramidis trilatere, æquilatere, octaedri, cubi, icosaedri, & dodecaedri accuratius co-*

64 EVCLIDIS ELEMENTORVM LIB. XVIII.

gnoscere voluerit, legat Candallam in fine libri decimiseptimi qui naturam
exoctaedri, & icosidodecaedri ad calcem huiusce libri decimi octavi ex-
plicat.




PETRI RAMI

GEOMETRIÆ

LIBER PRIMVS.

DE MAGNITVDINE.

1.  EOMETRIA est ars bene metiendi.
2. Res ad bene metiendum proposita est Magnitudo.
3. Magnitudo est quantitas continua.
4. Continuum est, cujus partes communi termino continentur.
5. Terminus est magnitudinis extremum. e. 3. d. 1. *Itaque Magnitudo infinite & creatur, & continetur, & secatur iisdem quibus terminatur.*
6. Punctum est signum in magnitudine individuum.
7. Magnitudines symmetræ sunt, quas eadem mensura exactè metitur asymmetræ contra. 1. 2. d. 10.
8. Rationales sunt, quarum ratio est explicabilis numero datæ mensuræ, irrationales contra. e. 5. d. 10.
9. Magnitudines congruæ sunt, quarum partes applicatæ partibus æqualem locum occupant. *Itaque Magnitudines congruæ sunt æquales, 8. ax.*
10. Magnitudines adscriptæ sunt inter se, quando vnius termini alterius terminis terminantur: quæ intra est, dicitur inscripta: circumscripta, quæ extra.

LIBER SECVNDVS.

De Linea.

1. **M**agnitudo est linea aut linearum.
2. Linea est magnitudo tantum longa.
3. Lineæ terminus est punctum.
4. Linea est recta vel curua.
5. Linea recta est linea, quæ intra suos terminos æqualiter inter-

jacet, curua contra. 4. d. i.

Itaque

Recta est, breuissima intra eosdem terminos.

6. Linea obliqua tangitur à recta vel curua, quando ambæ ita concurrunt, vt continuatæ non interfecentur.

Itaque

Tactus fit unico puncto. e. 13. p. 3.

7. Linea curua est peripheria, aut helix.

8. Peripheria, quæ distat æqualiter à medio comprehensi spatij.

Itaque

*Peripheria fit conuersione lineæ altero termino quiescente, altero li-
neante.*

9. Helix est, quæ distat inæqualiter à medio vtcunque comprehensi spatij.

10. Lineæ inter se rectæ sunt, quarum altera in alteram incidens æqualiter interjacet: obliquæ contra. e. 19. d. i.

Itaque

*Si recta est perpendicularis rectæ, est ab eodem termino & eadem parte sin-
gulari. e. 5. 13. p. 11.*

11. Lineæ parallelæ sunt, quæ vbique æqualiter distant. e. 35. d. i.

Itaque

1. Parallela est ab eodem puncto ad eandem rectam singularis. Et

2. Lineæ eidem parallele sunt inter se parallele. 30. p. i.

LIBER TERTIVS.

De Angulo.

1. **L**ineatum est magnitudo plusquam longa.

2. Lineatum est angulus & figura.

3. Angulus est, lineatum in communi concursu terminorum.

4. Crura anguli sunt termini comprehendentes angulum.

5. Anguli homogenei sunt anguli cruribus & crurum concursu genere iidem.

6. Anguli cruribus congrui sunt æquales.

Itaque

1. Si angulus angulo homogeneus & aquicrurus æquatur basi, est equalis: & si est equalis, æquatur basi. ex 8. & 4. p. i.

Et

2. Si equalis basi est aquicrurus, æquatur.

Et

3. Si angulus angulo aquicrurus est, major basi, est major: & si major, est major basi. e. 25. & 24. p. i.

Et

4. Si equalis basi est minor interioribus cruribus, est major.

Itaque

5. Si dati anguli cruribus ad datum punctum crura homogenea æquantur aquâ basi, æquabunt angulum dato. e. 23. p. i. & 26. p. ii.

7. Angulus est rectus vel obliquus.
8. Rectus, cuius crura sunt inter se recta, obliquus contra. *Itaque Anguli recti crurirecti sunt æquales. e. p. 1.*
9. Angulus obliquus est obtusus aut acutus.
10. Obtusus est obliquus maior recto. 11. d. 1.
11. Acutus est obliquus minor recto. 12. d. 1.

LIBER QVARTVS.

De figura.

1. **F**igura est lineatum vndique terminatum. e. 14. d. 1.
2. Centrum est punctum in figura medium.
3. Perimeter est comprehensio figuræ.
4. Radius est recta à centro ad perimetrum.
5. Diameter est recta inscripta figuræ per centrum. *Itaque*
 1. Diametri in eadem figuræ sunt infinita. *Et*
 2. Centrum figuræ est in diametro. *Et*
 3. In concursu diametrorum.
6. Altitudo est perpendicularis à vertice figuræ ad basim.
7. Figura ordinata est figura æquitermina & æquiangula.
8. Figura prima est figura in alias simpliciores figuras indiuidua.
9. Figura rationalis est quæ comprehenditur à basi & altitudine rationalibus inter se: irrationalis contra. *Itaque Numerus figuræ rationalis figuratus dicatur, & numeri unde fit, latera figurati.*
10. Figuræ isoperimetræ sunt figuræ æqualis perimetri.
11. Ex isoperimetris homogeneis ordinatius est maius, ex heterogeneis ordinatis terminatius.
12. Si figuræ primæ sunt æquealtæ, sunt vt bases: & contra. *Itaque Si sunt in basi æquali, sunt æquales.*
13. Si figuræ primæ sunt reciproæ basi & altitudine, sunt æquales: & contra.
14. Figuræ similes sunt figuræ æquiangulæ, & proportionales cruribus æqualium angulorum. *Itaque*
 1. Habent homologos terminos æqualibus angulis subtensos, & æquales, si ipsæ sint æquales. *Et*
 2. Similiter sita sunt, quando termini proportionales simili situ respondent. *Et*
 3. Similes eidem, sunt similes inter se. *Et*

4. Si partibus data figura partes ad datum terminum similes; similiterque sita constituentur, figura constituetur similis data similiterque sita.
15. Figuræ similes habent rationem homologorum laterum æquemultiplicatam dimensionibus, & medium proportionale vna minus.
- Itaque.
1. Si lineæ rectæ sint continuè proportionales vna plures dimensionibus figurarum similium ad primam secundamque similiter sitarum, ut prima recta est ad ultimam, sit prima figura est ad secundam: & contra.
- Et
2. Si quatuor rectæ sint proportionales, figuræ similes ad eas similiterque sitæ sunt proportionales: & contra.
6. Figuræ complentes locum sunt æquiangulæ, quæ circa idem punctum quolibet modo collocatæ nihil inane relinquunt.
7. Figura rotunda est ordinata, cuius radij omnes æquantur.
- Itaque.
1. Diametri in rotundo bisecantur radijs equalibus. Et
2. Rotunda diametrorum equalium sunt equalia. c.1.d.3.

LIBER QUINTVS.

De Lineis & Angulis in plano.

1. **L**ineatum est superficies aut corpus.
2. Superficies est lineatum duntaxat latum. 5. d.1.
3. Superficie terminus est linea. 6.d.1.
4. Superficies est plana vel gibba.
5. Superficies plana est superficies, quæ æqualiter intra suos terminos interiacet. c.7.d.1.
- Itaque licet in plano.
1. A puncto ad punctum rectam ducere. 1. & 2. post.11. Et
2. Rectam ponere ad datum punctum aequalem data: & à maiore secare aequalem minori. 2. 3. p.1.
- Itaque.
- Recta vna duæque intersectæ sunt in eodem plano. c.1. & 2. p.11.
- Et
3. Data recta peripheriam describere. Itaque.
- Radij eiusdem vel equalis peripheria sunt æquales.
6. Si duæ æquales peripheriæ à terminis æqualium crurum dati anguli rectilinei ante concurrant, recta à concursu ad verticem bisecabit angulum. 9.p.1.

7. Si duæ peripheriæ æquales à terminis datæ rectæ vtrinquē concurrant, recta per concursus bisecabit datam. 10. p. 1.

8. Si recta in rectam perpendicularis insistit, facit angulos deinceps rectos: & contra.

Itaque

1. Si recta insistit in rectam, æquat deinceps angulos duobus rectis: & contra e. 13. & 14. p. 1.

2. Si duæ rectæ interfecantur, æquant angulos ad verticem, & omnes quatuor rectis. 15. p. 1.

Et

3. Si rectis recta sectis interiores eadem parte anguli sunt maiores duobus rectis, oppositi minores sunt.

9. Si dato datæ rectæ infinite puncto duæ partes vtrinquē secantur æquales, & à punctis sectionum duæ æquales peripheriæ concurrant, recta à dato puncto in concursum erit perpendicularis super datam. 11. p. 1.

10. Si pars datæ rectæ infinitæ secetur à peripheria à dato extra puncto, recta à dicto puncto bisecans dictam partem erit perpendicularis super datam. 12. p. 1.

11. Si duæ rectæ in eodem plano nusquam concurrant, sunt parallelæ. e. 35. d. 1.

Itaque

Si recta infinita secat alteram è rectis parallelis infinitis, secabit reliquam.

12. Si rectæ recta sectæ sint parallelæ, æquant angulos interiores eadem parte duobus rectis, & inter se alternos, & exteriorem interiori opposito: & contra 29. 28. 27. p. 1.

Itaque

1. Si recta recta connexa faciunt interiores angulos eadem parte minores duobus rectis, eodem continuata concurrent: & contra. Et

2. Recta connectens rectas parallelas est in earum plano. 7. p. 11. Et

3. Si recta à dato puncto cum data faciat angulum, anguli facto æquati & alterni crurum alterum erit parallelum datæ rectæ. 31. p. 1. Et

4. Anguli crurum alternè parallelorum sunt æquales. Et

5. Si rectæ oppositæ æquantur, parallelæ conterminant parallelas: & contra. e. 34. p. 1. Et

6. Si rectæ conterminant eadem parte æquales & parallelas, sunt æquales & parallelæ. 33. p. 1.

13. Si lineæ rectæ parallelis pluribus rectis interfecantur, intersegmenta sunt proportionalia: & contra. e. 2. p. 6. & 17. p. 1. Itaque

1. Si recta cum data faciens angulum basi que connexa secetur data ratione, parallela à segmentorum terminis in finem data & contingens in ea punctum secabunt datam data ratione. 9. & 10. p. 6. Et

2. Si duæ data rectæ facientes angulum cōtinuentur, prima æqualiter secundæ, secunda infinite, parallela à terminis primæ continuationis in primæ.

I. iij.

capitulum, secunda, & contingens in ea punctum interfecabunt tertiam proportionalem. II. p. 6. Et

3. Si è datis tribus rectis prima tertiaque facientes angulum continuentur, prima æqualiter secunda, tertia infinite, parallela à terminis prima continuationis in principium secunda, & contingens in ea punctum interfecabunt quartam proportionalem. 12. p. 6.

LIBER SEXTVS.

De Triangulo.

1. **P**lana similia habent duplicatam rationem homologorum laterum, & vnum proportionale medium. e. 20. p. 6. II. & 18. p. 8.
2. Planum est rectilineum aut curuilineum.
3. Rectilineum est planum, quod comprehenditur à lineis rectis.
4. Rectilineum æquat angulos rectis interiores quidem generatim à binario paribus, externos autem quaternis.
5. Rectilineum est triangulum aut triangulatum.
6. Triangulum est quod comprehenditur à tribus lineis rectis. 21. d. 1.

Itaque

1. Triangulum est prima figura rectilineorum. Et
2. Si recta infinita secat angulum, secat basin.
7. Trianguli duo quælibet latera sunt maiora reliquo. 20. p. 1.

Itaque

1. Si tres rectæ sunt due quælibet maiores reliqua; periphæriaque à terminis vnius intervalis reliquarum concurrant, radij à concursu ad dictos terminos constituent triangulum. Et
2. Si due æquales periphæria à terminis data rectæ eiusque intervallo concurrant, rectæ à concursu ad dictos terminos constituent triangulum æquilaterum super datam. 1. p. 1.
8. Si recta in triangulo est parallela basi, secat crura proportionaliter: & contra. 2. p. 6.
9. Trianguli tres anguli sunt æquales duobus rectis 32. p. 1.

Itaque

1. Trianguli duo quilibet anguli sunt minores duobus rectis. 17. p. 1.
- Et
2. Continuato latere, exterior angulus æquatur duobus interioribus oppositis. 32. p. 1.
- Itaque

3. *Est maior utrolibet interiore opposito.*

10. Si triangulum est æquicrurum, est in basi æquiangulum: & contra. e. 5. & 6. p. 1.

Itaque

1. Si trianguli æqua crura continuuntur, anguli sub basim æquabuntur. 5. p. 1.

Et

2. Si triangulum est æquilaterum, est æquiangulum: & contra.

Et

3. Angulus trianguli æquilateri valet duas tertias recti. *Et*

4. Triangula sex æquilatera complent locum.

11. Trianguli maius latus subtendit maiorem angulum, & maior angulus subtenditur à maiore latere. 19. & 18. p. 1.

12. Si recta in triangulo bisecat angulum, secat basim ratione crurum: & contra. 3. p. 6.

LIBER SEPTIMVS.

De comparatione Triangulorum.

1. **T**riangula æquilatera sunt æquiangula. 8. p. 1.

2. Si duo triangula æquantur angulis vel duobus æquicruris vel binis æqualis aut cruris aut basis duorum, sunt æquilatera. 4. & 26. p. 1.

3. Triangula æquantur ternis angulis.

Itaque

Si bini anguli duorum triangulorum æquantur, reliqui æquantur.

4. Si triangulum triangulo æquicrurum est maius basi, est maius angulo: & contra. 25. & 24. p. 1.

5. Si triangulum triangulo in eadem basi est minus interioribus cruribus, est maius angulo crurum. 21. p. 1.

6. Triangula æquealta sunt vt bases: & contra. e. 1. p. 6.

Itaque

1. In æquali basi sunt æqualia. 37. & 38. p. 1.

Et

2. Si recta à vertice trianguli bisecat basim, bisecat triangulum, & diameter est trianguli.

7. Si recta est à vertice trianguli ad datum in basi punctum non medium, & parallela sit à medio basis in latus, recta à vertice parallela in dictum punctum bisecabit triangulum.

8. Si triangula æquiangulo reciprocantur cruribus æqualis anguli, sunt æqualia: & contra. 15. p. 6.

9. Si duo triangula sunt equiangula, sunt proportionalia cruribus.

æqualium angulorum: & contra. 4. 5. p. 6.

Itaque

Si recta in triangulo est parallela basi, defecat triangulum æquiangulum toti, & minus basi.

10. Si duo triangula sunt proportionalia curibus æqualis anguli sunt æquiangula. 6. p. 6.
11. Si cruribus proportionalia, & alternè parallela intermedium angulum faciunt, bases habent in rectam continuas. 32. p. 6.
12. Si habeant vnum angulum æqualem, alterum cruribus proportionalem, tertium homogeneum, sunt æquiangula. 7. p. 6.

LIBER OCTAVVS.

De Generibus triangulorum.

1. **T**riangulum est rectangulum vel obliquangulum.
2. **T**riangulum rectangulum est quod habet vnicum angulum rectum: obliquangulum quod nullum. 27. d. 1. *Itaque*
1. *Si due perpendiculares connectantur, constituent triangulum rectangulum.* *Et*
2. *Si trianguli angulus ad basim rectus est, perpendicularis à vertice est crus alterum, & contra.*
3. Si triangulum rectangulum est æquicrurum, vterque angulus ad basim est dimidius recti: & contra. *Itaque*
1. *Si trianguli angulus æquatur reliquis est rectus, & contra.*
2. *Si recta à vertice trianguli bisecans basim est æqualis bisegmento, angulus verticis rectus est: & contra.*
4. Perpendicularis in triangulo ab angulo recto in basim secat triangula similia toti & inter se. 8. p. 6. & contra. *Itaque*
1. *Perpendicularis est proportionalis inter segmenta basis.* *Et*
2. *Crus vtrumlibet est proportionale inter basim & basis segmentum terminum.*
5. Si basis trianguli subtendit rectum rectilineum ad eum situm, æquatur rectilineis ad crura similibus similiterque sitis: & contra. e. 31. p. 6.
6. Triangulum obliquangulum est obtusangulum vel acutangulum.
7. Obtusangulum quod habet vnum obtusum angulum. 28. d. 1. *Itaque*
1. *Si obtusus angulus est ad basim, perpendicularis à vertice cadit extra: & contra.* *Et*

2. Si trianguli angulus sit maior reliquis, est obtusus: & contra.

Et

3. Si recta à vertice trianguli bisecans basim, est minor bisegmento, angulus verticis obtusus est: & contra.

8. Triangulum acutangulum est quod habet omnes acutos angulos.

28.d.1.

Itaque

1. Perpendicularis à vertice cadit intra: & contra.

Et

2. Si trianguli angulus sit minor reliquis, est acutus: & contra.

Et

3. Si recta à vertice trianguli bisecans basim est maior bisegmento, angulus verticis acutus est, & contra.

LIBER NONVS.

De Geodesia rectarum è triangulis rectangulis similibus.

1. **R**adius est norma crurum inæqualium.

2. Radij crura sunt index & transuersarium.

3. Index est duplus sesquidecimus tranuersarij.

4. Transuersarium est per indicem volubile, modò sublimius, modò humilius.

5. Si visus est ab initio cruris alterius, est pr termineum reliqui crusque alterum est rectum metiendæ magnitudini, reliquum parallelum.

6. Longitudo & altitudo triplicem mensuram habent, primam & secundam vnius distantiae, & quidem data alterius dimensione pro tertio proportionali: tertiam duplicis distantie, qualis tantum est dimensio latitudinis.

7. Si visus sit ab initio indicis recti in metam longitudinis, erit vt segmentum indicis ad segmentum transuersarij, sic mensoris altitudo ad longitudinem.

8. Si visus sit ab initio indicis paralleli, erit vt segmentum transuersarij ad segmentum indicis, sic data altitudo ad longitudinem.

9. Si visus sit ab initio transuersarij paralleli, erit vt in indice differentia maioris segmenti ad minus, sic differentia secundæ distantie ad longitudinem.

10. Si visus sit ab initio transuersarij recti, erit vt segmentum transuersarij ad segmentum indicis, sic data longitudo ad latitudinem.

Itaque in eversa altitudine.

Si visus sit ab initio indicis paralleli, erit vt segmentum transuersarij ad segmentum indicis, sic data longitudo ad altitudinem.

- II. Si visus sit ab initio indicis recti, erit vt segmentum indicis ad segmentum transuersarij, sic data longitudo ad altitudinem.

Itaque

Si visus sit ab initio indicis recti per pinnas transuersarij in terminos note partis, erit vt interuallum pinnarum ad reliquum supereminentis transuersarij, sic nota pars ad reliquam.

12. Si visus sit ab initio indicis recti, erit vt in indice differentia segmenti ad differentiam distantiae, sic segmentum transuersarij ad altitudinem.

Itaque è geodasia altitudinis patet differentia duarum altitudinum.

13. Si visus sit ab initio indicis recti per pinnas transuersarij in terminos latitudinis, erit vt in indice differentia segmenti ad differentiam distantiae, sic interuallum pinnarum ad latitudinem.

LIBER DECIMVS.

De triangulato & parallelogrammo.

1. **T**riangulatum est rectilineum compositum è triangulis.

Itaque

1. Triangulati latera sunt binario plura triangulis. *Et*
2. Triangulata homogenea secantur in triangula aqua numero. e. 20. p. 6.

2. Triangulata similia secantur in triangula similia inter se & homologa totis. e. 20. p. 6.

3. Triangulatum est quadrangulum aut multangulum.

4. Quadrangulum est quod comprehenditur à quatuor lineis rectis. 22. d. 1.

5. Quadrangulum est parallelogrammum aut trapezium.

6. Parallelogrammum est quadrangulum lateribus oppositis parallelum.

Itaque

1. Si recte eadem parte conterminent aequales & parallelas, parallelogrammum constituent. *Et*

2. Parallelogrammum oppositis & lateribus & angulis & sectis diametro segmentis aequatur. *Et*

3. Diameter parallelogrammi bisecatur radijs aequalibus. *Et*

4. Parallelogrammum est duplum trianguli basi & altitudine aequalis.

41. p. 1.

Et

5. *Æquatur triangulo aequalso, basique duplo. e. 52. p. 1. unde licet*6. *Dato triangulo in dato angulo rectilineo parallelogrammum aequale
constituere. 42. p. 1.*7. *Parallelogrammum constat è binis & diagonalibus & comple-
mentis, & gnomonibus.*8. *Diagonale est particulare parallelogrammum communis anguli
& diagonij cum toto parallelogrammo.*9. *Diagonale est toti simile similiterque situm, e. 24. p. 6. & contra.**Itaque**Si particulare parallelogrammum est toti coangulum, & simile similiter-
que situm, est diagonale. 26. p. 6.*10. *Complementum est particulare parallelogrammum à con-
terminis diagonalium lateribus comprehensum*11. *Complementa sunt æqualia 43. p. 1.**Itaque*1. *Si complementum alterum æquatur dato triangulo in dato an-
gulo rectilineo, reliquum ad datam rectam comparatum, eidem
pariter æquabitur. 44. p. 1.**Et*2. *Si parallelogramma continenter æquentur triangulis dati trian-
gulati in dato angulo rectilineo, totum parallelogrammum toti
triangulato pariter æquabitur. 45. p. 1.**Itaque**Parallelogrammum suis æquatur diagonalibus & complementis.*12. *Gnomon est alterum diagonale cum duobus complementis.
2. d. 1.*13. *Parallelogramma æquealta, sunt vt bases. 1. p. 6.**Itaque**Parallelogramma æquealta in æquali basi sunt æqualia. 35. 36. p. 1.*14. *Si parallelogramma æquiangula reciprocantur cruribus æqualis
anguli, sunt æqualia: & contra. 15. p. 6.**Itaque*1. *Si quatuor rectæ sunt proportionales, parallelogrammum mediarum
æquatur æquiangulo parallelogrammo extremarum. e. 16. p. 6. & contra.**Et*2. *Si tres rectæ sunt proportionales, parallelogrammum medie æquatur
æquiangulo parallelogrammo extremarum, & contra.*

LIBER VNDECIMVS

De Rectangulo.

1. **P**arallelogrammum est rectangulum aut obliquangulum.
2. **R**ectangulum est parallelogrammum quod habet omnes angulos rectos. *Itaque*
 1. *Rectangulum comprehenditur à duabus rectis angulum rectum comprehendentibus. 1. d. 2.*
 2. *Rectangula quatuor complent locum.*
3. Si diameter biseكات latus rectanguli, rectè secat & contra. *Itaque*
Si inscripta rectè biseكات latus rectanguli, est diameter.
4. Rectangulum æquatur rectangulis ipsius vno latere & reliqui ex segmentis. 1. p. 2.
5. Si quatuor rectæ sint proportionales, rectangulum mediarum æquatur rectangulo extremarum. 16. p. 6. & contra.
6. Figuratus rectanguli rationalis appellatur planus rationalis. 16. d. 7.

LIBER DVO DECIMVS.

De Quadrato.

1. **R**ectangulum est quadratum, vel oblongum.
2. **Q**uadratum est rectangulum æquilaterum. 30. d. 1. *Itaque*
 1. *Latera quadratorum equalium sunt equalia. Et*
 2. *Potentia recta est quadratum. Et*
3. Si due conterminæ perpendiculares æquales claudantur parallelis, constituent quadratum. 4. 6. p. 1.
3. Planus quadrati est planus æquilaterus. *Itaque*
Fit à numero in se ipsum multiplicato.
4. Si tres rectæ sunt proportionales, quadratum mediæ æquatur rectangulo extremarum: & contra. 17. p. 6. & 20. p. 7.
5. Si basis trianguli subtendit rectum, æque potest cruribus: & contra. 47. & 48. p. 1. *Itaque*
 1. *Si quadratus imparis pro crure primo dati minuatur unitate, dimidius reliqui erit crus alterum, æt. Et unitate erit basis. Et*

2. Si dimidijs paris pro crure primo dati quadretur, quadratus minutus unitate erit crus alterum, auctus unitate erit basis. Itaque
3. Diagonius potest duplum lateris, eique est asymmetra.
6. Si basis trianguli rectanguli secatur à perpendiculari ex angulo recto dupla ratione, potest sesquialterum maioris cruris, triplum minoris: si quadrupla, sesquiquartum maioris quintuplum minoris.
ad. 13. 15. 16. p. 13.
7. Si recta est secta quotlibet fariam, potest multiplex segmenti cognomine quadrato numeri sectionis.
8. Si recta est secta in duo segmenta, quadratum totius æquatur quadratis segmentorum & duplici rectangulo vtriusque. 4. p. 2.

Itaque

Latus primi diagonalis est latus alterius complementi, & duplicatum est latus simul vtriusque: reliquum autem latus simul vtriusque est latus reliqui diagonalis.

Et

Si latus inuentum duplicetur, & duplicato unitas addatur, totus erit gnomo proxime maioris quadrati.

9. Si de dimidio collectorum laterum dati trianguli latera figillatim subducantur, latus continuè facti è dimidio & reliquis erit area trianguli.
10. Si basis trianguli subtendit obtusum plus potest cruribus duplici rectangulo alterius, & ex eo continuationis ad verticis perpendiculararem. 12. p. 1.

LIBER DECIMVS TERTIVS.

De Oblongo.

1. **O**blongum est rectangulum inæquilaterum. 31. d. 1.
2. Oblongum è tota & segmento æquatur rectangulo segmentorum, & prædicti segmenti quadrato. 3. p. 1.
3. Oblonga è tota & segmentis æquantur è tota quadrato. 2. p. 2.
4. Oblonga duo è tota & segmento cum tertio quadrato reliqui segmenti, æquantur quadratis totius & prædicti segmenti. 7. p. 2.
5. Basis trianguli acutanguli minus potest cruribus duplici oblongo ex altero crure & eius segmento à dicto angulo ad verticis perpendiculararem. 13. p. 2.

Itaque

Si quadratum basis acuti anguli tollatur è quadratis crurum; reliqui dimidio per crus dinisio, quotus erit segmentum diuidentis à dicto an-

gulo ad verticis perpendiculararem.

6. Si recta est bisecta, secusque oblongum inæqualium segmentorum cum quadrato intersegmenti æquatur quadrato bisegmenti. 5. p. 2.
7. Si recta est bisecta & continuata, oblongum continuatæ & continuationis cum quadrato bisegmenti æquatur quadrato compositæ ex bisegmento & continuatione. 6. p. 1.
8. Si duas datas rectas comprehendentes rectangulum, & infinite continuatas mesograpus tangens oppositum angulum angulo datarum intersecet æquidistanter à centro, intersegmenta erunt media continuè proportionalia datis.

LIBER DECIMVS-QVARTVS.

De Recta proportionaliter secta, & de reliquis quadrangulis & multangulis.

1. **R**ecta secatur secundum mediam, & extremam rationem, quando fuerit ut tota ad maius segmentum, sic maius segmentum ad minus. 3. d. 6.
 2. Si recta proportionaliter secta est rationalis datæ mensuræ, segmenta sunt ad eam & inter se irrationalia. e. 6. p. 13.
 3. Si quadratum fiat è data recta, rectæ ab angulo facti ad medium contermini lateris differentia supra dimidium erit maius segmentum datæ proportionaliter sectæ. 11. p. 2. & 30. p. 6.
- Itaque*
1. Si recta proportionaliter secta continuetur maiore segmento, tota secabitur proportionaliter, & maius segmentum erat data. 5. p. 13.
 4. Maius segmentum continuatum dimidio totius potest quintuplum eiusdem dimidii: & si recta potest quintuplum sui segmenti, reliquum factum duplum prædicti secatur proportionaliter, & maius segmentum est idem reliquum. 1. & 2. p. 13.
 5. Minus segmentum continuatum dimidio maioris potest quintuplum eiusdem dimidii. e. 3. p. 13.
 6. Tota & minus segmentum possunt triplum maioris. e. 4. p. 13.
 7. Parallelogrammum obliquangulum est rhombus aut rhomboïdes.
 8. Rhombus est obliquangulum æquilaterum. 32. d. 1.
 9. Rhomboïdes est obliquangulum inæquilaterum. 33. d. 1.
 10. Trapezium est quadrilaterum, non parallelogrammum. 34. d. 1.

11. Multangulum est quod pluribus quam quatuorlineis rectis comprehenditur. 23. d. 1.
12. Si quinquangulum æquilaterum tribus angulis æquatur, est æquiangulum. 7. p. 13.
13. Triangulata multangula è suis item triangulis mensuram capiunt.

LIBER DECIMVS QVINTVS.

De Lineis circuli.

1. **C**irculus est planum rotundum. c. 15. d. 1.
2. **C**irculi sunt vt à diametris quadrata. 2. p. 12.

Itaque

Diametri sunt vt periphæria.

3. Geometria circularis est in lineis aut in segmentis circuli.
4. Si recta duobus in periphæria punctis terminetur, cadet intra circulum. 2. p. 3.
5. Si à termino diametri ex eaque radio æquante datam rectam periphæria describatur, recta à dicto termino, in concursum periphæriarum inscribetur dato circulo æqualis datæ rectæ. 1. p. 4.
6. Si inscripta recta bisecat inscriptam, est diameter circuli, eiusque medium est centrum. 1. p. 3.
1. *Si duæ rectæ duas inscriptas recte bisecent, concursus bisecantium erit centrum circuli. c. 25. p. 3.*
- Et licet*
2. *Periphæriam ducere per tria puncta in rectam minime cadentia. c. 5. p. 4.*
7. Si diameter bisecat adiametrum, recte secat: & contra. 3. p. 3.
8. Si adiametri interfecantur, segmenta sunt inæqualia. 4. p. 3.
9. Si duæ inscriptæ interfecantur rectangulum è segmentis vnius æquatur rectangulo è segmentis reliquæ. 35. p. 3.
10. Inscriptæ equidistant à centro, in quas à centro perpendiculares sunt æquales. 4. d. 3.
11. Si inscriptæ sunt æquales æquidistant à centro: & contra. 14. p. 3.
12. Inscriptarum inæqualium diameter est maxima, diametroque propior maior remotiore, remotissima minima, minimaque propior minor remotiore, binæque vtrinq; à diametro æquantur. c. 15. p. 3.
13. Rectarum à diametri puncto non centro in periphæriam, quæ per

centrum est maxima, propiorque maximæ est maior remotiore, reliqua maximæ minima, minimeque propior minor remotiore, binæque vtrinque à maxima vel minima solæ æquantur. 7. p. 3.

Itaque

Si punctum in circulo est terminus trium rectarum in peripheriam aequalium, est centrum circuli. 9. p. 3.

14. Rectarum à dato extrapuncto in concavum peripheriæ, quæ per centrum, est maxima, propiorque maximæ est maior remotiore: in convexum, tangens peripheriam est maxima, segmentum maximæ est minima; minimæque propior minor remotiore, binæque vtrinque à maxima vel minima solæ æquantur. 8. p. 3.
15. Si recta est perpendicularis extrema diametro, tangit peripheriam: & contra. e. 16. & 19. p. 3.

Itaque

1. Si recta est per centrum & contactum, est perpendicularis tangenti. 19. p. 3.

Et

2. Punctum contactus est, quo à centro perpendicularis tangenti incidit.

Et

3. Tangens est singularis eadem parte. e. 16. p. 3.

Et

4. Angulus contactus est minor quovis acuto rectilino, e. 16. p. 2.

5. Anguli contactus in aequalibus peripherijs sunt æquales.

16. Si à radio ex datæ peripheriæ centro ad datum extrapunctum peripheria describatur, & à concursu datæ, radiique radio ipsi perpendicularis in descriptam connectatur cum dicto centro, recta dato puncto in concursu datæ connectentis tanget datam peripheriam 17. p. 3.
17. Si è duabus rectis à dato extrapuncto prima secat in concavum, reliqua tangit, oblongum è secante & exteriore secantis segmento æquatur quadrato tangentis: & si oblongum tale æquatur quadrato reliquæ, reliqua ipsa tangit. 36. & 37. p. 3.

Itaque

1. Tangentes ab eodem puncto sunt æquales duæ.

Et

2. Oblonga è qualibet ex eodem puncto secante & secantis exteriore segmento æquantur inter se.

Et

3. Datis duabus rectis licet alteri continuare tertiam, ut oblongum ex continuata & continuatione æquetur quadrato reliquæ Vitell. 127.

p. 1.

18. Si peripheriæ sunt intersectæ vel contiguæ sunt eccentricæ: illæque duobus tantum punctis interfecantur, hæ diametros per contactum continuant. 5. 6. 10. 11. 12. p. 3.

19. Si inscriptæ circulis æqualibus sunt æquales, secant peripherias æquales

æquales: & contra. 28. 29. p. 3.

LIBER DECIMVS SEXT.

De Circuli segmentis.

1. **S**egmentum circuli est quod comprehenditur extrinsecus à peripheria, intus à recta.
2. Segmentum circuli est sector aut sectio.
3. Sector est segmentum intus comprehensum à recta duplici, faciente angulum in centro, qui angulus in centro, dicitur: ut peripheria dicitur basis sectoris. 9. d. 3.
4. Angulus in peripheria est angulus comprehensus à duab. rectis inscriptis, & in peripheria conterminis. 8. d. 3.
5. Angulus in centro duplus est anguli in peripheria in eandem peripheriam insistentis. 20. p. 3.
Itaque
Si angulus in peripheria æquatur angulo in centro, est duplus basi. & contra.
6. Anguli in centro, peripheriæve circulorum æqualium sunt ut peripheriæ in quas insistent: & contra. e. 33. p. 6. 16. 27. p. 3.
Itaque
Ut sector ad sectorem, sic angulus ad angulum.
7. Sectio est segmentum circuli intus comprehensum ab una recta, quæ basis sectionis dicitur.
8. Sectio absoluitur invento centro.
9. Peripheria sectionis bisecatur perpendiculari bisecante. basim. 30 p. 3.
10. Angulus in sectione est angulus comprehensus à duabus rectis conterminis basi & in peripheria conterminis. 7. d. 3.
11. Anguli in eadem sectione sunt æquales. 21. p. 3.
12. Anguli in oppositis sectionibus æquantur duobus rectis. 22. p. 3.
13. Si sectiones capiunt angulos æquales, sunt similes. e. 10. d. 3.
14. Si sectiones similes sunt in æquali basi, sunt æquales. 23. & 24. p. 3.
15. Angulus sectionis est, qui comprehenditur à terminis. 7. d. 3.
16. Sectio est semicirculus, aut inæqualis semicirculo.
17. Semicirculus est sectio dimidia circuli.

Itaque

Semicirculus comprehenditur à semiperipheria & diametro. 8. d. 1.

18. Angulus in semicirculo rectus est, semicirculi, minor recto rectilineo, maior quouis acuto: in maiore sectione est minor recto, maioris maior, in minore maior, minoris minor. e. 31. & 16.

p. 3.

Itaque

1. Si duæ rectæ diametro circuli conterminæ conterminentur in peripheria, faciunt angulum rectum.

Et

2. Si recta infinita seletur à peripheria externi centri in punctis dato & contingente, & diameter sit à contingente, recta à dato puncto connectens diametrum erit perpendicularis super infinitam.

Et

3. Si recta à dato puncto faciens acutum angulum cum infinita, fiat diameter peripheria secantis infinitam, recta à dicto puncto connectens segmentum erit perpendicularis super infinitam. Et

4. Si duarum rectarum maior fiat diameter circuli, minorque maiori contermina & inscripta connectatur, maior plus poterit, quam minor, quadrato connectentis ad. 13. p. 10.

19. Si recta continuata è duabus rectis fiat diameter circuli, perpendicularis à puncto continuationis in peripheriam erit proportionalis inter datas. 13. p. 6.

20. Anguli in oppositis sectionibus æquantur alternis angulis secantis & contiguae. 32. p. 3.

Itaque.

1. Si ad terminum datæ rectæ æquetur angulus rectilineus dato, & ab æquati vertice perpendicularis reliquo lateri concurrat cum perpendiculari à medio datæ, concursus erit centrum circuli per æquatum angulum descripti, in cuius opposita sectione super datam angulus æquabitur dato. e. 33. p. 3.

2. Si angulus secantis & contiguae æquetur dato angulo rectilineo, angulus in opposita sectione eidem pariter æquabitur. 34. p. 3.

LIBER DECIMVS SEPTIMVS.

De adscriptione circuli & trianguli.

1. **S**i rectilineum inscriptum circulo est æquilaterum, est æquiangulum.
2. Equatur triangulo, basis quidem perimetro, altitudinis autem perpendiculari à centro in latus.

3. Rectilinea similia circulis inscripta, sunt vt à diametris quadrata.
1. p. 12. Itaque
Si sit vt diameter circuli ad latus rectilinei adscripti, sic diameter secundi circuli ad latus secundi rectilinei adscripti, triangulaque adscriptorū singularia similia similiterque sita, rectilinea adscripta erunt similia similiterque sita.
4. Si duæ rectæ bisecent duos angulos dati rectilinei, circulus radij ab earum concursu in latus perpendicularis inscribetur dato rectilineo. 4. & 8. p. 4.
5. Si duæ rectæ bisecent duo latera dati rectilinei, circulus radij ab earum concursu in angulum circumscribetur dato rectilineo.
5. p. 4.
6. Si duæ inscriptæ à contactu rectæ & peripheriæ æquent duos vtrinque angulos duobus angulis dati trianguli, connexæ inscribent triangulum dato circulo, æquiangulum dato triangulo. e. 2.
p. 4.
7. Si duo anguli in centro dati circuli æquantur ad commune latus exterioribus angulis dati trianguli, rectæ tangentes peripheriam in cruribus angulorum circumscribent triangulum dato circulo, æquiangulum dato triangulo. 3. p. 4. Itaque
Si triangulum est rectangulum, obtusangulum, acutangulum, centrum circumscripti circuli est in latere, extra latera, intra latera: & contra. confect. est 5. p. 4.

LIBER DECIMVS OCTAVVS.

De Adscriptione triangulati.

1. **S**I rectæ tangent peripheriam in angulis inscripti triangulati ordinati, circumscribent triangulatum circulo homogeneous inscripto triangulato. 1. p. 12.
2. Si diametri rectæ intersecentur, subtensa recto erit latus inscripti quadrati. e. 6. p. 4. Itaque
*Quadratum inscriptum est dimidium circumscripti. Et
Est maius dimidio circumscripti circuli.*
3. Si recta secetur proportionaliter, trianguli crurum secæ æqualium, basis maiori segmento æqualis, vterque angulus ad basim erit duplus reliqui, & basis erit latus quinquanguli in circulum cum triangulo inscripti. 10. & 11. p. 4.

4. Si duæ rectæ subtendunt duos deinceps angulos inscripti quinquanguli, secantur proportionaliter, & maiora segmenta sunt latera inscripti. e. 18. p. 13.

Itaque

Si data recta secta proportionaliter continuetur utrinque maiore segmento sexque peripheria ratio data concurrant, binæ utrimque à terminis data & continuata: duæ reliquæ ab earum concursu, recta per concursus & terminos, data constituent super datam quinquangulum ordinatum.

5. Si diameter circuli quinquangulo circumscripti est rationalis, est irrationalis ad latus inscripti quinquanguli. e. 11. p. 13.
6. Radius circuli est latus inscripti sexanguli. e. 15. p. 4.

Itaque

1. Sexangula tria ordinata complent locum.

2. Si recta ab uno inscripti sexanguli angulo in tertium utrinque angulum connectantur, inscribent triangulum æquilaterum dato circulo.

7. Latus inscripti trianguli æquilateri potest triplum circularis radij. 12. p. 13.

8. Si latus sexanguli secetur proportionaliter, maius segmentum erit latus decanguli: & contra.

Itaque

Si decangulum & sexangulum inscribantur eidem circulo, recta è latere utriusque continuata secabitur proportionaliter, & maius segmentum erit latus sexanguli: & si maius segmentum recta proportionaliter secta est latus sexanguli, reliquum erit latus decanguli. 9. p. 13.

9. Si decangulum, sexangulum, quinquangulum inscribantur eidem circulo, latus quinquanguli potest latera reliquorum: & si recta potest latera sexanguli & decanguli, est latus quinquanguli. 10. p. 13.

10. Si triangulum & quinquangulum inscribantur eidem circulo ad idem punctum, recta inscripta inter utriusque basim dicto puncto opposita erit latus inscripti quindecanguli. 16. p. 4.

11. Si quinquangulum & sexangulum inscribantur eidem circulo ad idem punctum, peripheria inter utriusque latera erit pars tricesima totius peripheriæ.

LIBER DECIMVS NONVS.

De Geodesia multanguli ordinati & circuli.

1. **P**lanus è perpendiculari à centro in latus & dimidio perimetri, est area multanguli ordinati.
2. Peripheria est tripla diametri & fere sesquiseptima.

Itaque

1. Planus è radio & peripheria dimidio est area circuli.

Et

2. Vt 14. ad 11. sic quadratum diametri ad circulum.
3. Planus è radio & peripheria quadrante est area semicirculi. *Et*
4. Planus è radio & basis dimidio est area sectoris. *Et*
5. Si triangulum è duobus radijs & basi maioris sectionis addatur duobus in ea sectoribus: totum erit area sectionis maioris: sin detrahatur suo sectori reliquum erit area minoris. *Et*

Circulus è planis isoperimetris inæqualibus est maximus.

LIBER VIGESIMVS.

De Superficie gibba.

1. **G**ibbum est superficies quæ inæqualiter intra suos terminos interiacet.
2. Gibbum est sphæricum aut varium.
3. Sphæricum est gibbum æquidistans à centro comprehensi spatij.

Itaque

Fit conuersione semiperipheria manente diametro. c. 14. d. 11.

4. Maxima in sphærico peripheria est quæ sphæricum bisecat.

Itaque

Peripheria propior maxima est maior remotiore, & utrinque æquidistantes à maxima due sunt æquales.

5. Planus è maxima peripheria & eius diametro est sphæricum.

Itaque

1. Planus è maximo circulo & 4. est sphæricum. *Et*
2. Vt 7. ad 22. sic quadratum diametri ad sphæricum. *Et*
3. Planus è maxima peripheria & radio est hemisphæricum.
6. Si quota pars est radij, perpendicularis à centro ad basim sectionis maioris, tanta augeatur hemisphæricum, totum erit sphæricum.

maior sectio: sin tanta minuatur, reliquum erit minor.

7. Varium est gibbum, cuius basis est peripheria, latus recta à termino verticis in terminum basis.
- 8 Varium est conicum aut cylindraceum.
9. Conicum est quod à subiecta peripheria æqualiter fastigiatur ad verticem.

Itaque

Fit conuersione lateris circa subiectam peripheriam.

10. Planus è latere & dimidio basis est conicum.
11. Cylindraceum est quod à subiecta peripheria ad sublimem æqualem & parallelam peripheriam æqualiter erigitur.

Itaque

Fit conuersione lateris circa duas peripherias aequales & parallelas.

12. Planus è sua basi & altitudine est cylindraceum.

LIBER VIGESIMVS PRIMVS.

De Lineis & Superficiebus in Solido.

1. **C**Orpus est lineatum latum & altum. 1. d. 11.
2. **T**erminus solidi est superficies. 2. d. 11.
3. Si recta est rectis in subiecto plano intersectis perpendicularis in communi sectione, est perpendicularis subiecto plano: & si est perpendicularis plano, est rectis in subiecto plano intersectis perpendicularis in communi sectione. e. 3. d. & 4. p. 11.
4. Si tres rectæ intersectæ sunt eidem rectæ perpendiculares in communi sectione, sunt in eodem plano. 5. p. 12.
5. Si duæ rectæ sunt perpendiculares subiecto plano, sunt parallelæ, & si parallelarum altera est perpendicularis subiecto plano, reliqua est eidem perpendicularis. 6. 8. p. 11.
6. Si rectæ in diuersis planis sunt ad eandem rectam parallelæ, sunt inter se parallelæ. 9. p. 11.
7. Si duæ rectæ sunt perpendiculares, prima à sublimi puncto in rectam subiectam, secunda à communi sectione in subiecto plano, tertia, à dicto puncto perpendicularis secundæ, erit perpendicularis subiecto plano. e. 11. p. 11.
8. Si recta à dato subiecti plani puncto sit parallela rectæ ad idem planum perpendiculari, erit etiam perpendicularis subiecto plano, ex 12. p. 11.
9. Si recta altero intersectorum planorum perpendicularis communi sectioni est perpendicularis reliquo, plana sunt perpendi-

- cularia, recta in altero perpendicularis communi sectioni, est perpendicularis reliquo. e. 4. & d. 3. 8. p. 11.
10. Si recta est perpendicularis plano, omnia per eam plana, sunt eidem perpendicularia: & si duo plana intersecta sunt alicui plano perpendicularia, communis sectio est eidem perpendicularis. e. 18. & 19. p. 11.
11. Plana sunt parallela quę nusquam annuunt. 8. d. 11.

Et

1. Quę communi perpendiculo diuiduntur. 14. p. 11.
2. Si bina recta in ipsis contermina, sunt parallela. 15. p. 11.
12. Si duo plana parallela secantur plano, communes sectiones sunt parallelae. 16. p. 11.

LIBER VIGESIMVS SECVNDVS.

De Pyramide.

1. **A**XIS solidi est diameter circa quam conuertitur. e. 15. 19. 22. d. 11.
2. Solidum rectum est cuius axis est perpendicularis centro basis.
3. Si solida comprehenduntur à superficiebus homogeneis æqualibus multitudine & magnitudine, sunt æqualia. 10. d. 11.
4. Si solida comprehenduntur à superficiebus multitudine æqualibus & similibus, sunt similia. 9. d. 11.
5. Solida similia habent triplicatam rationem homologorum laterum, & duo media proportionalia. 33. p. 11. 8. p. 12.
6. Solidum est planum vel gibbum.
7. Planum, quod comprehenditur à superficiebus planis.
8. Anguli plani comprehendentes angulum solidum sunt minores quatuor rectis 21. p. 11.
9. Si tres anguli plani minores quatuor rectis comprehendant angulum solidum, duo quilibet sunt maiores reliquo: & si duo quilibet sunt maiores reliquo, comprehendunt angulum solidum. 20. & 23. p. 11.
10. Solidum planum est pyramis aut pyramidatum.
11. Pyramis est solidum planum à basi rectilinea æqualiter fastigiatum.
1. Pyramidis hedrae sunt una plures angulis in basi. ;
2. Pyramis est prima figura solidarum.
3. Pyramides aquialte sunt ut bases. 5. e. & 6. p. 12.

Itaque

Et

Itaque

Et

4. Reciproca basi & altitudine sunt æquales. 9. p. 12.
 12. Tetraedrum est pyramis ordinata à quatuor triangulis comprehensa. 26. d. II. *Itaque*
 1. Tetraedri latera sunt sex, anguli plani duodecim, solidi quatuor.
Et
 2. Tetraedra duodecim complent locum solidum. *Et*
 3. Si quatuor triangula ordinata & æqualia solidis angulis componantur, comprehendunt tetraedrum.
 13. Si recta potens sesquialterum ad latus trianguli æquilateri secetur dupla ratione, duplum segmentum perpendiculare trianguli centro, connexum cum eius angulis comprehendet tetraedrum.
 e. 13. p. 13.

LIBER VIGESIMVS TERTIVS.

De Prismate.

1. **P**Yramidatum est solidum planum è pyramidibus compositum.
 2. Pyramidatum est prisma aut polyedrum mistum.
 3. Prisma est pyramidatum, cuius duo opposita plana sunt æqualia, similia, parallela similiter sita: reliqua parallelogramma. 13. d. II. *Itaque*
Hedre prismatis sunt binario plures angulis in basi.
 4. Planus è basi & altitudine est soliditas recti prismatis.
 5. Prisma est triplum pyramidis basi & altitudine æqualis. e. 7. p. 12. *Itaque*
 1. Planus è sua basi & triente altitudinis est soliditas pyramidis basi & altitudine æqualis. *Et*
 2. Prismata homogenea æqualta sunt ut bases. 29. 30. 31. 32. p. II.
Et
 3. Si reciprocantur basi & altitudine, sunt æqualia. 34. p. II. *Et*
 4. Si prisma secatur plano oppositis hedris parallelo, segmenta sunt ut bases. 25. p. II.
 6. Prisma est pentaedrum aut è pentaedris compositum.
 7. Si pentaedra alterum basis triangulæ, alterum parallelogrammæ ad triangulum duplè sunt æquealta, sunt æqualia. 40. p. II.
 8. Prisma è pentaedris compositum est hexaedrum aut polyedrum. Hexaedrum est quod sex hedris quadrangulis continetur; estque parallelepipedum aut trapezium.

9. Parallelepipedum est cuius opposita plana sunt parallelogramma. 24. p. II. *Itaque*
1. Bisecatur plano per diagonios oppositorum laterum. 28. p. II. *Et*
2. Si bisecatur duobus planis bisecantibus opposita latera communis bisectio & diagonius, inter se bisecantur. 39. p. II.
10. Si tres rectæ sunt proportionales, parallelepipedum mediæ æquatur æquangulo parallelepipedo omnium. c. 36. p. II.
11. Parallelepipeda rectangula octo complent locum solidum.
12. Figuratus parallelepipedi rectanguli appellatur solidus, factus à tribus numeris. 17. d. II. *Itaque*
2. Si duo solidi sunt similes, habent proportionalia latera & duos medios proportionales. 21. d. 7. 19. 21. p. 8.

LIBER VIGESIMVS QVARTVS.

De Cubo.

1. **P**arallelepipedum rectangulum est cubus aut oblongum.
2. Cubus est rectangulum isoedrum. 25. d. II. *Itaque*
1. Cubilatera sunt duodecim, anguli plani vigintiquatuor, solidi octo. *Itaque*
2. Si sex quadrata aqualia solidis angulis componentur, comprehendunt cubum. *Et*
3. Si è quadrati angulis perpendiculares lateribus aequales sublimè connectantur, comprehendunt cubum. c. 15. p. II.
3. Diagonius cubi potest triplum lateris.
4. Si quatuor rectarum continuè proportionalium prima sit dimidia quartæ, cubus primæ erit dimidius ad cubum secundæ. c. 33. p. II.
5. Solibus cubi etiam cubus dicitur, solidus nempe æqualium laterum. 19. d. 7. *Itaque*
Fit à numero in suum quadratum multiplicato.
6. Si recta secetur in duo segmenta, cubus totius æquabitur cubis segmentorum & duplici solido ter comprehenso à quadrato sui segmenti & reliquo segmento. *Itaque*
Latus primi cubi singularis est alterum latus secundi solidi, eiusdemque lateris quadratus est alterum latus primi solidi, cuius reliquum latus est latus secundi cubi, eiusdemque reliqui lateris quadratus est reliquum latus secundi solidi.

LIBER VIGESIMVS QVINTVS.

De Polyedris mistis ordinatis.

1. **P**olyedrum mistum ordinatum est pyramidatum compositum è pyramidibus vertice coeuntibus in centro, & sola basi ordinata eminentibus.
2. Altitudo componentis pyramidis habetur per radium circuli basi circumscripti, perque polyedri semidiagonium.
3. Mistum ordinatum est triangulæ basis aut quinquangulæ.
4. Si quadratus è latere triangulæ basis trifariam diuidatur, latus trientis erit radius circuli basi circumscripti.
5. Mistum ordinatum triangulæ basis est octaedrum aut icosaedrum.
6. Octaedrum est polyedrum mistum ordinatum, quod ab octo triangulis comprehenditur. 27. d. 11.

Itaque

1. Octaedri latera sunt 12. anguli plani 24. solidi 6. Et
2. Octaedra nouem complent locum solidum. Et
3. Si triangula octo æquilatera & equalia solidis angulis componantur, comprehendunt octaedrum.
7. Si recta è centro quadrati vtriusque perpendicularis æqualis semidiagonio connectatur cum angulis, comprehendet octaedrum. 14.

*p. 13.**Itaque*

1. Diagonius octaedri potest duplum lateris. Et
2. Si quadratum à latere octaedri duplicetur, duplicati latus erit diagonus.

8. Icosaedrum est polyedrum mistum ordinatum à viginti triangulis comprehensum. 29. d. 11. Itaque

1. Icosaedri latera sunt 30. anguli plani 60. solidi 12. Et
2. Si viginti triangula ordinata & equalia solidis angulis componantur, comprehendunt icosaedrum.

9. Si ordinata quinquangulum duplex & decangulum vnum eidem circulo sic inscribantur, vt latus vtriusque quinquanguli subtendat duo latera decanguli, sex rectæ circulo perpendiculares & radio eius æquales quinque ab angulis alterius quinquanguli connexæ & inter se, & cum angulis reliqui quinquanguli, sexta à centro vtriusque continuata latere decanguli, & connexa illic cum quinque perpendicularibus, hic cum angulis secundi quinquanguli, comprehendunt icosaedrum. e. 16. p. 13.

10. Diagonius, icosaedri est irrationalis ad latus. 16. p. 13.

Et

11. Potest quintuplum circularis radij. è confect. 16. p. 13.

12. Polyedrum mistum ordinatum quinquangulæ basis est, quod à duodecim quinquangulis comprehenditur, & dodecaedrum dicitur.

Itaque

1. Dodecaedri latera sunt 30. anguli plani 60. solidi 20. Et

2. Si duodecim quinquangula ordinata æqualia solidis angulis componantur, comprehendunt dodecaedrum.

13. Sicubi latera rectis rectè bisecantur, ternaque bisegmenta bisecantium in conterminis planis neque concurrentium neque parallelarum, duo vnus tertium reliquæ vicinum proportionaliter ita secantur, vt minora segmenta bisecantem terminent, ternæ extra cubum dictis planis perpendiculares à proportionalium sectionum punctis, æquales maioribus segmentis connexæ duæ ex eadem bisecante inter se & cum vicinis cubi angulis, tertia cum angulis eisdem comprehendunt dodecaedrum. 17. p. 13.

14. Diagonius est irrationalis ad latus dodecaedri.

15. Si latus cubi secetur proportionaliter, maius segmentum erit latus dodecaedri conf. 17. p. 13.

16. Solidâ plana tantum quinque sunt ordinata. c. 18. p. 13.

LIBER VIGESIMVS SEXTVS.

De Sphæra.

1. **S**olidum gibbum est quod comprehenditur à superficie gibba.

2. Estque sphæra aut varium.

3. Sphæra est gibbum rotundum.

Itaque

Sphæra fit conuersione semicirculi manente diametro. 14. d. II.

4. Maximus sphærae circulus est, qui sphæram bisecat.

Itaque

1. Circulus propior maximo maior est remotiore.

Et

2. A quidistantes à maximo sunt æquales.

5. Planus è diametro & sextante sphærici est, sphæra.

Itaque

1. Ut 21. ad 11. sic cubus diametri ad sphæram.

Et

2. Planus è radio & sextante sphærici est hemisphærium.

6. Sphærae habent triplicatam rationem diametrorum. 18. p. 12.

7. Quinque corpora ordinata inscribuntur eidem sphærae conuer-

M. ij.

sione semicirculi habenti pro diametro in tetraedro rectam potentem sesquialterum ad latus tetraedri, in quatuor ordinatis reliquis ordinati ipsius diagonium.

8. Eratone axis sphaerici latera tetraedri, cubi, octaedri, dodecaedri deprehenduntur. *e. 18. p. 13.*
9. Si recta æqualis axi sphaerico, eique à termino perpendicularis connectatur ad centrum, recta à sectione peripheriæ addictum terminum erit latus icosaedri. *e. 18. p. 13.*
10. Ex ordinatis quinque corporibus eidem sphaeræ inscriptis tetraedrum lateris magnitudine est primum, octaedrum secundum, cubus tertium, icosaedrum quartum, dodecaedrum quintum. *e. 18. p. 13.*

LIBER VIGESIMVS SEPTIMVS.

De Cono & Cyliandro.

1. **S**olidum varium est quod comprehenditur à superficie varia & basi circulari.
2. Si varia habent axes diametris basium proportionales, sunt similia. *24. d. II.*
3. Varium est conus aut cylindrus.
4. Conus est quod à conico & basi comprehenditur. *4. d. I. Apollon.*
Itaque.
1. Fit conuersione trianguli rectanguli manente altero crure circa rectum.
Et
2. Conus est rectangulus, si crus manens est æquale conuerso, obtusangulus si minus, acutangulus si maius. *e. 18. d. II.* *Itaque*
3. Conus prima figura est variarum. *Et*
4. Coni æquealti sunt ut bases. *II. p. 12.* *Et*
5. Reciproci basi & altitudine sunt æquales. *15. p. 12.*
5. Cylindrus est quod à cylindraco & oppositis basibus comprehenditur.
Itaque
Fit conuersione parallelogrammi rectanguli manente altero latere. 21. d. II.
6. Planus è basi & altitudine est soliditas cylindri.
7. Cylindrus est triplus coni basi & altitudine æqualis. *10. p. 12.*
1. Planus è cylindri basi & triente altitudinis, est soliditas coni basi & altitudine æqualis. *Itaque*
2. Cylindri æquealti sunt ut bases. *II. p. 12.*

3. *Reciproci basi atque altitudine sunt aequales. 15. p. 12.*
4. *Si cylindrus secatur plano basibus oppositis parallelo, segmenta sunt ut axes. 13. p. 12.*
8. *Sector sphaerae est segmentum sphaerae, quod foris à sphaerico, intus à conico in centrum terminato comprehenditur, maior concavo, minor convexo.*
9. *Planus è diametro & sextante maioris vel minoris sphaerici est sector maior vel minor.*
10. *Si maior sector augeatur intermedio cono, totus erit maior sectio: si minor minuat, reliquus erit minor sectio.*





ARCHIMEDIS

DE SPHÆRA ET

CYLINDRO.

LIBER PRIMVS.

Ad Dositheum.



NTEA quidem ad te misi quædam à nobis animaduersa, quorum scripsimus demonstrationes, veluti quod omnis portio comprehensa sub recta linea & rectanguli coni sectione, sesquitertia est trianguli habētis eandē basim ac portio, eandēque altitudnē: nūc quorumdā occurrentium theorematum fecimus demonstrationes, cuiusmodi sunt hæc: Primum quidem, quod superficies sphæræ quadrupla sit maximi circuli eorum qui in ipsa sunt. Secundū verò, quod cuiuscumque portionalis sphæræ superfici ei æqualis fuerit circulus, cuius radius par sit rectæ lineæ ductæ à vertice in superficiem circuli, qui basis sit ipsius portionis. Ad hæc, quod omnis sphæræ cylindrus sesquialter sit, qui basim quidem habet maximo qui sit in sphæra circulo, altitudinem verò æqualem diametro sphæræ. Superficies verò ipsius cylindri sesquialtera superfici ei sphæræ. Hæc quidem demonstrata naturā præefferant circa dictas figuras, non tamen fuerant ab his qui ante nos circa Geometriam versati erant, animaduersa, quia harum figurarum nondum fuerat exculta scientia; & qui contulerit ista cum antiquis, nondum ea reperiet considerata. Quanquam demonstrata plurima fuerint eorum quæ ab Eudoxo circa solida contemplata sunt: veluti, quod omnis pyramis tertia pars sit prismatis basim habentis eandem cum pyramide, paremque altitudinem. Et quod omnis conus tertia pars sit cylindri basim eandem habentis cum cono, & eandem altitudinem. Hæc enim naturā præexistentia in his figuris, non vni dumtaxat, sed multis qui ab Eudoxo extiterunt, præstantibus Geometris, nouisse contigit. Licebit verò iis qui poterint, eadem diligentius scrutari. Tum debemus Conone viuentē ipsa emittere in vulgus. Hunc enim accepimus talia potissimum deprehendere, & ipsis accommodatam proferre demonstrationem. Ar-

bitrati itaque rectè se habere, si hæc inuenta impertitus fuerim iis, qui colunt Mathematica, mittimus tibi quas scripsimus demonstrationes, quasque licebit omnibus qui in Mathematicis versantur, perpendere. Vale. *Scribuntur autem primùm axiomata & hypotheses quæ conueniunt sequentibus demonstrationibus.*

DEFINITIONES.

1. **S**I fuerint aliquot in plano curvæ lineæ determinatæ, quarum extrema iungant rectæ lineæ, aut sunt totæ in easdem partes, aut nihil habent in alias.
 2. Voco autem lineam cauam in easdem partes: in qua duobus quibuscumque assumptis punctis, quæ sunt rectæ inter assumpta puncta, vel omnes in easdem partes lineæ puncta iungentis cadunt, aut aliquæ quidem in easdem partes, quædam secus rectam lineam iungentem puncta, nullæ verò in alias partes.
 3. Similiter etiam superficies quædam sunt terminatæ, non quidem plano, sed terminos habent in plano. Et plani in quo terminos habet, aut tota vergit in easdem partes, aut nihil habet in alteras.
 4. In easdem verò partes cauas superficies voco, in quibus si duo sumantur puncta: rectæ lineæ inter puncta mediæ, aut omnes cadunt in easdem partes superficiæ, aut, quædam in easdem partes, quædam verò secus eandem partem: nulla verò in partes contrarias.
 5. Frustrum solidum appello figuram, quæ ubi spheram Conus secuerit habens verticem in centro spheræ, comprehendetur tam à superficie coni intra spheram demersa, quàm à superficie spheræ intra conum contenta.
 6. Rhombum verò solidum appello figuram ex duobus conis isoscelibus deformatam; quando habuerint ambo eandem basim, conuersos verò vertices in contrarias partes plani basis; ita ut eorum tres iaceant in rectam lineam.
 7. Sphærarum portiones similes sunt quæ ex similibus circulorum portionibus nascuntur. *Assumo autem ista.*
- Hypotheses.*
1. Omnium linearum eadem puncta seu terminos habentium minimam esse rectam.
 2. Aliarum verò linearum in plano existentium si iisdem terminentur punctis, easdem esse inæquales.

3. Quando verò duæ extiterint utræque in easdem partes cauæ, & vel altera tota comprehensa fuerit, vel altera ipsarum, ab alterius superficie & recta linea eisdem cum ipsa fines habente: vel aliquæ quidem ipsius partes complexæ fuerint, aut aliquas habuerit communes: minorem esse comprehensam.
4. Similiter & superficie eisdem habentium limites, si in plano fines habuerint, minorem esse planam.
5. Alias verò superficies habentes eisdem fines, si in plano terminantur, omnes esse inæquales.
6. Si quando verò fuerint ambæ in easdem partes cauæ, & vel altera superficies comprehensa tota ab altera, & plano habente cum ipsa eisdem limites, vel aliquæ partes contentæ, aut aliquas habuerit communes: minorem esse contentam.
7. Adhuc verò & inæqualium linearum, & inæqualium superficierum, imparium denique solidorum maius excedere minus, eo quod sibi ipsi sæpius additum possit superare quamcumque dictarum, & inter se collatarum magnitudinem.
8. His suppositis, si circulo inscribatur figura multangularis: manifestum est, ambitum inscripti polygoni minorem esse circumferentia circuli.
9. Continens planum maius esse contento.

Propositio I. Theorema I.

SI figura multorum. angulorum circulo conscribatur: ambitus conscriptæ figuræ maior erit peripheria circuli.

Propositio II. Problema I.

Duabus magnitudinibus inæqualibus datis, possibile est duas rectas lineas inuenire, quarum maior habeat ad minorem rationem minorem, quàm maior datarum quantitatum ad minorem.

Propositio III. Probl. II.

Datis binis magnitudinibus inæqualibus & circulo, possibile est in ipso figuram multilateram, sed æquilateram inscribere, eidemque aliam conscribere, ita vt latus conscriptæ minorem habet rationem ad inscriptæ latus, quàm maior datarum magnitudinum ad minorem.

Probl. III. Prop. IV.

Rursus duabus datis inæqualibus quantitatis & sectore; possibile est figuram multilateram & æquilateram conscribere, & aliam inscribere sectori, ita vt latus conscriptæ lateri inscriptæ sit in minori ratione, quàm maior quantitatum datarum, earumque minori.

Figura solida in sphaeræ portione hemisphaerio maiore descripta, & nata ex reuolutione figuræ planæ in circuli sphaeræ maximi portione, ita inscripta vt diameter sphaeræ vel circuli maximi incidat in latera opposita ad angulos obliquos, æqualis est tum cono qui basim habeat parem superficiei figuræ, & altitudinem æqualem perpendiculari à centro sphaeræ demissæ in planæ figuræ latus, tum alij cono qui basim habeat basim figuræ solidæ, verticem verò centrum sphaeræ: si tamen demeris differentiam coni ad basim trunci qui sit prope centrum à cono ad verticem, qui sit super circulo tanquam basi, cuius est diameter pars diametri sphaeræ. Videatur coroll. Archim.

Manifestum X.

Et patet quod superficies descriptæ figuræ solidæ circa segmentum æqualis est circulo, cuius radius potest rectangulum comprehensum sub vno latere figuræ planæ, & omnibus iungentibus angulos figuræ planæ, & adhuc dimidia base ductæ planæ figuræ. Inscripta solida figura inscripta est in portione maioris sphaeræ. Hoc verò manifestum per hoc quod prius scriptum est.

Theor. XXX. Prop. XXXV.

Figuræ solidæ circa sphaeræ portionem conscriptæ superficies maior est circulo, cuius radius æqualis est lineæ ductæ à vertice portionis in circumferentiam circuli, qui basis est portionis.

The. XXXI. Prop. XXXVI.

Fit verò & circumscripta solida figura circa portionem cum cono, cuius basis est circulus circa diametrum; vertex verò centrum æqualis est cono, cuius basis quidem æqualis est superficiei figuræ, altitudo verò lineæ à centro in latus perpendiculari ductæ, quæ utique æqualis est radio sphaeræ. Videantur duo corollaria; & manifestum II. quod ita concludit.

Manifestum XI.

Circumscriptæ figuræ solidæ superficies ad inscriptæ solidæ figuræ superficiem duplicatam rationem habet quam latus circumscriptæ figuræ planæ habet ad latus inscriptæ figuræ planæ. At verò figura solida cum cono, triplicatam habet eiusdem rationem.

Th. XXXI. Prop. XXXVI.

Cuiuscumque portionis sphaeræ minoris semicirculo superficies æqualis est circulo, cuius radius æqualis est lineæ à vertice portionis in peripheriam ductæ circuli, qui basis est portionis sphaeræ.

Th. XXXII. Prop. XXXVII.

✠ Et si maior fuerit hemispherio portio, similiter ipsius superficies æqualis est circulo, cuius radius æqualis est lineæ ductæ à vertice ad circumferentiam circuli, qui basis est portionis.

Th. XXXIII. Prop. XXXVII.

Omni segmento sphæræ æqualis est conus qui basim quidem habeat æqualem superfici ei segmenti sphæræ, quæ sectioni respondet, altitudinem verò æqualem radio sphæræ.



ARCHIMEDIS

DE SPHÆRA

ET CYLINDRO.

LIBER SECVNDVS.

Dositheo S.



NTEA quidem mandasti mihi, scriberem eorū problematum demonstrationes, quæ prius ipse proposuerat Cononi. Accidit verò eorū plurima scribi inter theorematum, quorum prius ad te misi demonstrationes: sicuti quod prop. 30. 36. 37. manifesto. 9. & 38. prop. libri præcedentis demonstratum est. Quotquot enim horum theorematum & problematum inter illa scribuntur, in hoc libro exscripta ad te misi. Quæcumque verò inueniuntur alia, contemplationem puta de helicibus, & de conoidibus, enitar breui mittere. Primum autem problematum erat eiusmodi, sphæræ datæ planum spatium inuenire æquale superfici ei sphæræ. Est verò hoc manifestum & demonstratum ex dictis theorematibus, præsertim verò ex 30. propositione.

Problema I. Propositio I.

Secundum erat. Dato cono vel cylindro, sphæram inuenire cono vel cylindro æqualem.

Lemma I.

Lineam conchoidem describere.

Lemma II.

Linea conchoidis vndeque verticis accedit ad lineam normalem, (modò ex perpendicularibus distantia perpendatur) quò magis recedit à vertice.

Lemma III.

Inter conchoidem & normalem non potest duci linea quin secet conchoidem.

Lemma IV. Probl.

Angulo dato & puncto, extra lineas angulum datum concipientes, ducere à puncto dato lineam, cuius pars à lineis angulum datum concipientibus intercepta æqualis sit alicui datæ lineæ.

Lemma V.

Si primum fuerit ad secundum vt tertium ad quartum, erit primum ad dimidium secundi, vt duplum tertij ad quartum.

Lemma VI.

Inter duas datas lineas inæquales duas medias proportionales inuenire.

Lemma VII.

Si diametri duo sumantur ad normam in dato circulo, & vtrunque alterutrius recesentur duo arcus æquales, à quibus duæ perpendiculares excitentur ad alteram diametrorum, à cuius deinde extremitate ad arcum exteriorem ducatur linea: hæc linea ita diuidit proximam ex perpendicularibus, vt inter partem constituentem angulum rectum cum diametro, & partem maiorem diametri, relinquantur mediæ proportionales secta hæc perpendicularis & reliqua diametri pars. *Qui modus complectitur picturam lineæ cissoidæ, seu hederaceæ Dioclis.*

Lemma VIII. Probl.

Inter duas datas inuenire duas medias proportionales, mediante linea cissoide.

Lemma IX.

Modum Spori exponere.

Lemma X.

Si quatuor lineæ continuè proportionales decussatim, & ad angulos rectos constituentur, ita vt prima & quarta angulum simul, tum secunda & tertia alium simul angulum componant, perficiaturque ex secunda & tertia rectangulum, descriptæ parabolæ seu rectanguli coni sectiones diametris quidem secunda & tertia, rectis verò iuxta quas possunt ordinatim applicatæ prima & quarta sese secabunt

in angulo rectanguli constituti sub secunda & tertia. *Vnde modus Menechmi qui fit corporum sectione explicatur. Sed & unius solius parabola beneficio Mathematicus nobilissimus idem inuenit.*

Lemma XI. Probl.

Duas medias proportionales inter duas datas ex modo Menechmi inuenire. *Sed & anguli trisectionem, & alia plurima non inuenta hactenus, is qui suprà parabola beneficio reperit.*

Theor. I. Prop. II.

✦ Omni portioni sphæræ æqualis est conus qui basim quidē habeat eandem ac portio, altitudinem verò lineam rectam quæ ad altitudinem portionis in ea sit ratione, qua composita ex radio sphæræ, & ex altitudine reliquæ portionis ad ipsam altitudinem reliquæ portionis.

Probl. II. Prop. III.

Datam sphæram plano secare, ita vt superficies segmentorum rationem inter se inuicem habeant eandem quam sit alia data.

Lemma I.

Si fuerint quatuor rectæ lineæ continuè proportionales, est quadratum secundæ ad quadratum tertiæ, vt prima ad tertiam, vel quadratum primæ ad quadratum secundæ, vt secunda ad quartam.

Lemma II.

Si inter duas quantitates eiusdem speciei, aliquæ aliæ homogeneæ ponantur: ratio extremarum componitur ex rationibus intermediarum.

Probl. III. Prop. IV.

Datam sphæram secare, ita vt segmenta sphæræ inter se rationem habeant eandem quam quæ data sit.

Lemma I.

Duabus datis rectis lineis in ratione dupla, & terminis alicuius rationis: diuidere minorem illarum in ratione data; aut efficere vt sicut sunt duo termini simul rationis datæ ad consequentem, ita fiat minor ad inuentam; tum ita secare compositam ex vtraque, vt quadratum maioris sit ad quadratum partis, vt est reliqua pars ad inuentam.

Lemma II.

Duabus datis rectis lineis inæqualibus & rectilineo proposito, ita secare maiorem, vt quemadmodum fuerit altera partium resectæ ad minorem lineam, ita sit spatium propositum rectilineum ad quadratum alterius portionis sectæ lineæ. *Huc Eutocij modus pertinet.*

Lemma III.

Proposita linea, eaque secta, ita ut partes sint in ratione dupla: parallelepipedum constructum base quadrato maioris partis, & altitudine minori portione, maximum est omnium quæ pariter confici possunt ex alia quacumque sectione eiusdem lineæ. *Vide confectiorem probl. Archimedei: nempe quomodo sphaera data ita secetur, ut ipsius segmenta rationem datam habeant.*

Lemma IV.

Si fuerint duo sphaerarum segmenta similia, coni recti huiusmodi segmentis æquales, inter se quoque sunt similes.

Probl. IV. Prop. V.

Dato segmento sphaeræ, simile & alij dato æquale idem ipsum constituere.

Probl. V. Prop. VI.

Datis duobus sphaeræ segmentis, siue eiusdem, siue non, inuenire segmentum sphaeræ, quod sit alteri datorum simile, superficiem verò habeat æqualem superfici ei segmenti alterius.

Probl. VI. Prop. VII.

A data sphaera segmentum plano secare, ita ut segmentum ad conum basim habentem eandem cum segmento, & æqualem altitudinem, datam rationem habeat.

Lemma I.

Si cuique duarum linearum inæqualium eadem, vel quæque duarum æqualium addatur: erit maior inæqualium ad minorem inæqualium in maiori ratione, quàm composita ex maiori inæquali & altera æquali ad compositam ex minori inæquali, & altera æquali.

Lemma II.

Trium linearum, si prima ad secundam in minori ratione est quàm secunda ad quartam; rectangulum sub prima & tertia minus erit secundæ quadrato. Contra maius erit, si prima ad secundam maiorem rationem habeat quàm secunda ad tertiam.

Lemma III.

Si quatuor magnitudinibus propositis, quod fit sub prima & quarta minus est eo quod fit ex secunda & tertia: prima ad secundam minorem rationem habebit quàm tertia ad quartam.

Lemma IV.

Si trium linearum primæ quadratum habeat maiorem rationem ad quadratum secundæ quàm secunda habet ad tertiam: prima habebit ad tertiam maiorem rationem quàm sit ratio sesquialtera rationis

secundæ ad tertiam.

Lemma V.

Si linea duobus punctis inæqualiter diuiditur: rectangulum quod fit ex duabus partibus medietatis signo proximioribus, maius est eo quod fit ex inæqualioribus partibus, magisque à medio diffitis.

Theor. II. Prop. VIII.

Si sphæra plano secetur non per centrum, maius segmentum ad minus minorem quidem rationem habet quàm sit dupla eius quam habet maioris segmenti superficies ad minoris superficiem, maiorem verò quàm sit sesquialtera eiusdem.

Lemma I.

Si proponantur duo coni, quorum basis primi habeat maiorem rationem ad basim secundi, quam altitudo secundi ad altitudinem primi, primus conus est maior secundo.

Lemma II.

Lineæ datæ lineam reperire potentia subduplam.

Lemma III.

Si fuerint quinque lineæ continuè proportionales, vt erit prima ad quintam, sic erit quadratum secundæ ad quadratum quartæ.

Theorema II. Prop. IX.

Sphæricorum segmentorum sub æquali superficie contentorum maximum est hemisphærium.



ARCHIMEDIS

DE CIRCVLI

Dimensione Liber.

Propositiō I. Theorema I.



QVNIS circulus æqualis est triangulo rectangulo, cuius radius est par vni eorum quæ sunt circa rectum angulum: circumferentia verò basi.

Prop. II. Theor. II.

✦ Circulus ad quadratum suæ diametri, rationem habet quam vndecim ad quatuordecim.

Lemma I.

✦ Si duæ lineares quantitates in aliquot partes diuidantur: rectangula quæ ex singulis partibus vnus fiunt per alterius segmenta, æqualia sunt toti ab integris comprehenso.

Lemma II.

✦ Si rectangulum continetur sub duabus congeneris & linearibus quantitatibus, vt se habebit mensura ad alteram ipsarum, ita se habebit quod sit ex altera, & mensura ad totum rectangulum.

Lemma III.

✦ Si fuerint quatuor quantitates proportionales, numerus qui multiplicauerit aut diuiderit primum vt faceret secundum, idem multiplicat aut diuidit tertium vt producat quartum.

Lemma IV.

Dato rectangulo eiusque altero latere, dare ignotum latus.

Lemma V.

Dati in numeris quadrati latus inuenire.

Lemma VI.

Noti quadrati latus ignotum Geometricè cognoscere.

Lemma VII.

Si quatuor magnitudinum prima ad secundam maiorem rationem habuerit quàm tertia ad quartam, sumantur autem primæ & ter-

TIO ARCHIMEDIS DE CONOIDIBVS
 tiæ æquemultiplices: æquemultiplex primæ habebit maiorem quo-
 que rationem ad secundam quàm æquemultiplex tertiæ ad quar-
 tam.


Prop. III. Theor. III.

Cuiuscumque circuli circumferentia tripla est diametri, & adhuc
 excedit minori quidem quàm septima parte diametri, maiori verò
 quàm septuagesimis primis.



ARCHIMEDIS DE CONOIDIBVS ET SPHÆROIDIBVS.

Dositheo bene agere.


 CRIPTAS tibi mitto in hoc quidem libro reliquorum
 theorematum demonstrationes, quas non habue-
 ras in præcedentibus: & aliorum rursus tandem ali-
 quando inuentorum: quorum cum multoties antea
 aggressus essem contemplationem, visum mihi fuerat
 negotium difficile, ac de eorum inuentione diu hæsi-
 taueram: vnde contigerat, vt ipsa proposita vnà cum alijs tibi da-
 ta non fuissent. Verùm postea curiosius ea contemplatus, inueni quæ
 me anxium retinuerant. Cæterum priora theoremata de rectangula
 portione conoidali proponebantur. At quæ nunc inuenta sunt, de
 obtusa conoide sunt, ac de figuris sphæroidalibus, quarum nonnullas
 oblongas, quasdam prolatas appello. De rectangula quidem conoide
 hæc subiiciebantur.

DEFINITIONES.

I.

SI rectanguli coni portio, manente diametro circumducta re-
 deat denuò vnde prodierit: comprehensa figura subrectanguli co-
 ni

ni sectionē vocetur rectangula conois, vel rectangulum conoides.

2. Et axem quidem ipsius, illam manentem diametrum vocari.

3. Verticem verò punctum secundum quod axis tangit superficiem conoidis.

4. Et si planum tetigerit figuram rectangulæ conoidis, aliudque planum illi parallelum ductum secuerit aliquam particulam conoidis: basim quidem resectæ portionis vocari planum comprehensum à conoide in resecante plano.

5. Verticem verò punctum, in quo illud aliud planum tangit conoidem.

6. Axem demum conclusam in portione partem rectæ linæ, quæ ducitur ab apice portionis parallelo axi conoidis.

7. De amblygonia verò conoide supponebamus quidem ista. Si in eodem plano fuerint obtusi anguli coni sectio, & ipsius diameter, tum linæ quæ dicuntur proximæ sectioni coni, manente verò diametro circumuoluatur planum, in quo sunt dictæ linæ proximæ, donec redierit vnde profectum fuerit: istæ quidem linæ sectioni obtusi anguli coni proximæ, manifestò conum isoscelem comprehendent, cuius vertex erit punctum, in quod concurrunt linæ proximæ: axis verò diameter manens.

8. Figura verò comprehensa sub obtusi anguli coni sectione, amblygoniam seu obtusiangulum conoidem vocari.

9. Axem verò ipsius manentem, diametrum.

10. Verticem autem punctum secundum quod tangit axis superficiem conoidis.

11. Cæterum conum conceptum sub proximis sectioni amblygonij coni comprehendentem conoidem appellari.

12. Lineam verò rectam, mediam inter verticem conoidis, & verticem coni comprehendentis conoidem adhzrentem axi nuncupari.

13. Et si amblygoniam conoidem tetigerit aliquod planum, & huic tangenti plano, aliud planum agatur parallelum, quod secet portionem conoidis: basim quidem resectæ portionis appellari planum comprehensum sub sectione conoidis, in secante plano.

14. Verticem verò punctum secundum, quod planum conoidem tangens ipsam attingit.

15. Axem verò comprehensam in segmento partem linæ: quæ ducitur per verticem segmenti, & apicem coni comprehendentis conoidem.

16. Et quæ demum media est inter dictos vertices adiectam axi vocitari.

Lemma.

Duabus datis lineis duas alias inuenire & efficere, vt quemadmodum fuerit prima datarum ad secundam, ita sit quadratum prioris inuentæ ad quadratum posterioris.

Problma 1. 2. & 3.

Parabolam, hyperbolam, & ellipsim in plano describere.

Lemma.

Dato quadrato, & altero latere eorum, sub quibus continetur rectangulum illi quadrato æquale, reliquum latus cognoscere.

Problema.

Ex data ellipseos portione integram ellipsim cognoscere.

† 17. Rectangulæ igitur conoides omnes similes sunt.

† 18. Amblygoniarum verò conoidum similes illæ vocentur quarum & coni comprehendentes conoides similes fuerint. Similes portiones sectionum coni Apollonius definiuit.

In quarum singulis ductis lineis basi parallelis numero equalibus, sūt ipse parallela & bases ad abscissas diametrorum partes sumptas à verticibus in isdem rationibus, tum abscisse ipse ad abscissas.

19. De sphæroidibus verò figuris supponebamus ista. Si acutianguli coni sectio manente maiori diametro reuoluatur, donec redeat, rursus vnde profecta est, comprehensam figuram ab oxygonij coni sectione oblongam sphæroidem vocari. Si verò manente minore diametro reuoluatur acutianguli coni sectio, donec redeat vnde prodierit, constitutam figuram ab acutianguli coni sectione, prolatam sphæroidem nuncupari.

20. Vniuscuiusque verò sphæroidis axem appellari manentem diametrum.

21. Verticem verò punctum quo axis tangit superficiem sphæroidis.

† 22. Centrum autem vocati medium axis.

23. Diametrum denique per centrum ad angulos rectos ductam axi.

† 24. Et si sphæroidum figurarum vtramvis plana parallela tetigerint non secantia: tangentibus verò his planis aliud parallelum planum agatur secans sphæroidem: factarum quidem portionum basim vocari comprehensam in sphæroide particulam plani secantis.

† 25. Vertices verò puncta quibus parallela plana sphæroidē tāgunt.

26. Axes autem receptas in portionibus particulas rectæ earum apices coniungentis.

27. Similes verò vocari sphæroideas figuras, quarum axes ad diametros eandem rationem habent.

28. Segmenta verò sphæroidearum figurarum & conoidearum similia vocari, si dirempta fuerint ex similibus figuris, & similes habuerint bases, & axes eorum vel recti existentes ad planam basium, vel angulos æquales constituentes ad homologas basium diametros eandem rationem habuerint mutuo ad homologas basium diametros.

Demonstratis verò huiusmodi theorematibus, per ipsa reperiuntur theoremata multa & problemata, quale est istud: Quod similes sphæroides & similium tam sphæroidearum figurarum quam conoidearum segmenta triplicem axium rationem inter se habeant.

Et rursus, quod in æqualibus sphæroideis figuris quadrata dimetientium reciproce æquipollent axibus.

Et si in sphæroideis figuris quadrata dimetientium æquipollent reciproce axibus, æquales sunt sphæroides.

Præscribentes igitur & theoremata & subsidia, quæ necessaria sunt ad demonstrationes illorum, postea tibi quæ proposita sunt, scribemus. Vale.

SVBSIDIA.

1. **S**I conus plano secatur in omnia coni latera coincidente, sectio erit vel circulus vel acutianguli coni sectio.

2. Si quidem ergo circulus fuerit sectio: manifestum est comprehensum ab ipsa segmentum ad verticem vsque coni, conum esse.

3. Si verò sectio fuerit ellipsis: deducta à cono figura vsque ad verticem coni, segmentum coni nuncupetur.

4. Segmenti verò basis dicatur planum comprehensum sub ellipsi.

5. Vertex autem punctum quod idem est apex coni.

6. Axis demum iuncta linea à vertice ad centrum ellipseos.

7. Atque si cylindrus duobus planis parallelis secatur coincidentibus in omnia cylindri latera: fient vel circuli vel acutiangulorum conorum sectiones æquales, & inter se similes.

8. Si quidem igitur sectiones circuli fiant: manifestum quod resecta à cylindro figura inter parallela plana, cylindrus erit.

9. Si verò & sectiones acutiangulorum conorum sectiones fuerint:

114 ARCHIMEDIS DE CONOIDIBVS

excepta è cylindro figura interparallelaplana, frustum cylindri appelletur.

10. Huius autem frusti basis quidem dicatur, quodlibet planorum conceptorum sub acutiangulorum conorum sectionibus.

11. Axis verò recta quæ coniungit centra sectionum acutiangulorum conorum: critque ipsa in eadem recta linea cum axe cylindri.

12. Diametrum voco cuiuscumque segmenti lineam quæ bifariam secat omnes rectas ductas in segmento basi ipsius æquidistantes.

13. Similia cylindri frusta, similiaque coni segmenta sunt, quæ similibus insunt basibus, quarumque axes faciunt æquales angulos ad similes basium diametros, ad easque pares rationes habent.

Propositio prima.

Si fuerint magnitudines quotcumque æquali sese excedentes, fueritque excessus æqualis minime: Et aliæ item magnitudines, numero quidem æquales illis, magnitudine verò singulæ pares maximæ: omnes quidem magnitudines, quarum vnaquæque æqualis est maximæ omnium æquali sese excedentium, minores sunt quàm duplè: reliquarum verò verò sine maxima maiores, quàm duplæ.

Prop. II.

Si magnitudines quodlibet multitudine aliis magnitudinibus æqualibus numero binæ, eandem rationem habuerint similiter ordinatæ: ponantur verò primæ magnitudines ad alias magnitudines, vel omnes, vel aliquæ, earum in quibusvis rationibus, tum secundæ ad alias magnitudines homologæ in iisdem rationibus: omnes primæ magnitudines ad omnes, quibus conferantur, eandem rationem habebunt, quam habent omnes secundæ magnitudines ad omnes, quibus proponuntur.

Prop. III.

Si fuerint linæ inter se æquales quodlibet numero, ad quarum vnamquamque accedat spatium excedens forma quadrata, fuerint verò latera excedentium quadratorum, ex equo alia aliis maiora, & excessus æqualis eorum minimo: assumantur verò & alia spatia superioribus æqualia numero, sed magnitudine singula sint æqualia maximo illorum: hæc ad omnia quidem alia spatia minorem rationem habebunt ea, quam habet linea æqualis duabus, lateri scilicet maximi excedentis quadrati, & vni ex æqualibus assumptis ad æqualem duabus, tertiæ nimirum parti dicti lateris maximi quadrati, & dimidiæ vnus æqualium: maiorē verò hac eadem ad reliqua spatia inæ-

qualia dempto maiori habebunt.

Manifestum I.

Si conic sectionem aliquot lineæ tetigerint ab eodem puncto eductæ: fuerint verò & aliæ ductæ in ipsa conic sectione parallelæ tangentibus, & se mutuò secantes: comprehensa parallelogramma sub earum segmentis, eandem habebunt rationem ad alia, quæ existunt, quadrata sub tangentibus. Eiusdem autem rationis erit contentum sub segmentis alterius lineæ, cum quadrato tangentis sibi eiusdem parallelæ.

Lemma I.

✦ In antiqua parabola lineæ, iuxta quam possunt, quæ in sectione ordinatim ducuntur, dupla est illius quæ à vertice sectionis vsque ad axem conic: in recentibus verò maior esse potest aut minor quàm dupla.

Lemma II.

✦ Sumptis duabus parabolis portionibus secundum duas lineas, quarum altera rectè, altera obliquè abscindat diametrum sectionis. Tum ab extremitate secantis obliquè ducatur perpendicularis in diametrum portionis, & ut semissis lineæ obliquæ ad perpendicularem, ita fiat lineæ quæpiam ad eam iuxta quam possunt, quæ in recta portione: hæc quæpiam erit lineæ iuxta quam possunt, quæ in non recta portione ordinatim ducuntur.

Prop. IV.

Si ab eadem rectanguli conic sectione duo segmenta quomodocumque rescantur, quæ partes diametros habeant: ipsa etiam segmenta æqualia erunt, ut & triangula in ipsis inscripta, eandem habentia basim cum segmentis, & altitudinem eandem.

Prop. V.

✦ Planum comprehensum sub acutianguli conic sectione, ad circulum qui habeat diametrum æqualem maiori diametro sectionis acutianguli conic, eam rationem habet, quam minor diameter ad maiorem, hoc est, ad circuli diametrum.

Prop. VI.

Omne planum sub acutianguli sectione contentum ad quemlibet circulum eandem rationem habet, quam rectangulum contentum sub diametris sectionis acutianguli conic ad quadratum diametri circuli.

Prop. VII.

Plana sub acutianguli conic sectionibus contenta eandem habent rationem inter se, quam comprehensa rectangula sub diametris se-

ctionum acutiangulorum conorum inter se.

Manifestum I. I.

Ex hoc verò manifestum est, quod comprehensa plana sub similibus acutiangulorum conorum sectionibus, eandem rationem habent inter se quam habent potentia inter se sectionum diametri similis rationis.

Lemma I.

Si fuerint tres lineæ in eodem ordinatione, sicuti tres aliæ, rectangulum sub extremis vnius ordinis erit ad quadratum mediæ, sicuti rectangulum alterius ordinis ad quadratum quoque mediæ.

Lemma II. Problematicum.

Dato angulo secto bifariam, datoque puncto in alterutro crure, à puncto dato lineam rectam educere in alterum crus, quæ ita dirimatur à linea angulum secante, vt rectangulum comprehensum sub eductæ segmentis partibus contentis inter ambo crura, sit ad quadratum secantis angulum in ratione data.

Prop. VIII.

Acutianguli coni sectione data, & linea à centro acutianguli coni sectionis excitata recta ad planum in quo est acutianguli coni sectio: possibile est conum inuenire, qui verticem habeat extremitatem excitatæ lineæ, & in cuius superficie sit data acutianguli confectionis.

Prop. IX.

Acutianguli coni sectione data, & linea non rectè excitata à centro sectionis acutianguli coni sectio: possibile est conum inuenire qui verticem habeat extremitatem exsuscitatæ lineæ, in cuius superficie sit data trianguli coni sectio.

Prop. X.

Acutianguli coni sectione data, & linea à centro acutianguli coni sectionis erecta in plano, quod ab altera diametro assurgit rectè ad planum in quo est acutianguli coni sectio: possibile est cylindrum inuenire qui habeat axem in linea recta erecta, in cuius superficie erit data acutianguli coni sectio.

Prop. XI.

Quod quidem omnis conus ad conum compositam habeat rationem, tam ex ratione basium quàm ex ratione altitudinum, demonstratur ab iis, qui ante fuerunt: Eademque demonstratio concludit quod omne segmentum coni ad segmentum coni compositam rationem habet, tum ex basium, tum ex altitudinum ratione. Et quod

omnis portio cylindri, tripla est segmenti conī eandem basim habentis, quam portio, & eandem altitudinem. Hæc ipsa demum demonstratio ostendit quòd cylindrus triplus est conī basim habentis eandem cum cylindro, altitudinemque eandem.

Lemma I.

† Omne segmentum conī, tertia pars est frusti cylindri eandem cum segmento conī habentis basim & altitudinem.

Lemma II.

Sub eodem fastigio existentia frusta cylindri, vel segmenta conī, sunt inter se sicuti bases.

Lemma III.

Si cylindri frustum plano secetur parallelo oppositis planis: erit portio ad portionem, vt altitudo ad altitudinem.

Lemma IV.

Quæ inæqualibus fuerint basibus frusta cylindri, aut segmenta conī, sunt inter se sicut altitudines.

Lemma V.

Cylindrorum æqualia frusta, vel conorum æqualia segmenta habent reciprocas bases verticibus: & quæ reciprocas bases habent verticibus, illa sunt æqualia.

Lemma VI.

Frusta cylindrorum, & segmenta conorum, sunt inter se in ratione composita ex rationibus basium, & altitudinum.

Lemma VII.

Similia cylindrorum frusta, seu conī segmenta, se habent inter se in triplicata ratione diametrorum, quæ in basibus, vel axium ipsorum.

Propositio XII. continens quinque conclusiones.

I. Si rectangulum conois plano secetur per axem, vel æquidistanter axi, sectio erit rectangulæ conoidis sectio eadem quæ comprehendit figuram: diameter verò ipsius erit communis sectio planorum, & eius quod secat figuram, & eius quod per axem ducitur rectum ad planum secans. Et si scindatur plano recto ad axem, sectio circulus erit centrum habens in axe.

† 2. Si amblygonia conois plano secatur per axem, vel æquidistanter axi, vel per verticem conī comprehendentis conoidem, sectio erit amblygonij conī sectio.

3. Et si quidem per axem eadem erit quæ comprehendit figuram: sed si æquidistanter axi, similis erit ipsi. Si autem per verticem conī conoidē comprehendentis, non erit similis. Cæterum diameter

sectionis erit communis sectio planorum, & eius quod secat figuram, & eius quod per axem ducitur rectum ad planum secans. Si secatur recto plano ad axem, sectio circulus erit centrum habens in axe.

✦ IV. Si sphæroidearum figurarum aliqua plano secatur per axem, vel æquidistanter axi, sectio erit acutianguli conicæ sectio. Et si quidem per axem, ipsa erit quæ comprehendit figuram; si verò æquidistanter axi, similis ipsi. Diameter verò sectionis erit illa communis planorum, & eius quod secat figuram, & eius quod ducitur æquidistanter axi, recto ad secans planum. Si porro secatur plano recto ad axem, sectio circulus erit centrum habens in axe.

✦ 5. Denique quibuscumque dictarum figurarum plano sectis per axem, lineæ à punctis, quæ in superficie figuræ sunt, non in ipsa sectione, perpendiculares ductæ ad planum secans, intra figuram sectionis cadunt. Harum autem omnium facile est dare demonstrationes.

Lemma I.

Quæcumque conois vel sphærois per axem secetur, redditur eadem conicæ sectio, ex cuius circumvolutione nata est exposita vel conois, vel sphærois, estque redditæ sectionis diameter linea communis duobus planis, & figuram secanti, & illi, quod per axem figuræ actum, super secante plano erigitur.

Lemma II.

Conoide vel sphæroide secta plano ad axem perpendiculari, fit sectione circulus, centrum habens in axe.

Lemma III.

Quibuscumque dictarum figurarum plano sectis per axem, lineæ à punctis, quæ in superficie figuræ sunt, non in ipsa sectione perpendiculares ductæ ad planum secans, intra figuram sectionis cadunt.

Lemma IV.

✦ Si parabolica conis secatur æquidistantes axi, fit parabole, eadem nempe ei quæ figuram comprehendit: estque diameter ipsius communis sectio planorum, & eius, quod secat figuram æquidistanter axi, & eius, quod per axem figuræ ducitur perpendiculare ad illud planum secans.

Lemma V.

Si recta linea duobus punctis secatur, fueritque rectangulum ex partibus vnius sectionis æquale rectangulo ex partibus alterius, erunt ipsæ partes inter se æquales, maior maiori, minorque minori.

Lemma VI.

✦ Si hyperbolica conois plano secatur æquidistanter axi, sectio erit

erit hyperbole similis illi quæ figuram descripsit, eiusque diameter erit communis intersectio planorum; & eius quod figuram secat, & eius quod ducitur per axem rectò ad planum secans.

Lemma VII.

✦ Si conois hyperbolica plano per verticem coni ipsam continentis conoidem, ducto secetur: fit hyperbole, dissimilis illi quæ figuram complectitur: eiusque diameter est linea communis duobus planis & illi secanti, & ei quod per axem conoidis ducitur perpendiculare ad prius illud secans per verticem coni conoidem comprehendentis eductum.

Lemma VIII.

✦ Si sphæroidearum figurarum aliqua plano secatur æquidistanter axi, sectio erit ellipsis similis ipsi quæ figuram comprehendit. Diameter verò sectionis erit illa communis planorum, & eius quod secat figuram, & eius quod ducitur æquidistanter axi recti ad planum secans.

Lemma IX.

✦ Lineæ in sectione coni obliquè ad axem ductæ parallelam ducere, quæ coni sectionem tangat.

Prop. XIII.

✦ Si rectangula conois plano secetur, non quidem per axem, neque æquidistanter axi, neque ad rectos angulos cum axe, sectio erit acutianguli coni sectio: diameter verò ipsius maior linea concepta in conoide ab intersectione facta planorum, & eius scilicet quod secat figuram, & eius quod ducitur rectò per axem ad planum secans. Minor verò diameter æqualis erit distantie linearum ductarum æquidistanter axi, ab extremis diametri maioris.

Prop. XIV.

Si obtusiangula conois plano secatur coincidente in omnia coni latera conoidem comprehendentis non rectis ad axem angulis; sectio erit acutianguli coni sectio: diameter verò maior ipsius erit concepta in conoide à sectione facta planorum alterius quidem secantis figuram, & alterius acti per axem rectò ad planum secans.

Prop. XV.

Si oblonga sphærois plano secetur non recto ad axem, sectio erit acutianguli coni sectio: diameter verò ipsius maior erit concepta in sphæroide sectio duorum planorum, eius scilicet quod secat figuram, & eius quod ducitur per axem rectò ad planum secans.

Coroll. I.

Si prolata sphærois plano secetur, alia quidem eadem erunt: Atque diameterum minor erit concepta in sphæroide linea.

Corollarium II.

Ex ipsis manifestum est in omnibus figuris, quod si planis parallelis secantur, omnes sectiones similes erunt: quadrata enim à perpendicularibus facta ad parallelogramma intersectionum easdem rationes habebunt.

Prop. XVI.

In rectangula conoide, à quocumque puncto superficiei conoidis ducantur lineæ rectæ parallelæ axi: quæ ad eas partes ducuntur, in quas tendit cauitas conoidis, cadunt extra conoidem; quæ verò ad contrarias, intra. *Propositionis secunda pars.*

In amblygonia conoide, à quolibet puncto superficiei ipsius ductis rectis parallelis alicui lineæ, quæ in conoide agitur à vertice coni comprehendentis conoidem: quæ quidem ducuntur in easdem partes, ad quas tendit figuræ curuitas, extra cadent; quæ verò in contrarias, intra. *Propositionis tertia pars.*

Si conoideas figuras planum tetigerit non secans conoidem: in vno tantum puncto tanget, & per contactus punctum axemque actum planum, rectum erit ad planum tangens.

Prop. XVII.

Si sphæroidearum figurarum quamlibet planum attingat non secans figuram, in vno tantum puncto tanget, & per contactum & axem planum actum fuerit, rectum erit ad planum tangens. *Idemque de conoide dicendum eadem omnino ratione.*

Prop. XVIII.

Si aliquam ex sphæroideis figuris duo plana parallela tetigerint: linea iungens contactuū pūcta, per cētrum sphæroidis porrigetur.

Prop. XIX.

Si quamcumque sphæroidearum figurarum duo parallela plana ducta tangant: agatur verò & aliquod planum per centrum sphæroidis æquidistanter tangentibus: quæ per factam sectionem aguntur, parallele ei quæ coniungit contactuum puncta, extra sphæroidem cadent. *Propositionis secunda pars.*

Si verò parallelum planum tangentibus signis (seu planis) non agatur per centrum; manifestum est ductarum à sectione linearum partes versus minus segmentum protractas, extra sphæroidem cadere: actas verò ad maius segmentum, intra.

Prop. XX.

Omnis figura sphæroidea plano secta per centrum bifariam secatur à plano, & ipsum & superficies ipsius.

Prop. XXI.

Dato segmento cuiuslibet conoidis resecto plano recto ad axem: aut sphæroidis cuiuscumque frusto non maiore dimidia sphæroide similiter auulso: possibile est segmentum solidum inscribere, & aliud circumscribere ex cylindris æqualem altitudinem habentibus simul compositis, ita vt circumscripta figura inscriptam minori exsuperet omni proposita solida magnitudine.

Prop. XXII.

Portione data cuiusvis conoidis plano secta non recto ad axem, vel cuiuscumque sphæroidis non maiore dimidia sphæroide similiter resecta: possibile est in ipsa figuram solidam inscribere, & aliam circumscribere ex cylindrorum frustis constantes, ita vt circumscripta figura inscriptam exsuperet quantitate minori, quàm sit quælibet exposita solida magnitudo

Lemma.

Si quatuor magnitudinum prima sit quàm secunda maior: prima verò minori quantitate superet tertiam quàm secunda quartam: quarta minor erit quàm tertia. Inuerso verò ordine, si prima sit minor secunda, minorique quantitate tertia excedat primam, quàm quarta secundam, erit quarta maior tertia.

His autem præscriptis (*inquit Archimedes*) demonstrabimus quæ proposita fuerant de figuris.

Prop. XXIII.

✦ Omnis portio rectangulæ conoideos resectæ plano recto ad axem, sesquialtera est coni basim habentis eandem cum portione, & axem.

Prop. XXIV.

✦ Etiam si plano non recto ad axem resecetur portio à rectangula conoide similiter sesquialtera erit segmenti coni basim habentis eandem cum portione, & axem eundem.

Lemma I.

Datis circulo & ellipsi, descriptaque in circulo figura laterum æqualium longitudine & numero parium: describere in ellipsi figuram, ad quam inscripta circulo sit, vt circulus ad ellipsim.

Lemma II.

Si sub eodem fastigio existant cylindrus & frustum cylindri, vel conus & segmentum coni: erunt inter se sicuti bases.

Lemma III.

✦ Cylindri & frusta cylindrorum, tum coni & segmenta conorum, habent inter se rationem compositam ex rationibus basium & altitudinum.

Prop. XXV.

Q ij

Si rectangulæ conoidis duæ portiones secantur planis, altero quidem recto ad axem, altero obliquo, fuerint verò ambarum portionum axes æquales, sectiones erunt æquales.

Prop. XXVI.

† Si rectangulæ conoideos duæ portiones secantur planis quomodocumque ductis: portiones huiusmodi rationem inter se habebunt, quàm quadrata axium earumdem.

EPIPHORA.

Hinc deducimus in diuersis conoidibus rectangulis sumptas quomodocumque portiones, quarum axes sint æquales, ipsas esse æquales: & si axes fuerint inæquales, easdem se habere inter se sicuti axium earumdem quadrata.

Prop. XXVII.

Omnis sectio obtusiangulæ conoideos secta plano recto ad axem, ad conum basim habentem eandem cum sectione & altitudinem eandem, hanc habet rationem quam habet linea composita, & ex æquali axi sectionis, & ex tripla adiecta axi, ad lineam æqualem duabus, axi scilicet sectionis, & duplæ adiectæ axi.

Prop. XXVIII.

† Et proinde si non recta ad axem plano secetur: portio amblygoniæ conoideos ad coni segmentum basim habentis eandem ac segmentum, eundemque axem, eandem habebit rationem quam linea æqualis duabus, & axi portionis & triplæ additæ ad axem, ad æqualem binis & axi & duplæ adiectæ axi.

Prop. XXIX.

† Cuiuscumque figuræ sphæroidæ plano sectæ per centrum recto ad axem, dimidium duplum est coni basim habentis eandem cum portione, & eundem axem.

Prop. XXX.

† Et proinde si sphæroides non rectum ad axem plano per centrum secatur, similiter dimidium sphæroidis duplum erit segmenti coni basim habentis eandem cum portione, & axem eundem.

Lemma.

Si duæ quantitates quomodocumque bisecantur, & prima fuerit ad alteram ex suis partibus in minori ratione, quàm secunda ad alteram ex suis partibus: erit prima ad reliquam sui partem in maiori ratione quàm secunda ad reliquam sui partem, & contra.

Prop. XXXI.

Cuiuscumque figuræ sphæroidæ plano non per centrum sectæ, sed recto ad axem: minor portio ad conum, eandem cum ipsa basim

habentem, eundemque axem, hanc habet rationem, quam linea composita ex dimidio axe sphæroidis, & ex axe maioris portionis, habet ad axem maioris portionis.

Prop. XXXII.

Et proinde si non rectò ad axem secetur sphærois, neque per centrum, minor ipsius portio ad segmentum conici basim habentis eandem cum portione, & axem eundem, hanc habebit rationem quam composita linea ex dimidia eius, quæ coniungit vertices factarum portionum, & ex axe maioris portionis ad axem maioris portionis.

Prop. XXXIII.

† Cuiuscumque figuræ sphæroidæ plano sectæ rectò ad axem non per centrum, maior portio ad conum, qui basim habeat eandem quam portio, & axem eundem, eam habet rationem, quam æqualis duabus, & dimidiæ axis sphæroidis, & axi minoris portionis habet, ad axem minoris portionis.

Prop. XXXIV.

Et proinde si non rectò ad axem plano secetur sphærois, neque per centrum: maior portio ipsius ad segmentum conici basim habentis eandem quam portio, & eundem axem, eam habebit rationem, quam composita ex dimidia coniungentis vertices factarum portionum, & ex axem minoris portionis ad axem minoris portionis habet. *Quæ sequuntur, ut & lemmata præcedentia, Rivalti sunt.*

Theoremat 1. tres partes continens.

† 1. Similes sphæroidæ figuræ triplicatam suorum axium rationem habent.

† 2. Similes sphæroideon figurarum portiones triplicatam suorum axium rationem habent.

3. Conoidæ figuræ similes, portionesque conoideon figurarum similes triplicatam suorum axium rationem habent. *Hinc inveniri potest conus qui conoidi vel sphæroidi, vel portioni conoidis aut sphæroidis sit inæqualis.*

Theorema II.

Æqualium sphæroideon figurarum quadrata, quæ sub diametris consimilibus reciprocè respondent axibus, sphæroides figuræ sunt æquales.

EPIPHORA.

Idem concludendum est de æqualibus conoidibus parabolicis, tum de portionibus æqualibus conoideon rectangularum, quarum rectangula sub diametris basium reciproca sunt basibus.

124 ARCHIMEDIS DE QVADRATVRA

Lemma I.

Duorum conorum inæqualium differentiam ostendere, quæ quæque sit conus.

Lemma II.

Duorum conorum rationem exprimere superficiebus ac lineis.

Lemma III.

Dato plano seiuncto à sphæroide data, planum agere quod datam sphæroidem tangat, & parallelum sit dato plano.

Problema.

A data sphæroidea vel conoidea portione, portionem abscindere plano æquidistanter ad datum planum actò, ita vt resecta portio æqualis sit dato cono, vel cylindro, vel datæ sphærae.

ARCHIMEDIS DE QVADRATVRA

PARABOLES.

Archimedes Dositheo.

CVM audiissem defunctum esse Cononem, qui nobis reliquus erat in amicitia, tibi que admodum fuerat familiaris, putà in Geometria maximè versatus, virum quidem mortuum amarè planxi, vt amicissimum, & hominem in Mathematicis planè mirabilem. Atque tunc derepente statui mittere ad te, sicuti antea ad Cononem solebam, Geometricum theorema, quod nemo quidem priùs est contemplatus, nunc verò à nobis ostenditur, mechanicè quidem primò inuentum, deinde & Geometricè demonstratum. Nonnulli ante nos qui Geometriam tractare nouerunt, conati sunt scribere quomodo possibile esset circulo, vel circuli segmento dato inuenire æquale rectilineum: & postea tentarunt quadrare spatium sub totius coni sectione, & recta linea comprehensum, incertæ fidei lemmata assumentes, quæque à multis non inuenta, damnata sunt. Ceterum qui statuerit quadrare portionem rectanguli coni sectione comprehensam neminem scimus. Hoc verò à nobis iam tandè inuenitur. Demonstratur enim quod omne segmentum comprehensum sub recta & rectanguli coni sectione sesquitertium sit trianguli basim habentis eandem & æqualem altitudinem cum sectione: assumpto scilicet lemmate ad hoc demonstrandum: quod possibile sit inæqualium spatiorum excessum quo maius excedit minus, toties compo-

ñere, vt ipsum excedat quodcumque propositum spatium. Vteban-
tur & illi superiores Geometræ eodem lēmate. Etenim per hoc axio-
ma demonstrarunt omnes circulos habere rationem inter se duplica-
tam suarum dimetientium. Et sphaeras habere inter se rationem tripli-
catam suarum diametrorum, Adhuc & omnem pyramidem tertiam
partem esse cylindri eandem habentis basim cum cono, & parem
altitudinem. Ita hoc assumentes lemma, scripserunt. Contingit verò
vt vnumquodque ex his demonstratis theorematibus, non minus
fidei quàm ipsum lemma, naetum sit. Nuper verò in similem fidem
adduximus ea quæ à nobis data sunt. Cùm itaque huiusce theore-
matis demonstrationes scripsissemus, mittimus primum quidem
quemadmodum mechanicè cognitæ sint: postea verò qua ratione
geometricè fuerint ostensæ. Præscribuntur etiam & elementa conica
quæ demonstrando vsui sunt. Vale.

Propositiones & Theoremata.

I.

SI fuerit rectanguli coni sectio, in qua ABG , & linea BD paral-
lela diametro vel ipsa diameter, tū linea AB parallela ei quæ tan-
git sectionem coni in puncto B , æqualis erit AD ipsi DG : & si æqualis
fuerit AD ipsi DG , parallelæ erunt tum AG , tum ea quæ coni sectio-
nem tangit in B .

2. Si fuerit rectanguli coni sectio ABG , fuerit verò recta BD , vel
parallela diametro; vel ipsamet diameter: tum linea ABG , pa-
rallela lineæ tangenti sectionem rectanguli coni in puncto B , demum
linea EG coni sectionem tetigerit in G , erunt BD , BE æquales.

3. Si fuerit rectanguli coni sectio, ABG , linea verò BD vel pa-
rallela diametro, vel ipsamet diameter, & ducantur quædam rectæ
 AD , EZ parallelæ tangenti sectionem coni in B , erit vt BD , lon-
gitudine ad BZ , sic potentia linea AD ad lineam EZ .

Lemma. Si fuerint tres lineæ, quarum prima sit ad secundam po-
tentia, sicut est ad tertiam longitudine, erunt tres illæ lineæ pro-
portionales,

4. Sit portio contenta sub recta & rectanguli coni sectione, ABG ,
agaturque linea BD è medio lineæ AG parallela diametro, vel ipsa
sit diameter, tum recta BG iuncta producat: si quidem demittatur
aliqua a I puta ZT parallela ipsi BD secans vtramque rectarum AG ,
& BG , eandem habebit rationem ZT ad TI , quam DA ad DZ .

5. Sit portio cōtenta sub recta, & rectāguli coni sectione ABG, & à puncto A ducatur parallela diametro ZA. à pūcto verò G tāgētes coni sectionem in puncto G, quæ sit GZ. si quidem aliqua recta ducatur in triāgulo ZAG, parallela ipsi AZ. in eadē ratione ipsa ducta secabitur à sectione rectanguli coni, ac linea AG ab ipsa ducta proportionallyter. Similis verò rationis erit portio lineæ AG, quæ est A portioni ductæ lineæ quæ est ab A.

Lem. Si duæ portiones similes punctum vnum in extremo angulo commune habuerint, basesque in eadem recta linea, & describantur ita vt altera alteram includat: quæcumque lineæ ducentur à puncto communi secantes minorem portionem, & eductæ vsque ad ambitum maioris, omnes secantur à minori in eadem ratione, & erit sicut vna ad sui partem portionibus inclusam: sic singulæ reliquarum ad singulas sui partes similiter inclusas.

Problema. Data sectione, maiorem vel minorem similem super eadē recta basis extensa, & à puncto communi initio scilicet basis, describere, quouis axe dato, vel qualibet base proposita. *Videantur 3. coroll.*

Rinalti.

Intelligatur verò quod est, hoc vnum iam contemplandum & conspiciendum in statu recto ad horizontem, & in linea AB. Postea quæ sunt ad partes D supponantur deorsum, quæ verò in oppositum tendunt, sursum. Triangulum verò BDG sit rectangulum rectum, habens ad B angulum, & latus BG æquale dimidio stateræ: Manifestum quod existente AB æquali ipsi BG, si suspendatur triangulum à punctis BG, suspendatur verò & aliud spatium Z ab altera parte stateræ iuxta A, & æquiponderet spatium Z à puncto A suspensum cum triangulo BGD sic existente vt nunc iacebat: dico spatium Z trianguli BGD tertiam partem esse. *Vide Rinaltum.*

7. Si rursus trutina AG, linea, cuius medium sit B, & appendatur secus B, triangulum GDI. sit verò GDI triāgulum amblygoniū basim habēs DI, altitudinem verò lineā æqualem dimidio trutinæ, appendatur triangulum DGI à pūctis B & G. Rursus spatium Z appensū ab A æquiponderet cum triangulo BDI, sic habente vt nūc iacet, similiter demonstrabitur spatium Z tertiam partem esse trianguli GDI.

8. Sit trutina AB; mediū verò ipsius sit B, & appendatur post B triangulum GDE rectangulum rectum habens angulū E: & appēdatur è trutina secus GE. Verūm spatium Z appēdatur puncto A, & æquiponderet cum GDE sic se, habente vt nunc iacet. Quam verò rationem habet AB ad BE, eam habeat GDE triangulum ad spatium C, dico spatium Z triangulo GDE minus esse, spatio vero C maius.

9. Sit rursus

I X.

Sit rursus trutina AG , medium verò ipsius B . Tum triangulum GDC amblygonium basim habens DC , altitudinem verò EG , & suspenditur è trutina ad GE . Spatium verò Z appendatur ex A , & æquiponderet cum trigono DGC sic se habenti ut iacet: quam verò rationem habet AB ad BE , eam habeat GDC triangulum ad L . Dico Z maius quidem esse quam L ; minus verò DGC triangulo. *Videatur Lemma Rinalti.*

X

Sit rursus ABG trutina, mediumque ipsius B , trapezium verò $BDIC$ angulos rectos habens in punctis BI . Latus verò CD tendens ad G , & quam habet rationem BA ad BI , eandem habeat trapezium $BDIC$ ad L . Suspensum verò fuerit istud trapezium $BDIC$ in trutina è punctis BI . Appensumque itidem fuerit spatium Z puncto A , & æquiponderet cum trapezio $BDIC$ sic habenti ut nunc subiacet. Dico spatium Z minus esse ipso L .

XI.

Sit rursus bilanx AG , & medium ipsius B . Sit verò trapezium $CDTR$ habens latera CD , & TR ad G tendentia; reliqua verò DR , & TC perpendicularia ad BG : Tum DR cadat in B . Quam verò rationem habet AB ad BI eandem habet trapezium $CDTR$ ad L . Et quidem trapezium $CDTR$ suspendatur è libra secus puncta BI , ut & Z è puncto A , & æquiponderet Z cum trapezio $CDTR$ sic se habente ut nunc iacet: similiter demonstrabitur ut prius, minus esse Z spatium ipso L .

XII.

Sit rursus statera AG , mediumque ipsius B . Sit verò trapezium $DEIC$ in punctis quidem E & I angulos rectos habens, lateraque CD & EI ad punctum G tendentia. Atque quam rationem habet AB ad BI , eandem habeat trapezium $DEIC$ ad spatium M . Quam verò rationem habet AB ad BE , eandem rationem habeat $DEIC$ trapezium ad L . Appensum autem fuerit istud trapezium $DEIC$ ad stateram è punctis EI . Sed spatium Z appendatur ab A , & æquiponderet trapezio sic se habenti ut nunc iacet. Dico spatium Z spatio L maius esse, spatio verò M minus.

XIII.

Sit rursus trutina AG , cuius medium circa B . Sit verò trapezium $CDTR$, ita ut latera ipsius CD , & TR tendant ad G , reliqua verò DT , & CR perpendicularia ad BG . Appensum autem fuerit in statera è punctis EI . Tum spatium Z suspendatur ad punctum A , & æquiponderet cum trapezio $CDTR$ sic se habente ut nunc est. Et quam ratio-

nem habet A ad B E, eandem habeat D C T R trapezium ad L spatium. Quam verò rationem habet A B ad B I, eam habeat idem trapezium ad M. Similiter demonstrabitur ut prius, spatium Z spatium L maius, spatium verò M minus.

XIV.

Sit portio B K G comprehensa sub recta & rectanguli coni sectione. Sit etiam primum B G ad rectos angulos diametro, & educatur à B puncto linea B D parallela diametro: à puncto verò G linea G D tangens sectionem coni in puncto G. Erit quippe B G D triangulus rectangulus. Diuidatur itaque illa B G in portiones quotcunque B E, E Z, Z H, H I, & à sectionibus huiusmodi æquidistantes diametro ducantur lineæ E S, Z T, H V, T X. A punctis autem quibus ipsæ secant coni sectionem, iungantur lineæ ad G, & ultra producantur. Dico quod triangulum B D G, trapeziorum quidem C E, L Z, M H, N I, & trianguli X I G minus sit quam triplum: trapeziorum verò Z F, H K, I P, & trianguli I O G maius sit quàm triplum.

X V.

Sit rursum sectio B K G comprehensa sub recta & rectanguli coni sectione: linea verò B G non sit ad rectos diametro: necesse quidem est vel lineam à puncto B æquidistantem diametro ductam ad easdem partes sectioni, vel eam quæ trahitur à puncto G, obtusum facere angulum ad B G. Sit itaque quæ obtusum angulum facit ea quæ ad G B. Et ducatur à puncto B parallela diametro linea B D. Et à puncto G agatur G D tangens coni sectionem in puncto G. Et diuidatur B G in quotlibet partes æquales, quæ sint B E, E Z, Z H, H I, I G. Et à punctis E, Z, H, I, parallelæ diametro ducantur E S, Z T, H V, I X, & à punctis quibus secant ipsam coni sectionem iungantur ad G, & ultra producantur. Dico quippe & nunc triangulum B D G, trapeziorum quidem B F, L Z, K H, P I, & trianguli G I X minus esse quàm triplum: aliorum verò Z F, H K, I P, & trianguli G O I maius esse quàm triplum.

XVI.

Sit rursum portio hæc B K G comprehensa sub recta, & rectanguli coni sectione, & agatur per B linea quidem B D parallela diametro; à puncto verò G alia G D tangens coni sectionem in puncto G, sit adhuc trianguli B D G, tertia pars spatium z. Dico portionem B K G æqualem esse spatium Z.

XVII.

† Hoc demonstrato, manifestum quod omnis portio comprehensa sub recta & rectanguli coni sectione, sesquitertia est trianguli habentis basim eandem cum ipsa portione, & altitudinem æqualem.

DEFINITIONES.

I. SEctionum comprehensarum sub recta & curua linea: basim quidem Sappello rectam.

II. Altitudinem verò maximam perpendicularem, à curua linea decidentem in basim portionis.

III. Verticem verò punctum, à quo maxima perpendicularis agitur.

Propositiones & Theoremata.

XVIII.

Si in portione quæ comprehenditur sub recta & rectanguli conisectione, à medio basis ducatur recta parallela diametro, vertex erit portionis punctum, in quo quæ acta est parallela diametro, secat conisectionem.

XIX.

Si in portione comprehensa sub recta & rectanguli conisectione ducantur duæ rectæ diametro parallelæ, altera quidem à media basi, altera verò à medio dimidia: quæ quidem à medio ducta fuerit, alterius quæ à dimi dia agitur, longitudine sesquitertia erit.

XX.

Si in portione comprehensa sub recta & rectanguli conisectione triangulus inscribatur eandem basim habens cum portione eandemque altitudinem: maior est inscriptus dimidio portionis.

Manifest. Liquet quod sic in hac portione possibile sit polygonum inscribere, ita vt relictæ portiones omni proposito spatio sint minores.

XXI.

✱ Si in portione comprehensa sub recta & rectanguli conisectione triangulus inscribatur eandem basim habens cum portione, & eandem altitudinem: inscribantur verò & alia trigona eandem basim habentia cum portionibus, & altitudinibus eandem: vniuscuiusque triangulorum in reliquis portionibus descriptorum, octuplum est triangulum quod in tota portione describitur.

XXII.

Si portio comprehensa sub recta & rectanguli conisectione, & spatia ponantur deinceps quotlibet in quadrupla ratione: fuerit verò maximum spatiorum æquale triangulo portioni inscripto easdem basim, & altitudinem habente cum portione: omnia simul spatia minora sunt portione.

† *Lem.* Tertia pars quartæ partis totius, iuncta eidem quartæ, tertiam totius partem efficit.

XXIII.

† Si magnitudines ponantur deinceps in quadrapl ratione: omnes eiusmodi magnitudines, & adhuc minimæ tertia pars in vnum compositæ, sesquitertiæ erunt maximæ.

XXIV.

† Omnis portio comprehensa sub recta, & rectanguli coni sectione, sesquitertia est trianguli eandem basim habentis cum ipsa & æqualem altitudinem. *Hinc spatium parabolicum in quadratum mutari potest.*

A R C H I M E D I S

Π Ε Ρ Ι Ε Λ Ι Κ Ω Ν

scu de Spiralibus.

Archimedes Dositheo XAIPEIN.

IN iis quæ ad Cononem missa sunt theorematibus, eorum quidem, quorum à me flagitabas assiduè demonstrationes, multorum à Hercule latas conscriptas habes; nonnullas rursus eorundem in hoc libro ad te scriptas mitto. Ne mireris verò si longum tempus consumpserimus antequam horum demonstrationes dederimus. Hoc enim contigit quod cupiuerim priusquam eas darem, & ipsis, inquirere eos qui in Mathematicis exercitati sunt. Quot enim in Geometria theoremata visa primùm impossibilia, tempore perfectionem capiunt? Conon quidem non sufficiens tempus sortitus in eorum disquisitione, vitam cum morte commutauit, & ea dubia reliquit, quamquam omnia inuenerat, vt & alia multa, quibus plurimùm Geometriam adauxit. Scimus quippe in illo fuisse non vulgarem Mathematicarum artium peritiam, laborisque supra modum tolerantiam. Post obitum verò Cononis multi exacti sunt anni, quibus à nemine, quod nouerimus, vllum sit horum problematum tentatum. Volo autem eorum singula persequi. Et enim contigit duo quædam eorum, quæ apud Cononem erant, hoc libro inserta fuisse, finem tandem consecutura: vt qui prædicant omnia se inuenisse, demonstrationem verò eorum nullam proferentes, sophisticè agunt, ea aliquando spondere videantur reperijsse, quæ sunt impossi-

bilia. Quotquot itaque sunt huiusmodi problematum, tum quorumdam quorum demonstrationes nullas habes, denique cæterorum, quas in hoc libro latas probamus, tibi declarabo. Primum itaque fuerat: *sphæra data planum spatium reperire æquale superficiei sphærae*. Quod quidem primum factum est manifestum dato de sphæra libro. Cum enim illic demonstratum fuerit, *quod omnis sphæra superficies quadrupla est circuli maximicorum qui sunt in sphæra*, manifestè possibile est, spatium planum inuenire æquale superficiei sphærae. Secundū verò: *cono dati vel cylindro inuenire sphæram ipsi cono vel cylindro parē*. Tertium autē: *datā sphæram plano secare itaut segmenta ipsius inter se ordinatā rationem habeant*. Adhæc quartū: *datam sphæram plano secare, itaut superficiei portiones ordinatam rationem inter se habeant*. Præterea quintum: *datum sphære segmentum dato sphære segmento assimilari*. Tandem sextum: *dati duobus sphære segmentis, siue eiusdem, siue diuersæ, inuenire segmentum sphærae, quod sit quidem simile alteri segmentorum, superficiem verò habeat æqualem superficiei alterius*. Denique septimum fuerat: *à data sphæra segmentum resecare plano, itaut segmentum ad conum basim habentem eandem cum segmento, & altitudinem æqualem, ordinatam rationem habeat non minorem ea, quam habent tria ad duo*. Horum quidem omnium demonstrationes Hercules tulit. Quod verò ab ipsis seiungebatur, falsum erat. Est autem huiusmodi. Si sphæra plano secatur in inæqualia, maius segmentum ad minus duplam habet rationem eius quam habet maior superficies ad minorem. Quod verò istud falsum sit, per ea quæ prius missa sunt, manifestum est, Distinguebatur enim & hoc in ipsis. Si sphæra plano secatur in inæqualia, ad rectos angulos cuidam diametro eorum quæ sunt in sphæra, maius segmentum ad minus eandem habebit rationem, quam portio diametri maior ad minorem. Segmentum enim sphærae maius, ad minus minorem quidem rationem habet dupla eius, quam habet maior superficies ad minorem: maiorem verò quàm sesquialteram. Erat rursus & extremum separatorum problematum falsum: Nempe si diameter alicuius sphærae secatur, itaut quadratum quod fit à maiori portione, triplum sit quadrati, quod à minore fit portione, & per sectionis punctum planum agatur rectum ad diametrum, ipsum sphæram secare in talem specie figuram, quale est maius sphærae segmentum, maximum scilicet segmentorum æqualem habentium superficiem. Quod verò sit hoc falsum, apparet ex præmissis ad te theorematibus. Demonstratum enim est quod hemisphærium maximum est comprehensum sub æquali superficie sphærae segmentorum. Post autem ista de cono, hæc etiam proponebantur. Si rectanguli coni sectio, manente diametro, circumuoluatur, itaut sit diameter axis: descripta figura à sectione re-

ctanguli *conoïdis*, siue *conoïdes* appelletur. Tum si conoideam figuram planum quod iam tetigerit, tangenti verò plano aliud planum ductum fecuerit aliquam conoïdis portionem, resectæ portionis basis quidem vocetur ipsum planum secans: Vertex verò punctum quo alterum planum conoïdem tangit. Porro si dicta figura plano secatur recto ad axem, manifestum est sectionem fore circulum. Quod autem resecta portio sesquialtera sit coni basim habentis eandem, quam portio, & altitudinem æqualem, demonstrare oportet. Ac si conoïdis duæ portiones resecantur planis, quomocumq; ductis, fore ut fiant acutiangulorum conorum sectiones, patet. Cæterum, si secantia plana non recta fuerint ad axem, segmenta ad se inuicem eandem habere rationem, quam potentiâ inter se habent lineæ à verticibus eorum axi æquidistanter ductæ, usque ad secantia plana, etiam est demonstrandum. Horum autem demonstrationes similiter ad te mittuntur. Post ista verò hæc de spirali proposita sunt, quæ aliud longèque diuersum problematum genus redolent, nihil commune habens cum prædictis. Horum porro demonstrationes in hoc libro tibi rescripsimus. Res autem ita se habet.

DEFINITIONES.

I. **S**I in plano recta linea altero termino manente, æquali celeritate circumlata redeat deinceps eò, unde profecta est: simul verò cum linea circumuoluta feratur punctum pari velocitate sibi ipsi, secundum lineam rectam ducto, motus initio ab immobili termino: istud punctum lineam spiralem in plano describet.

II. Vocetur igitur hoc quidem manens punctum rectæ lineæ, quæ circumuoluitur, principium Helicis.

† III. Positio verò lineæ, à qua incipit recta circumferri, principium circulationis.

† IV. Linea porro quam quidem in prima reuolutione pertransierit punctum latum secundum rectam, prima vocetur: quam verò in secunda gyratione idem punctum perambulauerit, secunda: atque de aliis similiter, quæ circumuolutionibus proportionaliter denominentur.

† V. Spatium verò comprehensum sub Helice in prima reuolutione descripta, & linea recta quæ prima est, primum appelletur. Quod verò comprehenditur sub Helice in secunda reuolutione descripta, & linea recta secunda, secundum nominetur. Et alia deinceps sic vocentur.

VI. Atque si à puncto, quod est principium Helicis, agatur aliqua linea recta : ea quæ sunt ad easdem huius rectæ partes, ad quas circumuolutio fertur, antecedentia vocentur : quæ verò in contraria, consequentia.

† VII. Descriptus autem circulus centro quidem puncto, quod est principium spiralis ; interuallo verò hac recta, quæ est prima, primus appelletur : descriptus verò centro quidem eodem, interuallo verò dupla recta, secundus dicatur : & alij deinceps eodem modo denominentur.

Præmittuntur verò, ut fit in aliis Geometricis, quæ quasdam utilitates habent ad illorum demonstrationes.

Assumo præterea ut rata lemmata, quæ in aliis libris iam euulgatis habentur, cuiusmodi est.

† *Lemma*. Inæqualium linearum, & inæqualium spatiorum excessum, quo excedit maior minorem sibi ipsi coadditum : possibile esse excedere quamcumque earum, quæ inter se comparantur, quantitatum.

PROPOSITIONES.

Propositio I. Theorema I.

† **S**I secundum aliquam rectam feratur quoddam punctum æquè & velociter sibi ipsi latum, & sumantur in ipsa duæ lineæ : sumptæ eandem habebunt rationem inter se, quam tempora, in quibus punctum istas lineas pertransierit.

Prop. II. Theor. II.

† Si duorum punctorum vnoquoque pariformiter secundum rectam lineam lato, non quidem æquali simul celeritate, capiantur in vnaquaque linearum duæ lineæ, quæ primæ in æqualibus sub punctis discurrentibus teritur, & item secundæ, eandem inter se rationem habent acceptæ lineæ.

Prop. III. Probl. I.

Circulis quotlibet datis, possibile est rectam sumere, quæ sit maior circulorum datorum peripheriis.

Prop. IV. Probl. II.

Duabus datis lineis inæqualibus, recta, & circuli circumferentia, possibile est sumere rectam, maiore quidem linearum datarum minorem, minore verò maiorem. *Vide Lemma.*

Prop. V. Probl. III.

Circulo dato, & linea recta tangente circumulum, possibile est à centro circuli ducere rectam ad tangentem, itaut quæ recta fuerit inter tangentem & circuli circumferentiam, ad radium circuli minorem rationem habeat, quàm circumferentia circuli, quæ est inter contactam & productam ad datam cuiuscunque circuli circumferentiam.

Lemma.

Si circumulum tetigerit quæpiam linea, impossibile est ducere aliam lineam à puncto contactus, quæ circumulum non secet ab ea parte, quæ angulum recto minorem efficit cum radio ducto à centro ad punctum contactus.

Prop. VI. Probl. IV.

Circulo dato, & in circulo linea minore, diametro, possibile est à centro circuli ad peripheriam ipsius eiaculari rectam, secantem eam quæ in circulo data est, lineam; ita vt comprehensa recta inter peripheriam & rectam in circulo datam ad coniunctam à termino eiacularæ, qui est in circumferentia ad alteram partem eius rectæ, quæ in circulo data est, ordinatam rationem habeat; modo tamen vt data ratio minor sit ea quam habet dimidia datæ in circulo, ad eam quæ à centro perpendiculariter in ipsam ducitur.

Prop. VII. Probl. V.

Iisdem datis, & recta data extra circumulum porrecta possibile est à centro lineam eiaculari ad extrâ porrectam, itaut quæ fuerit inter circumferentiam & porrectam ad lineam iunctam à termino eiacularæ ad terminum porrectæ ordinatam rationem habeat: dummodo tamen data ratio maior fuerit ea, quam habet dimidia datæ in circulo, ad eam quæ à centro perpendiculariter in ipsam agitur.

Lemma I.

Si recta in circulo ab alia recta bifariam secatur, & ad angulos rectos: impossibile est ab eodem puncto, à quo secans ducitur, aliam secantem agere in sectam, itaut partes inter sectam, & peripheriam circuli æquales sint: quod tamen fieri potest, si secta linea bifariam non dirimitur. *Videatur Lemma 2.*

Prop. VIII. Probl. VI.

Circulo dato, & in circulo linea minore ipsa diametro, & alia tangente circumulum in termino lineæ in circulo datæ; possibile est à centro circuli eiaculari aliquam rectam ad rectam datam, itaut pars ipsius contenta inter peripheriam circuli, & datam lineam in circulo ad partem comprehensam à tangente, ordinatam rationem habeat: si modo data ratio sit minor ea quam habet dimidia datæ in circulo, ad eam quæ à centro circuli perpendiculariter in ipsam ducitur.

Prop. IX.

Prop. IX. Probl. VII.

Isdem datis, & in circulo data linea vterius porrecta: possibile est à centro circuli eiaculari rectam in datam porrectam, itaut pars inter circumferentiam & porrectam ad conceptam in tangente à puncto contactus, ordinatam rationem habeat: si modo data ratio maior fuerit ea quam habet dimidia datæ in circulo ad eam quæ à centro perpendiculariter in ipsam ducitur.

Prop. X. Theor. III.

✦ Si lineæ deinceps ponantur quocumque, æquali sese inuicem excedentes, fuerit verò excessus æqualis minimæ: Et aliæ lineæ ponantur numero quidem æquales illis, magnitudine vero singulæ pares maximæ: quadrata ab æqualibus maximæ, comprehensa, & quod fit à maxima quadratum, & quod comprehenditur sub minima & linea æquali omnibus æqualiter sese excedentibus, tripla erunt omnium quadratorum linearum sese æqualiter excedentium.

Lemma.

✦ Si fuerint duæ quantitates eiusdem speciei in aliqua ratione, antecedentisque pars sit ad partem consequentis in minori ratione quàm tota ad totam; reliquum antecedentis erit ad reliquum consequentis in maiori ratione quàm tota ad totam

Manifestum I.

✦ Inde igitur patet quod quadrata omnia quæ ab æqualibus maximæ describuntur, eorum quadratorum quæ ab æquali sese inuicem excedentibus fiunt, minora sint quàm tripla.

Manifestum II.

Reliquorum verò sublato maximæ quadrato, maiora sunt quàm tripla.

Manifestum III.

Propterea si similes figuræ describantur ab omnibus quæ sese æquali inuicem superant, & ab iis quæ sunt illarum maximæ æquales: quæ sanè fiunt ab æqualibus maximæ, eorum quæ fiunt ab iis quæ sese æqualiter excedunt, minora sunt quàm tripla: Sublata verò figura quæ describitur à maxima reliquorum sunt plusquam tripla.

Prop. XI. Theor. IV.

Si lineæ deinceps quotlibet ponantur, æqualiter sese mutuo excedentes, & aliæ lineæ constituentur, multitudine quidem vna pauciores quàm sint illæ æqualiter sese inuicem excedentes, magnitudine verò singulæ æquales illarum maximæ, quadrata omnia quæ ab æqualibus maximæ, ad quadrata quæ sese æqualiter mutuo excedunt, fiunt, sine minima, minorem rationem habent, quàm quadratum

quod à maxima ad æquale duobus, scilicet comprehenso sub maxima & minima, & tertiæ parti quadrati excessus quo maxima minimam superat: ad quadrata autem quæ fiunt ab æqualiter sese inuicem excedentibus, sine eo quadrato, quod fit ab omnium maxima, hac ipsa maiorem rationem habent.

EPIΦOPA.

Hinc concludimus, quod si excessus maximæ supra minimam fuerit minimæ æqualis, fore vt ratio quadrati maximæ ad rectangulum sub maxima & minima, cum tertia parte quadrati excessus maximæ supra minimam, sit vt 12. ad 7.

Manifestum IV.

Idcirco si similes figuræ describantur ab omnibus, tum ab iis quæ sese mutuo æqualiter excedunt, tum ab æqualibus maximæ: figuræ omnes ab æqualibus maximæ descriptæ ad eas quæ ab iis quæ mutuo sese æqualiter excedunt, sine ea quæ à minima fit figura, minorem rationem habebunt quàm quadratum quod à maxima ad æquale duobus tam ei, quod comprehenditur à maxima, & minima, & tertiæ parti eius, quod ab excessu fit, quo maxima minimam superat: ad eas verò quæ ab iisdem lineis fiunt figuris, sine ea quæ à maxima describitur eadem illa ratione maiorem.

Prop. XII. Theor. V.

Si in spiralem vna quidem circumuolutione descriptam, à principio spiralis, rectæ quotlibet cadant, quæ æquales inter se angulos contineant, sese mutuo æqualiter excedent. *Vide Corollarium.*

Lemma I.

Si tres lineæ ordine sese inuicem æquali excessu superauerint, maxima, & minima simul duplæ sunt mediæ.

Lemma II.

Si à iugo trianguli decidit linea in basim bifariam diuidens angulum iugi, duo latera angulum hunc continentia maiora sunt quàm dupla eius quæ à iugo demissa linea.

Prop. XIII. Theor. VI.

Si recta linea spiralem tetigerit, in vno tantum puncto tanget.

Prop. XIV. Theor. VII.

† Si in spiralem ex prima reuolutione ortam incidant duæ lineæ à puncto, quod est principium spiralis, & producantur ad circumferentiam vsque primi circuli: eandem rationem inter se habebunt istæ in spiralem incidentes, quam arcus circuli, medij inter terminum spiræ, & limites linearum productarum in circumferentia factos, sumptis in consequentia arcubus à fine spiralis.

Si in Helicem in secunda reuolutione factam lineæ rectæ ceciderint à principio Helicis; eandem rationem eiusmodi rectæ ad inuicem quàm dicti arcus cum tota circuli circumferentia circuli simul assumpta, habebunt.

Manifestum V.

Hoc ipso demonstrabitur, quod si in spiralem ex tertia reuolutione ortam ceciderint rectæ linæ, eandem inter se rationem habebunt quam dicti arcus cum integra circuli circumferentia bis accepta. Similiter verò omnes cadentes in alias spirales demonstrantur eandem habere rationem quam dicti arcus cum integra circuli circumferentia toties assumpta, quotus est vnitate minor, reuolutionum numerus, licet alterutra cadens in finem spiralis incidat.

Prop. XVI. Theor. IX.

✠ Si spiralem ex prima reuolutione ortam recta linea tetigerit, & à contactu recta linea ducta fuerit ad punctum quod sit principium spiralis, quos facit angulos tangens cum hac ducta inæquales erunt, & quidem qui in antecedentia vergit, obtusus est; qui in consequentia acutus.

Manifestum VI.

Similiter verò demonstrabitur, quod si tangens spiralem in fine ipsius tetigerit, idem omnino sequetur.

Prop. XVII. Theor. X.

Quinimo si spiralem ex secunda reuolutione natam recta linea tetigerit, idem accidet.

Manifestum VII.

Eadem verò accident, & si tangens per terminum spiralis attingat. Similiter verò demonstrabitur: Quod si spiralem ex quacunque reuolutione natam recta tetigerit, etiam in fine ipsius, quod inæquales angulos faciet ad eam, quæ à tactu ad principium spiræ coniungitur: & eum quidem qui fiet in antecedentibus, obtusum, alium verò in consequentibus acutum.

Lemma.

Si quatuor magnitudinum prima fuerit minor tertia, & secunda maior quarta: prima minorem rationem habebit ad secundam, quàm tertia ad quartam. Contrà verò si prima fuerit maior tertia, & secunda minor quarta, prima maiorem habebit rationem ad secundam, quàm tertia ad quartam.

Prop. XVIII. Theor. XI.

Si spiralem ex prima circumuolutione ortam recta linea tetigerit

in termino spiræ : A puncto verò quod est in principio spiræ, quædam ducatur ad angulos rectos ei quæ est principium reuolutionis, ducta incidet in tangentem, & ipsius quæ pars media erit inter tangentem, & principium spiræ, æqualis erit peripheriæ primi circuli.

Prop. XIX. Theor. XII.

✦ At si spiralem ex secunda reuolutione ortam in termino tetigerit linea recta, & à principio spiræ ducatur aliqua ad angulos rectos lineæ, quæ sit initium reuolutionis : ipsa coincidat in tangentem, & erit recta media inter tangentem & principium spiræ dupla circumferentiæ secundi circuli.

Manifestum VIII.

Hoc ipso modo demonstrandum est, quo si spiralem ex quacunque circumuolutione natam tangat quædam recta in termino spiræ : tum ab initio spiralis ducatur linea recta ad principium reuolutionis, cadet in tangentem, totuplexque erit circumferentiæ circuli, quotus est numerus reuolutionis denominatus ab eodem numero.

Prop. XX. Theor. XIII.

✦ Si spiralem in prima reuolutione factam recta linea tetigerit non in termino spiræ, à contactu verò ad principium volutæ recta iungatur, tum centro quidem principio spiralis, interuallo verò illa iuncta, circulus describatur : à principio præterea spiralis agatur aliqua ad rectos angulos : quæ à contactu ad principium helici iungitur, cadet in tangentem, & erit recta inter concursum & principium helici, æqualis arcui descripti circuli, qui intercedit inter contactum & sectionem qua fecit descriptus circulus principium reuolutionis, capto in antecedentibus arcu à puncto qui est in principio circumuolutionis.

Manifestum IX.

Hoc verò ipso modo demonstrabitur, si recta spiralem ex secunda natam reuolutione tetigerit, non in termino spiralis, & cætera alia præparentur, quod quæ pars est media cadentis in tangentem à principio spiralis, æqualis est toti descripti circuli circumferentiæ, & adhuc arcui medio inter dicta puncta similiter accepto. Et rursus si aliqua linea spiralem quamcumque ex reuolutione ortam tetigerit, non quidem in termino, & cætera struantur, quod recta quæ est inter dicta puncta, multiplex quædam est peripheriæ circuli, qui describitur secundum numerum vno minorem eo quo reuolutiones appellantur, & adhuc æqualis arcui qui est inter dicta puncta similiter sumpto.

Probl. XXI. Prop. VIII.

Circa sumptum spatium comprehensum sub helice in prima reuolutione orta, & prima linea quæ principium facit reuolutionis : pos-

LIBER R. 149
fibile est figuram planam describere, & aliam eidem inscribere, ex similibus sectionibus compositam, ita ut circumscripta maior sit quam inscripta quocumque proposito spatio.

Manifestum X.

Inde manifestum est, quod possibile est circa dictum spatium figuram, qualis dicta sit, scribere, ita ut circumscripta figura maior sit spatio, & quidem quantitate minori quocumque proposito spatio: & rursus aliam inscribere, ita ut spatium similiter maius sit inscripta figura quantitate minori, quocumque proposito spatio.

Prop. XXII. Probl. IX.

Circa sumptum spatium quod comprehendatur sub helice ex secunda reuolutione descripta, & recta linea que est secunda earum quæ principium faciunt reuolutionis: possibile est figuram planam conscribere ex similibus sectoribus constantem, & aliam in ipso inscribere, ita ut circumscripta maior sit inscripta minori quantitate quam sit quodcumque propositum spatium.

Manifestum XI.

Liquet itaque quod possibile sit & circumscribere figuram circa sumptum spatium, quæ maior sit quantitate minori, omni proposito spatio, & rursus sumptum spatium maius esse inscripta figura quantitate minori, omni proposito spatio.

Manifestum XII.

Hoc ipso autem modo manifestum est, quod possibile sit circa sumptum spatium comprehensum sub spiritali ex quantacumque reuolutione orta, & recta linea quæ sit in principio reuolutionis ab eodem numero quam reuolutio denominata, conscribere figuram planam qualis dicitur; ita ut circumscripta hæc figura maior sit assumpto spatio, quantitate minori quolibet proposito spatio, & rursus inscribere, ita ut assumptum spatium maius sit hac inscripta figura quantitate minori omni proposito spatio.

Prop. XXIII. Probl. X.

Sumpto spatio comprehenso sub spirali, quæ sit minor ea quæ ex una reuolutione generatur, nec habeat terminum principium spiralis, & lineis rectis, quæ à principio spiralis ducantur; possibile est circa huiusmodi spatium figuram planam circumscribere ex similibus sectoribus conflata, & aliam inscribere, ita ut circumscripta figura inscripta sit maior minori quidem quantitate quam sit propositum spatium.

Manifestum XIII.

Hinc igitur manifestè pater quod possibile sit circa dictum spatium planum, quale dictum est, conscribere, ita ut circumscripta figura

maior sit spatium quantitate minori, quàm sit propositum spatium.

Prop. XXIV. Theor. XIV.

* Comprehensum à spirali ex prima reuolutione nata, & prima linea quæ principium est reuolutionis: spatium, tertia pars est primi circuli.

Corollar. 1. Hinc sequitur reliquum circuli, quod superest, post spatium illud ablatum, esse duas tertias circuli, scilicet spatij duplum.

Corollar. 2. Hinc etiam deducimus, quòd si à principio spiralis in ipsam recta linea ducatur, spatium contentum spirali, & hac recta linea tertiam partem esse eius partis circuli, qui centro principio spiralis & interuallo linea in spiralem incidente describitur, contentæ circumferentia huiusce circuli, & duabus lineis, nempe incidente, tum parte eius quæ principium est reuolutionis, à circulo resecta.

Prop. XXV. Theor. XV.

Spatium sub helica ex secunda reuolutione descripta, & recta linea, secunda eius quæ est in principio reuolutionis, ad secundum circumulum hanc habet rationem, quam habent 7. ad 12. quæ eadem est quam habent hæc duo, nempe quod comprehenditur sub radio secundi circuli, & radio primi circuli, & tertia pars quadrati excessus quo excedit radius secundi circuli radium primi circuli, ad quadratum à radio secundi circuli.

Manifestum XIV.

Hoc ipsomet modo demonstrabitur, & quod comprehensum spatium sub spirali ex quacumque circumuolutione generata, & recta eodem numero quo reuolutiones denominata, ad circumulum eodem rursus numero significatum, quo circumuolutiones, rationem habet quam complexum, tum ex eo quod comprehenditur sub radio ipsiusmet circuli secundum ipsum numerum dicti, & radio circuli secundum numerum unitate minorem, quàm sit reuolutionum numerus denominati, tum ex tertia parte quadrati quod fit ab excessu, quo excedit radius maioris circuli prædictorum, radium minoris circuli prædictorum, habet ad quadratum eius, quæ ducitur à centro maioris circuli prædictorum.

Prop. XXVI. Theor. XVI.

Comprehensum spatium sub spirali, quæ est minor ea quæ ex vna reuolutione fit, nec habet terminum principium spiralis, & rectis quæ à terminis ipsius in principium spiralis ducuntur, ad sectorem habentem radium æqualem maiori earum, quæ à termino ad principium spiralis ducitur: arcum verò qui intercipitur inter rectas ductas secun-

dum easdem partes spiralis, hanc habet rationem, quam habent hæc duo, rectangulum comprehensum sub rectis à terminis in principium spiralis, ductis, & tertia pars quadrati excessus quo maior dictarum linearum superat minorem, ad quadratum maioris linearum à terminis ad spiralis principium coniunctarum. *Vide Lemma, & Corollarium.*

Lemma. Expositis tribus lineis inæqualibus, rectangulum sub maiori & media superat id quod fit à media & minima, quantitate rectanguli sub media & parte, qua maxima superat minimam comprehensi.

Prop. XXVII. Theor. XVII.

✦ Spatiorum comprehensorum sub spiralibus, & rectis lineis quæ in circumuolutione sunt, tertium quidem secundi duplum est: quartum verò triplum: quintum autem quadruplum, & semper quod sequitur, secundum numeros qui deinceps sunt, multiplex est secundi spatij. Primum verò spatium sexta pars est secundi.

Prop. XXVIII. Theor. XVIII.

Si in Helica ex quacumque reuolutione generata duo puncta sumantur, quæ non sint ipsius termini: à sumptis verò punctis iungantur rectæ ad principium Helicis: & centro quidem principio spiralis interuallis verò lineis à punctis ad principium spiralis ductis, circuli describantur: comprehensum spatium sub maiori arcuum medio inter ductas lineas, & helica media inter easdem rectas, ac recta linea producta, hanc habebit rationem ad comprehensum spatium sub minori arcu, & eadem spirali, & alia recta coniungedte vtriusque terminos, quam radius minoris circuli cum duabus tertiis excessus, quo excedit radius maioris circuli radium minoris, ad radium minoris circuli cum vna tertia parte eiusdem excessus.

Prop. XXIX. Theor. XIX.

✦ Si in spiralem ex vna reuolutione ortam, & à principio spiralis recta linea ceciderit: spatium comprehensum sub spirali, & linea prima eam rationem habet ad spatium contentum sub prima spiralis parte & linea incidente, quam habet cubus primæ lineæ ad cubum lineæ incidentis. *Videatur Corollarium.*

Lemma. Si fuerint duo quantitatum inæqualium ordines, in quorum primo sit prima ad secundam, & secunda ad tertiam, vt in secundo prima ad secundam, & secunda ad tertiam: erit in illo differentia primæ & secundæ ad differentiam eiusdem primæ & tertiæ, vt in hoc differentiam primæ & secundæ, ad differentiam primæ & tertiæ.

Problema 1. Propositi anguli imperatam partem assignare.

Problema 2. Omnes figuras quotquotlibet laterum in circulo describere. Cognosces autem facile quot rectis æquiualeant anguli figuræ propositæ; duplicatus enim triangulorum numerus, in quot figura diuiditur, prædictum numerum constituit. Exempli gratia, Heptagonum in quinque triangulos dirimitur, quapropter decem angulos rectos angulis suis continet, quorum vnusquisque recto & $\frac{1}{2}$ recti par est. Idem reperies (mi THEOTIMR) si à numero laterum duplicato quaternarium auferas.

ARCHIMEDIS

DE PLANIS ÆQUIPON-

DERANTIBVS SEV ISORROPICIS,

VEL CENTROBARICIS.

LIBER PRIMVS.

Petitiones.

- I. **ÆQUALIA** pondera ab æqualibus distantiiis æquiponderare.
- II. Æqualia verò pondera ab inæqualibus distantiis non æquiponderare, sed inclinari ad grauitatem quæ à distantia maiori tendet.
- III. Si ponderibus æquiponderantibus ab aliquibus distantiiis alteri ipsorum ponderum adiciatur aliquid, non ampliùs æquiponderare, sed inclinari ad pondus illud quod additum est.
- † IV. Similiter verò, & si ab altero ponderum auferatur aliquid: non æquiponderare, sed inclinari versus illud pondus à quo nihil ablatum fuerit.
- † V. Æqualium & similium figurarum planarum inter se mutuo conuenientium, centra grauitatum inter se mutuo conuenire.
- † VI. Puncta verò similiter poni in similibus figuris, à quibus ad æquales angulos ductæ rectæ, angulos ad latera similibus rationum æquales efficiunt.
- † VII. Inæqualium verò, sed similium centra grauitatum similiter esse posita.
- † VIII. Si magnitudines ab æqualibus distantiiis æquiponderant, etiam alias ipsis æquales ab iisdem distantiiis æquiponderare.

9. Cuiuscunque figuræ si fuerit ambitus in easdem partes cauus, centrum grauitatis figuræ intus esse.
10. Planum contentum sub recta linea, & rectanguli coni sectione, planum parabolicum appellari.
11. Similes sectiones coni esse, in quarum singulis, ductis lineis basi parallelis numero æqualibus, sunt ipsæ parallelæ, & bases ad abscissas, ab ipsis parallelis à vertice partes diametrorum, in eadem ratione, tum abscissæ ipsæ ad abscissas.
12. Figuras euidenter descriptas in portionibus parabolicis esse similes, quæ describuntur numero laterum pares.

Propositiones & Theoremata.

1. Æquiponderantia graua ab æqualibus distantijs, æqualia sunt.
2. Inæqualia graua non æquiponderant ab æqualibus distantijs, sed inclinabuntur ad maius.
3. Inæqualia graua ab inæqualibus distantijs æquiponderant, & quidem maius à minori.
4. Si duæ æquales magnitudines non habent idem centrum grauitatis: magnitudinis ex vtrisque magnitudinibus compositæ centrum grauitatis est in medio rectæ lineæ centra grauitatum ipsarum magnitudinum coniungentis.
5. Si trium magnitudinum cētra grauitatis in rectam lineam fuerint posita, & magnitudines æqualem grauitatem habuerint. Tum quæ inter centra lineæ, fuerint æquales: magnitudinis ex omnibus compositæ centrum grauitatis erit punctum, quod est mediæ ipsarum centrum grauitatis. *Videatur corollarium.*

Manifestum I.

Vnde manifestum est, quod si quotcunque magnitudinum numero imparium centra grauitatis in recta linea fuerint constituta, sique æqualiter abfuerint à media magnitudine & æqualem habuerint grauitatem, nempe si rectæ lineæ inter earum centra fuerint æquales: magnitudinis ex omnibus compositæ centrum grauitatis erit punctum quod & mediæ ipsarum centrum est grauitatis.

Manifestum II.

Si quoque pares fuerint multitudine magnitudines, & centra grauitatis earum in rectam fuerint constituta & media ipsorum æqualem grauitatem habuerint, fuerintque lineæ inter centra rectæ æquales: magnitudinis ex omnibus illis magnitudinibus compositæ grauitatis centrum erit medium rectæ lineæ coniungentis centra grauitatis magnitudinum, vt dictum est. *Vide lemma.*

6. Commensurabiles magnitudines ex distantijs reciprocis eandem rationem habentibus quam pondera, æquiponderant.

7. At vero si incommensurabiles fuerint magnitudines, similiter æquiponderabunt à distantijs permutatim rationem habentibus eandem quam magnitudines.

Lemma I. Quolibet plano in duas partes secto, si partium centra recta linea coniungantur, agetur hæc recta per centrum totius.

Lemma II. Si æquiponderantibus æquiponderantia addantur, omnia æquiponderant: aut ab æquiponderantibus si æqualiter ponderantia auferantur, etiam reliqua æquiponderant.

8. Si ab aliqua magnitudine refecetur quædam portio non habens idem centrum cum tato: reliquæ magnitudinis centrum grauitatis est in recta linea coniungente centra grauitatum totius magnitudinis, & ablatae portionis, producta ad easdem partes versus quas centrum est totius magnitudinis, nempe si assumpta aliqua pars ex producta coniungente dicta centra, habeat eandem rationem ad illam quæ est inter centra, quam habet grauitas detractæ magnitudinis ad grauitatem reliqui, erit centrum illud assumptæ terminus.

9. Cuiuscunque parallelogrammi centrum grauitatis est in recta linea coniungente opposita parallelogrammi latera bifariam facta.

10. Cuiuscunque parallelogrammi centrum grauitatis est punctum quo diametri coincidunt.

11. Si duo triangula similia inter se fuerint, & in ipsis puncta similiter posita ad ipsa triangula alterumque punctum trianguli in quo steterit, centrum grauitatis fuerit, reliquum quoque punctum centrum est grauitatis eius in quo stat trianguli: similiter verò dicimus puncta iacere in similibus figuris illa, à quibus rectæ ad æquales angulos ductæ lineæ æquales, ad similia latera angulos faciunt.

12. Si duo triangula similia fuerint, vnus verò triāguli centrum grauitatis fuerit in recta, quæ ducta est ab vno angulo in mediam basim: etiam reliqui trianguli centrū grauitatis erit in linea similiter ducta.

Lemma I. Si triangulus bifariam dirimatur linea à superiori angulo in oppositum lauseducta, ipsumque bifariam dirimente: basis autem semisses in partes æquales distribuatur, & à sectionum punctis rectæ intra triangulum ducantur parallelæ illi bifariam triangulum secanti harum parallelarum binæ æqualiter remotæ à centro æquales erunt.

Lemma 2. pendet à figura.

Lemma 3. Si trianguli bina latera lineæ secuerint basi equidistantes & ab angulo opposito in reliquam basim lineæ demittantur, hæc illas, & basim secant proportionaliter: tum vicissim hæc, & latera secta

ab illis, & basi proportionaliter secantur.

Lem. 4. Si trianguli omnia latera bifariam secantur, lineisque iungantur sectionum puncta, fient quatuor similia toti, & inter se & æqualia triangu-
la.

18. Cuiuscunque trianguli centrum grauitatis est in recta linea, quæ ab angulo in mediam basim ducitur.

19. Cuiuscunque trianguli centrum grauitatis est punctum, in quod coincidunt lineæ ductæ ab angulis trianguli in media latera opposita. Vnde sequitur lineam ab angulo trianguli per centrum ipsius grauitatis actam in oppositum latus, ipsum bifariam secare.

Lemma I. Si trapezium duo latera habuerit inæqualia & parallela, quæ bifariam secta recta linea iungantur è sectionum punctis, reliqua vero latera producantur vnà cum linea iungente: latera producta in iungente cõcurrent: Eritque in iungente centrum grauitatis trapezij.

Lemma II. Si per centrum grauitatis trianguli agatur linea parallela vni ex lateribus: inter eam & ductum parallelum latus ressecabitur tertia pars aliorum laterum. Et si linea ducta parallela vni lateri ressecuerit tertiam reliquorum partem, centrum grauitatis trianguli in ea continebitur.

Hinc sequitur lineam cuiuslibet eductam ab angulo per centrum grauitatis trianguli in oppositum latus, tertiam partem contineri inter centrum, & oppositum latus.

Lemma III. Quatuor magnitudinum proportionalium, duplum primæ cum secunda est ad duplum secundæ cum prima, vt duplum tertiæ cum quarta ad duplum quartæ cum tertia.

Lemma 4. Si è duobus trianguli lateribus in latera opposita lineæ agantur, quæ ea similiter secant: ipsæ quoque se diriment in ratione quam habet quodlibet latus ad suam partem angulo proximam, tum si à reliquo angulo per punctum intersectionis præcedentium tertia linea ducatur in oppositum latus, ipsum bifariam secabit.

13. Cuiuscunque trapezij duo latera parallela habentis, centrum grauitatis est in recta linea coniungente bisectiones parallelorum, ita diuisa, vt portio ipsius terminata in bisectione minoris parallelorum ad reliquam sectionem, habeat eam rationem quam habet æqualis duplæ maioris cum minori ad duplam minoris cum maiori parallelorum laterum. Ex dictis sequens problema nascitur: Cuiuscunque rectilineæ figuræ centrum grauitatis reperire.

Theorema.

Si fuerint duæ qualitates inæquilibrio, quæ ambæ vel ambarum vna, adijs adhæserint: à centris autem grauitatum earundem in radios,

quibus appenduntur, perpendiculares agantur: incidēt hæ in radio-
rum puncta, à quibus si appensæ fuerint eadem quantitates, ita vt
iam radijs nontoto corpore adhæreant, sed tantum ab illis punctis
appendeant, manebunt rursus in æquilibrium. *Vide corollarium.*

A R C H I M E D I S

LIBER SECVNDVS.

Problema Rinalti.

PLANO subrecta linea & parabolica sectione contento paral-
logrammum æquale reperire, ipsūque ad datam rectam li-
neam applicate, ita vt recta hæc illud bifariam dirimat.

Propositiones & Theoremata.

1. Si duo spatia comprehensa sub recta linea & rectanguli conic sectione,
ne, quæ possumus ad datam rectam lineam applicare, idem graui-
tatis centrum non habeant, compositæ ex vtrisque magnitudinibus
centrum grauitatis erit in recta linea coniungente grauitatis eorum
centrum, quæ dictam rectam sic diuiserat, vt portiones ipsius permu-
tatim eandem rationem ac ipsa spatia habuerint.

Manifestum I.

Si in portione sub recta & rectanguli conic sectione, comprehensa
triangulum inscribatur eandem basim habens ac portio, & altitudi-
nem æqualem: & rursus in reliquis portionibus triangula inscriban-
tur easdem habentia bases cum portionibus & altitudines æquales, &
semper in reliquis portionibus triangula fiant hoc ipso modo: Nata
hinc figura in portione euidenter inscribi dicatur. Manifestum verò
est, quod figuræ sic inscriptæ angulos à vertice quidem portionis
deinceps proximos iungentes lineæ sint parallelæ basi portionis,
& quod à diametro portionis bifariam diuidantur, diametrum
verò diuidant in rationes numerorum deinceps imparium vna
dicto ad verticem portionis. Hoc autem demonstrandum fuit in or-
dinibus.

Si verò in portione comprehensa sub recta linea & rectanguli conic
sectione rectilineum euidenter inscribatur: inscripti centrum gra-
uitatis erit in diametro portionis.

Lemma 1. Parabolæ omnes sunt similes.

Lemma 2. Si fuerit sicut totum ad ablatum; & rursus vt totum ad
reliquum, sic totum ad reliquum: Erit ablatum ad reliquum, vt abla-
tum ad reliquum, & vt totum ad totum, sic totum ad totum.

Lemma 3. Si fuerit prima ad secundam vt tertia ad quartam, prima verò fuerit ad partem secundæ, vt tertia ad partem quartæ, erunt secunda & quarta diuisæ in eadem ratione, & contra.

Lemma 4. Si duæ lineæ similiter secantur, & à punctis tam extremitatum quam sectionum lineæ assurgant parallelæ in similibus rationibus quarum extrema rectis iungantur: trapezia quæ hinc nascuntur, erunt inter se sicuti trapezia quæ orientur illinc. *Vide coroll.*

3. Si in vtrâque duarum portionum similium comprehensum sub recta & rectanguli coni sectione rectilineæ figuræ euidenter describatur, quarum latera sint multitudine æqualia: figurarum centra grauitatum similiter secant diametros portionum.

4. Cuiuscumque portionis comprehensæ sub recta linea, & rectanguli coni sectione, centrum grauitatis est in portionis diametro.

Lemma. Si in parabola figura euidenter inscribatur, duarumque oppositarum portionum relictarum centra grauitatum linea recta copulentur: centrum magnitudinis ex ambabus portionibus compositæ incidet in diametrum totius. *Vide corollarium.*

5. Si in portione comprehensa sub recta linea, & rectanguli coni sectione, rectilinea figura euidenter inscribatur: totius portionis centrū grauitatis propius erit vertici portionis quàm inscriptæ figuræ cētrū.

Corollarium. Ex demonstratis deducere possumus, quod si ex quatuor magnitudinibus prima in maiori fuerit ratione ad secundam quàm tertia ad quartam, esse secundam minorem quartam.

Lemma 1. Quatuor magnitudinum si prima quàm secunda maior fuerit, & tertia quàm quarta, prima est ad quartam in maiori ratione, quàm secunda ad tertiam.

Lemma 2. Figuræ *woeiups* inscriptæ in parabola; quanto pluribus lateribus constabit, tanto propius centrum grauitatis accedet ad verticem portionis.

6. Portione data comprehensa recta linea, & rectanguli coni sectione; possibile est in ipsa sectione figuram euidenter inscribere, ita vt recta linea quæ media fuerit inter centra grauitatum portionis, & inscriptæ figuræ minor sit, qualibet linea recta proposita.

7. Duarum portionum similium comprehensarum sub recta linea, & rectanguli coni sectione, centra grauitatum in eadem ratione secant diametros.

Lemma. Si prima magnitudo fuerit quadrupla secundæ, & secunda tripla tertiæ, prima secundæ & tertiæ simul, tripla erit.

8. Cuiuscumque portionis comprehensæ sub recta, & rectanguli coni sectione, centrum grauitatis dirimit portionis diametrum, ita

ut pars ipsius quę est ad verticem, sit sesquialtera partis, quę est versus basim. *Videantur duo corollaria.*

Lemma I. Quatuor magnitudinum inæqualium in continua proportionē existentium excessus in eadem proportionē existunt.

Lemma II. Si fuerint aliquot magnitudines, & alię totidem in eadem ratione: ut fuerint in primo ordine omnes præcedentes ad ultimam, sic erunt in alio ordine omnes præcedentes ad ultimam: *Vide corollarium.*

Lemma III. Magnitudo magnitudinis sesquialtera, trium eiusdem quintarum est dupla sesquialtera.

I X.

Si quatuor fuerint lineę proportionales in continua proportionē, & quam habet rationem minima ad excessum quo maxima excedit minimam, eandem aliqua assumpta habeat ad tres quintas excessus, quo superat maxima proportionalium tertiam: quam verò rationem habet æqualis duplę maximę proportionalium & quadruplę secundę & sextuplę tertię & triplę quartę ad æqualem quintuplę maximę, & decuplę secundę & decuplę tertię, & quintuplę quartę, eadem habeat quędam assumpta ad excessum quo maxima proportionalium tertiam superat: hæ duę assumptę simul erunt duę quintę ipsius maximę.

Lemma. Si in aliqua parabola lineę ordinatim ducantur: portiones ab ipsis constitutę se habent inter se ut cubi basium, vel semissium basium ipsarum portionum.

X.

Cuiuscumque frusti à rectanguli coni sectione dirempti centrum gravitatis est in recta linea quę diameter est frusti: eo scilicet modo iacens in media quinta huius rectę lineę in quinque partes æquales sectę, ut particula ipsius quintę propior minori basi frusti ad reliquam particulam eam rationem habeat quam habet solidum habens quidem basim quadratum maioris basis frusti, altitudinem verò lineam æqualem vtriq; & duplę maioris basis & minori ipsarum.

Hiscę de æquiponderantibus libris tractatus Commandini, & Valerij subiungendus essent, ut centrum gravitatis perfectiùs in omni corpore intelligeretur; nisi illud in mechanicorum libris facturi essemus, quos si placet (mi THEOTIME) expectabis; accipiesque interim libros qui ad hydraulicam attinent; de qua etiam, Deo iuvante, in mechanicis agendum erit.

ARCHIMEDIS *περί τῶν ὀχουμένων,*
hoc est de insidentibus in humido.

LIBER I.

Positiones, seu Hypotheses.

I.

✦ **P**ONATUR humidi esse naturam, vt partibus ipsius æqualiter iacentibus, & continuatis inter sese, minus pressa à magis pressa expellatur: vnaquæque autem pars eius premitur humido supra ipsam existente ad perpendicularum, si humidum sit descendens in aliquo, aut ab alio aliquo pressum.

I. I.

✦ Ponatur eorum quæ in humido sursum vel deorsum feruntur, vnumquodque sursum vel deorsum ferri secundum perpendicularem, quæ per centrum grauitatis ipsorum ducitur. *Hic addit. 3. Rinaltus,* nempe.

II.

✦ Humidum omne pondus habere.

Propositiones & Theoremata.

I.

✦ **S**I superficies aliqua plano secetur per idem semper punctum; sitque sectio circuli circumferentia centrum habens punctum illud, per quod plano secatur: sphaeræ superficies erit.

II.

✦ Omnis humidi consistentis atque mouentis superficies sphaerica est, cuius sphaeræ centrum est idem quod centrum terræ.

III.

✦ Solidarum magnitudinum quæ æqualem molem habentes æquæ graues sunt atque humidum in humidum consistens demissæ mergentur, ita vt ex humidi superficie nihil extet: non tamen adhuc deorsum ferentur.

I. V.

✦ Solidarum magnitudinum quæcumque leuior humido fuerit, demissa in humidum manens non demergetur tota, sed aliqua pars ipsius ex humidi superficie extabit.

V.

✦ Solidarum magnitudinum quæcumque leuior humido fuerit:

130 ARCHIMEDIS DE INSIDENTIBVS

demissa in humidum *manens*, vsque eo demergetur vt tanta moles humidi, quanta est partis demersæ, eandem quam tota magnitudo grauitatem habeat. VI.

Solidæ magnitudines humido leuiores in humidū impulsæ, sursum ferūtur tanta vi, quanto humidum molem habēs magnitudini æqualē, grauius est ipsa magnitudine. VII.

✦ Solidæ magnitudines humido grauiores demissæ in humidum ferentur deorsum, donec descendant: & erūt in humido tanto leuiores, quanta est grauitas humidi molem habentis solidæ magnitudini æqualem.

Lemma. Si circuli se secuerint, iunganturque eorum sectiones lineæ: ipsa dirimetur bifariam, & ad angulos rectos ab alia linea quæ eorum centra coniunget. VIII.

✦ Si aliqua magnitudo solida leuior humido, quæ figuram portionis sphæræ habeat, in humidum demittatur, ita vt basis portionis non tangat humidum: figura insidebit recta, ita vt axis portionis sit secundum perpendiculararem.

Et si ab aliquo inclinetur figura, vt basis portionis humidum contingat: non manebit inclinata si demittatur, sed recta restituetur.

IX. Quod si figura humido leuior in humidum demittatur, ita vt basis tota sit in humido: insidebit recta, ita vt axis ipsius secundum perpendiculararem constituatur.

Accuratè legendi sunt isti libri, cū in ijs multorum arcanorum, & machinarum admirabilium semina insint; nec possit afferri ratio plurimorum effectuum, qui tam in arte, quàm in natura quotidie cernuntur, nisi ex istis libris depromatur: quibus alia de differentiis ponderum in aëre, & aqua iungi possent; quod in mechanicis commodius fieri poterit.

ARCHIMEDIS DE IIS QVÆ vehuntur in humido.

LIBER II.

Propositiones & Theoremata.

I.

✦ **S**I magnitudo aliqua humido leuior demittatur in humidum, eam in grauitate proportionem habebit ad humidum æqualis molis

molis, quam pars magnitudinis demersa habet ad totam magnitudinem.

Lemma. Si parabolam contingat linea in puncto, sumatur vero in diametro paraboles linea æqualis ei quæ usque ad axem: tum à puncto contactus ducatur linea æquidistans diametro, in quam ab initio lineæ assumptæ ducatur perpendicularis secans æquidistantem & tandem à fine lineæ assumptæ per punctum sectionis æquidistantis ducatur linea in tangentem, ad eandem lineam ducta erit perpendicularis.

II.

✦ Recta portio conoidis rectanguli, quando axem habuerit minorem, quam sesquialterum eius quæ usque ad axem, quamcumque proportionem habens ad humidum in gravitate: demissa in humidum, ita ut basis ipsius humidum non contingat, & posita inclinata non manebit inclinata, sed recta restituetur. Rectam dico consistere talem portionem, quando planum quod ipsum secuit, superfici ei humidi fuerit æquidistans.

III.

✦ Recta portio conoides rectangulæ quando axem habuerit minorem quam sesquialterum eius, quæ usque ad axem, quamcumque proportionem habens ad humidum in gravitate, demissa in humidum, ita ut basis ipsius tota sit in humido, & posita inclinata, non manebit inclinata, sed ita restituetur, ut axis ipsius secundum perpendicularem fiat.

IV.

✦ Recta portio rectangulæ conoidis, quando fuerit humido leuior, & axem habuerit maiorem quam sesquialterum eius, quæ usque ad axem, si in gravitate ad humidum æqualis molis, non minorem proportionem habeat ea, quam quadratum quod fit ab excessu, quo axis maior est, quam sesquialter eius, quod usque ad axem, habet ad quadratum quæ ab axe: demissa in humidum, ita ut basis ipsius humidum non contingat, & posita inclinata, non manebit inclinata, sed recta restituetur.

Lemma 1. Si prima ad secundam non maiorem habuerit rationem, quam tertia ad quartam; habebit conuertendo secunda ad primam, non minorem proportionem quam quarta ad tertiam.

Lemma 2. Si fuerit tota ad partem sui in non minori ratione quam alia tota ad partem sui: erit quoque conuertendo tota prima ad sui reliquum in non maiori ratione quam secunda tota ad sui reliquum.

V.

✦ Recta portio conoidis rectangulæ quando leuior humido axem habuerit maiorem quam sesquialterum eius, quæ usque ad axem, si ad humidum in gravitate non maiorem proportionem habeat, quam ex-

cellus, quo quadratum quod fit ab axe maius est quadrato, quod ab excessu, quo axis maior est quàm sesquialter eius quæ vsque ad axem, ad quadratum quod ab axe: demissa in humidum, ita vt basis ipsius tota sit in humido, & posita inclinata, non manebit inclinata, sed restituetur ita, vt axis ipsius secundum perpendicularem fiat.

Lemma. In triangulo, si ab altera extremitate basis, linea ducatur quomodocumque secans oppositum latus: tum in latere à quo incipit duci linea, sumantur aliquot puncta, à quibus singulis ducantur lineæ parallelæ cùm basi, tum lineæ recens ductæ: omnes lineæ rectæ inter illas parallelas ductæ æquidistanter opposito lateri, fiunt alternatim proportionales. *Vide corollar. & scholion.*

V I.

✱ Recta portio conoidis rectangulæ, quando leuior humido axem habuerit maiorem quidem quàm sesquialterum eius, quæ vsque ad axem, minorem verò quàm vt ad eam quæ vsque ad axem proportionem habeat, quam 15 ad 4; in humidum demissa adeo vt basis ipsius contingat humidum, nunquam consistet inclinata ita, vt basis in vno puncto humidum contingat.

VII.

Recta portio conoidis rectangulæ, quando leuior humido axem habuerit maiorem quidem quàm sesquialterum eius, quæ vsque ad axem, minorem verò, quàm vt ad eam quæ vsque ad axem proportionem habeat, quam 15 ad 4: in humidum demissa, adeo vt basis ipsius tota sit in humido, nunquam consistet, ita vt basis contingat humidi superficiem, sed vt tota in humido sit, & nullo modo eius superficiem contingat.

VIII.

Recta portio conoidis rectangulæ quando axem habuerit maiorem quidem quàm sesquialterum eius quæ vsque ad axem, minorem verò quàm vt ad eam quæ vsque ad axem proportionem habeat quàm 15 ad 4: si in grauitate ad humidum habeat proportionem ea minorem quàm quadratum, quod fit ab excessu quo axis maior est quam sesquialter illius, quæ vsque ad axem, habet ad quadratum quod ab axe, demissa in humidum, ita vt basis ipsius humidum non contingat: neque in rectum restituetur, neque manebit inclinata, nisi quando axis cum superficie humidi angulum fecerit æqualem ei, de quo infra dicitur.

IX.

Recta portio conoidis rectangulæ, quando axem habuerit maiorem quidem quàm sesquialterum eius, quæ vsque ad axem, minorem verò quàm vt ad eam quæ vsque ad axem proportionem habeat, quàm 1 ad 4:

& in grauitate ad humidum proportionem habeat maiorem quàm excessus, quo quadratum quod fit ab axe maius est quadrato quod ab excessu, quo axis est maior quàm sesquialter eius, quæ usque ad axem, habet ad quadratum, quod ab axe: in humidum demissa, adeo ut basis ipsius tota sit in humido, & posita inclinata, nec conuertatur ita ut axis ipsius secundum perpendicularem sit, nec manebit inclinata, nisi quando axis cum superficie humidi angulum fecerit æqualem angulo similiter ut prius assumpto.

Propositio X. habens quinque conclusiones, quarum sit.

I. Recta portio conoidis rectanguli quando leuior humido axem habuerit maiorem quàm ut ad eam, quæ usque ad axem, rationem habeat quàm 15 ad 4, in humidum demissa, ita ut basis ipsius non contingat humidum: nonnunquam quidem recta consistet: nonnunquam inclinata, ut basis ipsius in vno puncto contingat superficiem humidi, idque in duabus dispositionibus: interdum quidem, ita ut basis in humidum magis demergatur: interdum verò, ut superficiem humidi nullo modo contingat, secundum proportionem, quam habet ad humidum in grauitate. Eorum quæ dicta sunt, singula inferius demonstrabuntur.

II. *Concl.* Si portio ad humidum in grauitate minorem quidem proportionem habeat, quàm quadratum SB ad quadratum BD, maiorem verò quàm quadratum XO ad quadratum BDI demissa in humidum, adeo inclinata, ut basis ipsius non contingat humidum, inclinata consistet, ita ut basis superficiem humidi nullo modo contingat, & axis cum humidi superficie angulum faciat maiorem angulo X.

III. *Concl.* Si portio ad humidum in grauitate eam habeat proportionem, quam quadratum XO ad quadratum BD; demissa in humidum inclinata adeo, ut basis ipsius non contingat humidum: consistet, & manebit ita, ut basis in vno puncto humidi superficiem contingat: & axis cum superficie humidi angulum faciat angulo X æqualem. Quod si portio ad humidum in grauitate eam proportionem habeat, quam quadratum PF ad quadratum BD, in humidum demissa, & posita adeo inclinata, ut basis ipsius non contingat humidum, consistet inclinata, ita ut basis in vno puncto humidi superficiem contingat, & axis cum ea faciat angulum angulo æqualem.

IV. *Concl.* Si portio ad humidum in grauitate maiorem quidem proportionem habeat, quàm quadratum FP ad quadratum BD, minorem verò quàm quadratum XO ad BD quadratum: in humidum de-

missa, & adeo inclinata, vt basis ipsius non contingat humidum, consistet, & manebit ita, vt basis in humidum magis demergatur.

V. *concl.* Si portio ad humidum in grauitate proportionem habeat minorem, quàm quadratum FP ad quadratum BD , demissa in humidum, & posita inclinata adeo, vt basis ipsius non contingat humidum: consistet inclinata, ita vt axis ipsius cum humidi superficie angulum faciat minorem angulo ϕ ; & basis nullo modo superficiem humidi contingat.

ARCHIMEDIS


† Α Μ Μ Ι Τ Η Σ , seu Arenarius.

PUtant quidam, ô Rex Gelon, infinitam esse arenam multitudinē. Dico verò non solum eam quæ circa Syracusas est, reliquāve Siciliam, sed eam quæ omnem regionē, cum habitabilem, tum inhabitabilem circumstat. Nōnulli verò sunt qui ipsam innumeram quidē non esse assumūt, sed negāt vllam esse nomenclaturam, quæ ipsius exuperet multitudinem. Qui verò sic sentiūt, manifestum, quòd si intelligāt ex arena tantum compositum esse acruum, vt eo impleantur, & salsura, & terræ concauitates, vrsuræque vsque ad æqualitatem supremorum montium, repente pronuntient deesse multo magis numerum qui hanc excedat multitudinem. Ego verò hoc tentabo demonstrare, & quidem Geometricis demonstrationibus, quibus consequeris numerorum à nobis recensitorum, & datorum ad Zeuxippum scriptis, aliquos esse qui non solum & arenæ multitudinem æqualem terræ repletæ, vti diximus, sed eam, quæ haberetur par toti mundo, exuperent. Non autem ignoras quòd vocetur mundus à multis quidem Astrologis, sphaera cuius centrum est centrum terræ, radius vero æqualis rectæ, quæ à centro solis media est à centro solis media est ad centrum terræ. Ea verò quæ habentur ab Astronomis scripta discutiens Aristarchus Samius, hypotheses quasdam scriptis prodidit, ex quibus suppositis consequitur mundum multiplicem esse eius qui mox præscriptus est. Supponit enim errantia sydera, & solem non moueri. Terram verò ferri in gyrum circa solem qui in medio stadio iacet. Sellarum autem non errantium sphaeram, circa ipsum solis centrum motam, ea esse magnitudine, vt circulus in quo terra ferri supponitur, eam habeat rationem ad stellarū fixarum interuallum, quam habet centrum sphaeræ ad superficiem. Hoc ve-

rò manifestò impossibile est. Cùm enim centrum spheræ nullam habeat quantitatem, neque ullam rationem habere ipsum ad superficiem spheræ supponendum est. Admittendum verò & istud intellexisse Aristarchum. Ex quo enim putamus terram circa mundi centrum constitutam, statuendum adstruxit demonstrationibus ex apparentiis petitis, quam terra rationem habet ad mundum à nobis dictum, eandem habere analogiam spheram, cuius est circulus, secundum quem terra gyrari supponitur ad spheram stellarum fixarum. Et maximè videtur orbem in quo ponit terram moueri, supponi æqualem magnitudine ei quo mundum præscribi diximus. Dicimus itaque quod si ex arena fiat spherà mole tanta, quantam Aristarchus esse inerrantium siderum orbem supponit, etiam aliquas demonstrari in principiis numerotum nomen claturas, multitudinem arenæ, quæ congerie dictam stellarum spheram adæquet: suppositis scilicet aliquibus. Quorum primum est, ambitum terræ esse ter mille millium stadiorum & ampliùs, idque ratum esse, & ab experimentatis demonstrari, sicut & tu assentiris eam ipsam esse trecentorum millium stadiorum. At ego singulatim terræ magnitudinem augens, decuplo maiorem pono ipsius ambitum eo, quem primi illi obseruarunt, nempe ter millies millium stadiorum, & ampliùs. Deinde diametrum terræ maiorem esse diametro lunæ. Tum diametrum solis maiorem esse diametro terræ. Similiter ista summo & conuenienter multis superiorum Astrologorum. Præterea diametrum solis diametri lunæ esse vt trigecuplum & non maiorem; cùm inter antiquos Astronomos Eudoxo quidem visus sit tantum noncuplus: Phidiæ verò Acupatris filio vt duodecuplus, Sed Aristarchus nixus sit ostendere diametrum solis maiorem esse quàm duodeuigintuplum diametri lunæ, minorem verò quàm vigecuplum. Ego verò istud excedens, vt hypothesis remaneat sine dubio, & clarè demonstrata, suppono diametrum lunæ vt trigecuplum esse, nec maiorem. Præterea diametrum solis maiorem esse latere figuræ mille angulorum inscriptæ circulo maximo qui sit in mundo. Hoc verò supponimus, cum Aristarchus dicat solem apparere ac si esset vigesima & septingentesima circuli zodiaci pars. Ipse enim considerauit quomodo instrumentis posset excipere angulum, quo sol accommodatur, habentem verticem in oculo. Simile autem quid verè assumere non ita in promptu est: quoniam neque instrumenta, quibus fit obseruatio, digna satis sunt fide, ad accuratè demonstrandum. Verùm de his disputare nunc intempestiuum est, cum & alias frequentius ista determinata fuerint. Caterum satis mihi est vt propositum demonstrem, angulum sumere, qui maior sit angulo cui sol

accommodatur, habeatque verticem in visu. Et rursus alium angulum sumere, qui non minor sit angulo, cui sol accommodatur, & apicem in visu habeat. Constituta ergo ad normam longa regula super plano recto in loco iacente, unde sol oriens conspici queat: Tum paruo cylindro tornatili super regula posito confestim ab aurora & ortu solis, postquam inceperit eiaculari radios in horizontem, potueritque ex opposito videri, conuertatur regula ad solem. Deinde visus statuatur in extremo ipsius regulæ. Cylindrus verò in medio admoueatur inter visum & solem, ita ut adum breetur soli, tum separetur paulatim cylindrus ab oculo: & ubi inceperit quid minimum solis intueri ab utraque parte cylindri, sistatur cylindrus. Sic enim accidit ut oculus ab vno puncto intueatur sub rectis ductis ab extremo regulæ in loco ubi constitit visus, tangentibus cylindrum, & quidem angulo comprehenso sub istis ductis minori eo angulo, cui sol accommodatur, habenti verticem in oculo: propterea quod apparet aliquid solis vndequeq; cylindri. Porro quoniam visus non respicit ab vno puncto, sed ab aliqua quantitate, sumatur aliqua magnitudo teres, non minor visu, & hoc rotundo corpore collocato in extremitate regulæ ubi oculus sistitur, recta agatur tangens, & hoc teres corpus & item cylindrum: etenim qui comprehenditur angulus sub lineis ductis, minor est angulo, in quo sol accommodatur, habente apicem in visu. Magnitudo autem non minor visu hoc pacto reperietur. Capiantur duo cylindruli leues, æque crassi inter se, alter quidem albus, alter verò non; præponantur deinde visui, longius quidem à visu albus, qui verò non albus est, propè oculos, ita ut faciem attingat. Si quidem ergo assumpti cylindruli fuerint visu multo tenuiores, intercipitur à visu propior cylindrulus, ita ut appareat albus totus esse, figura multo exiliori. Si verò non multum quædam dumtaxat albi partes conspiciuntur, vndiqueque eius qui prope oculum est. Sumptis itaque cylindrulis eiusmodi ut alter sua crassitie alterum adumbret, & non ampliori loco talis quidem magnitudo qualis est crassities cylindrulorum hoc efficientium maximè est non minor visu. Verum angulus non minor angulo cui sol accommodatur verticem habens in oculo, sic sumitur. Remoto secus regulam cylindro, ab oculo ita ut applaudat seu conculcet cylindrus totum solem, & recta linea à regulæ extremo in quo est visus,educta stet tangens cylindrum: comprehensus angulus à ductis lineis non minor sit angulo in quo sol accommodatur, verticem habens in oculo. Porro his angulis sic assumptis, dimensoque angulo recto, fiebat qui in signo erat, seu maior angulus, minor quam vnius partis earum 164, in quas rectus fuerat diuisus: minor verò, maior inuenie-


batur quàm vna 200. partium, in quas rectus fuerat dissectus. Manifestum itaque est quod angulus cui sol accommodatur, verticem habens in oculo, minor est quàm vna pars earum 164, in quas rectus distribueretur: maior verò quàm vna pars ex 200 in quas rectus diuideretur. His verò persuasis, per quæ etiam diameter solis existit maior latere figuræ mille angulorum, descriptæ in maximo circulo qui sit in mundo, intelligatur planum educum per centrum terræ, & per visum, statim ac sol fuerit supra horizontem. Et quidem traductum planum secet mundum secundum circulum ABG : terram vero secundum DEZ ; solem autem iuxta SH circulum. Centrum quidem terræ sit θ , solis verò C , oculus sit D . Et ducantur rectæ tangentes circulum SH . à puncto quidem D , hæc DL & DX contingentes in N & T . Sed à puncto θ , hæc θM , & θO contingentes in K & R , & secantes circulum ABG in punctis A & B . Est quippe maior θC , quàm DC , cum supponatur sol esse supra horizontem, ita vt angulus comprehensus sub DL , DX maior sit angulo comprehenso sub θM , θO .



Qui vero comprehenditur sub DL , DX maior quidem est quàm ducetissima pars recti, sed minor parte eiusdem recti centesima sexagesima quarta. Iste enim angulus est æqualis angulo, cui sol accommodatur, verticem habenti in oculo. Angulus proinde comprehensus sub θM , θO , minor est vna parte recti diuisi in 164. Recta vero linea AB minor est subtendente portionem circumferentiæ circuli ABG , diuisæ in 656 partes; peripheria vero huius polygon ad radiũ circuli ABG , minorem rationem habet quam 44 ad 7, quia cuiuscumq; polygoni inscripti circulo diameter ad radium minorem rationem habet quàm 44. ad 7. Nosti enim à nobis fuisse demonstratum, omnem circuli circumferentiam maiorem esse quàm triplam diametri, parte minori quidem septima, maiore vero decem septuagesimis primis. Minorem ergo rationem habet linea AB ad θC , quam 11 ad 1148. ita vt minor sit AB quàm lineæ θC centesima pars. Lineæ autem BA æqualis est diameter circuli SH : quoniam dimidia ipsius FA æqualis est radio CR . Æqua enim existente θC lineæ θA , à punctis A & C iunctæ perpendiculares ad eundem angulum, sunt æquales. Manifestum ergo est quod diameter circuli SH minor est centesima parte lineæ θC . Est autem diameter $E\theta I$ minor diametro circuli SH , quia minor est circulus DEZ . circule SH : minores ergo sunt ambæ θI , & SC centesima par-

te lineæ θC , ita ut θC minorem rationem habeat ad $I S$, quam 100 ad 99. Atque cum θR minor sit quam θC . Tum $I S$ minor quam $D T$, minorem proinde rationem habet θR ad $D T$, quam 100 ad 99.

Cum verò trianguli, $\theta C R$ & $D C T$ sint rectanguli, lateraque $C R$ $C T$ æqualia, alia verò θR , $D T$, inæqualia. Et maior angulus $T D C$ comprehensus sub $D T$, $D C$ ad angulum comprehensum sub θR , & θC , maiorem habet rationem quam θC ad $D C$, minorem verò quam θR ad $D T$. Si enim duorum triangulorum rectangulorum altera quidem latera quæ circa angulum rectum sunt, æqualia fuerint, altera inæqualia: maior quidem angulus eorum qui inæqualibus lateribus adhærent, ad minorem, maiorem quidem habet rationem, quam maior linea quæ circa rectum angulum est; ad minorem, ita ut angulus comprehensus sub $D L$, $D X$ ad angulum contentum sub θO , θM minorem rationem habeat, quam θR ad $D T$: quæ scilicet minor ratio est quam 100 ad 99. In de fit ut angulus comprehensus sub $D L$, $D X$, angulum comprehensum sub illis θM , θO , minorem rationem habeat quam 100 ad 99. Et quoniam est angulus contentus sub $D L$, $D X$, maior ducentesima recti parte, erit & angulus comprehensus sub θM , θO , maior quam partes 99 earum viginti millium in quas rectus secaretur. Ita ut maior fuerit quam vna portio recti dissecti in 203 partes. Igitur $B A$ maior est subtendente portionem circûferentiæ circuli $A B G$ distributæ in 812. Est verò lineæ $A B$ æqualis solis diameter.



Manifestum ergo est solis diametrum maiorem esse latere figuræ mille angulorum. His suppositis hæc quoque demonstrantur: Diametrum nempe mundi minorem esse decies millecuplum diametri terræ. Et adhuc diametrum mundi minorem esse quam stadiorum decies millies millenorum millium. Cum enim ponatur diametrum solis non esse maiorem quam trigecuplum diametri lunæ, diametrum verò terræ maiorem esse diametro lunæ: manifestum est diametrum solis minorem esse quam trigecuplum diametri terræ. Rursus verò cum sit ostensus diameter solis maior esse latere figuræ mille angulorum inscriptæ circulo qui sit in mundo, maximo: patet ambitum dictæ figuræ mille laterum, minorem esse quam millecuplum diametri solis. Diameter vero solis minor est quam trigecuplus diametri terræ. Proinde ambitus dictæ figuræ mille angulorum minor est quam terdecies millecuplus diametri terræ. Cum itaque ambitus figuræ mille laterum sit mi-

non quàm trigefies millecuplus diametri terræ, diametri verò mundi maior quàm triplus. Siquidem demonstratum est quòd omnis circuli diameter minor est tertia parte cuiuscumque polygoni in eo inscripti, quod pluribus quàm 6 lateribus contineatur. Quia id tantum est Hexagoni in circulo inscripti. Sequitur inde diametrum mundi minorem esse quàm decies millecuplum diametri terræ. Cum igitur diameter mundi minor sit quàm decies millecuplus diametri terræ, nempe quàm decies millies millenorum millium stadiorum. Id ex hoc patet. Quoniam itaque supponitur ambitum terræ non maiorem esse quàm trecenties decies millium stadiorum: ambitus verò terræ maior est triplo diametri, quia cuiuslibet circuli circumferentia maior est quàm tripla diametri, patet diametrum terræ minorem esse quàm stadiorum centies decies millium. Itaque cum mundi diameter minor sit quàm decies millecuplus diametri terræ, manifestum est quòd ipsa mundi diameter minor est quàm stadiorum 1000000000. Porro de magnitudinibus & distantiiis ista suppono.

De arena verò hæc: si aliqua magnitudo constatur ex arena non maior papauere, numerum ipsius non maiorem esse quàm 10000. Et diametrum papaueris non minorem esse, quàm quadragesimam partem digiti. Hoc autem statuo quod hoc modo sum contemplatus. Super plana regula papaueres dispositi sunt in rectam lineam sese tangentes, occuparuntque 25 papaueres locum ampliorem longitudine digiti. Verum minorem ponens diametrum papaueris, eam suppono tantum esse digiti partem, nec minorem, volens ita absque vlla ambiguitate demonstrare propositum. Quæ igitur supposui, sunt hæc. Nunc vtile esse puto numerorum denominationem recensere, ne errent qui non inciderunt in alios numeros qui habentur libro per Zeuxippum scripto, cum de ipsis in hoc etiam volumine nihil dictum fuisset. Accidit autem numerorum nomina usque ad myriadas esse data nobis, & supra myriadas quidem sufficienter nouimus numerum myriadum exprimentes ipsum semper ad myriadas referentes: verum numeri qui ad myriadem myriadum usque proceduntur, dicantur nobis primi. Et horum quidem primum numerorum myrias myriadum vocetur vnitas secundorum, & secundorum numerorum vnitates, & ab vnitatibus decem & centeni, & milleni & decies milleni sint centum millenorum millium. Rursus myrias myriadum secundorum numerorum vocetur vnitas tertiorum numerorum. Et numerentur tertiorum numerorum vnitates, & ab vnitatibus denarij & centenarij & millenarij & decupli millenarij sint centum millena millia. Atque hoc modo tertiorum numerorum myrias myriadum vnitas appelletur quattorum nu-

merorum. Et quartorum numerorum myrias myriadum vnitas nuncupetur quintonum numerorum. Et semper sic procedentes erunt numeri nomina habentes centum millena millia per centum millena millia multiplicata. Ex his igitur cogniti numeri sat quidem sunt : quamuis liceat ulterius etiam progredi. Hi siquidem nunc recensiti numeri vocantur primæ periodi. Extremus verò numerus primæ periodi, vnitas vocetur secundæ periodi primorum numerorum. Rursus & centum millena millia secundæ periodi secundorum numerorum : similiter & horum extremus vnitas vocetur secundæ periodi tertiorum numerorum. Et semper sic numeri progredientes nomina habentes secundæ periodi sunt decies millies decem millium numerorum in centum millena millia ductorum. Rursum & vltimus secundæ periodi vnitas vocetur tertiæ periodi primorum numerorum. Et semper sic procedentium sunt decies millies decem millia periodi, aucta per decies millies decem millia numerorum adhuc ductorum per decies millies decem millia. His verò sic denominaris, si fuerint numeri ab vnitate proportionaliter deinceps positi : qui autem post vnitatem denarius, & ipsi fuerint octo illis cum vnitate eorum erunt qui primi numeri vocantur. Alij verò post ipsos 8. secundi vocantur. Et item reliqui hoc modo ipsis synonymi erunt distantia octadis numerorum à prima octade numerorum. Octauus igitur numerus primæ octadis numerorum est millies decem millia. Primus verò secundæ octadis quoniam decuplus est præcedentis, erit centum millena millia : hic verò est vnitas secundorum numerorum. Octauus verò secundæ octadis erit millies decem millia secundorum numerorum. Rursus & tertiæ octadis primus, quoniam decuplus est præcedentis, erit centies millena millia secundorum numerorum. Idemque est vnitas tertiorum numerorum.

Manifestum est igitur plurimas esse posse octades, vti dictum est. Cæterum, vtile est & hoc nouisse. Quòd si numeri ab vnitate proportionales fuerint, & aliqui sese mutuo multiplicauerint, eorum qui huius proportionalitatis sunt : quisque à suo multiplicante secundum proportionalitatem tanto abest, quanto minor multiplicantium ab vnitate distat. Ab vnitate verò aberit vno minus, quam quantus est numerus ex vtrisque constans, quibus sese inuicem multiplicantes ab vnitate absunt. Sint etenim aliqui numeri ab vnitate proportionales A. B. G. D. E. Z. H. T. I. C. L. Sit verò vnitas A; & D multiplicet T, factusque sit Q. Assumantur autem proportionalitatis T L, distetque L à T tanto, quanto D ab vnitate. Ostendendum Q esse æqualem ipsi L. Quoniã enim proportionales sunt, & æquidistat D ab A, ac L à T, eandem rationem habet D ad A, quam L ad T. Verùm D multiplex est ip-

sius A per D ; multiplex igitur est L ipsius T per D , ita vt æqualis sit L
 ipsi Q. Manifestum igitur est quod aliquis factus ex proportionalita-
 te à maiori multiplicantium sese inuicem , æquè diffusus est , ac minor
 ab vnitae diffidet. Patet item quod ab vnitae distat vno minus , quàm
 quantus est numerus ex vtrisque conflatus , quibus multiplicantes ab
 vnitae absunt. Quot enim sunt hi A. B. G. D. E. Z. I. T , tot distat
 T ab A vnitae. Isti verò I, C, L, vno minus sunt , quàm quibus, D
 ab vnitae differt. Etenim cum T tot sunt. His autem suppositis , illis
 quoque demonstratis propositum ostendetur. Cum enim supponatur
 diametrum papaueris non minorem esse quadragesimam digiti parte
 Manifestum , quòd sphaera quæ digitalem habuerit diametrum , non
 maior est quàm vt contineat plures quàm 64. papauerum millia. Sphæ-
 ræ quippe habentis diametrum quadragesimam partem digiti ; mul-
 tiplex est secundum numerum ductum. Demonstratur enim quod
 sphaeræ triplam rationem habent eius , quæ est diametrorum inter se.
 Postquam ergo suppositum est arenam coaceruatam in molem papau-
 ris , non maiorem esse numero quàm decem millium : manifestum ,
 quod si arenam impleatur sphaera digitalem habens diametrum , non ma-
 ior erit arenæ numerus quàm 64000000. Est vero huiusmodi nume-
 rus , vnitates , videlicet 6 , & numerus secundorum numerorum : tum
 primorum quadraginta millena millia. Minor ergo est quàm decem
 vnitates secundorum numerorum. Quæ vero centum digitorum dia-
 metrum habet sphaera , multiplex est eius quæ habet digitalem diame-
 trum semel mille millies : quia rationem habet triplicatam diametro-
 rum inter se sphaeræ. Si igitur fiat ex arena sphaera tanta magnitu-
 dine , quanta est sphaera habens diametrum digitorum centum , pa-
 tet minorem fore arenæ numerum , quàm sit numerus productus
 ex multiplicatis decem vnitatibus secundorum numerorum per
 semel millena millia. Cum itaque secundorum numerorum decem
 vnitates decimum constituent numerum ab vnitae , in proportio-
 nalitate decuplorum laterum : semel verò millena millia septimus
 sint ab vnitae in eadem progressionem : manifestum est quod factus ,
 sextus erit huius progressionis , & sextusdecimus ab vnitae. De-
 monstratur enim quod vno minus distat ab vnitae quàm sit nume-
 rus ex vtrisque conflatus , quibus distant ab vnitae multipli-
 cantes sese inuicem. Horum porro 16 , octo priores cum vnitae
 eorum sunt qui primi appellati sunt. Qui verò post ipsos , octo ,
 secundorum , & vltimus est decies millena millia , secundorum
 nempe numerorum. Ergo constat multitudinem arenæ magnitudi-
 nis mole æqualis sphaeræ diametrum habenti qui sit centum digi-

torum, minorem esse quam decies millena millia secundorum numerorum. Rursus verò, & sphaera quæ 10000 digitorum habuerit diametrum, multiplex eius est quæ fuerit dimetientis centum digitorum habuerit diametrum, multiplex eius est quæ fuerit dimetientis centum digitorum millies, millies semel. Si igitur fiat ex arena sphaera tanta mole, quanta est ea, quæ habuerit dimetientem 10000 digitorum, patet eam fore minorem, quam sit arenae numerus factus ex multiplicatione decies millenorum millium secundorum numerorum per semel millena millia. Cum ergo secundorum numerorum decies millena millia decimus sextus sit numerus ab unitate: tum proportionalia semel millena millia septimus ab unitate in eadem progressionem: patet numerum factum esse 22 eorum, qui in hac proportionalitate sunt ab unitate. Horum verò 22, octo quidem primi cum unitate eorum sunt qui dicuntur primi: Tum sequentes octo sunt eorum qui secundi appellantur: reliqui sunt tertiorum. Atque ultimus eorum est centum millia tertiorum numerorum. Patet igitur multitudinem arenae in molem congestæ parem sphaeræ, quæ diametrum habeat 10000 digitorum, esse minorem 100000 tertiorum numerorum. Quoniam autem minor est sphaera habens diametrum unius stadij, sphaerâ quæ habuerit diametrum 10000 digitorum: patet multitudinem arenae cumulatae in aceruum æqualem sphaeræ dimetientis unius stadij, minorem esse quam 100000 tertiorum numerorum. Adhuc sphaera quæ habet diametrum centum stadiorum, multiplex est sphaeræ diametri unius stadij semel millies millies. Si igitur fiat ex arena sphaera tanta magnitudine, quanta est habens diametrum centum stadiorum, manifestum quod minor erit arenae numerus eo qui produceretur ex multiplicatis 100000 tertiorum numerorum per 1000000. Et quia hæc 100000 tertiorum numerorum sunt 22 numerus proportionalitatis ab unitate: Hæc verò 1000000 septimus ab unitate eiusdem proportionalitatis, erit sanè factus 28 ab unitate istius progressionis. Porro horum 28, primi quidem 8 cum unitate sunt eorum qui primi dicuntur. Qui verò post ipsos alij 8, secundorum: alij rursus sequentes 8, sunt tertiorum: reliqui demum 4. sunt eorum qui dicuntur quarti. Et extremus illorum est mille unitates quartorum numerorum. Manifestum itaque arenae multitudinem in sphaeram deformatæ diametri centum stadiorum, minorem esse mille unitatibus quartorum numerorum. Præterea sphaera stadiorum 10000, multiplex est sphaeræ diametri stadiorum centum, semel millies millies. Sphaera ergo si ex arena fiat tanta mole, ut eam adæquet sphaeram quæ habeat diametrum 10000 stadiorum: equidem minor erit arenae multitudo eo qui nasceretur numero ex mille unitati-

bus quattorum numerorum ductis in 1000000. Quoniam verò quattorum numerorum mille vnitates faciunt 28 progressionis numerum ab vnitate : 1000000 verò 7 eiusdem progressionis ab vnitate : patet quod factus numerus erit ipsius progressionis ab vnitate 34. Horum verò 34 primi 8 cum vnitate primorum numerorum sunt. Qui verò post ipsos sunt 8 secundorum, tum qui sequitur 8 alij, tertiorum, & qui sunt deinceps quattorum. Reliqui duo sunt eorum qui vocantur quinti, & vltimus quidem eorum est decem vnitates quattorum numerorum. Clarum itaque est multitudinem arenularum ea mole collectarum quæ sphæræ æqualis sit habenti diametrum 10000 stadiorum, minorem esse quàm decem vnitates quattorum numerorum. Adhæc sphæra habens diametrum stadiorum 1000000, sphæræ diametrum habentis longam 10000 stadiis, est millies millecuplus. Si ergo fiat ex arena sphæra tanta magnitudine, quanta est sphæra habens diametrum stadiorum 1000000, constat arenæ numerum minorem fore eo qui fieret ex ductu 10 vnitatum quattorum numerorum per 1000000.

Atque, quoniam quattorum numerorum 10 vnitates constituunt 34 proportionalitatis numerum ab vnitate : 1000000 verò 7 ab vnitate ipsiusmet progressionis : patet quod factus erit eiusdem proportionalitatis 40 ab vnitate. Atque horum 48 quidem primi cum vnitate sunt primorum numerorum, Secundi 8 sunt secundorum : tertij 8 tertiorum; quarti 8 quattorum, & denique 8 postremi sunt quattorum : & vltimus eorum est 1000000 quattorum numerorum. Apparet ergo arenæ multitudinem magnitudinem habentem æqualem sphæræ diametrum habenti 1000000 stadiorum, non attingere 1000000 quattorum numerorum. Iam verò sphæra habens diametrum stadiorum 10000000, multiplex est sphæræ, cuius diameter sit 1000000 stadiorum, ductorum in 1000000. Si verò fiat sphæra ex arena tanta magnitudine, quanta est sphæra quæ diametrum habeat stadiorum 100000000, patet quod minor erit arenæ numerus producto numero ex 1000000 quattorum numero multiplicatis per 100000. Quoniam autem quattorum numerorum 10000000 quadragesimus est ab vnitate proportionalis : at 1000000 septimus ab vnitate eiusdem ordinis : constat genitum esse 46 ab vnitate. Horum præterea 46, octo quidem primi cum vnitate, eorum sunt qui primi dicuntur : 8 alij proximi sunt secundorum : sequentes 8 sunt tertiorum : tum post tertios, alij 8 sunt quattorum : & qui post quattos, sunt quattorum : reliqui tandem sunt sextorum : & extremus eorum est 100000 sextorum numerorum. Clarum est itaque, quod multitudo arenæ ea quantitate conglobatæ, vt æquetur sphæræ diametrum habenti, stadiorum 1000000000000, minor est quàm 100000 sextorum

numerorum. Sphæra itidem habens diametrum stadiorum 1000000000, sphærae habentis diametrum stadiorum 10000000, est semel millies millecupla. Si igitur fiat ex arena globus tantus crassitie, quanta est sphæra habens diametrum stadiorum decies millies millenorum millium: manifestum quod arenae multitudo minor erit numero procreato ex centum millibus sextorum numerorum ductis in semel millena millia. Cùm autem sextorum numerorum centum millia, sextus & quadragesimus sit ab unitate proportionis: semel verò millena millia septimus ab unitate in eadem progressionem: patet quod genitus numerus fuerit 52 ab unitate eiusmodi progressionis. Horum vero 52 duorum primi 48 cum unitate sunt eorum qui primi dicuntur, secundi, tertij, quarti, quinti, & sexti. Reliqui verò 4 sunt eorum quos septimos dicimus. Est postremus eorum est mille unitatum septimorum numerorum. Apparet igitur arenae multitudinem quæ tantæ molis sit, ut exæquet sphæram quæ diametro sit stadiorum decies millies millenorum millium, minorem esse mille unitatibus septimorum numerorum. Quoniam itaque demonstratus est mundi diameter minor esse stadiorum decies millies millenorum millium; manifestum est arenae multitudinem conformatae in molem mundo æqualem: minorem esse quàm sint mille unitates septimorum numerorum. Similiter & multitudo arenae mole pari ei, quod à multis astrologis appellatum est mundus, ostenditur minor quàm sint mille unitates septimorum numerorum. Quod etiam multitudo arenae sphæricæ molis tantæ, quantam Aristarchus supponit inerrantium siderum sphæram, minor sit decem millenis millibus octauorum numerorum demonstrabitur. Cum enim supponatur terram eam habere rationem ad hunc dictum à nobis mundum, quam habet rationem dictus mundus ad stellarum fixarum sphæram ab Aristarcho positam: Et diametri sphærarum eam ipsam rationem habeant inter se, diameter verò mundi ostensus sit minor quàm decies millecuplus diametri terræ: sequitur diametrum sphærae stellarum fixarum minorem esse quàm diametri mundi decies millecuplum. Cum itaque sit ut sphærae habeant inter se triplicatam rationem diametro- rum, planum est, quod inerrantium astrorum sphæra quam Aristarchus supponit, minor sit, quàm semel milies, millies, millies, millecuplus mundi. Ostenditur enim, multitudinem arenae mundum mole referentis, minorem esse, quàm mille unitatum septimorum numerorum. Patet ergo, quod si sphæra ex arena fiat, tanta magnitudine, quantam Aristarchus supponit inerrantium esse siderum sphæram, minor erit huius arenae numerus, quàm qui sit ex multiplicatione mille unitatum per semel millies, mille, millenaria, millia. Et quoniam istæ

mille vnitates septimorum numerorum, sunt progressionis 52 ab vnitate: semel verò millies mille millenaria millia 13 ab vnitate eiusdem proportionalitatis, consentaneum est factum fore eiusdem progressionis 64 ab vnitate. Iste verò est octauorum octauus, & decem millia octauorum numerorum. Consequens ergo est quòd arenæ multitudo quæ excreuerit in molem æqualem sphæræ non errantium siderum, quam Aristarchus supponit, minor sit quàm decem millena millia octauorum numerorum. Hæc autem, ô Rex Gelon, multis qui non facti sunt Mathematicarum artium participes, incredibilia apparere intelligo: ijs verò qui eas degustarint, quique meditati sunt distantias: & magnitudines terræ, solis, lunæ, totiusque mundi, credibilia ex demonstratione forent. Propterea existimaui quibusdam non incongruum videri, ista contemplari.

SUPPLEMENTVM ARCHIMEDIS.

TRES erunt partes istius supplementi, Theotime, quarum prima proportionem exhibebit, quibus librum Archimedis de circuli dimensione Snellius perfecisse videtur in suo cyclometrico. Secunda continebit propositiones Kepleri, quibus demonstrare voluit quæ deerant libro de sphaeroidibus. Tertia denique complectetur nouam quadraturam parabolæ à Luca Valerio demonstratam.

PRIMA PARS. CYCLOMETRICI PROPOSITIONES.

* **I.** RECTANGVLVM sub inscriptæ à diametro differentia & radio comprehensum, æquatur quadrato inscriptæ dimidij complementi ad semicirculum.

II.

* Rectangulum sub recta à diametro, plus inscripta radio comprehensum æquatur quadrato inscriptæ quæ & datum & dimidium eius complementum ad semicirculum simul subtendit.

III.

✦ Rectangulum è figuræ ordinatæ circulo inscriptæ laterè vno & totidem radiorum semissibus, quot ipsum habet latera, æquatur arcæ polygoni ordinati sub duplo laterum numero in eodem circulo.

IV.

✦ Dodecangulum æquatur quadrato à latere trianguli æquilateri in eundem circulum inscripti.

V.

✦ Sexangulum est duplum trianguli æquilateri in eodem circulo.

VI.

✦ Dodecangulum est sesquialterum quadrati eidem circulo inscripti & subsesquitertium circumscripti.

VII.

✦ Triens lateris trianguli æquilateri circulo inscripti æquatur semissi lateris circumscripti sexanguli.

VIII.

✦ Differentia diametri à latere inscripti trianguli æquilateri æquatur lateris dodecanguli circumscripti dimidio.

IX.

✦ Inter figuras ordinatas similes eidem circulo adscriptas, inscripta duplo laterum numero media proportionalis est.

X.

✦ Differentia radij circularis à latere inscripti quadrati æquatur lateris octanguli circumscripti dimidio.

XI.

✦ Ambitus rectilinei circulo inscripti eius peripheriæ cedit : circumscripti verò eandem excedit.

XII.

✦ Sectio semicirculo non maior cedit trianguli æquicruri sibi inscripti duplo.

XIII.

Spatium à duabus ex eodem puncto tangentibus & peripheria comprehensum, minus est duplo trianguli æquicruri ab earundem segmentis & tertia eandem peripheriam tangente comprehensi.

XIV.

Rectilineum circulo inscribi potest maius dato quocumque spatio, quod eodem circulo sit minus : & aliud circumscribi minus dato quocumque spatio, quod eodem circulo sit maius.

XV.

Dux rectæ lineæ inueniri possunt, quarum maior ad minorem rationem

tionem habeat minorem, quàm data magnitudo quælibet maior ad minorem.

XVI.

Data peripheriæ duo similium multangulorum latera ita abscribi possunt, vt latus circumscriptum ad inscriptum minorem habeat rationem, quàm maior datarum magnitudinum ad minorem.

XVII.

Circulo duæ similes figuræ ita adscribi possunt vt circumscripta ad inscriptam maiorem habeat rationem, quàm data quælibet maior ad minorem.

XVIII.

Circulo dato polygonum circumscribere, vt spatia ab eius lateribus & peripheriæ conuexo comprehensa minora sint dato quocumque spatio.

XIX.

✦ Circulus æquatur triangulo, cuius altitudo radio basis peripheriæ eiusdem sit æqualis.

XX.

✦ Si diameter radio æqualiter continuetur, & recta à termino continuata circulum contingat, segmentum conuexi à contacta ad diametrum erit totius circuli sextans, reliquum triens.

XXI.

Si à termino diametri radio æqualiter continuata recta circulum contingens, rectæ in reliquo diametri termino eundem contingentem occurrat, intercipiet ab ea ad contactum rectam æqualem inscriptæ vtriusque contactum connectenti.

✦ *Consæctarium.* Perpendicularis à vertice trianguli æquilateri circumscripti est triplæ radij circuli inscripti.

XXII.

Si à puncto, quod diametri intervallo ab eius centro distat, duæ rectæ peripheriam secantes educantur, segmentum peripheriæ conuexum ab his interceptum minus est concaui dimidio, maius triente.

XXIII.

✦ Si à termino diametri radio æqualiter continuatæ, rectæ per peripheriam eductæ eundem in reliquo diametri termino tangentem occurrat, absumet ad contactum rectam maiorem, quàm sit ea quæ peripheriæ absumptæ est inscripta.

XXIV.

✦ Circulorum peripheriæ, quorum anguli in centro peripheriæve suis radiis sunt reciproce proportionales, sunt æquales.

XXV.

Si recta inter peripheriæ conuexum & diametrum continuatam sit radio æqualis, segmentum concaui inter eas interceptum erit conuexi triplum, & contra.

Lemma. Diameter circuli maior est quinque lateribus circumscripti

sedecanguli *vel*, Complementum lateris inscripti sedecanguli maius est eiusdem lateris quintuplo. XXVI.

Si recta inter diametrum continuatam, & peripheriæ contactum radio æqualis, occurrat rectæ circulum in remotissimo diametri termino contingenti, absumet rectam maiorem peripheria inter has tangentes comprehensâ. XXVII.

Si à termino diametri radio æqualiter continuatæ recta per peripheriameducta, tangenti eam in reliquo diametri termino occurrat, absumet rectam minorem quàm sit trientis concauæ peripheriæ inter eas interceptæ tangens tripla. XXVIII.

Si à termino diametri radio æqualiter continuatæ recta per peripheriameducta, tangenti eam in reliquo diametri termino occurrat, absumet rectam minorem quàm sit peripheria inter easdem intercepta. XXIX.

Linea quæ à limite trisectionis cuiusque peripheriæ recta in reliquo diametri termino tangenti occurrit, absumet è tangente segmentum maius quàm sit peripheriæ concauum inter ipsam & diametrum interceptum. XXX.

Linea recta quæ à limite trisectionis peripheriam in reliquo diametri termino tangenti occurrit, absumit ex ea segmentum duobus sinibus & vni tangenti, qui ad eiusdem trientem pertinent, æqualem. XXXI.

Rationem diametri ad suam peripheriam secundum expositos limites tam accuratè quàm cuique collibitum erit, definire. XXXII.

Diametro binario, & postpositis quotlibet circulis taxatâ, ratio diametri ad peripheriam in duplo tot circulis constans erit, quot nouenarij continui à principio in inscripta cõplementi dati lateris inueniuntur.

Conseſctarium. Licet itaque hinc, quousque ratio diametri ad peripheriam benè accuratè è singulis eruatur, quàm proximè definire. XXXIII.

Lineam datæ peripheriæ quamlibet proximè æqualem exhibere. XXXIV.

Datæ rectæ æqualem peripheriam è dato circulo assumere, & contra. XXXV.

Datam peripheriam data ratione secare. XXXV.

Datæ inscriptæ debitam peripheriam tam verè propinquam in numeris exhibere, quàm erit ratio diametri ad suam peripheriam data.

Lemma. Triens sinus datæ peripheriæ minor est sinus trientis datæ peripheriæ. XXXVII.

Si duorum sinuum vtrunque à centro eidem diametro perpendicularium ille huius sit triens, recta per eorum vertices lineæ in hoc diametri termino tangenti occurens absomet segmentum tangentis maius peripheriâ sibi contiguâ. XXXVIII.

Data cuicumque peripheriæ inscriptam veræ tam propinquam in numeris exhibere, quàm erit ratio diametri ad suam peripheriam data. XXXIX.

✱ Si trienti datæ peripheriæ sinus æqualis ultra centrum constituitur, recta vtriusque verticem connectens, & continuata occurret diametro continuatæ intra limitem trisectionis & diametri continuationem radio æqualem. *His autem sequentia problemata praxi seruiencia subiungit.*

I. Triangulum dato sectori æquale construere, & contra.

II. Dato sectori super data peripheria æquale trilaterum construere.

III. Dato trilatero in basi circulari æqualem sectorem construere.

IV. Datæ sectioni æqualem sectorem constituere.

V. Datis trianguli rectanguli lateribus eius angulos inuenire.

VI. Datis trianguli rectanguli angulis oppositorum laterum rationem inuenire.

SECUNDA PARS THEOREMATVM STEREOMETRIÆ nouæ Kepleri.

I. **R**ationem circumferentiæ ad diametrum esse proximè eam, quæ est 22. ad 7. *ex Archimede.*

Episagma. Longitudo lineæ ellipticæ, id est describentis ellipsim, sese habet ad medium Aritmeticum inter duas eius diametros, quæ axis rectus, & transuersus dicuntur, vt 22. ad 27. ferè.

II. Circuli area ad aream quadratam diametri comparata, rationem habet eam quàm 11. ad 14. ferè.

Corollarium 1. Sectoris in circulo area æqualis est rectangulo sub semidiametro, & dimidio arcu.

Coroll. 2. Segmenti circuli minoris area minor est sectoris areâ, triangulo sub sectoris & segmenti rectis comprehenso : segmenti verò maioris area tanto maior est sectore suo.

Episag. 1. Circulo hoc est commune cum parabola, quod in vtrisque portiones quomodocumque per vnâ rectam abscissæ, si æquales

habuerint diametros, & ipsæ inter se in qualibet figura sint æquales.

† *Epif. 2.* Paraboles area est sesquitertia areae trianguli habentis eandem cum parabola basim rectam, & eandem altitudinem. *Ex Archimede.*

† *Epif. 3.* Ellipsis area ad aream circuli est, ut minor ellipsis diameter ad maiorem: & ut circulus ad quadratum diametri, sic ellipsis ad rectangulum diametrorum, scilicet etiam ut 11 ad 14. ferè. *Ex Archim.*

† III. Cylindri verò ad parallelepipedum columnare rectangulum æquè altum, quod cylindri corpus stringit quadratis suis basibus & parallelis lateribus, ratio est eadem, quæ circuli ad quadratum circumscriptum, hoc est eadem quæ 11. ad 14.

† IV. Si columna recta parallelarum basium cum pyramide, si cylindrus cum cono eandem basim habuerit, eandemque altitudinem, tripulum erit illius.

V. Superficies curua coni rectanguli inscripti hemisphærio, est semidupla baseos, seu circuli maximi in sphæra, dimidia baseos coni rectanguli circa hemisphærium.

† VI. Conuexum sphæricum est quadruplum areae circuli maximi, qui sphæram per centrum secat. *Ex Archimede.*

† VII. Conuexum cuiuslibet segmenti sphærae est æquale plano circuli, cuius semidiameter subtendit segmenti latitudinem à polo ad basim. *Vide corollarium.*

† VIII. Sphæricum conuexum & eius axis secantur à plano ad axem recto in eadem proportionem.

† IX. Cylindri recti superficies est æqualis sphæricæ quam stringit.

† X. Superficies globi, eius cylindri, qui globum stringit, resectæ ab eodem plano ad axem recto sunt æquales.

XI. Corpus cylindri est ad corpus sphærae, quam stringit, in proportionem sesquialtera.

XII. Cubi corpus ad corpus sphærae quam stringit, est duplum paulo minus, nimirum ut 21. ad 11. proximè.

† XIII. Corpus coni, cuius altitudo est æqualis diametro sphærae; basis sphærae, maximus circulus, est dimidium corporis sphærae.

Coroll. Conus, de quo theoremate 5. in hemisphærio est ad cylindrum qui sphæram stringit, ut octaedron in sphæra ad cubum circa sphæram, sextam scilicet partem cylindri, quartam sphærae, & sic dimidium hemisphærij sui, dimidiumque coni theor. 15. descripti, quippe cuius basim habet integram, altitudinis verò saltem dimidium.

Epif. 1. Eadem est proportio corporis ab ellipsi producti, quod sphæroides dicitur, ad conum æquè altum. *Ex Archim. 29. & 30 pr. sphæroid.*

Epif. 2. Sicut sphæroides est coni sui duplum: sic conoides parabolis-

cum est coni sui sesquialterum. *Ex eod. l. p. 23. & 24.* Conoides verò hyperbolicum sesquialteram proportionem magis ad æqualitatem adducit, nam ad lineas sesquialteram proportionem continentes (quæ habent duplum & triplum eius quæ inter verticem, & centrum figuræ) addit vtrinque diametrum.

XIV. Segmento sphaeræ æqualis est conus super eadem basi, habens altitudinem tanto maiorem, ut sit eius excessus ad semidiametrum globi, sicut est altitudo ipsa segmenti ad residuum diametri. *Vide coroll.*

Epis. 1. Ut sectio globi facta plano axi parallelo semper est circulus: sic sectio sphæroidis non omnis, sed quæ fit plano axi parallelo, est ellipsis, sphæroidi similis, ellipses verò diuersarum, & dissimilium specierum, aut circuli fiunt, quoties vel sphæroides vtrumque, vel conoides per vtrumque oppositorum laterum secatur. *Vide Archim. sphaer. p. 12. 13. 14. & l. 5.*

Episag. 2. Segmentorum sphæroidis ratio eadem est, quæ segmentorum globi, si recta sit ratio ad axem: sin obliqua, tunc usurpatur non dimidium axis, sed dimidium eius quæ vertices portionum factarum) id est puncta earum super sectionem altissima, coniungit. Nam in ellipsi quæ gignit sphæroides, axis quidem est inter diametros; diametrorum verò multæ sunt, diuersæ longitudinis, quilibet binos oppositos vertices coniungens.

XV. Quemadmodum curuis superficiebus segmentorum theor. 7. fecit æquales circulos planos: 8 æquæ valentes lineas rectas ostendit, comparabiles inter se diuersarum sectionum: sic etiam soliditati segmentorum assignare possumus non tantum conos æquales, ut theor 14. sed etiam plana æquivalentia, seu proportionis eiusdem comparabilia inter se diuersarum sectionum. *Vide authorem qui hæc exhibet.*

Episag. Sic segmenta conoidis parabolici sunt inter se in proportionem, quæ est inter quadrata axium. *Vide Arch. 16. p. sphaeroid.*

Coroll. 1. Segmenta segmentorum sphaeræ easdem habent leges, quoad corpora atinet, quæ supra fuerunt eiusdem generis segmentorum superficie in coroll. ad theor 7.

Coroll. Zona sphaeræ & sphæroidis, seu corpus annulare, contentum parte superficiei sphaeræ vel sphæroidis media, quæ zona dicitur, & superficie cylindrica intus, ita inuestigatur. A sphaera, vel sphæroide auferuntur bina segmenta æqualia, & cylinder zonæ æquæ altus, basibus iisdem cum segmentis ablati: remanetque corpus zonæ. Quod si zona non sit media globi, vel sphæroidis, sed inclinata ad polum seu verticem, auferuntur segmenta inæqualia, truncus coni, ut remaneat talis zona. Intelligitur autem zona, cui circum circa sit æquabilis

latitudo, & sub qua sit truncus conicus parallelarum basium: cuius dimensiones sequuntur.

XVI. Conus secatur variè: aut enim per verticem & basim, & id vel plano, vel superficie alia coni minoris habentis eundem verticem. In utroque casu segmenta coni æquè alta sunt vt eorum bases inter se. Verum est autem theor. II. sphæroid. de omni segmento verticali, iuxta quod coni, segmentique verticalis ad conum proportio componitur ex proportionibus basium inter se, & altitudinum inter se. *Vide plura apud authorem in hoc theormate.*

XVII. Segmenta cylindri recta, parallelis axi, superficiebus rescissa, sunt inter se, vt segmenta basis: segmenta verò, plano per axem transiente, dummodo non secet alteram basium, sunt vt segmenta axis inter se. *Vide etiam authorem hic, ubi explicat prædictas figuras.*

XVIII. Omnis aunulus sectionis circularis, vel ellipticæ, est æqualis cylindro, cuius altitudo æquat longitudinem circumferentiæ, quam centrum figuræ circumductæ descripsit, basis verò eadem est cum sectione annuli. *Vide coroll.*

XIX. Annulus strictus est æqualis cylindro, qui habet basim, circulum sectionis annuli, altitudinem æqualem circuli longitudini. *Vide coroll. & analogiam.*

Coroll. Globus est ad circulum strictum eodem circulo creatum, vt 7. ad 33. nam tertia pars semidiametri ducta in quadruplum circuli maximi, vel duæ tertiæ diametri in aream circuli maximi, creant cylindrum æqualem cubo. At cylinder æqualis stricto, habet basim quidem eandem: altitudinem verò, circumferentiam. Ergo vt circumferentia ad bessum diametri 33 ad 7. ita strictum ad globum.

XX. Zona Mali componitur ex zona globi, & segmento recto cylindri, cuius segmenti basis est segmentum, quod deficit in figura, quæ gignit Malum; altitudo verò, æqualis circulo, quem centrum segmenti maioris describit. *Vide 2. corollaria pro praxi geometrica.*

XXI. Corpus Citrij est differentia inter zonam globi, & dictum segmentum cylindri. *Vide 1. coroll.*

Coroll. 2. Sic corpus Oliuæ, vel Pruni elliptici est differentia inter zonam sphæroidis illic longi, hic lati & inter segmentum cylindri elliptici.

XXII. Zona Citrij truncati vtrinque æqualibus circulis, componitur ex corpore minoris Citrij quod creatur ab eodem circuli segmento, quo zona proposita creata est, & ex segmento cylindri cuius basis idem minus segmentum circuli: altitudo æqualis circumferentiæ circuli truncantis. *Vide coroll. 2 & episag.*

XXIII. Coni duo, creati à rectangulo scaleno: alter minori, saltem maiori latere eorum, quæ circa rectum, pro axe constitutis, sunt in proportionelaterum, quæ bases ipsis conis describunt.

XXIV. Sphæroides longum in inscriptum sphæroidi lato sic vt eadem habeant diametros, sed axes in iis permutatos, est ad sphæroides latum vt diameter breuior ad longiorem.

XXV. Segmentum globi ad Citrium eodem segmento circuli descriptum, videtur eam habere ptoportionem, quam habet diameter basis segmenti ad axem seu altitudinem segmenti.

XXVI. Si recta quædam sectionem conicam, & genitum ab illa segmentum sphæroidis, aut conoidis contigerit in circumferentia baseos, concurrens cum axe & circumductæ lineæ circa diametrum baseos immobilem, creauerint solida, contingens quidem conum, sectiones verò conicæ, prunum, Oliuam vel fusum, quælibet suum congenere. eadem verò contingens: circum ducta circa axem immobilem, creauerit conum alium: proportio dimidij Pruni vel Oliuæ ad segmentum sphæroidis, fusi verò ad suum conoides, proximè erit æqualis proportioni prioris coni, ad conum posteriorem.

XXVII. Si cuiuslibet trianguli latus alterum circa rectum angulum secetur, & in duo æqualia, & in proportionelaterum reliquorum: in angulo verò opposito concurrant sectiones conicæ variæ: communiter seipsas, & latus recto angulo oppositum, tangentes, vertices primarios in latere secto habentes: quæ sunt à summo ad medietatem, omnes erunt hyperbolæ: quæ in ipsam bisectionem incidit, parabole; quæ hinc vsque ad sectionem proportionalem, omnis generis ellipses rectæ: quæ in ipsam proportionalem incidit, circulus: quæ denique hinc vsque ad rectum angulum, omnis generis ellipses transuersæ erunt, in quibus vertex improprie dicitur, pro extremo axis breuioris. *Videantur 2. corollaria.*

XXVIII. Si quatuor species conicarum sectionum circulus, ellipses, parabola, hyperbolæ sese in communi vertice contingunt: pretereaque in duobus aliis punctis, æqualiter à vertice remotis, concurrunt, omnes in duobus punctis secantur ab omnibus, & circuli circumferentia intra sectiones est exteriùs, continet que ellipticas: hæ parabolicam: intimæ sunt hyperbolicæ, & ex iis interiores, quæ obtusiores, eademque suis asymptotis propriores.

XXIX. Si Citrium, Pruna, fusum parabolicum, fusa hyperbolica, & conus duplicatus, omnia truncata, habuerint eosdem circulos, tam truncantes, quàm medium corporum: Citrium erit maximum, reliqua eodem ordine magnitudinis corporum, quo hic sunt recensita.

XX X. Proportionem indagare segmentorum Citrij, Oliuæ, Pruni, aut fusi, factorum plano axi parallelo. *Placet autem his adere theormata quæ in gratiam doliorum statuit, postquam hocce 30. proposuit Snellio, vel alteri soluendum, cum illius solutionem se nescire fateatur.*

THEOREMATA.

Cylindrorum rectorum sectiones per axem, quæ diagonios habent æquales, nisi proportio diametri basis ad altitudinem fuerit, eadem, aut permutata, inæquales habent areas: estque inter has illius area maxima, quæ secat cylindrum æquealtum diametro suæ basis.

II. In truncis conicis reliqua omnia manent, nisi quod inter truncos proximos ab illo, qui latus diametro basis habuerit æquale, plus variatur arearum suarum proportio, quàm si cylindri pro truncis conicis essent, inter truncos remotiores minus.

III. Cylindrorum rectorum quorum sectiones habent eandem diagonium, corpora non habent inter se proportionem analogas proportionibus arearum, quibus secantur per axem: nec cuius est maxima secatrix area, eiusdem & corpus maximum est. *Vide proxim.*

IV. Omnium parallelepipedorum seu columnarum inscriptarum sphaeræ eidem, quæ binis ex opposito quadratis basibus constant, cubus est maximo corpore.

V. Omnium cylindrorum, diagonium eandem habentium, maximus & capacissimus est is, cuius diameter basis, est ad altitudinem in proportionem semidupla, seu vt latus tetragoni aut diagonios quadrati cubici ad latus cubi in eadem sphaera. *Videantur 2. corollaria, & admonitio.*

Definitio. Cylinder, & trunci coniugati dicantur, quando sectionibus utrorumque per axem fuerit eadem, vel æquales diagonij, & vt diameter basis cylindri ad eius altitudinem: sic diametri minoris basis truncorum ad eorum latera accliuia.

VI. Dato cylindri & trunci coniugati latere, vel basis minoris diametro, inuenire trunci coniugati lineas reliquas. Oportet autem proportionem lateris vel basis in cylindro ad datum latus vel basim trunci esse minorem proportionem diametri, & altitudinis cylindri iunctarum, ad diagonium.

VII. Si fuerit cylinder, & truncus conicus coniugati, & differentia diametrorum in basibus trunci secetur in proportionem, quam habent inter se quadrata, diametri basis, & altitudinis cylindri: erit hoc diame-

tri quadratum, æquale rectangulo, sub minore diametro trunci, & sub composita ex hac & segmento, quod diametro cylindri respondet.

Videantur 4. Corollaria practica.

VIII. In cylindro & trunco conico coniugatis altitudinum proportio componitur ex proportionem diametrorum in basibus, minori conici trunci & utrâque cylindri, & ex proportionem perpendiculi, ad latus accliuertunei.

IX. Si differentia diametrorum trunci secetur in proportionem laterum cylindri coniugati & addatur pars respondens diametro basis cylindri ad minorem, fiantque rectangula. 1 sub minore & maiore. 2 sub minore, & modo composita: proportio rectanguli primi, aucti tertia parte quadrati à differentia diametrorum, ad rectangulum secundum, & proportio altitudinis cylindri ad altitudinem trunci, in vnum composita, constituunt proportionem corporis trunci ad corpus cylindri coniugati. *Videantur 3. Corollaria, & pulchra analogia.*

X. In omni coniugatione, trunci per augmentum proportionis diametrorum tandem fiunt minores quacumque data quantitate solida.

XI. Cylinder æqualis trunco æquialto, basim habet compositam ex duarum basium trunci & earum medij proportionalis triëtibus singulis.

XII. Cylindri habentis altitudinem eandem cum trunco recto, & diagonion eandem, diameter basis est medium arithmeticum inter diametros basium trunci.

XIII. Excessus trunci, habentis eandem cum cylindro altitudinem, eandemque diagonion, proportionem ad illum habet, quam pars duodecima quadrati differentia ad quadratum de diametro cylindri. *Videatur Corollarium & analogia.*

XIV. Cylinder æqualis trunco & æquealtus, maiorem illo diagonion habet.

XV. Omnes proportionem diametrorum trunci locum habentes in coniugatione proportionis certa, locum etiam habent in coniugatione proportionis maioris.

XVI. Omnis cylinder, altior maximo, super eadem diagonio, habet ex cylindris maximo humilioribus, socium sibi æqualem, quem subcontrarium dicemus.

XVII. In vna qualibet coniugatione, quæ quadratum diametri habet minus, quàm duplum quadrati altitudinis, omnes trunci ab ipsa cylindro coniugato maiores, non obstante quod minuitur eorum altitudo, postea decrescunt iterum, semper adhuc maiores cylindro coniugato, quoad altitudinem habuerint maiorem, quàm cylinder coniugati subcontrarius.

XVIII. In coniugatione proportionis dupla minoris, truncus æqualis cylindro coniugato: habet altitudinem minorem altitudine cylindri, qui coniugati focus, eidemque æqualis est, coniugationis tamen diuersæ. *Vide corollarium.*

XIX. In omnibus coniugationibus truncorum, & cylindri, quibus diameter basis minoris est minor semidupla lateris accliuus, datur bis aliqua proportio diametrorum trunci, per quam truncus fiat æqualis cylindro ex omnibus coniugationibus maximo.

XX. Trunci variarum coniugationum eandem habentes inter se diametrorum proportionem, quo propius affecti fuerint altitudine cylindrum super eadem diagonio maximum, hoc erunt maiores; quo altiores illo, hoc minores.

XXI. Ex omnibus truncis coniugationis eiusdem, maximus est ille, qui habet altitudinem cylindri maximi subsemitriplam scilicet diagonij: Ab hoc verò fastigio cæteri omnes, tam qui altiores, quam qui humiliores, iterum decrescunt.

XXII. In coniugationibus, quæ quadratum diametri habent duplum quadrati altitudinis aut maius, trunci omnes sunt minores cylindro maximo, coniugato scilicet suo: & hoc tanto plus, quanto recefferimus à proportionem dupla. *Vide corollar.*

XXIII. Data proportionem diametrorum trunci, coniugationem inuenire, in qua talis truncus æquet cylindrum coniugationis maximæ.

XXIV. Data coniugatione, quæ quadratum diametri in basi cylindri, minus est duplo quadrati altitudinis, inuenire proportionem duas diametrorum, quæ truncos coniugationis eiusdem efficiat æquales cylindro maximo. *Hec duo, 23. & 24. Problemata Geometris proponit.*

XXV. Si diuersarum coniugationum trunci habuerint eandem inter se proportionem diametrorum, constituti super eadem diagonio, proportio corporum erit composita ex tribus elementis, ex proportionem cylindrorum coniugationis, & ex proportionibus cylindri cuiusque ad suum truncum coniugatum, prioris quidem cylindri euerfa, posterioris verò directæ. *Videantur 3. corollaria practica.*

XXVI. In dolijs, quæ sunt inter se figuræ similis proportio capacitarum est tripla ad proportionem illarum longitudinum, quæ sunt ab orificio summo ad imum calcem alterutrius orbis lignei. *Vide 2. corollaria pro structura virgæ ad doliæ mensuranda proposita.*

XXVII. Etiam binæ medietates dolij Austrici non planè fuerint similes, sed orbium ligneorum alter paulo minor & angustior reliquodummodo longitudo in mensoria sit eadem, insensibilis erit capacitarum in vtraque medietate differentia.

XXVIII. At si longitudo virgæ per vtrumque doli truncum non sit æqualis, quod vsu venit: medium proportionale inter vtramque virgæ longitudinem, id est medius inter duos ab vno & altera medietate notatos, sine errore pro indice capacitatis vsurpatur.

XXIX. Curuatura tabularum, seu buccositas inter orificium medium & orbem vtrumque ligneum, in dolio Austriaco nihil derogat indicio virgæ, in oblongis doliis auget capacitatem virgæ indicatam (per se quidem, cæteris paribus) in Curtis minuit. *Videatur vsus totius libri circa dolia, quorum mensuram Keplerus varijs modis inuestigat.*

TERTIA PARS. DE QVADRANDA PER FALSVM SIMPLEX PARABOLA.

Propositio prima.

I. **S**I quælibet figura plana grauitatem acciperet, tanta esset, quanta si nullam grauitatem accepisset.

II. Si quælibet duæ magnitudines eiusdem generis graues fierent; eandem inter se haberent proportionem, quam ante grauitatem habuissent.

III. Si duo quælibet grauia eiusdem generis extra suum locum posita. deinde sibi relictæ in eandem aliquam superficiem planam, quam finientem appello, caderent ad perpendicularum: duo verò quælibet grauia eiusdem generis suspensa non secundum sua centra grauitatis in terminis cuiusdam rectæ lineæ, quæ libra dicitur, in vno puncto, quod in ea sit, detentæ, ita vi proprii ponderis grauarent libram, vt ea æqualiter distaret à finiente: ea grauia inter se eandem, quam brachia libræ haberent proportionem: si qui ad contrarias partes attinent proportionis termini, antecedentes, & consequentes inter se comparentur. Brachia autem libræ dicimus duas illas partes, quæ inter punctum, in quo libra suspensa est, & terminos interijciuntur.

Lemma. Sit graue A B suspensum in puncto A, quod non sit eius centrum grauitatis: sit autem grauis A B centrum grauitatis C, quod quidem & punctum suspensionis A sit in eodem perpendiculo A H: & punctum perpendiculi, cui congruit C, sit D. Voco autem perpendicularum hîc generaliter rectam lineam, quam describit grauis naturaliter moti centrum grauitatis. Dico graue A B manere vt nunc.

IV. Grauium eiusdem generis pondera inter se sunt vt magnitudines. *Quibus positis sequentes propositiones Lucas demonstrat.*

Propositio prima.

- I. **S**I à cuiuslibet triaguli vertice recta linea ad medium basis cadat, omnem aliam rectam lineam lateribus interceptam nec basi parallelam sic secabit, vt pars propinquior basi sit maior reliqua.
- II. Omnem parabolam diameter bifariam diuidit, vtraque autem talium partium vocetur semiparabola.
- III. Si duæ parabolæ æquales diametros habuerint in directum inter se constitutas, & communem ordinatim applicatam: figuræ ex duabus semiparabolis compositæ diameter erit prædicta communis ordinatim applicata.
- IV. Omnem prædictam figuram diameter bifariam diuidit.
- V. Si sint duæ rectæ lineæ terminatæ: quocumque autem magnitudinum centra grauitatis fuerint in vna earum, totidem sint in altera: sint autem & magnitudine s, & partes prædictarum linearum, quæ à centris fiunt, binæ deinceps in eadem proportionem, sumpto ordine ab iisdem terminis: centra grauitatis duarum magnitudinum cuiusque ex iis, quæ ad eandem lineam pertinent compositarum centra grauitatis, prædictas lineas diuidunt in easdem rationes.
- VI. Omnium parabolarum diametri à centris grauitatis ipsarum figurarum in easdem rationes diuiduntur.
- VII. Omnis figuræ ex duabus semiparabolis compositæ, cuius diameter sit ad vtriusque parabolæ diametros æquales, & in directum inter se constitutas communis ordinatim applicata, centrum grauitatis est punctum illud, in quo dicta diameter sic diuiditur, vt pars quæ ad verticem, sit ad reliquam vt 5 ad 3.
- VIII. Omnis semiparabolæ centrum grauitatis est in ea recta linea, quæ diametro æquidistans basim ita diuidit, vt pars, quæ est ad curuam, sit ad reliquam, vt 5 ad 3.
- IX. Omnis parabola sesquitertia est trianguli eandem ipsi basim, & eandem altitudinem habentis.
- X. Quælibet parabolæ inter se proportionem habent, eosdem ipsis verticibus, & easdem bases habentium triangulorum.
- XI. Omnis parabola sesquitertia est trianguli eandem ipsi basim, & eandem altitudinem habentis.

Axioma. Si quodlibet graue secetur in duas partes vtriusque, contiguas autem eas aliqua causa teneat alterius ad alteram situ non mutato, earum partium simul centrum grauitatis esse in eodem puncto, in quo fuerat centrum grauitatis priusquam diuideretur. **FINIS.**



THEODOSII

MENELAI,

ET MAVROLYCI,

SPHÆRICA.



IX quidpiam Astronomi, & Cosmographi demonstrare possunt absque sphericorum librorum scientia; quapropter omnes libentissimè libros istos excipient, qui solidè de sphaericis agunt, quos libello concludi oportuit, ut passim à quopiam citari possint. Quibus ea præmitto quæ Pitiscus de triangulorum sphericorum dimensione suggerit in sua Trigonometria, quibus singuli problemata omnia soluant, quæ ad triangula tam plana quam spherica pertinent. Sequuntur ergo definitiones, & propositiones, quæ partim ex Euclidis elementis, partim ex aliis locis desumptæ sunt, ut ex Ptolomeo, Regiomontano, Copernico, &c.

Definitiones & propositiones Trigonometria.

I. **T**rigonometria est doctrina de dimensione triangulorum.

II. Triangulum est figura tribus lateribus tres angulos comprehendens.

III. Latera duo quælibet sunt crura anguli à se comprehēsi; tertium, basis.

IV. Latus vnumquodque dicitur subtendere angulum sibi oppositum.

V. Latera maiora maiores angulos subtendunt: & minora minores, & æqualia æquales.

VI. Anguli mensura est circuli ex angulari puncto descripti arcus, inter crura satis prolongata interceptus.

VII. Circulus omnis diuiditur in 360. gradus, gradus in 60. minuta, minurum in 60. secunda, &c. vsque infinitum. Quæ tanto sunt maiora, quanto circulus est maior, Arcus autem, qui eodem partium numero constant, in circulis æqualibus æquales, in inæqualibus similes dicuntur.

VIII. Hinc fit vt circuli dati quadrans sit arcus 90. partium.

IX. Arcus quadrante minoris complementum est, quod ipsi ad 90. gradus deest.

X. Arcus quadrante maioris excessus supra quadrantem est, quod ipsi supra 90. gradus adest.

XI. Semicirculus est arcus 180. partium.

XII. Arcus semicirculo minoris complementum est quod ipsi ad 180. partes deest.

XIII. Anguli per crucem oppositi sunt æquales.

XIV. Angelus est rectus, vel obliquus.

XV. Angelus rectus est, cuius mensura est quadrans.

XVI. Angelus obliquus est obtusus vel acutus.

XVII. Obtusus est cuius mensura est arcus quadrante maior.

XVIII. Acutus verò, cuius mensura quadrante minor est.

XIX. Angelorum complementa dicuntur, vt arcuum.

XX. Anguli quilibet super eadem linea vtrinque protensa concurrentes simul sumpti sunt æquales duobus rectis.

XXI. Igitur obliquorum super prædicta linea concurrentium alter est alterius ad duos rectos complementum.

XXII. Triangulum primò est laterum quorundam æqualium, vel in æqualium.

XXIII. Si sit æqualium quorundam laterum, perpendicularis à concursu laterum æqualium bisecat basim & angulum basi oppositum.

XXIV. Triangulum laterum quorundam æqualium est æquicrurum, vel æquilaterum.

XXV. Æquicrurum, est quod duo tantum habet latera æqualia.

XXVI. Estque ad basim æquiangulum, & contra.

XXVII. Æquilaterum est, quod omnia latera habet inuicem æqualia.

XXVIII. Estque æquiangulum, & contra.

XXIX. Triangulum secundò est rectangulum, vel obliquangulum.

xxx. Illud est quod vel vnum habet rectum.

xxxi. In rectangulis subtendens rectum specialiter hypotenufa dicitur: includentia verò rectum, perpendicularum, & basis.

xxxii. Obliquangulum, est quod omnes angulos habet obliquos.

xxxiii. Estque vel obtusangulum, vel acutangulum.

xxxiv. Illud est, quod habet vel vnum obtusum.

xxxv. Hoc autem quod omnes angulos habet acutos.

xxxvi. Triangulum denique est planum vel sphaericum, illud in plano, hoc in globo.

xxxvii. Trianguli plani sub Trigonometriam cadentis latera sunt tantum lineæ rectæ, de quibus propterea deinceps agendum est sequentibus septem propositionibus.

xxxviii. Linea recta in rectas parallelas incidens angulos similes, similiterque aut alternatim sitos facit: eapropter si plures rectæ in eandem rectam sint perpendiculares, sunt inuicem parallelæ.

xxxix. Si plures rectæ pluribus rectis parallelis interfecentur, intersegmenta sunt proportionalia.

xl. Si duæ rectæ in se mutuò ducantur, efficitur inde quadrangulum rectangulum.

xli. Rectangulum è tota vna & segmentis alterius simul sumptæ, sunt æqualia rectangulo ex vtraque tota.

xlii. Si quatuor rectæ sint proportionales, id est si se habeant ut prima ad secundam, ita tertia ad quartam, rectangulum mediarum æquatur rectangulo extremarum. Hinc fit ut datis tribus, detur quarta, cum quatuor rectæ sunt proportionales, rectangulum enim mediarum diuisum per extremarum alteram, relinquit alteram.

Deinde rectangula æqualia latera habent reciproce proportionalia hoc est, in rectangulis æqualibus habent sese ut latus minus rectanguli primi ad latus minus secundi, ita latus maius rectanguli secundi ad latus maius primi, & contra.

xliii. Si tres rectæ sint proportionales, id est, si secunda ad tertiam se habet ut prima ad secundam, quadratum mediæ æquatur oblongo extremarum.

xliv. Si recta bisecta continuetur, oblongum continuatæ & continuationis est æquale quadrato rectæ ex bisegmento & continuatione compositæ, minus quadrato bisegmenti, ex 6. prop. 2. Eucl. sed ad triangula reuertamur.

xlv. In triangulo plano parallela basi, crura secant proportionaliter.

xlvi. Si plura triangula comparentur, æquiangula habent latera circa æquales angulos proportionalia, & contra. Hoc autem theorema ex 4. 6. Eucl. sumptum est totius trigonometria fundamentum.

xlvii. Si plura triangula plana componantur, & rectis parallelis interfecentur, intersegmenta sunt proportionalia.

xlviii. Si trianguli plani quodcumque latus continuetur, angulus exterior per continuationem illam factus, est æqualis angulis duobus interioribus oppositis.

Hinc fit 1. non posse esse nisi unum rectum, vel obtusum in triangulo plano. 2. uno existente recto, vel obtuso, reliquos duos necessario acutos esse. 3. duorum quorumcumque tertium esse ad duos rectos complementum. 4. denique, cum duo triangula, binis angulis sunt aequiangula, profus esse aequiangula.

L. In triangulo plano rectangulo, latera includentia rectum æquè possunt hypotenusæ: per penult. i Euclid. *Hinc, datis lateribus qui buscumque duobus trianguli plani rectanguli, datur tertiam.*

L I. In rriangulo plano rectangulo latera includentia rectum ad hypotenusam sæpè sunt irrationalia, seu numero exacto datæ mensuræ inexplicabilia.

L II. In eodem, acutorum alter est alterius complementum.

L III. Si trangulum planum circulo sit inscriptum, anguli ad circumferentias oppositas sunt subdupli.

Vnde si latus trianguli plani circulo inscripti sit diameter, angulus illi oppositus est rectus.

Deindè si plura triangula plana eidem circuli segmento ad eandem basim inscribantur, sunt in fastigiis aequiangula.

L I V. Si duo triangula plana eidem circuli segmento ad eandem basim inscripta supernè connectantur, sic vt inde existat figura quadrilatera diagoniis intersecta: rectangulum diagoniorum est æquale rectangulis oppositorum laterum simul sumptis, ex Ptol. & Copern. *Nunc verò de sphericis triangulis loquamur.*

L V. Trianguli spherici latera sunt arcus circulorum maximorum sigillatim quadrantibus minores.

L VI. Circulus spheræ maximus est qui totam spheram in duo hemisphæria diuidit: adeoque à polis suis vndique per quadrantem circuli itidem maximi distat.

L VII. Si maximus spheræ circulus per maximi polos transeat, rectè eum secat, & contra.

L VIII. Mensura anguli spherici, si in circulo maximo accipiatur, est arcus circuli maximi ex angulari puncto descripti, inter crura quadrante tenus continuata interceptus.

L I X. Si anguli spherici crura continuata concurrant, semicirculos efficiunt, & comprehendunt angulum angulo prædicto & opposito æqualem.

L X. Triangulum sphericum quodlibet ex quouis angulari puncto habet oppositum sibi triangulum aliud, cuius basis est eadem, & angulus basi oppositus: reliquæ partes sunt partium prioris trianguli complementa.

L X I. Trianguli spherici latera in angulos, & contra, permu-
possunt:

possunt: complementis ad semicirculum pro latere & angulo maximo hinc inde sumptis.

LXII. Triangulum sphaericum rectangulum aut vnum habet rectum, aut plures vno.

LXIII. Vnum rectum, vel cum duobus acutis, vel cum duobus obtusis, vel cum obtuso, & acuto.

LXIV. Triangulum sphaericum rectangulum cum duobus acutis habet ex angulo recto oppositum sibi triangulum rectangulum cum duobus obtusis, & contra.

LXV. Trianguli sphaerici rectanguli cum duobus acutis latera singula sunt quadrantibus minora.

LXVI. Trianguli sphaerici rectanguli cum duobus obtusis latera duo sunt quadrantibus maiora: tertium quadrante minus.

LXVII. Triangulo sphaerico rectangulo cum acuto, & obtuso opponitur ex acuto triangulum rectangulum cum duobus acutis.

LXVIII. Trianguli sphaerici plures rectos habentis latera rectos subtendentia sunt quadrantes.

LXIX. Triangulum sphaericum plures rectos habens, habet tres, vel duos rectos: adeoque de lateribus, tres, vel duos quadrantes.

LXX. Si Trianguli sphaerici duos rectos habentis tertius angulus sit acutus, tertium latus est quadrante minus, sin obtusus, maius.

LXXI. Triangulum sphaericum obliquangulum aut constat ex puris acutis, vel obtusis: aut ex his vtrisque mixtis.

LXXII. Triangulo sphaerico pure acutangulo opponitur triangulum sphaericum cum duobus obtusis & vno acuto, & contra.

LXXIII. Triangulo sphaerico pure obtusangulo opponitur triangulum sphaericum cum duobus obtusis & vno acuto, & contra.

LXXIV. Trianguli sphaerici cuiuscumque, tres anguli sunt duobus rectis maiores.

Hæc sunt, quæ primo libro docet: Omissis autem quæ habet l. 2. de tabulis sinuum, tangentium, & secantium addo 6. axiomata proportionum l. 3. quibus docet triangulorum planotum solutionem. 4. postmodum allaturus l. 4. quibus sphaerica triangula solvantur: sic igitur habet pro triangulis rectangulis.

Axioma primum.

Vt hypotenusæ ad perpendicularum, ita radius ad sinum anguli perpendicularulo oppositi, & contra.

II. Vt basis ad perpendicularum, ita radius ad tangentem anguli perpendicularulo oppositi, & contra.

111. Vt basis ad hypotenusam, ita radius ab secantem anguli perpendiculari oppositi. *Iam pro triangulis planis vniuersis.*

1 v. Latera sinibus angulorum oppositorum directè sunt proportionalia.

v. Vt summa duorum laterum ad differentiam eorundem: ita tangens dimidij summæ duorum angulorum oppositorum, ad tangentem differentiæ infra vel supra dimidium.

vi. Vt latus maximum ad summam reliquorum laterum: ita differentia reliquorum laterum ad segmentum lateris maximi: quo dempto, in relictis dimidium perpendicularum cadit. Sequuntur axiomata 4 proportionum ad triangulorum sphaericorum solutionem sufficientia.

Axioma primum.

In triangulis sphaericis rectangulis pluribus, acutum ad basim eundem habentibus, sinus hypotenusarum & perpendicularum omnes sunt inter se proportionales.

In iisdem, sinus basium & tangentes perpendicularum omnes sunt inter sese proportionales.

11. In triangulis sphaericis vniuersis, sinus laterum sinibus oppositorum angulorum sunt directè proportionales.

1 v. In iisdem, Si duo latera sigillatim quadrantibus minora, primum ipsa inter sese, deinde latus minus cum complemento maioris componas: Et sinui arcus compositi posterioris sinum complementi arcus compositi prioris subtrahas, vel sinum excessus addas, vt est radius ad medietatem rectæ per illam siue subtractionem, siue additionem factæ: ita sinus versus anguli à dictis duobus lateribus comprehensi ad rectam, qua subtracta de sinu arcus compositi posterioris, relinquitur sinus complementi terij lateris, vel, de qua subtractus sinus arcus compositi posterioris relinquit sinum excessus tertij lateris. Quorum omnium plures casus, & exempla plurima apud Autorem videri possunt.

De vsu, & constructione canonis triangulorum.

His omnibus addo nonnulla ex eiusdem libro 2. & 5 quæ ad dimensionem triangulorum, & ad tabulas sinuum, tangentium, & secantium attinent, vt latera, vel anguli siue puri, siue mixti reperiantur, & ad calculum redigantur, capropter præcipua notanda subiicio.

i. Omnis dimensio triangulorum fit per regulam auream, quæ datis tribus numeris inter sese proportionalibus reperit quartum.

ii. Partes triangulorum, eorumque proportionales numero certo explicari debent, quod fieri nequit in vllorum angulorum mensura, nec

in sphaëricorum lateribus, nisi quidquid est curvilineum ad rectas lineas reducatur, cum proportio recti, & curvilinei necdum inuenta sit.

III. Hæc reductio fit definiendo quantitatem rectarum ad circulum applicatarum respectu radij: quæ sunt sinus recti & versi, & tangentes atque secantes: qua definitione tabulæ construuntur.

IV. Sinus rectus est semissis subtensæ dupli arcus, qui est eidem in arcu quadrante minori, & maiori vsque ad semicirculum: cum autem sinum rectum complementi audis, intellige complementi arcus quadrante minoris.

V. Sinus rectus est quæcumque perpendicularis ducta in diametrum ex altero arcus termino.

VI. Sinus rectus complementi est æqualis segmento diametri inter sinum rectum arcus, & centrum intercepti.

VII. Sinus versus est segmentum diametri inter sinum rectum & circumferentiam interceptum, qui est maior, cum est sinus arcus quadrante maioris, minor vero, minoris.

VIII. Tangens est recta perpendicularis ducta à secante in extremitatem diametri ad alterum arcus terminum.

IX. Secans est recta per alterum arcus terminum vsque ad summitatem tangentis ducta.

X. Cum autem nullæ tangentes, aut secantes possint esse arcuum quadrante maiorum; tabulæ sinuum rectorum, quæ solæ necessariae sunt, non ultra quadrantem extenduntur, cum arcum quadrante maiorum sinus sunt iidem qui minorum: at verò tabulæ sinuum versorum vsque semicirculum extendi possunt.

XI. Tabulæ vulgò construuntur ad singula prima minuta, Rhetico tamen ad decimas minutorum secundorum.

XII. Porro radius certarum partium assumi debet, ad quem omnes sinus secantes, & tangentes ferè irrationales sunt; quapropter nullæ tabulæ exactæ dari possunt: quæ tamen tales esse debent, vt nullus numerus absit à vero per integram earum partium, quarum radius est assumptus.

XIII. Vt nullus error committatur in tabularum constructione, & fractiones nullum negotium facessant, tantus radius assumatur, vt error in tot à sinistra numeris, quot in tabulis collocare volumus, nullus inesse possit, & numeri à dextra versus sinistram erronei post supputationem finitam abscindantur: vt cum Regiomontanus supputavit tabulas ad partes radij 6000000. sumpsit radium partium 60000000000. vt post supputationem quatuor notas abscinderet. Rheticus verò assumpsit radium partium 1000000000000000. vt haberet radium

partium 10000000000. & post suppurationem abscidit 5. notas de singulis sinibus à sinistra dextrorsum: autor verò radium partium 100000, tantum assumit.

xiv. Primò sinus recti arcuum quadrante minorum in iisdem partibus radij quærendi: ex quibus inuentis deducantur sinus versi, secantes & tangentes: illi autem sinus recti, è quibus alij deducuntur, dicuntur primarii, qui 3. statuuntur, nempe semisses laterum quadranguli, sexanguli, & decanguli circulo inscriptorum: id est, sinus graduum 45. 30. & 18. latus enim quadranguli æquè potest duobus radiis; latus sexanguli æquale est radio; & latus decanguli est maius segmentum radij proportionaliter secti: secatur autem recta quæcumque proportionaliter, cum segmentum maius ita se habet ad minus, vt tota ad segmentum maius.

xv. Reliqui verò sinus, qui secundarij vocantur, ex primariis reperiuntur per inuestigationem sinuum complementorum, arcuum dimidiorum, & duplorum, & sinuum summæ, vel differentiæ duorum arcuum inæqualium coniunctim quadrante minorum. Quibus positis addit in quinto libro compendia quædam canonis condendi, & vsurpandi, quæ sequuntur.

xvi. Differentia sinuum arcuum duorum à 60. gradibus hinc inde pariter distantium, est æqualis sinui distantiae: vnde sinibus datis 60. quorumque graduum, sinus reliquorum 30. per solam additionem, vel subtractionem reperiuntur.

xvii. Differentia tangentium duorum arcuum quadrantem simul adimplentium est dupla ad tangentem differentiae arcuum: quapropter datis tangentibus duorum arcuum quadrantem simul adimplentium, datur tangens differentiae duorum illorum arcuum, & contra,

xviii. Secans arcus est æqualis tangenti eiusdem arcus & dimidij complementi: eapropter datis tangentibus arcus & dimidij complementi, datur eiusdem arcus secans; & contra. Dato secante arcus, vna cum eiusdem arcus tangente, datur tangens dimidij complementi, ibi per additionem, hic per subtractionem.

xix. Secans arcus, cum tangente eiusdem, est æqualis tangenti arcus ex arcu dato & dimidio complemento compositi. Hinc data secante cuiuscumque, vnà cum tangente eiusdem, datur tangens ex arcu dato & dimidio complemento compositi. Et contra: data tangente arcus vna cum tangente arcus ex arcu dato, & dimidio complemento compositi, datur arcus primi secans. Ibi per additionem; hic per subtractionem.

xx. Vt sinus ad radium, ita radius ad secantem complementi.

xxi. Vt tangens ad radium, ita radius ad tangentem complementi.

Qui plura voluerit, legat *περὶ χείρων*, Vietæ, c. 19. l. 8. Responforum: hoc enim ante libros sphæricorum attuliffe fufficit, vt ea poffint intelligi quæ ad triangula, & ad eorum finus pertinent.

Eft & alius modus quo triangula per logarithmos foluantur, de quibus Neperus, & Keplerus fufè: fed via communis per tabulas finuum plerifque magis naturalis, & commodior effe videtur; id tamen habet commodi via logarithmica, vt folâ multiplicatione, & additione diuifionem in alia meihodo neceffariam fuppleat. Quidquid fit, vtrôque modo ex latetibus angulos, & ex angulis latera vel purè, vel mixtim affequimur; nam ex ſex in triangulo ſpectandis, nempe tribus lateribus, & tribus angulis, tribus quibuſlibet datis, tria reliqua facile innotefcunt. Hinc datorum in triangulo quocumque ſex ſpecies oriuntur: duæ puræ, ſcilicet vbi tria latera ſolùm, aut tres anguli ſolùm dantur: reliquæ 4. mixtæ ſunt, cum nempe duo latera, & angulus vnus datus eſt, qui vel datis lateribus comprehenditur, aut alterutro datorum laterum opponitur: aut cum duo anguli cum vno laterum dati ſunt, ſiue latus illud alterutri datorum angulorum opponatur, ſiue ei adiaceat: quæ ſphæricis præpoſuiſſe, *Theoſtime*, ſatis ſuperque fuerit,

Nunc autem Theodoſij, Menelai, atque Maurolyci ſphærica aggredior, quibus omnia complecti poſſis animo quæ ad ſingulos ſphæræ tam cœleſtis quam terrenæ circulos attinent, nihil vt eſſe poſſit in vtrôque mundo, ex quo ad mundi conditorem non exurgas.

THEODOSII SPHÆRICORVM ELEMENTORVM ex traditione Maurolyci.

LIBER PRIMVS.

DEFINITIONES.

- I. Sphæra eſt figura corporea vna quidem ſuperficie cõtenta, intra quam vnum punctorum exiſtit: à quo omnes lineæ protractæ, quæ illi ſuperficie occurrunt, ſunt ad inuicem æquales.
- II. Et punctum illud eſt ſphæræ centrum.
- III. Diameter ſphæræ eſt quælibet linea per centrum eius tranſiens ad ſuperficiem ſphæræ extremitates applicans.
- IV. Axis autem ſphæræ eſt diameter fixa, ſuper quam ſphæra circumuoluitur.
- V. Extrema verò axis poli dicuntur.

VI. Polus circuli punctum est in superficie sphæræ, à quo omnes rectæ lineæ ad circumferentiam circuli protractæ sunt ad inuicem æquales.

VII. Circulorum in sphæra à centro elongatio æqualis dicitur, cum perpendiculares, quæ à centro sphæræ ad circulorum superficies protrahuntur, ad inuicem sunt æquales.

VIII. Circulus magis remotus à centro est, super quem longior cadit perpendicularis.

IX. Superficies super superficiem inclinata dicitur, cum super communem sectionem superficierum quodlibet punctum signatur: à quo intraque duarum superficierum linea recta perpendiculariter erigitur.

X. Et tales duæ lineæ angulum continent acutum.

XI. Inclinatio autem est angulus, qui ab illis duabus rectis lineis continetur.

XII. Angulus inclinationis est differentia recti anguli ad angulum acutum.

XIII. Inclinationes autem superficierum æquales sunt, quæ angulos æquales dicto modo suscipiunt:

XIV. Maior verò inclinatio, quæ minorem suscipit angulum acutum, vel cuius inclinationis angulus maior est.

P E T I T I O.

Super quodlibet punctum in superficie sphæræ ad datum spatium circulum describere. Vnde punctum illud erit polus circuli.

Propositio Prima.

Cum sphæræ superficiem secat aliqua planâ superficies, sectio facta in superficie sphæræ circulus est.

Corollarium.

Ex hoc itaque manifestum est, quod centrum omnis circuli, signati in sphæra, aut est centrum sphæræ: aut punctum, cui occurrit perpendicularis ducta à centro sphæræ ad superficiem circuli.

Propos. II.

Sphæræ propositæ centrum inuenire.

Cor. Manifestum igitur ex hac est, quod si à centro cuiuslibet circuli in sphæra signati linea perpendicularis ad eius superficiem educatur utrinque ad sphæricam usque superficiem, necesse est eam per centrum ipsius sphæræ transire.

Propos. III.

Si sphæram plana superficies contingat: in vno tantum puncto contingere necesse est.

Vnde manifestum est, quod signatis duobus punctis in superficie sphæræ: linea recta coniungens signata puncta cadit intra superficiem sphæræ.

Prop. IV.

Sphæram plana superficie contingente, si à puncto contactus ad centrum sphære recta linea ducatur, necesse est eam supra superficiem contingentem stare perpendiculariter.

Prop. V.

Si sphæram plana superficies contingat: à puncto autem contactus recta linea ad contingentem superficiem perpendiculariter inter sphæram ducatur, in eadem centrum sphære esse necesse est.

Prop. VI.

Si in sphæra plures circuli fuerint signati: Qui per centrum sphære transierit, omnibus erit maior. Reliquorum autem, hi quidem, quorum longitudo à centro æqualis fuerit erunt æquales: At cuius longitudo maior fuerit, erit minor,

Prop. VII.

Omnis circulus maior in sphæra signatus transit per centrum sphære: Et circulorum minorum æqualium æquales sunt à centro sphære longitudo. Minoris autem eorum maior erit longitudo.

Prop. VIII.

Si in sphæra circulus, qui per eius centrum non transeat, signetur: & à centro sphære ad centrum circuli recta linea ducatur, necesse est eam super circuli signati superficiem esse perpendicularem.

Prop. IX.

✦ Omnis perpendicularis ducta à centro sphære ad superficiem cuiuslibet circuli in sphæra signati, cum in ambas partes producitur, transit per polos ipsius circuli.

Prop. X.

✦ Omnis perpendicularis à centro cuiuslibet circuli in sphæra signati in vtramque partem egressa per polos ipsius circuli transire ex necessitate conuincitur.

Prop. XI.

✦ Omnis linea recta continuans alterum duorum polorum cuiuslibet circuli signati in sphæra cum centro ipsius, ad eius superficiem perpendicularis esse probatur.

Prop. XII.

✦ Omnem perpendicularem ab alterutro duorum polorum alicuius circuli in sphæra signati ad ipsius superficiem ductam in centrum eius cadere necesse est, eamque, si in continuum & directum protrahatur, reliquo polo eiusdem circuli obuiare necesse est.

Prop. XIII.

✦ Omnis recta linea continuans duos polos alicuius circuli in sphæra

signati super ipsum perpendicularis esse, ac per eius centrum & centrum sphæræ transire probatur;

Prop. XIV.

✚ Omnis recta linea, quæ alterum duorum polorum alicuius circuli in sphæra signati cum centro sphæræ continuat, si quousque ex altera parte superficiæ sphæræ obuiet, protrahatur, super reliquum polum ipsius circuli cadere ex necessitate conuincitur.

Manifestum ergo est quod omnis circulus maior transiens per alterum polorum alicuius circuli in sphæra signati transit per reliquum.

Prop. XV.

✚ Omnis recta linea à centro sphæræ ad centrum cuiuslibet minoris circuli in sphæra signati protacta, cum in ambas partes quod superficiæ sphæræ obuiet producit, supra polis ipsius circuli cadere necessario comprobatur.

Prop. XVI.

Omnes circuli maiores in sphæra diuidunt se inuicem per æqualia.

Prop. XVII.

Omnes circuli in sphæra se inuicem per æqualia diuidentes, sunt maiores.

Prop. XVIII.

Omnis circulus maior secans alium circulum in sphæra orthogonaliter secat, eum per æqualia, & transit per polos eius.

Prop. XIX.

Omnis circulus maior secans aliquem ex circulis minoribus sphæræ per æqualia, secat eum orthogonaliter, & transit per polos eius.

Prop. XX.

Omnis circulus maior transiens per polos alicuius circuli signati in sphæra, secat eum per æqualia, & orthogonaliter.

Prop. XXI.

Omnis circulus maior, per cuius polos transit alius circulus maior in sphæra, transibit vicissim & per polos illius.

Prop. XXII.

Omnis circulus transiens per polos alicuius alterius circuli signati in sphæra est circulus maior, & secat eum per æqualia & orthogonaliter.

Prop. XXIII.

Omnis circulus secans aliquem ex circulis, qui in sphæra sunt, per æqualia, & orthogonaliter, est circulus maior, & transit per polos eius.

Prop. XXIV.

Omnis circulus in sphæra signatus à cuius utrolibet polo perpendiculariter

cularis ad ipsum ducta æqualis est semidiametro eius, est circulus maior.

Lemma.

Si à puncto in diametro circuli signato ducatur ad peripheriam recta linea æqualis utrilibet portionum diametri punctum signatum erit centrum circuli.

Prop. XXV.

† Omnis recta linea, quæ à polo alicuius maioris circuli in sphæra signati ad ipsius peripheriam protrahitur, est æqualis lateri quadrati in eodem circulo designati.

Prop. XXVI.

Omnis circulus in sphæra signatus à cuius polo ad ipsius peripheriam linea protracta æqualis est lateri quadrati, quod in eo describitur, est circulus maior.

Prop. XXVII.

Omnis circulus, à cuius polo recta linea ad ipsius peripheriam ducta est æqualis lateri quadrati maiori circulo in sphæra signato inscripti est circulus maior.

Prop. XXVIII.

Proposita sphæra, circuloque in ea dato, rectam lineam æqualem diametro ipsius circuli exponere.

Prop. XXIX.

Data sphæra rectam lineam diametro ipsius æqualem exponere.

Prop. XXX.

Si à polo alicuius circuli in sphæra signati recta linea ad sphære superficiem ducatur, quæ sit æqualis lineæ ab eodem polo super circuli ipsius peripheriam descendenti, necesse est eam in eiusdem circuli peripheriam terminari.

Prop. XXXI.

Quibuscumque duobus punctis in sphære superficie datis, circulum maiorem, qui per ea transeat, designare.

Prop. XXXII.

Circuli in sphæra signati polum inuenire.

Ex hoc autem manifestum, est quod omnium circularum maiorum in sphæra descriptorum, quicumque transit per polos alterius: & reliquis quoque versa vice transibit per polos ipsius. Amplius autem omnes maiores circuli orthogonaliter se inuicem secantes uterque per alterius polos transcunt.

Prop. XXXIII.

In sphære superficie, puncto signato, si ab eo in alicuius circuli in eadem sphæra descripti peripheriam plures, quàm duæ rectæ lineæ ductæ fuerint æquales: punctum illud polum eiusdem circuli esse necesse est.

Æquales sibi inuicem sunt cuncti circuli in sphæra signati, à quorum polis rectæ lineæ ad ipsorum peripherias fuerint æquales. Contra & in circulis æqualibus in sphæra signatis rectæ lineæ à polis ad peripheriam terminatæ sunt ad inuicem æquales.

LIBER SECVNDVS

THE ODOSII DEFINITIO.

Circuli in sphæra se inuicem contingentes dicuntur, quorum communis sectio est vtrumque contingens.

Propositio prima.

† Quicumque circuli in sphæra sunt æquidistantes, eosdem polos habere probantur.

Probl. II.

† Quicumque circuli in sphæra habent eosdem polos, sunt æquidistantes.

Propof. III.

† Circuli æquales & æquidistantes in sphæra non erūt, nisi duo tantum.

Propof. IV.

† Omnes duo circuli in sphæra secantes super vnum idemque punctum aliquem circulum maiorem per amborum polos transeuntem, in eodem puncto inuicem sese contingent.

Propof. V.

† Omnis maior circulus in sphæra transiens per polos duorum circulorum sese contingentium transibit per locum contactus.

Propof. VI.

† Duobus circulis se inuicem in sphæra contingentibus, circulus maior, qui transit per polos vnius eorum, & per punctum contactus, transit etiam per polos alterius.

Propof. VII.

† Omnis circulus maior contingens aliquem circulum in sphæra, contingit alium ei æqualem & æquidistantem.

Propof. VIII.

Si fuerint in sphæra duo circuli æquales & æquidistantes: Quicumque circulus maior vnum eorum contingit, alterum quoque contingere necessario probatur.

Propof. IX.

Omnes duo circuli æquidistantes in sphæra, quos aliquis maior

circulus contingit, sibi inuicem sunt æquales.

Propos. X.

Omnis maior circulus super alium circulum maiorem in sphaera inclinatus contingit duos circulos æquales ad inuicem : eique super quem inclinatur æquidistantes.

Propos. XI.

Omnis circulus maior contingens aliquem circulum signatum in sphaera inclinatus est super maiorem circulum, cui æquidistat circulus quem contigit.

Propos. XII.

✚ Omnis circulus maior transiens per polos duorum circulorum se inuicem in sphaera secantium, diuidit vtrasque portiones eorum per æqualia.

Propos. XIII.

Duobus quibuscumque circulis se inuicem in sphaera quomodolibet secantibus, quicumque circulus diuidit vtrasque portiones eorum per æqualia, est circulus maior, & transit per polos eorum.

Propos. XIV.

Si circulus maior secet per æqualia singulas duas portiones circulorum duorum se inuicem in sphaera secantium, portiones, inquam, siue eiusdem, siue diuersorum circulorum, arcum tamen habens inter tales portiones minimè semicirculo æqualem : idem reliquas duas eorundem portiones per æqualia singulas secabit per ipsorum polos incidens.

Propos. XV.

Si in sphaera fuerint circuli æquidistantes, per quorum polos circuli maiores ducantur. Arcus circulorum æquidistantium, qui sunt inter circulos maiores, erunt similes : Et arcus circulorum maiorum, qui sunt inter circulos æquidistantes, erunt æquales.

Propos. XVI.

Si supra diametros circulorum æqualium æquales circulorum portiones super ipsos circulos orthogonaliter erigantur : super quas duo puncta eas per inæqualia sed æqualiter diuidentia signentur, quæcumque rectæ lineæ æquales ad inuicem ab his punctis in circulorum peripherias descendunt, separant ex eis à diametrorum extremitatibus æquos arcus : Et lineæ, quæ à diametrorum extremis ex eis separant æquos arcus, sibi inuicem sunt æquales.

Propos. XVII.

Circulo minore proposito, punctoque in eius peripheria signato, circulum maiorem, qui ipsum super punctum signatum contingat describere.

Propos. XVIII.

Si in sphaera fuerint plures circuli æquidistantes, vnum quorum duo circuli maiores contingant. & reliquos secant, Erunt portiones circulorum æquidistantium, quæ sunt inter medietates circulorum duorum, quæ non concurrunt, similes: Et portiones circulorum maiorum, quæ sunt inter circulos æquidistantes, erunt æquales.

Propos. XIX.

Dato circulo minore in sphaera, punctoque sphaeræ in superficie inter ipsum & alium sibi æqualem, & æquidistantem assignato, maiorem circulum, qui per signatum punctum transeat, circulumque datum contingat describere.

Vnde manifestum est, quod per punctum in superficie sphaeræ signatum inter duos circulos æquales & æquidistantes possunt semper describi duo circuli maiores, qui contingant dictos æquidistantes.

Propos. XX.

Omnes circuli maiores ex circulis æquidistantibus in sphaera inter se arcus similes separantes, aut transeunt per polos ipsorum, aut contingunt vnum & eundem ex illis æquidistantibus.

Propos. XXI.

Omnes circuli æquidistantes in sphaera, quos secat aliquis circulus maior, separantes à duabus partibus circuli maioris, qui est vnus ex æquidistantibus, æquos arcus ex circulo secante sibi inuicem sunt æquales. Qui autem ex eis maiorem arcum separat, minor esse conuincitur.

Propos. XXII.

Quicumque circuli in sphaera sunt æquales & æquidistantes, separant ex omni circulo maiori, qui secat eos, à duabus partibus maioris circuli, qui est vnus ex æquidistantibus, æquos arcus. Qui autem est maior, minorem.

Propos. XXIII.

Omnis circulus maior secans circulos quotlibet æquidistantes in sphaera, & inclinatus super ipsos diuidit eos omnes in duas partes inæquales, præter circulum maiorem, qui eis æquidistat: vnaquæque autem portionum apparentium, quæ sunt inter circulum maiorem ex æquidistantibus & polum manifestum, est semicirculo maior. At verò quælibet earum, quæ sunt inter eundem circulum maiorem & polum occultum, est semicirculo minor. Coalternæ autem portiones circulorum æquidistantium & æqualium sunt ad inuicem æquales.

Propos. XXIV.

Si circulus maior in sphaera secet quemlibet æquidistantium circulorum per quorum polos ipse non transit, erunt portiones eorum ap-

parentes inter circulum maiorem ex æquidistantibus & polum manifestum interceptæ, quæ polo propinquiore existunt, maiores portionibus similibus, portionibus quæ ab eodem polo remotiores existunt.

Prop. XXV. Si in sphaera maiores circuli super alios maiores circulos fuerint inclinati, quorum poli altiores fuerint à superficiebus circularum super quos inclinantur, eorum erit inclinatio maior. Quorum autem poli æquè alti fuerint, eorum inclinationes necesse erit esse æquales.

Et manifestum est simul quod si circularum maiorum in sphaera super alios circulos inclinatum poli æquè remoti sunt à polis eorum, super quos inclinantur: eorum inclinationes æquales erunt: cuius verò polus vicinior fuerit polo eius, super quem inclinatur, eius inclinatio maior erit.

E contrario verò, quorum inclinatio maior fuerit: Eorum poli altiores erunt à superficiebus circularum, super quos inclinantur: Quorum autem inclinationes æquales fuerint, eorum polares altitudines æquales esse necesse est.

Æquas circularum inclinationes æquales polorum distantie: Et maiorem inclinationem maior polorum vicinitas sequetur.

Propos. XXVI. Circuli maiores in sphaera super circulum maiorem, cuius æquidistantem circulum tangunt, æqualiter inclinantur. Et si circuli maiores super circulum maiorem æquè inclinati sunt, contingit circulum ei, super quem inclinati sunt, æquidistantem. Qui autem maiorem æquidistantem contingit, magis inclinatur. Et qui magis inclinatur, continget maiorem æquidistantem.

Propos. XXVII.

✦ Circularum maiorum in sphaera super aliquem circulum maiorem æqualiter inclinatum poli sunt in periphèria circuli æquidistantis ei, super quem inclinantur. Contra, si circularum maiorum poli sint in periphèria circuli æquidistantis ei, super quem inclinantur, æquales erunt eorum inclinationes.

Propos. XXVIII.

Si supra diametrum circuli portio quælibet circuli orthogonaliter erigatur, cuius periphèria in duo inæqualia secetur: & à puncto sectionis ad periphèriam circuli supra quem ipsa erecta est, plurimæ rectæ lineæ protrahantur: Tunc ex eis, quæ minori arcui ipsius portionis subtrahitur, omnium erit minima: Quæ autem maiori, omnium erit maxima. Ceteræ autem tanto maiores erunt, quanto à minima remotiores: tanto breviores, quanto eidem propinquiore. Duæ verò utrinque ab eadem æqualiter distantes erunt ad invicem æquales.

Propos. XXIX.

Si circulum recta linea præter centrum secet, super quam portio circuli non maior semicirculo ad ipsum circulum orthogonaliter erigatur: & huius portiones peripheria in duo inæqualia diuidatur: & à puncto diuisionis ad maiorem arcum circuli, super quem portio ipsa erigitur, plurimæ rectæ lineæ demittantur: tunc ex eis, quæ minori arcui portiones subtenditur, omnium erit breuissima: Quæ autem terminat diametrum transeuntem per punctum, in quo perpendicularis à puncto diuisionis portiones descendens ad planum circuli plano ipsi occurrat, omnium erit longissima; earum verò, quæ inter extremitatem minoris arcus, & huius diametri cadent, semper propinquior extremitati minoris arcus breuior erit. At verò earum, quæ inter extremitatem eiusdem diametri & extremitatem maioris arcus ceciderint, illa quæ maiori arcui subtenditur, erit omnium breuissima, eique semper vicinior, breuior erit.

Prop. XXX.

Si ex circulo linea recta portionem semicirculo non minorem abscindat, super quam describatur portio circuli semicirculo non maior, quæ inclinata sit super portionem semicirculo non maiorem: At arcus huius portiones inclinatæ in duo inæqualia diuidatur, ac etiam à puncto diuisionis ad arcum portiones semicirculo non minoris plurimæ rectæ lineæ demittantur, tunc ex eis quæ minori arcui portiones inclinatæ subtenditur, omnium erit breuissima. Quæ autem diametrum terminat transeuntem per punctum in quo perpendicularis à puncto diuisionis descendens in superficiem circuli, ipsi superfici ei occurrat, omnium erit longissima. Earum verò, quæ inter extremitatem huius diametri, & minoris arcus cadent, semper vicinior extremo minoris arcus breuior erit. At verò earum, quæ inter extremitatem eiusdem diametri, & maioris arcus ceciderint, illa quæ maiori arcui subtenditur, erit omnium breuissima, eique semper propior breuior erit.

Prop. XXXI.

Si in spheræ superficie intra circuli cuiuscumque peripheriam punctum præter polum signetur, & ab eo ad ipsam peripheriam plurimi arcus circulorum maiorum ducantur, tunc ex eis qui per circuli polum transferit, omnium erit maximus: qui verò ei adiacet, omnium erit minimus. Cæterorum autem, quanto quilibet maximo transeunti per polum propinquior, tanto maior: duo verò ab eodem, siue à breuissimo vtrique æqualiter distantes, inuicem æquales erunt.

Prop. XXXII.

Si in spheræ extra cuiuslibet circuli peripheriam punctum præter

polum signetur : & ab eo ad peripheriam circuli plurimi arcus circulo-
rum maiorum ipsum secantes ducantur : Tunc ex eis, qui per circuli po-
lum transferit, omnium erit maximus. Qui verò ei adiacet propinquior,
semper maior erit. Partialium autem arcuum extrinsecorum periphe-
riæ applicatorum, qui transeuntis per polum pars est, erit omnium
breuissimus : Qui verò ei magis appropinquat, breuior est. Duoque
demum à breuissimo, aut longissimo æqualiter vtrunque remoti æquales
erunt.

Propos. XXXIII.

Si quem circulum in sphaera quilibet maior circulus contingat, ac
sui æquidistantem inter ipsum & sphaeræ centrum cadentem idem cir-
culus maior secet : fueritque vnus duorum polorum huius circuli ma-
ioris inter duos prædictos æquidistantes interceptus : Tunc quicumque
maiores circuli illum duorum æquidistantium, qui positus est secari,
contingunt, sunt super primum maiorem circulum inclinati : eritque
illius, qui contingit ipsum punctum super punctum medium minoris
portionis, maxima inclinatio, & minima altitudo : eius autem, qui con-
tingit ipsum super punctum medium maioris portionis, erit inclinatio
minima, & maxima altitudo. Cæterorum autem, quanto punctum
contactus vicinius erit puncto medio portionis minoris, tanto erit in-
clinatio maior, & minor altitudo. Duorum verò, quorum contactus à
medio puncto ipsius minoris portionis æqualiter distant, erunt & incli-
nationes & altitudines æquales. Poli autem omnium horum circulo-
rum contingentium super peripheriam vnus circuli duobus primis
æquidistantibus æquidistantis, ac vtraque eorum minoris necessario
erunt.

Propos. XXXIV.

Si quem circulum in sphaera quilibet circulus maior contingat, &
illius æquidistantem inter ipsum & sphaeræ centrum cadentem idem
circulus maior secet, fueritque vnus duorum polorum huius maioris
circuli inter duos prædictos æquidistantes interceptus ; tunc quicum-
que duo maiores circuli illum duorum æquidistantium, qui positus est
secari, contingunt super duo puncta à locis, in quibus maiorem cir-
culum secant primum, æqualiter distantia, sunt super ipsum maiorem
circulum æqualiter inclinati.

THEODOSII SPHÆRICORVM,

LIBER TERTIVS.

Propositio prima.

CVm in sphaera duo circuli maiores se inuicem secant: si ab alterutra duarum sectionum ex utroque eorum duo arcus aequales ad inuicem, quos punctum commune sectionis eorum continuet, separentur, tunc rectas lineas, quæ eorum extremitates continuant, oportet esse inter se æquales.

Propos. II. Si duo circuli magni in sphaera se inuicem secent: ex vno quorum separentur duo arcus æquales, qui continuentur ad vnā duarum sectionum: & protrahantur duæ superficies æquidistantes per extremitates duorum arcuum separatorum, abscindentisque ex reliquo circulo à puncto dictæ sectionis duos arcus minores duobus prioribus: fueritque altera istarum duarum superficierum æquidistantium, concurrans cum communi sectione duorum circularum extra sphaeram à parte illius puncti, ad quem continuantur arcus separati: Tunc erunt arcus, quos hæ duæ superficies separant de circulo secundo à duabus partibus puncti sectionis inæquales: maiorque eorum erit arcus, qui est inter communem sectionem & superficiem, quæ cum communi prædicta planorum circularium sectione non concurrat.

Propos. III.

Si circulus maior in sphaera fuerit super alium circulum maiorem inclinatus: fuerintque duo arcus circuli inclinati æquales continui separati per tres circulos æquidistantes ab eadem parte maioris circuli, qui eis æquidistat: tunc erunt duo arcus circuli maioris transeuntis per polos circularum æquidistantium, & circuli inclinati, quos iidem æquidistantes separant, inæquales, maiorque eorum erit, qui propinquior fuerit circulo maiori ex circulis æquidistantibus.

Propos. IV.

Si circulus maior in sphaera fuerit super alium circulum maiorem inclinatus: fuerintque ex vna qualibet quarta circuli inclinati, cuius principium sit alterutra duarum sectionum duo arcus æquales continui separati: tunc arcus circularum magnorum à polo alterius per extremitates duorum arcuum separatorum in ipsius peripheriam

descen-

descendentes ex ipsa peripheria arcus inæquales abscindent: quorum ille erit maior, qui erit ab eorum communi sectione remotior.

Prop. V.

✚ Si super maiorem circulum in sphaera contingentem duos circulorum æquidistantium fuerit alius maior circulus inclinatus, contingens duos eorundem circulorum æquidistantium prædictis duobus maiores, fuerintque loca contactuum super primum circulum maiorem, ex circulo autem inclinato separati fuerint duo arcus æquales continui ab eadem parte circuli maioris ex æquidistantibus: tunc tres circuli æquidistantes transeuntes per extremitates duorum arcuum separatorum separabunt ex primo circulo maiore arcus inæquales, quorum qui propinquior erit maiorum circulorum æquidistantium, erit maior.

Prop. VI.

✚ Si super circulum maiorem in sphaera contingentem duos circulorum æquidistantium fuerit alius maior circulus inclinatus contingens duos eorundem æquidistantium prædictis duobus maiores, fuerintque loca contactuum super primum circulum maiorem: ex circulo autem inclinato separati fuerint duo arcus æquales continui ab eadem parte circuli maioris ex æquidistantibus: tunc tres circuli maiores contingentes duos primos æquidistantes, quos contingit circulus maior primus, transeuntes per extremitates duorum arcuum separatorum separabunt ex circulo maiore circulorum æquidistantium duos arcus inæquales, quorum qui propinquior erit circulo maiori primo, maior erit.

Prop. VII.

Si circulus maior in sphaera fuerit super alium maiorem circulum inclinatus: fuerintque duo arcus circuli inclinati æquales non continui separati per quatuor circulos æquidistantes ab eadem parte maioris circuli qui eis æquidistant: Tunc erunt duo arcus circuli maioris transeuntis per polos circulorum æquidistantium, & circuli inclinati quos æquidistantes separant, inæquales: maiorque eorum erit, qui propinquior fuerit circulo maiori ex æquidistantibus.

Prop. VIII.

Si circulus maior in sphaera super alium maiorem circulum fuerit inclinatus: fuerintque ex vna qualibet quarta circuli inclinati, cuius principium sit alterutra duarum sectionum duo arcus æquales non continui separati: tunc arcus circulorum magnorum à polo alterius per extremitates horum duorum arcuum in ipsius peripheriam descendentes ex ipsa peripheria arcus inæquales abscindent: quorum ille

erit maior, qui est ab eorum communi sectione remotior.

Prop. IX.

Si super circulum maiorem in sphæra contingentem duos circulorum æquidistantium fuerit alius maior circulus inclinatus contingens duos eorundem circulorum æquidistantium, prædictis duobus maiores: fuerintque loca contactuum super primum circulum maiorem, ex circulo autem inclinato separati fuerint duo arcus æquales non continui ab eadem parte circuli maioris ex æquidistantibus: tunc quatuor circuli æquidistantes transeuntes per extremitates duorum arcuum separatorum, separabunt ex primo circulo maiore duos arcus inæquales: quorum, qui propinquior maiori circulo æquidistantium, erit maior.

Prop. X.

Si super circulum maiorem in sphæra contingentem duos circulorum æquidistantium fuerit alius maior circulus inclinatus contingens duos eorundem æquidistantium prædictis duobus maiores: fuerintque loca contactuum super primum circulum maiorem: ex circulo autem inclinato separati fuerint duo arcus æquales non continui ab eadem parte circuli maioris ex æquidistantibus, tunc quatuor circuli maiores contingentes duos primos æquidistantes, quos contingit circulus maior primus, transeuntes per extrema duorum arcuum separatorum, separabunt ex circulo maiore circulorum æquidistantium duos arcus inæquales, quorum, qui propinquior erit circulo maiori primo, maior erit.

Prop. XI.

Si polus circulorum æquidistantium supra lineam continentem circulum maiorem fuerit, & secuerint hunc circulum duo circuli maiores orthogonaliter: quorum vnus sit ex circulis æquidistantibus, & alter sit inclinatus super circulos æquidistantes. & signata fuerint supra circulum inclinatum duo puncta qualitercumque contingat in vna & eadem parte à circulo maiore, qui est ex circulis æquidistantibus, & producti fuerint circuli maiores à polo per puncta signata, tunc erit proportio arcus circuli maioris ex æquidistantibus cadentis inter circulum primum maiorem, & sibi propinquum per eosdem polos, & vnum punctorum signatorum productum ad arcum circuli inclinati inter eosdem circulos interceptum maior, quam proportio arcus circuli maioris ex æquidistantibus cadentis inter circulos productos per puncta signata ad arcum circuli inclinati inter signata puncta recepti.

Prop. XII.

Si polus circulorum æquidistantium fuerit supra lineam continen-

rem circulum maiorem : & secuerint hunc circulum duo circuli maiores orthogonaliter : quorum vnus sit ex circulis æquidistantibus, & alter super eos inclinatus : Et fuerit alius circulus maior secans circulum inclinatum inter circulum maiorem ex æquidistantibus, & inter circulum, quem circulus inclinatus cōtingit ex ipsis æquidistantibus, & fuerit transiens per polos æquidistantium, tunc proportio diametri sphaeræ ad diametrum circuli, quem contingit circulus inclinatus, erit maior proportionē arcus circuli maioris æquidistantium cadentis inter circulos, qui per polos æquidistantium ab arcum circuli inclinati inter eosdem circulos interceptum.

Prop. XIII.

Iisdem suppositis, proportio diametri sphaeræ ad diametrum circuli ex æquidistantibus, transeuntis per sectionem vltimi circuli maioris, & circuli inclinati, erit minor proportionē arcus circuli maioris æquidistantium cadentis inter circulos, qui polos per æquidistantium ad arcum circuli inclinati inter eosdem circulos clausum.

Prop. XIV.

Cum in sphaera fuerint duo circuli maiores contingentes vnum & eundem circulum ex circulis æquidistantibus, & separauerint inter se ex circulis æquidistantibus arcus similes. Et fuerit alius arcus circulus maior inclinatus super circulos æquidistantes contingens duos circulos maiores duobus circulis, quos duo primi circuli contingebant, & secuerit ipsos duos circulos primos inter circulum maiorem ex æquidistantibus, & circulum, quem contingunt duo primi circuli : tunc proportio diametri sphaeræ ad diametrum circuli, quem contingit circulus inclinatus, est maior, quàm proportio arcus circuli maioris ex circulis æquidistantibus cadentis inter circulos primos, qui contingunt eundem circulum, ad arcum circuli inclinati inter eosdem circulos interceptum.

Prop. XV.

Cum circuli æquidistantes in sphaera fuerint, separantes ex aliquo circulo maiore arcus æquales ab ea parte, quā sequitur circulus maior, qui est ex æquidistantibus : & descripti fuerint circuli maiores per arcuum separatorum terminos qui aut transeant per polos circulorum æquidistantium, aut contingant vnum & eundem circulum ex æquidistantibus, tunc ipsi separabunt ex circulo maiore æquidistantium angulos æquales : Et ipsorum arcus à maiore æquidistantium hinc inde ad minores recepti sunt æquales.

Prop. XVI.

Cum in sphaera tetigerit circulus maior aliquem ex circulis æquidi-

stantibus, qui sunt in sphaera: & fuerit circulus alius inclinatus super circulos æquidistantes contingens duos circulos æquidistantes maiores circulis, quos primus circulus contingit: Tunc hi duo circuli separabunt inter se ex circulis æquidistantibus arcus dissimiles. Et quicumque horum arcuum fuerit magis propinquus vni duorum polorum, quicumque fuerit, erit maior arcu sui circuli simili ei, qui est magis remotus ab eo.

PRÆFATIO.

IN SPHÆRICA MENELAI.

MENELAUS, qui & Mileus, Geometra præstantissimus, per annos ferme centum ante Ptolomæum stellas Romæ ac Rhodi obseruasse narratur in ipsis magnæ constructionis libris, vbi Ptolomæus suas cum illius obseruationibus confert. Scripsit hic post Theodosium, qui sphærica elementa primus tradidit, sphæricorum libellos tres acutissimis demonstrationibus refertos. Ex quorum tertio Ptolomæus sumpsisse videtur quidquid de sphæralibus triangulis tradidit in primo & secundo sui magni voluminis. Hos Menelai libellos cum ego in antiquis ex membrana codicibus reperissem, conatus sum eos, quoniam corruptissimum erat exemplar, emendare, ac restituere, necnon quamplurimis tum necessariis, tum argutis ad augere propositionibus. Audierimus Tebitij supplementum in dictas Ptolomæi demonstrationes: quippe quod non minus huc pertinet. Nam quod hic Menelaus in principio tertij, & Ptolomæus in fine primi hinc sumptum ostendit, Tebitius correxit supplens quod in demonstrando fuerat omissum: ac deinde facilius demonstrauit: Tum etiam, quod ad rem pertinet, cum vna ratio componitur ex duabus, duo de viginti modos compositionis esse tantum, certis concludit argumentis, sed ante Menelai lectionem hæc prælibanda duximus, Angulum sphæralem esse eum, qui in sphæræ superficie sub arcubus magnorum circularum continetur. Talem autem angulum rectum esse circulis se inuicem orthogonaliter secantibus: acutum angulum esse recto minorem: obtusum verò maiorem.

† Equales sphærales angulos esse illos, qui sub arcubus circularum æquos ad angulos inclinatum continentur. Triangulum sphærale esse, quod sub tribus arcubus circularum magnorum in superficie sphæræ comprehenditur. Nadir arcus cuiuspiam esse rectam, siue chordam, quæ duplo ipsius arcus subtenditur. Sinum rectum alicuius

arcus esse dimidium ipsius nadir, seu chordæ dupli eiusdem arcus. Vnde manifestum est, quod quidquid Menelaus de ipsis nadir arcuum demonstrauit, idem de sinibus, & è contrario, concludi potest.

✚ Ptolomæus quoque Menelaum sequutus chordam dupli propositi arcus in demonstrationibus accipit. Nos autem Ioannem de Monte-regio, & Georgium Peurbachium imitati, pro chorda dupli, finum ipsius arcus breuitati consulentes consideramus: quandoquidem vtrobiq; demonstratio est eadem. Et vbicumque opus fuerit inter demonstrandum, Euclidis elementa, ac Theodosij sphærica, quæ necessariò præmittenda sunt, citabuntur.

MENE LAI SPHÆRICORVM.

LIBER PRIMVS.

PROPOSITIONES.

Propositio prima.

Propositis in sphærae superficie duobus circulis æqualibus, dato in vno eorum arcui æqualem arcum in reliquo ab assignato puncto abscindere.

Prop. I I.

Super assignatum punctum arcus circuli magni in superficie sphaeræ angulum sphaeralem dato angulo sub duobus arcubus circulorum magnorum in eadem superficie contento æqualem constituere.

Corollaria.

I. Hinc ergo manifestum est, quod anguli sub arcubus circulorum magnorum in superficie sphaerae contenti, qui æquos arcus assumunt de circulis æqualibus, ad quorum polos sunt constituti, sunt inuicem æquales. Contra, si anguli fuerint æquales, & assumpti quoque arcus inuicem erunt æquales.

II. Et quando duo circuli maiores in superficie sphaerae se inuicem secant, anguli sub illis contenti contrapositi & oppositi sunt æquales.

III. Item si circuli se se orthogonaliter secant: rectos faciunt angulos: Et è contrario, si recti sunt anguli, circuli se se orthogonaliter secant.

IV. Item si angulus sphaeralis quadrantem assumat de circulo, ad cuius polum constitutus est, rectus est contra, & rectus sphaeralis angulus quadrantem assumit de circulo, ad cuius polum constituitur.

V. Demum angulus sphaeralis minus quam circuli quartam assumens

de circulo, ad cuius polum constituitur, acutus est: Et è contrario, plus verò quàm circuli quartam assumens, obtusus est, & è contrario.

VI. Ad summam, anguli spheræales semper sunt proportionales assumptis arcibus circulorum æqualium, ad quorum polos sunt constituti: sicut & ipsi inclinationum anguli, per ultimam secti elementorum Euclidis.

Prop. III.

Omnis trianguli duorum æqualium crurum ex circulis magnis in superficie sphæræ, duo anguli super latus tertium positi sunt ad inuicem æquales.

Prop. IV.

Cum æquantur duo anguli trianguli ex arcibus circulorum magnorum in superficie sphæræ; crura æqualis angulis opposita sunt inter se æqualia.

Prop. V.

Omnium duorum triangulorum ex arcibus circulorum magnorum in superficie sphæræ, quorum vnus angulus vnus æqualis est vni angulo alterius, & arcus, qui continent angulum vnus, æquales arcibus, qui continent angulum alterius, singuli singulis: Et duo reliqui arcus æquales erunt. Quod si duo reliqui arcus æquales fuerint, tunc & duo anguli, quos continent arcus æquales in duobus triangulis, æquales erunt.

Prop. VI.

Cuiuslibet trianguli ex arcibus circulorum maiorum in superficie sphæræ quilibet duo arcus simul aggregati sunt maius arcu reliquo.

Prop. VII.

Cuiuslibet trianguli ex arcibus circulorum magnorum in superficie sphæræ tres arcus simul aggregati sunt minus integro circulo.

Coroll.

Et manifestum simul est, quod omnis spheræalis trianguli arcus minor est semicirculo.

Prop. VIII.

Ex tribus datis arcibus circulorum magnorum in superficie sphæræ, triangulum in eadem superficie construere. Oportet autem vt datorum arcuum quilibet sit minor semicirculo, vtque eorum duo quilibet aggregati sint maius reliquo.

Prop. IX.

Cum producuntur à duobus extremitatibus arcus ex arcibus circulorum magnorum continentium triangulum in superficie sphæræ duo arcus concurrentes super punctum vnum infra triangulum:

tunc ipsi producti sunt minores duobus arcibus trianguli.

Prop. X.

Cuiuslibet trianguli ex arcibus circularum maiorum in superficie sphaerae angulus vnus fuerit maior altero, arcus, qui subtenditur angulo maiori, maior est arcu, qui subtenditur angulo minori.

Prop. XI.

Omniū duorum triangulorum ex arcibus circularum magnorum in superficie sphaerae, quorum vnus duo arcus æquantur duobus arcibus alterius, singuli videlicet singulis: angulus autem sub duobus illis arcibus vnus, maior est angulo contento sub dictis duobus alterius arcibus: tunc & arcus, qui subtenditur angulo maiori, maior est arcu, qui subtenditur angulo minori. Item è contrario, angulus, quem subtendit arcus maior, erit & maior angulo, quem subtendit arcus minor.

Prop. XII.

Cuiuslibet trianguli ex arcibus circularum magnorum in superficie sphaerae arcus vnus fuerit maior altero: angulus, quem subtendit maior arcus, maior erit angulo quem subtendit minor arcus.

Prop. XIII.

Triangulo cuiuscumque ex arcibus circularum magnorum in superficie sphaerae, arcus duo coniuncti æquales fuerint semicirculo, tunc producto arcu reliquo angulus extrinsecus æqualis est angulo extrinsecus opposito super arcum productum. Si autem duo arcus coniuncti minus sint semicirculo, tunc angulus extra factus maior est angulo dicto interiori. Quod si duo arcus coniuncti semicirculum excedant, angulus exterior minor erit angulo ipso intus opposito.

Prop. XIV.

Contra, si ponatur angulus extrinsecus æqualis angulo sibi intus opposito in productione vnus arcus: tunc reliqui arcus coniuncti semicirculum conficiunt. Si autem extrinsecus angulus intrinseco maior fuerit, tunc reliqui arcus coniuncti minus sunt semicirculo. Si verò exterior angulus minor fuerit interiore, tunc reliqui arcus coniuncti semicirculum excedunt.

Corollaria.

Que propositio etiam ostendi potest ex præcedenti, ut de structis contrarijs propositum astruatur.

Manifestum est igitur quod quando trianguli sphaeræ duo arcus coniuncti conficiunt semicirculum, tunc anguli arcibus illis oppositi coniuncti faciunt duos rectos.

Quando autem duo arcus coniuncti minus fuerint semicirculo, tunc & anguli illis oppositi congregati minus etiam erunt quam duo recti: At cum duo arcus coniuncti semicirculum excefferint: & anguli quoque eis oppositi simul sumpti duos rectos angulos excedent.

Contra, si trianguli sphaeralis duo anguli compositi conficiunt duos rectos; & arcus illis angulis subtenfi simul sumpti semicirculum perficient. Quod si duo anguli aggregati minus fuerint, quam duo recti: tunc & arcus eis subtenfi simul positi semicirculum nequaquam attingent. Si demum duo anguli colligati duos rectos excefferint. Et arcus item eis subtenfi pariter accepti semicirculum superabunt.

Prop. X V.

Cuiuscumque trianguli ex arcubus circularum magnorum in superficie sphaerae habentis duo crura aequalia, si fuerint arcus aequales circuli quadrantes, erunt illis oppositi anguli recti. Si autem arcus aequales fuerint quadrantibus minores: Et anguli eis oppositi acuti erunt. Si verò arcus aequiquartas circularum excefferint: tunc item illis obiecti anguli erunt obtusi. Contra, si in triangulo sphaerali isoscele anguli arcubus aequis subtenfi recti fuerint, & arcus illi quadrantes erunt: Si autem anguli acuti, & arcus minores quadrantibus. Si obtusi, minores quadrantibus erunt.

Corollarium.

¶ Vnde manifestum est quod triangulum sphaerale aequilaterum ex tribus quadrantibus constructum habet tres angulos rectos: Ex arcubus verò quadrante singulis minoribus, tres acutos: Ex arcubus tandem singulis circuli quarta maioribus, tres obtusos.

Contra, triangulum sphaerale aequiangulum habens tres rectos angulos, habet & tres arcus quadrantes. Habens autem tres acutos, habet tres arcus quadrantibus minores. Habens demum tres obtusos, habet tres arcus circularum quartis longiores.

Prop. X V I.

Cuiuslibet trianguli ex arcubus circularum magnorum in superficie sphaerae fuerit vnus arcuum quadrans, & vnus angulorum rectus: Erit & reliquorum arcuum saltem vnus quadrans: & reliquorum angulorum saltem vnus rectus.

Corollarium.

Constat ergo impossibile esse inueniri triangulum sphaerale rectangulum, cuius vnus dumtaxat arcus sit circuli quadrans.

Prop. X V I I.

¶ Cuiusque trianguli ex arcubus circularum magnorum in superficie sphaerae fuerint arcus singuli quadrantibus maiores, erunt eius anguli

anguli obtusi; Et similes, si duo arcus excedant quartas modo tertius sit quadrans.

Prop. XVIII.

Cuiusque trianguli ex arcubus circulorum magnorum in superficie sphaerae anguli singuli fuerint acuti: erunt eius arcus singuli quadrantibus minores. Et similiter, si duo tantum anguli sint acuti, ac tertius rectus.

Corollarium.

Notandum quod tam praesens quam praecedens propositio non conuertitur. Non enim necesse est, si trianguli sphaerale anguli sint obtusi, & arcus subtensos omnes esse quadrantibus maiores. Neque rursum arcus quadrantibus minores cogunt omnes angulos esse acutos. Potest enim esse triangulum sphaerale habens tres angulos obtusos, & duos tantum arcus quadrantibus maiores: reliquo autem quadrante aut minore existente. Et productis dictis arcubus quadrante maioribus ad concursum, fiet sphaerale triangulum trium arcuum quadrantibus minorum habens duos tantum acutos & reliquum obtusum angulum.

Prop. XIX.

Cuiuscunque trianguli ex arcubus circulorum magnorum in superficie sphaerae vnus arcuum fuerit quadrante maior, duobusque ceteri singuli quadrantibus minores; eiusdem nullus rectus erit angulus.

Corollarium.

Ex praedictis manifestum est, quod omne triangulum sphaerale rectangulum aut habet tres quadrantes, tresque rectos angulos: aut duos quadrantes, totidemque rectos angulos: aut nullum quadrantem vniquemque tantummodo rectum angulum. Quando autem nullum habet quadrantem, tunc aut omnes arcus habet quadrante minores, aut duos quadrante maiores, & reliquum minorem. Praeterea si habet omnes arcus quadrante minores, tunc habet duos angulos reliquos acutos. Si autem duos arcus quadrante maiores, tunc habet angulorum reliquorum vnum acutum, & reliquum obtusum, quando rectus angulus vni dictorum arcuum opponitur. Nam quando rectus angulus arcuum quadrante minorem respicit, habet duos reliquos angulos obtusos.

Prop. XX.

+ Omnistrianguli ex arcubus circulorum magnorum in superficie sphaerae anguli tres coniuncti sunt maius quam duo recti, minus vero quam sex recti.

Prop. XXI.

Omnium duorum triangulorum ex arcubus circulorum magno-

210 M E N E L A I S P H Æ R I C O R V M

rum in superficie sphære habentium duos angulos rectos: duosque angulos ex reliquis æquales non autem rectos: Item duos arcus rectis oppositos æquales: erunt & duo anguli reliqui æquales, & duo reliqui vnus arcus duobus reliquis alterius arcubus singuli singulis æquales.

Prop. XXII.

Omniū duorum triangulorum ex arcubus circularum magnorum in superficie sphære habentium inuicem duos angulos æquales, quorum arcus, qui continent duos alios angulos, duo duobus, vnusquisque suo relatiuo, fuerint æquales: reliqui autem anguli, aut ambo acuti, aut ambo obtusi: Erit & arcus reliquus vnus arcui reliquo alterius æqualis: & duo anguli reliqui duobus angulis reliquis alterius singuli singulis æquales.

Prop. XXIII.

Omniū duorum triangulorum ex arcubus circularum magnorum super superficiem sphære, si æquantur duo anguli vnus duobus angulis alterius, vnusquisque suo relatiuo, & duo arcus super quos sunt anguli, sunt inuicem æquales duo; tunc duo arcus reliqui vnus, sunt æquales duobus arcubus reliquis alterius, quisque suo relatiuo, & reliquus angulus reliquo angulo æqualis.

Prop. XXIII.

Omniū duorum triangulorum ex arcubus circularum magnorum in superficie sphære, quorum vnus duo anguli duobus alterius angulis singuli singulis sunt æquales, Et duo arcus qui continent tertium angulum in vno, æquales duobus arcubus, qui continent tertium angulum in altero, quisque suo relatiuo; Et tertius angulus in neutro est polus reliqui lateris, seu arcus: Erunt & reliqui arcus inter se æquales: & tertij anguli æquales.

Prop. XXV.

Omniū duorum triangulorum ex arcubus circularum magnorum in superficie sphære si æquales fuerint duo anguli vnus duobus angulis alterius, singuli singulis: & vnus arcuum subtenforum in vno æqualis arcui relatiuo in altero: reliqui autem subtensi in vtroque coniuncti minimè conficiant semicirculum; erunt & hi arcus subtensi æquales: & reliqui arcus æquales: & reliqui anguli æquales.

Prop. XXVI.

Omniū duorum triangulorum ex arcubus circularum magnorum in superficie sphære, si fuerint anguli vnus æquales angulis alterius, quisque scilicet angulus suo relatiuo: erunt & æquis angulis subtensi arcus æquales; relatiuos relatiuis videlicet conferendo.

Corollarium.

Manifestum est igitur ex quinta huius, & ex praesenti, quod omnia duo sphaeralia triangula, si fuerint ad inuicem aequilatera, erunt & inter se equiangulara: Contra, & si equiangulara supponantur ad inuicem, erunt & inter se aequilatera. Vnde patet quod multa proprietates in sunt sphaericis triangulis, quae non dantur planis.

Prop. XXVII.

Cum duorum triangulorum ex arcubus circulorum magnorum in superficie sphaerae duo anguli vnus æquatur duobus angulis alterius, singuli scilicet singulis: & angulus reliquus vnus maior angulo reliquo alterius: tunc arcus qui subtenditur angulo maiori, maior est eo, qui subtenditur angulo minori. Et si fuerit vnus duorum reliquorum arcuum vnus trianguli cum suo relatiuo trianguli alterius sumptus æqualis semicirculo: tunc arcus reliquus vnus æqualis erit arcui reliquo alterius. Et si maior fuerit semicirculo, tunc arcus reliquus trianguli, cuius angulus est minor, est maior arcu reliquo alterius. Et si minor fuerit semicirculo, tunc iterum ipse minor erit.

Prop. XXVIII.

Cum duorum triangulorum ex arcubus circulorum magnorum in superficie sphaerae arcus vnus vnus æquatur arcui alterius, anguli autem contermini tali arcui vnus collati ad angulos dicto alterius arcui conterminos fuerint, vnus maior & alter minor suo relatiuo, anguli verò reliqui arcubus æqualibus oppositi singuli nequaquam minores angulo recto: tunc arcus angulis maioribus subtenfi maiores erunt arcubus, qui minores angulos respiciunt.

Prop. XXIX

In omni triangulo ex arcubus circulorum magnorum in superficie sphaerae, cuius vnus angulorum æquatur duobus angulis reliquis, pariter acceptis, cum protrahitur ab angulo magno arcus circuli magni secans per æqualia oppositum arcum: tunc arcus protractus est æqualis dimidio arcus secti.

Prop. XXX.

Cuiusque trianguli ex arcubus circulorum magnorum in superficie sphaerae vnus angulorum fuerit non minor angulo recto, & vnusquisque duorum arcuum ipsum continentium minor quadrante: erit & vterque reliquorum angulorum acutus.

Prop. XXXI.

Cuiusque trianguli ex arcubus circulorum magnorum in superficie sphaerae vnus angulorum fuerit non minor angulo recto. Et quilibet duorum arcuum alium angulum continentium minor quadrante: Erit

& arcus reliquus minor quadrante, & quilibet reliquorum angulorum acutus.

Prop. XXXII.

Omnis trianguli ex arcubus circulorum magnorum in superficie sphæræ, si diuidantur duo ex arcubus singuli per æqualia: tunc arcus circuli magni interiectus diuisionum notis est maior dimidio reliqui arcus.

Prop. XXXIII.

Cuiusque trianguli ex arcubus circulorum magnorum in superficie sphæræ fuerit vnus angulorum non minor recto, si diuidatur arcus ei angulo subtensus per æqualia, & à puncto diuisionis protrahantur duo arcus circulorum magnorum ad puncta media duorum reliquorum arcuum: quilibet factorum angulorum à protractis & ipsis reliquis extrinsecorum ad angulum, qui non minor est recto, minor erit, quàm ipse angulus non minor recto.

Prop. XXXIV.

Cuiusque trianguli ex arcubus circulorum magnorum in superficie sphæræ fuerit vnus angulorum non minor recto, reliqui autem aut ambo obtusi, aut ambo recti, aut ambo acuti: Arcus circuli magni interiectus punctis per æqualia diuidentibus arcus subtensos dictis reliquis angulis faciet cum diuisis arcubus extrinsecos angulos prædictis, quemque suo opposito minorem.

Prop. XXXV.

Si trianguli ex arcubus circulorum magnorum in superficie sphæræ duo arcus simul sumpti fuerint æquales semicirculo, & angulum sub ipsis contentum per æqualia secuerit arcus circuli magni, secabit & per æqualia reliquum trianguli arcum. Contra si arcus circuli magni secuerit per æqualia reliquum, secabit & per æqualia oppositum angulum; Et secans arcus est circuli quadrans.

Prop. XXXVI.

Quod si duo arcus trianguli inæquales simul semicirculum faciant, angulumque sub illis contentum & arcum reliquum secans arcus circuli magni quadrans fuerit; tunc tam angulus, quàm arcus per æqualia secatur.

Prop. XXXVII.

Si trianguli ex arcubus circulorum magnorum in superficie sphæræ duo arcus simul fuerint æquales semicirculo, & ab angulo sub eis contento descenderint ad tertium latus complexi cum illis æquos angulos duo alij arcus, separabunt ex tertio latere duos arcus æquales. Contra, si arcus descendentes separauerint ex arcu tertio duos arcus

æquales, complectentur cum primis duos angulos æquales, & simul sumpti semicirculo æquales erunt.

Prop. XXXVIII.

Quod si trianguli duo arcus diuersi & simul æquales semicirculo fuerint, duoque alij ab eorum angulo descendentes simul semicirculum perfecerint, tunc descendentes cum arcubus lateralibus continebunt angulos æquales; & separabunt ex arcu reliquo trianguli arcus æquos.

Prop. XXXIX.

Si trianguli ex arcubus circulatorum magnorum in superficie sphæræ duo arcus simul sumpti fuerint minus semicirculo, & angulum sub ipsis comprehensum per æqua diuiderit arcus, siue per medium secuerit arcum angulo subtensum, tunc diuidens siue secans arcus minor est quadrante.

Prop. XL.

Si trianguli ex arcubus circulatorum magnorum in superficie sphæræ duo arcus fuerint diuersi, & simul sumpti semicirculo minus: tunc seccto per medium angulo sub illis comprehenso: arcus secans diuidet reliquum trianguli arcum per inæqualia: nam maior portio erit, quæ contermina arcui maiori ex arcubus primis. Contra verò si secans arcus per æqualia diuiderit arcum trianguli dictum: tunc secabit angulum prædictum inæqualiter: eritque maior portio anguli adhærens arcui minori ex arcubus primis, trianguli.

Prop. XLI.

Item si, stantibus cæteris, arcus dictus trianguli sphæralis per medium secetur, tunc arcus reliqui trianguli simul sumpti sunt maius duplo arcus secantis.

Prop. XLII.

Item si iisdem subiectis, angulus prædictus per æqualia secetur, adhuc & arcus angulum complexi coniuncti sunt maius quàm duplum arcus secantis.

Prop. XLIII.

Quod, si iisdem suppositis, duo arcus angulum dictum complexi sint simul iuncti æquales duplo arcus secantis: tunc tam angulus dictus, quàm ei subtenus arcus per inæqualia secabitur: & maior portio tam anguli, quàm arcus erit contermina minori ex arcubus angulum diuisum complectentibus: minor verò maiori.

Prop. XLIV.

Iisdem suppositis: arcuque secante per medium dictam basim trian-

guli, & à quolibet puncto arcus secantis ductis duobus arcubus ad terminos basis, Arcus ducti cum lateribus trianguli reliquis facient angulos inæquales: eritque angulus maior cum latere, minori: minor verò cum maiore.

Prop. XLV.

Si trianguli ex arcubus circulorum magnorum in superficie sphæræ duo arcus fuerint inæquales: & eorum aggregatum minus semicirculo: tunc, cum separabuntur à duabus extremitatibus arcus reliqui duæ portiones æquales: duo arcus ducti à punctis diuisionum ad angulum oppositum, abscindent ex eo angulos duos inæquales: Eritque arcus maior apud arcum trianguli minorem: minor autem apud minorem: Et duo arcus ducti coniuncti minus quàm aggregatum arcuum trianguli prædictum.

Prop. XLVI.

Quod si arcus ducti abscindant angulos æquales: tunc ipsi separabunt ex arcu subtenso arcus inæquales, quorum maior contiguus erit arcui maiori trianguli: & minor minori: Et arcus ducti compositi minus item erunt aggregato arcuum trianguli conterminorum.

Prop. XLVII.

Iisdem subiectis: si duorum arcuum ductorum congeries æqualis ponatur aggregato duorum arcuum trianguli conterminorum: tunc arcus ducti facient cum arcubus trianguli angulos inæquales: & separabunt ex arcu reliquo trianguli arcus inæquales: eritque portio maior tam anguli quàm arcus apud arcum trianguli minorem: minor verò apud maiorem.

M E N E L A I S P H Æ R I C O R V M

EX TRADITIONE MAVROLYCI.

LIBER SECVNDVS.

Propositio prima.

IN omni triangulo ex arcubus circulorum magnorum in superficie sphæræ constituto; cuius duo arcus coniuncti sunt minus semicirculo: reliquus arcus habet polos extra trianguli ambitum.

Prop. I I.

Arcus autem circuli magni ab angulo, quem continent duo arcus minores semicirculo, ad reliquum latus descendens omnino minor est aut vtróque aut alterutro collateralium arcuum.

Prop. I I I.

Quod si duorum arcuum trianguli, quorum summa semicirculum non attingit, maior non excedat quadrantem, cum sunt inæquales: Tunc si à quolibet puncto reliqui arcus ducatur arcus circuli magni faciens cum ipso arcu angulum æqualem angulo trianguli vtrilibet super eundem arcum intrinsecus opposito: ductus arcus secabit arcum trianguli, qui prædicto angulo subtenditur.

Prop. I V.

Omnis trianguli ex arcibus circularum magnorum in superficie sphaeræ, cuius duo arcus coniuncti sunt minus semicirculo: arcus reliquus maior est quàm arcus sui circuli similis ei arcui circuli minoris sibi æquidistantis, qui inter primos trianguli arcus ubicunque intercipitur.

Prop. V.

Isdem suppositis: possibile erit à quolibet puncto vnus arcuum, quorum summa minor est semicirculo: ducere arcum circuli magni ad arcum tertium trianguli, ita vt arcus ductus faciat cum arcu tertio angulum æqualem angulo sibi intrinseco, quem subtendit latus trianguli, in quo signatum fuit punctum.

Prop. V I.

Quod si arcuum, quorum summa minor est semicirculo, cum inæquales sunt, longior non excedat quadrantem, possibile erit à quolibet puncto intra triangulum signato ducere arcum circuli magni: qui cum arcu tertio faciat angulum æqualem angulo sibi intrinseco trianguli, secetque productus arcum tali angulo subtensum.

Prop. V I I.

Omnis trianguli ex arcibus circularum magnorum in superficie sphaeræ si fuerit vnus angulorum non maior angulo recto: & duo arcus ipsum continentes minus semicirculo: Et maior eorum (inæquales sunt) non maior quadrante: Tunc, cum signabitur punctum intra triangulum: & protrahentur ab eo ad arcum subtensum angulo, qui non est maior recto: duo arcus circularum magnorum continentes cum eo duos angulos æquales duobus anguli trianguli reliquis extrinsecos intrinsecis: & producentur in diuersas partes, vt concurrant cancellatim arcibus reliquis, trianguli, facti quadrilateri vtrumque latus circa angulum non maiorem recto, minus est latere sibi opposito circa punctum signatum.

Prop. VIII.

Iisdem subiectis, si punctum signatum ponatur in tertio arcu trianguli, ductis arcubus ab ipso puncto vt prius, eadem sequentur.

Prop. IX.

Si trianguli ex arcubus circulorum maiorum in superficie sphaeræ fuerint duo crura æqualia quadrantibus minora: & angulus sub eis contentus non maior recto: tunc cum separabuntur ex vno duorum crurium duo arcus æquales non continui; à quorum terminis ducantur ad basim arcus circulorum magnorum facientes cum basi angulos æquales angulo trianguli ad basim eis intrinseco, arcus ducti separabunt ex basi arcus diuersos: quorum maior erit ille, qui vicinior erit cruri trianguli non diuiso, cuius cruris cum minimo ex ductis congeries æqualis erit aggregato duorum mediorum.

Prop. X.

Quod si ponantur arcus de basi per arcus ductos separati æquales inuicem, tunc arcuum de crure separatorum minor erit, qui continuatur cruri non diuiso. Et summa extremorum minor, quam summa mediorum arcuum ductorum.

Verum huius propositionis prima pars posset ostendi ex precedenti, ex destructione contrariorum astruendo propositum.

Prop. XI.

Item si arcus de crure separati ponantur æquales & continui: tunc arcuum de basi ab eisdem arcubus ductis separatorum maior erit, qui adhæret cruri non diuiso. Cuius cruris cum minore arcuum ductorum congeries æqualis erit duplo arcus ducti medij.

Prop. XII.

Rursum si ponantur arcus de basi per arcus ductos separati continui & æquales: tunc arcuum de crure separatorum minor erit, qui contiguus est cruri non diuiso: & congeries extremorum minor erit duplo arcus ducti medij.

Prop. XIII.

Adhuc, si arcus de crure separati sint dimidia totius cruris, arcu ducto medio vt dictum est, ad basim: tunc basis portio, quæ cruri non diuiso adhæret, maior est, quam reliqua. Et arcus ductus est dimidium cruris vtriuslibet.

Prop. XIV.

Demum si basis per medium secetur, arcus per punctum diuisionis, vt dictum est, ductus crus trianguli per inæqualia secabit. Et minor portio indiuiso cruri contigua erit. Et arcus ductus maior erit dimidio cruris triangularis.

Prop. XV.

Prop. X V.

Item, si arcus de crure separati sint æquales, disiuncti, & ad terminos cruris finiti: arcus, vt dictum est, ducti per medios terminos arcuum separatorum, separabunt ex basi portiones inæquales, quarum maior erit, quæ adhæret cruri non diuiso. Et crus ipsum æquale erit aggregato duorum arcuum ductorum.

Prop. X V I.

Contra, si ponantur arcus de basi separati æquales, discreti, ac cæterum cum basi contermini: arcus ducti abscindunt ex crure portiones diuersas; quarum minor erit apud crus indiuisum. Et crus ipsum tunc minus aggregato arcuum ductorum.

Prop. X V I I.

Si trianguli ex arcibus circulorum maiorum in superficie sphaeræ vnus angulorum fuerit non maior recto: & duo crura ipsum contentia diuersa, & maius non excedat quadrantem: tunc, cum separabuntur ex basi duo arcus æquales non continui: à quorum terminis ducantur arcus circulorum magnorum facientes cum basi angulos æquales angulo trianguli apud basim eis intrinseco sub basi & vno crurum contento, arcus ducti separabunt ex reliquo crure trianguli arcus diuersos: quorum minor erit, qui contiguus est cruri non diuiso. Cuius cruris cum remotissimo ex arcibus ductis aggregatio minor erit congerie mediorum.

Prop. X V I I I.

Quod si ponantur arcus de basi separati æquales & continui: tunc portionum de crure trianguli per arcus ductos, vt dictum est, separatorum minor erit, quæ apud crus indiuisum. Cuius cruris cum minore arcuum ductorum congerie minor erit duplo arcus medij.

Prop. X I X.

Item, secta per medium basi, arcus per punctum diuisionis ductus, vt dictum est, inæqualiter secabit crus trianguli: minorque portio apud crus indiuisum. Et ductus arcus maior dimidio eiusdem cruris.

Prop. X X.

Denique si arcus de basi separati sint æquales, disiuncti, & cum terminis basis finiti, arcus ducti separabunt ex crure arcus inæquales, quorum minor apud crus indiuisum. Et crus ipsum minus composito duorum arcuum ductorum.

Prop. X X I.

Si trianguli ex arcibus circulorum magnorum in superficie sphaeræ vnus angulorum fuerit non maior recto: & duo crura ipsum contentia diuersa: & maius non excedat quadrantem: tunc cum separa-

buntur ex vno crurum duo arcus æquales non continui, à quorum terminis ducantur arcus circulorum magnorum facientes cum basi angulos æquales angulo eis extrinseco, quem continet basis cum reliquo crure, arcus ducti separabunt ex basi portiones diuersas, quarum maior erit apud crus indiuisum.

Prop. XXII.

Iisdem suppositis: arcubus, vt dictum est, dispositis ac ductis: arcubus tamen æqualibus de crure maiori separatis, ostendendum est, quod cruris reliqui, minimique ductorum arcuum congeries minor est aggregato duorum arcuum mediorum.

Prop. XXIII.

Quod si in prædicto triangulo arcus æquales ex vtrolibet crure separati continui fuerint: arcus, vt dictum est, per illorum terminos ducti separabunt ex basi portiones diuersas, quarum maior apud crus indiuisum.

Prop. XXIV.

Et si arcus æquales continui de crure maiori separentur; tunc reliqui cruris cum maiore ductorum aggregatum minus est quàm duplum arcus medij.

Prop. XXV.

In eodem triangulo, si arcus separati fuerint vtriuslibet cruris dimidia: tunc arcus per diuisionis notam, vt diximus, ductus basim per inæqualia secabit: & maior portio apud crus reliquum.

Prop. XXVI.

Et si crus maius sic dimidiatum ponatur; tunc arcus ductus maior est dimidio cruris indiuisi.

Prop. XXVII.

Demum in tali triangulo, si arcus separati æquales ex vtrolibet crure discreti quidem, sed eosdem limites vtrinque cum crure habuerint, tunc arcus, vt dictum est, per terminos medios ducti separabunt de basi diuersas portiones, quarum maior cruri non diuiso contermina est.

Prop. XXVIII.

Et si arcus sic separati sint in crure maiori trianguli: tunc crus indiuisum minus est aggregato duorum arcuum ductorum.

Prop. XXIX.

Si trianguli ex arcubus circulorum maiorum in superficie sphaeræ vnus angulorum fuerit non maior recto: Et duo crura ipsum angulum complexa inæqualia & maius non excedat quartam circuli: tunc, cum ab vno crurum ducentur ad basim tres arcus, qui faciant cum basi an-

gulos æquales angulo sibi intrinseco, quem continet basis cum reliquo crure: fueritque huius cruris cum extremo ductorum arcuum congeries æqualis aggregato duorum mediorum: arcus ducti separabunt ex basi arcus diuersos, quorum maior erit, qui adhæret cruri non diuiso.

Prop. XXX.

Quod si iisdem suppositis, arcus prædicto modo ab vno crurum ducti duo fuerint, ita vt cruris reliqui cum minore ductorum congeries æqualis sit duplo arcus medi; arcus ducti similiter diuersas de basi portiones separabunt: eritque maior earum apud crus indiuisum.

Prop. XXXI.

Item, sistantibus iisdem, arcus vnus ab vno crurum prædicto modo ducatur, qui cruris reliqui sit dimidijs: Et ductus arcus totam basim in duas diuersas diuidet portiones: quarum maior apud crus indiuisum.

Prop. XXXII.

Demum in eodem triangulo, si arcus prædicto modo ab vno crure ducti duo fuerint, quorum aggregato æquale sit crus reliquum; arcus item ducti diuersas ex basi portiones separabunt; quarum maior apud crus indiuisum.

Prop. XXXIII.

Si trianguli ex arcibus circulatorum magnorum in superficie sphaeræ vnus angulus fuerit non maior recto: Et duo crura ipsum continentia diuersa, & longius non maius quadrante. Et ab ipso crure maiori ducantur ad basim tres arcus ita vt faciant cum basi angulos æquales angulo, quem crus reliquum & basis continent, sibi intrinseco. Et huius cruris cum extremo arcuum ductorum summa fuerit æqualis summæ duorum mediorum: tunc portiones de crure maiori per arcus ductos separatæ inæquales erunt: & earum maior, quæ apud crus breuius.

Prop. XXXIV.

Quod si iisdem omnibus suppositis, arcus à crure maiori ad basim, vt dictum est, ducti duo fuerint, ita vt reliqui cruris cum minore ductorum aggregatum æquale sit duplo maioris ducti: tunc & portionum de crure longiori per arcus ductos separatæ maior erit apud crus breuius.

Prop. XXXV.

Adhuc iisdem subiectis, si arcus dumtaxat dicto modo ductus à crure magno ad basim dimidijs fuerit cruris reliqui, tunc portionum in crure longiori ab arcu ducto factarum maior erit contigua breuiori.

Prop. XXXVI.

Denique suppositis iisdem, si arcus à crure longiori ad basim eodem modo ducti duo fuerint, ita ut reliquum crus æquale sit aggregato arcuum ductorum: tunc & portionum in crure magno ab arcibus ductis segregatarum ad extrema cruris, maior est cum crure minori.

Prop. XXXVII.

Si trianguli ex arcibus circulorum maiorum in superficie sphaeræ unus ex angulis fuerit non maior recto: & duo crura ipsum complexa inæqualia: quorum maius non excedat quadrantem, tunc cum separabuntur ex crure breuiori duo arcus æquales non continui, à quorum terminis ducantur arcus circulorum magnorum, qui faciant cum basi angulos æquales angulo eis intrinseco, quem continent basis cum reliquo crure: Huius cruris & minimi arcuum ductorum aggregatum maius erit aggregato duorum arcuum mediorum. Quod si huiusmodi aggregata supponantur æqualia: tunc portiones de crure breui separatae inæquales erunt: & earum minor, quæ contigua longiori cruri.

Prop. XXXVIII.

Iisdem suppositis, si arcus æquales de crure breui separati continui fuerint, ductis modo prædicto per eorum terminos duobus arcibus, tunc aggregatum cruris longi, & arcus ducti minoris maius erit duplo arcus medij. Quod si aggregatum ductum tali duplo æquale fuerit, tunc portionum de crure breui per arcus ductos separatarum minor erit apud crus longius.

Prop. XXXIX.

Et si in eodem triangulo, per cruris brevis per medium secti notam arcus, sicut dictum est, ducatur: Tunc arcus ductus minor erit dimidio cruris longi. Quod si arcus ductus prædicto dimidio æqualis ponatur, per inæqualia diuidet crus breue, & minor portio apud crus longum.

Prop. XL.

In memorato demum triangulo, si arcus de crure paruo separati æquales disiuncti terminentur ad extrema cruris, ductis iam per terminos eorum medios duobus, qualiter dictum est, arcibus: Tunc crus magnum maius erit aggregato duorum arcuum ductorum. Quod si crus magnum tali aggregato æquale extiterit: Tunc portiones de crure paruo per arcus ductos separatae inæquales erunt: Et earum minor erit cruri magno contigua.

Prop. XLI.

Post hæc, demonstrandum est quod si in eo, quale in præmissis sup-

positum est, triangulo arcus separati, quos diuersos esse constitit, supponantur æquales: tunc talis æqualitas diuersificabit aliquem angulorum ad basim, qui omnes æquales antea supponebantur.

Prop. XLII.

Cum se inuicem secant duo circuli magni in superficie sphæræ & separantur ex vno eorum duo arcus æquales vtrique à puncto sectionis: & à polo vtriuslibet eorum descendunt per extremitates arcuum separatorum circuli magni: tunc hi separant ex reliquo circulorum se secantium arcus æquales, & eorum portiones secantibus se inclusæ sunt æquales.

Prop. XLIII.

Quod si circuli descendentes non à polo quidem descendant, sed contingant parallelum quempiam circuli, de quo separantur, arcus æquales: tunc iidem separabunt etiam de reliquo secantium hinc & inde peripherias æquas. Et ipsorum descendantium portiones circulis secantibus interceptæ adhuc æquales erunt.

Prop. XLIII.

Item si circuli descendentes tangant parallelum non eius, de quo separantur arcus æquales, sed alterius secantis: hac tamen conditione, vt portionum secantibus inclusarum aut neutra, aut vtraque sit maior quadrante: Tunc non minus ipsi descendentes de dicto secante peripherias æquas separabunt: Et ipsæ descendantium portiones secantibus inclusæ adhuc æquales arguentur.

Prop. XLV.

Si autem arcus ex vtrolibet secantium separati æquales & equaliter hinc & inde à sectione fuerint remoti: Tunc quatuor arcus maiores siue à polo vtriuslibet se secantium, siue à contactibus paralleli vnus eorum cum prædictis conditionibus descendentes per arcum separatorum terminos: separabunt & ex reliquo secantium peripherias æquales.

Prop. XLVI.

Si in superficie sphæræ circulus magnus fuerit inclinatus super circulum magnum ex numero equidistantium seu parallelorum tangens vnum ex parallelis: per puncta verò sectionum inclinati circuli & parallelorum descendant circuli magni siue à polo parallelorum, siue à contactibus vnus eorum minoris prædicto, ad vnā inclinationem: Tunc si arcus circuli inclinati siue continui, siue disiuncti inter parallelos fuerint æquales, portionum cuiuslibet circulorum descendantium inter eosdem parallelos interceptarum maior erit, quæ propinquior circulo magno ex parallelis, portionum verò circuli magni

ex parallelis inter circulos descendentes per terminos dictorum arcuum æqualium inclusarum maior erit, quæ remotior à sectione circuli inclinati circuli que magni ex parallelis.

Et notandum quod id, quod demonstratum est de portionibus unius descendendum circulatorum, idem sequitur de portionibus cuiuslibet alterius ex descendentes: Nam talium descendendum dua portiones iisdem parallelis interiecta, per 14. vel 17. 2. Sphæricorum Theodosii, sunt inæquales. Item quod ostensum est de portionibus circuli magni ex parallelis: idem sequitur de portionibus cuiuslibet ex iisdem parallelis: Nam per easdem Theod. proposit. portiones parallelorum iisdem descendentes, quales dicti sunt, circulis interclusa sunt similes.

Prop. XLVII.

Quod si unius circulatorum descendendum arcus parallelis interpositi ponantur æquales: Tunc portionum de circulo inclinato iisdem parallelis intercidentium maior erit, quæ à dicta sectione remotior: portionum quoque circuli maioris ex parallelis inter circulos descendentes cadentium, maior indidem distantior.

Prop. XLVIII.

Item, si arcus circuli maioris ex parallelis circulis descendentes interiecti ponantur æquales: Tunc portionum de circulo inclinato inter eosdem circulos descendentes cadentium maior erit, quæ dictæ sectioni vicinior: portionum autem cuiuslibet descendentes inter parallelos, qui per terminos portionum inclinati ducuntur, acceptarum maior erit, quæ propinquior circulo magno ex parallelis.

Quod si per puncta sectionum extremi circuli descendens & parallelorum descendant circuli magni tangentes eum parallelum, quem tangit circulus inclinatus, & loco priorum descendendum sumantur, nihilominus eadem omnia demonstrabuntur.

MENELAI SPHÆRICORVM

LIBER TERTIVS.

Propositio prima.

CVM fuerint in superficie sphaeræ quatuor arcus circulatorum singuli semicirculo minores: duo quidem ab angulo vno descendentes duoque à descendendum terminis se vicissim secantes, & alternatim ad descendentes reflexi: tunc ratio sinus partis inferæ arcus unius des-

descendentium ad sinum partis eiusdem supernæ componetur ex duabus: quarum una est ratio sinus partis supernæ eiusdem: altera est ratio sinus partis inferæ alterius descendentis ad sinum totius eiusdem descendentis.

Lemma I.

Si à terminis duarum linearum rectarum ab angulo uno descendentium dua rectæ se vicissim secantes ad descendentes reflectantur: tunc ratio inferioris partis unius descendentium ad partem eius superiorem componetur ex duabus: quarum una est ratio partis inferioris reflexa à termino eiusdem descendentis ad partem eius superiorem: altera est ratio partis inferioris, reliqua descendentis ad totam ipsam descendentem.

Lemma II.

Item iisdem lineis suppositis ratio unius descendentis ad partem eius superiorem componetur ex duabus: quarum una est ratio reflexa à termino dictæ descendentis ad partem eius superiorem: altera est ratio partis inferioris reliqua reflexa ad totam ipsam reflexam.

Lemma III.

Si à centro circuli recta linea exiens arcum quempiam eiusque chordam utcumque secet: chordæ segmenta erunt sinibus portionum arcus proportionalia.

Lemma IV.

† Si à puncto quopiam extra circulum dua recta linea ducantur circulum secantes, una quidem per centrum; altera præter centrum: Ratio eius, quæ præter centrum ad partem sui extrinsecam est sicut ratio sinus arcus compositi ex arcu abscisso, ab ea quæ per centrum & ex arcu intercepto lineis ad sinum arcus intercepti.

Propositio secunda ex Ptolomai magna constructione liber I.

Iisdem suppositis, ratio sinus arcuum descendentium ad sinum partis supernæ eiusdem arcus componetur ex duabus, quarum una est ratio sinus arcus reflexi à termino dicti descendentis ad sinum partis supernæ talis reflexi: altera est ratio sinus partis inferæ alterius reflexi ad sinum totius eiusdem reflexi.

Lemma I.

† Duorum arcuum semicirculum perficientium eundem esse sinum.

Lemma II.

† Si chorda cuiuspiam arcus æquidistet diametro, sinus inter diametrum & chordæ intercepti æqualis erit sinui arcus ex prædictis arcibus compositi.

✦ Si fuerint tres recta, quarum bina qualibet sint in uno plano, quamuis non omnes in uno: Et ex iisdem due tantum equidistant: tunc & reliqua iisdem equidistans erit.

Lemma IV. habens 18. modos.

I. Si fuerint sex quantitates, quarum ratio prima ad secundam componitur ex rationibus tertia ad quartam, & quinta ad sextam.

II. Tunc & ratio prima ad secundam componetur ex rationibus tertia ad sextam, & quinta ad quartam.

III. Item ratio prima ad tertiam componetur ex rationibus secunda ad quartam, & quinta ad sextam.

IV. Item ratio prima ad tertiam componetur ex rationibus secunda ad sextam, & quinta ad quartam.

V. Item ratio prima ad quintam componetur ex rationibus secunda ad sextam, & tertia ad quartam.

VI. Item ratio prima ad quintam componetur ex rationibus secunda ad quartam, & tertia ad sextam.

VII. Item ratio secunda ad quartam componetur ex rationibus prima ad tertiam, & sexta ad quintam.

VIII. Item ratio secunda ad quartam componetur ex rationibus prima ad quintam, & sexta ad tertiam.

IX. Item ratio secunda ad sextam componetur ex rationibus prima ad tertiam, & quarta ad quintam.

X. Item ratio secunda ad sextam ex rationibus prima ad quintam, & quarta ad tertiam.

XI. Item ratio tertia ad quintam componetur ex rationibus prima ad secundam, & sexta ad quartam.

XII. Item ratio tertia ad quartam componetur ex rationibus prima ad quintam, & sexta ad secundam.

XIII. Item ratio tertia ad sextam componetur ex rationibus prima ad secundam, & quarta ad quintam.

XIV. Item ratio tertia ad sextam componetur ex rationibus prima ad quintam, & quarta ad secundam.

XV. Item ratio quarta ad quintam componetur ex rationibus secunda ad primam, & tertia ad sextam.

XVI. Item ratio quarta ad quintam componetur ex rationibus secunda ad sextam, & tertia ad primam.

XVII. Item ratio quinta ad sextam componetur ex rationibus prima ad secundam,

secundam, & quarta ad tertiam.

XVIII. Item ratio quintæ ad sextam componetur ex rationibus primæ ad tertiam, & quarta ad secundam.

Lemma Tebitij.

Si ab alterutro duorum circulorum maiorum se inuicem in superficie sphaera secantium separentur duo arcus ab utralibet sectionum incepti: à quorum terminis ducantur rectæ perpendiculares ad diametrum sphaera, quæ communis diameter & sectio circulorum est: Itemque rectæ perpendiculares ad planum reliqui circuli: tunc illa perpendiculares ad diametrum his perpendiculis ad planum circuli proportionales erunt.

Si fuerint sex lineæ, in quibus ratio primæ ad secundam componatur ex ratione tertiæ ad quartam, & ex ratione quintæ ad sextam, tunc solidum sub prima, quarta & sexta contentum æquale erit solido sub secunda, & tertiæ & quinta lineis comprehenso.

Contra, si solidum sub prima, quarta & sexta lineis contentum æquale fuerit solido, quod à secunda, & tertiæ & quinta lineis producitur, tunc ratio primæ ad secundam composita erit ex rationibus tertiæ ad quartam, & quinta ad sextam.

Prop. III.

Si duo triangula ex arcibus circulorum maiorum in superficie sphaera habeant duos angulos æquales, vel iunctim duobus rectis æquales: duosque angulos ex reliquis vel inter se æquales, vel simul aggregatos duobus rectis æquales: tunc sinus arcuum his angulis oppositorum erunt sinibus arcuum illis angulos subtendentium proportionales.

Prop. IV.

Quod si triangulorum ex arcibus circulorum maiorum in superficie sphaera duo anguli fuerint æquales, vel iunctim duobus rectis æquales: atque arcuum circa duos angulos sinus sint proportionales: tunc tertij eorum anguli aut inuicem æquales erunt, aut simul sumpti duobus rectis æquales.

Prop. V.

Si duo triangula ex arcibus circulorum magnorum in superficie sphaera habeant duos angulos rectos; duosque ex reliquis acutos æquales: tunc ratio sinus arcus in primo triangulo respicientis acutum angulum ad sinum arcus, qui cum eo rectum continet angulum, componetur ex duabus, quarum vna est ratio sinus arcus alterius trianguli acutum angulum subtendentis ad sinum arcus, qui cum eo

ad rectum concurrat angulum: altera est ratio sinus complementi arcus primi trianguli respicientis acutum ad sinum complementi arcus in altero triangulo acutum angulum subtendentis.

Prop. VI.

Si duo triangula ex arcubus circulatorum magnorum in superficie sphaeræ habuerint inter se duos angulos æquales, duosque alios inæquales, nullum tamen ex his rectum: ab angulis autem reliquis ceciderint arcus perpendiculares ad bases: tunc sinus portionum basis vnus trianguli erunt proportionales sinibus portionum basis alterius trianguli iuxta ordinem angulorum æqualium.

Prop. VII.

In omni triangulo ex arcubus circulatorum magnorum in superficie sphaeræ constituto, cuius vnus angulorum fuerit rectus ac cæteri acuti, sinus arcus compositi ex arcubus continentibus angulum vtrumlibet ex acutis ad sinum arcus differentiae eorundem arcuum eam habent rationem, quam seruat aggregatum ex sinu toto, sinuque complementi prædicti anguli acuti ad differentiam eorundem sinuum.

Prop. VIII.

Si duo triangula ex arcubus circulatorum magnorum in superficie sphaeræ habuerint inter se duos angulos rectos, duosque acutos æquales, & duos cæteros acutos: tunc sinus arcus aggregati ex arcubus vnum acutorum æqualium continentibus ad sinum arcus differentiae eorundem arcuum est sicut sinus aggregati ex arcubus reliquum acutorum æqualium circumstantibus, ad sinum arcus excessus eorundem.

Prop. X.

Contra, si in talibus triangulis sinus arcuum aggregatorum ex dictis arcubus proportionales fuerint sinibus differentiarum: tunc anguli acuti sub dictis arcubus contenti æquales erunt.

Lemma.

Si due quantitates duabus quantitatibus proportionales fuerint, erunt & aggregata differentijs proportionalia. Quod si aggregatis differentijs proportionalia fuerint, & due quantitates duabus quantitatibus proportionales erunt.

Prop. X.

Si ab vno angulorum trianguli sphaeræ arcus descendat angulum illum per æqualia secans vsque ad basim, sinus arcuum, qui angulum continent, erunt sinibus portionum basis proportionales.

Prop. XI.

Quod si sinus arcuum angulum quempiam sphaeræ trianguli con-

tinentium sint proportionales sinibus portionum basis separatarum per arcum ab angulo dicto descendente, tunc arcus descendens arcum ipsum per æqualia diuidit.

Prop. XII.

Si fuerint duo triangula ex arcibus circulorum magnorum in superficie sphæræ: quorum vnus duo anguli ad basim æquales sint duobus alterius angulis ad basim, singuli singulis: siue bini coniuncti duobus rectis æquales: atque vnus ex reliquis arcibus vnus trianguli vni arcui ex reliquis alterius trianguli æqualis, sintque arcus ipsi non relatiuis angulis oppositi: Tunc quadratum quod ex sinu vnus dictorum arcuum æqualium, æquum est ei, quod ex sinibus reliquorum laterum describitur, rectangulo.

Prop. XIII.

Quod si triangulorum sphæralium vnus anguli ad basim angulis ad basim alterius singuli singulis fuerint æquales. Et quadratum, quod ex sinu vnus reliquorum arcuum vtriusslibet triangulorum æquale sit rectangulo, quod fit ex sinu reliqui arcus dicti trianguli in sinum arcus in altero triangulo non æqualem angulum subtendentis: Tunc & reliquus arcus huius trianguli æqualis erit arcui illius trianguli, cuius de sinu quadratum capiebatur.

Prop. XIV.

Si trianguli sphæralis angulum quempiam arcus per æqualia secet: duoque arcus descendentes ex dicto angulo æquales hinc inde separant angulos, Tunc rectangula sub sinibus laterum trianguli angulum dictum complexorum, sinibusque collateralium arcuum descendantium contenta, sunt proportionalia rectangulis, quæ sub sinibus portionum basis ab arcu secante ad dicta latera & arcus receptarum continentur eodem ordine susceptis.

Prop. XV.

Quod si angulum trianguli sphæralis arcus quidam per æqualia secet: duoque arcus ab eodem angulo ita descendant, vt rectangula rectangulis quo dictum est ordine sint proportionalia, tunc & anguli ab arcibus descendentes separati æquales erunt.

Prop. XVI.

Si ab angulo trianguli sphæralis ad basim descendant duo arcus complexi cum lateribus conterminis angulos æquales, hac tamen conditione, vt quos angulos faciunt arcus descendentes cum vno laterum trianguli eosdem, hoc est æquales, sed permutatim collatos suscipere possint deorsum producti cum arcibus ab extremo reliqui lateris venientibus. Tunc quadrata, quæ ex sinibus laterum, propor-

tionalia sunt rectangulis, quæ sub sinibus portionum basis ab ipsis lateralibus ad arcus descendentes receptarum continentur, eodem ordine sumptis.

Prop. XVII.

Quod si quadrata prædicta memoratis rectangulis proportionalia ponantur, cum præfata conditione, ut arcus descendentes inferius producti suscipiant cum per extremum vnius laterum trianguli ductis angulos æquales singuli singulis ijs, quos continent supernè cum reliquo latere trianguli, Tunc arcus descendentes cum lateribus æquales complectuntur angulos.

Prop. XVIII.

Si ab angulo recto trianguli sphæralis rectanguli descendant duo arcus ad basim, vnus intra triangulum, alter extra, facientes cum latere trianguli interposito angulos æquales: Tunc ratio sinus arcus compositi ex basi & ex arcu sibi in continuum adiecto vsque ad descendente ad sinum ipsius arcus adiecti est sicut ratio sinus portionis basis interceptæ à reliquo latere trianguli & arcu intrinsecus descendente ad sinum reliquæ portionis basis.

Prop. XIX.

Quod si ratio sinus arcus compositi ex basi & arcu adiecto vsque ad descendente exteriorem ad sinum ipsius arcus adiecti fuerit, sicut ratio sinus portionis basis interceptæ à reliquo latere trianguli, & descendente inferiori ad sinum reliquæ portionis basis: tunc arcus descendentes cum latere trianguli interposito æquos faciunt angulos.

Prop. XX.

Quod si anguli prædicti, quos faciunt arcus descendentes cum latere trianguli interposito ponantur æquales: fueritque ratio sinus arcus compositi ex basi & arcu adiecto vsque ad descendente exteriorem ad sinum ipsius adiecti, sicut ratio sinus portionis basis interceptæ à reliquo latere trianguli, & arcu intus descendente ad sinum reliquæ portionis basis: tunc angulus trianguli, à quo descendunt arcus, rectus est.

Prop. XXI.

Si duos angulos trianguli sphæralis duo arcus singuli singulos per medium secant: tunc, qui per reliquum angulum & secantium concursum producitur, arcus ipsum quoque reliquum angulum per æqualia secabit.

Prop. XXII.

Si à duobus angulis trianguli sphæralis duo arcus ad subtenfa latera perpendiculares progrediantur: tunc, qui à reliquo angulo per ipsorum perpendicularem coincidentiam ducetur, arcus reliquo etiam lateri perpendicularis erit.

Lemma I.

Quadrilaterum rectilinum, cuius duo anguli oppositi simul sumpti sunt duobus rectis aequales, est à circulo circumscriptibile.

Lemma II.

Si fuerint duos quadrilatera rectilinea circuli inscripta: quorum unus angulus unius fuerit equalis uni angulo alterius: Et latera circum illos angulos proportionalia: itemque ipsi aequales anguli per quadrilaterorum diametros diuisi in portiones singulas singulis aequales: tunc similia ad inuicem erunt quadrilatera.

Lemma III.

Cum exeunt à duobus angulis trianguli rectilinei duae rectae perpendiculares ad subtenfam, latera tunc quae reliquo angulo per sectionem perpendicularium recta producitur, reliquo etiam lateri perpendicularis est.

Lemma IV.

Si per duas hypotenusas triangula pyramidis duo plana ad oppositas singulas bases perpendicularia deducantur; tunc productum per reliquam pyramidis hypotenusam, & communem sectionem perpendicularium planorum, est etiam ad oppositam basim pyramidis perpendicularare.

Prop. XXIII.

Si à trianguli sphaeralis duobus angulis duo arcus exeuntes opposita singuli latera per medium diuidant: tunc arcus, qui ab angulo reliquo per diuidentium arcuum coincidentiam producitur, oppositum quoque latus per medium secabit.

Lemma I.

Si de duobus lateribus trianguli rectilinei sumantur duae portiones ad angulum sub dictis lateribus contentum continuatae, quarum utraque sui lateris sit pars tertia: & per earum terminos agantur duae rectae lateribus ipsis vicissim equidistantes sese intra triangulum secantes: tunc recta, quae à quolibet trium angulorum trianguli per sectionem dictarum equidistantium ad oppositum latus progreditur, latus ipsum per aequalia diuidit.

Lemma II.

Si à trianguli rectilinei duobus angulis duae rectae lineae progressae opposita latera singula per medium diuidant, tunc recta, quae ab angulo reliqua per diuidentium coincidentiam producitur, oppositum quoque latus per aequalia dissecit.

Prop. XXIV.

Cum fuerint in superficie sphaerae duo circuli magni alter alteri inclinatus: in quorum vno signentur duo puncta, à quibus ad reliquum circulum duo arcus perpendiculares ducantur: tunc ratio sinus arcus cadentis inter casus perpendicularium ad sinum arcus, quem termi-

nant puncta signata, est sicut ratio rectanguli contenti sub diametro sphæræ, & diametro circuli tangentis alterum inclinatum, & æquidistantis reliquo ad rectangulum contentum sub diametris circulorum transeuntium per puncta signata in circulo inclinato, & æquidistantium reliquo ex circulis inclinatis.

MAVROLYCI SICVLII

SPHÆRICORVM.

LIBER PRIMVS.

PRÆFATIO.

Post Theodosium, qui sphærica elementa tribus libellis completus est, Menelaus sphæricorum totidem libris prosequutus multa de sinuum proportionem in tertio acutissime demonstravit. Inde sumpsisse videtur Ptolomæus ea, quæ in principio magnæ constructionis, post chordarum doctrinam, de sphæricis tradidit. Quæ cum postea Tebitius legisset perspicacissimus, animaduertit eadem & meliori ordine, & facilius cõtendi potuisse. Quemadmodum in libello apparet, in quo ipse Ptolomæum capit. Adiecit his nonnulla Geber, qui nouem libros in magnam Ptolomæi constructionem conscripsit. Vnde multa sumperunt Georgius Pearbachius, & Ioannes Regiomontanus, dum prædictum Ptolomæicum opus in epitomen ordinatissimè redigunt. Tradidit & complura super his Ioannes prædictus in libellis triangulorum non spernenda. Quæ omnia cum ego proximis his annis vidissem ac contulissem, non passus sum præcepta tanti momenti, & Astronomiæ, post planorum triangulorum scientiam apprimè necessaria sparsim legi. Ea itaque in hos duos libellos congesti adiiciens de ingenij mei riuulo demonstrationes nonnullas Sic tamen vt post elementa Theodosij ac Menelai demonstrata, de his locus, vt hæc sint quasi illorum paralipomena. Vnde possint absolui quæstiones, quæ circa sphæralia triangula fieri solent, quæque ad primi mobilis circulos in Astronomia pertinent. Igitur expositis definitionibus, quasi negotij fundamentis, veniemus ad demonstrationes, & à facilioribus exorsi ordinem quàm commodissimum seruabimus.

DEFINITIONES.

✦ I. Sinus rectus arcus cuiuspiam est dimidium chordæ duplicis talis arcus.

✦ II. Unde, duorum arcuum qui coniuncti constant semicirculum idem est sinus, sicut duorum arcuum circularum integrantium eadem est chorda.

III. Et quadrantis sinus est circuli semidiameter: qui sinus totus, siue sinus maximus vocatur. Sicut semicirculi chorda est tota diameter.

✦ IV. Sinus secundus arcus cuiuspiam est sinus complementi eius ad quadrantem, siue sinus excessus ipsius supra quadrantem.

✦ V. Sinus versus arcus cuiuspiam est portio diametri inter arcum ipsum sinumque rectum recepta: quæ & excessus est semidiametri super sinum secundum: sine congeries semidiametri & sinus secundi.

✦ VI. Sinus autem anguli cuiuspiam est ille, qui sinus est arcus, angulum ipsum subtendentis iuxta prædictas definitiones.

Propositio prima.

✦ Linea perpendicularis à puncto quopiam in periferia semicirculi ad diametrum est sinus rectus vtriusque arcuum ab ipso puncto ad diametrum receptorum. Portiones verò diametri à perpendiculari ad periferiam vtrinque susceptæ sunt sinus versus arcuum sibi singuli conterminorum. Quæ porro cadit inter perpendicularem & centrum, est sinus secundus vtriusque dictorum arcuum.

Prop. II.

✦ Si in superficie sphaeræ duo circuli maiores se vicissim ad rectos angulos secant: linea perpendicularis à puncto quolibet peripheriæ vnius eorum ad planum reliqui, est sinus rectus vtriusque arcuum ab ipso puncto ad circularum sectiones receptorum.

Prop. III.

Trianguli ex arcibus circularum magnorum in superficie sphaeræ constituti; quorum duo sunt quadrantes: anguli quadrantibus oppositi sunt recti. Contra, si recti sint anguli, arcus illis oppositi sunt quadrantes. Polus autem tertij arcus est in ipsorum quadrantum cōcursu.

Prop. IV.

Triangulum ex arcibus circularum maiorum in superficie sphaeræ habens vnum quadrantem, & vnum ex angulis rectum, habebit & alterum quadrantem & alterum angulum rectum.

Prop. V.

Trianguli ex arcibus circularum maiorum, quorum vnusquisque

minor est quadrante, in superficie sphæræ constituti, cuius ex angulis vnus rectus, duo reliqui anguli acuti sunt. Contra, si rectus sit ex angulis vnus, duoque reliqui acuti; vnusquisque arcuum minor erit quadrante.

Prop. VI.

In triangulo ex arcubus circulorum maiorum quadrante minoribus in superficie sphæræ rectangulo, est sicut sinus arcus rectum angulum subtendentis ad sinum arcus alterum ex acutis angulis respicientis, sic est sinus totus ad sinum dicti acuti anguli.

Prop. VII.

In duobus triangulis rectangulis ex arcubus circulorum maiorum in superficie sphæræ duos angulos acutos æquales inuicem habentibus; sinus arcuum rectos angulos subtendentium sunt sinibus arcuum acutis oppositorum proportionales.

Prop. VIII.

Si in duobus triangulis rectangulis ex arcubus circulorum maiorum in superficie sphæræ, sinus arcuum rectos respicientium proportionales fuerint sinibus arcuum acutos angulos subtendentium: ipsi acuti anguli æquales erunt.

Prop. IX.

Si in triangulo ex arcubus circulorum maiorum in superficie sphæræ sicut est sinus totus ad sinum anguli acuti, sic sit sinus arcus alium angulum subtendentis ad sinum arcus, qui acuto opponitur: angulus ille rectus erit.

Prop. X.

In triangulo ex arcubus circulorum maiorum in superficie sphæræ angulum rectum habente, sinus reliquorum angulorum sunt sinibus laterum, quibus opponuntur, proportionales.

Prop. XI.

Si duo anguli trianguli cuiuspiam ex arcubus circulorum maiorum in superficie sphæræ fuerint duobus angulis trianguli alterius ex arcubus circulorum maiorum in eadem superficie, singuli singulis æquales: tunc sinus arcuum æqualibus angulis oppositorum proportionales erunt.

Prop. XII.

In duobus triangulis rectangulis ex arcubus circulorum maiorum in superficie sphæræ, quorum arcus rectis oppositi sunt æquales, duorum ex reliquis arcuum vtcumque sumptorum sinus sunt sinibus oppositorum angulorum proportionales.

Prop. XIII.

Prop. XIII.

In duobus triangulis rectangulis ex arcubus circulorum maiorum in superficie sphaerae, ratio sinuum duorum arcuum acutis oppositorum componitur ex duabus, quarum vna est ratio sinuum arcubus rectos respicientibus debitorum, altera ratio sinuum dictorum acutorum angulorum.

Prop. XIV.

In duobus triangulis rectangulis ex arcubus circulorum maiorum in superficie sphaerae, ratio sinus arcus vni acutorum oppositi in vno triangulo, ad sinum arcus vni acutorum oppositi in altero triangulo est sicut ratio rectanguli contenti sub sinibus arcus rectum subtendentis, & anguli acuti in illo triangulo ad rectangulum contentum sub sinibus arcus recto oppositi & anguli acuti in hoc triangulo.

Prop. XV.

Si in duobus triangulis rectangulis ex arcubus circulorum maiorum in superficie sphaerae sinus arcuum rectis angulis oppositorum fuerint sinibus acutorum angulorum ordine permutato proportionales: æquales erunt arcus, qui acutos subtendunt. Quod si æquales sint arcus, acutis angulis subtensi, & sinus arcuum rectis oppositorum erunt sinibus acutorum ipsorum ordine permutato proportionales.

Prop. XVI.

In omni triangulo ex arcubus circulorum maiorum in superficie sphaerae sinus duorum vtrumque sumptorum arcuum sunt sinibus oppositorum angulorum proportionales.

Prop. XVII.

In triangulo rectangulo ex arcubus circulorum maiorum in superficie sphaerae sinus secundus alterius arcuum rectum angulum continentium ad sinum secundum arcus rectum subtendentis est, sicut sinus totus ad sinum secundum reliqui ex arcubus rectum comprehendentium.

Prop. XVIII.

Arcus bini & bini in circulo eodem, siue in circulis æqualibus sumpti, quorum excessus æquales, & chordæ siue sinus proportionales, sunt singuli singulis, hoc est, maior maiori & minor minori æquales.

Prop. XIX.

Si in triangulo ex arcubus circulorum maiorum quadrante minoribus in superficie sphaerae, sinus secundus primi arcus ad sinum secundum secundi arcus sit, sicut sinus totus ad sinum secundum tertij arcus tunc angulus secundo lateri oppositus rectus erit.

Prop. XX.

✦ Si in quolibet triangulo ex arcubus circularū maiorum in superficie sphæræ ducatur ab angulo quouis ad basim perpendicularis arcuum à reliquis angulis ad perpendicularem rectorum, sunt sinibus secundis conterminorum laterum proportionales.

Prop. XXI.

In triangulo rectangulo ex arcubus circularum maiorum in superficie sphæræ, sinus vnius acutorum angulorum ad sinum totum est, sicut sinus secundus reliqui acuti ad sinum secundum arcus eum subtendentis.

Prop. XXII.

Si in triangulo quolibet ex arcubus circularum maiorum in superficie sphæræ ducatur à quouis angulo perpendicularis arcus circuli maioris ad basim: sinus angulorum apud verticem sub perpendiculari & lateribus comprehensorum sunt sinibus secundis angulorum ad basim proportionales.

Prop. XXIII.

Duo triangula rectilinea inuicem æqualia, & æquiangula sunt & inter se æquilatera.

Prop. XXIV.

Duo triangula rectilinea inuicem æqualia eandem, siue æquas bases habentia, & basibus oppositos angulos æquales: habebunt & reliqua latera singula singulis æqualia.

Prop. XXV.

✦ Si trianguli rectanguli ex arcubus circularum maiorum in superficie sphæræ & quadrantibus minorum sinus secundi vnius arcuum acutis oppositorum fuerit medius proportionalis inter sinum totum sinumque secundum acuti anguli oppositi: tunc reliqui arcus erunt alter complemento alterius æquales. Et sinus secundus prædicti arcus acutum subtendentis æqualis erit sinui reliqui acuti anguli.

Prop. XXVI.

✦ Iisdem suppositis, ipsi reliqui coniuncti quadrantem conficiant.

Prop. XXVII.

Iisdem suppositis, si alternæ quadrantum portiones sint æquales: vel si arcus ipsius trianguli prædicti coniuncti quadrantem conficiant, tunc sinus secundus arcus reliqui erit medius proportionalis inter sinum totum, sinumque secundum anguli oppositi, & etiam æqualis sinui reliqui anguli acuti.

Prop. XXVIII.

Iisdem suppositis, si sinus secundus arcus acuto angulo oppositi po-

natur æqualis sinui reliqui acuti tunc idem sinus erit medijs proportionalis inter sinum totum sinumque secundum anguli ipsi arcui oppositi: & reliqui arcus æquales singulis coalternis quadrantum complementis.

Prop. XXIX.

Iisdem suppositis, si sinus secundus arcus acuto oppositi sit medius proportionalis inter sinum totum sinumque secundum eiusdem acuti: tunc arcuum comprehendentium ipsum acutum differentia erit maxima differentiarum, quibus differunt quilibet duo arcus eundem angulum complectentes ab angulo ad quemlibet alium quadrantem recepti.

Prop. XXX.

Iisdem suppositis, si arcuum acutum angulum complectentium differentia sit maxima earum, quibus differunt arcus eundem angulum continentes ab ipso angulo ad quoslibet quadrantes conterminos recepti: tunc secundus sinus arcus eidem acuto oppositi erit medius proportionalis inter sinum totum, sinumque secundum ipsius acuti. Et arcus maximè differentes quadrantem constabunt.

Prop. XXXI.

Iisdem suppositis, si arcuum acutum angulum continentium congeries sit quadrans, iidem arcus maximè different.

Prop. XXXII.

Iisdem suppositis, si arcus acutum angulum continentes maximè differant, sinus secundus reliqui arcus æqualis erit sinui acuti anguli.

Prop. XXXIII.

Si duo circuli maiores in superficie sphaeræ angulum acutum contineant, & in vno eorum signentur duo puncta, à quibus arcus circulorum maiorum perpendiculares ad reliquum ducantur: Ratio sinus arcus inter casus perpendicularem ad sinum arcus inter puncta signata cadentis componetur ex duabus: quarum vna est ratio sinus totius ad sinum secundum vnus arcus perpendicularem: altera est ratio sinus secundi acuto angulo prædicto debiti ad sinum secundum reliqui arcus perpendiculis.

Prop. XXXIV.

Iisdem suppositis, sinus arcus inter casus perpendicularem ad sinum arcus inter puncta signata cadentis erit sicut quod ex sinu toto, sinuque secundo anguli acuti prædicti sit, rectangulum, ad id, quod ex sinibus secundis arcuum perpendicularem producit rectangulum.

Prop. XXXV.

Isdem suppositis, si sinus totus ad sinum secundum alterius perpendicularium arcuum fuerit sicut sinus secundus reliqui perpendicularis ad sinum secundum anguli acuti prædicti: tunc arcus inter casus perpendicularium æqualis erit arcui inter puncta signata cadenti: Reliquæ autem coalternæ quadrantum portiones æquales erunt: Et angulorum à perpendicularibus arcubus apud signata puncta factorum sinus erunt æquales: alter alterius perpendicularis sinui secundo.

Prop. XXXVI.

Isdem suppositis, si arcus inter casus perpendicularium æqualis fuerit arcui inter puncta signata cadenti: cætera omnia sequentur.

Prop. XXXVII.

Isdem suppositis, si duo coalterni arcus æquales ponantur, adhuc cætera omnia sequentur.

Prop. XXXVIII.

Isdem suppositis, si sinus anguli ab vno perpendicularium arcuum apud signatum punctum facti ponatur æqualis sinui secundo alterius perpendicularis: similiter cætera omnia sequentur.

Prop. XXXIX.

Quod si in eodem lineamento, sinus totus ad sinum secundum alterius perpendiculariū arcuum maior sit, quàm sinus secundus alterius perpendicularis ad sinum secundum anguli acuti perpendicularibus oppositi: tunc arcus inter casus perpendicularium maior erit arcui inter signata puncta cadente: & arcus ad angulum maiores erunt singuli singulis coalternis. Et angulorum à perpendicularibus ad puncta signata factorum sinus maiores erunt, alter alterius perpendicularis sinui secundo.

Prop. XL.

Si verò sinus totus ad sinum secundum alterius arcus perpendicularis minor fuerit, quàm sinus secundus reliqui perpendicularis ad sinum secundum anguli acuti perpendicularibus oppositi: tunc arcus inter casus perpendicularium minor erit arcui inter signata puncta cadente. Et arcus ad angulum minores erunt singuli singulis coalternis. Et angulorum à perpendicularibus ad puncta signata factorum sinus minores erunt, alter alterius perpendicularis sinui secundo.

Prop. XLI.

Item si arcus inter casus perpendicularium ponatur maior arcui inter puncta signata cadente: tunc maior erit sinus totus ad sinum secundum ynus arcuum perpendicularium, quàm sinus secundus alte

rius perpendicularis ad sinum secundum anguli perpendicularibus oppositi. Et cetera sequentur quæ in tricesima nona præcedenti.

Prop. XLII.

Item, si duorum coalternorum arcuum, qui ad angulum, ponatur maior: & cetera, quæ dicta sunt sequentur.

Prop. XLIII.

Item, si sinus vnus angulorum à perpendicularibus apud signata puncta factorum ponatur maior sinu secundo reliqui perpendicularis: & eadem reliqua sequentur.

Prop. XLIV.

Siverò arcus inter casus perpendicularium ponatur minor arcu inter puncta signata cadente, sequentur cetera deinceps quæ in quadragesima.

Prop. XLV.

Item, si duorum coalternorum arcuum, qui ad angulum, ponatur minor: & cetera similiter sequentur.

Prop. XLVI.

Item, si anguli ab vno perpendicularium arcuum apud signatum punctum facti sinus ponatur minor sinu secundo reliqui perpendicularis: non aliter, quàm prius, cetera sequentur.

Prop. XLVII.

Si sinus secundi arcuum perpendicularium proportionem seruantes in trigesima quinta prædictam fuerint proportionales permutato ordine sinibus secundis aliorum duorum arcuum perpendicularium: arcus coalterni interperpendiculares æquales erunt.

Prop. XLVIII.

Quod si sinibus secundis arcuum perpendicularium proportionem in trigesima quinta prædictam seruantibus intersit medius proportionalis secundus arcus medij proportionalis: Et coalterni arcus item perpendiculari medio ad collaterales hinc inde recepti æquales erunt.

Prop. XLIX.

Quod vigesima-nona huius proposuit, aliter ostendere.

MAVROLYCI SICVLII.

SPHÆRICORVM.

LIBER SECVNDVS.

Præfatio.

DE proportionē, quā seruat sinus aggregati ex arcubus acutum angulum comprehendentibus in rectangulo trigono sphaericali ad sinum differentię eorundem arcuum, seruato acuto, deinceps nobis differendum est. Qui locus quamuis à Menelao minimè sit prætermisus, Nos tamen theorema illud nobilissimum, quod ipsi quintum est in ordine propositionum tertij libelli, aliter atque aliter demonstrantes multum rem speculationibus, & quasi corollarijs illustrauimus. Non enim parcimus opportunis præambulis ad demonstrationem spectantibus, quo distinctis commodius propositionibus, omnia sint apertiora; scituque iucundiora.

Propositio prima.

Cum fuerint in superficie sphaeræ quatuor arcus circulorum maiorum, semicirculis minores: duo quidem ab vno angulo descendentes: duoque à descendenti terminis se vicissim secantes & alternatim ad descendentes reflexi: tunc ratio sinus vnus descendenti ad sinum partis eius superioris componetur ex duabus: Quarum vna est ratio sinus arcus reflexi à termino dicti descendenti ad sinum partis superioris eiusdem reflexi: altera est ratio sinus partis inferioris alterius reflexi ad sinum totius eiusdem reflexi.

Prop. II.

Item ratio sinus vnus arcus ex reflexis ad sinum partis inferioris componetur ex duabus: quarum vna est ratio sinus partis superioris arcus contermini descendenti ad sinum ipsius descendenti totius: altera est ratio sinus alterius totius reflexi ad sinum partis eius superioris.

Prop. III.

Aliter id ipsum demonstrare.

Prop. IV.

Suppositis iisdem, ratio sinus vnus arcuum descendenti ad sinum partis eius inferioris componetur ex duabus: quarum vna est ra-

rio sinus partis superioris alterius descendens ad sinum partis eiusdem inferioris: altera est ratio sinus partis inferæ arcus reflexi à termino huius descendens ad sinum partis supernæ eiusdem reflexi.

Prop. V.

Idem & aliter demonstrare.

Prop. VI.

Si quadrilaterum rectilineum circulo inscriptum fuerit: Quod sub duabus eius diametris continetur rectangulum, æquale est duobus ijs, quæ sub oppositis lateribus comprehenduntur, coniunctim sumptis rectangulis.

Prop. VII.

Aggregatum eorum, quæ fiunt ex vtraque chordarum duorum arcuum inæqualium in chordam residui de semicirculo alterius rectangulorum ad differentiam eorundem est sicut chorda aggregati ex eisdem arcubus ad chordam arcus differentię eorundem.

Prop. VIII.

Aggregatum eorum, quæ fiunt ex utroque sinu duorum arcuum inæqualium in sinum secundum alterius, rectangulorum, ad differentiam eorundem est sicut sinus aggregati ex iisdem arcubus ad sinum arcus differentię eorundem.

Prop. IX.

Si duæ magnitudines duabus magnitudinibus sint proportionales; erunt & earum aggregata differentijs proportionalia, Contra, si aggregata fuerint differentijs proportionalia, & duæ magnitudines duabus magnitudinibus proportionales erunt.

Prop. X.

In triangulo rectangulo ex arcubus circulorum maiorum in superficie sphæræ sinus aggregati duorum arcuum angulum acutum comprehendentium ad sinum differentię eorundem est sicut aggregatum ex sinu toto, sinuque secundo dicti anguli acuti, ad differentiam eorundem sinuum.

Prop. XI.

Si fuerit triangulum rectangulum ex arcubus circulorum maiorum in superficie sphæræ, atque anguli ad centrum sphæræ constituti, quos subtendunt duo arcus trianguli acutum angulum continentes, & fuerint æquales angulis, quos continent latera duo trianguli rectilinei cum perpendiculari ad tertium latus, singuli singulis: Tunc sinus totus ad sinum secundum anguli acuti prædicti erit, sicut portio maioris tertij lateris trianguli rectilinei ad minorem.

Prop. XII

Quod decima huius propositione, aliter demonstrare. Videatur *Scho-
lium Maurolyci.*

Prop. XIII.

Cum circuli semidiameter secat chordam arcumque, chordæ por-
tiones sunt sinibus portionum arcus proportionales.

Prop. XIV.

Quod decima, quodque duodecima huius demonstrant, adhuc
aliter demonstrare.

Prop. XV.

In triangulo ex arcibus circularum maiorum rectangulo in super-
ficie sphaeræ, aggregatum ex sinu toto, sinique secundo anguli acuti
ad differentiam eorundem est sicut quadratum, quod ex sinu secun-
do dimidij anguli acuti ad quadratum, quod ex sinu eiusdem di-
midij.

Prop. XVI.

Item, sinus aggregati arcuum acutum angulum comprehenden-
tium ad sinum differentiae eorundem arcuum est sicut quadratum,
quod ex sinu secundo dimidij anguli acuti ad quadratum, quod ex si-
nu eiusdem dimidij.

Prop. XVII.

Item, sinus aggregati arcuum angulum acutum comprehenden-
tium ac sinum differentiae eorundem arcuum est sicut sinus ver-
sus complementi ipsius anguli ad duos rectos ad sinum versum talis
acuti.

Prop. XVIII.

Si fuerint duo triangula ex arcibus circularum maiorum rectan-
gula in superficie sphaeræ, quorum vnus angulus acutus æqualis al-
terius angulo acuto: tunc sinus aggregati arcuum acutum angulum
comprehendentium in vno triangulo ad sinum arcus differentiae co-
rum est, sicut sinus aggregati arcuum acutum angulum continen-
tium in altero triangulo ad sinum arcus differentiae eorundem.

Prop. XIX.

Quod si id duobus triangulis rectangulis ex arcibus circularum
maiorum in superficie sphaeræ, sinus aggregati arcuum acutum angu-
lum comprehendentium in vno triangulo ad sinum arcus differen-
tiae eorum, fuerit sicut sinus aggregati arcuum angulum continen-
tium in altero triangulo ad sinum arcus differentiae eorum, tunc ipsi
acuti anguli æquales ad inuicem erunt

Prop. XX.

Prop. XX.

In triangulo ex arcibus circulorum maiorum rectangulo in superficie sphaerae, arcus acutum angulum continentes, dum quadrantem perficiunt, maximè differunt, quàm sub eodem angulo siue breuiati siue producti differre possint. Contra, si huiusmodi arcus maximè prædicto modo differant, & coniuncti quadrantem circuli constabunt.

Prop. XXI.

Aliter id ipsum demonstrare.

Prop. XXII.

Si fuerint in superficie sphaerae duo triangula ex arcibus circulorum maiorum; quorum vnus angulus acutus æqualis alterius angulo acuto: & alius vnus angulus cum alio alterius angulo iunctus conficiat duos rectos, tunc sinus arcuum his angulis oppositorum erunt sinibus arcuum oppositorum acutis proportionales.

Prop. XXIII.

Si fuerint duo triangula in superficie sphaerae ex arcibus circulorum maiorum, quorum vnus acutus angulus æqualis alterius acuto angulo: Et sinus arcuum acutis oppositorum proportionales sinibus arcuum duos ex reliquis angulos respicientium: tunc hi anguli aut æquales erunt, aut coniuncti duos rectos conficient.

Prop. XXIV.

Si ab angulo trianguli ex arcibus singulorum maiorum in superficie sphaerae constituti descendat ad basim arcus circuli maioris angulum ipsum per æqua diuidens: tunc sinus arcuum angulum ipsum continentium erunt sinibus factarum basis portionum proportionales.

Prop. XXV.

Quod si sinus arcuum dictum angulum continentium proportionales fuerint sinibus factarum basis portionum: tunc arcus descendens angulum ipsum per æqualia secare probabitur.

Prop. XXVI.

Si bina triangula fuerint in superficie sphaerae ex arcibus circulorum maiorum, quorum vnus duo anguli fuerint, duobus alterius anguli singulis singulis æquales, & ab angulis reliquis perpendiculares arcus circulorum maiorum ad bases ducantur: tunc sinus factarum basis portionum in vno triangulo proportionales erunt sinibus factarum basis portionum in reliquo triangulo.

Prop. XXVII.

In triangulo rectangulo ex arcibus circulorum maiorum in super-

ficie sphæræ, sinus vnus acutorum angulorum ad sinum totum est sicut sinus secundus reliqui ad sinum secundum lateris eum subtendentis.

Prop. XXVIII.

Item sinus secundus vnus acutorum angulorum ad sinum totum est sicut quod sub sinu secundo arcus acutum angulum subtendentis & sub sinu reliqui acuti continetur, rectangulum ad quod ex sinu toto quadratum.

Prop. XXIX.

In omni triangulo ex arcubus circularum maiorum in superficie sphæræ constituto, sinus versus anguli cuiuslibet ad differentiam duorum sinuum versorum, quorum vnus est lateris eum angulum subtendentis; alter verò differentiæ duorum arcuum ipsum angulum continentium est sicut quadratum sinus totius ad id quod sub sinibus arcuum eorundem continetur, rectangulum.

Prop. XXX.

Sinus arcus alicuius ad sinum eius secundum est sicut gnomon ad umbram rectam eiusdem arcus. Sicut autem sinus secundus ad sinum dicti arcus, sic est gnomon ad umbram versam eiusdem arcus.

Corollarium.

Vnde umbra recta cuiusvis arcus est & umbra versa complementi eiusdem arcus. Item dimidio quadrantis debita umbra tam recta, quam versa aequalis est suo gnomoni. Item gnomon semper est medius proportionalis inter umbras duorum arcuum quadrantem integrantium seu rectas, seu versas.

Prop. XXXI.

In triangulo rectangulo ex arcubus circularum maiorum in superficie sphæræ constituto, sinus totus ad sinum arcus vnum ex acutis angulis subtendentis est sicut quadratum gnomonis ad rectangulum comprehensum sub umbris versis, quarum vna complemento reliqui acuti, altera verò arcui eundem acutum subtendenti debetur.

Corollarium.

Hinc manifestum est, quod in duobus triangulis sphaeralibus orthogoniis, duo latera, qua circum rectos angulos aequalia fuerint: tunc rectangula, qua ex umbris versis reliquorum laterum, qua circum rectos, in umbra versas debitas complementis subtensorum angulorum producuntur, erunt & inuicem aequalia. Et contrariò.

Prop. XXXII.

In triangulo rectangulo ex arcubus magnis in superficie sphæræ

constituto, sinus totus ad sinum arcus vnum ex acutis angulis subtrendentis est sicut umbra versa reliquo acuto angulo debita, ad umbram versam lacris dictum angulum respicientis.

Scholium.

Ex his igitur demonstrationibus absolui possunt omnes quæstiones, quæ fieri consueverunt circa spheralia triangula: quæque in Astronomia pertinent ad arcus circulorum in primo cælo intellectuum, hoc est, in concava superficie prima mobilis descriptorum. Sed nemo harum speculationum scientiam perfectam habens nesciet theoriæ ad praxim atque demonstrationem ad calculum deducere. Quæ res ut magis peruiâ fiat lectori, exempla nonnulla sunt adducenda, ut circa declinationes, & ascensiones.

AVTOLYCI DE SPHÆRA MOBILI, EX TRADITIONE MAVROLYCI LIBER.

ABSOLVTIS Theodosij, Menelai atque Maurolyci sphericis, subiungemus ea quæ ad spheram mobilem, motumque primum pertinent, quippe quæ sphericorum demonstratis innituntur, & prima sunt syderalis discipline rudimenta: quibus addemus Theodosium de habitationibus, & habitationum collatione. Aduerte autem ea esse Maurolyci, quæ literis italicis scribentur.

Sphæræ puncta æqualiter ferri dicuntur, quæcumque æquali tempore æquales ac similes transeunt periferias. At si in linea aliqua delatum aliquod punctum æqualiter, binas transierit lineas, eandem habebit rationem tempus ad tempus, quibus singulas transit lineas, quàm linea ad lineam: id est, peracta spatia temporibus proportionalia sunt.

Propositio prima.

Si æqualiter sphæra voluatur circa suum axem, cuncta quæ in superficie sunt sphæræ puncta, præter polos, circulos describunt parallelos, & ad axem rectos, & eo sdem cum sphæra polos habentes.

Nam tales circuli describuntur per rectas à punctis ad axem super quo sphæra versatur, perpendiculares: & idè per 9. primi spheric. Theod. habent dictum axem communem, & polos communes, & per 2. secundi, sunt inuicem paralleli.

Prop. II.

Si sphæra voluatur æqualiter circa suum axem, cuncta, quæ in su-

Hh ij

244 AVTOLYCI DE SPHÆRA A MOBILI
perficie puncta sunt sphæræ, similes periferias circularum parallelo-
rum, in quibus feruntur, in tempore eodem præteribunt.

*Nam si duo puncta sint in eodem parallelo, constat propositum per assum-
ptam in principio petitionem. Si autem in diversis parallelis, constabit propo-
situm per 15. secundi spheric. Theod.*

Prop. III.

Si æqualiter sphæra voluatur circa suum axem, quas in tempore eo-
dem periferias transmittent puncta quædam in circulis parallelis, per
quos feruntur, ex ipsæ similes erunt.

Hæc est conuersa præcedentis, & simili modo demonstratur.

Prop. I V.

Si in sphæra maior circulus manens separet id, quod apparet de
sphæra, ab eo, quod non apparet, sitque ad rectos angulos axi sphæræ,
super quo mouetur: nullum punctum superficiei sphæræ oritur, nullum
occidit: sed quæ sunt in hemisphærio apparenti, semper apparent: quæ
verò in latenti, semper occultantur.

*Nam talis circulus manens est communis limes talium hemisphæriorum,
& per 1. huius, puncta singula suos sursum parallelos semper in alterutro
hemisphæriorum describent.*

Prop. V.

Si per polos sphæræ circulus manens definiat apparens & non ap-
parens: cuncta in superficie sphæræ puncta ipsa euoluta, & occidunt
& oriuntur, & æquali tempore morantur super horizontem & sub
horizonte.

*Nam tales circulus manens, per 20. primi spheric. Theod. secat per equalia
singulos parallelos, id est semicirculos, Quare per 2. huius, per æquale tempus
punctorum vnum quodque feretur utrinque à circulo secante.*

Prop. VI.

✚ Si in sphæra maior circulus manens definiat quod apparens est
sphæræ, & quod non apparens, obliquus existens ad axem, attinget
binos circulos equales, & parallelos inuicem, & eorum vnus ad appa-
rentem polum semper erit apparens: alter autem ad latentem semper
latens, quod constat per 70. secundi spheric. Theod.

Prop. VII.

✚ Si circulus in sphæra fixus apparens ab occulto distinguat obli-
quus existens ad axem: circuli, qui ad angulos rectos axi in eisdem
punctis semper horizontis ortus & occasus faciunt, & similiter incli-
nantur ad horizontem.

*Nam cum circulus fixus constet semper in eodem loco: & circuli super axe
suo versari semper in suo singuli plano iaceant: sit ut neque periferia locum*

aliquando commutent: & perinde fecerit fixum in iisdem semper punctis. Inclination quoque eorum una est: sequitur enim inclinationem axis communis.

Prop. VIII.

Si circulus maior in sphæra fixus apparens ab occulto dirimat inclinatus ad axem: quicumque circulus maior contingit duos circulos parallelos æquales, semper videlicet apparentem semperque occultum, quos horizon contingit; euoluta sphæra, congruit horizonti.

Nam dum versatur sphæra, puncta contactuum feruntur semper in periferijs dictorum parallelorum: & perinde contactus dicti circuli maioris cointiuntur contactibus horisontis: & circulus ipse cointitur horisonti.

Prop. IX.

✦ Si in sphæra maior circulus obliquus ad axem definiat manifestum ab occulto; quod ex simul orientibus punctis est polo apparenti propinquus, posterius occidit. Quod autem ex simul occidentibus, dicto polo vicinius, prius oritur.

Nam punctum polo manifesto vicinius habet, per 24. 2. Theod. maiorem arcum super horizontem: & perinde si simul oritur, cum puncto remotiori à dicto polo, posterius occidet. Et si simul occidat, iam prius exortum est per 2. huius.

Prop. X.

Si in sphæra maximus orbis obliquus ad axem definiat apparens sphære & latens; circulus, qui per polos sphære, bis rectus sit horisonti in vno sphære ambitu.

✦ Patet, quia talis circulus bis transit in vno ambitu per polos horisontis: quare per 20. 2. spheric. Theod. bis eum orthogonaliter secabit.

Prop. XI.

✦ Si in sphæra maior circulus obliquus ad axem definiat apparens sphære & latens: alius verò maior circulus parallelos maiores attingat, aut quos horizon semper apparentem semperque occultum tangit, per omnem horisontis periferiam parallelis, quos attingit, interpositam ortus & occasus facit.

Patet, quoniam omnia puncta talibus parallelis interiecta oriuntur & occidunt apud periferias horisontis iisdem interiacentes. Quare & tota talis circuli maioris periferia in idem facit.

Prop. XII.

✦ Si in sphæra manens circulus delatum aliquem circulum eorum, qui in sphæra, semper per æqualia fecerit: inter autem ipsorum ad re-

246 AVTOLYCI DE SPHÆRA MOBILI
ctos fuerit angulos axi, neque per polos sphæræ: vterque ipforum erit
maior.

*Nam si vterque sit circulus minor: manens non potest semper bifariam se-
care delatum, nisi manens ad rectos sit axi, si manens sit maior, ac delatus
minor: non potest semper bifariam secare delatum, nisi existentem ad rectos
axi, quod est contra hypothesim: Si manens sit minor, ac delatus maior: hoc
esset contra 17. I. sphæric. Theod. superest ergo ut omnino sint ambo
maiores.*

THEODOSII DE HABITATIONIBVS

LIBER.

Propositio prima.

† SVB Septentrionali polo habitantibus hemisphærium qui-
dem mundi vsquequaque idem apertum est vnum: alterum
omnino idem occultum: nec astrarum aliquod ipsis occidit aut
oritur: sed quæ in aperto sunt, prorsus sunt in conspectu: at quæ in
occulto vsquequaque nusquam comparent. *Quæ prop. eadem ferè est
cum 4. Autolyçi.*

Prop. II.

† Sub æquinoctiali habitantibus omnia astra oriuntur & occidunt,
& æquali tempore super horizontem attollentur, horizontique sub-
uehantur. *Idem habetur in 5. Autolyçi.*

Prop. III.

† Per omnem locum, qui sub media zona tropicis parallelis inter-
clusa, signifer quotidie rectus erigitur horizonti.

*Nam circulus æquatoris parallelus per verticem loci ductus binis in locis
secat Zodiacum. Quando igitur punctum sectionis alterutra ccunitur ver-
rici, tunc zodiacus incedit per polos horizontis; & idè per 20. I. Theod. se-
cat horizontem orthogonaliter: bis ergo fit hoc in vno ambitu. Habitan-
tibus verò sub tropico semel, hoc est in puncto solstitij, in quo zodiacus tangit
ipsum tropicum.*

Prop. IV.

Quorum vertex à polo tantum abít, quantum tropicus distat ab
Æquinoctiali: illis simul sex signa & occidunt, & oriuntur.

*Hoc est illis, quorum vertex est in arctico, vel antarctico circulo. Nam cū
poli zodiaci ferantur in peripheriis talium circularū, iam in vno semel polus*

counitur vertici, hoc est polus zodiaci polo horizontis. Quare & zodiacus counitur horizonti, quæ conio fit instanti, & post illud in instans statim zodiacus dispecitur bifariam ab horizonte, & ideo in instanti semicirculus eius oritur, & reliquus semicirculus occidit.

Prop. V.

✦ Sub æquinoctiali habitantibus Meridianus bifariam secabit super horizontem signiferi semicirculum quando tactus tropicorum & signiferi fuerint in horizonte, & tunc signifer rectus erit ad horizontem.

Tunc enim horizon incedens iam per polos tropici, & puncta contactuum per 6. 2. spher. Theod. ibit, & per polos zodiaci: & ideo per 20. 1. orthogonally eum secabit; & per 21. 1. zodiacus vicissim ibit per polos horizontis, per quos & meridianus, unde arcus tam meridiani, quam zodiaci ab horizonte ad horizontem recepti sunt quadrantes.

Prop. VI.

✦ Sub æquinoctiali habitantibus signiferi semicirculi omnes in tempore æquali oriuntur. Similiter etiam oppositæ periferiæ.

Ibi enim omnis semicirculus zodiaci oritur cum arcu diurno sui principij: omnes autem arcus diurni par. 2. huius, sunt semicirculi: constat igitur prima pars propositi. Reliqua verò, quoniam non solum oppositæ zodiaci periferiæ, sed etiam ab æquinoctij puncto æqualiter remote cum æqualibus æquinoctialis periferijs ascendunt.

Prop. VII.

✦ Habitantibus sub eodem parallelo stellæ neque simul oriuntur, neque simul occidunt, sed quanto prius oriuntur orientaliore loco, tantò prius occidunt.

Nam talium locorum horizontes propter aquas polorum altitudines, tangunt eosdem æquatoris parallelos: quare per 18. 2. spher. Theod. arcus ex parallelo quolibet, semicirculi horizontum tam Orientalibus quam Occidentalibus interiecti, sunt similes. Omnis igitur stella in loco Orientali per eundem arcum anticipat ortum, & inde occasum, & idcirco per idem temporis intervallum.

Prop. VIII.

Sub eodem meridiano habitantibus stellæ quæcunque sunt inter maximum semper apparentium parallelorum & æquinoctialem diutius super horizontem feruntur illis, qui ad Septentrionem habitant, quàm illis qui ad Meridiem. Et quanto prius oriuntur ad Septentrionem habitantibus, tanto posterius occidunt. Quæ verò astra inter maximum semper occultorum, & æquinoctialem, diutius super horizontem apparent ad Meridiem habitantibus, quàm ad Septentrionem.

& quanto prius oriuntur iis qui ad Meridiem, tanto posterius occidunt.

Nam eunti versus manifestum polum, arcus diurnus astri eodem versus ab equatore declinantis crescit, & eunti versus occultum polum arcus diurnus astri eo declinantis etiam crescit. Collatis autem arcubus, utrimque, hoc est ad ortum & ad occasum crescentibus, constat reliqua pars propositi.

Prop. IX.

✦ At si horizontes neque sub eodem parallelo, neque sub eodem Meridiano, sequetur tatum arcuum super horizontem peractorum prædicto modo inæqualitas: non autem ortuum & occasuum anticipatio. *Constat sicut præmissa, propter magis, aut minus inclinatum horizontem.*

Prop. X.

✦ Sub polo utrolibet habitantibus sol semestri tempore super horizontem iugiter fertur, & tandem sub horizonte.

Patet hoc per I. huius: quoniam zodiaci semicirculus semper extat, & semicirculus semper delitescit: qui semestri ferme spatio à Sole peragitur. Neque hic motus differentia, quem Solis ingerit eccentricus, considerata venit: supponitur enim Solis motus aqualis, ubi de arcubus primi motus agitur.

Prop. XI.

✦ A polo versus arcticum vel antarcticum procedentibus, hæc iugis mora Solis super horizontem, aut sub horizonte minor fiet semestri tempore, minorque, donec ad spatium 24. horarum sub arctico vel antarctico redigatur.

Nam horizon harum habitationum tangit duos equatoris parallelos tropicis maiores, qui de zodiaco utrimque duas peripherias aequales abscindunt. Et peripheria, quam parallelus semper apparens abscindit, nunquam occidit; ea verò quam semper occultus, nunquam oritur. In illa ergo quandiu Sol fuerit, nunquam occidet: in hac nunquam orietur. Vnde in illa tantus erit iugis dies: dies in hac tanta iugis nox pro magnitudine scilicet peripheria, tot scilicet mensum, quot signa comprehenderit peripheria, & tot dierum naturalium, quot in super gradus habuerit.

Prop. XII.

✦ Sub arctico vel antarctico habitantibus dies maxima fiet 24. horarum, & instans pro nocte. Contra nox maxima 24. horarum, & instans pro die. Cæteri arcus crescent & decrescent usque ad æqualitatem æquinoctij.

Nam ibi habitantium horum tangit duos tropicos, quos & Zodiacus contingit

tingit. Quare Sol in tropico super horizontem extantem constitutus, peragit pro die integrum ambitum: & pro nocte punctum ipsum contactus. Contra Sol in tropico totaliter latenti positus circulum totum pro nocte describit, & pro die, solum contactus punctum, inde decrescunt utrique arcus usque ad medium aequalitatis.

Et quoniam per 23. 2. sphaeric. Theod. coalterni arcus diurnus & nocturnus utrinque ab æquatore sumpti sunt æquales, & perinde tam duo diurni, quàm duo nocturni coniugatè recepti circulum integrat: propterea fit ut in omni horizonte totum tempus diurnum in anno collectum simul sit semestris, hoc est anni dimidium: & nocturnum similiter tantumdem, sed sub polo continuum: cæteris verò habitatoribus interpolatum. His autem Euclidis Phænomena in eorum gratiam subiungemus, qui ferè Geographiæ, & Astronomiæ operam dare voluerint: deinde brevissimum afferemus Cosmographiæ compendium, quod cœlos, & terram oculis velut in tabella subiciet.

EVCLIDIS EX TRADITIONE

MAVROLYCI

Phænomena.

QVONIAM stellæ circumferuntur æquali semper à nobis remotione, propterea motum cœli circularem esse: easque per parallelos æquidistantes deferri. Et quoniam earum quædam perpetuò feruntur supra terram, quædam sub terra: quædam plus moræ trahunt super terram, quædam plus sub terra, & medio loco posita æqualiter. Hinc mundum non nisi sphaericæ figuræ esse: nec nisi circa axem, & æqualiter volui. Axem autem polorum vnum extare: alterum sub terra delitescere. Horizon autem circulus vocetur, qui definit spectatum hemisphaerium. Meridianus, qui per sphaeræ, horizontisque polos incedat. Æquinoctialis verò maximus inter parallelos communem cum sphaera axem habentes. Zodiacum, siue signiferum esse solis orbitam, à quo Æquinoctialis obliquè secatur. Tropici sunt duo paralleli æquales zodiacum tangentes. Ex quibus manifestum est, horizontem circulum esse maximum, quòd maximum quemque semper secet per medium.

PROPOSITIONES.

I.

TERRA in medio mundo est, centriue fungitur officio.

Quoniam scilicet eadem dioptra spectamus simul duo signa opposita, vnum oriens, alterum occidens: & rursum alia duo signa opposita apud ortum & occasum: fit vt linea visualis in vtraque obseruatione sit diameter zodiaci, & firmamenti: terra igitur in sectione talium diametrorum cum sit, in centro zodiaci, & perinde mundi existet.

II.

In vno ambitu, qui per polos sphaera circulus, bis rectus erit ad horizontem.

Quia scilicet bis cunctitur indie cum meridiano, qui rectus est ad horizontem.

Zodiacus verò circulus ad meridianum bis erit rectus.

Quia scilicet plus zodiaci in parallelo arctico delatus bis in die sistitur in meridiano.

Ad horizontem verò minimè rectus erit, quando polus horizontis fuerit extra tropicos.

Ibi enim zodiacus nunquam transit per polos horizontis, hoc est per verticem loci.

Siverò polus horizontis in tropico fuerit: zodiacus semel in die ad horizontem rectus erit.

Quando scilicet punctum solstitiale zodiaci fuerit in polo horizontis, quod semel in die fit.

Quando demum polus horizontis inter tropicos fuerit: zodiacus circulus ad horizontem bis rectus erit.

Nam ibi parallelus æquatoris per polum horizontis incedens binis in punctis secat zodiacum: quæ puncta singula semel in die sistuntur in ipso polo horizontis in dicto parallelo delata. Bis igitur in die zodiacus horizontem orthogonaliter secabit, per 20. 1. sphæric.

Theod.

III.

✦ *Astrorum non errantium ortus, occasusque officientium, vnumquodque apud eadem horizontis puncta oritur & occidit.*

Nam parallelus, in quo defertur astrum super axem, in vno semper situ circunducitur, & in iisdem semper punctis secat horizontem. Ad-
ditio 2. propositionum.

IV.

✦ *Astra in circulo per polos mundi ducto existentia simul oriuntur,*

& simul occidunt in horizonte recto.

Nam talis circulus bis in die cunnitur horizonti recto.

V.

Astra existentia in semicirculo orientali circuli tangentis maximum integrè apparentium parallelorum, quem tangit horizon obliquus, simul oriuntur in tali horizonte. Existentia verò in semicirculo reliquo, simul occidunt in eodem.

Sicut enim ille semicirculus semel in die cunnitur semicirculo orientali horizontis: ita hic occidentali. Vnde denominantur.

VI.

Astrorum in maximi circuli ambitu existentium, maximumque integrè apparentium non tangentis neque secantis, quæ prius oriuntur, prius occidunt: Et quæ prius occidunt, prius oriuntur.

Nam ex talibus astris occidentalibus prius oritur, & prius occidit. Ducto enim semicirculo orientali tangente maximum parallelorum integrè apparentium, per astrum occidentalius, relinquitur astrum reliquum ad orientem, similiter ducto semicirculo occidentali. Constat ergo propositum: cum tales semicirculi repræsentent semicirculos horizontis.

VII.

✦ *Astrorum in maximi orbis ambitu, qui maximum integrè apparentium secant, existentium, quæ septentrioni propius, prius oriuntur, posteriùs verò occidunt.*

Ductis enim per astrum à septentrione remotius circulis maioribus maximum integrè apparentium vtrinque tangentibus: relinquetur astrum reliquum in medio peripheriarum. Vnde palam fit ipsum astrum reliquum prius oriri, & prius occidere. Sed Euclides loquitur respectu situs nostri. Nam apud nostros Antæcos, idem dicendum de astro, quod illipolo propinquus est.

VIII.

✦ *In Zodiaco, siue æquinoctiali, siue quouis alio maiori circulo astra ex diametro posita conjugatè oriuntur, & occidunt.*

Nam quævis diameter cuiuslibet maioris circuli est, & mundi diameter: cuius extremorum altero ex oriente, reliquum occidit. Et è contrario.

X.

✦ *Zodiacus circulus per omnem horizonis locum inter circulos tropicos oritur, quando maximus integrè apparentium non minor fuerit circulo tropico.*

Hoc est in illo horizonte, cuius vertex est in circulo arctico, vel in-

ter ipsum & polum, ortus zodiaci fit per totum semicirculum horizontis orientalem: occasus per totum semicirculum horizontis occidentalem: quandoquidem totus horizon iacet inter tropicos.

X.

✚ *Signa non apud aqualia horizontis segmenta oriuntur, & occidunt: in maximis enim quæ ad æquinoctialem: in minoribus autem quæ hac sequuntur: in minimis verò quæ ad tropicos: apud aqualia porro, quæ ab æquinoctiali circuli aqualiter distant.*

Ductis enim per limites signorum zodiaci parallelis hinc inde ab æquinoctiali: peripheriæ horizontis interceptæ tam ad ortum quàm ad occasum, ab æquinoctiali versus tropicos ordinatæ successivè decrescunt, ut infert propositio. Omnis enim arcus zodiaci apud peripherias horizontis suis parallelis interceptas oritur, & occidit. Hoc autem ostendit Theodosius in 3. 5. 7. & 9. prop. libri 3. spheric. & Menel. in 46. secundi. Quod intelligitur tam in horizonte recto quàm in obliquo; quamvis in obliquo peripheriæ dictæ horizontis sint maiores.

XI.

✚ *Zodiaci semicirculos non ab eodem parallelo exorsos, neque aquali tempore totos exoriri, sed in plurimo, qui cum cancro, eoque minori, quo inde remotius exordium sumpserint: in minimo tandem, qui cum capricorno. Quicunque autem in eodem parallelo initium habuerint, æquis temporibus in æternis exortum facere.*

Constat hæc prop. apertissimè, si conferantur arcus diurni semicirculorum zodiaci principiis debiti. Cum talibus enim arcubus oriuntur ipsi semicirculi. Et pro occasu semicirculorum conferantur arcus nocturni, qui semicirculorum initiis respondent: quamvis de occasu author non faciat mentionem. Sed vitra æquinoctialem pro signis in proportionem expressis sume signa opposita. Author autem respexit ad situm nostrum.

XII.

✚ *Si in Zodiaco bini semicirculi communem quandam circumferentiam habentes diverso tempore orientur: relictæ arcus diverso etiam tempore orientur, & in eodem excessu. Si autem in Zodiaco bini semicirculi communem arcum habentes æquis temporibus æquis orientur, relictæ quoque peripheriæ temporibus æquis orientur.*

Nam subtracto arcu communi, subtrahitur etiam commune tempus: & ideo relictæ tempora erunt aut in eodem excessu inæqualia, in quo scilicet tempora semicirculorum sunt: aut æqualia, si tempo-

ra semicirculorum fuerint æqualia.

XIII.

† *Zodiaci aequalium & ex opposito circumferentiarum in quo tempore altera oritur, reliqua occidit. Et in quo altera occidit, reliqua oritur.*

Nam, per octauam huius, talium arcuum limites exeuntes ex diametro, coniugatè oriuntur, & occidunt; hoc est, vno oriente, alter occidit, & è contrario. Et ideo quo tempore oritur interceptorum arcuum vnus: reliquus occidit; & è contrario. His autem rursus tres propositiones adduntur.

XIV.

† *Similium horizontum semicirculi similes, parallelorum peripherias includunt: Et ideo quodlibet astrum ad horizontem ex iis orientalem per vnum temporis intervallum anticipat tam ortum, quam occasum, ac celi mediationem.*

Similes horizontes sunt, qui aut recti sunt aut eiusdem latitudinis. Qui autem eiusdem latitudinis sunt, tangunt eosdem parallelos, quorum alter maximus integrè apparentium est, alter maximus integrè occultorum. Hęc ergo propositio quoad rectos horizontes, ostenditur in 14. l. 2. Theod. quoad autem obliquos, in 8. eiusdem. Vt si inter duos horizontum siue rectorum, siue vnius latitudinis obliquorum semicirculos orientales intersit arcus æquatoris 30. graduum: iam inter eosdem ex quolibet parallelo totidem gradus intercipientur. Et perinde omne astrum magis orientale per duas horas præuertet tam ortum quam occasum, quam & celi mediationem. Quare constat aperte corollarium.

XV.

Similium horizontum semicirculi orientales vnà cum zodiaci peripherijs intercipiunt æquatoris arcus coorientes, occidentales autem cooccidentes ad quemlibet talium horizontum.

Manente enim fixo horizontum talium vno, sphaera reuoluta, ceterorum similium horizontum semicirculi coniunguntur ei: & proinde zodiaci peripheriæ ante motum interceptæ cooriuntur, aut cooccidunt cum arcubus æquatoris simul interceptis.

XVI.

Peripheria zodiaci aequales ad rectum horizontem non æquis temporibus oriuntur, neque occidunt sed in maximo, quæ sunt ad tropicorum contactus: in minori autem, quæ has subsequuntur: in minimis verò; quæ ad æquinoctialem: aequalibus porro, quæ ab æquinoctij puncto aequaliter distant.

Exempli gratia, sumantur in zodiaco 3. signa γ , δ , & η , Aio quod

ex his in sphaera recta \mathcal{H} in maximo; \mathcal{V} in minori; γ in minimo tam oritur, quam occidit tempore. Ducantur enim à polo mundi tres semicirculi horizontum rectorum per limites talium signorum: iam tales semicirculi, abscindunt de æquinoctiali arcus inæquales: quorum maximus erit, qui remotissimus à sectione zodiaci, & æquinoctialis, scilicet qui cum \mathcal{H} intercipitur: minor, qui cum \mathcal{V} minimus, qui cum γ , per 4, & 8: tertij sphaeric. Theod. & 46. secundi Menel. Sed per præcedentem, tales æquatoris arcus cooriuntur, siue cooccidunt cum signis ipsis interceptis. Igitur ex his \mathcal{H} in maximo: \mathcal{V} in minori: γ in minimo oritur, & occidit tempore. Quod autem æquè ab æquinoctio remota signa æquis temporibus oriuntur, atque occidunt, constat, quoniam cum æquis arcubus æquatoris oriuntur, & occidunt, & id propter æquilatera inuicem sphaeralia triangu- la, per 23. primi sphaeric. Menel.

Corollarium. Hinc manifestum est quod in sphaera recta 4. signa \mathcal{H} , \mathcal{V} , γ , & \mathcal{X} in maximis: 4. autem \mathcal{O} , \mathcal{M} , & \approx in minoribus: 4. denum χ , γ , \mathcal{M} , & \sim , in minimis, & inuicem æqualibus oriuntur, & occidunt temporibus.

XVII.

† Semicirculi zodiaci, qui cum 69 aequales circumferentia non æquis temporibus occidunt, sed in maxima, quæ sunt ad tropicorum contactus: in minori autem quæ ad æquinoctialem: æqualibus porro quæ has subsequuntur: in minimis verò quæ ad æquinoctialem: æqualibus porro quæ ab æquinoctij puncto æqualiter distant, oriuntur, & occidunt.

Per limites trium signorum \mathcal{O} , \mathcal{M} , & \mathcal{M} ducantur tres semicirculi horizontum obliquorum eiusdem latitudinis occidentales, & perinde tangentes eundem æquatoris parallel. Nam tales semicirculi abscindunt ex æquatore arcus inæquales, quorum maximus erit, qui remotissimus à sectione æquinoctij, scilicet qui cum \mathcal{O} intercipitur: minor, qui cum \mathcal{O} : minimus, qui cum \mathcal{M} , per 6, & 10 tertij sphaeric. Theod. & 46 sec. Menel. sed per ante præmissam, talia signa cooccidunt cum arcubus æquatoris interceptis; igitur ex his \mathcal{O} in maximo: \mathcal{O} in minori; \mathcal{M} in minimo tempore occidit. Quod autem signa æqualiter ab æquinoctio remota æquis temporibus oriuntur, & occidunt, constat per 25 primi sphaeric. Menel. propter æquilatera inuicem sphaeralia trianguli. Verum in horizontibus ultra æquatoris pro \mathcal{O} , \mathcal{O} , & \mathcal{M} , substitue \mathcal{X} , \approx , & χ .

Coroll. Hinc patet quod in horizonte nostro obliquo, duo signa \mathcal{O} , & \approx in minimis: \mathcal{O} , & \mathcal{M} in minoribus: \mathcal{X} , & \sim , in minimis, &

inuicem æqualibus occidunt temporibus.

XVIII.

¶ Semicirculi Zodiaci, qui cum ☉, æquales peripheria: nequaquam æquis oriuntur temporibus. In maximo quidem, quæ ad tropicorum contactus: in minori autem, quæ has subsequuntur: in minimis verò, quæ ad æquinoctialem: æqualibus porro, quæ ab æquinoctij puncto æqualiter distant, oriuntur, & occidunt.

Ostenfum est in præcedenti, ☉ in maximo, in minori ☽ in minimo ꝑ occidere. Igitur per 23 præcedentem, his opposita signa, scilicet ☉, in maximo: ♊, in minori: ♏ in minimo orientur; quod est propositum. Vnde & æqualitas ortuum in signis æquè ab æquinoctio remotis sequetur. Sed in regionibus ultra æquatorem, quoniam mutatur polus manifestus, immutanda sunt, & signa.

Coroll. Constat igitur hic similiter, quod in his obliquis horizon-
tibus ☉, & ♏ in maximis: ♊, & ♏ in minoribus: ♏, & ♊ in minimis, & inuicem æqualibus oriuntur temporibus.

MONITVM.

QVI seriò Trigonometriæ suam operam dare voluerit, adeat Gellibrandi Britannicam Trigonometriam, cuius fundamentum consistit in triangulorum planorum similitudine, ad quam duntaxat requiritur æqualitas angulorum, vel proportio crurum: quæ cum numeris exprimi debeant, tam peripheriæ circulares, quibus angulos metimur, quàm rectæ circulis adscriptæ in certas partes diuidendæ sunt, quæ numeris exprimantur.

Quapropter peripheriæ in 360 gradus diuisæ gradum quemlibet primum in 100 partes, Vietam imitatus pag. 29. Calendarij, partitur, deinde quamlibet partem centesimam, ad calculi facilitatem diidit. Radium verò facit vnus partis vel 1000, 000, 000, 000, 000; & in ijsdem partibus rectas circulo adscriptas, putà sinus arcuum, & tangentes, atque secantes diuidit, de quibus fusissimè dictum est vtili Præfatione ad Theodosij spherica.

Cum autem Gellibrandus, post Neperum & Briggsium, per Logarithmos progrediatur, quos ferè omnes iudicant longè faciliores reliquis sinuum & tangentium canonibus antea vsurpatis, hic autori præ reliquis legatur, atque teratur, quippe satisfacit abundè, tum

pro planis triangulis in 1. Britannicæ Trigonometriæ; tum pro
 sphæricis in 2. artificialis trigonometriæ libris.

Vt autem ea quæ dicta sunt hætenus de sphæricis, ad cosmogra-
 phiam breuiffimè contrahamus, peculiarem tractatum, quem voca-
 re possis Cosmographiam Astronomicam, quòd ex æquo vtrique
 conueniat, Autolici, Theodosij, & Euclidis Phænomenis, velu-
 ti Corollarium subiungemus, ex quibus valeant intelligi, quæ in
 illo tractatu quispiam desiderare posset.



COSMO-

COSMOGRAPHIA ASTRONOMICA.

AD REVERENDVM P.

FRANCISCVM
LANOVIVM:

F. M. MERSENNVS S. P.



VM à pluribus annis, R. P. non solum Patres Græcos & Latinos, sed alios præterea libros plus minus ICCXL euolueris, & euisceraueris, nouosque, vi quâ polles ingenij propemodum infinitâ, in lucem edendos tanto numero scripseris, vt etiam æquare possint numerum illum Platonicum, vel illius ad minimum partes aliquotas ad calcem Præfationis ad Hydraulica relatas. Iter illud, ad quod accingeris, vt Te Summi Pontificis iussu, Collegam admodum Reuerendi Patris Laurentij à Spezzano, Ordinis nostri Dignissimi Generalis exhibeas, non debet fructus illos vberrimos sufflaminare, quos viri Docti à te propediem expectant: quosque, nullus dubito, quin superiores abs te vel precibus, vel iussu, statim atque rescierint tuorum operum inscriptionem, pulchritudinem, & utilitatem, extorqueant.

Quid enim utilius, aut pulchrius singulis totius Religionis Christianæ Formulis, & Ritibus, hucusque à Christo Domino, quaquâ patet, usurpatis? Quodnam Calendarium cum Anno tuo Eucharistico conferendum? Quid tuæ Patriæ Annales, quid Theologum, quid Angelica, quid omnia elegantissimo stylo à te parata, commemorem, quibus totam Ecclesiam XXX sequentibus annis illustratam iri confido.

Gaudeat igitur minimus noster orbiculus, qui Tuorum operum splendore, sapiētibusq; consilijs illuminatus maximas gratias, Diuino

primùm numini, deinde Summo Pontifici habere debeat, quorum prouidentia Generalem & Collegas accepit, qui non solum parta tueantur, verùm etiam illius terminos promoucant.

Dum igitur, R. P. thesauros illos amplissimos abs. Te collectos expectamus in literatorum, & Ecclesiæ Catholicæ vsum effundendos, hoc accipias Astronomicæ Cosmographicæ opusculum quod in amicitia nostræ antiquæ, & sinceræ testimonium, Tuo nomine inscriptum volui; quippe refert œconomiam, quâ in ipso itinere, siue terrestri, siue maritimo, recrees animum, & opera Dei circumspiciens maiore semper diuini amoris flammâ succendaris.

PRÆFATIO AD LECTOREM.

NIL interest, Beneuole, si mentem Ptolemaicorum, vel Ty-
chonicorum sequaris; siue Philolai, Aristarchi (de quo in
Piamnite) & aliorum Pythagoræorum anteponas sententiam: le-
ctione sequentium propositionum veritatem assequeris. Vt verò
supremum istius autorem scientiæ magis magisque suspicias, atque
venereris, mecum, obsecro, pernecitatem siderum contemplare,
quæ tanta est vt stellâ quælibet iuxta Æquinoctialem sita, minuto
horario, motu raptus seu diurno, 15' percurrat, quæ in octauo cœlo
leucis 70000, in terra verò 5 leucis respondent: suppono namque
firmamenti ambitû 100800000 leucarum; diametrûque 32072727,
quarum vnaquæque sit 3000 passuum, & passus 5 pedum Regio-
rum. Eadem stellæ durante 1" temporis, faciunt leucas in firma-
mento 1166 $\frac{2}{3}$, in terra 250 passus.

At verò si de proprio stellarum motu loquamur, qui 28800 anno-
rum spatio perficitur, conficiunt gradum spatio 80 annorum, qui res-
pondet 280000 leucis firmamenti, 20 verò terræ leucis. Spatio men-
sium 16, minutum, leucis 4666 $\frac{2}{3}$ firmamenti, terræ $\frac{1}{3}$ leucæ, seu
1000 passibus respondens. Octo verò diebus, horis, 48', seu 11688',
quæ sunt dies in 32 annis, 1" conficiunt, quod in firmamento con-
stat leucis 77 $\frac{2}{3}$; in terra verò passibus 16 $\frac{2}{3}$. Spatio 3 horarum, 14',
48", faciunt 3", quod in firmamento constat vnâ leucâ, 888 passi-
bus, pedibus 4, 5 digitis, & 4 lineis: in terra verò digitis 16 $\frac{2}{3}$, seu
200 lineis. Spatio 3', 14', & 48", conficiunt 1', quod firmamenti
passibus 64, pedibus 4, lineis 10 $\frac{1}{2}$ 10 $\frac{1}{3}$, terræ verò lineis 3 $\frac{1}{2}$ res-
pondet. Spatio annuo 45' faciunt, hoc est 3500 leucas firmamenti;
terræ verò $\frac{1}{4}$ leucæ.

Spatio dici cōficiunt $7 \frac{109}{48}$, id est firmamenti leucas 9, passus 1747, pedes $2 \frac{31}{47}$: terræ verò passus $2 \frac{26}{47}$.

Spatio horæ faciunt 18^4 , & 28^5 , 49^6 , 46^7 , 26^8 , 51^9 , $27^{10} \frac{16}{17}$, hoc est passus firmamenti 1197. pedes 4, lineas 7; & terræ digitos $5 \frac{3}{4}$.

Spatio 1', cōficiunt in firmamento passus 20, digitos 2, lineas $2 \frac{5}{6}$; in terra verò lineam $1 \frac{13}{484}$.

Spatio 1'', in cœlo faciunt pedem 1, digitos 7, lineas $11 \frac{23}{300}$: in terra autem lineam $\frac{250}{1401}$: vbi nota denominatorem esse 4 annorum diebus æqualem.

Denique spatio 1''' faciunt in cœlo lineas $4 \frac{1}{20}$ si ludere volueris in proportionibus terræ, & firmamenti, scias ambitum terræ esse 7200 leucarum: eius diametrum $2290 \frac{10}{11}$: maximum illius circulum $4123636 \frac{1}{2}$. totam superficiem $16494545 \frac{1}{2}$. Conum, cuius altitudo, terræ radius; basis autem maximus terræ circulus, leucarum cubicarum $1574479338 \frac{108}{111}$. terræ verò soliditatem, $629792727355 \frac{1}{2}$. eiusdemmodi leucarum Gallicarum, 2500 constantium hexapedis. Quemadmodum enim maximus circulus est quarta pars totius superficiæ, ita conus ille totius est soliditatis quadrans.

Cum autem satis constet ex nostris tractatibus, me leucam Gallicam 15000 pedibus Regijs: pedem 144 lineis, lineam 10 minutioris arenæ granis definire, facilius fuerit multitudinem similium arenarum, quibus cōflanda sit tota non solum orbis nostri, sed etiam totius mundi soliditas, quæquæ nobis pater, calculis subducere, quàm vt tuum animum grauioribus intentum, diutius ab his propositionibus percurrendis distrahere velim. Quibus si spherica præcedentia coniunxeris, ausim Tibi subtiliorem totius Cosmographiæ, & Astronomiæ cognitionem polliceri.

Propositio prima.

Circulus æquinoctialis cælestem & terrenum globum in duas partes æquales diuidens distinguitur in 360. gradus, vt æquibet alius circulus tam maior quàm minor, ob facilitatem diuisionis huiusce numeri, quippe qui habet partem mediam, tertiam, quartam, quintam, sextam, octauam, &c. cuius sexta pars est 60, qui plurimas etiam diuisiones absque fractionibus patitur: hæc autem sexta pars à circulo, seu radio describente circulum, generatur, quæ rursus in 60 minuta prima, quodlibet minutum primum in 60 secunda, & sic in infinitum, vel pro libito deinceps diuiditur.

Quodlibet gradus æquinoctialis, continet 20 leucas, quarum quælibet 3000 passuum est; passus autem 5 pedes regios habet: pes regius in lineas diuiditur; linea verò continet 10. grana arenæ minutissimæ: igitur circulus æquinoctialis in terra 7200. leucas completitur in cœlo solis apogæi totidem leucas 1181, perigæi 1101. in firmamento verò totidem 14000, id est 100800000 leucas: igitur vni gradui solari apogæo respondebunt leucæ 12620, quæ nascuntur ex 20. ductis in 1181. Hinc deduces quot leucas contineat gradus firmamenti; & cui parti cœli solaris, vel firmamenti leuca vna terrestris respondeat: reliquas mensuras, nempe milliæ Helueticum, seu Germanicum maius 5 milliæ: milliæ 8 stadiorum: stadium 125. passuum: passus 5 pedum; pedem 4 palmorum: palmum 4 digitorum: digitum 4 granorum hordei lateraliter dispositorum, vt potè iam apud nos inusitatas non moror.

III.

Cum cuiuslibet gradui æquinoctialis terrestris 15. milliaria Germanica respondeant, ambitus terrenus erit 5400 milliæ Germanicarum; & cum circumferentia se habeat ad diametrum vt 22 ad 7. diameter terræ erit milliæ 1718 $\frac{2}{11}$, & semidiameter 859 $\frac{1}{11}$: sumamus facilitatis ergo 860, dimidia circumferentia 2700 multiplicata per 860 dabit aream æquinoctialis milliæ 2322000, qui per 4 multiplicati, dabunt totam superficiem terrenam milliæ 9288000: Denique si illa area ducatur in semidiametrum, efficiet cylindrum semidiametro spheræ æquè altum, milliæ 1996920000: cuius tertia pars 665640000 quater collecta totius terræ soliditatem milliæ 2662560000 tribuet: hinc facile reperietur terræ soliditas in nostris leucis.

IV.

Longitudo terræ sumitur ab insulis Fortunatis, vel Canariæ, numeraturque in æquinoctiali, vel circulo ei parallelo inter fixum meridianum occidentalem Fortunatum, & meridianum verticalem cuiusque loci intercepto: itaque meridiani distinguunt; æquinoctialis autem, & ei paralleli mensurant longitudinem.

V.

Æquinoctialis seu *immensus* noctem diei æqualem efficit, cum sol in co versatur, diuiditque spheram in partem septentrionalem, & meridionalem: cuius poli, sunt poli mundi, huius autem 15 gradus ex vna parte oriuntur, & ex alia occidunt singulis horis: igitur & gradus vnus.

oritur quibusque minutis horæ, & quarta pars gradus, seu $\frac{1}{4}$ vnoquoque horæ minuto: ideoque æquinoctialis mensura primi mobilis dicitur.

VI.

Æquinoctialis ostendit puncta æquinoctiorum, quæ bis in anno contingunt: diuidit Zodiacum in duas medietates, australem, & septentrionalem: hinc signa australia, & septentrionalia: est mensura temporis & ostendit quam habeant declinationē septr. aut meridion. stellæ, vel eclipticæ partes: insuper & in hoc circulo ascensiones, & descensiones signorum zodiaci obseruantur.

VII.

Linea perpendicularis lineæ meridianæ, repræsentat equatorem. & contra: quæ tamen absque linea meridiana describetur, si linea recta ducatur per puncta apicis vmbre à stylo, die æquinoctij verni, vel autumnalis productæ. Data autem poli altitudine datur æquinoctialis altitudo, quippe quæ est complementum quadrantis circuli; exempli gratia altitudo poli Lutetiæ est 48. graduum, 45: igitur æquinoctialis, ac proinde solis in primo gradu γ , vel α altitudo est 41 graduum, 15'. Et contra, data æquinoctij altitudine datur altitudo; sed & totius cœli, & terræ status ex vnius ex istis circulis data eleuatione sciri potest, dummodo longitudo loci cognita sit.

VIII.

Æquator in sphaera recta trāsīt per verticem, seu polum horizonis: in parallela, horizonti coincidit, estque ipse horizon: in obliquis autem sphaeris facit angulos acutos cum horizonte, quos faciebat re-ctos in recta, in qua omnia cœli puncta quotidie oriuntur, & occidūt, exceptis tamen mundi polis: propterea huius sphaeræ incolis perpetuum est æquinoctium, duplex æstas, duplex hyems; & 4 vmbre, nempe orientalis, & occidentalis, septentrionalis, & australis: hinc *Amphiscij*, seu *Amphiumbra* dicuntur: quod etiam obliquæ sphaeræ contingit, cuius vertex est inter æquatorem, & tropicorum alterum.

IX.

In sphaera obliqua, cuius vertex est in vno tropicorum, æquator $66 \frac{1}{26}$ ac proinde polus $13 \frac{1}{4}$ gradus eleuatur; & circuli polares constituunt semper apparentium, semperque latentium maximum circulum: huius incolæ vnicam æstatem, & hyemem habent, & vmbra septentrionali carent: hinc *Heteroscij*, seu *alteriumbra* vocantur: hæ autem 3 sphaeræ, nempe recta, & duæ posteriores obliquæ, sunt in zona

torrida, quæ utroque tropico terminatur, & quam æquator per medium secundum longitudinem, sicut ecliptica zodiacum, secatur.

X.

Æquator, & polus æquales habent 45 graduum altitudines in sphaera obliqua, cuius vertex est medius inter tropicum, & polarem circum: hinc tantus est calor æstatis, quantum est frigus hyemis: calor eo maior est, quo altior fuerit æquator; frigus intensius, quo polus sublimior. In sphaera verò obliqua, cuius vertex est in circulo polari, æquator $23\frac{1}{2}$, polus $66\frac{1}{2}$ gradibus eleuatur: dies autem maximus est 24 horarum: quo Zona temperata finitur versus polum, sicut tropico, versus æquatorem.

XI.

Zona frigida incipit à circulo polari, in qua noctes, diésque maximæ eò fiunt maiores, quò vertex incolarum magis ad polum accedit, donec sphaera parallela fiat, in qua Septentrionales eo priuilegio gaudent, quòd diés eorum maxima sit 7, & ampliùs diebus longior quàm maxima diés australium; quòd illos sol in signis septentrionalibus existens illuminet, in quibus tardiùs incedit ob locum apogæi inpositi. Quibus si crepusculum addamus, (quod sit à sole sub horizontem 18 gradibus depresso) nec non refractiones, diés artificialis 9 mensium, & 12 dierum apud sphaeræ parallelæ incolas esse poterit, cum 21 gradus μ , & 9 \approx , grad. 18 ab æquatore declinent. Nox verò è contrario, 7 diebus longior est apud Australes, quàm apud septentrionales. Hi autem *Periscij*, hoc est, *circumumbræ* vocantur, quia umbræ quaquauersum in gyrum, ob solem circa horizontem æquidistanter gyrantem, proijciuntur. Vide, num ista sphaera sit omnium ignobilissima, recta verò omnium nobilissima: & seriò contem-
plare, cur Deus sphaeram terrestrem ita cælesti iunxerit, ut in sphaera, cuius vertex est intra polarem circum, & polum, signa circa vernum æquinoctium sita præposterè oriantur, id est γ ante ν , & ν ante χ : & signa circa æquinoctium autumnale posita præposterè occidant, nempe \Rightarrow ante μ , & μ ante \approx .

XII.

Zodiacus, seu *Σημεοφόρος*, in punctis oppositis æquatorem ad angulos obliquos intersecat: cuius latitudo est 12, vel 16 graduum; medium autem istius circuli obtinet Ecliptica, sic dicta, quod luna solem obscuret, cum sub ea directè ista duo luminaria coniunguntur; cum autem sub eadem ecliptica è dia metro opponuntur, sol lunam nobis occultat, & ita fiunt eclipses.

XIII.

Ecliptica secundum latitudinem indiuisibilis, æquatorem intersecando, tropicum æstiuum Capricorni, & hybernum Cancrī statuit: ob quem signa illa descendētia dicuntur, quæ à ♄ ad ♋, ascendētia verò quæ à ♋, ad ♎ continentur: quia sol descendit in illis, & ascendit in istis. Præterea duo puncta æquinocti alia notat in æquatore.

XIV.

Aliæ sunt signorum diuisiones, iuxta varias interseciones, & relationes circularum inter se: vt ex intersecione colurorum, & zodiaci, γ, 8, ♀ dicuntur *vernalīa*, quia cū sol versatur in illis, Martem, Aprilem, & Maium efficit: ♄, ♏, ♍, *æstīua*, & sic de reliquis, iuxta 4 anni tempestates. Quæ autem contingunt interseciones, vt γ, ♎, &c. dicuntur *cardinalīa*: sequentia verò, *fixa*; reliqua sunt *communīa*. Omitto reliquas diuisiones, vt trigonorum ignei, ærei, & terrei, & dodecatemiorum, in quæ totum cælum diuidi concipitur, penes 12. partes zodiaci.

XV.

Duodecim signa naturalia, in quæ Zodiacus diuiditur, incipiunt à communi sectione æquatoris, coluri æquinoctiorum, & eclipticæ, procedendo versus orientem; quorum primum est γ, ver incipiens, deinde 8, &c. quem ordinem appellant successionem, & consequentiam signorum; contrarium verò ordinem, præcedentiam. Zodiacus verò, & ecliptica motus secundos planetarum, vt æquator, motum primum, mensurat: Deinde numeratur siderum longitudo in ecliptica ab γ initio, secundum sequelam signorum, vsque ad circulum maximum per polos eclipticæ, stellæ locum transeuntis; sicut longitudo terrestris in æquatore à primo meridiano occidentali vsque ad meridianum transeuntem per locum propositum.

XVI.

Ab ecliptica vsque ad polum numerantur siderum latitudines: est autem latitudo hæc, arcus circuli maximī per polos eclipticæ, & stellam incedentis inter eclipt. & stellam interiectus. Tales autem arcus, circuli latitudinem appellantur. Puncta verò inter æquatorem & eclipt. existentia, respectu æquatoris sunt borealia, & respectu eclipticæ, australia, vel contra.

XVII.

Ecliptica continet omnium siderum loca: nam stella est in eo gradu eclipticæ, per quem circulus latitudinis eiusdem stellæ incedit: sic enim stellæ existentes in coluro solstitiorum, sunt in primo gradu ♄ vel ♋. Qua ratione omnes stellæ firmamenti ad vnum ex 12 zodiaci

signis referuntur. Omitto circulos quos eclipticæ parallelos eodem modo statuere possemus, quo Astronomi 182 æquatori parallelos imaginantur, per quos sol toto anno incedit, quorum extremi sunt 2 tropici, medius verò æquator.

XVIII.

Coluri per polos mundi, & 4 puncta cardinalia zodiaci transeuntes sese mutuo ad angulos rectos sphaerales in ipsis polis intersectant, & una cum sphaera voluuntur: ita vocati, quia mutili videntur in obliqua sphaera, cum una pars semper infra horizontem deprimatur, alia verò supra eleuetur: horum vnus dicitur æquinoctiorum, qui per puncta intersectionis æquatoris, & eclipticæ transiens duo puncta æquinoctialia, nempe γ & α statuit: alter verò solstitiorum, quia æquatorem in illis punctis ad angulos rectos diuidit, in quibus sol æstatem & hyemem incipit, nempe in primo gradu 69, & 23: qui propterea colurus maximas solis declinationes meretur, zodiaci polos continens, eorum à polis mundi distantiam ostendit: Infiniti verò coluri ad singulas siderum ab æquatore declinationes ostendendas statui possunt.

XIX.

Meridianus, seu *μεριμβειος*, in quocumque situ sphaeræ meridiem, & mediam noctem efficit, continetque duo puncta Zenith, & Nadir sibi inuicem opposita: primus autem meridianus vulgò statuitur in insulis Fortunatis, ab alijs in insula ferri: sunt autem 36, vel potius 18 meridiani, cum iidem meridiani vnus hemisphaerij alteri etiam hemispherio seruiant: singuli quippe 10 inter se distant gradibus: quam geometricè loquendo, tot sint meridiani, quot puncta verticalia, quemadmodum tot horizontes, quot sunt diuersa puncta terræ: qui vnique gradui meridianum assignant, 180 statuunt.

XX.

Idem est meridianus progredientibus recta à septentrione in meridiem secundum latitudinem: solis autem, & stellarum maximam altitudinem, earum ab æquatore distantiam poli altitudinem, & totius terræ habitudinem ostendit: atque latitudinem terrenorum locorum meretur, de qua nunc agendum est.

XXI.

Latitudo numeratur in meridiano, ab æquatore versus alterum polorum, & ostendit quanto punctum quodlibet ab æquatore distet; alter polorum mundi eleuetur, & alter deprimatur: est autem latitudo cuiuscumque loci, seu arcus meridiani interceptus inter Zenith, & æquatorem, æqualis eleuationi poli supra horizontem: hæc autem

eleuatio

elevatio est arcus meridiani ab horizonte ad polum mundi ductus.

XXII.

Quemadmodum latitudo terræ numeratur in meridiano insularum Fortunatarum, vel in alio orientiori, ita declinatio siderum in iisdem meridianis numerari potest; qui tamen propterea *circuli declinationum* appellantur, quia ostendunt quantum stellæ, vel planetæ distent ab æquatore, & ab eo versus polum declinent. Possunt etiã *verticales* appellari, quatenus per verticem cuiusque loci transeunt, perque horizontis singula puncta perpendiculariter descendentes, siderum altitudinem supra horizontem, aut depressionem infra metiuntur: Arabicè verò *Azimuth* in astrolabiis vocari solent, quòd ostendant in qua parte mundi sidus oriatur, aut occidat.

XXIII.

Meridianus incipit diem astronomicum; potest autem punctum meridianum diuersis modis reperiri, vt arborum abscissione, quarum trunci ostendunt circulos densiores, seu sibi viciniore esse ex parte septentrionis; acu in aqua, suberis auxilio, natante; ferro in aëre liberè suspenso, acu magnetica, dūmodo illius declinatio cognoscatur: quadrante astronomico; breuissimâ dici vmbra à stilo proiectâ. Possumus etiam inuestigare quot gradibus sol eleuetur supra horizontem, siue sit in meridie, siue extra meridiem; eius enim altitudinem dabit triângulus, cuius latus vnum sit vmbra stili, aliud linea stilo æqualis, vmbra per pedem stili perpendiculariter acta; tertium verò latus coniūget duo prædicta latera: linea enim æqualis stilo, vel arcus ei respondens repræsentabit arcum verticalem, quo solis altitudo mensuratur.

XXIV.

Horizon astronomicus, seu verus diuidit totam mundi sphaeram in duas partes æquales, nempe in hemisphaerium superum, seu visum, & inferum, seu occultum, cuius centrum idem est cum centro mundi, poli verò Zenith, & Nadir incolæ: Horizon physicus, seu sensibilis, & visualis, astronomico æquidistans est pars terræ quam oculis detegimus: cuius semidiameter in planitie est leuæ circiter, cū oculus 6 pedes altus est; qui si ad leuæ altitudinem eleuetur, semidiameter horizontis sensibilis erit 51 leucarum, vt l. 3. de Veritate scientiarum, c. 2. demonstratum est.

XXV.

Quilibet horizon vnicum habet incolam; in quo stantia ei ita perpendicularia esse debent, vt linea directionis transeat per duos polos, & centrum horizontis, & per puncta grauitatis stantium siue turriū, siue arborum, siue hominum: sed de linea directionis, & de his cen-

tris, in Mechanicis agendum erit.

XXVI.

Horizon ad omnes prædictas sphaeras, nempe rectam, obliquam, & parallelam statuendam cõcurrit: vnderectus, obliquus, & parallelus appellatur: ortus & occasus siderum limbo suo determinat: latitudines ortiuas, & occiduas ab ortu, & occasu æquinoctiali incipientes ostendit, quantitatem diei, & noctis, quarum est terminus, & 4 pũcta, nempe ortum, occasum, septentrionem, & meridiem, nec non quantitatem duorum circulorum æquatori, ac tropicis parallelorum, ex polis mundi vsque ad horizontem descriptorum, quorum descriptus ex polo conspicuo, dicitur maximus apparentiũ, alter verò maximus occultorum determinat. *Ex quibus alia possunt intelligi quæ de horizonte dici solent.*

XXVII.

Circuli horizonti paralleli, qui altitudines, & depressiones siderum ostendunt, in Astrolabio vocantur *Almicantarath*, vel circuli progressionum, inter quos circulus crepusculi numeratur, qui parallelus est horizonti, & infra eum 18 gradibus deprimitur. *Hactenus de circulis maioribus; sphaera mundana: sequuntur minores.*

XXVIII.

Tropici sunt circuli minores æquatori paralleli, à quo nunc 23 gradibus distant; sed hæc distantia diuersis sæculis diuersa est; quæ tamẽ variatio 24' hactenus notata fuit: duo verò tropici ostendunt maximam solis & eclipticæ declinationem ab æquatore; tropicus ☿ septentrionalem; & tropicus ♋ australem: ille etiam maximam, hic minimam solis altitudinem meridianam: ille maximum diem, & breuissimam noctem in æstiuo solstitio, hic autem in brumali maximam noctem, & diem breuissimam complectitur: quæ tamen quantitates neque in recta sphaera, neque in obliqua ultra altitudinem poli 66 1/2 graduum à tropicis ostenduntur: in illa enim arcus diurni, & nocturni sunt semper æquales, in hac verò quantitates prædictæ ab ecliptica ostenduntur; & in altitudine poli 66 1/2 graduum vnus tropicorum totus supra horizontem extat, eumque in puncto tangit; alter verò totus latet infra horizontem.

XXIX.

Circuli polares sunt diurnæ conuersiones polorum eclipticæ circa polos æquatoris, à quibus 23 1/2 distant gradibus, totidem videlicet, quot puncta solstitialia, vel tropici ab æquatore. Ex quibus 5 zonæ facillè intelligi possunt, quippe quæ 4 circulis æquatori parallelis continentur: torrida enim est inter 2 tropicos, duæ temperatæ inter tro-

picos, & circulos polares: & duæ polares inter ambitum circulatorum
olarium. XXX.

Paralleli sunt circuli hinc inde æquatori paralleli tantum inter se
distantes quantum requiritur, vt maxima dies vnus horæ quadrante
differat à maxima die alterius paralleli. Statuuntur autem 48 ab æqua-
tore vsque ad circulum polarem, seu eleuationem poli grad. 66.

XXXI.

Climata sunt etiam æquatori parallela; continent autem tres pa-
rallelos: illorum enim tanta est latitudo, vt à termino australi ad bo-
realem maxima dies per semihoram excreseat: sunt autem eo angu-
stiora climata quò magis ad septentrionem accedunt. Si quis animi
gratia Siderographiam in stellis, atque planetis statuere velit, poterit
parallelos, climata, polos, æquatorem, & alios circulos, cum maio-
res, tum minores, terrenis analogos ponere; scimus enim quæ sit pro-
portio terræ cum corporibus siderum; quandoquidem semidiameter
terræ est ad semidiametrum ☾, vt 3, ad 1, vel vt 17 ad 5. Ad semid. so-
lis, vt 1 ad 5, vel 5 ad 26. Ad semid. ☿, vt 2, ad 1, vel vt 8 ad 3. Ad
semid. ♀, vt 1 ad 1, vel vt 11 ad 6. Ad semid. ♂, vt 2, ad 1, vel vt 12 ad
5. Ad sem. ♄, vt 1 ad 2, vel vt 5 ad 12. Ad semid. ♃, vt 11 ad 31. Denique
ad semid. stellarum primæ magnitudinis, vt 3 ad 13. Vnde sequitur ter-
ram milliaria cubica 170032521600 continentem, quæ ad maris so-
liditatem esse dicitur, vt 2290 ad 1: Ad aëris solidi, vt 27. ad 13 & ad
ætheris soliditatem, vt 1 ad 140608: esse ad ☾ soliditatem, vt 40 ad 1:
ad solis solidi, vt 1 ad 140: ad ♀, vt 19 ad 1: ad ☿, vt 6 ad 1: ad ♄, vt 13 ad
1: ad ♄, vt 1 ad 14: ad ♃, vt 1 ad 22: ad stellas verò primæ magn. vt 1.
ad 70. Denique ad mundi sphaeram vt 1 ad 274400000000. Omitto
distantias omnium siderum à terra, de quibus alibi dictum est: tatum
aduertam stellas 14000 semidiametris terrenis à centro terræ distare.

Notandum est autem climata denominari à ciuitatibus, & aliis lo-
cis, per quæ transeunt: primum igitur transit per Meroëm; 2. per Ale-
xandriam; 3. per Rhodum & Babylonem: 4. per Romam, Corsicam, &
Hellepontum: 5. per Venetias: 6. per Podoliam: 7. per Vitebergam: 8.
per Rostochium: 9. per Hyberniam: 10. per Bous castrum Noruegiæ;
11. vt per Gothiam: 12. per Viburgum Finlandiæ: 13. per Arotiam Sue-
ciæ: 14. per fluuij Dalecanlij ostia: 15. 16. 17. 18. 19. 20. 21. 22. &
23. per reliqua loca Noruegiæ, Sueciæ, Albæ-Russiæ, & Insularum
vicinarum.

Porrò pauciora climata ab antiquis posita sunt, quia terræ partes,
quæ iam detectæ sunt, non illis innotuerant: verum poterit quispiam
parallelos, & climata vsque ad polum arcticum, & antarcticum pro-

Par.	Clima- ta.	Hor.	Min.	grad.	Min.	grad.	Min.
1	I.	12	15	4	18		
2		12	30	8	34		
3	II.	12	45	12	43	7	50
4		13	0	16	43		
5	III.	13	15	20	33	7	3
6		13	30	23	11		
7	IV.	13	45	27	36	6	9
8		14	0	30	47		
9	V.	14	15	33	45	5	17
10		14	30	36	30		
11	VI.	14	45	39	20	4	30
12		15	0	41	12		
13	VII.	15	15	43	32	3	48
14		15	30	44	29		
15	VIII.	15	45	47	20	3	13
16		16	0	49	1		
17	IX.	16	15	50	53	2	44
18		16	30	51	58		
19	X.	16	45	53	17	2	17
20		17	0	54	29		
21	XI.	17	15	55	34	2	0
22		17	30	56	37		
23	XII.	17	45	57	34	1	40
24		18	0	58	26		

ducere, quemadmodum meridiani per omnem terræ circumferen-
tiam multiplicantur: qui 180. erunt, si 4. solum horæ minutis, id
est vno gradu æquatoris; 12. verò, si hora, vel 15. gradibus æquato-
ris inter se distent. Quæcumque verò ad parallelos & climata perti-
nent, sequenti tabula comprehenduntur, in qua primus ordo nu-
merorum parallelos 24; secundus 23 climata: tertius maximum
diem unicuique parallelo conuenientem: 4 altitudines poli, siue
latitudinem regionis: 5 denique latitudines climatum ostendit.

Para.	Clima- ta.	Hor. a.	Min.	grad.	Min.	grad.	Min.
25	XIII.	18	15	59	14	1	16
26		18	30	59	59		
27	XIV.	18	45	60	40	1	13
28		19	0	61	18		
29	XV.	19	15	61	53	1	1
30		19	30	62	25		
31	XVI.	19	45	62	54	0	52
32		20	0	63	22		
33	XVII.	20	15	63	46	0	44
34		20	30	64	6	0	36
35	XVIII.	20	45	64	30		
36		21	0	64	49		
37	XIX.	21	15	65	9	0	29
38		21	30	65	21		
39		21	45	65	35	0	22
40	XX.	22	0	65	47		
41		22	15	65	57	0	16
42	XXI.	22	30	66	6		
43		22	45	66	14	0	11
44	XXII.	23	0	66	20		
45		23	15	66	25	0	6
46		23	30	66	28		
47	XXIII.	23	45	66	30	0	0
48		24	0	66	31		

Alia sunt quæ ad Astronomiam atque Geographiam pertinent, qualis est doctrina de secundis planetarum motibus, deque eorum magnitudinibus & distantijs cum à terra, tum à se inuicem, sed quæ longiora sunt quàm ut hocce breui compendio contineri possint. Quamobrem latitudinum & longitudinum tabulas omitto, quibus urbium, & aliorum locorum situs exhiberi solent. Quarumdem tamen urbium longitudinem & latitudinē à quibusdam obseruatas affero, quarum prima sit Lutetia, cuius longitudo, ab vna ex insula Hesperidum quæ *Ferri* dicitur, sumpta, est 24 grad. 30': latitudo 48. 45', in qua acus magnetica à polo versus orientem 3 grad. declinat.

Longitudo Rothomagi est 23 graduum, latitudo 49. 30.

Dieppæ longitudo est 22 30: latit. 50. 3.

Londini longitudo 20, latitudo 52 esse dicitur. Romæ long. 36. latit. 41. 56. Venetiarum long. 34. latit. 45. Omitto reliquias vrbes, vt Hierusalem, cuius long. 66. latit. 31. 46. Babylonem, cuius long. 83. lat. 34. &c. quarum latitudines exactæ haberi poterunt, si Mathematici sumpserint altitudinem poli singularum ciuitatum; longitudinum verò differentiam, si earundem eclipsium lunarium initia in illis vrbibus obseruarint.

Aduertendum est autem circulos parallelos eò minores esse, breuioræque climata, quò magis ab æquatore recesserint, & accesserint ad polos; enimuero gradus æquatoris, qui 51. milliaria Germanica complectitur, 14 solum in 21 gradu latitudinis, 13 in 30 gradu. 12. in 37. gradu: 11 in 48 $\frac{1}{2}$, vt Lutetiæ: 6 in 66 gradu, in quo sunt circuli polares: 1 denique milliare in 86 gradu continet. Vnde facillimum erit computare quot leucis parallelus quispiam constet: numerus enim graduum paralleli, nempe 360, multiplicatus per leucas vno gradu comprehensas, quæsitum leucarum numerum exhibebunt. Superest hic vt omnes terræ incolas inter se conferamus.

Habitationum collatio.

PERIOECI dicuntur sub eodem parallelo habitantes, quasi circumcolæ: his eadem est & eiusdem poli celsitudo: æquales simul arcus tam diurni, quàm nocturni: eadem astrorum & signorum apparitio, occultatio, ortus & occasus: simul habent æstatem: simul hyemem: simul ver: simul autumnum: easdem meridianas vmbas: per idem interuallum anticipant tam ortum quàm occasum.

Antœci sunt, qui sub æqualibus & oppositis parallelis habitant, quasi contracolæ. His æqualis est, sed diuersorum polorum celsitudo. Æquales, sed oppositorum punctorum arcus tam diurni, quàm nocturni. Eadem sed oppositorum astrorum & signorum apparitio, occultatio, ortus & occasus. Quando his fit æstas; illis hyems. Quando his fit ver, illis autumnus. Æquales habent, sed in oppositis solis hœcis & in diuersum projectas vmbas meridianas.

Antichthones, siue Antipodes sunt; qui non solum sub æqualibus & oppositis parallelis habitant, sed etiam in locis per diametrum oppositis, atque contrariis inuicem pedibus terram calcantes. Itaque omnia quæ Antœcis accidunt, etiam ad Antipodes omnino

ſpectant. Sed Antipodum hoc eſt proprium, quod habent communẽ horizontem, & hemiſphæria diuerſa, ac vertex diuerſos, & quicquid his oritur, illis occidit: quidquid his extat, illis deliteſcit: quicquid his aſcendit, illis deſcendit.

Amphiſcij ſunt qui intra Tropicos habitant, his enim vmbra meridiana quandoque dextrorſum, quandoque ſiniſtrorſum ſoli orienti proiicitur. Qui etiam duas æſtates, & totidem hyemes habent.

Periſcii ſunt, qui ſub polo: his enim vmbra per totum horizontis ambitum, ſole ſimiliter circumlato, circumfertur.

Antiſcii ſunt Pericœci, quibus quidem æqualis & eodem verſus meridiana vmbra ſeſtitur.

Heteroſcii ſunt qui & Antæci, quibus in diuerſum proiicitur vmbra meridiana. Poſſunt intelligi Heteroſcii, quibus altera vmbra tantum, hoc eſt verſus vnum polorum in meridie proiicitur; vt potè extra tropicos habitantibus.

Omitto plurima quæ pertinent ad Aſtronomiæ, & Geographiæ terminos, qualia ſunt epicyclus, excentricus, concentricus; proſtaphæreſis; inſula, peninſula, iſthmus, &c. vel quia faciliora ſunt; quàm vt explicatione indigeant, vel quia alibi commodiùs explicabuntur.

MONITVM.

De faciendis obſervationibus.

QUÆ de Hydroſtica, & Hyſtiodromica huic opusculo ſubiicienda paraueram, aliqui ſatius fore iudicarunt ſi iungerentur Hydraulicis: quibus morem gerens poſt ſphærica, ſublimes illos de Conicis tractatus accipe, qui magni Geometriæ nomen dederunt Apollonio. Multa verò prædictis libris addi poſſunt, verbi gratiâ Theoria planetarum, quæ cum plura diagrammata requirat, in aliud tempus differenda: deinde Geographia, quæ tam longitudinem, quàm latitudinem cuiusque ciuitatis, aut alterius loci doceat, ſed cum nondum ſatis longitudines innotuerint, poſtera ſæcula varijs obſervationibus futuris ſapientiora potiori iure illam exhibebunt. Eos interim monitos velim qui ad animi voluptatem peregrinantur, operæ pretium fore ad Geographiam ex omni parte perfectam, ſi naturæ varia miracula, rerumque proprietates obſeruent quæ cernuntur in altiffimis montibus, quales ſunt Pyrænci, Alpes, Vogefus, Iura, Gebenna, ve etiam altiores. Deinde fluuiorum origines, verbi cauſa Nili, Rhodani, Garumnæ, Ligeris, Sequanæ: & quinam fluuij minores

in maiores ingrediantur, quâue inclinatione quisque currat, vt innotescat quanto velocius magna currant flumina, vel etiam tardius ob nouorum fluuiorum additionem; verbi gratiâ, postquam Rhodanum ingressi sunt fluuij Arar, Isara, & Druentia: vel Garunnam Tarnus, Oldus, Duranius: vel in Ligerim Elauer Caris, Inder, Vigenna, Claris, Meduana, Loira, Sartra: vel in Sequanam Matrona, Icanna, Aëfia, Eura. Quôdque Galli præstiterint in sua Gallia, suis in regnis & Prouincijs si fecerint alij, Geographiâ nihil præstantius fuerit, quot enim naturæ miranda in origine Padi, Athesis, Anassi, Arsiæ, Arni, Vmbronis, Tiberis, & aliorum fluuiorum Italiam irrigantium Itali obseruabunt? Quis enumeret vtilitates prouenturas ex accurata vel vnus Padi obseruatione, qua notetur quid ei contingat tam in altitudine quàm in velocitate, pisciumque maiori, vel minori, hoc, aut illo loco frequentia, vel etiam diuersitate, ob aquarum novos cumulos, quos in illum profundit Duria, Sessites, Ticinum, Addua, Ollius, Minus, Tanarus, Trebia, Rhenus, & si qui alij fluuij se in eum exonerent. Idemque de Germanicis, & aliarum prouinciarum fluminibus esto iudicium; quot enim ex vnico Danubio, & fluuijs se in illud exonerantibus; quot ex magno Canadensium fluuio, quot ex Sinensium obseruationibus, si quando fideliter ad nos deferantur: quot denique admiranda ex omnibus Indiæ, vel etiam Magellanicarum terrarum, vbi quis eas inuenerit, historiis speranda sunt, quibus Geographia exornetur.

CLARIS-



CLARISSIMO NOBILISSIMOQUE VIRO
RENATO DES CARTES
 PERRONII TÆPARCHÆ.

F. M. MERSENNVS ΕΥΠΡΑΤΤΕΙΝ.



VM plurimi synopsis nostram ad editionem reuocari desiderarint, VIR NOBILISSIME, partem illam subtiliorem de Conicis agentem, librisque doctissimis Clarissimi Viri Claudij Mydorgij adauctam, Tuo nomine illustratam patiaris, obsecro, in lucem prodire, cum nullus sit, cui iustius quàm Tibi nuncupari debeat, qui nouas sectiones adinuenisti, Tuæque Geometriâ, vtcunque breui, scientiarum orbem adeo promouisti, vt hinc illam cooperis, vbi veloces desisse videbantur.

Quid verò commemorem Hyperbolas, Ellipsesque, quibus iam possumus Tuo lumine non minus quam pilâ ludere: lucisque radios quocumque libuerit torquere, deducere, atque reducere: vt nunc habeant, qui magnum aliquid in mechanicis cum Kepleo præsagiebant, si vera Refractionum lex diceretur, quo plurimum gaudeant, Tibique imprimis gratulentur.

Quibus omnibus cum audiam Te Physicam illam ab eruditis viris adeo exoptatam propediem editurum, quæ longè perfectiùs cum nostræ fidei mysteriis, Theologicisque dogmatibus, quàm Peripatetica conueniat, omnium Catholicorum nomine Tibi maximas quas possum gratias habeo, qui non solum Philosophicis, sed etiam Theologiæ veritatibus tam foeliciter patrocinaris.

Perge, Vir incomparabilis, ad Dei gloriam & bonorum omnium vtilitatem, qui mecum venerantur Deum Opt. Max. suâ vt luce diuinâ, menti tuæ magis, magisque affulgeat, donec lumen illud Æternum & immensum, quo duce laboras, tandem in lumine Gloriæ Beatissimus contempleris.

IN APOLLONII PERGÆI CONICA, AD LECTOREM.

PRÆFATIO.

CVM ex sequente ad Hædenum ex præfatione constet 4 solummodo libros Apollonij hætenus à Commandino editos fuisse; tresque alios doctissimus Golius Arabicè recuperarit, placet hic ea quæ dudum ad me scripsit, hic in lectoris gratiam apponere. Itaque sexti libri hoc est initium. Mitto ad te, Attale, sextum Conicorum, in quo propositum nobis est agere de sectionibus æqualibus & inæqualibus, similibus atque dissimilibus, earumque diuisione. Plura verò de hisce diximus, quàm ij qui ante nos Geometræ fuerunt: docuimusque quomodo in cono recto dato sectio inueniri possit æqualis datæ, & è contra. Sequuntur definitiones. Æquales Coni sectiones sunt, quando vnus partes alterius partibus applicatæ nullum excessum, vel defectum habent. Similes autem sectiones sunt, in quibus, cùm segmenta axium inter ordinatas & verticem, eandem inter se habent rationem, ipsæ etiam ordinatæ eandem inter se rationem seruarint, &c.

Propositio primatalis est. Parabolæ habentes latera recta æqualia, sunt æquales, & è contra. Vltima verò. Inuenire conum rectum, dato cono recto similem, in quo sit ellipsis data.

Initium septimi ita habet. Continet septimus hic liber propositiones multas insignes & admirandas ad determinationem, & multa sequentis libri problemata vtilissima, &c. Propositio 1. Si axis parabolæ producatul ultra verticem, donec æquetur lateri recto, & à puncto quouis sectionis in axem ducatur perpendicularis, recta, sectionis punctum illud in sectione cum vertice connectens, poterit rectangulum contentum sub recta inter verticem & perpendicularis incidentiam interiectâ, & totâ ab hoc incidentiæ puncto per verticalem continuata.

Quod verò ad numerum proposit. attinet, habet liber quintus propositiones 77. & septimus 51. Ad calcem codicis Goliani habetur octauum librum non fuisse translatus ab Arabibus, quod

illorum exemplaria etiam illo libro caruerint: quanquam testatur doctissimus scriptor Aben Nedin, qui Philosophorum Arabum, operumque ab illis editorum circa CCCC à Mahammede annum, elenchum descripsit, partem istius octauæ libri versam fuisse, asseritque omnes Apollonij libros suâ extare linguâ, eosque plures quàm Pappus enumeret.

Suspiciatur tamen C. Mydorgius hos tres libros esse cuiusdam Arabis sub Apollonio latentis, quòd in V suo libro primam Prop. VI. Apollonij superiùs allatam, non solum in cono recto, sed in quouis, etiam scaleno, & illorum portionibus quibuscumque datis possibilia quæque demonstret.

Sunt autem qui conica breuiùs tradi posse contendunt, cuius rei specimen G. Desargues, & post eum B.P. edidit, ex quo speres paucis propositionibus omnia præcipua comprehensum iri: vnicum addo problema quod 39, 40, & 41 l. 3. Myd. propositiones complectitur; nempe, dato cono exhibere in eius superficie omnes conicas sectiones, quæ datæ conicæ sectioni sint eadem: quod etiam problema ipse soluit, sed non vulgavit.

Omitto diuersa problemata, & theoremata generalissima, quæ iam à nostris analytistis circa sectiones conicas inuenta sunt, vt tandem ad Apollonium redeamus.

Porro videantur etiam quæ de harum sectionum proprietatibus libro Hydraulicæ, Prop. IX. quæque in harmoniæ Gallicæ Vtilitate & obseruationibus dicta sunt: imprimis verò quæ vir illustris habet in sua Dioptrica, & Geometria.

Legatur etiam Præfatio in Conica C L. Mydorgij, quippe supplet quæ huic deesse videantur: quemadmodum 4 illius libri multa docent quæ in 4 Apollonij libris minime reperiuntur.



A P O L L O N I I

PERGÆI

CONICORVM

LIBER PRIMVS.

Ad Eudemum Prefatio.

IX octo libris quos Apollonius Pergæ vrbi Pamphiliæ natus tempore Ptolomæi Euergetæ, teste Heraclio in Archimedis vita, composuerat, soli quatuor supersunt qui continent conicorum elementa, quorum primus complectitur generationes trium coni sectionum, & earum quæ oppositæ dicuntur: itæque principalia ipsarum accidentia, ab Apollonio & vberius & vniuersalius, quàm ab aliis, qui de ea rescripserunt, elaborata. Secundus liber tractat ea, quæ attinent ad diametros, & ad axes sectionum, & ad illas lineas, quæ cum sectione non conueniunt, quæ à Græcis *ἀσύνκλιτοι* appellantur: tum de aliis differit, quæ & generalem, & necessariam vtilitatem ad determinationes afferunt: quas autem vocet diametros, & quos axes ex hoc libro cognosces. Tertius liber continet multa, & admirabilia theoremata, quæ vtilia erunt, & ad solidorum locorum compositiones, & ad determinationes: quorū complura, & pulcherrima & noua sunt. Hæc nos perpendentes, inquit Apollonius, animaduertimus non positam esse ab Euclide rationem componendi loci ad tres, & quatuor lineas: verum ipsius tantummodo particulam quandam, atque hanc non satis foeliciter. Non enim fieri poterat, vt ea compositio rectè perficeretur absque iis, quæ à nobis inuenta sunt. Quartus liber tradit, quot modis conorū sectiones inter sese, & circuli circumferentiæ occurrere possint: & multa alia ad pleniorē doctrinam, quorum nihil ab iis, qui ante nos fuerunt memoriæ proditum est: coni sectio, & circuli circumferentia, & oppositæ sectiones ad quot puncta oppositis sectionibus occurrant: Reliqui autem libri ad abundantiorē doctrinam pertinent. Quintus enim de minimis, & maximis magna ex parte agit. Sextus de æqualibus, & similibus coni sectionibus. Septimus continet theoremata, quæ determinandi vim habent. Octauus problemata conica determinata. At

verò omnibus his editis, licet vnique, qui in ea legendo inciderit, ex animi sui sententia iudicare.

Εκ αἰαλουρῶν ἴσα Apollonij.

Datis duabus rectis lineis in plano, punctisque datis, & data proportionem inæqualium linearum, potest in plano circulus describi, ita vt lineæ à datis punctis ad circumferentiam circuli inclinatæ proportionem habeant eandem datæ proportioni.

DEFINITIONES PRIMÆ.

I. **S**I ab aliquo puncto ad circumferentiam circuli, qui non sit in eodem plano, in quo punctum, coniuncta recta linea in vtramque partem producat; & manente puncto conuertatur circa circuli circumferentiam, quousque ad eum locum redeat, à quo coepit moueri: superficiem à linea recta descriptam, constantemque ex duabus superficiebus, ad verticem inter se se aptatis, quarum vtraque in infinitum augetur, nimirum recta linea, quæ eam describit in infinitum producta, voco conicam superficiem.

II. Verticem ipsius, manens punctum.

III. Axem, rectam lineam, quæ per punctum, & centrum circuli ducitur.

IV. Conum autem voco, figuram contentam circulo, & conica superficie, quæ inter verticem, & circuli circumferentiam interiicitur.

V. Verticem coni, punctum, quod & superficie conicæ vertex est.

VI. Axem, rectam lineam, quæ à vertice ad circuli centrum perducitur.

VII. Basim, circulum ipsum.

VIII. Conorum rectos quidem voco, qui axes habent ad rectos angulos ipsis basibus.

IX. Scalenos verò, qui non ad rectos angulos ipsis basibus axes habent.

X. Omnis curuæ lineæ, in vno plano existentis diametrum voco rectam lineam, quæ quidem ducta à linea curua: omnes lineas, quæ in ipsa ducuntur, cuidam lineæ æquidistantes bifariam diuidit.

IX. Verticem lineæ terminum rectæ, qui est in ipsa linea.

XII. Ordinatum ad diametrum applicari dicitur, vnaquæque linearum æquidistantium.

XIII. Similiter & duarum curuarum linearum in vno plano existentium, diametrum quidem transversam voco rectam lineam, quæ

omnes in vtraque ipsarum ductas, lineæ cuidam æquidistantes bifariam diuidit.

XIV. Vertices linearum, diametri terminos, qui sunt in ipsis lineis.

XV. Rectam verò diametrum voco, quæ inter duas lineas positæ, lineas omnes ductas, rectæ cuidam æquidistantes, & inter ipsas interceptas bifariam secat.

XVI. Ordinatum ad diametrum applicari dicitur vnaquæque linearum æquidistantium.

XVII. Coniugatas diametros voco curuæ lineæ, & duarum curuarum rectas lineas, quarum vtraque diameter est, & lineas alteri æquidistantes bifariam diuidit.

XVIII. Axem verò curuæ lineæ, & duarum curuarum, rectam lineam, quæ cum sit diameter curuæ lineæ, vel duarum curuarum, æquidistantes ad rectos secat.

XIX. Axes coniugatos curuæ lineæ, & duarum curuarum, rectas lineas, quæ cum sint diametri coniugatæ, ipsis æquidistantes ad rectos angulos secant.

PROPOSITIONES LIBRI PRIMI

APOLLONII PERGÆI.

Theorema I. Propositio I.

Rectæ lineæ, quæ à vertice superficiei conicæ ad puncta, quæ in superficie sunt, ducuntur, in ipsa superficie erunt.

Ex quibus constat, si à vertice ad aliquod punctum eorum, quæ intra superficiem sunt, recta linea ducatur, intra: & si ad aliquod eorum quæ sunt extra, extra superficiem cadere.

Theor. II. Prop. II.

Si in alterutra superficierum, quæ sunt ad verticem, duo puncta sumantur: & quæ puncta coniungit recta linea ad verticem non pertineat, intra superficiem cadet: quæ verò est in directum ipsi, cadet extra.

Theor. III. Prop. III.

Si conus planoper verticem secetur, sectio triangulum erit.

Theor. IV. Prop. IV.

Si alterutra superficierum, quæ sunt ad verticem, plano secetur, æquidistante circulo, per quem fertur recta linea superficiem def-

cribens: planum, quod superficie concluditur, circulus erit, centrum in axe habens: figura verò contenta circulo, & ea parte superficiei conicæ, quæ interfecans planum & verticem interiicitur, conus erit.

Constat præterea figuram contentam circulo DE, & ea parte superficiei conicæ, quæ inter dictum circulum, & punctum A interiicitur, conum esse: simulque demonstratum est communem sectionem plani secantis, & trianguli per axem diametrum esse ipsius circuli.

Theor. V. Prop. V.

Si conus scalenus plano per axem secetur ad rectos angulos ipsi basi, seceturque altero plano ad triangulum per axem recto, quod ex verticis parte triangulum abscindat simile ei, quod per axem, subcontrariè verò positum, sectio circulus erit. Vocetur autem huiusmodi sectio subcontraria.

Theor. VI. Prop. VI.

Si conus plano per axem secetur, sumatur autem aliquod punctum in superficie coni, quod non sit in latere trianguli per axem: & ab ipso ducatur recta linea æquidistans cuidam rectæ, quæ perpendicularis est à circumferentia circuli ad trianguli basim, triangulo per axem occurret, & vlteriùs producta vsque ad alteram superficiei partem, bifariam ab ipso triangulo secabitur.

Theor. VII. Prop. VII.

Si conus plano per axem secetur: secetur autem & altero plano secante planum basis coni secundum rectam lineam, quæ sit perpendicularis, vel ad basim trianguli per axem, vel ad eam, quæ in directum ipsi constituitur: lineæ quæ à sectione in superficie coni à plano facta ducuntur æquidistantes ei, quæ est perpendicularis ad trianguli basim, in communem sectionem plani secantis, & trianguli per axem cadent: & vlteriùs productæ ad alteram sectionis partem, ab ea bifariam secabuntur: & siquidem rectus sit conus, linea, quæ est in basi, perpendicularis erit ad communem sectionem plani secantis, & trianguli per axem: si verò scalenus, non semper, nisi cum planum, quod per axem ducitur, ad basim coni rectum fuerit.

Theor. VIII. Prop. VIII.

Si conus plano secetur per axem, & secetur altero plano secante basim coni secundum rectam lineam, quæ ad basim trianguli per axem sit perpendicularis: diameter autem sectionis factæ in superficie, vel æquidistet vni laterum trianguli, vel cum ipso extra coni verticem conueniat: & producantur in infinitum, tum superficies

280 APOLLONII PERGÆI CONICORVM,
coni, tum planum secans: sectio quoque ipsa in infinitum augebitur, & ex diametro sectionis ad verticem cuiuslibet lineæ datæ æqualem abscindet lineæ, quæ quidem à conii sectione ei, quæ est in basi, æquidistans ducta fuerit.

Theor. IX. Prop. IX.

Si conus plano secetur conueniente cum utroque latere trianguli per axem, quod neque basi æquidistet, neque sub contrariè ponatur: sectio circulus non erit.

Theor. X. Prop. X.

Si in conii sectione duo puncta sumantur, recta lineæ, quæ eiusmodi puncta coniungit, intra sectionem cadet: & quæ in directum ipsi constituitur, cadet extra.

Theor. XI. Prop. XI.

Si conus plano per axem secetur: secetur autem & altero plano secante basim conii secundum rectam lineam, quæ ad basim trianguli per axem sit perpendiculari: & sit diameter sectionis vni laterum trianguli per axem æquidistans: recta lineæ, quæ à sectione conii ducitur æquidistans communi sectioni plani secantis, & basis conii vsque ad sectionis diametrum, poterit spatium æquale contento lineæ, quæ ex diametro abscissa inter ipsam, & verticem sectionis interiicitur, & alia quædam, quæ ad lineam inter conii angulum, & verticem sectionis interiectam, eam proportionem habeat, quam quadratum basis trianguli per axem, ad id quod reliquis duobus trianguli lateribus continetur: dicatur autem huiusmodi sectio parabole.

Theor. XII. Prop. XII.

Si conus plano per axem secetur: secetur autem & altero plano secante basim conii secundum rectam lineam, quæ ad basim trianguli per axem sit perpendicularis: & sectionis diameter producta cum vno latere trianguli per axem, extra verticem conii conueniat: recta lineæ, quæ à sectione ducitur æquidistans communi sectioni plani secantis, & basis conii vsque ad sectionis diametrum, poterit spatium adiacens lineæ, ad quam ea, quæ in directum constituitur diametro sectionis, subtenditurque angulo extra triangulum, eandem proportionem habet, quam quadratum lineæ, quæ diametro æquidistans à vertice sectionis vsque ad basim trianguli ducitur ad rectangulum basis partibus, quæ ab ea fiunt, contentum: latitudinem habens lineam, quæ ex diametro abscinditur, inter ipsam & verticem sectionis interiectam: excedensq; figurâ simili, & similiter posita ei, quæ cõtinetur lineæ extra triangulũ subtẽsa, & ea, angulo iuxta quam possunt
quæ

quæ ad diametrum applicantur. Vocetur autem huiusmodi sectio hyperbole.

Theor. XIII. Prop. XIII.

Si conus plano per axem secetur, & secetur altero plano conueniente cum vtroque latere trianguli per axem, quod neque basi coni æquidister, neque sub contrariè ponatur: planum autem, in quo est basis coni, & secans planum conueniant secundum rectam lineam, quæ sit perpendicularis, vel ad basim trianguli per axem, vel ad eam quæ in directum ipsi constituitur: recta linea, quæ à sectione coni ducitur æquidistans communi sectioni planorum vsque ad diametrum sectionis poterit spatium adiacens lineæ, ad quam sectionis diameter eam proportionem habeat, quam quadratum lineæ diametro æquidistantis à vertice coni vsque ad trianguli basim ductæ, habet ad rectangulum contentum basis partibus, quæ inter ipsam & rectas trianguli lineas interiiciuntur: latitudinem habens lineam, quæ ex diametro ab ipsa abscinditur ad verticem sectionis, deficiensque figura simili, & similiter posita ei, quæ diametro, & linea iuxta quam possunt, continetur. Dicatur autem huiusmodi sectio ellipsis.

Theor. XIV. Prop. XIV.

Si superficies, quæ ad verticem sunt, plano non per verticem secentur: erit in vtraque superficierum sectio, quæ vocatur hyperbole: & duarum sectionum eadem erit diameter, lineæ verò, iuxta quas possunt applicatæ ad diametrum æquidistanter ei, quæ est in basi coni, inter se æquales erunt: & figuræ transuersû latus vtrisque cõmune: quod scilicet inter sectionum vertices interiicitur. Vocentur autem huiusmodi sectiones oppositæ.

Theor. XV. Prop. XV.

Si in ellipsi à puncto, quod diametrum bifariam diuidit ordinatim ducta linea ex vtraque parte ad sectionem producat, & fiat vt producta ad diametrum, ita diameter ad aliam lineam: recta linea, quæ à sectione ducitur ad productam, diametro æquidistans poterit spatium adiacens terciæ proportionali latitudinem habens lineam, quæ inter ipsam & sectionem interiicitur, deficiensque figura simili ei, quæ continetur lineæ, ad quam ducuntur, & ea iuxta quam possunt. Quod si vterius producat ad alteram partem sectionis, bifariam secabitur ab ea, ad quam applicata fuerit.

Theor. XVI. Prop. XVI.

Si per punctum, quod transuersum latus oppositarum sectionum bifariam diuidit, recta linea quædam ordinatim applicetur: ipsarum diameter erit, priori diametro coniugata.

D E F I N I T I O N E S

S E C V N D A E.

I. **P**VNCTVM, quod hyperbole, & ellipsis diametrum bifariam diuidit, centrum sectionis dicatur.

II. Et quæ à centro ad sectionem perducitur, vocetur ex centro sectionis.

III. Similiter & punctum quod transuersum latus oppositarum sectionum bifariam diuidit, centrum vocetur.

IV. Quæ autem à centro ducitur æquidistans ei, quæ ordinatim applicata est, mediamque proportionem habet inter latera figuræ, & bifariam à centro, secunda diameter appelletur.

Theor. XVII. Prop. XVII.

Si in conici sectione à vertice ipsius ducatur recta linea æquidistans ei, quæ ordinatim applicata est, extra sectionem cadet.

Theor. XVIII. Prop. XVIII.

Si recta linea conici sectioni occurrens, productaque in vtramque partem extra sectionem cadat: sumatur autem aliquod punctum intra sectionem, & per ipsum ei, quæ sectioni occurrit æquidistans ducatur, ducta linea & producta ex vtraque parte sectioni occurret.

Theor. XIX. Prop. XIX.

In omni sectione conici recta linea, quæ à diametro ducitur ordinatim applicatæ æquidistans, cum sectione conueniet.

Theor. XX. Prop. XX.

Si in parabola duæ rectæ lineæ à sectione ad diametrum ordinatim applicentur, vt eorum quadrata inter sese, ita erunt & lineæ, quæ ab ipsis ex diametro, ad verticem abscinduntur.

Theor. XXI. Prop. XXI.

Si in hyperbola, vel ellipsi, vel circuli circumferentia rectæ lineæ ordinatim ad diametrum applicentur, erūt quadrata earum ad spatia contenta lineis, quæ inter ipsas, & vertices transuersi lateris figuræ interiiciuntur, vt figuræ rectum latus ad transuersum: inter sese verò, vt spatia, quæ interiectis, vt diximus, lineis continentur.

Theor. XXII. Prop. XXII.

Si parabolam, vel hyperbolem recta linea in duobus punctis secet, non conueniens cum diametro sectionis intra sectionem; producta cum eadem diametro extra sectionem conueniet.

Theor. XXIII. Prop. XXIII.

Si ellipſim recta linea ſecet inter duas diametros, producta cum vtraque earum extra ſectionem conueniet.

Theor. XXIV. Prop. XXIV.

Si parabolæ vel hyperbolæ recta linea in vno puncto occurrens, & producta ex vtraque parte extra ſectionem cadat, cum diametro conueniet.

Theor. XXV. Prop. XXV.

Si ellipſi recta linea occurrens inter duas diametros, & producta ex vtraque parte cadat extra ſectionem, cum vtriſque diametris conueniet.

Theor. XXVI. Prop. XXVI.

Si in parabola, vel hyperbola recta linea ducatur diametro ſectionis æquidiftans, in vno tantum puncto cum ſectione conueniet.

Theor. XXVII. Prop. XXVII.

Si parabolæ diametrum ſecet recta linea, producta in vtramque partem cum ſectione conueniet.

Theor. XXVIII. Prop. XXVIII.

Si recta linea vnam oppoſitarum ſectionum contingat, ſumatur autem punctum intra alteram ſectionem; & per ipſum linea contingenti æquidiftans ducatur, producta ad vtraſque partes cum ſectione conueniet.

Theor. XXIX. Prop. XXIX.

Si in oppoſitis ſectionibus recta linea per centrum ducta occurrat vni ſectioni, vlteriùs producta alteram quoque ſecabit.

Theor. XXX. Prop. XXX.

Si in ellipſi, vel oppoſitis ſectionibus recta linea ducatur, ad vtraſque centri partes ſectioni occurrens, ad centrum biſariam ſecabitur.

Theor. XXXI. Prop. XXXI.

Si in tranſuerſo figuræ latere hyperboles ſumatur aliquod punctum, non minorem abſcindens ad verticem ſectionis, quàm ſit dimidia lateris tranſuerſi figuræ; & ab ipſo recta linea ſectioni occurrat, ſi producat in ſectionem, ad ſequentes ipſius partes cadet.

Theor. XXXII. Prop. XXXII.

Si per verticem ſectionis conici recta linea ordinatim applicatæ æquidiftans ducatur, ſectionem contingeret, & in locum, qui inter conſectionem & rectam lineam interiicitur, altera recta linea non cadet.

Theor. XXXIII. Prop. XXXIII.

Si in parabola ſumatur aliquod punctum, à quo recta linea ad diametrum ordinatim applicetur, & ei quæ ab ipſa ex diametro abſcinditur ad verticem, æqualis ponatur in directum ab eius extremi-

284 APOLLONII PERGÆI CONICORVM
tate, recta linea, quæ à facto puncto ducitur ad illud quod sumptum
fuerat sectionem continget.

Federicus Commandinus

Lemma.

Si recta linea in partes inæquales secetur, earum partium quadrata æqualia sunt rectangulo, quod bis dictis partibus continetur, & quadrato eius lineæ, quæ maior pars superat minorem.

Th. XXXIV. Prop. XXXIV.

Si in hyperbola, vel ellipsi, vel circuli circumferentia sumatur aliquod punctum, ab eoque recta linea ad diametrum ordinatim applicetur: & quam proportionem habent lineæ interiectæ inter applicatam, & terminos transuersi lateris figuræ, eandem habeant inter se partes lateris transuersi, ita vt quæ sunt ad verticem partes sibi ipsis respondeant, recta linea coniungens punctum quod in transuerso latere sumitur, & punctum, quod est in sectione, sectionem ipsam continget. *Vide Lemmata 4. Eutocij & Commandini.*

Th. XXXV. Prop. XXXV.

Si parabolæ recta linea contingat, conueniens cum diametro extra sectionem, quæ à tactu ad diametrum ordinatim applicetur, abscedet ex diametro ad verticem sectionis lineam æqualem ei, quæ inter ipsam & contingentem interiicitur: & in locum, qui est inter contingentem & sectionem alia linea recta non cadet.

Th. XXXVI. Prop. XXXVI.

Si hyperbolæ, vel ellipsim, vel circuli circumferentiam contingat quædam recta linea conueniens cum transuerso figuræ latere, & à tactu recta linea ad diametrum ordinatim applicetur, erit, vt linea quæ interiicitur inter contingentem, & terminum transuersi lateris ad interiectam inter eandem, & alterum lateris terminum, ita linea, quæ est inter ordinatim applicatam, & terminum lateris ad eam, quæ est inter eandem & alterum terminum, adeo vt continuatæ inter se sint, quæ sibi ipsis respondent; & in locum, qui inter contingentem, & sectionem coni interiicitur, altera recta linea non cadet.

Th. XXXVII. Prop. XXXVII.

Si hyperbolæ, vel ellipsim, vel circuli circumferentiam recta linea contingens cum diametro conueniat; & à tactu ad diametrum linea ordinatim applicetur, quæ interiicitur inter applicatam & centrum sectionis vnà cum interiecta inter contingentem, & sectionis centrum, continebit rectangulum æquale quadrato lineæ, quæ est ex centro sectionis: sed vnà cum ea, quæ inter applicatam & contingen-

tem interiicitur, continebit spatium, quod ad quadratum lineæ applicatæ eandem proportionem habet, quam transuersum figuræ latus ad rectum.

Th. XXXVIII. Prop. XXXVIII.

Si hyperbolem, vel ellipsim, vel circuli circumferentiam recta linea contingens cum secunda diametro conueniat; & à tactu ad diametrum applicetur linea alteri diametro æquidistans: quæ interiicitur inter applicatam, & sectionis centrum, vnà cum interiecta inter contingentem, & centrum sectionis, continebit rectangulum æquale quadrato, quod sit ex dimidia secundæ diametri: sed vnà cum ea, quæ inter applicatam, & contingentem interiicitur, spatium continebit, quod ad quadratum applicatæ eam proportionem habeat, quam figuræ latus ad transuersum.

Isdem positus ostendendum est, ut linea, quæ inter tangentem, & terminum secundæ diametri ad partes applicatæ interiicitur, ad eam, quæ inter tangentem, & alterum terminum secundæ diametri, ita esse lineam, quæ est inter alterum terminum, & applicatam ad eam quæ inter alterum terminum & applicatam.

Ex iam dictis manifestum est lineam EF contingere sectionem, siue rectangulum FGH aequale sit quadrato GC, siue FHG rectangulum ad quadratum HE, eam quam diximus, proportionem habeat: conuerso enim modo illud facile ostendetur. Vide Commandinum.

Th. XXXIX. Prop. XXXIX.

Si hyperbolem, vel ellipsim, vel circuli circumferentiam recta linea contingens cum diametro conueniat, & à tactu ad diametrum linea ordinatim applicetur: sumpta quauis linea ex duabus, quarum altera interiicitur inter applicatam, & centrū sectionis; altera inter applicatam, & contingentem: habebit ad eam applicata proportionem compositam ex proportione, quam habet altera dictarum linearum ad applicatam, & ex proportione, quam rectum figuræ latus habet ad transuersum.

Theor. XL. Prop. XL.

Si hyperbolem, vel ellipsim, vel circuli circumferentiam recta linea contingens cum secunda diametro conueniat: & à tactu eandem diametrum linea applicetur, diametro alteri æquidistans: sumpta qualibet ex duabus quarum vna inter applicatam, & sectionis centrum interiicitur, altera inter applicatam, & contingentem: habebit ad ipsam applicata proportionem compositam ex proportione, quam habet transuersum figuræ latus ad rectum, & ex ea, quam altera dictarum linearum habet ad applicatam.

Theor. XLI. Prop. XLI.

Si in hyperbola, vel ellipsi, vel circuli circumferentia recta linea ordinatim applicetur ad diametrum. & ab applicata, & ea, quæ ex centro parallelogramma æquiangula describantur: habeat autem applicata ad reliquam parallelogrammi latus proportionem compositâ ex proportionem, quam habet ea, quæ ex centro ad reliquum latus; & ex proportionem, quam rectum figuræ sectionis latus habet ad transversum, parallelogrammum factum à linea, quæ inter centrum & applicatam interiicitur, simile parallelogrammo, quod fit ab ea, quæ ex centro, in hyperbola quidem maius est, quàm parallelogrammum ab applicata, parallelogrammo ab ea, quæ ex centro: in ellipsi verò, & circuli circumferentia vnà cum parallelogrammo, quod fit ab applicata æquale est parallelogrammo ab ea quæ ex centro.

Theor. XLII. Prop. XLII.

Si parabolē recta linea contingens cum diametro conueniat; & à tactu ad diametrum linea ordinatim applicetur: sumpto autem quouis puncto in sectione, applicentur ad diametrum duæ lineæ, altera quidem contingenti æquidistans, altera verò æquidistans ei, quæ à tactu ordinatim applicata est: triangulum, quod ab ipsis constituitur, æquale erit parallelogrammo contento lineâ à tactu applicata, & ea, quæ interiicitur inter æquidistantem & verticem sectionis.

Theor. XLIII. Prop. XLIII.

Si hyperbolē, vel ellipsim, vel circuli circumferentiam recta linea contingens conueniat cum diametro: & à tactu ad diametrum linea ordinatim applicetur: huic verò æquidistans ducatur per verticē sectionis, quæ cum linea per tactum & centrum ducta conueniat, & sumpto aliquo puncto in sectione, ab eo ad diametrum duæ lineæ ducantur, vnà quidem contingenti æquidistans; altera verò æquidistans ei, quæ à tactu applicata est: triangulum ab ipsis factum in hyperbola minus erit, quàm triangulum, quod abscindit linea per centrum, & tactum ducta, triangulo ab ea, quæ ex centro, simili abscisso: in ellipsi verò, & circuli circumferentia, vnà cum triangulo abscisso ad centrum æquale erit triangulo simili abscisso, quod ab ea quæ ex centro describitur.

Theor. XLIV. Prop. XLIV.

Si vnā oppositarum sectionum recta linea contingens cum diametro conueniat: à tactu verò ad diametrum linea ordinatim applicetur, atque huic æquidistans ducatur per verticem alterius sectionis, vt conueniat cum linea per tactum, & centrum ducta: sumpto autem in sectione quouis puncto, applicentur ad diametrum duæ lineæ, qua-

rum altera contingenti æquidistet: altera æquidistet ei, quæ à tactu ordinatim applicata est: triangulum ab ipsis factum minus est, quàm triangulum, quod abscindit applicata ad centrum sectionis, triangulo simili abscisso ab ea, quæ ex centro.

Federicus Commandinus.

Si vnâ oppositarum sectionum recta linea contingat: & à tactu ducatur diameter vsque ad alteram sectionem, quæ ab eo puncto ducitur linea sectionem contingenti æquidistans, sectionem ipsam contingeret.

Theor. XLV. Prop. XLV.

Si hyperbolem, vel ellipsim, vel circuli circumferentiam recta linea contingens cum secunda diametro conueniat; & à tactu ad eandem diametrum linea applicetur, diametro alteri æquidistans: & per tactum & centrum ducta linea producat: sumptis autem in sectione quouis puncto, ad secundam diametrum ducantur duæ lineæ, quarum vna contingenti, altera applicatæ æquidistet: triangulum, quod ab ipsis constituitur, in hyperbola quidem maius est quàm triangulū abscissum ab applicata ad centrum, triangulo, cuius basis est linea contingens, & vertex centrum sectionis: in ellipsi verò & circuli circumferentia vnâ cum triangulo abscisso, æquale est triangulo, cuius basis linea contingens, & vertex sectionis centrum.

Theor. XLVI. Prop. XLVI.

Si parabolē recta linea contingens cum diametro cōueniat: quæ per tactum ducitur diametro æquidistans ad easdem partes sectioni, lineas in sectione ductas, quæ contingenti æquidistant, bifariam secabit.

Theor. XLVII. Prop. XLVII.

Si hyperbolem, vel ellipsim, vel circuli circumferentiam recta linea contingens cum diametro conueniat: per tactum, & centrum ducta linea ad easdem partes sectioni, lineas, quæ in sectione ducuntur, contingenti æquidistantes bifariam secabit.

Theor. XLVIII. Prop. XLVIII.

Si vnâ oppositarum sectionum recta linea contingens cum diametro conueniat: & per tactum & centrum linea producta secet alteram sectionem: quæ in altera sectione ducta fuerit, contingenti æquidistans à linea producta bifariam secabitur.

Theor. XLIX. Prop. XLIX.

Si parabolē recta linea contingens cum diametro conueniat: & per tactum ducatur linea diametro æquidistans: à vertice verò ducatur æquidistans ei, quæ ordinatim applicata est, & fiat vt portio con-

tingentis inter applicatam & tactum interiecta ad portionem æquidistantis, quæ itidem inter tactum, & applicatam interiicitur: ita quædam recta linea ad duplam contingentis: quæ à sectione ducta fuerit, æquidistans contingenti ad lineam, quæ per tactum ducitur diametro æquidistans, poterit rectangulum contentum inuenta linea, & ea, quæ inter ipsam & tactum interiicitur.

Theor. L. Prop. L.

Si hyperbolem, vel ellipsim, vel circuli circumferentiam recta linea contingens cum diametro conueniat: & per tactum, & centrum linea producat: à vertice autem ordinatim applicata conueniat cum ea, quæ ducitur per tactum & centrum: fiatque ut portio contingentis inter tactum, & applicatam interiecta, ad portionem lineæ ductæ per tactum & centrum, quæ itidem inter tactum & applicatam interiicitur, ita quædam recta linea ad duplam contingentis: quæ à sectione ducitur contingenti æquidistans ad lineam per tactum & centrum ductam poterit spatium rectangulum, quod adiacet inuentæ lineæ, latitudinem habens interiectam inter ipsam & tactum: in hyperbola quidem excedens figurâ simili contentæ lineæ dupla eius, quæ est inter centrum, & tactum, & inuentâ linea: in ellipsi verò & circulo eadem deficiens.

Theor. LI. Prop. LI.

Si quamlibet oppositarum sectionum recta linea contingens cum diametro conueniat; & per tactum & centrum linea producat: usque ad alteram sectionem: à vertice verò ducatur linea æquidistans ei, quæ ordinatim applicata est: conueniensque cum linea per tactum, & centrum ducta: & fiat ut portio contingentis inter applicatam & tactum ad portionem lineæ ductæ per tactum, & centrum, quæ inter tactum & applicatam interiicitur, ita quædam recta linea ad duplam contingentis: quæ in altera sectione ducitur æquidistans contingenti, ad lineam per tactum & centrum ductam, poterit rectangulum, quod adiacet inuentæ lineæ, latitudinem habens, lineam, quæ est inter ipsam & tactum: excedensque figura simili ei, quæ linea inter oppositas sectiones interiecta & inuenta continetur.

Itaque his demonstratis, perspicuum est in parabola unamquamque rectarum linearum, quæ diametro ex generatione ducuntur æquidistantes, diametrum esse: in hyperbola verò, ellipsi, & oppositis sectionibus unamquamque earum, quæ per centrum ducuntur. Et in parabola quidem applicatas ad unamquamque diametrum, æquidistantes contingentibus, posse rectangula ipsi adiacentia: in hyperbola & oppositis posse rectangula adiacentia ipsi, quæ excedunt eadem figura: in ellipsi autem quæ eadem deficiunt. Postremo

qua-

quacumque circa sectiones adhibitis principalibus diametris demonstrata sunt, & aliis diametris assumptis eadem contingere.

Problema I. Prop. LII.

Recta linea data in plano, ad vnum punctum terminata, inuenire in plano conijectionem, quæ parabole appellatur, ita vt eius diameter sit data linea: vertex lineæ terminus, quæ verò à sectione ad diametrum in dato angulo applicatur, possit rectangulū contentū lineæ, quæ est inter ipsam & verticem sectionis, & altera quadā data linea.

Probl. II. Prop. LIII.

Datis duabus rectis lineis terminatis, quæ ad rectos inter se angulos constituentur: & altera producta ad easdem partes angulo recto, inuenire in linea producta conijectionem, quæ hyperbole dicitur, in eodem plano, in quo sunt datæ lineæ: ita vt producta sit diameter sectionis, & vertex punctum, quod ad angulum consistit: quæ verò à sectione ad diametrum applicatur, angulum faciens æqualē dato, possit rectangulum, quod adiacet alteri lineæ, latitudinem habens lineæ interiectam inter applicatam & verticem sectionis: excedensque figura simili, & similiter posita ei, quæ datis à principio lineis continetur.

Probl. IV. Prop. LIV.

Datis duabus rectis lineis terminatis, atque ad rectos inter se angulos, inuenire circa diametrum alteram ipsarum, conijectionem, quæ ellipsis appellatur, in eodem plano, in quo sunt datæ lineæ: ita vt vertex sit punctum ad rectum angulum: & à sectione ad diametrum applicatæ in angulo dato possint rectangula adiacētia alteri lineæ, quæ latitudinem habeant, lineam inter ipsas & verticem sectionis interiectam, deficientque figurâ simili, & similiter posita ei, quæ datis rectis lineis continetur.

Probl. IV. Prop. LV.

Datis duabus rectis lineis terminatis, atque ad rectos inter se angulos; inuenire oppositas sectiones, quarum diameter sit vna datarum linearum: & vertex lineæ termini: applicatæ verò ab vtraque sectione in dato angulo possint spatia adiacētia alteri lineæ, excedentiaque figurâ simili ei, quæ datis lineis continetur.

Probl. V. Prop. LVI.

Datis duabus rectis lineis se se bifariam secantibus, circa vtramque ipsarum sectiones oppositas describere, ita vt rectæ lineæ sint coniugatæ diametri: & quarumlibet oppositarum sectionum diameter possit figuram aliarum oppositarum.

Finis.

A P O L L O N I I

P E R G Æ I

C O N I C O R V M

L I B E R S E C V N D V S.

Videantur 12. Lemmata Pappi.

Theorema I. Propositio I.



I hyperbolem recta linea ad verticem contingat: & ab ipso ex vtraque parte diametri sumatur æqualis ei, quæ potest quartam figuræ partem; lineæ, quæ à sectionis centro ad sumptos terminos contingentis ducuntur, cum sectione non conuenient.

Theor. II. Prop. II.

Iisdem manentibus demonstrandum est non esse alteram asymptoton, quæ angulum DCE diuidet.

Theor. III. Prop. III.

Si hyperbolem contingat recta linea, cum vtraque asymptoton cõueniet, & ad tactum bifariam secabitur; quadratum verò vtriusque eius portionis æquale erit quartæ parti figuræ, quæ ad diametrum per tactum ductam constituitur.

Probl. IV. Prop. IV.

Datis duabus rectis lineis angulum continentibus, & puncto intra angulum dato, describere per punctum coni sectionem, quæ hyperbole appellatur, ita vt datae lineæ ipsius asymptoti sint. *Vide Lemma Pappi.*

Theor. V. Prop. V.

Si parabolæ, vel hyperbolæ diameter lineam quandam bifariam fecet: quæ ad terminum diametri contingit sectionem æquidistans est lineæ bifariam sectæ.

Theor. V. Prop. VI.

Si ellipsis, vel circuli circumferentiæ diameter lineam quandã non per centrum transcuntem bifariam fecet: quæ ad terminum diametri contingit sectionem, æquidistans erit bifariam sectæ lineæ.

Theor. VI. Prop. VII.

Si coni sectionem, vel circuli circumferentiam recta linea contin-

gat: & huic æquidistans ducatur in sectione: & bifariam diuidatur: quæ à tactu ad punctum lineam bifariam diuidens iungitur, sectionis diameter erit.

Theor. VII. Prop. VIII.

Si hyperbolæ recta linea occurrat in duobus punctis, producta ex vtraque parte cum asymptotis conueniet: & lineæ, quæ ex ipsa abscissa inter sectionem, & asymptotos interiiciuntur, æquales erunt.

Theor. VIII. Prop. IX.

Si recta linea asymptotis occurrens ab hyperbola bifariam secetur, in vno tantum puncto sectionem contingit.

Theor. IX. Prop. X.

Si recta linea sectionem secans cum vtraque asymptoton conueniat: rectangulum contentum rectis lineis, quæ inter asymptotos & sectionem interiiciuntur, æquale est quartæ parti figuræ factæ ad diametrum, quæ æquidistantes ipsi ductæ lineæ bifariam diuidit.

Theor. X. Prop. XI.

Si vtramque linearum continentium angulum, qui deinceps est angulo hyperbolem continenti, secet recta linea: in vno tantum puncto cum sectione conueniet; & rectangulum constans ex iis, quæ interiiciuntur inter lineas angulum continentes, & sectionem, æquale erit quartæ parti quadrati ex diametro, quæ secanti lineæ æquidistans ducitur.

Theor. XI. Prop. XII.

Si ab aliquo puncto eorū, quæ sunt in sectione ad asymptotos duæ rectæ lineæ in quibuscumque angulis ducantur: & ab altero puncto in sectione sumpto ducantur aliæ lineæ his ipsis æquidistantes: rectangulū ex æquidistantibus constans æquale est ei, quæ fit ex iis, quibus illæ æquidistantes ductæ fuerant.

Theor. XII. Prop. XIII.

Si in loco asymptotis & sectione terminato, quædam recta ducatur, alteri asymptoton æquidistans: in vno puncto tantum cum sectione conueniet.

Theor. XIII. Prop. XIV.

Asymptoti, & sectio in infinitum productæ ad seipfas propius accedunt: & ad interuallum perueniunt minus quolibet dato interuallo.

Ex hoc manifestum est, lineas AB, AC, ad sectionem accedere propius, quam omnes aliæ asymptoti: & angulum BAC minorem esse quolibet angulo, qui aliis eiusmodi lineis continetur.

Theor. XV. Prop. XV.

Oppositarum sectionum asymptoti communes sunt.

Theor. XV. Prop. XVI.

Si in oppositis sectionibus quædam linea recta ducatur, secans utramque linearum continentium angulum, qui deinceps est angulo sectiones continenti; cum utraque oppositarum in vno tantum puncto conueniet: & lineæ, quæ ex ipsa abscissæ inter asymptotos, & sectiones intericiuntur, æquales erunt.

Theor. XVI. Prop. XVII.

Oppositarum sectionum, quæ coniugatæ appellantur, asymptoti communes sunt.

Theor. XXVII. Prop. XXVIII.

Si vni oppositarum sectionum, quæ coniugatæ dicuntur, occurrat recta linea: & producta ad utrasque partes extra sectionem cadat: cum utraque sectionum, quæ deinceps sunt, in vno tantum puncto conueniet.

Theor. XVIII. Prop. XIX.

Si in oppositis sectionibus, quæ coniugatæ appellantur, ducatur recta linea, quamuis ipsarum contingens: cum sectionibus, quæ deinceps sunt, conueniet: & ad tactum bifariam secabitur.

Theor. XIX. Prop. XX.

Si vnam oppositarum sectionum, quæ coniugatæ appellantur, recta linea contingat: & per ipsarum centrum ducantur duæ lineæ, vna quidem per tactum, altera verò contingenti æquidistans, quousque occurrat vni earum sectionum, quæ deinceps sunt, recta linea, quæ in occurfu sectionem contingit, æquidistans erit lineæ per tactum, & centrum ductæ, quæ verò per tactus & centrum ducentur, oppositarum sectionum diametri erunt.

Theor. XX. Prop. XXI.

Iisdem positis ostendendum est punctum, in quo contingentes lineæ conueniunt, ad vnam asymptoton esse.

Theor. XXI. Prop. XXII.

Si in oppositis sectionibus, quæ coniugatæ appellantur, ex centro ad quamuis sectionem ducatur recta linea; & huic æquidistans altera ducatur, quæ cum vna ex sectionibus, quæ deinceps sunt, & cū asymptotis conueniat: rectangulum constans ex portionibus lineæ ductæ inter sectionem, & asymptotos interiectis, quadrato lineæ, quæ ex centro ducitur, æquale erit.

Theor. XXII. Prop. XXIII.

Si in oppositis sectionibus, quæ coniugatæ appellantur, ex centro ducatur quædam recta linea ad quamuis sectionem: & huic æquidistans ducatur, quæ cū tribus, quæ deinceps sunt, sectionibus cōueniat,

rectangulum constans ex portionibus lineæ ductæ inter trēs sectiones interiectis, duplū erit quadrati eius lineæ, quæ ex cētro ducitur.

Theor. xxiii. Prop. xxiv.

Si parabolæ duæ lineæ rectæ occurrant, vtræque in duobus punctis: & nullius ipsarum occurfus alterius occurſibus contineatur: conuenient inter se se extra sectionem.

Theor. xxiv. Prop. xxv.

Si hyperbolæ occurrant duæ rectæ lineæ, vtræque in duobus punctis: nullius autem ipsarum occurfus alterius occurſibus contineatur conuenient quidem inter se se extra sectionem, sed tamen intra angulum, qui hyperbolem continet.

Theor. xxv. Prop. xxvi.

Si in ellipsi, vel circuli circumferentia duæ rectæ lineæ non transeunt per centrum se inuicem secant; bifariam se se non secabunt.

Theor. xxvi. Prop. xxvii.

Si ellipsim, vel circuli circumferentiam duæ rectæ lineæ contingant: & si quidem ea, quæ tactus contingit per centrum transeat sectionis: contingentes lineæ sibi ipsis æquidistant: sin minus, conuenient inter se se ad easdem centri partes.

Theor. xxvii. Prop. xxviii.

Si in coni sectione, vel circuli circumferentia duas lineas æquidistantes recta linea bifariam secet, diameter erit sectionis.

Theor. xxviii. Prop. xxix.

Si coni sectionē, vel circuli circumferentiā duæ rectæ lineæ contingentes in idem punctum conueniant: & ab eo ad punctum, quod lineam tactus contingentem bifariam secat, alia linea ducatur: sectionis diameter erit.

Theor. xxix. Prop. xxx.

Si coni sectionem, vel circuli circumferentiam duæ rectæ lineæ contingentes in vnum punctum conueniant; diameter, quæ ab eo puncto ducitur, lineam tactus contingentem bifariam secabit.

Th. xxx. Prop. xxxi.

Si vtramque oppositarum sectionum duæ rectæ lineæ contingant: & si quidem ea, quæ tactus coniungit, per centrum transeat, contingentes lineæ æquidistantes erunt: sin minus, conuenient inter se se ad easdem partes centri.

Theor. xxx. Prop. xxxi.

Si vtrique oppositarum sectionum rectæ lineæ occurrant, ipsas vel in puncto contingentes, vel in duobus secantes; & productæ inter se

294 APOLLONII PERGÆI CONICORVM
conueniant: punctum, in quo conueniunt, erit in angulo, qui deinceps est angulo sectionem continenti.

Theor. xxxii. Prop. xxxiii.

Si vni oppositarum sectionum recta linea occurrens; & producta ex vtraque parte extra sectionem cadat: cum altera sectione non cōueniet: sed transibit per tres locos; quorū vnus quidem est sub angulo sectionē cōtinente: duo verò sub iis angulis, qui deinceps sunt.

Theor. xxxiii. Prop. xxxiv.

Si vnā oppositarum sectionum recta linea contingat: & huic æquidistans ducatur in altera sectione: quæ à tactu ad medium lineæ æquidistantis ducitur, oppositarum sectionum diameter erit.

Theor. xxxiv. Prop. xxxv.

Si diameter in vna oppositarum sectionum rectam lineam bifariam secet; quæ in termino diametri contingit alteram sectionem: lineæ bifariam sectæ erit æquidistans.

Theor. xxxv. Prop. xxxvi.

Si in vtraque oppositarum sectionum rectæ lineæ inter se æquidistantes ducantur: quæ ipsarum medium coniungit, oppositarum sectionum diameter erit.

Theor. xxxvi. Prop. xxxvii.

Si oppositas sectiones linea recta secet, non transiens per centrum: quæ à medio ipsius ad centrum ducitur, oppositarum sectionum diameter erit, quæ recta appellatur: transuersa verò diameter, ipsi coniugata est ea, quæ à centro ducitur æquidistans lineæ bifariam sectæ.

Theor. xxxvii. Prop. xxxviii.

Si oppositas sectiones duæ rectæ lineæ contingant, in vnum punctum conuenientes: quæ ab eo puncto ad medium lineæ tactus coniungentis ducitur, oppositarum sectionum diameter erit, quæ recta vocatur: transuersa verò, ipsi coniugata, quæ per centrum ducitur, lineæ tactus coniungenti æquidistans.

Theor. xxxviii. Prop. xxxix.

Si oppositas sectiones contingant duæ rectæ lineæ in vnum punctum conuenientes: quæ per punctum illud, & per centrum ducitur, lineam tactus coniungentem bifariam secabit.

Theor. xxxix. Prop. xl.

Si oppositas sectiones duæ rectæ lineæ contingentes in vnum conueniant: & per punctum, in quo conueniunt, linea ducatur, tactus cōiungenti æquidistans, & sectionibus occurrēs: quæ ab occurribus ad medium lineæ tactus coniungentes ducuntur, sectiones ipsas contingunt.

Theor. XL. Prop. XLI.

Si in oppositis sectionibus duæ rectæ lineæ se inuicem secant, non transeunt per centrum, se se bifariam non secabunt.

Theor. XLI. Prop. XLII.

Si in oppositis sectionibus, quæ coniugatæ appellantur, duæ rectæ lineæ se inuicem secant, non transeunt per centrum: bifariam se se non secabunt.

Theor. XLII. Prop. XLIII.

Si vnâ oppositarum sectionum, quæ coniugatæ appellantur, recta linea in duobus punctis secet: & à centro duæ lineæ ducantur, vna quidem ad medium lineæ secantis, altera verò ipsi æquidistans: erunt hæ oppositarum sectionum coniugatæ diametri.

Probl. II. Prop. XLIV.

Data coni sectione diametrum inuenire.

Probl. III. Prop. XLV.

Data ellipsi, vel hyperbola centrum inuenire.

Probl. IV. Prop. XLVI.

Data coni sectione axem inuenire.

Probl. V. Prop. XLVII.

Data hyperbola, vel ellipsi axem inuenire.

Theor. XLIII. Prop. XLVIII.

His ita demonstratis reliquum est, vt ostendamus non esse alios axes ipsarum sectionum.

Probl. VI. Prop. XLIX.

Data coni sectione, & puncto non intra sectionem dato, ab eo rectam lineam ducere, quæ sectionem contingat.

Probl. VII. Prop. L.

Data sectione coni, lineam contingentem ducere, quæ cum axe ad partes sectionis angulum faciat, dato angulo acuto æqualem.

Probl. VIII. Prop. LI.

Data sectione coni, lineam contingentem ducere, quæ cum diametro per tactum ducta faciat angulum dato angulo acuto æqualem.

Theor. XLIIII. Prop. LII.

Si ellipsim recta linea contingat, angulus, quem facit cum diametro per tactum ducta, non est minor angulo deinceps ei, qui lineis ad mediam sectionem inclinatis continetur.

Probl. IX. Prop. LIII.

Data ellipsi contingentem lineam ducere, quæ cum diametro per tactum ducta faciat angulum dato angulo acuto æqualem: oportet autem acutum angulum datum non esse minorem angulo deinceps ei, qui lineis ad mediam sectionem inclinatis continetur.

APOLLONII

PERGÆICONICORVM

LIBER TERTIVS.

*Ad Eudemum Pergamenum.**Theor. I. Prop. I.*

SI coni sectionem, vel circuli circumferentiam rectæ lineæ contingentes inter se conueniant: & per tactus ducantur, diametri, quæ contingentibus occurrant: triangula ad verticem facta sibi ipsis æqualia erunt. *Videantur initio libri huius Lemmata 14. Pappi Alexandrini.*

Theor. II. Prop. II.

Iisdem positis, si in coni sectione, vel circuli circumferentia sumatur aliquod punctum: & per ipsum æquidistantes contingentibus usque ad diametros ducantur: quadrilaterum factum ad vnam contingentium, & ad vnam diametrorum, æquale erit triangulo, quod ad eandem contingentem, & ad alteram diametrum constituitur.

Theor. III. Prop. III.

Iisdem positis, si in coni sectione, vel circuli circumferentia duo puncta sumantur; & per ipsa ducantur æquidistantes contingentibus usque ad diametros: quadrilatera, quæ ab ipsis fiunt, in diametris constituta, inter se æqualia erunt.

Theor. IV. Prop. IV.

Si oppositas sectiones duæ rectæ lineæ contingentes inter se conueniant: & per tactus ducantur diametri contingentibus occurrentes, triangula, quæ ad contingentes constituuntur, sibi ipsi æqualia erunt.

Theor. v. Prop. v.

Si oppositas sectiones duæ rectæ lineæ contingentes sibi ipsis occurrant: & in quavis sectionum aliquod punctum sumatur; à quo ducantur duæ lineæ, vna quidem contingentem æquidistans, altera verò æquidistans ei, quæ tactus coniungit: triangulum, quod ab ipsis constituitur ad diametrum per occursum ductam, à triangulo, quod est ad occursum contingentium, differt triangulo facto ad contingentem & ad diametrum, quæ per tactum ducta fuerit.

Constat

Constat igitur triangulum KFL quadrilatero MGK aequale esse.

Theor. VI. Prop. VI.

Isdem positis si in vna oppositarum sectionum aliquod punctum sumatur: & ab eo ducantur rectæ lineæ, contingentibus æquidistantes, quæ & contingentibus, & diametris occurrant: quadrilaterum ab ipsis factum ad vnam contingentium, & ad vnam diametrorum, æquale erit triangulo, quod ad eandem contingentem, & ad alteram diametrum constituitur.

Theor. VII. Prop. VII.

Isdem positis, si in vtraque sectione aliqua puncta sumantur: & ab ipsis ducantur lineæ contingentibus æquidistantes, quæ & contingentibus, & diametris occurrant: quadrilatera à lineis ductis constituta ad diametros, inter se æqualia erunt.

Theor. VIII. Prop. VIII.

Isdem positis pro punctis KL sumantur CD, in quibus diametri cum sectionibus conueniant: & per ipsa contingentibus æquidistantes ducantur. Dico DG quadrilaterum quadrilatero EC; & quadrilaterum XI quadrilatero TO æquale esse.

Theor. IX. Prop. IX.

Isdem positis, si alterum quidem punctum sit inter diametros, vt X: alterum verò sit idem, quod vnum punctorum CD, vt C: & æquidistantes ducantur. Dico triangulum CEO æquale esse quadrilatero KE: & quadrilaterum LO æquale ipsi LM.

Theor. X. Prop. X.

Isdem positis, sumantur KL non tamen in punctis, in quibus diametri sectionibus occurrant. Demonstrandum est quadrilaterum LTRX quadrilatero OXKI æquale esse.

Theor. XI. Prop. XI.

Isdem positis, si in quavis sectione punctum sumatur: & ab ipso lineæ æquidistantes ducantur, vna quidem contingenti æquidistans: altera verò æquidistans ei, quæ tactus coniungit, triangulū, quod ab ipsis sit ad diametrum per occursum contingentium ductam, à triangulo contento linea contingente, & diametro per tactum, differt triangulo, quod ad contingentium occursum constituitur.

Theor. XII. Prop. XII.

Isdem positis si in vna sectione sumantur duo puncta: & ab vtrisque similiter æquidistantes ducantur: quadrilatera ab ipsis constituta inter se æqualia erunt.

Theor. XIII. Prop. XIII.

Si in oppositis sectionibus, quæ coniugatæ appellantur, rectæ lineæ contingentes sectiones, quæ deinceps sunt, in vnum punctum conueniant, & per tactus diametri ducantur: triangula, quorum communis vertex est sectionum centrum, inter se æqualia erunt.

Theor. XIV. Prop. XIV.

Iisdem positis, si in quavis sectione punctum sumatur, & ab ipso ducantur lineæ æquidistantes contingentibus vsque ad diametros: triangulum, quod ad centrum constituitur, à triangulo circa eundem angulum differt triangulo basim habente lineam contingentem, & verticem sectionum centrum.

Theor. XV. Prop. XV.

Si vnam oppositarum sectionum, quæ coniugatæ appellantur, rectæ lineæ contingentes conueniant: & per tactus diametri ducantur: sumatur autem punctum in quavis sectionum coniugarum: & ab ipso ducantur æquidistantes contingentibus vsque ad diametros: triangulum, quod ab ipsis ad sectionem constituitur, maius est, quàm triangulum, quod ad centrum, triangulo basim habente lineam contingentem, & verticem centrum sectionum.

Theor. XVI. Prop. XVI.

Si coni sectionem, vel circuli circumferentiam duæ rectæ lineæ contingentes in vnum conueniant; & ab aliquo puncto eorum, quæ sunt in sectione, ducatur linea vni contingentium æquidistans, quæ & sectionem & alteram contingentium fecer, vt quadrata contingentium inter se se, ita erit rectangulum contentum lineis, qui interiiciuntur inter sectionem, & contingentem, ad quadratum lineæ inter æquidistantem & tactum interiectæ.

Theor. XVII. Prop. XVII.

Si coni sectionem, vel circuli circumferentiam duæ rectæ lineæ contingentes in vnum conueniant: sumantur autem in sectione duo quæuis puncta: & ab iis ducantur lineæ contingentibus æquidistantes, quæ & sibi ipsis & lineæ occurrant: vt quadrata contingentium inter se se, ita erit rectangulum contentum lineis, quæ interiiciuntur inter sectionem & linearum occursum, ad rectangulum, quod lineis similiter sumptis continetur. *Vide Lemma Eutecij.*

Theor. XVIII. Prop. XVIII.

Si oppositas sectiones duæ rectæ contingentes in vnum conueniant: sumatur autem in quavis sectione aliquod punctum: & ab eo ducatur linea vni contingentium æquidistans, quæ & sectionem & alteram contingentium fecer: vt quadrata contingentium inter se se, ita erit

rectangulum contentum lineis, quæ interiiciuntur inter sectionem & contingentem, ad quadratum lineæ inter æquidistantem & tactum interiectæ.

Theor. XIX. Prop. XIX.

Si oppositas sectiones duæ rectæ lineæ contingentes in vnum conueniant, & ducantur contingentibus æquidistantes, quæ & sibi ipsis, & sectioni occurrant: vt quadrata contingentium inter se se, ita erit rectangulum contentum lineis, quæ interiiciuntur inter sectionem, & linearum occursum, ad rectangulum, quod lineis similiter sumptis, continetur.

Theor. XX. Prop. XX.

Si oppositas sectiones duæ rectæ lineæ contingentes sibi ipsis occurrant: & per occursum ducatur linea tactus coniungenti æquidistans, quæ secet vtramque sectionem, ducatur autem alia linea æquidistans eidem sectionesque, & contingentes secans: erit vt rectangulum contentum lineis, quæ inter occursum contingentium & sectiones interiiciuntur, ad quadratum lineæ contingentis, ita rectangulum, quod continetur lineis inter sectiones & contingentem interiectis, ad quadratum lineæ ad tactum abscissæ.

Theor. XXI. Prop. XXI.

Iisdem positis, si in sectione duo puncta sumantur: & per ipsa ducantur rectæ lineæ: vna quidem contingentis æquidistans, altera verò æquidistans lineæ tactus coniungenti: quæ & sibi ipsis, & sectionibus occurrant: erit rectangulum contentum lineis, quæ interiiciuntur inter occursum contingentium, & sectiones, ad quadratum contingentis, ita rectangulum contentum lineis inter sectiones, & linearum occursum interiectis, ad rectangulum, quod lineis similiter sumptis continetur.

Probl. XXII. Prop. XXII.

Si oppositas sectiones contingant duæ rectæ lineæ inter se æquidistantes: ducantur autem aliæ lineæ, quæ & sibi ipsis & sectionibus occurrant: vna quidem contingentis æquidistans, altera verò æquidistans ei, quæ tactus coniungit: erit vt transuersum latus ad rectum figuræ, quæ ad lineam tactus coniungentem constituitur, ita rectangulum contentum lineis inter sectionem & linearum occursum interiectis ad rectangulum, quod lineis similiter sumptis continetur.

Theor. XXIII. Prop. XXIII.

Si in oppositis sectionibus, quæ coniugate appellantur, duæ rectæ lineæ oppositas sectiones contingentes conueniant in quavis sectione: ducantur autem aliquæ lineæ contingentibus æquidi-

stantes, quæ & sibi ipsis, & aliis sectionibus oppositis occurrant: vt quadrata contingentium inter se se, ita erit rectangulum lineis, quæ inter sectiones, & occursum interiiciuntur, ad rectangulum, quod lineis similiter sumptis continetur. *Theor. XXI V. Prop. XXIV.*

Si in oppositis sectionibus, quas coniugatas appellamus, à centro ad sectiones ducantur duæ rectæ lineæ, quarum vna quidem sit transversa diameter, altera verò recta, & ducantur aliæ lineæ his diametris æquidistantes, quæ & sibi ipsis & sectionibus occurrant, ita vt occursum sit in loco inter quatuor sectiones intermedio: rectangulum contentum portionibus lineæ diametro transversæ æquidistantis, vnà cum eo ad quod rectangulum ex portionibus lineæ æquidistantis rectæ diametro proportionem habet eandem, quàm diametri rectæ quadratum ad quadratum transversæ: æquale erit duplo quadrati, quod à dimidia transversæ diametro constituitur.

Theor. XXV. Prop. XXV.

Hisdem positis, sit linearum ipsis AC, BD æquidistantium occursum in vna sectione DB, atque in puncto X, vt positum est. Dico rectangulum contentum portionibus lineæ, quæ transversæ diametro æquidistant, videlicet OXN, maius esse quàm illud, ad quod rectangulum ex portionibus lineæ æquidistantis rectæ diametro, hoc est BXM, eandem proportionem habet, quàm rectæ diametri quadratum ad quadratum transversæ, duplo quadrati eius, quod à dimidia transversæ diametro constituitur. *Theor. XXVI. Prop. XXVI.*

Quod si æquidistantium occursum ad punctum X sit in vna sectione AC, vt positum est, rectangulum, quod continetur portionibus lineæ æquidistantis transversæ diametro, hoc est LXF minus erit, quàm illud, ad quod rectangulum portionibus alterius lineæ contentum, hoc est RXG, eandem proportionem habet, quàm rectæ diametri quadratum ad quadratum transversæ: duplo quadrati eius, quod à dimidia transversæ diametro constituitur.

Theor. XXVII. Prop. XXVII.

Si in ellipsi, vel circuli circumferentia coniugatæ diametri ducantur, quarum altera quidem sit recta, altera verò transversa; & ducantur duæ rectæ lineæ diametris æquidistantes, quæ & sibi & sectioni occurrant; quadrata ex portionibus lineæ æquidistantis transversæ diametro, quæ inter sectionem, & linearum occursum interiiciuntur: assumentia figuras ex portionibus lineæ, quæ rectæ diametro æquidistant, inter linearum occursum, & sectionem interiectis, similes & similiter descriptas ei, quæ ad rectam diametrum constituitur, quadrato transversæ diametro æqualia erunt.

Th. xxviii. Prop. xxviii.

Si in oppositis sectionibus, quas coniugatas appellamus; coniugatae diametri ducantur, ut earum altera recta sit, altera transversa: & ducantur duae rectae lineae diametris aequidistantes, quae & sibi ipsis & sectionibus occurrant: quadrata ex portionibus lineae aequidistantis rectae diametro, quae inter linearum occursum, & sectiones interiiciuntur, ad quadrata ex portionibus alterius lineae, quae transversae diametros aequidistant, intersectionem & occursum linearum interiectis: eandem proportionem habent, quam rectae diametri quadratum ad quadratum transversae.

Th. xxix. Prop. xxix.

Isdem positis, si linea rectae diametro aequidistans secet asymptotos: quadrata ex portionibus ipsius, quae inter linearum occursum, & asymptotos interiiciuntur, assumentia dimidium quadrati facti à recta diametro, ad quadrata ex portionibus lineae quae transversae diametro aequidistant, inter occursum linearum, & asymptotos interiectis eandem proportionem habent, quam rectae diametri quadratum ad quadratum transversae.

Th. xxx. Prop. xxx.

Si hyperbolem contingentes duae rectae lineae sibi ipsis occurrant; & per tactus linea producat; per occursum verò ducatur linea uni asymptoto aequidistans: sectionemque & lineam contingentem tactus secans: quae interiicitur inter occursum, & lineam tactus coniungentem à sectione bifariam diuidetur.

Th. xxxi. Prop. xxxi.

Si oppositas sectiones duae rectae lineae contingentes sibi ipsis occurrant: & per tactus linea producat; per occursum verò ducatur linea asymptoto aequidistans, quae sectionem & lineam tactus coniungentem secet: linea inter occursum, & eam quae tactus coniungit, interiecta à sectione bifariam diuidetur.

Theor. xxxii. Prop. xxxii.

Si hyperbolae duae rectae lineae contingentes sibi ipsis occurrant: & per tactus linea producat; & per occursum verò contingentium ducatur linea tactus coniungenti aequidistans; & per punctum quod coniungentes tactus bifariam secat ducatur linea aequidistans alteri asymptoto: quae inter dictum punctum, & lineam aequidistantem interiicitur, à sectione bifariam diuidetur.

Theor. xxxiii. Prop. xxxiii.

Si oppositas sectiones duae rectae lineae contingentes sibi ipsis occurrant; & per tactus linea producat; per occursum verò contingentium

ducatur linea tactus contingenti æquidistans: & per punctum, quod coniungentem tactus bifariam secat, ducatur linea æquidistans alteri asymptoto, conueniensque cum sectione, & cum linea æquidistante per occursum ducta, quæ inter dictum punctum, & lineam æquidistantem interiicitur; à sectione bifariam diuidetur.

Theor. XXXIV. Prop. XXXIV.

Si in vna asymptoto hyperbolæ aliquod punctum sumatur: ab eoque recta linea sectionem contingat: & per tactum ducatur æquidistans asymptoto: quæ per dictum punctum transit, alteri asymptoto æquidistans, à sectione bifariam diuidetur.

Theor. XXXV. Prop. XXXV.

Iisdem positis, si à sumpto puncto recta linea ducatur, sectionem in duobus punctis secans: erit vt tota ad eam, quæ extra sumitur, ita inter se se portiones illius, quæ intra sectionem continetur.

Theor. XXXVI. Prop. XXXVI.

Iisdem positis, si à puncto ducta linea, neque sectionem in duobus punctis secet, neque æquidistans, sit asymptoto, sed cum opposita sectione conueniat: erit vt tota ad lineam, quæ inter sectionem, & asymptoto ad eam, quæ inter asymptoto & alteram sectionem.

Theor. XXXVII. Prop. XXXVII.

Si coni sectionem, vel circuli circumferentiam, vel sectiones oppositas, contingentes duæ rectæ lineæ sibi ipsis occurrant. & per tactus linea producat: ab occurso verò contingentium ducatur linea sectionem in duobus punctis secans: erit vt tota ad eam, quæ extra sumitur, ita portiones inter se se, quæ à linea tactus coniungente fiunt.

Theor. XXXVIII. Prop. XXXVIII.

Iisdem positis, si per contingentium occursum ducatur recta linea, tactus coniungenti æquidistans: & per punctum, quod coniungentem tactus bifariam diuidit, ducatur linea secans, & sectionem ipsam in duobus punctis, & lineam æquidistantem per occursum ductam: erit vt tota ad eam, quæ extra sumitur inter sectionem, & lineam æquidistantem, ita portiones inter se se, quæ à linea tactus coniungente efficiuntur.

Theor. XXXIX. Prop. XXXIX.

Si oppositas sectiones duæ rectæ lineæ contingentes sibi ipsis occurrant: & per tactus linea producat: ab occurso verò contingentium ducta linea, & vtramque sectionem, & lineam tactus coniungentem secet: erit vt tota ad eam, quæ extra sumitur, inter sectionem & coniungentem tactus, ita portiones inter se se, quæ inter sectiones & contingentium occursum interiiciuntur.

Theor. XL. Prop. XL.

Iisdem positis, si per occursum contingentium ducatur recta linea, tactus coniungenti æquidistans: & à puncto quod coniungentem tactus bifariam diuidit, ducatur linea secans vtramque sectionem, & æquidistantem ei, quæ tactus coniungit: erit vt tota ad eam, quæ extra sumitur inter æquidistantem & sectionē, ita portiones inter se se, quæ inter sectiones, & coniungentem tactus intericiuntur.

Theor. XLI. Prop. XLI.

Si parabolē contingentes tres rectæ lineæ inter se conueniant, in eandem proportionem secabuntur.

Theor. XLII. Prop. XLII.

Si in hyperbola, vel ellipsi, vel circuli circumferentia, vel oppositis sectionibus ab extremo diametri ducantur lineæ æquidistantes ei, quæ ordinatim applicata est; & alia quæpiam linea quomodocumque contingens ducatur: abscindet ex ipsis lineas continentes rectangulum æquale quartæ parti figuræ, quæ ad eandem diametrum constituitur.

Theor. XLIII. Prop. XLIII.

Si hyperbolē recta linea contingat, abscindet ex asymptotis ad sectionis centrum lineas continentes rectangulum æquale ei, quod continetur lineis ab altera contingente abscissis ad verticem sectionis, qui est ad axem.

Theor. XLIV. Prop. XLIV.

Si hyperbolē, vel oppositas sectiones contingentes duæ rectæ lineæ asymptotis occurrant: quæ ad occursum ducuntur, lineæ tactus coniungenti æquidistantes erunt.

Theor. XLV. Prop. XLV.

Si in hyperbola, vel ellipsi, vel circuli circumferentia, vel oppositis sectionibus ab extremo axis lineæ ad rectos angulos ducantur, & quartæ parti figuræ æquale rectangulum comparetur ad axem ex vtraque parte: quod in hyperbola quidem, & sectionibus oppositis excedat figurâ quadratâ: in ellipsi verò deficiat: & ducatur linea sectionem contingens, occurrēnsque eis, quæ sunt ad rectos angulos: lineæ, quæ ab occurribus ducuntur ad puncta ex comparatione facta, angulos rectos ad ea efficient.

Theor. XLVI. Prop. XLVI.

Iisdem positis, lineæ coniunctæ æquales facient angulos ad contingentes.

Theor. XLVII. Prop. XLVII.

Iisdem positis, linea ab occursum coniunctarum ad tactum ducta, perpendicularis est ad contingentem.

Theor. XLVIII. Prop. XLVIII.

Iisdem positis, ostendendum est lineas, quæ à tactu ducuntur, ad puncta ex comparatione facta, æquales continere angulos ad contingentem.

Theor. XLIX. Prop. XLIX.

Iisdem positis, si ab aliquo punctorum ad contingentem perpendicularis agatur, quæ à facto puncto ducuntur ad axis extrema, rectos angulos continebunt.

Theor. L. Prop. L.

Iisdem positis, si à sectionis centro ducatur linea contingenti occurrens: æquidistansque lineæ per tactum, & per vnum punctorum ductæ dimidio axis æqualis erit.

Theor. LI. Prop. LI.

Si in hyperbola, vel oppositis sectionibus ad axem comparetur rectangulum æquale quartæ parti figuræ: excedensque figura quadrata: & à punctis ex comparatione factis ad quamlibet sectionem rectæ lineæ inclinentur: maior minorem quantitate axis superabit.

Theor. LII. Prop. LII.

Si in ellipsi ad maiorem axem ex vtraque parte comparetur rectangulum æquale quartæ parti figuræ, deficiensque figura quadrata: & à punctis ex comparatione factis ad sectionem rectæ lineæ inclinentur: ipsi axi æquales erunt.

Theor. LIII. Prop. LIII.

Si in hyperbola, vel ellipsi, vel circuli circumferentia, vel sectionibus oppositis ab extremo diametri ducantur lineæ ordinatim applicatis æquidistantes: & à dictis terminis ad idem sectionis punctum lineæ ductæ secant equidistantes: rectangulum ex abscissis factum æquale erit figuræ, quæ ad eandem diametrum constituitur.

Theor. LIV. Prop. LIV.

Si conic sectionem, vel circuli circumferentiam contingentes duæ rectæ lineæ sibi ipsis occurrant: & per tactus ducantur contingentibus æquidistantes: à tactibus verò ad idem sectionis punctum ductæ lineæ æquidistantes secant rectangulum ex abscissis cōstans ad quadratum lineæ tactus coniungentis, proportionem habebit compositam ex proportionem, quam habet quadratum portionis lineæ ab occurso contingentium ad punctum medium coniungentis tactus ductæ, quæ est intra sectionem, ad reliquæ portionis quadratum: & ex proportionem, quam habet rectangulum ex contingentibus factum ad quartam partem quadrati lineæ tactus coniungentis.

Theor. LV. Prop. LV.

Theor. LV. Prop. LV.

Si oppositas sectiones duæ rectæ lineæ contingentes sibi ipsis occurrant: & per occursum ducatur linea coniungenti tactus æquidistans: per tactus verò ducantur æquidistantes contingentibus: & à tactibus ad idem alterius sectionis punctum ducantur lineæ, quæ equidistantes secent: rectangulum ex abscissis constans ad quadratum lineæ tactus coniungentis eadem proportionem habebit, quam rectangulum ex contingentibus factum ad quadratum lineæ ab occursum ad sectionem ductæ, quæ quidem coniungenti tactus æquidistet.

Theor. LVI. Prop. LVI.

Si vnâ oppositarum sectionum duæ rectæ lineæ cōtingentes sibi ipsis occurrant: & per tactus ducantur contingentibus æquidistantes: à tactibus verò ad idē alterius sectionis punctū ducantur lineæ, quæ æquidistantes secent: rectangulum ex abscissis constans ad quadratū lineæ tactus coniungētis proportionem habebit compositam ex proportionē, quam habet quadratum portionis lineæ ad punctum medium coniungentis tactus ductæ, quæ est inter dictum punctum, & alteram sectionem, ad quadratum eius, quæ inter sectionem, & occursum interiicitur; & ex proportionē, quam habet rectangulum ex contingentibus factum ad quartam partem quadrati lineæ tactus coniungentis.

A P O L L O N I I

P E R G Æ I

C O N I C O R V M

L I B E R Q V A R T V S.

Ad Attalum Prefatio.

VDEMO Pergameno, ad quē 3. priores libros miserat mortuo, 4. mittit Attalo, quem docet hoc libro cōtineri ad quot puncta plurima conorum sectiones inter se se, & circuli circumferentiæ occurrere possint, nisi totæ totis congruant. Præterea coni sectio, & circuli circumferentia; & oppositæ sectiones oppositis sectionibus ad quot puncta plurima occurrant: ad hæc non pauca his similia. Ex his quod primo loco dictum est, Conon Samius

ad Trasidem scribens explicauit, non rectè in demonstrationibus versatus. Itaque Nicoteles Cyrenæus eum leniter reprehendit. De secundo Nicoteles in libro contra Cononem mētionem sic fecit, tanquam quod facilè demonstrari posset. Sed tamen nos, inquit Apollonius, neque ab ipso, neque ab alio quopiam demonstratum inuenimus. Tertium verò, & eiusdem generis alia, ne in mētem quidem alicui vnquam venisse comperimus. At quæ diximus ab alijs demonstrata non fuisse, omnia multis, ac variis, nouisque theorematibus indigent, quorum plurima in tribus primis libris, reliqua in hoc exposuimus. Horū igitur contemplatio non paruam vtilitatem affert, & ad compositiones problematum, & ad determinationes. Nicoteles quidem ob dissensionem, quæ illi cum Conone erat, scribit nihil eorum, quæ à Conone inuenta sunt, ad determinationes pertinere. Quod ille falso affirmat, nam & si omnino absque his determinationes reddere possimus, tamen ex his ipsis nonnulla facilius percipiuntur: vel hoc, quòd aliquid multipliciter fiat, vel quotupliciter, vel rursus quòd nullo modo fiat: quæ quidem cognitio si antecesserit, ad quæstiones magnam præstat facultatem. Præterea ad definitionū resolutiones theoremata hæc valde vtilia sunt: quæ etiam si absit vtilitas propter ipsas demonstrationes digna sunt vt recipiantur: multa enim alia in mathematicis disciplinis ob hoc ipsum & non ob aliquod aliud recipere consueuimus.

Theor. I. Prop. I.

Si in coni sectione, vel circuli circumferentia aliquod pūctum extra sumatur: atque ab eo ad sectionem ducatur duæ rectæ lineæ, vna quidē contingens, altera verò in duobus pūctis secans: & quam proportionem habet tota linea secās ad partem sui ipsius, quæ extra sumitur inter pūctum & sectionē interiecta in eandem diuidatur, quæ est intra, ita vt rectæ lineæ eiusdē rationis ad vnum pūctum conueniāt: quæ à tactu ad diuisionem ducitur, occurret sectioni: & quæ ab occursum ducitur ad pūctum extra sumptum sectionem continget.

Theor. II. Prop. II.

Hæc quidem communiter in omnibus sectionibus demonstrata sunt, at in sola hyperbola, si linea DB sectionem contingat; & DC in pūctis E C secet: pūcta verò E C contineant tactum ad B: & pūctum D sit intra angulum asymptotis comprehensum: similiter fiet demonstratio: possumus enim à pūcto D aliam ducere contingentem DA, & quæ reliqua sunt ad demonstrationem perficere.

Theor. III. Prop. III.

Isdem existentibus, puncta E C tactum ad B non contineant: sitque punctum D intra angulum asymptotis comprehensum, poterimus à puncto D alteram contingentem ducere, quæ sit DA , & reliqua similiter demonstrare.

Theor. IV. Prop. IV.

Isdem positis, si occurfus E C cõtineant tactum ad B : & punctum D sit in angulo, qui deinceps angulo asymptotis comprehenso: linea, quæ à tactu ad diuisionem ducitur, occurret oppositæ sectioni: & quæ ab occurfu ducitur, eandem sectionem contingeret.

Theor. V. Prop. V.

Isdem positis, si punctum D sit in vna asymptoto: quæ à puncto B ad F ducitur, eidem asymptoto æquidistabit.

Theor. VI. Prop. VI.

Si in hyperbola aliquod punctum extra sumatur, à quo ad sectionem ducantur duæ rectæ lineæ: altera quidem contingens, altera vero æquidistans vni asymptoto: & portio æquidistans inter sectionem, & punctum interiecta, æqualis sit ei, quæ intra sectionem continetur: linea, quæ à tactu ad factum punctum ducitur, occurrat sectioni: & quæ ab occurfu ducitur ad punctum extra sumptum sectionem cõtinet.

Theor. VII. Prop. VII.

Isdem positis, sit punctum D in angulo deinceps ei, qui asymptotis continetur. Dico etiam sic casum euenire.

Theor. VIII. Prop. VIII.

Isdem positis, sit punctum D in vna asymptoto: & reliqua eadem fiant. Dico lineam, quæ à tactu ad externam partem sumptæ ducitur, æquidistantem esse asymptoto, in qua est punctum D .

Theor. IX. Prop. IX.

Si ab eodem puncto duæ rectæ lineæ ducantur, quarum vtraque consectionem, vel circuli circumferentiam in duobus punctis secet: & quam proportionem habent totæ lineæ ad portiones, quæ extra sumuntur, in eam diuidantur, quæ sunt intra, ita vt partes eiusdem rationis ad idem punctum conueniant: quæ per diuisiones ducitur linea, sectioni in duobus punctis occurret: & quæ ab occurfu ad punctum extra sumptum ducuntur, sectionem contingerent.

Theor. X. Prop. X.

Hæc quidem communiter in omnibus, at in sola hyperbola; si alia quidem eadem sint, vnius autem rectæ lineæ occurfus contineat occurfus alterius: & punctum D sit intra angulum asymptotis comprehensum: eadem prorsus euenient, quæ dicta sunt, vt in secundo theoremate tradidimus.

Theor. xi. Prop. xi.

Iisdem positis, si vnus lineæ occurfus alterius occurfus non contineant, & punctum D sit intra angulum asymptotis comprehensum: & figura, & demonstratio eadem erit, quæ in tertio theoremate.

Theor. xii. Prop. xii.

Iisdem positis, si occurfus vnus lineæ, alterius occurfus contineât: & punctum sumptum sit in angulo deinceps ei, qui asymptotis comprehenditur: linea per diuisiones ducta, si producat, occurreret oppositæ sectioni: & quæ ab occurfibus ducuntur ad punctum D, oppositas sectiones contingent.

Theor. xiii. Prop. xiii.

Iisdem positis, si punctum D sit in vna asymptoton, & reliqua eadem existant: quæ per diuisiones transit linea asymptoto, in qua est punctum, æquidistabit: & producta occurreret sectioni: quæ verò ab occurfu ad punctum ducitur, sectionem continget.

Theor. xiv. Prop. xiv.

Iisdem positis, si punctum D sit in vna asymptoton: & linea quidem DE sectionem in duobus punctis secet: D G verò alteri asymptoto æquidistans secet in vno tantum; quod sit G; fiatque vt E D ad DH, ita EK ad KH: & ipsi D G ponatur æqualis G L; quæ per puncta KL transit linea, asymptoto æquidistabit, & sectioni occurreret: quæ verò ab occurfu ducitur ad D, sectionem continget.

Theor. xv. Prop. xv.

Si in sectionibus oppositis inter duas sectiones sumatur aliquod punctum, & ab ipso duæ lineæ ducantur; altera quidem contingens vnâ oppositarum: altera verò vtramque secans: & quam proportionem habet linea inter sectionem, quam non contingit, & punctum interiecta ad lineam, quæ est inter punctum, & alteram sectionem, eandem habeat: linea quædam maior ea, quæ inter sectiones interiicitur ad excessum ipsius in eadem recta, & ad eundem terminum cum linea eiusdem rationis: quæ à termino maioris lineæ ad tactum ducitur, occurreret sectioni, & quæ ab occurfu ducitur ad sumptum punctum, sectionem continget.

Theor. xvi. Prop. xvi.

Iisdem positis, sit punctum D in angulo deinceps ei, qui asymptotis continetur: & reliqua eadem fiant. Dico lineam à puncto F ad C productam occurrere oppositæ sectioni: & quæ ab occurfu ducitur ad D, eandem sectionem contingere. *Theor. xvii. Prop. xvii.*

Iisdem positis, sit punctum D in vna asymptoton. Dico lineam, quæ ab F ad C ducitur, asymptoto, in qua est punctum, æquidistare.

Theor. xviii. Prop. xviii.

Si in sectionibus oppositis aliquod punctum sumatur inter duas sectiones: & ab ipso duæ lineæ ducantur, vtrâmq; sectionem secantes: & quam proportionem habent interiectæ inter vnâ sectionem & punctum ad eas, quæ inter idem punctum, & alteram sectionem intericiuntur, eandem habeant lineæ maiores iis, quæ sunt inter sectiones oppositas ad excessus ipsarum: quæ per terminos maiorum linearum transeunt, occurrent sectionibus: & quæ ab occurribus ad sumptum punctum ducuntur, sectiones contingent.

Theor. xix. Prop. xix.

Sumatur punctum D in angulo deinceps ei, qui asymptotis continetur: ducanturque rectæ lineæ sectiones secantes: & vt dictum est, diuidantur. Dico eam, quæ per KG, producitur, occurrere vtrique sectionum: & quæ ab occurribus ducuntur ad D, sectiones contingere.

Theor. xx. Prop. xx.

Si sumptum punctum sit in vna asymptoto, & reliqua eadem fiant: lineæ, quæ transit per terminos excessuum, asymptoto, in qua est punctum, æquidistabit: & quæ a puncto ducitur ad occursum sectionis, & lineæ per terminos transeuntis, sectionem continget.

Theor. xxi. Prop. xxi.

Sint rursus oppositæ sectiones AB: sitque punctum D in vna asymptoto: & lineæ quidem DBK in vno tantum puncto occurrat sectioni B, alteri asymptoto æquidistans: lineæ verò CDHG vtrique sectioni occurrat: & vt CD ad DH, ita CG ad GH: & ipsi DB æqualis sit BK. Dico lineam, quæ per puncta KG transit, occurrere sectioni asymptotique, in qua est punctum D æquidistare: & quæ ab occursum ad punctum D ducitur sectionem contingere.

Theor. xxii. Prop. xxii.

Sint similiter oppositæ sectiones, asymptotique: & punctum D sumatur in angulo deinceps ei, qui asymptotis continetur: lineæ verò CDH secet vtrâsq; sectionem: & DB alteri asymptoto æquidistet: sitque vt CD ad DH, ita CG ad GH: & ipsi DB æqualis ponatur BK. Dico lineam, quæ per puncta KG transit, occurrere vtrique oppositarum sectionum: & quæ ab occurribus ducuntur ad D sectiones eadem contingere.

Theor. xxiii. Prop. xxiii.

Sint itidem oppositæ sectiones AB: punctumque D sit in angulo deinceps ei, qui asymptotis continetur: & lineæ quidem BD sectionem B in vno puncto tantum secet, alteri asymptoto æquidistans: lineæ verò A similiter secet sectionem A: sitque DB ipsi BG æqualis: & DA

ipſi AK. Dico lineam, quæ tranſit per KG, occurrere ſectionibus, & quæ ab occuſibus ad D ducuntur, ſectiones contingere.

Theor. xxiv. Prop. xxiv.
Coni ſectio coni ſectioni, vel circuli circumferentiæ non occurrit ita vt pars quidem eadem ſit: pars verò non ſit communis.

Theor. xxv. Prop. xxv.
Coni ſectio coni ſectionem vel circuli circumferentiam in pluribus punctis, quàm quatuor non ſecat.

Theor. xxvi. Prop. xxvi.
Si dictarum linearum aliquæ in vno puncto ſeſe contingant, non occurrent ſibi ipſis ad alia puncta plura quàm duo.

Lib. xxxvii. Prop. xxxvii.
Si prædictarum linearum aliquæ in duobus punctis ſeſe contingant, in alio puncto ſibi ipſis non occurrent.

Theor. xxviii. Prop. xxviii.
Parabole parabolem non contingit, præterquàm in vno puncto.
Theor. xxix. Prop. xxix.
Parabole hyperbolem non contingit in duobus punctis extra ipſam cadens.

Theor. xxx. Prop. xxx.
Parabole ellipſim, vel circuli circumferentiam non contingit in duobus punctis intra ipſam cadens.

Theor. xxxi. Prop. xxxi.
Hyperbole hyperbolem idem centrum habens in duobus punctis non continget.

Theor. xxxii. Prop. xxxii.
Si ellipſis ellipſim, vel circuli circumferentiam, idem centrum habens in duobus punctis contingat: linea coniungens tactus per centrum tranſibit.

Theor. xxxiii. Prop. xxxiii.
Coni ſectio, vel circuli circumferentia, coni ſectioni, vel circuli circumferentiæ, quæ non ad eaſdem partes conuexa habeat, ad plura puncta, quàm duo non occurret.

Theor. xxxiv. Prop. xxxiv.
Si coni ſectio, vel circuli circumferentia occurrat vni oppoſitarum ſectionum in duobus punctis: & lineæ, quæ inter occuſus interſciuntur, ad eaſdem partes concava habeant: producta linea ad occuſus alteri oppoſitarum ſectionum non occurret.

Theor. xxxv. Prop. xxxv.
Si coni ſectio, vel circuli circumferentia vni oppoſitarum ſectionum

occurrat: reliquæ ipsarum non occurrerit ad plura puncta, quàm duo.

Theor. xxxvi. Prop. xxxvi.

Coni sectio, vel circuli circumferentia oppositis sectionibus ad plura puncta, quàm quatuor non occurrerit.

Theor. xxxvii. Prop. xxxvii.

Si coni sectio, vel circuli circumferentia vtramque oppositarum sectionum concava sui parte contingat, alteri oppositarum non occurrerit.

Theor. xxxviii. Prop. xxxviii.

Si coni sectio, vel circuli circumferentia vtramque oppositarum sectionum contingat in vno puncto; oppositis sectionibus in alio puncto non occurrerit.

Theor. xxxix. Prop. xxxix.

Si hyperbole vni oppositarum sectionum in duobus punctis occurrat, conuexa habens è regione sita: quæ sibi opponitur sectio, alteri oppositarum non occurrerit.

Theor. xl. Prop. xl.

Si hyperbole occurrat vtrique oppositarum sectionum: quæ ipsi opponitur sectio, nulli oppositarum in duobus punctis occurrerit.

Theor. xli. Prop. xli.

Si hyperbole vtramque oppositarum sectionum in duobus punctis fecerit, conuexa habens è regione sita: quæ ipsi opponitur sectio, nulli oppositarum occurrerit.

Theor. xlii. Prop. xlii.

Si hyperbole vnam oppositarum sectionum in quatuor punctis fecerit, quæ ipsi opponitur sectio, non occurrerit alteri oppositarum.

Theor. xliii. Prop. xliii.

Si hyperbole alteri oppositarum in duobus punctis occurrat, concava habens ad easdem partes: quæ ipsi opponitur sectio nulli oppositarum occurrerit.

Theor. xliv. Prop. xliv.

Si hyperbole vni oppositarum sectionum occurrat in tribus punctis, quæ ipsi opponitur alteri oppositarum, præterquam in vno puncto, non occurrerit.

Theor. xlv. Prop. xlv.

Si hyperbole vnam oppositarum sectionum contingat, alteram verò fecerit in duobus punctis: quæ ipsi opponitur sectio, nulli oppositarum occurrerit.

Theor. XLVI. Prop. XLVI.

Si hyperbole vnam oppositarum sectionum in vno puncto contingat; & secet in duobus punctis: quæ ipsi opponitur sectio, alteri oppositarum non occurret.

Theor. XLVII. Prop. XLVII.

Si hyperbole vnam oppositarum sectionum contingens in alio puncto secet: quæ ipsi opponitur sectio alteri oppositarum non occurret præterquam in vno puncto.

Theor. XLVIII. Prop. XLVIII.

Si hyperbole vnam oppositarum sectionum in vno puncto contingat; quæ ipsi opponitur sectio, alteri oppositarum non occurret ad plura puncta, quam duo.

Theor. XLIX. Prop. XLIX.

Si hyperbole contingat vtramque oppositarum sectionum: quæ ipsi opponitur sectio nulli oppositarum occurret.

Theor. L. Prop. L.

Si vtraque oppositarum sectionum in vno puncto contingat, ad easdem partes concaua habens: in alio puncto non occurret.

Theor. LI. Prop. LI.

Si hyperbole vnam oppositarum sectionum contingat in duobus punctis: quæ ipsi opponitur sectio, alteri oppositarum non occurret.

Theor. LII. Prop. LII.

Si hyperbole vnam oppositarum sectionum contingat, conuexa habens è regione sita: quæ ipsi opponitur sectio, alteri oppositarum non occurret.

Theor. LIII. Prop. LIII.

Oppositæ sectiones oppositas non secant in pluribus punctis, quàm quatuor.

Theor. LIIII. Prop. LIIII.

Si oppositæ sectiones oppositas in vno puncto contingant: non occurrent sibi ipsis ad alia puncta plura, quàm duo.

Theor. LV. Prop. LV.

Si sectiones oppositæ oppositas contingant in duobus punctis: in alio puncto sibi ipsis non occurrent.

PRÆFATIO SEREI ANTISNENSIS

PHILOSOPHI,

in librum de sectione cylindri.

Serenus Cyro S. D.

CVM videam quam plurimos (amice Cyre) eorum qui in Geometria versantur, arbitrari transuersam cylindri sectionem longè diuersam esse ab ea sectione conici, quæ ellipsis appellatur: non committendum putaui, vt ab errore non auerterẽ tum eos ipsos, qui ita arbitrantur, tum eos, qui ab his illud ita esse persuaderi possent. Quamquam absurdum omnino videatur Geometras ipsos de problemate geometrico sine demonstratione quicquam affirmare: oratio enim probabilis, & sine vlllo artificio à Geometria alienissima est. Itaque quoniam ita sentiunt, nos autem non assentimur, libuit geometricè demonstrare vnã, atque eandem specie sectionem necessariò fieri in vtrisque figuris, in cono, inquam, & cylindro, si modò ratione quadam & non simpliciter secentur. Quemadmodum autem veteres, qui conica tractarunt, non contenti communi intelligentia conici, nempe quod à triangulo rectangulo constitueretur: vniuersalius, & artificiosius de ipso conscripserunt, non tantum rectos, sed etiam scalenos conos statuentes: ita & nobis faciendum erit. Nam cum cylindri sectionem nobis tractandam proposuerimus, non solum rectum cylindrum, sed etiam scalenum ponentes, quæ ad hanc contemplationem pertinent, latius, fusiùsque explicabimus. Et quamquam certò sciam neminem fore, qui faciliè admittat non omnem conum rectum esse, communi notione id suadente: tamen contemplationis gratiã melius esse iudicaui vniuersaliori definitione ipsum comprehendere: etenim cylindri recti sectio eadem est, quæ ellipsis recti conici: sed cylindro vniuersalius accepto, sectionem eius omni pariter ellipsi eandem esse necessariò continget: id quod nos in hoc libro probare instituimus. Attendenda autem priùs hæc sunt quæ ad propositam materiam definire oportet.

DEFINITIONES.

I. **S**I igitur duorum circulorum æqualium, & æquidistantium diametri semper inter se æquidistantes, & ipsæ in circulorum planis circa manens centrum circumferantur: & una circumferatur recta linea diametrorum terminos ex eadem parte coniungens, quovsq; rursus in eum locum restituatur, à quo moveri cœpit; superficies, quæ à circumlata linea describitur, cylindrica superficies vocetur: quæ quidem & in infinitum augeri potest: lineâ ipsa describente in infinitum producta.

II. Cylindrus, figura, quæ circulis æquidistantibus, & cylindrica superficie inter ipsos interiecta continetur.

III. Cylindri basis, circuli ipsi.

IV. Axis, recta linea, quæ per circulorum centra ducitur.

V. Latus autem cylindri linea, quæ cum recta sit, & in superficie ipsius cylindri: bases utrasque contingit: quam & circumlatam cylindri superficiem describere antea diximus.

VI. Cylindrorum, recti quidem dicantur, qui axem habent ad rectos angulos existentem ipsis basibus.

VII. Scaleni autem, qui non ad rectos angulos existentem ipsis basibus axem habent. Sed & hæc ex Apollonio scire oportet.

VIII. Omnis lineæ curvæ in uno plano existentis diameter vocetur recta linea, quæ quidem ducta à linea curva, omnes, quæ in ipsa ducuntur, rectæ cuiuspiam æquidistantes bifariam dividit.

IX. Vertex lineæ, terminus ipsius rectæ, qui est ad lineam.

X. Ordinatum ad diametrum applicari dicitur unaquæque linearum æquidistantium.

XI. Coniugatae diametri dicantur, quæ quidem à linea ordinatum ductæ ad coniugatas diametros, ipsas similiter dividunt.

XII. His igitur positis, & transversis sectionibus cylindri punctum quod diametrum bifariam dividit, centrum sectionis vocetur.

XIII. Quæ à centro ad lineam perducitur, dicatur ea, quæ ex centro.

XIV. Quæ verò per centrum sectionis transit, æquidistans ei, quæ ordinatum applicata est, & terminatur ab ipsa linea, secunda diameter dicatur. Demonstrabitur enim lineas omnes in sectione ductas, quæ quem diametro æquidistant, bifariam secare.

XV. Illud etiam determinandum est, similes ellipses esse quarum cō-

iugatæ diametri se se ad angulos æquales secantes eandem habent proportionem.

Theorema I. Propositio I.

SI duæ rectæ lineæ se se tangentes, duabus rectis lineis se se tangentibus æquidistant, & sint utræque utrisque æquales: quæ terminos earum coniungunt rectæ lineæ, & ipsæ æquales, & æquidistantes erunt.

Theorema II. Propositio II.

Si cylindrus plano secetur per axem, sectio parallelogrammum erit.

Theor. III. Prop. III.

Si cylindrus plano secetur æquidistante ei parallelogrammo, quod fit per axem, sectio parallelogrammum erit, æquales ipsi angulos habens.

Theor. IV. Prop. IV.

Si curvæ lineæ recta subtendatur: & quæ ad lineam ad subtensam perpendiculares ducuntur, possint æquale, ei quod ipsius subtensæ partibus continetur: dicta linea circuli circumferentia erit.

Theor. V. Prop. V.

Si cylindrus plano basibus æquidistante secetur, sectio circulus erit, centrum habens in axe.

Theor. VI. Prop. VI.

✦ Si cylindrus scalenus plano per axem secetur, ad rectos angulos ipsi basi: secetur autem & altero plano, recto ad parallelogrammum per axem, quod faciat communem sectionem in parallelogrammo rectam lineam, æquales angulos continentem iis, qui sunt parallelogrammi, non autem ipsius basibus æquidistantem: sectio circulus erit. Vocetur autem talis sectio subcontrariæ.

Theor. VII. Prop. VII.

Cylindro dato, & puncto in superficie eius: per dictum punctum latus cylindri ducere.

Theor. VIII. Prop. VIII.

Si in superficie cylindri duo puncta sumantur non existentia in latere parallelogrammi per axem: quæ dicta puncta coniungit recta linea intra cylindri superficiem cadet.

Theor. IX. Prop. IX.

Si cylindrus plano secetur, neque basibus æquidistante, neque subcontrariè posito, neque per axem, neque æquidistante ei, quod per axem fit parallelogrammo: sectio neque circulus, neque parallelogrammum erit.

Simul verò & illud demonstratum est rectam lineam, quæ in sectione ipsi FG æquidistans ducta bifariam diuidit CD, diametro basis aequalem esse.

Theor. X. Prop. X.

Si cylindrus plano per axem secetur: sumatur autem aliquod punctum in eius superficie, quod non sit in latere parallelogrammi per axem: & ab ipso ducatur recta lineæ æquidistans rectæ cuiuspiam, quæ in eodem plano existit, in quo cylindri basis, & ad rectos incidit basi parallelogrammi per axem: cadet ea inter parallelogrammū, & producta vsque ad alteram partem superficiei ab ipso parallelogrammo bifariam secabitur.

Theor. XI. Prop. XI.

Si cylindrus secetur plano, basis planum extra circulum secante: communis autem sectio perpendicularis sit ad basim parallelogrammi per axem; vel ad eam, quæ in rectum ipsi constituitur: rectæ lineæ, quæ à sectione in superficie cylindri à secante plano facta ducuntur; æquidistantes lineæ perpendiculari ad basim parallelogrammi per axem, vel ad eam, quæ in rectum ipsi constituitur, in communem sectionem planorum cadent: & productæ vsque ad alteram sectionis partem, à communi planorum superficie bifariam diuidentur: quæ verò perpendicularis est ad basim parallelogrammi per axem, vel ad eam, quæ ipsi in rectum constituitur, cylindro recto existente, etiam ad communem planorum sectionem, parallelogrammi scilicet per axem, & secantis plani perpendicularis erit: scaleno autem existente cylindro non item, præterquam cum parallelogrammum per axem ad ipsam basim cylindri rectum fuerit.

Theor. XII. Prop. XII.

✦ Si duæ rectæ lineæ similiter secentur, erit vt quadratum primæ ad quadratum secundæ: ita quod sit ex primæ partibus rectangulum ad rectangulum ex partibus secundæ.

Theor. XIII. Prop. XIII.

✦ Si cylindrus plano secetur per axem, & secetur altero plano basis planum secante, ita vt communis sectio basis, & secantis plani perpendicularis sit ad basim parallelogrammi per axem, vel ad eam, quæ in rectum ipsi constituitur: à sectione autem ad diametrum ducatur linea communi planorum sectioni æquidistans: poterit dicta linea spatium quoddam, ad quod rectangulum diametri sectionis partibus contentum eam proportionem habet, quam diametri sectionis quadratum ad quadratum diametri basis.

Theor. XIV. Prop. XIV.

Recta linea, quæ punctum, quod diametrum sectionis bifariam diuidit ordinatim in sectione applicatur, secunda diameter erit.

Theor. XV. Prop. XV.

Si cylindrus plano secetur basis planum secante: communis autem sectio plani basis, & secantis plani perpendicularis sit ad basim parallelogrammi per axem, vel ad eam quæ ipsi in rectum constituitur: quæ à sectione ad diametrum ducitur linea, æquidistans communi planorum sectioni iam dictæ, poterit spatium quoddam, ad quod rectangulum diametri partibus contentum eam proportionem habet, quam diametri sectionis quadratum ad quadratum secundæ diametri: quæ verò à sectione ad secundam diametrum ducitur, æquidistans diametro, poterit spatium, ad quod rectangulum ex secundæ diametri partibus eam habet proportionem, quam quadratum secundæ diametri ad ipsum diametri quadratum.

Theor. XVI. Prop. XVI.

Si in cylindri sectione coniugatæ diametri sint, & fiat, vt diameter sectionis ad secundam diametrum, ita secunda diameter aliam quampiam: quæ à sectione ad diametrum ordinatim applicata est, poterit spatium, quod adiacet tertiæ proportionali, latitudinem habens eam, quæ inter ordinatim applicatam, & sectionem interiicitur: & deficiens figura simili ei, quæ diametro ipsa & tertia proportionali continetur.

Th. XVII. Prop. XVII.

Si in cylindri sectione coniugatæ diametri sint: & fiat vt secunda diameter ad diametrum, ita diameter ad aliam lineam: quæ à sectione ad secundam diametrum ordinatim applicatur, poterit spatium, quod adiacet tertiæ proportionali, latitudinem habens eam, quæ inter ordinatim applicatam, & sectionem interiicitur: & deficiens figura simili ei, quæ secunda diametro, & tertia proportionali inuenta continetur.

Th. XVIII. Prop. XVIII.

Si in sectione cylindri rectæ lineæ ad diametrum ordinatim applicentur, erunt quadrata earum ad spatia contenta lineis, quæ inter ipsas, & terminos transuersi lateris figuræ interiiciuntur vt rectum figuræ latus ad transuersum: inter sese verò, vt spatia, quæ lineis similiter sumptis continentur.

Th. XIX. Prop. XIX.

Itaque dico fieri posse, vt conum simul & cylindrum vna eademque ellipsi sectos ostendamus.

Probl. I. Prop. XX.

Cono dato & ellipsi, in eo cylindrum eadem ellipsi coni sectum inuenire.

Probl. II. Prop. XXI.

Cylindro dato & ellipsi, in eo conum eadem ellipsi cylindri sectum inuenire.

Probl. III. Prop. XXII.

Cono dato inuenire cylindrum, & utrosque eodem plano secare, quod sectiones in utrisque similes ellipses efficiat.

Probl. IIII. Prop. XXIII.

Cylindro dato inuenire conum, & utrosque secare eodem plano, quod sectiones faciat in utrisque ellipses similes.

Theor. XX. Prop. XXIV.

Sit recta linea AB , quæ secetur in punctis C, D , & non sit AC maior quam DB . Dico si ad AC comparetur spatium æquale quadrato CB , excedens figura quadrata: latus excessus maius quidem esse, quam CD : minus verò, quàm CB .

Probl. V. Prop. XXV.

Dato cylindro ellipsi secto, conum constituere in eadem basi cylindri, eademque altitudine: & sectum eodem plano, quod sectionem faciat ellipsim cylindri ellipsi similem.

Probl. VI. Prop. XXVI.

Datum cylindrum, vel conum scalenum possumus ex eadem parte infinitè secare duobus planis, non æquidistanter positis, quæ ellipses similes efficiant.

Probl. VII. Prop. XXVII.

Datum cylindrum scalenum, vel conum possumus ex oppositis partibus infinitè secare duobus planis, quæ ellipses similes efficiant.

Theor. XXI. Prop. XXVIII.

Ex his manifestum est cõiungationi similium ellipsium, quæ ex eadem parte sit, similem esse coniungationem quandam similium ellipsium ex oppositis partibus; quippe quæ diametros habet ex contraria parte diametris respondentem.

Theor. XXII. Prop. XXIX.

Rectæ lineæ, quæ ab eodem puncto cylindricam superficiem contingunt ex utraque parte: omnes in vnius parallelogrammi lateribus tactiones fiunt.

Theor. XXIII. Prop. XXX.

Hoc demonstrato. Sit parallelogrammum $ABCD$: & eius basi AB æquidistantes ducantur EF, GH : sumpto autem aliquo puncto

k , non existente in plano parallelogrammi, iungantur, kE , kF , kG , kH : quæ productæ occurrant plano cuiuspiam æquidistanti ipsi $ABCD$ in punctis $LMNX$: & iungantur $LMNX$. Dico lineam MX ipsi LN æquidistantem esse.

Theor. XXIV. Prop. XXXI.


Si extra triangulum punctum sumatur: & ab eo ducatur quædam recta linea triangulum secans: à vertice autem ad basim alia agatur, quæ secet lineam ductam, ita ut quam proportionē habet tota ad partem extra triangulum assumptam, eādem habeat eius, quæ intra triāgulum continetur, maior portio ad minorē quælibet recta linea, quæ ex eodem puncto ducta triangulum secat, ab ea, quæ à vertice ad basim ducitur, in eandem proportionem secatur. Quod si lineæ ab eo puncto in triangulum ductæ secantur in eandem proportionem: recta linea, quæ ipsas secat in triangulo, per trianguli verticem necessario transibit.

Theor. XXV. Prop. XXXII.

Rectæ lineæ, quæ ab eodem puncto conicam superficiem contingunt ex utraque parte: omnes in vnius trianguli lateribus tractiones faciunt.

Theor. XXVI. Prop. XXXIII.

Hoc demonstrato, sit triangulum ABC , cuius basi DC æquidistantes ducantur $DEFG$, & sumpto aliquo puncto H , quod non sit in triāguli plano, iungantur HD , HE , HG HE ; & productæ occurrant plano alicui, quod plano ABC æquidistet, in punctis $KLMN$: planum igitur per lineas $DEKH$ ductum secabit etiam planum $KLMN$: & in eo communem sectionem faciet rectam lineam KN , ipsi DE æquidistantem. Eodem modo & planum ductum per lineas FG , LH faciet rectā lineam LM æquidistantem ipsi FG . Quoniam igitur planum kHL æquidistantibus planis ABC , $kLMN$ secatur, communes ipsorum sectiones KL , DF æquidistantes sunt, & eadem ratione æquidistantes MN , GE , ergo productæ KL , MM conueniant inter se se, conueniant in X : & cum duæ lineæ KX , XN duabus DA , AE æquidistant, angulus ad X , angulo ad A æqualis erit. Rursum cum duæ XK , KN æquidistant duabus AD , DE , erit angulus XKN angulo ADE æqualis: triangula igitur XKN , ABC inter se se similia erunt.



Quod si punctum H fingamus esse corpus illuminās, & triangulum ABC eius radii oppositum, siue per se, siue in cono, continget radios, qui ab ipso H emittuntur, per triangulum ABC facere triangulum umbræ XKN ipsi ABC simile; & quamquam hæc ad opticam contemplationem pertineant, & ob id à proposita tractatione aliena videantur, tamen perspicuè constat sine iis, quæ hoc loco de cono & cylindri sectione, hoc est de elipsi, & rectis lineis cum contingentibus demonstrata sunt, problema eiusmodi absolui non posse: quare non temerè, sed necessario de his sermonem instituimus.

SERENI LIBER SECVNDVS DE SECTIONE CONI.

Serenus Cyro S. D.



VM sectio conorum, optime Cyre, quæ per verticem efficitur, triangula quidem in conis constituat, variam autem, & perpulchram habeat contemplationem: & à nullo eorum, qui ante nos fuerunt, quod sciam, pertractata sit: optimè me facturum existimaui, si locum hunc non inexplicatum relinquerè, perscriberemque de his, quæcumque mihi in mentem venerunt: maiorem autem serè partem eorum, quæ profundiore geometria indigere videntur, arbitror me hoc libro complexum esse: neque enim mirum videri debet, si aliquid quod scribi oporteret, prætermiserim, utpote qui primus hanc contemplationem aggressus: quamobrem par est, vel te, cum in horum studium incubueris, vel posteriorum aliquem, qui in hæc inciderit, à me impulsus, ea, quæ prætermissa sunt, supplere: sunt tamen nonnulla, quæ consultò præterierim, vel quòd manifesta essent, vel quod ab aliis tractata: siquidem in omni cono sectionem triangulum esse, quando per verticem secatur, cum aliis demonstratum sit nos omisimus, ne aliena nostris inuentis insererentur. Quæ autem in pròptu essent, & quæ vnusquisque per se nullo negotio intelligere posset, non existimaui me scribere oportere, ne legentium animos parum attentos facerem. Sed iam ad id quod propositum est accedamus.

Theora

Theorema I. Propositio I.

SI quatuor rectarum linearum prima ad secundam maiorem proportionem habeat, quàm tertia ad quartam: rectangulum contentum prima & quarta maius est eo, quod secunda & tertia continentur.

Theor. II. Prop. II.

Si in triangulo orthogonio ab altero angulorum ad vnum latus, quod est circa rectum angulum linea ducatur: habebit ducta linea ad eam, quæ inter ipsam & perpendicularem interiicitur, maiorem proportionem, quàm quæ à principio subtenditur recto angulo ad iam dictum latus.

Theor. III. Prop. III.

Si conus rectus planis per verticem secetur, eorum, quæ in sectionibus fiunt triangulorū, æquales habentia bases inter se æqualia erūt.

Theor. IV. Prop. IV.

In conis rectis similia trianguia inter se æqualia erunt.

Theor. V. Prop. V.

Si conus rectus planus per verticem secetur, & per axem, & extra axem: sitque axis non minor semidiametro basis: eorum, quæ fiunt, triangulorum maximum est illud, quod per axem constituitur.

Theor. VI. Prop. VI.

Licet idem; & aliter vniuersalius demonstrare, ex omnibus simpliciter triangulis, quod maiorem basim habet, illud maius esse.

Theor. VII. Prop. VII.

Si in cono recto triangulum per axem maximum sit triangulorum omnium, quæ extra axem constituuntur: axis coni minor erit semidiametro basis.

Probl. I. Prop. VIII.

Conum rectum, cuius axis non sit minor semidiametro basis, plano per verticem ducto ita secare, vt faciat triangulum, quod ad triangulum per axem proportionem habeat datam. Oportet autem datam proportionem esse minoris ad maius.

Theor. VIII. Prop. IX.

Si planis conus rectus per verticem secetur, & per axem, & extra axem: triangulorū autem, quæ fiunt extra axem vnum aliquod æquale sit triangulo per axem: axis coni semidiametro basis minor erit.

Theor. IX. Prop. X.

Isdem manentibus demonstrandum est, si rursus planum ducatur

322 SERENI DE SECTIONE CYLINDRI

per verticem conum secans, faciēsq̃ue in basi rectam lineam, cuius magnitudo inter bases æqualium triangulorum contineatur: triangulum illud vtrisque triangulis æqualibus maius esse.

Probl. II. Prop. XI.

Datum conum rectum, cuius axis sit minor semidiametro basis, plano per verticem ita secare, vt faciat triangulum æquale ei, quod per axem constituitur.

Theor. X. Prop. XII.

Si conus rectus planis per verticem secetur: & in vno eorum triangulorum, quæ fiunt, linea à vertice ad basim perpendicularis ducta æqualis sit dimidiæ basis: erit illud triangulum maius omnibus triangulis dissimilibus, quæ in cono constituuntur.

Probl. III. Prop. XIII.

Datum conum rectum, cuius axis sit minor semidiametro basis, plano per verticem ita secare, vt faciat triangulum maius omnibus triangulis dissimilibus, quæ in cono constituuntur.

Probl. IV. Prop. XIV.

Datum conum plano per axem ad rectos angulos ipsi basi secare.

Theor. XI. Prop. XV.

Si conus scalenus plano per axem secetur ad rectos angulos ipsi basi, triangulum in cono factum scalenum erit, cuius maius latus maxima erit linearum omnium, quæ à vertice coni ad basis circumferentiam ducuntur: & minus latus linearum omnium similiter dictarum minima erit: aliarum verò, quæ maximè propinquier est, maior erit, quàm quæ ab ipsa magis distat.

Theor. XII. Prop. XVI.

Si in triangulo à vertice ad punctum, quod basim bifariam diuidit, recta linea ducatur: quadrata ex lateribus facta æqualia erunt quadratis, quæ fiunt ex basis partibus, & duplo quadrati eius lineæ, quæ à vertice ad basim ducta fuerit.

Theor. XIII. Prop. XVII.

Si quatuor linearum prima ad secundam maiorem proportionem habeat, quàm tertia ad quartam: & quadratum primæ ad quadratū secundæ maiorem habebit proportionem, quàm tertiæ quadratū ad quadratum quartæ. Quod si quadratum primæ ad quadratum secundæ maiorem proportionem habeat, quàm tertiæ quadratum ad quadratum quartæ: & prima ad secundam maiorem proportionem habebit, quàm tertia ad quartam.

Theor. XIV. Prop. XVIII.

Si duæ magnitudines æquales inæqualiter diuidantur: & alterius

partium maior ad minorem proportionē maiorem habeat, quàm partium alterius maior ad minorē, vel æqualis ad æqualem: prædictarū partium maior omnium maxima, minor verò omnium minima erit.

Theor. xv. Prop. xix.

Si duo triangula & bases æquales habeant, & lineas, quæ à vertice ad punctū, quod basim bifariam secat ducuntur: alterius autē maius latus ad minus maiorē proportionem habeat, quàm reliqui maius latus ad minus, vel æquale ad æquale: triangulū illud, cuius maius latus ad minus maiorem habet proportionem, altero minus erit

Theor. xvi. Prop. xx.

Si duo triangula inæqualium laterum & bases æquales habeant, & lineas, quæ à vertice ad punctum basim bifariam secans ducuntur: minoris trianguli maius latus ad minus maiorem proportionem habebit quàm maioris maius latus ad minus.

Probl. V. Prop. XXI.

Datum conum scalenum plano per verticem ita secare, vt in cono triangulum æquicrurum efficiat.

Theor. xvii. Prop. xxii.

Triangulorum, quæ in cono scaleno per axem constituuntur, maximum est æquicrurum: & minimum, quod est ad rectos angulos basi coni: reliquorum verò maximo propinquius maius est eo, quod plus distat.

Probl. VI. Prop. xxiii.

In dato cono scaleno à vertice ad circumferentiam basis lineā ducere, ad quam maxima proportionem datā habeat: oportet autem datam proportionem esse maioris ad minus, & minorem esse ea quā habet maxima linearum, quæ in cono ducuntur, ad minimam.

Probl. VII. Prop. xxiv.

Sit datum triangulum scalenum ABC, cuius latus BA maius sit latere AC, & basis BC bifariam in D secetur, ducaturque AD: sit autē ED perpendicularis ad BC: & æqualis ipsi DA: & sit AF ad eandem BC perpendicularis: oporteatque aliud triangulum constituere maius triangulo ABC, quod habeat lineā ductā à vertice ad punctū basim bifariam secans, utriusque ipsarū DE, DA æqualem: & ad triangulum ABC proportionem eandem habeat, quàm H maior ad G minorem: habeat autem H ad G non maiorem proportionem, quàm DE ad AF.

Probl. VIII. Prop. xxv.

Datum conum scalenum secare per axem plano faciente in eo triangulum, quod ad minimum triangulorum per axem proportionem datā habeat: oportet autem datam proportionē esse maioris

Sf. ij.

324 SERENI DE SECTIONE CYLINDRI

ad minus, neque maiorem ea, quam maximum triangulorum per axem habet ad minimum.

Theor. xviii. Prop. xxvi.

Si conus scalenus plano per axem secetur ad rectos angulos ipsi basi, & linea, quæ à vertice facti trianguli ad basim perpendicularis ducitur, non minor sit basis semidiametro: erit triangulum ad rectos angulos basi maximum omnium, quæ extra axem in cono constituuntur, & bases habent dicti trianguli basi æquidistantes.

Th. xix. Prop. xxvii.

At si à puncto A ad C D perpendicularis ducta minor sit semidiametro basis: non erit triangulum ACD maximum omnium, quæ bases ipsi CD æquidistantes habent: demonstratio autem & figura eadem est.

Theor. xx. Prop. xxviii.

Si cono scaleno planis per verticem sectio, in basibus æquidistantibus triangula æquicruria fiant: sitque axis conï non minor semidiametro basis triangulum æquicrurum per axem transiens maximum erit omnium æquicrurum, quæ ex ea parte, ad quam axis inclinatur, constituuntur.

Theor. xxi. Prop. xxix.

Si in triangulo orthogonio ab angulo recto ad subtensam quædam linea ducatur: habebit ducta ad partem, quæ inter ipsam, & unam continentium angulum rectum intericitur, maiorem proportionem, quam reliqua rectum angulum continens ad lineam subtensam.

Theor. xxii. Prop. xxx.

Si cono scaleno planis per verticem secto, in basibus æquidistantibus æquicruria triangula constituentur ex ea parte, ad quam axis inclinatur: & dictorum triangulorum unum aliquod æquale sit triangulo æquicruri per axem: recta linea, quæ à vertice ad basim trianguli perpendicularis ducitur, ipso axe minor erit.

Theor. xxiii. Prop. xxxi.

Si cono scaleno per verticem planis secto in basibus æquidistantibus æquicruria triangula constituentur ex ea parte, ad quam axis inclinatur: & dictorum triangulorum unum aliquod æquale sit triangulo æquicruri per axem: axis conï semidiametro minor erit.

Theor. xxiiii. Prop. xxxii.

Si cono scaleno planis per verticem secto, in basibus æquidistantibus triangula æquicruria constituentur ex ea parte, à qua axis declinat: triangulum æquicrurum per axem transiens non erit omnium eiusmodi triangulorum minimum.

Theor. xxv. Prop. xxxiii.

Si in eadem basi duo triangula constituentur: & alterius quidem latus sit ad rectos angulos basi: alterius verò ad angulos obtusos: sitque ambliagonij trianguli altitudo non minor altitudine orthogonij: angulus, qui ad orthogonij verticem angulo, qui ad verticem ambliagonij maior erit.

Theor. xxvi. Prop. xxxiv.

Iisdem positis, si trianguli orthogonij angulus ad verticem non maior sit eo, qui continetur linea vertices triangulorum coniungente, & latere ambliagonij, quod obtusum angulum cum basi efficit: linea in triangulo orthogonio subtenfa angulo recto ad eam, quæ est ad rectos angulos basi, minorem habet proportionem, quàm subtenfa angulo obtuso in ambliagonio ad eam, quæ est ad angulos obtusos.

Theor. xxvii. Prop. xxxv.

Iisdem positis, si in triangulo orthogonio subtenfa angulo recto ad eam, quæ est ad rectos angulos basi maiorem proportionem habeat, quàm angulo obtuso subtenfa in ambliagonio ad eam, quæ est ad angulos obtusos: angulus ad verticem orthogonij maior est angulo, qui linea vertices triangulorum coniungente, & ea, quæ est ad angulos obtusos basi continetur.

Theor. xxviii. Prop. xxxvi.

Si cono scaleno per verticem planis secto, in basibus æquidistantibus triangula æquicruria constituentur ex ea parte, à qua axis declinat: angulum æquicrure per axem transiens omnium eiusmodi triangulorum neque maximum, neque minimum erit.

Theor. xxix. Prop. xxxvii.

In omni cono scaleno, cum triangula per axem potestate infinita sint: lineæ, quæ à vertice coni ad bases dictorum triangulorum perpendiculares ducuntur, omnes in vnius circuli circumferentiam cadunt: quiquidẽ est in eodẽ plano, in quo basis coni, & circa diametrũ interiectam inter centrum basis, & perpendicularem, quæ à vertice coni ad dictum planum ducitur.

Quare constat dictas perpendiculares à puncto sublimi ad circuli circumferentiam cadentes in conis superficie ferri: cuius quidem basis est circulus à casu perpendicularem descriptus, & vertex idem, qui est primi coni vertex.

Probl. ix. Prop. xxxviii.

In cono scaleno dato aliquo triangulo per axem, quod neque maximum sit, neque minimum: inuenire aliud triangulum per axem, quod vnà cum dato, vtrisque maximo & minimo per axem sit æquale.

Sf iij

Theor. xxx. Prop. xxxix.

Si duorum triangulorum per axem bases abscindant æquales circumferentias ad diametrum, quæ per lineam perpendicularem ducitur: triangula inter se æqualia erunt. Vocentur autem eiusdē ordinis.

Theor. xxxi. Prop. xl.

Triangulorum per axem, quæ eiusdem sunt ordinis, & æqualia & inter se similia erunt.

Theor. xxxii. Prop. xli.

Si conī scaleni axis æqualis sit basis diametro: erit vt maximum triangulorum, quæ per axem constituuntur ad minimum, ita minimum ad æquicrurē, quod est ad rectos angulos basi.

Theor. xxxiii. Prop. xlii.

Rursus sit vt triangulum EAE ad CAD, ita CAD ad HAK. Dico axem BA semidiametro basis æqualem esse.

Theor. xxxiv. Prop. xliii.

Si circulus circulum secet per centrum ipsius descriptus: & ab altera eorum sectione ducantur lineæ secantes circumferentiam, quæ per centrum trāsit, & ad alterius circuli circumferentiam protrahantur: recta linea inter conuexam alterius circuli circumferentiam, & inter concavam alterius interiecta æqualis est lineæ, quæ à communi sectione lineæ ductæ, & circumferentiæ per centrum, ad alteram communem circulorum sectionem perducitur.

Theor. xxxv. Prop. xlii.

Si in portione circuli inflectantur rectæ lineæ: maxima quidem erit, quæ ad punctum medium inflectitur: aliarum verò semper ipsi propinquior remotiore maior erit.

Theor. xxxvi. Prop. xlv.

Si quatuor rectis lineis inæqualibus existentibus quadrata maximæ, & minimæ æqualia sint quadratis reliquorum: recta linea constans ex maxima & minima minor erit ea, quæ ex reliquis constat.

Theor. xxxvii. Prop. xlvi.

Si duæ rectæ inæquales diuidantur: & partium minoris quadrata æqualia sint quadratis partium maioris: earum omnium maxima quidem erit maior maioris pars, minor verò minima.

Theor. xxxviii. Prop. xlvii.

Si duæ rectæ lineæ æquales ita diuidantur, vt rectangulum contentum partibus vnus æquale sit ei, quod alterius partibus continetur: erunt vnus partes partibus alterius æquales.

Theor. xxxix. Prop. xlviii.

Si conus scalenus per axem secetur: eorum, quæ sunt triangulorum

quod maius est, maiorem perimetrum habet: & cuius trianguli maior perimetrum, illud maius est.

Ex quibus perspicuum est in conis scalenis, maximi quidem triangulorum, quæ sunt per axem, hoc est aquicruris perimetrum esse maximam, minimi verò, hoc est eius, quod est ad rectos angulos basi coni, perimetrum minimam esse; & aliorum semper quod maius est maiorem perimetrum habere, quàm quod minus.

Theor. XL. Prop. XLIX.

Rektorum conorum æqualium, & dissimilium triangula per axem ex contraria parte respondent suis basibus.

Theor. XLI. Prop. L.

Quorum conorum rektorum triangula per axem ex contraria parte respondent suis basibus, ij inter se sunt æquales.

Theor. XLII. Prop. LI.

Si conorum basis ad basim duplam proportionem habeat eius, quam conus ad conum: triangula per axem inter se æqualia erunt.

Th. XLIII. Prop. LII.

Si triangula per axem inter se æqualia sint: & basis ad basim duplam proportionem habeat eius, quam conus habet ad conum.

Theor. XLIV. Prop. LIII.

Recti coni æquealti duplam inter se proportionem habent eius, quàm triangula per axem.

Theor. XLV. Prop. LIV.

Si coni inter se se duplam proportionem habeant eius, quam triangula per axem ipsi æquealti erunt.

Theor. XLVI. Prop. LV.

Si recti coni ex contraria parte respondeant suis axibus: triangula per axem inter se æqualia erunt.

Theor. XLVII. Prop. LVI.

Si triangula per axem inter se æqualia sint: & coni ex contraria parte suis axibus respondebunt.

Theor. XLVIII. Prop. LVII.

Si coni recti ex contraria parte suis basibus respondeant: triangula per axem inter se triplam proportionem habebunt eius quam basis habet ad basim ex contraria parte.

Theor. XLIX. Prop. LVIII.

Quorum conorum rektorum triangula per axem inter se triplam: proportionem habent eius, quam basis ad basim ex contraria parte coni suis basibus ex contraria parte respondebunt.

Theor. L. Prop. LX.

✦ Si rectus conus ad conum rectū duplam proportionem habeat eius, quam basis ad basim: triangulum per axem ad triangulum per axem triplam proportionem habebit, quam trianguli basis ad basim.

Theor. LI. Prop. LX.

Si triangulum per axem ad triangulum per axem triplam proportionem habeat eius, quam trianguli basis ad basim; conus ad conum duplam proportionem habebit, quam coni basis ad basim.



IN CLARISSIMI VIRI

CLAVDII MYDORGII

CONICA.

P R Æ F A T I O.

ELEMENTA Conica quæ sequuntur non pendent à præcedentibus Apollonianis, quibus simpliciora sunt, fontesque detegunt ex quibus occultè hausit. Primus liber directè probat, quæ Pergæus solùm indirectè, & ex absurdo demonstrarat: neque solùm ad solidorum problematum determinationes, & compositiones, vt libri Apolloniani, sed etiam ad experimenta Physica collineat; vt hocce primo libro 4. Pergæi libros habeas.

Secundus agit de Conicarum linearum descriptione Geometrica in plano, per puncta; dum ad totius operis calcem methodi mechanicae & organicae reijciuntur. Tertius & quartus de eiusdem nominis coni sectionum inuicem comparatione: quos hætenus editos legimus; reliquos frustra speraturi, nisi precibus ab autore possit eos aliquis extorquere.

Quintus igitur de coni sectionum portionibus, & de coni portionum sectionibus. Sextus de datis Conicis, siue problematibus coni sectiones determinantibus. Septimus de adscriptis, & inscriptis conicis, siue de maximis & minimis ad specularia, & dioptricem spectantibus. Octauus denique lineas conicas, & conoideas superficies è propria cuiusque naturæ, & habitudine ad radium siue in opaco, siue in diaphano ad inuicem comparat: tandèmq; præcipua circa reflexum, & refractum mysteria non vulgo cognita deteget; quorum nouâ luce constanter ad cuiusvis propositi speculi, aut optatae lentis diaphanæ fabricam accingaris.

De nominibus autem sectionum, unde ortæ sint, facile iudices ex 11, 12 & 13 prop. l. 1. Apollonij, ubi rectas à singulis sectionibus ad principales diametros ordinatim applicatas expendens, demonstravit in parabola quidem, ipsarum quadratis æqualia rectangula, latitudines habentia contignis interceptis diametri portionibus æquales, ad aliquam rectam (quam vocat rectâ sectionis diametrū, vel rectum latus, Mydorgius verò parametrum) applicata nec eam excedit, nec ab ea deficit, sed ei conuenit; quod sequente 10 prop. l. 1. demonstratur: ille itaque propter istam applicationem conuenientem, ei parabolæ, vel applicationis nomen indidit.

Cumque vidisset in aliis duabus sectionibus, ordinatim applicatarum quadratis æqualia istiusmodi rectangula ad sectionis parametrum applicata, in hyperbola quidem ipsam excedere; in ellipsi verò ab eadem deficere figura simili, similiterque posita ei quæ à transuersa diametro, & contigua parametrio continetur; quæ est 13. prop. l. 1. seq. illis excessus, & defectus nomina fecit. Sed poterat etiam circulo, ut pote coni sectioni, nomen ellipsis vniformis tribuere; cum suas transuersas diametros, & parametros, & figuras ab ipsis constantes habeat; & instar ellipseos, ordinatarum quadratis æqualia rectangula, latitudines habentia interceptis diametri portionibus æquales, ad contiguas parametros applicata, semper deficiant figura simili, similiterque posita ei quæ à transuersa diametro, & eadem parametrio constituitur: de quibus vid. 4. & 5. prop. l. p. A. & 2, 3 & 13 Myd. qui tamen à proprijs coni sectionibus circulum reiecit, in quibus si cum triangulo numeretur, futuræ sint 5 sectiones: neque Eutocij rationem de sectionum nominibus adprobat.

Sunt & alia plurima in illis sectionibus considerata, verbi gratiâ, in parabola diametros omnes principali diametro, siue ex generatione, & idcirco inuicem æquidistare; in hyperbola, ellipsi, & circuli circumferentia ad inuicem inclinari, & coire, pèrque commune sectionis centrum transire: quamobrem in parabola quamcunque rectam diametro æquidistantem, eiusdem parabolæ diametrum esse: in aliis tribus prædictis, quamcunque rectam per sectionis centrum ductam, aut ei occurrentem, & intra sectionem perductam, eiusdem etiam sectionis esse diametrum, ut ad prop. 27. Myd. monet.

Porro Victææ analysis praxis nostros Geometras cō perduxit, vt

iam ostendant nullum esse problema quod non soluant; quale, verbi causâ fuerit istud à Girardo des Argues, propositum, & à viro illustri, cuius nomine hi Conicorum libri gaudent, vt etiam à nostro Geometra, & ab alijs solutum.

Datâ in plano sectione coni, non circulo, datoque extra idem planum puncto, per quod transiens recta linea infinitè producta circumducatur circa coni sectionem datâ, donec eò restituatur vnde moueri cœpit; describatque hoc motu superficiem quandam. Quæritur an superficies illa sit conica, & vtrum planum eam ita secare possit, vt sectio sit circuli circumferentia. Quòd si ita sit, quæritur ipsius plani secantis positio.

Operæ verò fuerit pretium, si quisque propriâ manu diagrammata è cuiuslibet propositionis regione pingat, præsertim verò ad 2. librum, in quo plurimæ propositiones capitalibus litteris significant ad illarum intellectum requiri figuras.

Nota verò sequentes conicorum libros ita conceptos & editos, vt nullâ ratione Conicis Apollonianis egeant, solosque sex primos Euclidis libros supponant: hinc fit vt ab istorum possis incipere lectione, cósque postea cum præcedentibus Apollonij comparare.




CLAVDII MYDORGII PATRICII PARISINI

CONICORVM, LIBER PRIMVS.

*De Elementis Conicis, siue de Coni sectionum ortu & genera-
tione, ac propria cuiusque natura.*

DEFINITIONES.

- I. UPERFICIES Conica dicitur, ea quam ducta à manente sublimi puncto per circuli circumferentiam in eodem non existentem plano recta linea interminata, & circa eandem circumferentiam circumducta donec ad idem eiusdem punctum redeat à quo cæpit moueri, describit.
2. Vertex superficiiei Conicæ dicitur, manens punctum à quo educta recta linea superficiem conicam describit.
3. Axis superficiiei conicæ dicitur, recta linea à vertice conicæ superficiiei ad centrum circuli, circa cuius circumferentiam circumducta recta linea eandem superficiem descripsit perducta.
4. Conicæ superficies oppositæ, siue ad verticem existentes, dicuntur, quæ simul eadem recta linea vltra verticem producta, & circa eandem circuli circumferentiam circumducta describit. Ideoque & communem verticem, & axes in directum habent.
5. Conus autem dicitur, solida figura contenta circulo, & conicâ superficie à vertice ad eiusdem circuli circumferentiam interceptâ.
6. Vertex coni idem est qui & superficiiei conicæ ipsum conum continentis.
7. Basis coni dicitur, circulus ad cuius circumferentiam educta, & circumducta recta linea superficiem conicam descripsit.
8. Axis coni dicitur idem, qui superficiiei conicæ, conum continentis. Recta nempe à vertice coni ad centrum circuli, qui eiusdem est basis, perducta.

9. Oppositi coni, siue ad verticem existentes, dicuntur, qui oppositis superficiebus conicis continentur, ideoque & verticem communem, & axes in directum habet.

10. Conus rectus dicitur, cuius axis ad rectos ipsius basi angulos insistit.

11. Conus scalenus dicitur, cuius axis non ad rectos ipsius basi angulos insistit.

12. Coni sectionem cum Apollonio intelligimus, lineam in coni superficie, quæ est communis plani cuiuspiam conum diuidentis & eiusdem superficiiei sectio interminata, aut ybique sibi ipsi continua. Ideoque & in eodem etiam plano existit.

13. Conicam lineam intelligimus, cuiuscunque coni sectionis portionem.

14. Rectas lineas in sectione, aut portione, ductas dicimus, quæ vtrinque in ipsa sectione, aut portione terminatur.

15. Diametrum cuiuscunque coni sectionis, aut portionis, dicimus, quamcunque rectam lineam intra sectionem ductam, quæ binas quascunque rectas lineas in ipsa sectione, aut portione ductas inuicem æquidistantes bifariam diuidit. Quæ & intercepta diameter etiam dicitur.

16. Ordinatam autem ad diametrum, siue ordinatim applicatam intelligimus, vnamquamque linearum in coni sectione, aut portione, ductarum ab eadem diametro bifariam sectarum, aut cuiuspiam bifariam sectæ æquidistantium.

17. Axem cuiuscunque coni sectionis, aut portionis dicimus, diametrum quæ ordinatim ad ipsam applicatas bifariam, & ad angulos rectos, diuidit. Qui & intra sectionem interceptus axis etiam dicitur.

18. Verticem coni sectionis, aut portionis, dicimus, terminum cuiuscunque diametri qui in ipsa est sectione, aut portione, diceturque in axe vertex supremus.

19. Parametrum coni sectionis dicimus, rectam lineam à cuiuslibet coni sectionis, aut portionis, vertice eductam ordinatim ad contiguam diametrum applicatis æquidistantem: cui comparantur, & secundum quam æstimantur, & possunt omnes quæcunque à coni sectione, aut portione, ad eandem diametrum ordinatim applicantur. Quæ & recta iuxta quam possunt ad diametrum à coni sectione, aut portione, ordinatim ductæ dicetur. Quæ, si ab axis termino sit educta, recta parameter: sin autem, parameter simpliciter dicitur.

PROPOSITIONES 59.

1. **S**I conus plano per verticem secetur, sectio erit triangulū, idemque contingit si per axem secetur, cum axis coni per eius verticem transeat.
2. Si conus plano secetur æquidistante basi, erit facta in superficie coni sectio circuli circumferentia.

DEFINITIONES SECUNDÆ.

1. **S**ubcontrariam positionem dicimus, quando bina triangula similia ad communem verticem angulum posita bases habent non parallelas. Ideoque & ipsa triangula dicentur subcontrariè posita. Ideoque etiam bases subcontrariè inuicem posita.
2. Subcontrariam coni sectionem dicimus, siue conus secetur duobus planis ad idem per axem triangulum rectis, & ab ipso ad verticem abscindentibus bina triangula similia, sed subcontrariè posita, siue conus per axem iam sectus plano ad basim recto, rursus secetur plano ad triangulum per axem recto, & ab ipso ad verticem abscidente triangulum simile, sed subcontrariè positum.

PROPOSITIO III.

SI conus scalenus plano secetur subcontrariè basi, erit facta in superficie coni sectio circuli circumferentia.

DEFINITIONES TERTIÆ.

1. **P**arabolam dicimus, quamcunque coni sectionem, cuius diameter alterutri crurum trianguli per axem secti coni æquidistat.
2. Hyperbolam dicimus, quamcunque coni sectionem cuius diameter producta alterutri crurum trianguli per axem secti coni infra verticem occurrit.
3. Ellipsim dicimus, quamcunque coni sectionem, cuius diameter utrique crurum trianguli per axem secti coni infra verticem occurrit, eiusdem basi neque æquidistans, neque subcontrariè posita.
4. Oppositas sectiones dicimus, binas hyperbolas in oppositis superficiebus ab vno eodémque plano non per verticem sectis factas.

5. Transuersam diametrum dicimus, rectam lineam quæ in hyperbola intercepta cuilibet diametro in directum est posita, vel in ellipsi ipsa est intercepta diameter continuata, & vtroque utroque trianguli per axem secti coni crure intercipitur. Quæ & in oppositis sectionibus, vel ellipsi, veluti & in circuli circumferentia, cum sit diameter, vtrinque etiam à sectione terminatur. Quæ si intercepto axi sit in directum, aut sit ipse axis continuatur, transuersus etiam axis dicitur.

6. Centrum coni sectionis dicimus, punctum in quod diametri omnes concurrunt. Quodque transuersam quamcunque diametrum bifariam diuidit.

7. Figuras hyperbolarum, vel ellipsium, veluti & circuli circumferentiarum, dicimus, parallelogramma sub earumdem sectionum transuersis diametris, & contiguis parametris contenta. Quarum illæ transuersa dicuntur latera, hæ coefficientia.

8. Secundam diametrum dicimus, rectam lineam quæ in ellipsi, vel in oppositis sectionibus, veluti & in circuli circumferentia, ordinatim ad aliquam diametrum applicatis æquidistans per centrum ducta, & ab ipso bifariam secta, media proportionalis est inter latera figuræ ad eandem diametrum factæ.

9. Coniugatas diametros dicimus, binas rectas lineas in ellipsi, vel in oppositis sectionibus, veluti & in circuli circumferentia, per centrum ductas, quarum vtrique diameter est, & rectas lineas alteri æquidistantes vtrinque sectione terminatas bifariam diuidit. Quare si etiam ad angulos rectos, coniugati axes dicuntur: & in ellipsi, etiam extremæ diametri.

10. Principalem coni sectionis diametrum, siue diametrum ex generatione, aut ex coni sectione, dicimus, rectam lineam quæ plani trianguli per axem secti cuiuslibet coni & plani secantis, ipsamque in superficie coni sectionem generantis, communis est sectio ipso cono facta. Vnde & ipsi respondens, siue contigua, parameter etiam principalis: & ex ipsis constantes figuræ etiam principales; & coniugatæ diametri principales.

11. Assumptas coni sectionum diametros, aut parametros, dicimus diametros omnes & parametros quæcunque ad principales primò positas, aut ad axes sectionum comparantur. Ideoque & assumptæ figuræ etiam, & assumpta eorumdem latera, & assumptæ coniugatæ diametri nonnunquam occurrent.

12. Umbilicum parabolæ dicimus, punctum in eiusdem axe intersectionem signatum, à supremo vertice distans spatio quadrantis rectæ parametri.

13. Umbilicos hyperbolarum & ellipsium dicimus, puncta in eorumdem vniuscuiusque axe signata, ab vnoquoque transuersi axis termino distantia spatio rectæ, cuius quadrato rectangulum æquale quartæ parti figuræ, sub eodem axe transuerso & recta parametro factæ, ipso transuerso axi applicatum in hyperbola quidem excedit, & in ellipsi deficit.

PROPOSITIONES.

4. **S**I conus plano per axem secetur, seceturque & alter plano quod basim conici secet secundum rectam lineam quæ ad basim trianguli per axem sit perpendicularis; communis autem plani secantis, & trianguli per axem sectio sit alterutri crurum eiusdem trianguli æquidistans, erit facta in superficie conici sectio parabola: cuiusque diameter communis plani secantis & trianguli per axem sectio.

5. Si conus plano per axem secetur, seceturque & altero plano quod basim conici secet secundum lineam rectam quæ sit ad basim trianguli per axem perpendicularis: communis autem plani secantis, & trianguli per axem sectio alterutri crurum eiusdem trianguli ultra verticem producto occurrat, erit facta in superficie conici sectio hyperbola, cuius erit diameter communis plani secantis & trianguli per axem sectio.

6. Si conus plano per axem secetur, seceturque & altero plano quod basim conici, aut eius planum productum, secet secundum rectam lineam quæ ad basim trianguli per axem, aut ad eam quæ ipsi in directum est, sit perpendicularis: communis autem plani secantis, & trianguli per axem sectio vtrique crurum eiusdem trianguli infra verticem occurrat, basi non æquidistans, neque subcontrariè posita: conusque, si opus est, produci intelligatur; erit facta in superficie conici sectio ellipsis, cuius erit diameter communis plani secantis & trianguli per axem sectio.

7. In omni parabola, si à sectione ad diametrum binæ rectæ lineæ sint ordinatim applicatæ, erunt quadrata ipsarum ad inuicem, vt contiguae ab ipsis interceptæ ad verticem diametri portiones.

8. In omni hyperbola, vel ellipsi, vt & in circuli circumferentia, si à sectione ad interceptam diametrum binæ rectæ lineæ ordinatim sint applicatæ; erunt quadrata ipsarum ad inuicem, vt rectangula sub contiguis diametri portionibus ab utroque transuersæ termino sumptis ad inuicem.

Lemma I. 9. Si sit quadratum quodlibet, & rhombus quadrato æquilaterus, atque etiam rectangulum quodcumque, & parallelogrammum ipsi æquilaterum, rhomboque æquiangulum; vt quadratum ad rectangulum, ita erit rhombus ad parallelogrammum, & conuersim.

10. In omni parabola, si à vertice sectionis recta sit ordinatim ad diametrum applicatis ducta æquidistans, quæ se habeat ad quamlibet interceptam eiusdem diametri portionem, vt quadratum contiguæ ordinatim applicatæ ad eiusdem interceptæ diametri portionis quadratum, erunt singularum omnium ab eadem sectione ad eandem diametrum ordinatam applicatarum quadratis, vel rhombis, æqualia singula rectangula, vel parallelogramma, eidem rectæ à vertice ductæ adiacentia, latitudinésque aut latera habentia interceptas diametri portiones à vertice.

11. Si in conic sectione diameter quampiam rectam lineam bifariam secet, & omnes ipsi æquidistantes in eadem sectione ductas bifariam quoque secabit. *Bifariam autem secta erit ad diametrum ordinatim applicata.*

12. Si conus plano per axem sectus, rursus alio plano secetur secundum lineam quæ ad basim trianguli per axem sit perpendicularis: & sit formata in superficie conic sectione parabola: quæ erit ratio rectanguli sub trianguli per axem cruribus ad basim eiusdem quadratum, eadem erit & rectæ utroque sectionis & conic vertice interceptæ ad contiguam sectionis parametrum.

13. In omni hyperbola, vel ellipsi, veluti & in circuli circumferentia, si à vertice sectionis recta sit ordinatim ad diametrum applicatis ducta æquidistans, quæ se habeat ad transuersam diametrum, vt cuiuslibet ordinatim applicatæ quadratum ad rectangulum sub contiguis diametri portionibus ab utroque transuersæ termino sumptis, erunt singularum omnium ab eadem sectione ad eandem diametrum ordinatim ductarum quadratis vel rhombis æqualia singula rectangula vel parallelogramma eidem rectæ à vertice ductæ adiacentia, latitudinésque aut latera habentia interceptas à vertice diametri portiones, & in hyperbola quidem excedentia, in ellipsi autem, veluti & in circuli circumferentia, deficientia figuris similibus similiterque positis ei quæ à transuersa diametro, & eadem recta à vertice ducta formatur. *Vide 2. Corollaria.*

15. Si conus plano per axem sectus rursus alio plano secetur secundum lineam quæ ad basim trianguli per axem, aut ipsi æquidistantem, sit perpendicularis: & sit formata in superficie conic sectione hyperbola, siue ellipsis, cuius diametro parallela acta sit à vertice conic ad basim

eiufdem, vbi opus, productam : quæ erit ratio quadrati ductæ parallelæ ad rectangulum sub contiguïs basis partibus ab vtroque eiufdem termino sumptis, eadem erit & transuersæ sectionis diametri ad eiufdem contiguam parametrum.

15. Si circulum qui basis est coni recta contingat linea in eodem existens plano, & à vertice coni per contactum recta agatur; planum per vtramque productum superficiem coni continget : eritque contactus in eadem linea à vertice coni ducta.

16. Si conus plano per axem sectus rursus plano quod neque basi æquidistat, aut subcontrariè sit, positum, neque per verticem transeat, secetur secundum lineam quæ ad basim trianguli per axem, aut ipsi æquidistantem, sit perpendicularis, faciâtque in superficie sectionem quamcunque; & sumpto quolibet in facta sectione puncto, per ipsum recta agatur, circuli, qui basis est coni, aut ipsi æquidistat, circumferentiam contingens, & in eodem existens plano, siquidem ducta contingens basi trianguli per axem æquidistat : quæ à vertice trianguli ducetur contingenti æquidistans productæ sectionis diametro occurreret in puncto, à quo ad assumptum in eadem sectione punctum ducta recta linea ipsam sectionem in eodem præassumpto puncto continget.

17. Si à vertice cuiuscunque coni sectionis recta ducatur ordinatim ad diametrum applicatis æquidistans ; ipsa sectionem in eodem verticis puncto continget. Quare cuiuscunque sectionis parameter sectionem in vertice contingit, cum ordinatis æquidistet.

18. Si parabolæ recta contingat linea productæ diametro occurrens, & à tactu ad diametrum recta sit ordinatim applicata, erunt interceptæ vtrunque à vertice diametri portiones æquales.

19. Si hyperbolæ, aut ellipsim, vt & circuli circumferentiam recta contingat productæ diametro occurréns, & à contactu ad diametrum recta sit ordinatim applicata : erunt diametri portiones ab vtroque transuersæ termino ad contingentem sumptæ inuicem, vt eiufdem diametri portiones vtroque eodem respondente termino & ordinatim ducta interceptæ inuicem.

20. Si in parabola à sumpto quolibet in sectione puncto recta ad diametrum ordinatim sit applicata ; & interceptæ diametri portioni à vertice æqualis in directum apponatur, recta quæ à facto in producta diametro termino ad assumptum in sectione punctum ducetur, sectionem in eodem assumpto puncto continget.

21. Si parabolæ recta contingat productæ diametro occurrens,

quæ à vertice ad ipsam recta ducetur ordinatis æquidistans poterit quadrato, vel rhombo spatium æquale quadrantæ rectanguli, vel parallelogrammi, sub producta diametro, & contigua parametro.

22. Si in hyperbole, aut ellipsi, vt & in circuli circumferentia à sumpto quolibet in sectione puncto recta ad diametrum ordinatim sit applicata; & quæ fuerit diametri portionum applicata, & vtroque transversæ termino interceptarum ratio inuicem, eadem sit eiusdem diametri partium ab eodem vtroque respondente termino ad punctum in ea signatum sumptarum inuicem, recta quæ à signato in diametro puncto ad assumptum in sectione punctum ducetur, sectionem in eodem præassumpto puncto contingeret.

23. Si hyperbolem, aut ellipsim, vt & circuli circumferentiam recta contingat cum diametro conueniens, & à tactu ad diametrum recta ordinetur: erit quadrato dimidiæ transversæ diametri æquale rectangulum sub interceptis ordinatim ducta & contingente diametri portionibus à centro sumptis, vel sub interceptis, tum ordinatim ducta, & contingente diametri portionibus.

24. Iisdem positis; erit, in dictis sectionibus, rectangulo sub diametri partibus vtroque transversæ termino & contingente interceptis æquale rectangulum sub eiusdem diametri partibus contingenti contiguis à centro & ordinatim applicata sumptis.

25. Iisdem adhuc positis; erit, in dictis sectionibus, rectangulo sub diametri partibus vtroque transversæ termino & ordinatim applicata interceptis æquale rectangulum sub eiusdem diametri partibus applicatæ contiguis à centro & contingente sumptis.

26. Si hyperbolem, aut ellipsim, veluti & circuli circumferentiam, recta contingat linea & ab vtroque transversæ diametri termino rectæ ordinatim applicatis æquidistantes eidem occurrant: quæ ex ipsis à contingente abscinduntur portiones, quadrantæ figuræ ad diametrum factæ æquale continebunt rectangulum, aut parallelogrammum figuræ æquiangulum.

27. Si hyperbolem, aut ellipsim, velut & circuli circumferentiam, recta contingat occurrens ei quæ per centrum sectionis ordinatim applicatis ducetur æquidistans, & à tactu recta diametro parallela eidem per centrū ducta occurrat: erit quadrantæ figuræ ad diametrum factæ æquale rectang. aut parallelogr. figuræ æquiangulum, sub interceptis per centrum ductæ partibus à diametro factis contentum. *Vide monitum utilissimum ad sequentium propositionum intellectum.*

28. Si parabolam recta contingat, quæ per tactum diametro, aut

axi, æquidistans intra sectionem ducetur, rectas omnes in sectione ductas contingenti æquidistantes bifariam secabit. *Vide Coroll.*

29. Si hyperbolem, vel ellipsim, vt & circuli circumferentiam recta contingat; quæ per tactum & centrum recta intra sectionem ducetur, rectas omnes in eadem sectione ductas contingenti æquidistantes bifariam secabit. *Vide Coroll.*

30. Si in parabola binæ quælibet rectæ à sectione ad assumptam quamcunque rectam diametro, aut axi parallelam ducantur æquidistantes ei quæ sectionem in eiusdem assumptæ termino contingit, erunt æquidistantium quadrata inuicem, vt contiguæ eiusdem assumptæ portiones, à contactu ad inuicem.

Iisdem positis, si in contingente sumatur recta quæ se habeat ad interceptam à contactu quamcunque rectæ diametro, aut axi, æquidistantis portionem, vt quadratum contiguæ contingenti æquidistantis à sectione ductæ ad ipsius interceptæ quadratum: erunt singulis contingenti æquidistantium rhombis æqualia singula ipsis æquiangula parallelogramma eidem contingenti adiacentia, lateraque habentia interceptas à contactu contiguas æquidistantis diametro portiones. *Vide Coroll.*

32. Si in hyperbola, aut ellipsi, binæ quælibet rectæ à sectione ad assumptam quamcunque rectam per centrum ductam agantur æquidistantes ei quæ sectionem in communi assumptæ rectæ termino contingat: erunt æquidistantium quadrata inuicem, vt rectangula sub contiguis eiusdem assumptæ partibus à dicto termino, & ab altero æqualiter à centro distante sumptis inuicem.

33. Iisdem positis, si vt DI quadratum ad rectangulum ZIE , ita sit sumpta in contingente recta GE ad rectam EZ , erunt contingenti æquidistantium à sectione ad assumptam rectam per centrum ductam applicatarum rhombis singulis æqualia singula æquiangula parallelogramma eidem contingenti adiacentia, lateraque habentia contiguas interceptas à contactu eiusdem assumptæ portiones, & in hyperbola quidem excedentia, at in ellipsi deficientia figuris similibus similiterque positis ei quæ ab assumpta per centrum ducta & contingente formatur. *Vide Coroll.*

34. Si in ellipsi recta diametrum quampiam bifariam diuidens, eiusque contiguæ parametro æquidistans ducatur vtrinque sectione terminata; sectionis erit diameter media inter præassumptas proportionem. Et quæ in ipsius alterutro termino contiguæ sectionis parameter sumetur, in continua omnium erit proportione. *Vide Coroll.*

Lemma I I. 35. Si communes binorum planorum se inuicem secantium cum aliquo plano sectiones æquidistantes fuerint inuicem; erit & ipsæ æquidistans communis amborum eorundem planorum sectio.

36. Si circulum qui basis est coni recta contingat in eodem existens plano, & per tactum & coni verticem bina agantur plana, quorum alterum coni superficiem secet secundum lineam à tactu ad basis diametrum perpendicularem, alterum eandem contingat: & sit à quocumque alio secanti æquidistantes plano facta quæcumque in eiusdem coni superficie hyperbola; contingens planum productum eiusdem hyperbolæ diametro transuersæ occurret in sectionis centro.

37. Si circulum qui basis est coni recta contingat linea in eodem existens plano: & à tactu ad basis diametrum recta ducatur perpendicularis, per quam & coni verticem planum producat: & à quolibet alio ipsi æquidistante plano sit facta quæcumque in eiusdem coni superficie hyperbola: communisque æquidistantis plani & basis coni sectio ad rectam contingentem producat, quæ à centro hyperbolæ per communem earundem occursum recta quantumcunque producat linea cum sectione, etiam quantumlibet producta, non coincidet. Vocabiturque sectionis asymptotos.

38. Iisdem positis; quæ à vertice sectionis ad utramlibet asymptoton recta ducetur linea communi plani secantis & basis coni sectioni æquidistans poterit quadrato, vel rhombo, spatium æquale quadranti figuræ sectionis ad transuersam diametrum factæ. *Vide Corollarium.*

39. Si in hyperbola ducta recta linea bifariam secetur, & vtrinque producta cum utraque asymptoto conueniat; erit quadranti figuræ ad diametrum per bifariæ sectionis punctum ductam factæ æquale vnumquodque rectangulum, aut parallelogrammum figuræ æquiangulum, sub partibus sectæ vtrinque à sectione factis contentum. *Vide duo Coroll.*

40. Hyperbola & asymptoti propius semper ad seipsas accedent quo longius producentur, & ad interuallum tandem peruenient dato quolibet interuallo minus.

41. Si angulum asymptotis contentum quæpiam diuidat linea; producta interceptæ sectioni tandem occurret. *Vide Corollarium & Monitum.*

42. Si coni ad verticem existentes plano per axem secantur; erunt facta triangula ad verticem posita similia, & eorum bases æquidistantes inuicem. *Vide Coroll.*

43. Si coni ad verticem existentes plano secentur non per verticem; erunt factæ in oppositis superficiebus oppositæ sectiones hyperbolæ, quarum communis erit transuersa diameter: & vnius parameter alterius parametro æqualis erit & æquidistans. *Vide duo Coroll.*

44. Si ellipsum, aut oppositas sectiones binæ rectæ contingant inuicem occurrentes; quæ ab occurſu ad medium lineæ tactus coniungentis recta ducetur linea sectionum erit diameter, diametro, quæ rectæ tactus coniungenti æquidistat, coniugata. *Vide duo Coroll.*

45. Si oppositarum sectionum alteram recta contingat linea; quæ per centrum eidem æquidistans ducetur, sectionum communis erit diameter communi per tactum ductæ diametro coniugata.

46. Si oppositarum sectionum alteram recta contingat linea vtrinq; asymptotis terminata; quæ eidem æqualis & æquidistans per centrum ducetur ab ipso bifariam secta, sectionum communis erit secunda diameter.

47. Si parabolam recta contingat linea cum axe producto conueniens; quæ à tactu ad sectionis umbilicum recta ducetur, æqualis erit axis portioni umbilico & recta sectionem in eodem præsumpto puncto contingente interceptæ. *Vide duo Coroll.*

48. In omni parabola, recta linea quæ ab umbilico ad sectionem educetur ordinatim ad axem applicata, interceptæ axis portionis erit dupla. Et quæ ab eodem umbilico ad sectionem aliter educetur, æqualis erit eidem axis portioni vertice & umbilico interceptæ, vnâ cum eiusdem axis portione inter verticem & ordinatim abductæ termino applicatam interceptæ.

49. Si hyperbolam, aut ellipsum, recta contingat linea, quæ à tactu ad vtrumque sectionis umbilicum rectæ ducentur lineæ æquales ad contingentem angulos facient.

50. Si hyperbolam, aut ellipsum recta contingat linea: & ab vtroque umbilico ad tactum binæ inclinentur lineæ; quæ à centro ad contingentem ducetur alterutri æquidistans, dimidio transuersi axis æqualis erit.

51. Si in hyperbola aut ellipsi ab vtroque umbilico ad idem sectionis punctum binæ inclinentur rectæ lineæ, in hyperbola maior minorem quantitate transuersi axis superabit: & in ellipsi erunt simul transuerso axi æquales.

52. Data coni sectione; eiusdem diametrum inuenire. *Vide Coroll.*

53. Data quacumque hyperbola, aut ellipsi; eiusdem centrum inuenire.

54. Data coni sectione, eiusdem axem inuenire.
 55. Data quacumque coni sectione, & puncto non intra sectionem dato, ab eodē rectam lineā ducere quæ sectionē cōtingat. *Vide Coroll.*
 56. Data cuiuscumque coni sectionis diametro: contiguam eiusdem parametrum exhibere.
 57. Data cuiuscumque hyperbolæ asymptotos inuenire.
 58. Propositarum coni sectionum umbilicos inuenire.
 59. Cuiuscunque in cono exhibitæ sectionis parametrum exhibere.

Primi Libri Finis.



LIBER SECVNDVS

DE GEOMETRICA CONICARVM

LINEARVM IN PLANO PER PVNCTA
descriptione.

PROPOSITIO I.

Sit quodlibet triangulum BAC , cuius basis BC secta sit in D : à quolibet autem ductæ, & ubi opus, productæ AD puncto E facta EF parallela DC quæ occurrat AC in F , rectangulo CD , EF æquale fiat quadratum EG : dico punctum G esse in eadem parabola quæ per puncta B , A , C transit.

2. Si sit triangulum quodlibet BAC , cuius basis BC secta sit bifariam in D : ducta autem AD vtrunque secta in E , à sumpto in ED , etiam quantolibet producta, quolibet puncto F , ducatur FG parallela DC quæ occurrat AC in G , fiatque rectangulo EFG æquale quadratum FH : dico punctum H esse in eadem recta hyperbola, cuius sit vertex E .

3. Si sit triangulum quodlibet BAC , cuius basis BC secta sit bifariam in D : à quolibet autem in AD puncto E ducta EF parallela DC , quæ occurrat AC in F , rectangulo DEF æquale ponatur quadratum EG : dico puncta A , G , D , esse in eadem certa ellipsi.

4. Circa datam quamcunque diametrum & ordinatam, parabola

ram in plano per puncta quotlibet describere.

5. Circa datam quamcunque diametrum & ordinatam, hyperbolam specie notam per puncta in plano describere.

6. Circa datam diametrum & ordinatam, ellipsim specie notam per puncta in plano describere.

7. Si sit triangulum quodlibet BAC linea DE basi BC æquidistante sectum, quod rursus linea FG ad basim quomodocumque inclinata, siue etiam perpendiculari, parallelamque DE secante in H , diuidatur: rectæque FG à puncto sectionis H quomodocumque applicetur HI , cuius quadratum sit rectangulo DHE æquale: dico punctum I esse in conic sectione, cuius sit diameter GF , & vertex G .

8. Circa datum diametrum & basim, figuram parabola contentam in plano per puncta describere.

9. Circa datum diametrum & basim, figuram hyperbola specie notam contentam in plano per puncta describere.

10. Circa datam diametrum & basim figuram ellipsi specie notam contentam per puncta in plano describere.

11. Si sit triangulum quodcumque BAC cuius basis BC secta sit bifariam in D : ductæque AD æquidistans & æqualis ab alterutro B , aut C , termino ducatur CE : & sumpto in AD quolibet puncto F , ducatur ipsi BC parallela FGH secans AC in G , & occurrens EC in H : rectanguloque GFH æquale ponatur quadratum FI : dico puncta B, A, I, C , in eadem esse parabola.

12. Si sit triangulum quodcumque BAC cuius basis BC bifariam sit secta in D : iunctæque AD & producta versus A quantumlibet in E , ducatur EC : & sumpto in AD quolibet puncto F , ducatur FG parallela DC occurrens EC in H : rectanguloque GFH æquale ponatur quadratum FI : dico puncta B, A, I, C , in eadem esse hyperbola specie nota.

13. Si sit triangulum quodcumque BAC , cuius basis BC secta sit bifariam in D : ductæque AD & producta quantumlibet in E , iungatur EC , & producat: sumptoque in AE quolibet alio puncto F , ducatur FG parallela DC , occurrens AC , ubi opus productæ, in G , & ipsi EC in H : rectanguloque GFH æquale ponatur quadratum FI : dico puncta B, A, I, C, E , esse in eadem ellipsi specie nota.

14. Circa datum quodcumque triangulum parabolam in plano per puncta describere.

15. Circa datum quodcumque triangulum hyperbolam specie notam

tam

tam in plano puncta describere.

16. Circa datum quodcunque triangulum ellipsim specie notam in plano per puncta describere. *Vide monitum.*

17. Si sit triangulum quodcunque ABC rectangulum ad B : sectæque AC bifariam in D perpendicularis exitetur DE , cui à puncto C ducta CE ipsi AB parallela occurrat in E : seceturque AB bifariam in F : dico punctum E esse in eadem parabola cuius vertex sit E , & umbilicus A .

18. Si sit triangulum quodcunque ABC non rectangulum ad C : factæque BG æquali BC , secetur GA bifariam in H : & sectæ AC bifariam in E erigatur perpendicularis EF , quæ occurrat lateri BC in E , dico punctum F esse in hyperbola, aut ellipsi, cuius sint umbilici A , B , & vertex H .

19. Datis, positione, paraboles umbilico, & vertice; parabolem in eodem plano per puncta describere.

20. Datis, positione, hyperboles umbilicis, & vertice; hyperbolem in eodem plano per puncta describere.

21. Datis, positione, ellipseos umbilicis, & alterutro vertice; ellipsim in eodem plano per puncta describere.

22. Si sit data quæcunque recta linea AB bifariam diuisa in F : & sumpto in FA , vel in ipsa producta, quolibet alio puncto I , excitetur perpendicularis IE eiusmodi, ut ducta AE sit æqualis BI : erit punctum E in eadem parabola cuius sit umbilicus A , & vertex F .

23. Si sit data quæcunque recta linea AB secta non bifariam in H : sitque AH minor quam HB , & ipsi æqualis ponatur HG : sumpto autem in HA , vel in ipsa producta, quolibet puncto E , descriptum centro B , interuallo BE , circuli arcum EF secet in F descriptus centro A , interuallo EG , arcus : erit punctum F in eadem hyperbola cuius sint umbilici A , B , & vertex H .

24. Si sit data recta linea quæcunque AB producta in H : & ipsi AH æqualis in directum apponatur HG : sumptoque quolibet interuallo BE , maiori quidem quam AH , minori verò quam BH , describatur circuli arcus EF , quem centro A , interuallo EG , descriptus arcus secet in F : erit punctum E in eadem ellipsi cuius sint umbilici A , B , & vertex H .

25. Datis, positione, paraboles umbilico, & vertice; parabolem per puncta quotlibet in eodem plano promptè describere.

26. Datis, positione, hyperboles umbilicis, & vertice; hyperbolem in eodem plano per puncta quotlibet promptè describere.

27. Datis, positione, ellipsoos umbilicis, & vertice alterutro; ellipsim in eodem plano per puncta quotlibet describere.

28. Si sit triangulum quodcumque BAC , eiusque basis BC secta sit bifariam in D : atque in BD , aut DC , vel etiam in ipsis productis, sumatur quodcumque punctum E , à quo ductæ AD parallela educatur EF secans AB , aut AC , si opus est productas, in puncto G : & vt BD ad DE , ita fiat EG ad GF : erit punctum F in eadem parabola quæ per puncta A, B, C , transit.

29. Circa datum quodcumque triangulum parabolam in plano per puncta describere.

30. Circa datum triangulum parabolam in eodem plano per puncta describere.

31. Parabolæ portionem per puncta quotlibet ulterius producere.

32. Data Parabolæ mutilæ hiatum per quotlibet intermedia puncta resarcire.

33. Si sit triangulum quodcumque BAC rectangulum ad B : & à quolibet in AB sumpto puncto D erigatur perpendicularis DE occurrens AC in E , atque à puncto A erigatur perpendicularis AF æqualis AD , & producat in G , vt sit FG æqualis DE : sumptoque in DB , vel etiam in ipsa producta, quolibet puncto H , erigatur perpendicularis HI occurrens AC in I : & centro A , interuallo AH , descripta circumferentia parallelam ipsi AB à puncto F ductam secet in L : erigaturque perpendicularis LM , quæ ponatur æqualis HI ; erit punctum M in hyperbola, cuius vertex erit G , & dupla FG axis transuersus, ad quem recta parameter se habebit, vt AB quadratum ad BC quadratum.

34. Datis hyperboles axe transuerso, & eiusdem ad rectam parametrum ratione; hyperbolem per puncta quotlibet in plano delineare. *Vide monit.*

35. Si sit triangulum quodcumque ABC rectangulum ad B : sumptoque in AB producta quolibet puncto D , ponatur in BC , si opus est, producta, ipsi BD æqualis DE & iunctæ AE æqualis ponatur AF , cui perpendicularis sit FG occurrens productæ AC in G : & à puncto D erigatur perpendicularis DH æqualis FG ; erit punctum H in hyperbola cuius sit dupla BC axis transuersus, ad quem se recta parameter habeat vt AB quadratum ad BC quadratum.

36. Datis hyperboles axe transuerso, & ratione eiusdem ad rectam parametrum; hyperbolem in plano per puncta quotlibet describere.

37. Si sit triangulum quodcunque ABC rectangulum ad B : & a quolibet in AC puncto D ducatur DE parallela AB , occurrensque BC in E : productaque AB in F , fiat AF æqualis AC ; erit punctum E in ellipsi, cuius dupla AF erit axis maior, minorque dupla AD æqualis.

38. Datis ellipseos extremis diametris; eandem in plano per puncta quotlibet describere.

39. Iisdemmet datis, ellipsim describere.

40. Si sit triangulum quodcunque ABC , cuius basis BC secta sit bifariam in D : ductaque AD æquidistans ab alterutro basis termino, vt C , educatur CE occurrens productæ BA in E : sumptoque in DC , vel etiam in ipsa producta quolibet puncto F , vt DC ad CF , ita fiat EC ad CG : iunctaque BG , productæ vbi opus, occurrat in H ducta à puncto F ipsi AD æquidistans FH ; erit punctum H in eadem parabola quæ per puncta B, A, C transit.

41. Circa datum quodcunque triangulum parabolam per puncta describere.

42. Datæ parabolæ mutilæ defectum per intermedia puncta refarcire.

43. Parabolæ portionem descriptam vltcrius per puncta producere.

44. Si sit triangulum quodcunque ABC : productisque AB, AC quantumlibet sumatur in AB producta punctum quodlibet D , per quod agatur DE parallela BC : sumaturque in DE recta DF , cuius quadrato plus possit DE quàm BC : erit punctum F in hyperbola, cuius sit vertex B , & dupla AB transuersa diameter ad contiguam parametrum se habens vt AB quadratum ad BC quadratum.

45. Datis hyperboles transuersa diametro, & eiusdem ratione ad contiguam parametrum, in dato angulo; hyperbolem in plano per puncta quotlibet describere. *Vide Monitum.*

46. Datis, positione hyperboles asymptotis, & puncto in sectione, circa asymptotos hyperbolem per puncta describere.

47. Datis positione, asymptotis, & puncto in sectione; hyperbolem per puncta describere.

48. Si sint binæ quælibet inæquales rectæ lineæ AB maior, CD minor, bifariam se se & ad rectos in E secantes angulos, in quas cadat recta FG æqualis dimidiæ inter vtramque differentiam, quæ producta in H faciat FH æqualem AE , erit punctum H in eadem ellipsi quæ per puncta B, C, A, D transit.

49. Datis ellipſeos extremis diametris; ellipſim per puncta quotlibet in plano deſcribere.

50. Si ſit recta quæpiam linea AB vtcunque ſecta in C : & eductæ quomodocunque GD quadratum fiat rectangulo ACB æquale; erit punctum D in parabola, cuius erit A vertex, AC diameter, & CB ea iuxta quam poterunt à ſectione ad AC diametrum ordinatim ductæ, ſiue ſectionis parameter.

51. Datis, poſitione, diametro, & contigua parametro, paraboles portionem per puncta quotlibet in plano deſcribere.

52. Si ſit triangulum quodcunque ABC : & à quolibet angulo A oppoſito BC lateri parallela agatur quæcunque AD : ſumptoque in AB , etiam quantolibet producta, quolibet puncto E , ducatur eidem BC parallela EF , quæ ſecet AC in G , & poſſit quadrato bina AD , EG quadrata: erit punctum F in hyperbola cuius vertex erit D , & dupla AD tranſuerſa diameter, ad quem ſe habeat contigua parameter vt AB quadratum ad BC quadratum.

53. Datis hyperboles tranſuerſa diametro, & ratione eiufdem ad contiguam parametrum, in angulo dato hyperbolem per puncta quotlibet in plano deſcribere.

54. Datis, poſitione, aſymptotis, & puncto in ſectione, hyperbolem per puncta quotlibet in plano deſcribere.

55. Si ſit triangulum quodcunque ABC , cuius latus AB bifariam ſectum ſit in D . iunctæque CD æquidiſtans & æqualis à quolibet in AD , aut DB , puncto E ducatur EF ſecans CB , aut eidem occurrens, in G : & quadratorum EF , FG differentiæ æquale ſumatur quadratum EH : ſi quidem ACB angulus eſt rectus, erit punctum H in circuli circumferentia, cuius erit diameter AB : ſin autem, erit idem punctum H in ellipſi quæ per puncta A , C , B tranſit, cuiusque tranſuerſa erit diameter AB .

56. Circa poſitione datas diametrum & vnam ex ordinatim ad ipſam ductis ellipſim per puncta quotlibet deſcribere.

57. Si ſit triangulum quodcunque ACB , cuius baſis ſecta ſit bifariam in D : ductaque AD ducatur AE æquidiſtans & æqualis DC , & in quotlibet partes æquales diuidatur: perque numerum quadrato numeri partium in AE factarum æqualem diuidatur AD : ſumpta autem AF quotlibet partium ex AE , ſumatur in AD , recta AG quadrato partium AF reſpondens: ductæque FH æquidiſtanti AD occurrat in H ducta GH æquidiſtans AE , erit punctum H in parabola quæ per B , A , C tranſit.

58. Circa positione datas diametrum & basim, figuram parabola contentam per puncta quotlibet in plano describere.

59. Paraboles mutilæ hiatum per puncta quotlibet inter media refarcire.

60. Parabolæ portionem vltcrius per puncta quotlibet producere.

61. Si sit recta linea AB bifariam diuifa in C:eductaque quomodocunque recta CD, diuidatur vtraque AC, CB in quotlibet partes æquales: sumptaque AE earumdem quotlibet, educatur EF æquidistans CD: & qualium CD æstimabitur numero quadrato partium in AC, aut CB, factarum, Earumdem sumatur pro recta EF numerus planus sub partibus AE, EB factus; erit punctum F in eadem parabola, quæ per A, D, & puncta transit.

62. Circa positione datas diametrum & basim, portionem parabola contentam per puncta quotlibet describere. *Vide Monitum.*

63. Si sit triangulum quodcunque ABC, in cuius alterutro latere, vt BC, bifariam secto in D bina E & F puncta æqualiter à media D sectione remota sumantur, erit vtrumque E & F punctum in eadem hyperbola specie data.

64. Datis, positione, asymptotis, & puncto in sectione; hyperbolem per quotlibet alia puncta describere.

65. Si sit triangulum quodcunque ABC: & in producto vtrolibet eiusdem latere, vt AB, sumatur punctum quodlibet D, à quo ipsi BC parallela agatur DE: sit autem rectangulo ABC æquale rectangulum ADE: erunt puncta E, C in eadem hyperbola specie data.

66. Datis hyperboles transuersa diametro, & eiusdem ad contiguam in dato angulo parametrum ratione, hyperbolem per puncta in plano describere.

67. Datis, positione, asymptotis, & puncto in sectione: hyperbolem per puncta in eodem plano describere. *Vide Monitum.*

68. Si sit data quæcunque coni sectio AE cuius diameter sit AB, & vertex A: producta autem B quantumlibet in G, & sumpto in AB puncto quolibet C, educatur quomodocunque recta CD sectioni occurrens in E, faciënsque rationem CE ad CD eandem ei quæ est CA ad CG: dico punctum D fore in eiusdem nominis sectione cuius sit vertex G, & diameter GB. *Vide Monitum.*

69. Data quacunque in plano coni sectione: quotlibet alias eiusdem nominis sectiones in eodem plano per puncta exhibere. *Vide Monitum.*




LIBER TERTIVS

DE EIVSDEM NOMINIS CONI SECTIO-
NVM INVICEM COMPARATIONE PRIOR,
siue,

DE HISDEM CONI-SECTIONIBVS.

DEFINITIONES.

1. IMILES Coni-sectionum diametros dicimus, cum vnus anguli ab ordinatim ad ipsam ductis facti, æquales sunt alterius angulis qui ab ordinatim ad ipsam ductis fiunt.
2. Coni-sectionem Coni-sectioni aptè superponi dicimus, cum binæ quælibet ipsarum similes diametri ita superponuntur & conueniunt, vt vertices congruant inuicem.
3. Easdem Coni-sectiones dicimus, quæ congruunt omnino & conueniunt altera alteri aptè superposita.
4. Similes conos dicimus, quorum per axem sectorum ad rectos basi angulos triangula sunt similia.
5. Dissimiles dicimus, aut specie differentes, conos, quorum triangula per axem ad basim recta non sunt similia.

PROPOSITIO I.

SI sint binæ parabolæ, veluti & binæ circulorum circumferentiæ, circa communem diametrum positæ, quas in communi vertice eadem recta contingat linea: & non sit altera alteri eadem; non erit illarum aliud insuper commune punctum.

2. Si sint binæ hyperbolæ, aut binæ ellipses, non eadem inuicem, quas circa communem diametrum positas in communi vertice eadem recta contingat linea; & altera alteri occurrat; erunt illarum

binæ occurſus puncta : ſed in nullo alio communi puncto rurfus conuenient.

3. Coni ſectio ſectioni vel circuli circumferentiæ non conueniet ita, vt pars tantum altera eadem ſit. *Vide Coroll.*

4. Si binæ parabolæ, vel binæ hyperbolæ, aut binæ ellipſes, veluti & binæ circulorum circumferentiæ, circa communem diametrum poſitæ, & eandem rectam lineam communi vertice contingentes, inuicem rurfus conueniant : parabolæ quidem, veluti & circulorum circumferentiæ, in vno præter verticem communi puncto : at hyperbolæ, vel ellipſes, etiam in tribus; erit altera alteri parabola, vel hyperbola, aut ellipſis, veluti & circuli circumferentia, eadem.

5. Si ſint binæ parabolæ, veluti & binæ circulorum circumferentiæ : & vtrobiq; à ſectione ad diametrum recta ordinatim ducta, fuerint tam ductæ vtriuſque quam interceptæ ab ipſis diametrorum portiones ad verticem æquales : atque in binis parabolis æqualis etiam vtrobiq; angulus applicata, & diametro contentus; erit altera alteri parabola, vt & circuli circumferentia, eadem.

6. Si ſint binæ hyperbolæ, vel binæ ellipſes : & binis vtrobiq; rectis à ſectione ad diametrum ordinatim applicatis, fuerint vnus applicatæ, & interceptæ ab ipſis diametri portiones ad verticem, alterius applicatis & interceptis, ſingulæ ſingulis, æquales, & ſub æqualibus etiam vtrobiq; angulis coniunctæ; erit altera alteri hyperbola, vel ellipſis, eadem.

7. Si binæ hyperbolæ, vel binæ ellipſes, æquales habeant diametros tranſuerſas, & vtrobiq; à ſectione eaſdem recta ordinatim applicata, fuerint tam applicatæ inuicem, quam interceptæ ab ipſis diametrorum portiones ad verticem etiam inuicem æquales : atque æqualis angulus vtrobiq; applicata & diametro contentus; erit altera alteri hyperbola, aut ellipſis, eadem.

8. Si binæ Parabola, vt & binæ circulorum circumferentiæ, parametros æquales habeant, & in æqualibus angulis ad contiguas diametros applicatas; erit altera alteri parabola, vt & circuli circumferentia, eadem. *Vide Coroll.*

9. Si binæ hyperbolæ, vel binæ ellipſes, æquales habeant diametros tranſuerſas, & ad ipſas in æqualibus vtrobiq; angulis applicatas parametros etiam æquales, erit altera alteri hyperbola, ſiue ellipſis, eadem.

10. Si binæ Coni sectiones eadem sint inuicem; quæ sub æqualibus vtroque angulis applicabuntur Parametri, æquales erunt inuicem, & transuersæ item diametri inuicem.

11. Si propositi cuiuslibet trianguli internum verticis angulum, aut producto alterutro vltra verticem crure, externum binæ rectæ subtendant, itavt ad communem verticalem angulum bina constituent similia triangula: & rectis eiusmodi communi angulo subtensis parallelæ à trianguli vertice ad basim cadant; erunt sub interceptis sectæ, aut productæ basis partibus à dictis parallelis facta rectangula inuicem, vt parallelarum quadrata inuicem.

12. Si Conus iam plano per axem sectus ad rectos basi angulos, rursus secetur duobus planis ad triangulum per axem rectis, formantibusque in superficie binas hyperbolas, quarum productæ diametri constituent ad externum eiusdem per axem trianguli verticalem angulum bina triangula similia & æqualia; erit factarum huiusmodi binarum hyperbolarum altera alteri eadem. *Vide Coroll. & Monitum.*

13. Si Conus iam plano sectus per axem ad rectos basi angulos, rursus secetur duobus planis ad triangulum per axem rectis, formantibusque in superficie binas Ellipses, quarum transuersæ diametri constituent ad internum eiusdem per axem trianguli verticalem angulum bina triangula similia, & æqualia, erit factarum huiusmodi binarum ellipsium altera alteri, eadem. *Vide Coroll.*

14. Si oppositi Coni plano secentur non per verticem; erit factarum in vtraque superficie oppositarum hyperbolarum altera alteri eadem.

15. Si propositi cuiuslibet triânguli basis bis sectâ, aut vtrinque productâ, eadem sit vtroque quadrati rectæ à vertice ductæ ratio ad triangulum sub conterminis sectæ aut productæ basis partibus, erunt ad verticem siue internè vtrinque resecti, siue externè additi vtrinque anguli inuicem æquales.

16. Si Conus plano iam sectus per axem ad rectos basi angulos, rursus duobus planis secetur ad triangulum per axem rectis, formantibusque in superficie Coni binas easdem inuicem siue hyperbolas, siue ellipses, erunt factarum huiusmodi sectionum transuersæ diametri ad angulum verticis eiusdem trianguli, siue externum, siue internum, subcontrariè inuicem positæ. *Vide Coroll.*

17. Si Conus iam plano per axem sectus ad rectos basi angulos, secetur rursus alio plano ad triangulum per axem recto, formante in superficie sectionem quæ sit hyperbolæ vel ellipsis: diameter autem e-

ctionis

tionis bifecanti angulum verticis eiusdem trianguli non fit æquidistans, neque perpendicularis, erit factæ in superficie sectioni altera in eadem superficie sectio eadem & subcontrariè posita.

18. Si Conus iam plano sectus per axē ad rectos basi angulos, rursus secetur alio plano ad triangulum per axem recto, formante in superficie sectionem quæ sit hyperbole: diameter autem sectionis bifecanti angulum verticis eiusdem trianguli sit æquidistans; erit facta eiusmodi hyperbola singularis sectio: nec alteri hyperbolæ in eadem superficie subcontrariè erit posita. *Vide Coroll.*

19. Cuicumque in cuiuslibet Coni recti superficie sectæ ellipsi, altera in eadem superficie ellipsis eadem est, & subcontrariè posita.

20. Si Conus scalenus plano iam sectus per axē ad rectos basi angulos, rursus secetur plano ad triangulum per axem recto, formante in superficie sectionem quæ sit ellipsis: diameter autem sectionis bifecanti angulum verticis eiusdem trianguli sit perpendicularis; erit facta huiusmodi ellipsis singularis sectio: nec alteri in eadem superficie subcontrariè erit posita. *Vide duo Coroll.*

21. Si Conus binis æquidistantibus planis ad easdem verticis partes secetur, non erit factarum in superficie binarum sectionum altera alteri eadem. *Vide Corollarium.*

22. Si sint bina triangula isoscelia, quorum bases sint in eadē ratione sectæ & utrobique à sectionis puncto ad crus alterutrum rectâ alteri ductâ parallelâ, eadem sit utrobique rectanguli sub basis partibus ad quadratum parallelæ ratio, erit alterum alteri triangulum simile.

23. Si sint bina triangula isoscelia, quorum bases sint ita sectæ, ut ductâ utrobique à sectionis puncto ad crus alterutrum alteri parallela, eadem sit utrobique ratio rectanguli sub basis partibus ad quadratum parallelæ: non sit autem basis partium similiter sumptarum inuicem eadem utrobique ratio; non erit alterum alteri triangulū simile.

24. Si sint bina triangula isoscelia, quorum bases sint similiter sectæ, aut productæ: & sit utrobique eadem ratio rectanguli sub segmentis basis, aut sub base producta & eius exteriori parte, ad quadratum ductæ à vertice ad sectionis punctum, aut productæ terminum; erit alterum alteri triangulum simile.

25. Si sint bina triangula Isoscelia, quorum bases sint aut vtraque secta, aut vtraque producta, ita ut sit eadem utrobique rectanguli sub segmentis basis, aut sub base producta & eius exteriori parte, ad quadratum ductæ à vertice ad sectionis punctum, aut productæ terminum ratio: non sit autem eadem utrobique basis partium inuicem ratio;

non erit alterum alteri triangulum simile.

26. Cuilibet cuiuscunque Coni sectioni alterius cuiuspiam dissimilis coni sectio aliqua eadem est. *Vide Coroll.*

27. Si à vertice cuiuscunque trianguli rectæ lineæ quotlibet ad basim ducantur; minor erit ratio quadrati eius quæ angulum bifariam dividet ad rectangulum sub segmentis basis ab ipsa factis, quàm quadrati cuiusvis aliæ ad rectangulum sub sibi conterminis basis segmentis.

28. Non cuilibet cuiuscunque Coni hyperbolæ, alterius cuiuslibet coni hyperbola aliqua eadem est. *Vide Coroll.*

29. Datam rectam bifariam sectam iterum secare, vt rectangulum sub inæqualibus totius segmentis ad quadratum inter segmenti datam teneat rationem.

30. Data hyperbola; conum exhibere cuius sit sectio singularis.

31. Data hyperbola; conum exhibere cuius sit è binis iisdem & sub contrariis sectionibus vna.

32. Si recta linea AB , & ad ipsam perpendicularis CD ; sitque maior CD ad C Bratio, quàm A C ad C D ; iunctis AD , BD , dico angulum ADB esse acutum. *Vide Coroll. & Monitum.*

33. Si Conus plano secetur quod utrique crurū trianguli per axem infra eiusdem verticem occurrat, basi neque æquidistans, neque subcontrariè positum, sectio circuli circumferentia non erit. *Vide duo Corollaria.*

34. Data ellipsi; Conum exhibere cuius sit sectio singularis.

35. Data ellipsi; Conum exhibere cuius sit è binis iisdem & subcontrariis sectionibus vna,

36. A vertice Trianguli cuiuslibet ad eiusdem basim ducere rectam cuius quadratum ad rectangulum sub segmentis basis ab ipsa factis contentum datam teneat rationem.

37. A dati cuiuslibet trianguli vertice ad basim productam ducere rectam cuius quadratum ad rectangulum sub base producta, & eius exteriori parte comprehensum datam teneat rationem.

38. Si à vertice cuiuscunque trianguli ad basim productam recta agatur quæ possit rectangulum sub conterminis basi partibus contentum; fiet exterior verticalis angulus interiori opposito ab basim æqualis: at verò si recta à vertice ductæ quadratum prædicto rectangulo sit maius; erit verticalis exterior angulus opposito ab basim interno angulo minor: & recta cuius quadratum minus erit maiorem semper externum verticalem constituet angulum. *Vide duo Corollaria.*

39. Dato cono; exhibere in eius superficie parabolē datā eandem.

40. Dato cono, exhibere in eius superficie hyperbolam datā eandem.

41. Dato cono, exhibere in eius superficie datā ellipsi eandem.

42. Dato cono, exhibere in eius superficie datā circuli circumferentiā eandem circumferentiā.

43. Si recta linea parabolē altero contingens termino, altero cum axe conueniens, bifariam secetur, quæ per sectionis punctum ipsi perpendicularis ducetur, paraboles umbilico occurret.

44. Si parabolē recta contingat linea, quæ per sectionis umbilicum eidem ducetur æquidistans, abscindet à diametro per contactum ducta rectam intra sectionem æqualem quadranti contiguæ parametri.

45. Datis, positione, duabus rectis lineis in dato quocunque angulo inuicem iunctis, quarum altera sit terminata, conum exhibere, & in eius superficie sectionem quæ sit parabole, cuius datarum altera sit diameter, altera terminata parameter, & vertex connexionis punctum, cuiusque ordinatæ ad eandem diametrum in eodem dato angulo applicentur.

46. Datis positione duabus rectis lineis in dato angulo non recto inuicem iunctis, quarum altera sit terminata, in eadem producta punctum inuenire, à quo ad circumferentiā semicirculi super ipsa descripti recta ducatur linea alteri datarum parallela, cuius quadratum ad rectangulum sub productæ partibus puncto inuento & eodem circumferentia interceptis datam teneat rationem.

47. Si angulum ab hyperboles asymptotis contentum recta quæpiam subtendens linea bifariam secetur, ordinatim ad diametrum per bifariæ sectionis punctum ductam applicatis erit æquidistans.

48. Datis positione duabus rectis lineis terminatis in dato quocunque angulo inuicem iunctis, quarum altera sit ultra connexionē producta, Conum exhibere, & in eius superficie sectionem quæ sit hyperbole, cuius datæ primū lineæ sint altera transuersa diameter, altera terminata parameter, & vertex connexionis punctum, atque producta diameter ad quam ordinatæ in eodem dato angulo applicentur.

49. Datis positione duabus rectis lineis in dato quocunque angulo non recto inuicem iunctis, quarum altera terminata circuli sit diameter, inuenire in eiusdem circuli circumferentiā punctum à quo ad

eandem diametrum actu recta ducatur alteri datarum parallela, cuius quadratum ad rectangulum sub diametri partibus ab ipsa factis datam teneat rationem.

50. Datis positione duabus rectis lineis terminatis in dato quocunque angulo inuicem iunctis: conum exhibere, & in eius superficie sectionem quæ sit ellipsis, cuius vertex sit punctum ad angulum, & datarum linearum altera parameter, altera contigua transuersa diameter, ad quam ordinatæ in eodem dato angulo applicentur. *Vide Monitum.*

51. Dato cono: datisque positione duabus rectis lineis in dato angulo inuicem coniunctis quarum altera sit terminata: exhibere conum dato similem, & in eius superficie parabolam, cuius datarum altera sit diameter, altera terminata parameter, & vertex punctum quod est ad angulum, ita ut ordinatæ ad eandem diametrum in eodem dato angulo applicentur.

52. Dato cono datisque positione duabus rectis lineis terminatis in dato quocunque angulo inuicem iunctis, quarum altera sit ad partes anguli producta, exhibere conum dato similem, & in eius superficie hyperbolam cuius datæ primum lineæ sint altera transuersa diameter, altera contigua parameter, vertexque punctum quod est ad angulum, & producta diameter ad quam ordinatæ in eodem dato angulo applicentur.

53. Dato cono: datisque positione duabus rectis lineis terminatis in dato quocunque angulo inuicem iunctis: exhibere conum dato similem, & in eius superficie ellipsim cuius vertex sit punctum ad angulum, & datarum linearum altera parameter, altera transuersa diameter contigua, ad quam ordinatæ in dato eodem angulo applicentur.

54. Si binæ parabolæ æquales habeant axis portiones vertice & vmbilico interceptas, erit altera alteri eadem.

55. Si in binis parabolis utrobique recta à sectione ad vmbilicum inclinentur sub æqualibus cum axe angulis, & ad easdem sectionis partes: sitque vnus inclinata alteri inclinatæ æqualis, erit altera alteri parabola eadem.

56. Si binæ hyperbolæ æqualibus asymptoton angulis contineantur: & recta à centro vnus ad sectionem ducta æqualis sit rectæ à centro alterius ad sectionem ductæ asymptoton angulum similiter diuidenti, erit altera alteri hyperbola eadem. *Vide Monitum.*

57. In omni parabola, cuicunque diametro contigua parameter

rectam parametrum superat quadrupla axis portione intercepta eiusdem vertice & ordinatim ab assumptæ diametri vertice applicata.

58. In omni parabola, binarum inæqualium parametrorum maior semper remotiori ab axe diametro contigua est, minoremque superat quadrupla propioris diametri portione intercepta eiusdem vertice & perpendiculari ad ipsam à remotioris vertice ducta. *Vide Coroll.*

59. Si sint binæ parabolæ, & utrobique recta sectionem contingat æqualis ei iuxta quam possunt à sectione ad diametrum per contactum ductam ordinatim applicatæ: sintque tam contingentes inuicem, quam anguli ab ipsis cum contiguis diametris facti etiam inuicem inæquales: quadrantiautem excessus quo maior contingens minorem superat æquali sumptâ diametri minori contingenti contiguæ portione à vertice, indidem educta perpendicularis sectioni occurrat in puncto à quo ducta contingens cum contigua diametro æqualem faciat angulum ei qui in altera sectione à diametro, & contingente continetur; erit altera alteri parabola eadem.

60. In omni hyperbola, aut ellipsi, si ad expositam quamcunque diametrum à supremo vertice recta ordinatim applicetur, à cuius termino vsque ad axem eidem diametro perpendicularis excitetur; quæ erit ratio rectanguli sub eiusdem diametri partibus utroque transuersæ termino & ordinatim ductâ interceptis ad eductæ perpendicularis quadratum, eadem erit & transuersi axis ad rectam sectionis parametrum.

61. Si sint binæ hyperbolæ, aut binæ ellipses, & utrobique rectâ à supremo vertice ad expositam quamcunque diametrum ordinatim ductâ, eadem sit utrobique ratio rectanguli sub diametri partibus utroque transuersæ termino & applicatâ interceptis ad contiguæ vsque ad axem eductæ eidem diametro perpendicularis quadratum: sitque etiam recta huius parameter alterius rectæ parametro æqualis; erit altera alteri hyperbola, aut ellipsis, eadem.

62. In omni parabola, si ab eodem sectionis puncto ad quamlibet diametrum binæ rectæ quomodocunque inclinentur; ut erunt ipsarum quadrata inuicem, ita erunt diametrorum quæ ipsis æquidistantes bifariam diuident contiguæ parametri inuicem.

63. Si sint binæ parabolæ, & utrobique ad expositam quamcunque diametrum recta ducatur ordinatim applicata: atque ab alterius ductæ puncto quolibet ad diametrum recta ducatur æqualem

faciens angulum ei qui in altera sectione ducta, & diametro continetur: fit autem quadratum rectæ ordinatim applicatæ ad quadratum conterminæ ductæ, vt contigua eidem diametro parameter ad contiguam alteri diametro parametrum; erit altera alteri parabola eadem.

64. Si sint binæ parabolæ, & vtroque à sectione ad expositam quamcumque diametrum recta sit ordinatim applicata, itavt sint interceptæ diametrorum portiones à vertice æquales inuicem: & ab vtriuslibet applicatæ termino in sectione recta alteri æqualis ad diametrum aptata æqualem faciat angulum ei qui in altera sectione ordinatim ducta & diametro continetur: erit altera alteri parabola eadem.

65. In omni hyperbola aut ellipsi, si ab axis puncto quolibet ad expositam quamcumque diametrum binæ rectæ ducantur, altera ordinatim applicata, altera axi perpendicularis: atque ab ordinatim applicatæ termino recta ad axem educatur eidem diametro perpendicularis; quæ erit ratio rectanguli sub diametri partibus ordinatim applicatæ contiguus à centro, & perpendiculari ab axeeducta sumptis ad conterminæ perpendicularis quadratum, eadem erit & transversæ sectionis axis ad rectam parametrum.

66. Si sint binæ hyperbolæ, aut binæ ellipses, æquales habentes rectas parametros, & vtroque à quolibet in axe puncto ad assumptam quamcumque diametrum binæ rectæ agantur, altera ad eandem ordinatim applicata, altera axi perpendicularis: atque etiam vtroque ordinatim applicatæ contermina ad axem educatur assumptæ diametro perpendicularis: fit autem eadem rectanguli sub vnius diametri partibus ordinatim applicatæ contiguus à centro & perpendiculari ab axeeducta sumptis ad conterminæ perpendicularis quadratum ratio, quæ rectanguli sub alterius diametri partibus, similiter sumptis ad conterminæeductæ perpendicularis quadratum; erit altera alteri hyperbola, vel ellipsis eadem.

67. Data conicæ sectione, inuenire eiusdem diametrum ad quam ordinatim ductæ in dato angulo applicentur.

68. Si binarum parabolarum parametri sint inuicem æquales, non sint autem sub æqualibus vtroque angulis ad contiguas diametros applicatæ; non erit altera alteri parabola eadem.

69. Si binæ hyperbolæ, vel binæ ellipses, transversas diametros inuicem æquales habeant, & contiguas parametros etiam inuicem æquales; non sint autem æquales anguli qui vtroque transversæ

diametro & contigua parametro continentur; non erit altera alteri hyperbola, aut ellipsis, eadem.

70. Si bina plana se inuicem non ad rectos secant angulos; quæ ab aliquo in eorum alterutro puncto ad communem amborum sectionem recta ducetur linea, cum contermina recta in altero plano,educta ad eandem communem sectionem perpendiculari rectos non constituit angulos.

71. Iisdem manentibus, si ab eodem præassumpto puncto ad eandem communem planorum sectionem plures rectæ agantur; quæ ipsarum maior erit, maiorem cum contermina in altero plano ducta perpendiculari efficiet angulum: & binæ inuicem æquales, æquales constituent angulos.

72. Si conus scalenus plano sectus per axem non ad rectos basi angulos, rursus secetur duobus non æquidistantibus planis formantibus in superficie binas parabolas: sintque communes cum base coni sectiones ad basim trianguli per axem perpendiculares: atque etiam rectæ vtriusque sectionis & eiusdem trianguli vertice interceptæ æquales inuicem; si quidem triangulum isosceles est, erit binarum eiusmodi parabolarum altera alteri eadem: at si Scalenum est, non erit altera alteri sectio eadem.

73. Si conus scalenus plano per axem sectus non ad rectos basi angulos rursus duobus planis secetur quæ faciant communes cum base, aut ipsi æquidistante plano, sectiones ad trianguli per axem facti basim, aut ad ipsi æquidistantem, perpendiculares: & transuersæ sectionum in superficie factarum diametri æquales sint, & subcontrarie inuicem positæ, siue ad externum verticalem trianguli per axem angulum, si sint hyperbolæ, siue ad internum, si sint ellipses, si quidem triangulum per axem isosceles est, erit factarum eiusmodi binarum hyperbolarum, aut ellipsium, altera alteri eadem: at si triangulum per axem isosceles non est, neque dictarum sectionum altera alteri eadem erit. *Vide Monitum.*


74. Si conus scalenus plano per axem quomocunque sectus rursus secetur secundum binas in eiusdem base rectas ad basim trianguli per axem perpendiculares, duobus æquidistantibus planis formantibus in superficie binas hyperbolas, quarum transuersæ diametri sint æquales inuicem; erit factarum huiusmodi hyperbolarum altera alteri eadem.

LIBER QVARTVS.
DE EIVSDEM NOMINIS CONI-SECTIONI-
NVM INVICEM COMPARATIONE
POSTERIOR.

siue,

DE SIMILIBVS CONI-SECTIONIBVS.

DEFINITIONES.

- I.  IMILES diametrorum portiones dicimus, quæ vtroque à vertice sumptæ, & eodem ordine, in iisdem rationibus sunt ad inuicem.
2. Similes Coni-Sectiones dicimus, in quibus similes omnes similitum diametrorum portiones vtroque in iisdem sunt rationibus ad conterminas rectas à sectione ordinatim applicatas. *Vide Monitum.*

PROPOSITIO I.

OMnes parabolæ inuicem, veluti & circulorum circumferentiæ omnes inuicem, similes sunt.

2. Si sint binæ hyperbolæ, vel binæ ellipses, & vtroque à sectione ad expositam diametrum binæ rectæ ordinatim sint applicatæ: sit autem ordinatim applicatarum ad inuicem, & ad conterminas diametri portiones à vertice abscissas eadem vtroque ratio: atque etiā anguli vnius applicatis & diametro contentis sint æquales; erit altera alteri hyperbola, vel ellipsis, similis.

3. Si binæ hyperbolæ, vel binæ ellipses, similes sint; habebunt figurarum ad similes diametros factarum latera inuicem in eadem ratione.

4. Si in binis hyperbolis, vel binis ellipsis, ad expositas similes transversas diametros contiguarum parametri eandem vtroque teneant rationem, erit altera alteri hyperbola, vel ellipsis similis. *Vide tria Coroll.*

5. Si sint binæ hyperbolæ, vel binæ ellipses, & recta vtroque à sectione

sectionē ad expositam diametrum ordinatim applicata, eadem sit utrobique ratio applicatæ ad transuersam diametrum, & ad abscissam eiusdem portionem à vertice : atque etiam angulus vnus applicata, & diametro contentus æqualis sit angulo alterius similiter contento, erit altera alteri hyperbola, vel ellipsis, similis.

6. Si sint binæ hyperbolæ, vel binæ ellipses, & utrobique recta sectionem contingens expositæ diametro occurrat, atque à contactus puncta recta ad eandem diametrum ordinatim applicatâ, eadē utrobique sit ratio applicatæ ad diametri portiones ab ipsa & contingente ad verticem abscissas : atque etiam angulus vnus ordinatim ductâ & diametro contentus æqualis alterius angulo similiter contento, erit altera alteri hyperbola, vel ellipsis similis. *Vide Monitum.*

7. In omni Parabola, vel ellipsi, maior erit semper transuersi axis ratio ad rectam parametrum ipso minorem, quàm assumptæ cuiuslibet transuersæ diametri ad suam contiguam parametrum. Et contra, minor erit semper ratio transuersi axis ad rectam parametrum ipso maiorum, quàm transuersæ cuiuslibet diametri ad sibi contiguam parametrum.

8. Si recta linea terminata producat, aut secetur ita vt sectæ partes fiant inuicem inæquales, & à productæ termino, aut sectionis puncto, eidem perpendicularis erigatur, à cuius sumptis binis punctis ad primòpositæ lineæ vtrumque terminum rectæ agantur lineæ ; maior erit à citimo puncto ductarum quadrati maioris ad quadratum minoris ratio, quàm ductarum à remotiore puncto similiter sumptarum quadrati ad quadratum ratio.

9. Si, vt cuiuslibet trianguli ad verticem non rectanguli crurum quadrata ad inuicem, ita sunt respondentes basis partes à perpendiculari à vertice ducta factæ, erunt basis partes inuicem æquales, sin autem ; erunt & basis partes inæquales inuicem. *Vide Corollar.*

10. In omni parabola, aut ellipsi, transuersam axem habente recta parametro maiorem, maior semper erit transuersæ cuiuslibet diametri eidem axi propioris ad suam contiguam parametrum ratio, quàm remotioris cuiuslibet ad suam. Et si transuersus axis minor sit recta parametro, etiam & transuersæ diametri eidem axi propioris ad suam contiguam parametrum ratio minor erit quàm remotioris ad suam.

11. In omni parabola, aut ellipsi, maior est ratio transuersæ diametri axi propioris ad suam minorem contiguam parametrum, quàm remotioris cuiuslibet ad suam. Et contra, minor est transuersæ diametri axi propioris ad suam maiorem parametrum contiguam ratio, quàm remotioris ad suam. *Vide Monitum.*

12. In omni hyperbola transuersum axem habente rectæ parametro æqualem, erunt & omnes transuersæ diametri suis contiguis parametræ æquales.

13. Si in hyperbola, assumpta quælibet transuersa diameter contigua sibi parametro sit æqualis, erunt & eiusdem transuersæ omnes diametri contiguis suis parametræ æquales.

14. In omni hyperbola, veluti & in omni parabola, binarum diametrorum illa axi propior erit ad quam ordinatæ sub maiore acuto angulo applicabuntur. *Vide Coroll.*

15. In omni ellipsi, quæ à maioris axis terminis ad idem sectionis punctum binæ ducentur rectæ lineæ, angulum continebunt recto maiorem: maximusque omnium is erit qui ad mediam sectionem fiet: eique propior semper remotiore maior erit, quæ autem à minoris axis terminis ducentur, minorem recto facient angulum: minimusque omnium ad mediam fiet sectionem: & ei propior remotiore semper minor erit. *Vide Coroll.*

16. In omni ellipsi, binarum diametrorum illa maior axi propior erit, ad quam ordinatæ sub minore obtuso angulo applicabuntur: & minori axi illa erit propior, ad quam ordinatæ sub maiore acuto angulo ducentur. *Vide Coroll.*

17. Si sint binæ hyperbolæ, & vtroque assumptæ cuilibet transuersæ diametro contigua parameter sit æqualis, erit altera alteri hyperbola similis. *Vide Coroll.*

18. Si binæ hyperbolæ, vel binæ ellipses, figurarum latera in eadem ad inuicem ratione habeant vtroque, sed non æqualiter vtroque inuicem inclinata, neque si sint hyperbolæ, inuicem æqualia, non erit altera alteri hyperbola, vel ellipsis, similis. *Vide Coroll. & Memoriam*

19. Si sint bina triangula ad verticem æquiangula, & rectâ vtroque à vertice ad mediam basim ductâ, sint vnus anguli ad mediam basim facti singuli singulis alterius triânguli angulis ad mediam basim factis æquales, erit alterum alteri triangulum simile.

20. Si binæ hyperbolæ æqualibus asymptoton angulis contineantur: erit altera alteri hyperbola similis.

21. Si binæ hyperbolæ, aut binæ ellipses, interceptas vtroque axis portiones vtroque umbilico & vertice in eadem inuicem ratione habuerint, erit altera alteri hyperbola, aut ellipsis similis.

22. Si binorum similium triangulorum bina homologa latera ponantur hyperbolarum aut ellipsium axes vtrisque umbilicis intercepti, & vtroque angulus parassumpto lateri oppositus à sectionis linea

vel diuidi illigatur, vel tangi; erit binarum huiusmodi hyperbolarum, vel ellipsium, altera alteri similis.

23. Si in binis hyperbolis, aut binis ellipsibus, eadem fuerit utroque rectę parametri ad axis partem vertice & homologo umbilico interceptam ratio, erit altera alteri hyperbola, vel ellipsis, similis. *Vide Monitum.*

24. Si coni sectionem, vel circuli circumferentiam, binę contingant lineę inuicem occurrentes, & à quolibet in sectione puncto rectę contingentibus æquidistantes ducantur donec diametris per tactus ductis occurrant; erunt utrobique triangula à diametris & contingentibus facta inuicem æqualia; atque etiam quadrilatera utrobique inter sectionem & diametrum constituta triangulis reciproce ab æquidistantibus factis æqualia.

25. Si coni sectionem, vel circuli circumferentiam, binę contingant lineę inuicem occurrentes, & à binis quibuscumque in sectione punctis ad utrasque diametros per tactus ductas rectę contingentibus æquidistantes utrobique ducantur, erunt utrobique ab æquidistantibus ad diametrum constituta quadrilatera inuicem æqualia.

26. Si in coni sectione, vel circuli circumferentia, binę rectę inuicem se se secantes ducantur, ut erunt contingentium ipsis æquidistantium, utrobique à tactu ad communē occursum sumptarum, quadrata inuicem: ita erunt sub respondentium intra sectionem ductarum segmentis rectangula inuicem.

27. Si in coni sectione, veluti & in circuli circumferentia, binę rectę æquidistantes inuicem ducantur, quas secet recta aliqua etiam in sectione ducta, erunt sub æquidistantium segmentis facta rectangula inuicem, ut respondentia sub secantis segmentis rectangula inuicem. *Vide Coroll. & Monit.*

28. Si in parabola binę æquidistantes rectę ducantur quas secet ducta ab aliquo in sectione puncto recta diametro æquidistans, erunt sub æquidistantium segmentis facta rectangula inuicem, veluti portiones rectę ad ipsas ductę à sectione similiter sumptę inuicem. *Vide Cor.*

29. Si in parabola recta quępiam ducatur ad quam à duobus in sectione punctis binę rectę ducantur diametro æquidistantes; erunt sub segmentis in primū ducta factis rectangula inuicem, veluti ipsę æquidistantes similiter sumptę inuicem.

30. Si in parabola binę æquidistantes rectę ducantur ad quas singulas à binis quibuscumque in sectione punctis singulę ducantur lineę diametro æquidistantes, erunt sub segmentis æquidistantium facta rectangula inuicem, veluti rectę à sectione ad ipsas ductę inuicem.

31. Si in parabola binæ rectæ æquidistantes inuicem ducantur quas secet recta aliqua etiam intra sectionem ducta, erunt sub æquidistantium segmentis facta rectangula inuicem, vt respondentia sub secantibus segmentis rectangula inuicem.

31. Si in hyperbola, velut & in ellipfi, atque in circuli circumferentia binæ rectæ æquidistantes inuicem ducantur, quas secet ducta ab aliquo in sectione puncto recta diametro easdem bifariam diuidenti æquidistans, & ad oppositam sectionem perducta, vt erunt rectangula sub æquidistantium segmentis facta inuicem, ita erunt rectangula sub æquidistantis diametro partibus vtrâque sectarum æquidistantiû, & vtroque in sectione termino interceptis, similiter sumpta inuicem. *Vide tria Coroll.*

33. Si sint binæ conici sectiones, & vtroque quina in sectione puncta notata: sint autem vnus puncta ad inuicem similiter posita alterius punctis ad inuicem; erit altera alteri sectio similis. *Vide Coroll.*

34. Datis in plano quinque punctis, quæ totidē notatis in plano aliquo vmbra diurnæ terminis sint similiter posita; per eadē conuenientem conici sectionem describere, quæ diurnum solis parallelum representet: ideoque & lineatæ super eodem plano ab vmbra acumine conici sectionis similis sit. *Vide Monit.*

35. Si in hyperbola recta quæpiâ ducatur alterutri asymptoto æquidistans, binasque rectas quascunque æquidistantes in sectione ductas diuidens, erunt rectangula sub æquidistantium partibus vtrinque sectione terminatis inuicem, veluti rectæ asymptoto æquidistantis partes à sectione sumptæ inuicem.

36. Si in hyperbola recta quæpiam ducatur binas rectas æquidistantes in sectione ductas ita diuidens, vt eadem sit rectangulorum sub æquidistantium partibus vtrinque sectione terminatis ad inuicem ratio, quæ respondentium ductæ rectæ partium à sectione sumptarum ad inuicem; erit recta eiusmodi ducta alterutri sectionis asymptoto æquidistans.

37. Si sint binę hyperbolę, & à sumpto quolibet in vtrâque sectione puncto binę rectę ducantur quę binas quascunque rectas æquidistantes in sectione ductas ita diuidant, vt eadem sit vtroque binorū quorumlibet rectangulorum sub æquidistantium segmentis ad easdē partes factis ad inuicem ratio, quæ inter segmentorum ad inuicem atque etiam angulus abs ductis vnus contētus æqualis angulo alterius ductis contento; erit altera alteri hyperbola similis.

38. Si conus binis æquidistantibus, aut inuicem subcontrariè positus planis secetur non per verticem, erit factarum in superficie conici

sectionum altera alteri similis. *Vide Coroll. & Monitum.*

39. Dato cono; in eiusdem superficie datæ hyperbolæ, aut ellipsi, similem in data diametrorum ratione hyperbolam, aut ellipsim, exhibere.

40. Data hyperbola, aut ellipsi, conum exhibere, & in eiusdem superficie sectionem eidem datæ hyperbolæ, aut ellipsi similem in data diametrorum ratione.

Quarti libri finis.



CONTRACTA PAPPI

COLLATIO,

Libri tertij Propositiones 58.

NON omnia quidem hic habes quæ demonstravit Pappus, sed ea solùm quæ facilius possint absque diagrammatibus intelligi; cuius duo primi libri cùm hætenus minimè prodierint, tertio, quo Cratistam appellat, problema definit, in quo aliquid faciendum & construendum proponitur: & discutit quod aliquis proposuerat, nempe datis duabus rectis lineis duas medias proportionales in continua analogia per planorum contemplationem inuenire. Quibus discussis, prop. 4. notat problematum tria genera, *ὑπερβολικά, ἑλλειπτικά, & ὀρθογώνια*, plana, solida, linearia: quorum prima per rectas lineas, & circuli circumferentiam, in plano genitas, soluuntur; secunda requirunt vnam, aut plures coni sectiones, atque adeo solidarum figurarum superficiem supponunt: tertia denique lineas quasdam mixtas requirunt, putà helices, quadratrices, conchoides, cissoïdes, & id genus alias.

Porro varios modos explicat, quibus problemata solida instrumentorum ope perficiantur, quale est Eratosthenis Mesolabum, & Nicomedis, atque Heronis, cuius catapultica, mechanicaque laudat, methodus, ipsæque postea modum inueniendi cubum alterius cubi non solùm duplum, sed in quacumque proportionem tradit.

Deinde tres in semicirculo medietates reperit, & definit medietatem arithmeticam, geometricam, & harmonicam, hisque positis tres simul medietates in minimis rectis lineis quinque, vsque ad prop. 16. demonstrat.

Postea decem analogias à veteribus propositas describit, & vsque ad

prop. 27. demonstrat, in qua per numeros, tabellâ propositâ, idem fererepetit: cûmque nonnullis medietatibus in futurum egeamus; operæpretium fuerit hic illas explicare.

1. Medietas Arithmetica dicitur, quando tribus existentibus terminis, medius vnum extremorum pari excessu superat, & ab alio superatur, vt fit in his tribus numeris 3, 6, 9; vel his 1, 2, 3.

2. Geometrica, quæ propriè dicitur analogia, cûm vt medius terminus ad vnum extremorum, ita reliquus ad medium, vt patet in 3, 6, 12, vel 1, 2, 4.

3. Harmonica, cûm medius terminus eadem parte superat vnum extremorum, & à reliquo superatur, vt contingit his numeris, 2, 3, 6.

4. Harmonicæ contraria, cûm tertius terminus ad primum, ita primi excessus ad excessum secundi, vt fit in his, 6. 5. 2.

5. Cûm vt tertius terminus ad secundum, ita primi excessus ad secundi excessum, quæ dicitur geometricæ contraria, vt in his numeris 5. 4. 2.

6. Cûm vt secundus terminus ad primum, ita primi excessus ad excessum secundi, vt in 6. 4. 1. cernitur, quæ & alio modo geometricæ dicitur contraria.

7. Cûm tertius excessus ad primum, ita secundus terminus ad tertium. 7. 4. 3.

8. Cûm tertius excessus ad primum, vt primus terminus ad secundum. 6. 4. 3.

9. Cûm tertius excessus ad primum, ita primus terminus ad tertium. 4. 3. 2.

10. Cûm tertius excessus ad secundum, ita secundus terminus ad tertium. 3. 2. 1.

Quædam propositiones l. 3. Pappi.

29. **I**N omni triangulo, præterquam in æquilatero, & æquicruri basim latere minorem habente, fieri potest, vt in basi intra constituantur duæ rectæ lineæ æquales ijs, quæ sunt extra, simul sumptæ.

30. Quod si triangulum æquilaterum sit, vel æquicrurum, quod basim habeat latere minorem, dico fieri non posse, vt intra ipsum constituantur rectæ lineæ æquales ijs quæ sunt extra; sed intra minores erunt.

31. In quibus triangulis intra constituuntur rectæ lineæ æquales iis quæ sunt extra, in his & maiores intra constitui possunt simul sumptæ.

32. Et cûm hoc admirabile videatur iis qui geometricæ ignari sunt, admirabilius erit non solum vtramque vtrique æqualem esse, vel ma-

iorem, sed etiam singulas earum quæ intra constituuntur, singulis earum quæ extra, & æquales & maiores esse posse, quod ostenditur.

34. Multò autem admirabilius videbitur, si rectæ lineæ, quæ in basi intra triangulum constituuntur, non solum æquales, vel maiores sint lateribus continentibus, sed etiam ad ea datam habeant proportionem.

35. Non solum autem in trianguli basi rectæ lineæ intra constituuntur, utræque simul maiores iis quæ sunt extra, sed etiam in quadrilatero duæ tribus maiores, & tres item maiores iis tribus, & similiter in alijs, quæ plura habeat latera, possunt quotquot intra constitui maiores quotquot ijs quæ sunt extra.

36. Fieri autem potest, ut & quæ intra continentur, quotquot iis quæ extra sunt, simul sumptæ omnes sint æquales. Ex quibus etiam sequitur dato spatio parallelogrammæ fieri posse, ut alterum parallelogrammum inueniatur, quod sit proposita pars dati parallelogrammi; vnumquodque autem latus vniuscuiusque lateris sit multiplex secundum datos numeros.

41. Triangulo dato minus triangulum inuenitur habens vnumquodque latere maiores.

42. Quodque admirabilius, triangulum datur quod sit pars dati trianguli, & vnumquodque latus vniuscuiusque lateris multiplex sit secundum datos numeros, ut prius in parallelogrammo dictum est. *Has autem duas propositiones diagrammatibus l. 4. Veritatis scientiarum cap. 10. explicauit.* Cæterum in data sphaera deinceps polizedra describit, nempe pyramidem, cubum, octaedrum, icosaedrum & dodecaedrum, de quibus in elementis.

Libri quarti Propositiones 43.

Hocce libro multa de triangulo, & de circulis intra duas circumferentias inscriptis demonstrat, & prop. 18. meminit theorematibus de helice, seu linea spirali in plano describenda Cononis Hannii Geometræ, quam Archimedes demonstrauit: Pappus verò prop. 21. probat figuram contentam linea spirali, & recta quæ est in principio circulationis esse tertiam partem circuli ipsam comprehendentis; vide sis etiam prop. 22. in qua cubos eandem inter se rationem, quam duo spolia, seruare demonstratur.

Prop. 23. conchoidem Nicomedis; prop. 25. & sequentibus Demonstrati & Nicomi quadraturam persequitur, & 30. rursus de triplici problematù genere plano, solido, & lineari agit, affirmatque à Demetrio

Alexandrino multa reperta, quæ linearia loca spectant, vt & à Philone Tyaceo circa implicationes *μακροειδης*, vbi & mirabilem Menelai lineam commemorat, & peccare Geometrâ ait qui problema planum per conica vel linearia, hoc est ex improprio genere soluit, quale notat in 5 conicorum Apollonij, & libro de spiralibus Archimedis, vbi assumpta solida inclinatio in circulo, quod absque vilo solido fieri poterat quodque iam factum à Vitellione l. 1. prop. 128.

Ex prop. 31. Datum angulum rectilineum prop. 32. & 33. tripartitò secat. & 34. pr. datæ circumferentiæ tertiam partem abscindit, sine inclinatione per solidum. Prop. 35. Datum angulum, vel datam circumferentiam in data proportionem secare demonstrat non esse problema solidum, vt præcedens, sed lineare: vnde concludit prop. 36. à duobus circulis inæqualibus æquales circumferentias abscindi posse. Prop. 37. triangulum æquicure construit, cuius vterque angulorum qui ad basim, habeat ad reliquum proportionem datam: vnde infert. Prop. 38. in circulo describi posse polygonum æquilaterum & æquiangulum quotuis laterum. Prop. 39. facile cognosci quâ ratione circulus inueniatur, cuius circumferentia rectæ lineæ datæ sit æqualis, sed quadraticis ope: idque in ratione data Prop. 40. 41. angulos incommensurabiles inueniri posse.

Prop. 42. resolutionem ordinat inclinationis, quam Archimedes lib. 16. assumpsit, & 43. seu vltimâ deprehendit quando punctum positione contingit parabolam.

Libri quinti Propositiones 57.

Apum industriam in melle cõficiendo suspicit, & explicat, quarum faui seu *μελα* sunt hexagona, quare figuras inter se cohærentes, lateraque communia habentes ad tres rectilineas & ordinatas, hoc est æquilateras, & æquiangulas, redigit; quippe sola triangula æquilatera, quadrata, & hexagona absque alijs figuris dissimilibus, possunt apposita sibi ipsis latera habere communia, & locum circa idem punctum replere, vt constat ex sex triangulis æquilateris, quæ 6 angulos habet, quorum vnusquisque est duarum tertiarum recti; ex 4 quadratis per 4 angulos rectos, & ex tribus hexagonis, & eorum tribus angulis, quorum vnusquisque rectum, & tertiam recti partem continet. Ex his autem tribus apes hexagonum vti capaciores, elegerunt, quippe æquali materiâ in constructionem vnus cuiusque insumpta, hexagonum mellis capit amplius.

Figurarum enim planarum, quæ cum æquilateræ, & æquiangulæ sint,

sint, ambitum æqualem habent, ea semper, & maior est quæ ex pluribus constat angulis, & circulus æquali ipsis ambitu comprehensus, est omnium maximus. De niue hexagona tractatum peculiarem Keplerus edidit.

Prima prop. demonstrat polygonorum ordinatorum angulos numero inæquales, ambitum verò æqualem habentium, illud quod ex pluribus angulis constat, semper etiam maius esse.

2. Circulum quòvis polygono maiorem, cùm etiam æqualium sunt ambituum.

3. Rectangulum, quod circuli ambitu, & ea quæ ex cetro continetur, circuli duplum esse, idque independenter ab Archimede. Deinceps verò demonstrat isoperimetrarum figurarum multos angulos, & latera numero æqualia habentium, æquilateram & æquiangulam esse maximam.

5. Isoper. triangulorum & eandem basim habentiũ æquicrura maximum esse, & quod ad æquicrura magis accedit, semper maius esse: maximam etiam ait circuli portionem, inter eas quæ habuerint æqualem circumferentiam, esse semicirculum, quod 17 prop. demonstrat.

14. Circulorum circumferentias inter se esse vt diametros. 13. similes circulorum proportionem ad inuicem esse vt basium quadrata, & circumferentias ipsarum inter se, vt bases.

17. Prop. multa de mundi figura sphærica legas, vt omnium figurarum solidarum æqualem superficiem habentium, sphæram esse maximam: postea confert alia solida ordinata cum sphæra, præsertim verò quinque figuras æqualibus & similibus planis contentas, quæ solæ angulos solidos æquales habent, videlicet tetraëdram, hexaëdram, octoedrum, duodecaëdram, & icosædram: licet etiã Archimedes alia numero tredecim inuenerit æquilateris, & æquiangulateris polygonis, non tamen similibus, contenta. Omitto præclaras propositiones, quæ nequeunt absque figuris intelligi, vsque ad 28, quæ docet, omnis portionis sphæræ curuam superficiem æqualem esse circulo, cuius semidiameter est æqualis ei, quæ ex polo ipsius portionis.

35. Omnis sphæra æqualis est cono, cuius basis quidem est superficies sphæræ, altitudo verò eiusdem semidiameter.

36. Sphærâ datâ, & data proportionem superficiem sphæræ plano ita secare, vt portionum superficies inter se proportionem habeant eandem datæ proportioni: Vnde concludit

37. Cylindrum, cuius basis æqualis sit maximo in sphæra circulo, & altitudo æqualis diametro sphæræ, ipsius sphæræ sesquialteram esse; & eius superficiem superfici ei itidem sphæræ sesquialteram.

38. In omni triangulo æquilatero, quadratum quod ab vno latere fit, maius eiusdem est, quàm duplum dicti trianguli, minus verò quam quadruplum.

39. Quæ à centro sphæræ ad planum octaedri perpendicularis ducitur, potestate tertia pars est semidiametri sphæræ.

42. Si recta proportionaliter secetur, quod sit à tota ad id quod quinquies sit à minori portione maiorem proportionem habet, quàm quatuor ad tria: multaque persequitur ad hanc diuisionem attinentia vsque ad 47. prop. quâ demonstrat hexagoni latere proportionaliter secto, maiorem portionem esse decagoni latus; & 49. duodecim pëtagona maiora 20. triangulis in eodem circulo descriptis.

Prop. 52. & deinceps ostendit icosaëdram maximum esse, & pyramidem omnium minimam; & tandem vltima 57. concludit nullum aliud polyëdram inueniri præter quinque prædicta, quod æqualibus, & similibus æquilateris polygonis contineatur.

Libri sexti Propositiones 61.

Locum astronomicum aggreditur hocce libro, quod non sit semper verum theorema secundum l. 3. sphæric. Theodosij, videlicet oportere vnumquemque duorum maximorum circularum ab eo, qui per polos sphæræ transit ad rectos angulos secari. Itemque prætermissum esse in 2. Theorem. Phënom. Euclidis, quoties Zodiacus circulus bis ad horizontem fit rectus: & in 4. Theor. lib. de diebus & noctibus Theodosium falsò exponi; & alia quę postmodum explicat. 1. Propositio. Si in sphærę superficie tres maximorum circularũ circumferentiæ se mutuò secent, quarum vnaquæque sit circulo minor, duæ reliquæ maiores erunt, quomodocumque sumptæ.

2. Si in vno latere trianguli sphærici duę circularum maximorũ circumferentiæ intra constituantur, hæ reliquis duobus trianguli lateribus minores erunt. Quibus, & nonnullis alijs præmissis quintũ theorema l. 3. sphæric. Theodosij aliter demonstrat. Sed & prop. 27. maximè laudat Autolycũ; & duas integras paginas Theorematis plurimis characteribus constantes legendas proponit. Porro 28. & 29. præmissa à Theodosio supplet, & 31. ostendit, ex ijs quæ infinitè augëtur, & infinitè minuuntur, esse quasdam magnitudines, quæ omni propositâ magnitudine maiores fiant, & rursus minores, quæ videlicet in problematibus indeterminatis efficiuntur. Prop. 32. de ijs quæ infinitè augentur, sed non infinitè minuuntur: 33. de ijs quæ solum infinitè minuuntur, & 34. de ijs agit, quibus neutrum conuenit. Quibus posi-

tis demonstrat 35. prop. zodiaci velocitatem diminutam, nunquam velocitate solis minorem esse; sed quamcunque circumferentiam zodiaci solem in maiori tempore pertransire, quàm ipsa oriatur, vel rursus occidat.

Ad 38. prop. ostendit sex quæ Aristarchus statuit lib. de magnitudinibus & distantijs solis, & lunæ. Vbi etiam iuxta Ptolomæum, & Hipparchum magnitudines diametrorum solis & lunæ, & illorum à terra distantias refert. Cæterùm omnes prop. vt pote diagrammatibus egentes omitto, vt sequentem admirabilem peruideas.

54. Prop. Circulo positione dato & dato puncto, in plano circuli intra circumferentiam ipsius, visui locum inuenire, à quo circulus ellipsis videatur, centrum habens intra circumferentiam datum.

55. Notat in 2. Theor. Phænomenon Euclid. prætermitti demonstrationem huius. Si polus horizontis sit intra tropicos, vel in aliquo ipsorum, quoties zodiacus rectus fiat ad horizontem in vna conuersione: Nempe si fuerit in aliquo tropicorum semel zodiacum rectum esse ad horizontem in vna conuersione, bis autem, si fuerit inter tropicos, prop. 56. in qua etiam 12. Euclidis theorema discutit, & Hipparchum, ac Menelaum laudat.

57. & 58. Prop. agit de ortu & occasu cancri, & capricorni, leonis & virginis, & 12. signorū; & prop. 59. inuenit horizontes habitationum. Denique quod est prætermisum in 12. & 13. theoremate sic explicat.

61. Prop. Circumferentiarum quæ sunt in semicirculo post cancrum, quælibet in maiori tempore oritur quàm occidit. Earum verò quæ in reliquo semicirculo post capricornum quælibet in maiori tempore occidit quàm oritur.

Libri septimi Propositiones 238.

DE loco resolutio filium Hermodorum alloquitur, quem vocat *διελυσις*, qui sit utilis ad inuenienda proposita problemata. Resolutio dicitur via à quæsito tanquam concessio, per ea quæ deinceps consequuntur ad aliquod concessum in compositione: quod enim quæritur, vt iam factum supponentes, quod ex hoc contingat, consideramus, & rursus illius antecedens, donec ita progredientes incidamus in aliquod iam cognitum, vel quod sit è numero principiorum: est igitur hæc *διελυσις*, vt *σύνθεσις*, seu compositio, quæ per conuersionem illud factum ponit, quod postremum in resolutione sumitur, ordinando ea antecedentia, quæ illic erant consequentia, quorum mutuâ compositione factâ ad quæ sit finem peruenitur.

Libros autem loco resolutos seruientes enumerat : datorum Euclidis librum vnum ; Apollonij duos de proportionis sectione : duos de spatij sectione ; duos tactionum , tres porismatum Euclidis : duos inclinationum ; duosque locorum planorum Apollonij , vt & conicorū octo. Quinque locorum solidorum Aristei : duos locorum ad superficiem Euclidis : duos Eratosthenis de medietatibus , adeout sint libri 31. Cum autem isti libri fere restituti sint , vel habeantur , illorum propositiones accipe , easque primū quæ ad data pertinent.


Data Euclidis.



EVCLIDIS DATA,

E' GRÆCO A CLARISSIMO, ET
VNDEQVAQVE DOCTISSIMO VIRO
CLAUDIO HARDY conuersa.

DEFINITIONES II.

1. ATA magnitudine dicuntur spatia, lineæ, angulique, quibus æqualia possumus inuenire. Datum, hypothesis, ordinatum, porimum, poriston, effabile, cognitū idem ferè significant. Datum est, cui æquale possumus inuenire. Hypothesis est, quod à proponente conceditur. Ordinatū siue determinatū quod pluribus modis esse nequit. Porimum, quod construi potest. Aporon, cuius factio nondum inuenta. Poriston, factibile, quod fieri posse non dubitamus, licet eius factio ignoretur. Effabile, quod numero rationali potest exprimi. Cognitum, quod numero rationali possumus exprimere.
2. Ratio dari dicitur, cui possumus eandem inuenire.
3. Rectilineæ figuræ specie dari dicuntur, quarum & singuli anguli dati sunt, & laterum rationes ad inuicem datæ sunt. *Quare figurarum specie datarum dantur quoque anguli, laterumque rationes.*
4. Positione dari dicuntur puncta, lineæ & anguli, quæ eundē semper situm obtinent. Puncta non aliter dantur quàm positione: *sed anguli positione dati, dantur etiam magnitudine, quamuis lineæ rectæ positione data, non ideo dentur magnitudine.*
5. Circulus magnitudine dari dicitur, cuius ea quæ ex centro datur magnitudine.
6. Positione & magnitudine dari dicitur circulus, cuius datur centrum positione, & ea quæ ex centro magnitudine, omnis circulus positione datus, datur quoque magnitudine, sed non contrā.
7. Circuli segmenta magnitudine dari dicuntur, in quibus dati sunt anguli magnitudine, atque segmentorum bases.

8. Positione & magnitudine dari dicuntur circuli segmenta, in quibus anguli magnitudine dati sunt, & segmentorum bases positione & magnitudine.

9. Magnitudo magnitudine maior est, datâ, quando ablata data, reliqua eidem æqualis est.

10. Magnitudo magnitudine minor est, datâ, quando adiuncta data, tota eidem æqualis est.

11. Magnitudo magnitudine maior est, datâ, quàm in ratione quâdo ablata datâ reliqua ad eandem habet rationem datam.

12. Magnitudo magnitudine minor est, datâ, quàm in ratione, quâdo adiuncta datâ, tota ad eandem rationem habet datam.

PROPOSITIONES 95.

1. **D**atarum magnitudinum, ad inuicem ratio data est.

2. Si data magnitudo, ad aliam aliquam magnitudinem habeat rationem datam, datur etiam hæc alia magnitudine.

3. Si quotlibet datæ magnitudines componantur, etiam ea dabitur quæ ex his componitur magnitudo.

4. Si à data magnitudine data magnitudo auferatur, etiam ea dabitur quæ reliqua est magnitudo.

5. Si magnitudo ad sui ipsius aliquam partem habeat rationem datam, etiam ad reliquam habebit rationem datam.

6. Si componantur duæ magnitudines habentes ad inuicem rationem datam, & quæ ex his componitur magnitudo, habebit ad vtrâque rationem datam.

7. Si data magnitudo datâ ratione secetur, vtrûmque segmentorum datum est.

8. Quæ ad idem rationem habet datam, habebunt ad inuicem rationem datam.

9. Si duæ pluresve magnitudines ad inuicem habeant rationem datam, habeant autem illæ magnitudines ad alias quasdam magnitudines rationes datas, & si non easdem, illæ aliæ magnitudines etiam ad inuicem habebunt rationes datas.

10. Si magnitudo magnitudine maior fuerit, datâ, quàm in ratione, & simul vtrâque, illâ eadem A magnitudine maior est, data, quàm in ratione; sin autem simul vtrâque magnitudo, eadem magnitudine A maior fuerit, datâ, quàm in ratione, & reliqua illa eadem A maior sit, datâ, quàm in ratione, aut reliqua B data est, cum consequente C, ad quam habet altera magnitudo A rationem datam. Per dictiones il-

Idem A, quæ & altera magnitudo dicitur, intelligitur consequens rationis propositæ, B reliqua, est excessus quo antecedens vnâ cum data excedit consequens rationis propositæ. C cum consequente, &c. est excessus quo consequens rationis propositæ superat antecedens eiusdem rationis propositæ.

11. Si magnitudo magnitudine maior sit, datâ, quàm in ratione, eadem simul vtrâque maior erit, datâ, quàm in ratione. Et si eadem simul vtrâque maior sit, data, quàm in ratione, eadem reliquâ magnitudine maior erit, datâ, quàm in ratione.

12. Si fuerint tres magnitudines, & prima quidem cum secunda data sit, secunda quoque cum tertia data sit, aut prima tertiæ æqualis est, aut altera alterâ maior datâ.

13. Si fuerint tres magnitudines, & earum primæ ad secundum habeat rationem datam, secunda autem tertiâ maior sit, datâ, quàm in ratione, prima quoque maior erit tertiâ, datâ, quàm in ratione.

14. Si duæ magnitudines ad inuicem habeant rationem datam, vtrique autem illarum adiiciatur data magnitudo; totæ ad inuicem aut habebant rationem datam, aut altera alterâ maior erit, datâ, quàm in ratione.

15. Si duæ magnitudines habeant ad inuicem rationem datam, & ab vtraque earum auferatur magnitudo; reliquæ magnitudines ad inuicem habebunt aut rationem datam, aut altera alterâ maior erit, datâ, quàm in ratione.

16. Si duæ magnitudines ad inuicem habeant rationem datam, & ab vna quidem illarum auferatur data magnitudo, alteri autem ipsarum adiiciatur data magnitudo, tota residuâ magnitudine maior erit, datâ, quàm in ratione.

17. Si fuerint tres magnitudines, & prima quidem secundâ maior sit, datâ, quàm in ratione, tertia quoque eadem secunda maior sit, datâ, quàm in ratione, prima ad tertiam, aut rationem habebit datam, alterâ maior erit, data, quàm in ratione.

18. Si fuerint tres magnitudines, atque ex his vna vtrâque reliquarum maior sit, data, quam in ratione, reliquæ duæ aut datam rationem habebunt ad inuicem, aut alterâ altera maior erit, data, quàm in ratione.

19. Si fuerint tres magnitudines, & prima quidem magnitudo secunda magnitudine maior sit, data, quàm in ratione, fit quoque secunda maior tertia, data, quàm in ratione; prima magnitudo, tertia magnitudine, maior erit, data, quam in ratione.

20. Si datæ fuerint duæ magnitudines, & auferantur ab ipsis magnitudines habentes ad inuicem rationem datam, residuæ magnitudines aut habebunt ad inuicem rationem datam, aut altera altera maior erit, data, quam in ratione.

21. Si fuerint duæ magnitudines datæ, & adiciantur ipsis aliæ magnitudines, habentes ad inuicem rationem datam, totæ aut habebunt ad inuicem rationem datam, aut altera altera minor erit, data, quam in ratione.

22. Si duæ magnitudines, ad aliam aliquam magnitudinē habeant rationem datam, & simul vtraque ad eandem habebit rationē datam.

23. Si totum ad totum habeat rationem datam, habeant autem & partes ad partes rationes datas, modò non easdem, habebunt omnia ad omnia rationes datas.

24. Si tres rectæ lineæ proportionales fuerint, prima autem ad tertiam habeat rationem datam, & ad secundam habebit rationē datā.

25. Si duæ rectæ positione datæ, se mutuò inuicem secuerint, punctum in quo se inuicem secant, positione datum est.

26. Si lineæ rectæ extremitate positione datæ sint, recta positione, & magnitudine data est.

27. Si datæ rectæ lineæ positione & magnitudine data fuerit vna extremitas, & altera extremitas data erit.

28. Si per datum punctum contra datam positione rectam agatur recta linea, acta recta positione data est.

29. Si ad positione datam rectam, datūque in ea punctum agatur recta linea, quæ facit angulum datū, acta linea positione data est.

30. Si à dato puncto, in datam positione rectam agatur recta linea, quæ facit angulum datum, acta linea positione data est.

31. Si à dato puncto in datam positione rectam data magnitudine recta ducatur, positione quoque data erit.

32. Si in datas positione parallelas rectas agatur recta linea quæ faciat angulos datos, alia recta magnitudine data est.

33. Si in datas positione parallelas rectas agatur magnitudine data recta, faciet angulos datos.

34. Si in datas positione parallelas rectas à dato puncto agatur linea recta, secabitur data ratione.

35. Si à dato puncto in datam positione rectam agatur recta linea, seceturque datâ ratione, agatur autem per punctum sectionis, contra datam positione rectam, recta linea, acta linea positione data est.

36. Si à dato puncto in datam positione rectam lineam agatur recta linea, adijciatur autem ipsi aliqua recta quæ ad illam habeat rationē datam,

datam, per extremitatem adiectæ lineæ agatur contra datam positione rectam linea recta: acta linea positione data est.

37. Si in datas positione parallelas rectas agatur recta, quæ secetur ratione datâ, agatur autem per sectionis punctum contra datas positione rectas linea recta: acta recta positione data est.

38. Si in datas positione parallelas rectas agatur recta, quæ ad illam quæ acta est habeat rationem datam, per extremitatem autem adiectæ agatur contra datas positione parallelas recta; recta est data positione.

39. Si trianguli singula latera magnitudine data sint, triangulum specie datum est.

40. Si trianguli singuli anguli magnitudine dati sint, triangulum specie datum est.

41. Si triangulus vnum angulum datum habeat, circa datum autem angulum duo latera ad inuicem habeant rationem datam triangulus specie datus est.

42. Si trianguli latera ad inuicem habeant rationem datam, triangulum specie datum est.

43. Si trianguli rectanguli circa vnum acutorum angulorum latera ad inuicem habeant rationem datam, triangulum specie datum est.

44. Si triangulus habeat vnum angulum datum, circa alium autem angulum latera ad inuicem habeant rationem datam, & pateat species tertij anguli, triangulus specie datus est.

45. Si triangulus datus vnum angulum habeat, circa datum autem angulum latera simul vtraque, tanquam vnum ad reliquum latus rationem habeant datam, triangulus specie datus est.

46. Si triangulus datus vnum angulum habeat, circa alium autem angulum latera, simul vtraque tanquam vnum, habeant ad reliquum rationem datam, triangulus specie datus est.

47. Data rectilinea specie, in data specie triangula diuiduntur.

48. Si ab eadem recta describantur trianguli dati specie, habebunt ad inuicem rationem datam.

49. Si ab eadem recta duo rectilinea quælibet data specie describantur, habebunt ad inuicem rationem datam.

50. Si duæ rectæ ad inuicem habeant rationem datam, & ab illis similia, similiterque descripta rectilinea, habebunt ad inuicem rationem datam.

51. Si duæ rectæ habeant ad inuicem rationem datam, & ab illis rectilinea quæcunque specie data describantur, habebunt ad inuicem rationem datam.

52. Si à data magnitudine recta, data figura specie describatur, descripta figura magnitudine data est.

53. Si duæ figuræ specie datæ fuerint, & vnum latus vnus ad vnum latus alterius habuerit rationem datam, reliqua quoque latera ad reliqua latera habebunt rationes datas.

54. Si duæ figuræ datæ specie, ad inuicem habuerint rationem datam, etiam eorum latera ad inuicem habebunt rationem datam.

55. Si spatium magnitudine, & specie datum fuerit, eius latera magnitudine data erunt.

56. Si duo æquiangula parallelogramma habuerint ad inuicem rationem datam, est vt primi latus ad secundi latus, ita reliquum secundi latus ad eam, ad quam alterum primi latus habet rationem datam, quam habet parallelogrammum ad parallelogrammum.

57. Si datum spatium ad datam rectam applicatum fuerit in angulo dato, datur altitudo applicationis.

58. Si datum ad datam rectam applicetur, deficiens data specie figura, latitudines defectus datæ sunt.

59. Si datum ad datam rectam applicetur, excedens data specie figura, latitudines excessus datæ sunt.

60. Si datum specie & magnitudine parallelogrammum dato gnomone augeatur vel minuatur, latitudines gnominis datæ sunt.

61. Si ad datæ specie figuræ vnum latus applicetur parallelogrammum spatium, in angulo dato, habeat autem data figura ad parallelogr. rationem datam parallelogr. specie datum est.

62. Si duæ rectæ ad inuicem habeant rationem datam, & ab vna quidem data specie figura descripta sit, ab altera autem spatium parallelogr. in angulo dato, habeat autem figura ad parallelogr. rationem datam, parallelogrammum specie datum est.

63. Si triangulum specie datum sit, quod ab vnoquoque laterum describitur quadratum, ad triangulum habebit rationem datam.

64. Si triangulus angulum obtusum datum habeat, illud spatium quo latus obtusum angulū subtendens, magis potest quàm latera obtusum angulum ambientia, ad triangulum habebit rationem datam.

65. Si triangulum angulum acutum datum habeat, illud spatium quo latus angulum acutum subtendens, minus potest quàm latera angulum acutum ambientia, habebit ad triangulum rationem datam.

66. Si triangulus habuerit angulum datum, quod sub rectis datum angulum comprehendentibus continetur rectangulum, habebit ad triangulum rationem datam.

67. Si triangulus habuerit datum angulum, illud spatium quo duo

datum angulum comprehendentia latera, tanquã vna recta, plus possunt quàm quadratum à reliquo latere, ad triangulum habebit rationem datam.

68. Si duo parallelogramma æquiangula habeant ad inuicem rationem datam, & vnum latus ad vnum latus habeat rationem datam, & reliquum latus ad reliquum latus rationem datam habebit.

69. Si duo parallelogramma datos angulos habeant, & ad inuicem rationem datam, habeat autem & vnum latus ad vnum latus rationem datam, & reliquum latus ad reliquum latus habebit rationem datam.

70. Si duorum parallelogrammorum circa æquales angulos, aut circa inæquales quidem, datos tamen, latera ad inuicem habeant rationem datam, & ipsa parallelogramma habebunt ad inuicem rationem datam.

71. Si duorum triangulorũ circa æquales angulos, aut circa inæquales quidem, datos tamen, latera ad inuicem habeant rationem datam, & ipsa triacula habebunt ad inuicem rationem datam.

72. Si duorum triangulorũ & bases fuerint in ratione data, & acta ab angulis ad bases quæ faciant angulos æquales, aut inæquales quidem, sed datos habeant, ad inuicem rationem datam, & ipsa triacula ad inuicem habebunt rationem datam.

73. Si duorum parallelogr. circa angulos æquales, aut circa inæquales, sed datos, latera ad inuicem ita se habeant, vt sit quemadmodum primi latus ad secundi latus, ita reliquum secundi latus ad aliam aliquã rectam, habeat autem & reliquum primi latus ad eandem rectam rationem datam, & ipsa parallelogr. habebunt ad inuicem rationem datam.

74. Si duo parallelogr. datam rat. habeant, aut in æqual. angulis, aut in inæq. quidem, sed datis, erit vt primi latus ad secundi latus, ita alterum secundi latus ad eam ad quam reliquum primi latus rationem habet datam.

75. Si duo triacula ad inuicem habeant rat. dat. aut in ang. æqual. aut inæq. sed datis, erit vt primi latus, ad secundi latus, ita alterum secundi latus ad eam rectam ad quam reliquum primi latus habet rat. datam.

76. Si à trianguli dati specie vertice, linea perpendicularis agatur ad basim, acta linea ad basim habebit rationem datam.

77. Si datae duæ figuræ specie ad inu. habeant rat. dat. & quodlibet latus vnus harũ figurarũ ad quodlibet latus alterius habebit rat. dat.

78. Si data figura specie habeat ad aliquod rectangulum rationem datam, habeat autem & vnum latus ad vnum latus rat. dat. rectangulum specie datum est.

79. Si duo triang. vnum angulum vni angulo æqualem habeant, ab æqual. autem angulis ad bases perpendiculares agantur, sitque vt primi triang. basis ad perpendicularem, ita & alterius trianguli basis ad perpend. illa triangula æquiangula sunt.

80. Si triangulus datus vnum angulum habuerit, quod autem sub lateribus datum angulum comprehendentibus continetur rectangulum habeat ad quadratum reliqui lateris rationem datam, triangulum specie datum est.

81. Si tres rectæ proportionales, tribus rectis proportionalibus, extremas habuerint in ratione data, medias quoque habebunt in ratione data. Et si extrema ad extremam, & media ad mediā habeat rationem datam, & reliqua ad reliquam habebit rationem datam.

82. Si 4. rectæ proport. fuerint, erit vt prima ad eā ad quam secunda rationem habet datam, ita tertia ad eam ad quam quarta rationem habet datam.

83. Si 4. rectæ ita ad inuicem se habeant, vt tribus ex ijs quibuscumque sumptis, & quarta ipsis proportionali accepta, ad quam reliquæ 4. rectis rat. habeant datam, erit vt quarta ad tertiam, ita secunda ad eam ad quam habet prima rationem datam.

84. Si 2. rectæ datum spatium comprehendunt in angulo dato, sit autem altera, altera maior data, etiam vna quæque ipsarum data erit.

85. Si 2. rectæ d. si comp. in an. d. sit autem simul vtraque data, & earum quoque vnaquæque data erit.

86. Si 2. rect. d. 5. com. in an. d. quadratum autem vnus quadrato alterius maius sit dato, quàm in ratione, & vtraque ipsarum dat. erit.

87. Si 2. rect. d. 5. c. in a. d. possit autem altera altera maius dato, earum vtraque data erit.

88. Si in circulum mag. datum acta sit recta quæ segmentum auferat, quod datum angulum comprehendat, acta recta mag. data est.

89. Si in circulum mag. datum, data magnitudine recta acta fuerint, auferet segmentum, quod angulum datum comprehendet.

90. Si in circuli positione dati circumferentia datum fuerit punctum, ab eo autem puncto ad circumferentiam circuli inflexa fuerit recta, quæ datum angulum efficiat, inflexæ rectæ altera extremitas data est.

91. Si à dato puncto acta recta fuerit, quæ datum positione circuli contingat, acta linea positione, & magnitudine data est.

92. Si extra circulum posit. d. accipiatur aliquod punctū, à dato autem puncto in circulū producat quædā recta, d. est id quod sub acta linea, & ea quæ inter pūctū & conuexā peripheriā cōprehēditur rect.

93. Si intra datum positione circulum sumatur aliquod datum punctum, per punctum autem agatur in circulum aliqua recta, quod sub segmentis actæ rectæ comprehenditur rectangulum datum est.

94. Si in circulum magnit. datum acta recta quæ segmentum auferat quod datum angulum comprehendat, angulus autem qui in segmento consistit bifariam secetur, simul vtraque rectarum quæ angulum datum comprehendunt, ad lineam quæ angulum bifariam secat, habebit rationem datam: & quod sub simul vtrisque quæ datum angulum comprehendunt rectis, & infernè abscissâ ab ea quæ angulum in circumferentia datum bifariam secat, rectangulum datum erit.

95. Si in circuli positione dati diametro sumatur punctum, à puncto autem in circulum producat quædam recta, & agatur à sectione ad rectos angulos in productam rectam linea, per punctum autem in quo linea quæ ad rectos angulos consistit occurrit circumferentiæ circuli, agatur parallela productæ rectæ, datum est illud punctum, in quo parallela occurrit ipsi diametro, & quod sub parallelis lineis comprehenditur rectangulum datum est.

PAPPVS DE DATIS EVCLIDIS.

Primus liber Datorum theoremata 90 continet, quorum primum vniuersè in magnitudinibus diagramma esse 23. 24 verò est in rectilineis proportionalibus sine positione; & quæ deinceps sequuntur 14, sunt in rectis lineis positione datis. Quæ sequuntur, decem in triangulis specie datis sine positione. Sequentia sex in parallelogrammis, & applicationibus spatiorum specie datorum. Quæ deinceps, quinque primum quidem in lineis; 4 verò in spatiis triangulis, quòd differentiæ quadratorum laterum ad ipsa triangula spatia proportionem habeant datam. Sequentia 7 vsque ad 73, in duobus parallelogrammis, quòd ob positiones in angulis proportionem inter se datam habeant; quorum aliqua similes habent epilogos in duobus triangulis.

In sequentibus 6 diagrammatibus vsque ad 79, duo quidem sunt in triangulis; quattuor verò in pluribus rectis lineis proportionalibus. Quæ deinceps tria, in duabus rectis lineis proportionalibus, quæ datum spatium continent. At quæ in omnibus octo, vsque ad 90, in circulis ostenduntur, vel magnitudine tantum datis, vel etiam positione, nimirum rectis lineis per datum punctum ductis.

DE PROPORTIONIS SECTIONE.

QUam vnica propositione subdiuisa complectitur; quem tractatum tribus problematibus complexus est Snellius.

1. Datis duabus rectis annuentibus per datum extra ipsas punctum rectam educere, quæ ad earum concursum intercipiat segmenta in ratione imperata.

2. Per datum extra punctum rectam ducere, quæ ad duos terminos in rectis parallelis datos intercipiat segmenta in ratione data.

3. Datis duabus rectis annuentibus per datum extra ipsas punctum rectam ducere, quæ ab expositis ad duos datos in iisdem terminos intercipiat segmenta in ratione imperata.

DE SPATII SECTIONE.

AGgreditur postea spatij sectionem, quam similiter Snellius 4 Problem. ita restituit.

1. Datis duabus rectis per datum in alterutra punctum rectam educere, quæ ad datos in expositis terminos absumat segmenta datum spatium comprehendunt.

2. Datis duabus rectis per datum punctum educere rectam, quæ ad earum concursum intercipiat segmenta datum spatium comprehendunt. Vnde concluditur quod triangulum per rectam, à puncto extra, vel intra triangulum dato,eductam diuidatur in data ratione.

3. A datis duabus parallelis recta per punctum quod in neutra earum sit acta, ad datos in ipsis terminos absumere segmenta datum spatium comprehendunt.

4. Datis duabus rectis annuentibus per punctum extra ipsas datum rectam ducere, quæ ad datos in ipsis terminos absumat segmenta datum spatium comprehendunt.

DE DETERMINATA SECTIONE.

HVnc præterea tractatum idem Snellius 4 problematibus sequentibus complectitur.

1. Datam rectam infinitam vnico puncto secare, vt è rectis ad data duo puncta absumptis, vnus quadratum, ad rectangulum sub reliqua, & data externa comprehensum rationem habeat datam.

2. Datam rectam infinitam vnico puncto secare, vt è rectis ad data

tria puncta absumptis quod sub vna ipsarum, & data externa, ad id quod sub duabus reliquis comprehenditur rationem habeat datam.

3. Datam rectam infinitam vnico puncto secare, vt è rectis ad data in ipsa tria puncta absumptis, rectangulum sub duabus comprehensum, ad reliquæ quadratum rationem habeat datam.

4. Datam rectam infinitam vno puncto secare, vt è rectis ad data in ipsa 4 puncta absumptis, rectangulum sub duabus optatis comprehensum, ad rectangulum sub reliquis rationem habeat datam.

DE TACTIONIBVS, seu $\pi\epsilon\pi\iota\ \epsilon\pi\alpha\phi\omega\upsilon$.

SExdecim Problematibus tractatum hunc Vieta comprehendit in Apollonio Gallo, sed cum in planis subfiterit, illum ad Sphærica Problemata Clarissimus Fermatius 15 Problematibus extendit, quæ Viætæis subiungemus.

Problema 1. Per data duo puncta circulum magnitudine datum describere.

2. Datis 2 rectis, circulum magnitudine datum describere, qui datas rectas contingat.

3. Datis 2 circulis, tertium magnitudine datum describere, qui datos circulos contingat.

4. Dato puncto, & rectâ circulum magnitudine datum describere, qui per datum punctum transiens datam rectam contingat.

5. Dato puncto & circulo, alterum circulum magnitudine datum describere, qui per datum punctum transiens circulum datum contingat.

6. Datis positione recta & circulo, alterum circulum magnitudine datum describere, qui datam rectam, ac datum circulum contingat.

7. Datis 3 punctis in eadem recta non existentibus per eadem circulum describere.

8. Datis 2 punctis & recta, per data puncta circulum describere, quem data recta contingat.

9. Datis 3 rectis, non parallelis, describere circulum, quem harum vnaquæque contingat. Sequitur Lemma, per datum punctum ducere rectam secantem duas datas ad angulos æquales.

10. Datis 2 rectis, & puncto, per datum punctum circulum describere, quem datæ 2 rectæ contingant.

11. Dato circulo, & duabus rectis describere circulum, quem datæ circulus, & datæ 2 rectæ contingant. Ante duodecesimum Problema, tria Lemmata præmittit. Primum: Si duo circuli se mutuò se-

cent, à puncto autem sectionis ducatur per centrum vnus circulo-
rum recta, ea non transibit per circuli centrum. 2. Si 2 circuli se mu-
tuo secant, à puncto autem sectionis ducatur recta vtrumque circum
secans, erunt dissimilia circulo-
rum segmenta. 3. Si per crura trianguli
agatur recta basi parallela, ita ut duo constituentur sub eodem vertice
similia triangula, qui circa triangulum vnum describetur circulus,
tangetur in vertice communi à circulo qui circa triangulum alterum
describetur.

12. Datis puncto, recta, & circulo, per datum punctum describere
circulum, quem data recta, & datus circulus contingant.

13. Datis 2 circulis, & recta, describere tertium circulum, quem
duo dati, & data recta contingant.

14. Datis 2 punctis, & circulo, per data 2 puncta circulum descri-
bere, qui datum circulum contingant.

15. Datis 2 circulis, & puncto, per datum punctum circulum descri-
bere, quem duo dati circuli contingant.

16. Datis tribus circulis, describere quartum, quem illi contingant.

DE TACTIONIBVS SPHÆRICIS. PROBLEM. 15.

1. **D**atis 4 punctis, sphæram inuenire, quæ per data puncta
transeat.

2. Datis 3 punctis, & plano, inuenire sphæram, quæ per data pun-
cta transeat, & planum datum contingat.

3. Datis 3 punctis, & sphæra, inuenire sphæram, quæ per data pun-
cta transeat, & sphæram datam contingat.

4. Datis 4 planis, inuenire sphæram, quæ data plana contingat.

5. Datis 3 planis, & puncto, inuenire sphæram, quæ per datum pun-
ctum transeat, & plana data contingat.

6. Datis 3 planis, & sphæra inuenire sphæram, quæ datam sphæ-
ram, & data plana contingat.

7. Datis 2 punctis, & 2 planis, inuenire sphæram, quæ per data pun-
cta transeat, & data plana contingat.

Ante 8. Prop. 5 Lemmata præmittuntur, lectione digna.

8. Datis 2 punctis, plano, & sphæra, inuenire sphæram, quæ per data
puncta transeat, & sphæram ac planum datum contingat.

9. Datis 2 punctis, & 2 sphæris, inuenire sphæram, quæ per data 2
puncta transeat, & sphæras datas contingat.

10. Dato puncto, 2 planis, & sphæra, inuenire sphæram, quæ per da-
tum punctum transeat, & sphæram, ac data plana contingat.

II. Dato

11. Dato puncto, plano, & 2 sphaeris, inuenire sphaeram, quæ per datum punctum transeat, & planum, ac sphaeras datas contingat.
12. Dato puncto, & 3. sphaeris, inuenire sphaeram, quæ per datum punctum transeat, & sphaeras datas contingat.
13. Datis 2 planis, & 2 sphaeris, inuenire sphaeram, quæ data plana, & sphaeras contingat.
14. Datis 3 sphaeris, & plano, inuenire sphaeram, quæ sphaeras, & datum planum contingat.
15. Datis 4 sphaeris, inuenire sphaeram, quæ datas contingat.

DE PORISMATIBVS EVCLIDIS.

PRædictis libris ordine subiicit Pappus Euclidis Porismata, 3 inquit, voluminibus contenta, quod vocat opus artificiosissimum, & perutile ad resolutionem obscuriorum problematum. Porisma verò facit medium inter theorema & problema, quod proponatur ad inuentionem propositi.

Porro testatur tribus illis libris contineri Lemmata 38, & 101 Theoremata, quæ nullus (quod sciam) hactenus restituisse videatur variæ tractatus istius prop. apud Pappū pagina 161. Huius autem tractatus Restitutio Clarissimi Domini Fermatij postulat opem, qui 2 sequentes de locis planis libros adeò fœliciter redintegravit.

DE LOCIS PLANIS.

Dixit Pappus locos in *επίστασις*, qui in seipfis consistunt, quo sensu locus puncti, lineæ, superficiei, & solidi, est punctum, linea, superficies & solidum. Alij sunt *ἐξ ἑαυτοῦ* se extra se extendentes vt cum locus puncti est linea, lineæ superficies, &c. Qui verò sunt in resolutio loco, alij positione dati, *ἢ ἐκ τινος* alij plani dicti & solidi, & lineares *ἢ ἐκ τινος* sunt punctorū, & ad superficies *ἢ ἐκ τινος* punctorum; *ἢ ἐκ τινος* linearum; lineares ex ijs qui sunt ad superficies demonstrantur.

Porro dicuntur plani loci, quicunque sunt rectæ lineæ, vel circuli. Solidi, qui conorum sectiones lineares, quæ ad reliquas pertinent lineas, quales sunt cissoides, &c. Super sunt loci ab Eratosthene inscripti, ad medietates. Vnde constat quæ nobis desint, & quantum ope Geometricâ lineares, & alios locos suscitante egeamus: quod enim ad planos attinet, Cl. Fermatius illos restituit, & Pappi sequentem propositionem in pluribus obscuram & corruptam ita emendauit, vt eam in plures propositiones digesserit. sic igitur Pappus.

Si duæ lineæ agantur, vel ab vno dato puncto, vel à duobus, & vel in rectam, vel parallelæ, vel datum continentés angulū, vel inter se datam proportionem habentes, vel datum comprehendentes spatium; contingat autem terminus vnius locum planum positione datum, & alterius terminus locum planum positione datum continget: interdum quidem eiusd. generis, interdum verò diuersum, & interdum similiter positum ad rectam lineam, interdum contrario modo.

LIBRI PRIMI. PROPOSITIONES 15.

I Si à dato puncto in rectam lineam duæ lineæ agantur datam habentes proportionem, & terminus vnius contingat locum positione datum, hoc est aut rectam, aut circumferentiam circuli posit. datam, alterius terminus continget rectam, aut circuli circumferent. positione datam.

2. Si à dato puncto ducantur in directum duæ rectæ, datum continentés spatium, contingat autem terminus vnius locum planum positione datum, tanget pariter & terminus alterius.

3. Si à dato puncto ducantur 2 lineæ datum angulū continentés, & datam habentes proportionem, contingat autem terminus vnius locum planum positione datum, continget & terminus alterius.

4. Si à dato puncto ducantur 2 lineæ datum angul. conting. & datum comprehendentes spatium, contingat autem terminus vnius locum planum positione datum, continget & terminus alterius.

5. Si à 2 punctis datis 2 lineæ parallelæ agantur, rationem habentes datam, contingat autem terminus vnius locum planum positione datum, continget & terminus alterius.

6. Si à 2 punctis datis 2 parallelæ agantur, datum comprehendentes spatium, contingat autem terminus vnius locum planum positione datum continget & terminus alterius.

7. Si 2 lineæ agantur à datis 2 punctis, datum continentés angulū, & datam habentē proportionem, contingat autem terminus vnius locum pl.p.d. conting. & terminus alterius.

8. Si à 2 punctis datis ducantur 2 lineæ, datum angulū, & datum spatium, continentés contingat autem term. vn. l. posi. d. cont. & term. alt. *Hic quidem nouus ordo propos. incipit, sed malim numeros persequi: sit igitur.*

9. Si rectæ lineæ positione datæ vnus terminus datus sit, & alter circumferentiam concauam positione datam continget.

10. Si à 2 punctis datis inflectantur rectæ datum angulum continentes, commune ipsorum punctum continget circumferentiam concavam positione datam.

11. Si trianguli spatij magnitudine dati basis positione & magnitudine data sit, vertex ipsius rectam positione datam continget.

12. Si rectæ magnit. datæ, & cuiuspiam positioni datæ æquidistantis vnus terminus contingat rectam positione datam, & alius terminus rectam positione datam continget.

13. Si à puncto quodam ad pos. datas 2 rectas parall. vel inter se conuenientes ducantur rectæ in dato angulo, vel datam habentes prop. vel quarum vna simul cum ea ad quam altera prop. habet datâ, data fuerit, continget punctum rectam pos. datam.

14. Si sint quotcunque rectæ pos. datæ, atque ad ipsas à quodam puncto ducantur rectæ in datis angulis, sit autem quod datâ lineâ, & ductâ continetur, vnâ cum contento datâ lineâ, & alterâ ductâ æquale ei, quod datâ & aliâ ductâ, & reliquâ continetur, punctum rectam pos. datam continget.

15. Si ab aliquo puncto ad pos. datas parallelas ducantur rectæ in datis angulis; quæ ad puncta in ipsis data abscindet rectam proport. habentes datam, punctum continget positione datam rectam.

LIBRI 2. PROPOSITIONES 8.

1. **S**I à datis punctis rectæ inflectantur, & sint quæ ab ipsis fiunt dato spatio differentia, punctum rectas positione datas continget.

2. Si à 2. p. inflectantur rectæ, & sint in proportionem data, punctum continget rectam, vel circumferentiam.

3. Si sit positione data recta, & in ipsa datum punctum, à quo ducatur quædam recta terminata, à termino autem ipsius ducatur & ad positionem, & sit quod sit à ductâ, æquale ei quod à data & abscissa, vel & ad datum punctum, vel ad alterum datum in linea data positione, terminus ipsius circumferentiam positione datam continget.

4. Si à 2. punctis datis rectæ inflectantur, & sit quod ab vna efficitur, eo quod ab altera dato maior quàm in proportionem, punctum pos. datum circumferentiam continget.

5. Si à quotcunque datis punctis ad vnum punctum inflectantur rectæ, & sint species quæ ab omnibus fiunt, dato spatio æquales,

punctum continget positione datam circumferentiam. Vbi 2 lemmatibus præmissis propositiones generalissimas bipartitur & demonstrat.

6. Si à 2 punctis datis inflectantur rectæ, & à puncto ad positione ductam lineam abscissa à recta positione data ad datum punctum, & sint species ab inflexis æquales ei, quod à data & abscissa continetur, punctum ad inflexionem positione datam circumferentiam continget.

7. Si in circulo positione dato sit datum punctum, perque ipsum agatur quædam recta, & in ipsa punctum extra sumatur, sit autem quod sit à linea ducta vsque ad punctum intra datum æquale ei quod à tota & extra sumpta vel soli, vel vnà cum eo quod duabus quæ intra circulum portionibus continetur punctum extra sumptum positione datam rectam continget.

8. Et si hoc quidem punctum contingat positione datam rectam lineam, circulus autem non ponatur, quæ sunt ad vtrasque partes dati puncti, contingent positione eandem datam circumferentiam. Omitto locos ad superficiem, cuius Isagogem vir idem Cl. amicis communem fecit, & alia quæ vtiā ab eo tandem impetremus.

INCLINATIONVM PERGÆI

A GHETALDO RESTITVTARVM

PROPOSITIONES 4.

1. **I**N dato circulo aptare rectam magnitudine datam, quæ ad datum punctum pertingat.
2. Dato semicirculo & recta sit ipsius basi perpendicularis, inter ipsam perpendicularem, & circumferentiam semicirculi ponere rectam magnitudine datam, quæ ad semicirculi angulum pertingat.
3. Rhombo dato, & vno latere producto, aptare sub angulo exteriori rectam magnitudine datam, quæ ad oppositum angulum pertingat.
4. Rhombo dato, & duobus lateribus productis, aptare sub angulo

teriori, rectam magnitudine datam, quæ ad oppositum angulum pertingat.

His autem omnibus non ægrè feret Lector, si verbo librum acutum de sectionibus angularium subiunxerimus.



ANGVLARIVM SECTIONVM DOCTRINÆ

PROPOSITIONES XI.

1. **S**I fuerint triangula rectangula, quorum primi angulus acutus differat ab acuto secundi per acutum tertij, & sit excessus penes primum, latera tertij recipiunt hanc similitudinem.

Hypothenusæ, sit similis rectangulo sub hypothenusis primi & secundi.

Perpendiculum, simile rectangulo sub perpendiculo secundi & base primi.

Basis rectangulo sub basibus primi & secundi, plus rectangulo sub perpendiculis eorundem. *Est autem perpendiculum, latus cui acutus angulus subtenditur, basis verò quæ reliquum è recto subiendit.*

2. Si fuerint tria triangula rectangula, quorum primi angulus acutus adiunctus acuto secundi, æquet acutum tertij, latera tertij recipiunt hanc similitudinem.

Hypothenusæ, sit similis rectangulo sub hypothenusis primi & secundi.

Perpendiculum, simile rectangulo sub perpendiculo, & base secundi, plus rectangulo sub perpendiculo primi, & base primi.

Basis, rectangulo sub basibus primi & secundi, minus rectangulo sub perpendiculis eorundem.

3. Si fuerint triangula rectangula quotcunque, & horum secundi angulus acutus sit duplus ad acutum primi, tertij triplus, quarti quadruplus, & eo continuo naturali progressu; primi autem trianguli perpendiculum statuatur prima proportionalium, basis eiusdem secunda, eaque series continetur.

In secundo erit basis ad perpendiculum, vt tertia minus prima, ad secundam bis.

In tertio, vt quarta minus secunda ter, ad tertiam ter, minus prima.

In quarto, vt quinta minus tertia sexies, plus prima, ad quartam quater, minus secunda quater.

In quinto, vt sexta minus quarta decies, plus secunda quinquies, ad quintam quinquies, minus tertia decies plus prima.

Et ita in infinitum, distributis successiuè in duas partes proportionalibus, secundum earum seriem, vtroque primum affirmatis, deinde negatis, & sumptis multiplicibus, vt ordo graduum in artificiosa genesis potestatum, quibus ea addicuntur, exigit. *Vide duas tabellas, quibus Theorema potest in infinitum continuari.*

4. Si à termino diametri sumantur in circulo circumferentiæ quotcunque æquales, & ab altera extremitate educantur rectæ ad sumptarum circumferentiarum æqualium terminos, erit, vt semidiameter ad rectam à iam dicta extremitateeductam diametro proximam, ita quælibet intermedia, ad summam duarum in eadem semiperipheria sibi vtrunque proximarum. At sieducta sit minor subtensâ vnius æqualium partium, erit in prædicta ratione ad differentiam duarum sibi vtrunque proximarum.

5. Si in circumferentia circuli sumantur duo arcus continui inter se æquales, recta ab extremitate diametri ad communem illorum terminum ducta, erit ad aggregatum vel differentiam rectarum ab eadem extremitate diametri ad reliquos æqualium arcuum terminos ductarum, vt semidiameter ad subtensam complementi ad semicirculum vnius æqualium arcuum.

6. Si à termino diametri sumantur in circulo circumferentiæ quotcunque æquales, & ab altera extremitate educantur rectæ ad sumptarum circumferentiarum æqualium terminos,eductæ fiunt bases triangulorum, quorum communis hypothenusa est diameter; ac basis quidem diametro proximior intelligitur basis anguli simpli, succedens dupli, & eo continuo ordine: constituatur autem series linearum rectarum continuè proportionalium, quarum prima sit æqualis semidiametro, secunda basi anguli simpli, is reliquarum basium ordine succedentium erit progressus.

Tertia, continuè proportionalium, minus prima bis, erit æqualis basi anguli dupli.

Quarta, minus secunda ter, basi anguli tripli.

Quinta, minus tertia quater, plus prima bis, basi anguli quadrupli.

Et ita in infinitum, vt per loca proportionalium imparia noua affectio succedat affirmatæ negata, negatæ affirmata, & proportiona-

es illæ sint semper alternæ, & multiplices quidem, in prima adfectione, per vnitatis incrementum: in secunda per numeros triangulos, in tertia per numeros pyramidales; in quarta per numeros triangulo-triangulos; in quinta per numeros triangulo-pyramidales: non quidem ab vnitatem ut in potestatum genesi, sed à binario suum ducentes incrementum.

7. Si à termino diametri sumantur in peripheria circuli partes quotcunque æquales, & ab eiusdem diametri extremitate educantur rectæ ad singula sectionum puncta: erit ut semidiameter ad subtrahensam partium æqualium vni, ita reliquarum quælibet ab alterutro diametri terminoeducta, præter diametrum, aut diametro proximam, ad differentiam duarum à reliquo eiusdem terminoeductarum ad sectiones sibi vtrinque proximas. At ita diameter ipsa cum in sectionem æqualem incidit, vel cum non incidit, ei proxima in sectionem incidens, ad summam duarum ab altero diametri termino, ad proximas vtrinque sectioneseductarum.

8. Si fuerint triangula rectangula æqualia hypotenusæ, quorum primi angulus acutus sit in submultipla ratione ad angulos acutos succedentium ordine triangulorum, ad acutum videlicet secundi subduplus, tertij subtripplus, quarti subquadruplus, & eo continuo ordine: constituatur autem series rectarum continuè proportionalium, quarum prima sit æqualis semihypotenusæ, secunda perpendicularo anguli primi, inter succedentes continuè proportionales & succedentium triangulorum bases, ac perpendiculara, hæc erit æqualitas.

Prima bis, minus tertiâ continuè proportionalium, erit æqualis basi trianguli secundi.

Secunda ter minus quarta, perpendicularo trianguli tertij.

Prima bis minus tertia quater, plus quinta basi trianguli quarti.

Secunda quinquies, minus quarta quinquies, plus sextâ, perpendicularo trianguli quinti.

Et ita in infinitum, inuerso eo qui in quinto Theoremate expositus est ordine.

9. Si à puncto in peripheria circuli, sumantur segmenta quotcunque æqualia, & ab eodem ad singula sectionum puncta rectæ educantur; erit ut minima ad sibi proximam, ita reliquarum quæuis à minima deinceps, ad summam duarum sibi vtrinque proximarum.

10. Si à puncto in circuli circumferentia sumantur partes quotcunque æquales, & ab eodem educantur rectæ sumptarum circum-

ferentiarum æqualium terminos: constituatur autem series rectarum continuè proportionalium, quarum prima sit æqualis minimæ ductæ, secunda à minima secundæ, is reliquarum eductarum ordine succedentium erit progressus.

Tertia continuè proportionalium, minus primâ, erit æqualis tertiæ.

Quarta, minus secundâ bis, quartæ.

Quinta, minus tertiâ ter, plus primâ, quintæ. Et ita in infinitum, secundum numeros in quinto Theoremate expressos. Vide tabulam.

II. Si secetur semicircumferentia in partes quotcunque æquales, & ab altero diametri termino educantur rectæ ad quælibet sectionum puncta; est vt minimaeducta ad diametrum, ita composita ex diametro, minima & maxima, ad compositam ex omnibus eductis duplam.

IN HOC AVTEM LIBRO SEPTIMO

Pappi sunt Propositiones 238.

Post tractatus omnes præcedentes quædam circa Propositiones 238. quas Pappus hocce libro tradit aduertenda sunt, nempe primâ Propositione secari rectam in data ratione; alias verò Propositiones non posse absque diagrammatibus faciliè intelligi, nisi quis magna verborum ambage vtatur. A 22. Prop. agit de sectione determinata, de qua fusè loquitur Propos. 64. à qua librum inclinationum incipit, vt librum tactionum à Prop. 96. A Propos. 129. de porismatibus agit. Dehinc vsque ad Prop. 235. multa circa 8 conicorum libros aduertit: & à 235. Prop. de loco ad superficiem agit. Vide præclaram parabolæ proprietatem Prop. 238.

LIBRI OCTAVI PROPOSITIONES 22.

Post 24. Propositiones agit de quinque viribus, huncque librum ad filium Hermodorum mittit, in cuius Præfatione notat ex Herone mechanico duas esse partes mechanicæ, rationalem ex Geometria, Arithmetica, Astronomia, Physicisque rationibus constantem, & manuariam manuum opera egentem, atque adeo ex æraria, tectonica, pictura constantem. Artémque manganorum, pondera machinis in altum tollentem, & sagittas catapulis emittentem præcipue permittit.

Omitto *πνευματική*, & hydraulica, de quibus fusè, dictum est, ut aduertat Carpo teste librum de Sphæropœia, seu sphæræ constructione ab Archimede scriptum. Porro tractatum de graui & leui Pappus omittit, quod de iis egerit Ptolomæus in mechanicis, sed non extant. Hanc autem imprimis affert definitionem.

Centrum grauitatis vniuscuiusque corporis est punctum quoddam intra positum, à quo si graue dependens mente concipiatur, dum fertur quiescit, & seruat eam, quam in principio habebat, positionem, neque in ipsa latione circumuertitur. Vbi Commandinus obseruat non sufficere si corpus graue bis plano imponatur, sed tertio imponendum, ut grauitatis centrum appareat. Cum autem sequentes propositiones diagrammata supponant, eas minimè refero, quarum sexta docet quæ recta ita secetur, ut minor pars sit minoris potestate tripla. Octauâ, quomodo planum inclinetur, ut ipsius inclinatio vergat in vnum punctum plani non inclinati, seu horizonti æquidistantis, in parallelogrammo, & inclinatio sit in angulo dato.

Nonâ, dato pondere à data potentia dato in plano horizonti parallelo, & altero plano inclinato, quod ad subiectum planum datum angulum efficiat, quomodo inueniatur potentia, à qua pondus in plano inclinato ducatur. Vbi eum errasse dictum est libr. *Mechan. Prop. 13. Coroll. 5. Decima*, datum pondus data potentia moueri ad quod refertur Archimedeum, da mihi vbi consistam, & terram commouebo: huius propositionis factam ait constructionem libro *Βαρέλκοι*, sumpto lemmate quod demonstrauit in mechanicis, in quibus etiam de quinque viribus differit, nempe cuneo vecte, cochlea, polyspasto, & axe; nam libro *Περί τροχῶν* de rotulis datâ potentia mouentibus; libro inscripto *Βαρέλκοι* de tympanis dentatis, quorum diametri ad axis diametrum existentes ut 5 ad 1, moueant pondus mille talentorum, cum potentia 5 talentorum fuerit, sed de Glossocomo dictum est 11 *mechan. prop. 8. de trochleis*, & polyspastis 9 & 10.

Prop. 15 Pappus dato circulo sublimi, non tamen in plano ad subiectum planum recto, inuenit communem sectionem vtrorumque planorum, & eorundem inclinationem.

Decimasextâ, tribuit minimam lineam inter sphæræ superficiem, & subiectum planum interiectam.

Decimasextima, sphærâ posita, & puncto extra ipsam dato, inuenit punctum, in quo recta à dato puncto ad centrum sphæræ ducta circumferentiam secat.

Decima octauâ 2 punctis extra superficiem sphæræ datis, dat puncta, in quibus recta, data puncta contingens, sphæræ superficiem secat.

19. In dato circulo 7. hexagona describit, vnum circa idem, quod est circuli centrum; reliqua 6 à medij lateribus, quæ opposita latera habent ad circuli circumferentiam aptata.

21. Vt velocitas tympani A, ad velocitatem tympani B, ita dentium B multitudo ad multitudinem dentium A.

22. Circulorum circumferentiæ sunt vt eorum diametri.

23. Docet quomodo tympano dato tympanum aliud adhibeatur, & tympani diameter inueniatur.

24. Construit cochleam, helicem habens obliquam dentibus tympani dati congruentem. Vbi de quinque viribus agit, & de iis quæ in solo ducuntur, vel in altum trahuntur: de quibus cum partim tract. præcedente mechan. tum postea secuturo, fusc satis dixerimus, 8 Pappi libris finem apponamus.





MECHANICORVM LIBRI.

P R Æ F A T I O.



MECHANICE est ars, seu facultas quæ naturali materia, & demonstrationibus utitur, consulitque hominum necessitati, & utilitati, ac ipsam naturam imitatur, ut pictura; vel iuvat, ut medicina: vel superat, vel decipit, quæ quidem effectus mirabiles producit, ut constat ex cochlea, de qua Guido Vbaldus 4. libros conscripsit, per quam aqua non ob aliam rationem ascendit, nisi quia descendit; & ex machinis vi quarum fultus Archimedes dicebat, *δοῦς μὴ πῦρ, τῷ δὲ κοινῷ τῷ γῆ;* siue βαρυλῶν uteretur, quod Heroni tribuunt: siue ἐλκπῆνι illud instrumentum, quod vocamus cochleam, aut helicem infinitam, inuenerit; siue trispastò, & polyspasto illa miranda præstiterit, quæ passim de eo circumferuntur, siue quinque vires simul iunxerit, ut refert Iambographus Pisida, vectem nempe, trochleam, axem in peritrochio, cuneum, & cochleam, quibus Archimedis problema, *τῇ ἀθείῳ δυνάμει τὸ δοῦν βαρὺς κινῆσαι.* Quod non minus mirabile cupiam videatur, quàm illud Geometricum, mixtum angulum acuto quolibet maiorem, & minorem, non tamen æqualem dari posse; vel lineas in infinitum productas, propiusque inuicem semper accedentes nunquam posse concurrere, ut constat ex asymptotis cum hyperbole, & linea connoide cum recta linea, &c. Hos igitur Mechanicorum libros accipe, (mi THEOTIME) qui omnia ferè theoremata ad rotundam machinam reducentes, hoc axiomate nituntur: *Rotunda machina est mouentissima, & quo maior, eo mouentior;* quo ad illam diuinam sphaeram spe erigamur, cuius centrum ubique, circumferentia nullibi esse dicitur; & quæ tempus ab æuo.

Ire iubet, stabilisque manens dat cuncta moueri.

DE GRAVITATIS ET VNIVERSI CENTRO.

LIBER PRIMVS.

Quemadmodum præcedentes rerum Geometricarum tractatus, (mi-
THEOTIME) à materia sensibili, vt methaphysica ab omni, &
physica à singulari, abstraxerunt, ita libri mechanici genus omne ma-
teriæ inuoluunt, & artefacta tam in genere, quàm in specie, & in par-
ticulari considerant, quæ cum maxime à centro grauitatis, magnitu-
dinis, &c. pendeant, de eo prius agamus; iuxta ea quæ à Commandi-
no, Guid. Vbaldo, Valerio, & alijs tradita sunt.

PRIMA PARS CONTINENS DEFINITIONES, ET EA QVÆ spectant ad centrum vniuersi.

DEFINITIONES.

- I. **G**rauitas est virtus corporis grauis, qua deorsum nititur & mo-
uetur; quæ videtur oriri ex appetitu, quem habet graue ad sui
conseruationem: nisi quis malit descensum corporum grauium fieri à
qualitate attractiua terræ siue magneticâ, siue qualibet alia.
- II. Leuitas est virtus corporis leuis, qua sursum nititur & tendit; si ta-
men aliqua leuitas, & non potius minor solum grauitas detur in rerum
natura.
- III. Centrum grauitatis vniuscuiusque corporis est punctum illud in-
trâ, extrâve positum, circa quod vndique partes æqualium momento-
rum consistunt, ita vt si per tale centrum ducatur planum figuram quo-
modocumque secans, semper in partes æquiponderantes ipsum diui-
dat. *Aliter.* Est punctum illud, à quo si corpus suspendatur, quiescit, &
eam pòtionem seruat, quam in principio habuit, quantumcumque
moueatur, & circumferatur. Centrum verò grauitatis est vel linearum,

vel figurarum, vel solidorum.

IV. Centrum leuitatis est punctum, secundum quod leuia recta à centro sursum feruntur. Vtrumque verò tam grauitatis, quam leuitatis centrum, dicitur naturæ, quando corpora naturali ipsæ est qualitate, violentiæ verò, quando impetu impresso mouentur.

seu virtute aduentitia, qua in aliquam partem ab omnibus extremitatibus corporis distans æqualiter quod etiam est centrum magnitudinis omnium figurarum regularium circulo inscriptum, vel circumscriptarum. At in magnitudinibus irregularibus est punctum, per quod diuisa magnitudo relinquit duas partes æquales magnitudinis.

V. Centrum figuræ est punctum, à quo semidiametri exeunt: vel per quod transeunt diametri, vt circuli centrum, & ellipsis.

VI. Centrum vniuersi est punctum illud, ad quod omnia grauia rectis lineis feruntur: estque centrum omnium grauium: quod quidem vulgò assumitur, sed demonstrari nequit; cum probabile sit esse peculiare centrum grauitatis in quolibet systemate particulari vniuersi, seu in omnibus maioribus corporibus: nihil igitur temerè asserendum de centro vniuersi; quo tamen supposito, vtpote nostris experienciis arridente, sit.

VIII. Linea directionis, seu diameter grauitatis pendula, hoc est horizonti perpendicularis, est linea ducta à centro proprio vniuscuiusque grauis ad centrum vniuersi, quæ totuplex est, quæ totuplex est corpus graue extra centrum, & per quam vt motus directricem graue descendit, nisi impediatur: in quolibet autem illius puncto graue æquiponderare supponitur.

IX. Grauitatis corporeæ diameter, est recta infinita per grauitatis centrum acta, sicut diameter magnitudinis est linea recta ducta per centrum magnitudinis.

X. Grauitatis planum diametrale est quæcumque recta superficies per grauitatis centrum transiens: Quibus addi poterunt definitiones Commandini, quas affert libro de centro grauitatis solidorum, quem sequentibus propositionibus subiungemus.

DE CENTRO VNIVERSI.

PROPOSITIONES.

† **S**upponamus omnia graua mundi ad suum medium appetere, & rectis lineis ad illud ferri naturaliter, id enim ab omnibus ferè conceditur, quod tamen nondum demonstratum est: quis enim nouit, num siderum partes auulsæ grauitent, & ad suum astrum, velut lapides in altum sublatis ad terram, redeant; & an lapides, lunæ, verbi gratiâ, quàm terræ propinquiore, ad terram, aut ad lunam descensuri sint.

II.

Si centrum terræ est centrum vniuersi, distamus à centro mundi 1145 leucas, quarum vnaquæque 15000 pedes regio habet: quandoquidem diameter globi terreni est 2290 leucarum, maximusque propterea illius circulus 7200 leucarum, iuxta ea quæ demonstrauit Archimedes, nempe diametrum sphaeræ esse ad eius circumferentiam vt 7 ad 22 proximè.

III.

† Si solis centrum sit centrum vniuersi, statim plus, statim minus à medio mundi distamus; semidiametris nempe terrenis 1101. hyeme, cum sol sit perigæus; æstate verò 1182, quando est apogæus: itaque nobis hyeme vicinior erit 81 semidiametris terrenis: *De quibus in sphaericis dictum est*: deinceps verò quædam proponentur, quæ ex centro terreni globi pendent.

IV.

Tametsi lineæ ductæ à centro terræ ad eius circumferentiam magis semper à se ipsis recedant, quo magis distant à centro, attamen illarum partes inter pedem & altitudinem montium quantumuis sublimium interceptæ pro parallelis sumi possunt: ideoque non plures domus ædificari, arbores plantari, aut homines stare possunt supra montem, quàm super planam superficiem, cui mons innititur, quamuis montis superficies plani superficie quadruplo fuerit amplior.

V.

Ob maiorem capitis hominis 6 pedes alti, quàm pedum à centro terræ distantiam, caput hominis terram circumies 4 ferè leucis superaret spatium à pedibus confectum; *vt pagina 873 libri de veritate scientiarum.*

ostensum est. Quæ tamen maioris spatij differentia non est sensibilis in itinere vnus leucæ.

VI.

Vas in pede montis positum, vel in alio inferiori loco, plus aquæ, vel alterius humidi continet, quam in vertice montis, vel in alio superiori loco, idque ob maiorem portionem circuli à centro terræ per labra vasis inferioris, quàm vasis superioris ducti: verùm illud quo inferius excedit superius, sensibile non est.

VII.

✠ Nullus stare potest, nisi linea perpendicularis, seu directionis per illius pedes transeat: hinc fit vt homo sedens, cuius quietem, vel sessionem Aristoteles qu. 30. mechanicorum in rectum angulum refert, non possit surgere, donec acutum angulum caput, vel corpus cum cruribus efficiat, & caput cum pedibus in eadem directionis linea statuatur.

VIII.

Si centrum terræ sit centrum vniuersi, hoc centrum pluribus modis reperiri potest, duobus verò præsertim; primo, si duo longissima fila à se distantia à vertice turris vsque ad centrum descenderint, hæc enim eo magis ad se inuicem accedent, quo propiùs accesserint ad centrum: tot autem erunt partes à centro terræ vsque ad verticem turris æquales vni filo, quot erunt partes æquales excessui maioris distantie filorum supra minorem eorundem distantiam. Secundo, ab eleuatione data poli procedendo ad aliam maiorem, aut minorem vno gradu eleuationem; enimvero differentia vnus gradus dabit 20 leucas, quæ per 360 gradus multiplicatæ exhibent 7200 leucas pro circumferentia, ex qua nota semidiameter, atque adeò centrum terræ, seu vniuersi facile concluditur: hic autem modus est primo præferendus, cum in primo excessus prædictus sit insensibilis: vt pag. 875. libri de veritate scientiarum demonstratum est.

IX.

Si centrum terræ est centrum vniuersi, & terra ingenti pondere, qualis est exercitus, in vna parte posito, mutet locum descendendo, vel ascendendo, centrum vniuersi mobile est. Viderint astronomi num motus liberationis, siue trepidationis, qui in coelis obseruatus est in motum terræ referri possit. At verò definire quantū pondus sit necessarium vt terra locum mutet, videtur difficile; quod tamen facile erit, si bilanciū, vel librarum rationes sequamur.

X.

Si grauitas corporum oritur ex maiori densitate partium, an centrum terræ corporum densissimum? quam densitatem soli tribuunt, qui

statuunt illum pro centro vniuersi, huic enim tantumdem materiæ, quantum reliquis mundi corporibus tribuunt: quæ penitus incerta sunt.

S E C V N D A P A R S.

DE CENTRO GRAVITATIS SOLIDORVM.

CUm animaduertisset Commandinus Archimedem de centro planorum, libro *μετὰ βάρων ἑπταβιβιον*, quem supra dedimus, copiosissime, & acutissime scripssisse, nullum autem egisse de centro grauitatis solidorum, nec enim extat Maurolyci liber quem de hac materia composuisse dicitur; librum verò de iis quæ vehuntur in aqua, quem Latine reddiderat, huius centri cognitione indigere, tractatum sequentem edidit, cui tres Lucæ Valerij de eadem materia libros ob rationes suo loco explicandas subiungemus: sint igitur

DEFINITIONES.

I. Prima definitio docet quid sit centrum grauitatis, quæ nobis fuit inferius tertîa.

✦ **II.** Prismatis, cylindri, & portionis cylindri axis est recta linea, quæ oppositorum planorum centra grauitatis coniungit.

✦ **III.** Pyramidis, coni & portionis coni axis est linea, quæ à vertice ad centrum grauitatis basis perducitur.

✦ **IV.** Si pyramis conus, portio coni, vel conoidis secetur plano basi æquidistante, pars, quæ est ad basin, frustum pyramidis, coni, portionis coni, vel conoidis dicetur: quorum plana æquidistantia, quæ opponuntur, similia sunt, & inæqualia: axes verò sunt axium figurarum partes, quæ in ipsis comprehenduntur.

Postulata.

✦ **I.** Solidarum figurarum similium centra grauitatis similiter sunt posita.

✦ **II.** Solidis figuris similibus, & æqualibus, inter se aptatis, centra quoque grauitatis inter se aptata erunt.

Propositiones & Theoremata.

I.

✦ Omnis figuræ rectilinéæ in circulo descriptæ, quæ æqualibus lateribus, & angulis continetur, centrum grauitatis est idem, quod circuli centrum.

II.

Omnis figuræ rectilinéæ in ellipsi descriptæ, centrum grauitatis est idem quod ellipsis centrum.

III.

✦ Cuiuslibet portionis circuli, & ellipsis, quæ dimidia non sit maior, centrum grauitatis in portionis diametro consistit.

IV.

In circulo & ellipsi idem est figuræ, & grauitatis centrum. Vnde sequitur portionis circuli, vel ellipsis, quæ dimidia maior sit, centrum grauitatis in diametro quoque ipsius consistere.

V.

✦ Si prisma secetur plano oppositis planis æquidistante, sectio erit figura æqualis & similis ei, quæ est oppositorum planorum, centrum grauitatis in axe habens. Hinc constat cuiuslibet prismatis axem, parallelogrammorum lateribus, quæ ab oppositis planis ducuntur, æquidistare.

VI.

✦ Cuiuslibet prismatis centrum grauitatis est in plano, quod oppositis planis æquidistans reliquorum planorum latera bifariam diuidit.

VII.

✦ Cuiuslibet cylindri, & cylindri portionis centrum grauitatis est in plano, quod basibus æquidistans, parallelogrammi per axem latera bifariam secat.

VIII.

✦ Cuiuslibet prismatis, & cylindri, vel cylindri portionis grauitatis centrum in medio ipsius axis consistit.

IX.

✦ Si pyramis secetur plano basi æquidistante, sectio erit figura similis ei, quæ est basis, centrum grauitatis in axe habens.

X. Problema I.

Data qualibet pyramide, fieri potest, vt figura solida in ipsa inscribatur, & altera circumscribatur ex prismatibus æqualem altitudinem habentibus, ita vt circumscripta inscriptam excedat magnitudine, quæ minor sit quacumque solida magnitudine proposita.

XI. *Problema 2.*

Dato cono, fieri potest, vt figura solida inscribatur, & altera circumscribatur ex cylindris æqualem habentibus altitudinem, ita vt circumscripta superet inscriptam, magnitudine, quæ solida magnitudine proposita sit minor.

XII. *Problema 3.*

Data conici portione, potest solida quædam figura inscribi, & altera circumscribi ex cylindri portionibus æqualem altitudinem habentibus, ita vt circumscripta inscriptam exuperet, magnitudine quæ minor sit solida magnitudine proposita.

XIII. *Probl. 4.*

Data sphaeræ portione, quæ dimidia sphaera maior non sit, potest solida quædam portio inscribi, & altera circumscribi ex cylindris æqualem altitudinem habentibus, ita vt circumscripta inscriptam excedat, magnitudine, quæ solida proposita magnitudine sit minor.

XIV.

Cuiuslibet pyramidis, & conici, vel conici portionis, centrum grauitatis in axe consistit.

XV.

Cuiuslibet portionis sphaeræ, vel sphaeroidis, quæ dimidia maior non sit: itemque cuiuslibet portionis conoidis, vel abscissæ plano ad axem recto, vel non recto, centrum grauitatis in axe consistit.

XVI.

In sphaera, & sphaeroide idem est grauitatis, & figuræ centrum: & per consequens portionis sphaeræ, vel sphaeroidis centrum grauitatis in axe consistit.

XVII.

Cuiuslibet pyramidis triangularem basim habentis grauitatis centrum est in puncto, in quo ipsius axes conueniunt.

XVIII.

Si solidum parallelepipedum secetur plano basibus æquidistante: erit solidum ad solidum, sicut altitudo ad altitudinem, vel sicut axis ad axem.

XIX.

Solida parallelepipeda in eadem basi, vel in æqualibus basibus constituta eaminter se proportionem habent, quam altitudines: & si axes ipsorum cum basibus æquales angulos contineant, eam quoque quam axes proportionem habebunt.

Ex quibus patet prismata omnia, & pyramides, quæ triangulares bases

habent, siue in eisdem, siue in aequalibus basibus constituentur, eandem proportionem habere quam altitudines: & si axes cum basibus aequales angulos contineant, similiter eandem quam axes, habere proportionem: sunt enim solida parallelepipeda prismatum triangulares bases habentium dupla: & pyramidum sextupla.

XX.

Prismata omnia, & pyramides quæ in eisdem, vel æqualibus basibus constituuntur, eam inter se proportionem habent quam altitudines: & si axes cum basibus faciunt angulos æquales, eam etiam, quam axes habent proportionem.

XXI.

Prismata omnia, & pyramides inter se proportionem habent compositam ex proportione basium, & proportione altitudinum.

Hinc constat prismata omnia, & pyramides, in quibus axes cum basibus aequales angulos continent, proportionem habere compositam ex basium proportionem, & proportione axium; demonstratum est enim axes inter se eandem proportionem habere, quam ipsæ altitudines.

XXII.

Cuiuslibet pyramidis, & cuiuslibet coni, vel coni portionis axis à centro grauitatis ita diuiditur, vt pars, quæ terminatur ad verticem reliquæ partis, quæ ad basim sit tripla.

XXIII. *Probl. 5.*

Quodlibet frustum à pyramide, quæ triangularem basim habeat, abscissum, diuiditur in tres pyramides proportionales, in ea proportione, quæ est lateris maioris basis ad latus minoris ipsi respondens.

XXIV.

Quodlibet frustum pyramidis, vel coni, vel coni portionis, plano basi æquidistanti ita secare, vt sectio sit proportionalis inter maiorem, & minorem basim.

XXV.

Quodlibet frustum pyramidis, vel coni, vel coni portionis ad pyramidem, vel conum, vel coni portionem, cuius basis eadem est, & æqualis altitudo, eandem proportionem habet, quàm utræque bases, maior & minor simul sumptæ vnà cum ea, quæ inter ipsas sit proportionalis, ad basim maiorem.

XXVI.

† Cuiuslibet frusti à pyramide, vel cono, vel coni portione abscissi, centrū grauitatis est in axe, ita vt eo primū in duas portiones diuiso, portio superior, quæ minorem basim attingit, ad portionem reliquam eam habeat proportionem, quam duplum lateris, vel diametri maioris

basis vnà cum latere, vel diametro minoris, ipsi respondente, habet ad duplum lateris, vel diametri minoris basis vnà cum latere, vel diametro maioris: deinde à puncto diuisionis quarta parte superioris portionis in ipsa sumpta: & rursus ab inferioris portionis termino, qui est ad basim maiorem, sumpta quarta parte totius axis: centrum sit in linea, quæ his finibus continetur, atque in eo lineæ puncto, quo sic diuiditur, vt tota linea ad partem propinquiorem minori basi, eandem proportionem habeat, quam frustum ad pyramidem, vel conum, vel coni portionem, cuius basis sit eadem, quæ basis maior, & altitudo frusti altitudini æqualis.

XXVII. *Probl. 6.*

Omnium solidorum in sphaera descriptorum, quæ æqualibus, & similibus basibus continentur, centrum grauitatis est idem, quod sphaeræ centrum.

XXVIII. *Probl. 7.*

Data qualibet portione conoidis rectanguli, abscissa plano ad axem recto, vel non recto, fieri potest, vt portio solida inscribatur, vel circumscribatur ex cylindris, vel cylindri portionibus, æqualem habentibus altitudinem, ita vt recta linea, quæ inter centrum grauitatis portionis, & figuræ inscriptæ, vel circumscriptæ intericiatur, sit minor qualibet recta linea proposita.

Vnde patet centrum grauitatis figura inscripta & circumscripta eo magis accedere ad portionis centrum, quo pluribus cylindris, vel cylindri portionibus constet: fiatque figura inscripta maior, & circumscripta minor: & quamquam continenter ad portionis centrum propius admoneatur, nunquam tamen ad ipsum perueniet: sequeretur enim figuram inscriptam non solum portioni, sed etiam circumscripta figuræ æqualem esse, quod est absurdum.

XXIX.

† Cuiuslibet portionis conoidis rectanguli axis à centro grauitatis ita diuiditur, vt pars quæ terminatur ad verticem, reliquæ partis, quæ ad basim sit dupla.

XXX.

Si à portione conoidis rectanguli alia portio abscindatur, plano basi æquidistante, habebit portio tota ad eam, quæ abscissa est, duplam proportionem eius, quæ est basis maioris portionis ad basim minoris, vel quæ axis maioris ad axem minoris.

† Cuiuslibet frusti à portione rectanguli conoidis abscissi, centrum grauitatis est in axe, ita vt demptis primùm à quadrato, quod sit ex

diametro maioris basis, tertia ipsius parte, & duabus tertiis quadrati, quod fit ex diametro basis minoris : deinde à tertia parte quadrati maioris basis rursus dempta portione, ad quam reliquum quadrati basis maioris vnà cum dicta portione, duplam proportionem habeat eius, quæ est quadrati maioris basis ad quadratum minoris : centrum sit in eo axis puncto, quo ita diuiditur, vt pars quæ minorem basim attingit, ad alteram partem eandem proportionem habeat, quam dempto quadrato minoris basis à duabus tertiis quadrati maioris, habet id, quod reliquum est vnà cum portione à tertia quadrati maioris parte dempta, ad reliquam eiusdem tertiæ portionem.

T E R T I A P A R S

C O N T I N E N S T R E S L I B R O S

Lucæ Valerii de centro grauitatis solidorum.

CUm Lucas Valerius animaduertisset corporum planis terminis definitorum, nec non cylindri, & conij, & frusti conici, & sphæræ, & sphæroidis centrum grauitatis à Commandino ostensum fuisse; aliorum autem, quæ superficie mixta continentur, vno conoide parabolico tentato, centrum grauitatis ab eo inueniri non potuisse, tribus libris ostendit centrum grauitatis non solum conoidis parabolici, sed etiam hyperbolici, & frusti vtriusque, & portionis vtriusque conoidis, & portionis frusti, & hemisphærij, & hemisphæroidis, & cuiuslibet portionis sphæræ, & sphæroidis vno & duobus parallelis abscissæ. Tametsi autem quibusdam Archimedis, & Commandini propositionibus vtatur, vtpotè Archimedis 14. 17. & secunda parte vigesimæ, in primo libro, & vna, in secundo libro: Commandini verò, in primo libro 23. 25. 32. 33. 34. 37. 39. 41. & 42. omnes tamen referemus, vt aliæ propositiones facilius intelligantur.

LIBER PRIMVS.

DEFINITIONES.

† I. **F**iguræ aliquæ planæ multilateræ centrum habere dicuntur punctum illud, in quo omnes rectæ lineæ vel angulos oppositos iungentes bifariam secantur, vel ab angulis ductæ ad laterum oppositorum bipartitas sectiones in easdem rationes.

II. Circa diametrum est figura plana, in qua recta quædam, quæ diameter figuræ dicitur, omnes rectas alicui parallelas, à figura terminatas bifariam diuidit.

III. Octaedron communiter dictum, est figura solida octo triangulis binis parallelis, æqualibus & similibus comprehensa.

IV. Polyedri regularis centrum dicitur punctum, in quo omnes rectæ lineæ, quæ ad angulos oppositos pertinent, bifariam diuiduntur.

V. Cuiuslibet figuræ grauis centrum grauitatis est punctum illud, à quo suspensum graue per se manet partibus quomodocumque circa constitutis.

VI. Axis prismatis, & pyramidis eius frusti dicitur recta linea, quæ in pyramide à vertice ad basis centrum figuræ vel grauitatis pertinet: in reliquis autem, quæ basium oppositarum figuræ vel grauitatis pertinet: in reliquis autem, quæ basium oppositarum figuræ vel grauitatis centra coniungit.

VII. Si qua figura solida planis parallelis ita secari possit, vt quæcumque sectiones centrum habeant, & sint inter se similes: aliqua autem recta linea; siue ad centra basium oppositarum prædictis sectionibus parallelarum, & similium, vt in cylindro: siue ad verticem, & centrum basis terminata, vt in cono, hemisphærio, & conoide, transeat per centra omnium prædictarum sectionum; ea talis figuræ axis nominetur: ipsa autem figura, solidum circa axim. Quæ si vel vnâ tantum habeat basim, vel duas inæquales, & parallelas: duarum autem quarumlibet prædictarum sectionum vertici, vel minoris basi propinquior sit minor remotiori: solidum circa axem in alteram partem deficiens nominetur: quo nomine significari etiam volumus ea solida, quorum quælibet sectiones basi parallelæ, quamuis non sint basi omnino similes, tamen iis figuris deficiunt, quæ sunt similes basi, ac totis iis, à quibus ipsæ ablata intelliguntur, ita vt tota figura &

ablata habeant commune centrum in vna recta linea ad centrum basis terminata, quæ & ipsa talis solidi axis nominetur.

POSTULATA.

- I. **O**mnis figuræ grauis vnum esse centrum grauitatis.
- II. Omnium figurarum sibi mutuò congruentium centra grauitatis mutuò sibi congruere.
- III. Omnis figuræ, cuius termini omnis cauitas est interior, intra terminum esse centrum grauitatis.
- IV. Similium triangulorum similiter posita esse centra grauitatis. In triangulis autem similibus similiter posita puncta esse dicuntur, à quibus rectæ ad angulos æquales ductæ cum lateribus homologis angulos æquales faciunt.
- V. Æqualia graua ab æqualibus longitudinibus secundum centrum grauitatis suspensa æquiponderare.
- VI. A quibus longitudinibus duo graua æquiponderant, ab iisdem alia duo quælibet illis æqualia æquiponderare.

PROPOSITIONES.

I.

SI sint quotcumque magnitudines inæquales deinceps proportionales: excessu, quibus differunt, deinceps ab angulis proportionales erunt, in proportionem totarum magnitudinum.

II.

In omni triangulo vnum dumtaxat punctum est, in quo rectæ ad latera incidentes secant sese in eisdem rationibus & segmenta, quæ ad angulos, sunt reliquorum dupla: & prædictæ incidentes, secant trianguli latera bifariam.

III.

In similibus triangulis rectæ lineæ, quæ inter centra, & alia in iis similiter posita puncta intericiuntur, proportionales sunt in proportionem laterum homologorum.

IV.

Datis duobus triangulis scalenis similibus, & dato puncto in altero eorum, vnum dumtaxat punctum in reliquo triangulo prædicto puncto similiter positum potest inueniri.

V.

Cuiuslibet figuræ planæ rectangulum æquale potest esse.

VI.

Omni figuræ circa diametrum in alteram partem deficienti figura quædam ex parallelogrammis æqualium altitudinum inscribi potest, & altera circumscribi, ita ut circumscripta superet inscriptam minori spatio quantacumque magnitudine proposita. Semper autem in similibus intellige, eiusdem generis.

VII.

Pyramides similibus, & æqualibus triangulis comprehensæ inter se sunt æquales.

Corollarium. Hinc facile colligitur omnia solida, quæ in pyramides æqualibus, & similibus triangulis comprehensas multitudine æquales diuidi possunt, esse inter se æqualia. Quocirca omnia prismata, & pyramides, & octoedra, omnia denique corpora regularia æqualibus, & similibus planis comprehensa inter se æqualia erunt.

VIII.

✦ Omnis pyramidis triangulam basim habentis quatuor axes secant se in vno puncto in eisdem rationes, ita ut segmenta quæ ad angulos, eorum quæ ad opposita triangula sint tripla: ex quo puncto tota pyramis diuiditur in quatuor pyramides æquales. Et in nullo alio puncto quatuor rectæ lineæ ductæ ab angulis ad triangula opposita pyramidis secant se in eisdem rationes. Vocetur autem punctum hoc centrum dictæ pyramidis.

IX.

Omnis pyramis basim habens triangulam diuiditur in quatuor pyramides æquales, & similes inter se, & toti, & vnum octaedrum totius pyramidis dimidium, ipsique concentricum.

X.

✦ Omne frustum pyramidis triangulam basim habentis, siue conus, ad pyramidem, vel conum, cuius basis est eadem, quæ maior basis frusti, & eadem altitudo, eam habet proportionem, quam duo latera homologa, vel duæ diametri basium ipsius frusti, vnâ cum tertia minori proportionali ad prædicta duo latera, vel diametros: ad maioris basis latus, vel diametrum. Ad prisma autem, vel cylindrum, cuius eadem est basis, quæ maior basis frusti, & eadem altitudo: ut tres prædictæ deinceps proportionales simul, ad triplum lateris, vel diametri maioris basis.

XI.

Omni solido circa axem in alteram partem deficienti, cuius basis sit

fit circulus, vel ellipsis, figura quædam ex cylindris, vel cylindri portionibus, æqualium altitudinum inscribi potest, & altera circumscribi, ita ut circumscripta superet inscriptam minori excessu quacumque magnitudine propo sita.

XII. Dato parallelepipedo erecto circa datam rectam lineam tanquam

axim, erectum parallelepipedum æquale constituere.

XIII.

Cuilibet figuræ solidæ parallelepipedum æquale potest esse.

XIV. Omnis parallelogrammi centrum gravitatis diametrum bifariam

diuidit.

✦ *Corollarium.* Hinc manifestum est omnis parallelogrammi centrum gravitatis esse in medio rectæ, quæ oppositorum bipartitorum laterum sectiones iungit.

XV.

✦ Si quodlibet parallelogrammum in duo parallelogramma diuidatur, & eorum centra gravitatis iungantur recta linea: totius diuisi parallelogrammi centrum gravitatis prædictam lineam ita diuidit, ut eius segmenta è contrario respondeant prædictis partibus parallelogrammis.

XVI.

✦ Plana graua æquiponderant à longitudinibus ex contraria parte respondentibus.

Coroll. Hinc manifestum est si cuiuslibet figuræ planæ utcumque sectæ centra gravitatis partium iungantur recta linea, talem lineam à centro gravitatis totius prædicti plani ita secari, ut segmenta ex contrario respondeant prædictis partibus.

XVII.

✦ Si totum quoduis planum, & pars aliqua non habeant idem centrum gravitatis, & eorum centra iungantur recta linea: in ea producta ad partes centri gravitatis totius, erit reliquæ partis centrum gravitatis.

XVIII.

Si totum quoduis planum sit vni parti concentricum secundum centrum gravitatis, & reliquæ erit concentricum. Et si partes inter se sint concentricæ, & toti erunt concentricæ.

XIX.

Omnis trianguli rectilinei idem est centrum gravitatis, & figuræ.

Propositio. Datis duobus triangulis isoscelijs similibus, & in altero eorum dato puncto extra rectam quæ à vertice ad medium basis cadit,

duo puncta in reliquo triangulo prædicto puncto similiter posita inuenire.

XX.

Omnes trapezij habentis duo latera parallela centrum grauitatis est in illa recta, quæ prædictorum bipartitorum laterum sectiones iungit. Atque in eo puncto, in quo tertia pars eius media sic diuiditur, vt segmentum propinquius minori parallelarum ad reliquum eam proportionem habeat, quam maior parallelarum ad minorem. Talis autem rectæ lineæ sic diuisæ segmentum minorem parallelarum attingens est ad reliquum, vt dupla maioris parallelarum vnà cum minori, ad duplam minoris vnà cum maiori.

XXI.

† Omnis polygoni æquilateri, & æquianguli idem est centrum grauitatis, & figuræ.

XXII.

† Omnis figuræ circa diametrum in alteram partem deficientis, in diametro est centrum grauitatis.

Coroll. Ex huius theorematibus demonstratione constat omnis figuræ planæ, siue solidæ, cuius termini omnis cavitatis sit interior, atque ideo intra terminum centrum grauitatis: & cuius pars aliqua esse possit, quæ à tota figura deficiens minori defectu quacumque magnitudine proposita habeat centrum grauitatis in aliqua certa linea rectâ intra terminum figuræ constituta, esse in ea recta linea totius figuræ centrum grauitatis. Ac proinde, cum per 11 huius, omni solido circa axim in alteram partem deficienti, & basim habenti circulum, vel ellipsim figura inscribi possit, ex cylindris, vel cylindri portionibus, à prædicto solido deficiens minori spatio quacumque magnitudine proposita: talis autem figuræ inscriptæ, quemadmodum & circumscriptæ centrum grauitatis sit in axe, vt ex sequentibus patebit, & nunc cogitanti facile patere potest: manifestum est omnis solidi circa axim in alteram partem deficientis centrum grauitatis esse in axe.

XXIII.

Circuli, & ellipsis idem est centrum grauitatis & figuræ.

XXIV.

Si duarum pyramidum triangulas bases habentium æqualium, & similium inter se, tria latera tribus lateribus homologis fuerint in directum constituta, in vertice communi erit vtriusque simul centrum grauitatis.

XXV.

† Omnis parallelepipedum centrum grauitatis est in medio axis.

Si parallelepipedum in duo parallelepipeda secetur, segmenta axis à centrīs grauitatis totius parallelepipedi, & partium terminata ex contrario parallelepipedi partibus respondent.

XXVI.

✦ Solida grauiæ æquiponderant à longitudinibus ex contraria parte respondentibus.

XXVII.

✦ Quarumlibet trium magnitudinum eiusdem generis centra grauitatis cum centro magnitudinis ex iis compositæ sunt in eodem plano.

XXIX.

✦ Si à cuiuslibet trianguli centro, & tribus angulis quatuor rectæ inter se parallelæ plano trianguli insistant: tres autem magnitudines æquales habeant centra grauitatis in iis tribus, quæ ad angulos trium magnitudinum simul centrum grauitatis erit in ea, quæ ad trianguli centrum terminatur.

XXX.

✦ Omnis octaedri idem est centrum grauitatis, & figuræ.

XXXI.

Omnis pyramidis triangulam basim habentis idem est centrum grauitatis & figuræ.

Coroll. Hinc manifestum est centrum grauitatis pyramidis triangulam basim habentis esse in eo puncto, in quo sic axis diuiditur, ut pars quæ ad verticem, sit reliquæ tripla.

XXXII.

✦ Omnis pyramidis basim plusquam trilateram habentis centrum grauitatis axim ita diuidit, ut pars, quæ est ad verticem, sit tripla reliquæ.

XXXIII.

✦ Omnis prismatis triangulam basim habentis centrum grauitatis est in medio axis.

XXXIV.

Omnis prismatis basim plusquam trilateram habentis centrum grauitatis est in medio axis.

XXXV.

✦ Omnis frusti pyramidis triangulam basim habentis centrum grauitatis est in axe, primum ita diuiso, ut segmentum attingens minorem basim sit ad reliquum, ut duplum vnius laterum maioris basis vnâ cum latere homologo minoris, ad duplum prædicti lateris minoris basis, vnâ cum latere homologo maioris. Deinde à puncto sectionis

abscissa quarta parte segmenti, quod maiorem basim attingit, & à puncto, in quo ad minorem basim axis terminatur sumpta item quarta parte totius axis: in eo puncto, in quo segmentum axis duabus posterioribus sectionibus finitum sic diuiditur, vt segmentum eius maiori basi propinquius sit ad totum prædictum interiectum segmentum, vt tertia proportionalis minor ad duo latera homologa basium oppositarum, ad compositam ex his tribus deinceps proportionalibus.

XX XVI.

✦ Omnis frusti pyramidis basim plusquam trilateram habentis centrum grauitatis est punctum illud, in quo axis sic diuiditur, vt axis frusti pyramidis triangulam basim habentis diuidatur ab ipsius centro grauitatis.

XXXVII.

✦ Dodecaëdri, & icosaëdri idem est centrum grauitatis & figuræ.

XXXVIII.

Data qualibet figura, cuius termini omnis cauitas sit interior, si certum in ea punctum talis eius partis centrum grauitatis esse possit, quæ ab ea deficiat minori spatio: quantacumque magnitudine propositâ: illud erit totius figuræ centrum grauitatis.

XXXIX.

✦ Omnis coni centrum grauitatis axim ita diuidit, vt segmentum ad verticem sit reliqui triplum.

XL.

✦ Omnis frusti conici centrum grauitatis idem est in axe centro grauitatis frusti pyramidis basim habentis æquilateram, & æquiangulam inscriptæ cono, abscissi eodem plano, quo coni frustum.

XLI.

✦ Omnis cylindri centrum grauitatis axim bifariam diuidit.

XLII.

✦ Sphæræ, & sphæroidis idem est centrum grauitatis, & figuræ.

LIBER SECVNDVS.

PROPOSITIONES.

I.

SI duæ magnitudines vnâ maiores, vel minores prima, & tertia minori excessu, vel defectu quantacumque magnitudine proposita eiusdem generis cum illa, ad quam refertur, eandem proportionem habuerint, maior vel minor prima ad secundam, & vnâ maior vel minor tertia ad quartam: erit vt prima ad secundam, ita tertia ad quartam.

II.

Si maior, vel minor prima ad vnâ maiorem, vel minorem secunda, minori vtriusque excessu, vel defectu quantacumque magnitudine proposita fuerit vt tertia ad quartam: erit vt prima ad secundam, ita tertia ad quartam.

III.

Si maior, vel minor prima ad vnâ maiorem, vel minorem secunda, minori excessu, vel defectu quantacumque magnitudine proposita, nominatam habuerit proportionem: prima ad secundam eandem nominatam habebit proportionem.

IV.

Si sint tres magnitudines sese æqualiter excedentes, minor erit proportio minimæ ad mediam quàm mediæ ad maximam.

V.

Si sit minor proportio primæ ad secundam, quàm secundæ ad tertiam, ab ipsis autem æquales auferantur: erit minor proportio reliquæ primæ ad reliquam secundæ, quàm reliquæ secundæ ad reliquam tertiæ.

VI.

Si sint tres magnitudines inæquales, & aliæ illis multitudine æquales, binæque in duplicata primarum proportionem: sit autem minor proportio primæ ad secundam, quàm secundæ ad tertiam in primis: erit minor portio primæ ad secundam, quàm secundæ ad tertiam in secundis.

VII.

Si sint 81 magnitudines quaternæ proportionales: tertiæ autem vtriusque ordinis inter se sint vt primæ: erit vt composita ex pri-

mis ad compositam ex secundis, ita composita ex tertiis ad compositam ex quartis.

VIII.

Si sint tres magnitudines sese æqualiter excedentes: & aliæ eiusdem generis illis multitudine æquales, binæque sumptæ in duplicata primarum proportionem: erit vtriusque ordinis minor proportio compositæ ex primis ad compositam ex secundis, quàm compositæ ex secundis ad compositam ex tertiis.

IX.

Si recta linea vtcumque secta fuerit, cubus qui fit à tota, æqualis est duobus solidis rectangulis, quæ ex partibus, & totius quadrato fiunt.

X.

Si recta linea vtcumque secta fuerit, cubus qui fit à tota, æqualis est cubis partium, & duobus solidis rectangulis, quæ partium triplis, & eandem quadratis reciproce continentur.

XI.

Si linea recta vtcumque secta fuerit, cubus qui fit à tota, æqualis est cubis partium, vnà cum solido rectangulo, quod totius tripla, & partibus continetur.

XII.

† Hemisphærium duplum est coni, cylindri autem subsequalterum eandem ipsi basim, & eandem altitudinem habentium.

XIII.

† Omnis minor sphæræ portio, ad cylindrum, cuius basis æqualis est circulo maximo, altitudo autem eadem portioni, eam habet proportionem, quam excessus, quo tripla semidiametri sphæræ excedit tres deinceps proportionales, vt quarum maxima est sphæræ semidiameter, media verò quæ inter centra sphæræ & basis portionis interiicitur: ad semidiametri sphæræ triplam.

XIV.

† Omnis portio sphæræ abscissa duobus planis parallelis altero per centrum actò ad cylindrum, cuius basis est eadem basi portionis, siue circulo maximo, & eadem altitudo, eam habet proportionem, quam excessus, quo maior extrema ad sphæræ semidiametrum, & axim portionis excedit tertiam partem axis portionis: ad maiorem extremam ante dictam.

XV.

† Omnis portio sphæræ abscissa duobus planis parallelis neutro per centrum, nec centrum intercipientibus ad cylindrum, cuius basis æqualis est circulo maximo, altitudo autem eadem portioni, eam proportionem habet, quam excessus, quo maior extrema ad triplas semidiametri sphæræ, & eius quæ inter centrum sphæræ, & minoris basis portionis interiicitur, superat tres deinceps proportionales, quæ

rum maxima est quæ inter centra sphaeræ, & minoris basis, media autem, quæ inter centra sphaeræ, & maioris basis portionis intericitur, ad maiorem extremam antedictam.

XVI.

✠ Omnis maior sphaeræ portio ad cylindrum, cuius basis æqualis est circulo maximo, altitudo autem eadem portioni, eam habet proportionem, quam ad axim portionis habet excessus, quo segmentum axis portionis inter sphaeræ centrum, & basim portionis interiectum superat tertiam partem minoris extremæ maiori posita prædicto axis segmento in proportionem semidiametri sphaeræ ad prædictum segmentum, vñà cum subsesquialtera reliqui axis segmenti.

XVII.

Omnis portio sphaeræ abscissa duobus planis parallelis centrum intercipientibus ad cylindrum eiusdem altitudinis, cuius basis æqualis est circulo maximo, eam habet proportionem, quam ad axim portionis habet excessus, quo axis portionis superat tertiam partem compositæ ex duabus minoribus extremis, maioribus positis duobus axis segmentis, quæ sunt à centro sphaeræ in rationibus semidiametri sphaeræ ad prædicta segmenta.

XVIII.

Omne conoides parabolicum dimidium est cylindri, conici autem sesquialterum eandem ipsi basim, & eandem altitudinem habentium.

XIX.

Omnis prismatis triangulam basim habentis centrum grauitatis rectam lineam, quæ cuiuslibet trium laterum bipartiti sectionem, & oppositi parallelogrammi centrum iungit, ita diuidit, vt pars, quæ attingit latus, sit dupla reliquæ.

XX.

Omnis prismatis basim habentis trapezium, cuius duo latera inter se sint parallela, centrum grauitatis rectam lineam, quæ æquè inter se distantium parallelogrammorum centra iungit, ita diuidit, vt pars, quæ dictorum parallelogrammorum minus attingit, sit ad reliquam, vt duorum basis laterum parallelorum dupla maioris, vñà cum minori ad duplam minoris vñà cum maiori.

XXI.

Si à quolibet prædicto prismate duo prismata bases habentia triangulas sint ita abscissa, vt parallelepipedum relinquant basim habens minus parallelogrammorum inter se parallelorum prædicti prismatis, maioris autem partes æqualia parallelogramma ipsum parallelepipedum relinquat, centrum grauitatis vtriusque abscissi prismatis tanquam

vnus magnitudinis rectam lineam, quæ prædicti prismatis parallelorum parallelogrammorum centra iungit, ita diuidit, vt pars quæ minus parallelogrammum attingit sit dupla reliquæ.

XXII.

✦ Si sint duæ pyramides æquales, & æquæ altæ, bases habentes in eodem plano, quarum vertex recta linea connectens cum ea, quæ basium centra grauitatis iungit, sit in eodem plano: earum centrum grauitatis tanquam vnus magnitudinis rectam lineam, quæ inter vertex, & centra basium interiectas bifariam secat, ita diuidit, vt pars superior sit inferioris tripla.

XXIII.

✦ Omnis frusti pyramidis basium habentis parallelogrammum centrum grauitatis maiori basi est propinquius, quàm punctum illud, in quo axis sic diuiditur, vt pars minorem basium attingens, sit ad reliquam, vt dupla cuiusuis laterum maiori basis vnà cum latere minoris sibi respondente, ad duplam dicti lateris minoris basis vnà cum maioris sibi respondente.

XXIV.

Omnis frusti conici centrum grauitatis propinquius est maiori basi, quàm punctum illud, in quo axis sic diuiditur, vt pars minorem basium attingens sit ad reliquam, vt dupla diametri maiori basis vnà cum minoris diametro ad duplam diametri minoris basis, vnà cum diametro maiori.

XXV.

Si sint quotcumque magnitudines, & aliæ illis multitudine æquales, binæque sumptæ in eadem proportionē, quæ commune habeant centrum grauitatis, centra autem grauitatis omnium sint in eadem recta linea: primæ & secundæ tanquam duæ magnitudines commune habebunt centrum grauitatis.

XXVI.

✦ Si sint quotcumque magnitudines, & alię ipsis multitudine æquales primarum, ex quibus centra grauitatis in eadem recta linea disposita sint alternatim ad centra grauitatis secundarum, quarum magnitudinum binæ eodem ordine, qui sumitur ab eodem prædictæ lineæ termino vnà in primis, & altera in secundis inter se sint æquales: omnium primarum simul, ex quibus primæ centrum grauitatis propinquius est prædicto lineæ termino, quàm primæ secundarum, propinquius erit prædicto lineæ termino, quàm omnium secundarum simul centrum grauitatis.

XXVII.

XXVII.

Si sint quotcumque magnitudines, & aliæ illis multitudine æquales, quæ binæ commune habeant in eadem recta centrum gravitatis: sumpto autem ordine ab vno eius lineæ termino, maior sit proportio primæ ad secundam in primis, quàm primæ ad secundam in secundis: & secundæ ad tertiam in primis maior quàm secundæ ad tertiam in secundis, & sic deinceps vsque ad vltimas: erit omnium primarum simul centrum gravitatis propinquius prædicto lineæ termino, à quo sumitur ordo, quàm omnium secundarum.

XXVIII.

Si sint quotcumque magnitudines, & aliæ ipsis multitudine æquales, quarum omnium centra gravitatis sint in eadem recta linea, & centra primarum ad centra secundarum disposita sint alternatim: sit autem maior proportio primæ ad secundam in primis, quàm primæ ad secundam in secundis: & secundæ ad tertiam in primis, maior quàm secundæ ad tertiam in secundis, & sic deinceps vsque ad vltimas: erit omnium primarum simul centrum gravitatis propinquius prædictæ lineæ termino, à quo sumitur ordo omnium secundarum centrum gravitatis.

XXIX.

Data figuræ circa diametrum, vel axim in alteram partem deficienti, super basim rectam lineam vel circulum, vel ellipsum: cuius figuræ basis, & sectiones omnes parallelæ segmenta æqualia diametri vel axis intercipientes ita se habeant, vt quarumlibet trium proximarum minor proportio sit minimæ ad mediam, quàm mediæ ad maximam: figura quædam ex cylindris, vel cylindri portionibus, vel parallelogrammis æqualium altitudinum circumscribi potest, cuius centrum gravitatis sit propinquius basi quàm cuiuslibet datæ figuræ, qualem diximus, quæ prædictæ figuræ circa diametrum, vel axim circumscripta sit.

XXX.

Omnis prædictæ figuræ centrum gravitatis est propinquius basi, quàm cuiuslibet figuræ ex cylindris, vel cylindri portionibus, vel parallelogrammis æqualium altitudinum ipsi circumscriptæ.

XXXI.

Omni prædictæ figuræ quædam ex cylindris, vel cylindri portionibus, vel parallelogrammis æqualium altitudinum circumscribi potest, cuius centri gravitatis distantia à prædictæ figuræ centro gravitatis sit minor quantacumque longitudine proposita.

XXXII.

Si duarum prædictarum figurarum circa communem axim, vel dia-

metrum, vel alterius diametrum alterius axim, bases & quotcumque sectiones quales diximus, binæ in eodem plano fuerint proportionales: idem punctum in diametro, vel axe erit vtriusque centrum gravitatis.

Corollarium. Manifestum est autem omnia proximis quatuor propositionibus ostensa de figura circa axim, vel diametrum in alteram partem deficienti, eadem iisdem rationibus ostensa remanere de composito ex duabus figuris circa communem axim vel diametrum in alteram partem deficientibus, tam per se considerato, quàm ad alteram figuram circa eundem axim, vel diametrum cum prædicto composito, in alteram partem deficiens, ac si essent duæ tantummodo dictæ figuræ, quales in præcedenti proxima inter se comparauimus: manente semper illa conditione, quam de sectionibus in 20 huius diximus. Tantum aduertendum est, vt pro sectionibus, dicamus composita ex binis sectionibus (quæ scilicet sunt ab eodem plano, vel eadem recta linea) cum de prædicto composito sit sermo: & in demonstratione pro cylindris, vel cylindri portionibus, vel parallelogrammis, composita ex binis cylindris, vel cylindri portionibus, vel parallelogrammis (quæ scilicet sunt inter eadem plana parallela, vel lineas parallelas, & circa eundem axim, vel diametrum totius vel diametri, vel axis partem) sicut & pro figura compositum ex duabus dictis figuris: pro residuo, compositum ex residuis. Nam cum vtriusque residui figurarum duobus prædictis figuris vnum quid componentibus, & circa eundem axim, vel diametrum existentibus, qua ratione diximus circumscriptarum, centra gravitatis sint in diametro, vel axe: etiam compositi ex iis duobus residuis (vt in priori libro generaliter demonstraui) centrum gravitatis erit in eadem diametro vel axe: vnde vim habent quatuor proximæ antecedentes demonstrationes, exemplum erit in demonstratione trigesima quartæ huius.

XXXIII.

✦ Hemisphærij centrum gravitatis est punctum illud, in quo axis sic diuiditur, vt pars, quæ ad verticem, sit ad reliquam vt 5 ad 3.

XXXIV.

✦ Omnis minoris portionis sphæræ centrum gravitatis est in axe primum bifariam secto: deinde secundum centrum gravitatis frusti circa eundem axim, abscissi à cono verticem habente centrum sphæræ, in eo puncto, in quo dimidius axis portionis basim attingens sic diuiditur, vt pars duabus prædictis sectionibus intercepta sit ad eam, quæ inter secundam & tertiam sectionem intertrahitur, vt excessus, quo tripla semidiametri sphæræ, cuius est prædicta portio, superat tres de-

inceps proportionales, quarum maxima est sphaeræ semidiameter, media autem, quæ inter centra sphaeræ, & basis portionis interiicitur, ad semidiametri sphaeræ triplam.

XXXV.

Omnis portionis sphaeræ abscissæ duobus planis parallelis, altero per centrum actò, centrum grauitatis est in axe primùm bifariam secto: deinde sumpta ad minorem basim quarta parte axis portionis: & eo puncto, in quo dimidijs axis minorem basim attingens sic diuiditur, vt pars duabus prædictis sectionibus intercepta sit ad eam, quæ inter secundam, & vltimam sectionem interiicitur, excessus, quo maior extrema ad sphaeræ semidiametrum, & axim portionis superat tertiam partem axis portionis: ad maiorem extremam antedictam.

XXXVI.

† Omnis portionis sphaeræ abscissæ duobus planis parallelis neutro per centrum actò, nec centrum intercipientibus, centrum grauitatis est in axe primùm bifariam secto: deinde secundum centrum grauitatis frusti circa eundem axim abscissi à cono verticem habente centrum sphaeræ: in eo puncto in quo dimidijs axis maiorem basim attingens sic diuiditur, vt pars duabus prædictis sectionibus finita sit ad eam, quæ inter secundam & vltimam sectionem interiicitur, vt excessus, quo maior extrema ad triplas, & semidiametri sphaeræ, & eius quæ inter centra sphaeræ, & minorem basim portionis interiicitur, superat tres deinceps proportionales, quarum maxima est quæ inter centra sphaeræ, & maioris basis, media autem, quæ inter centra sphaeræ, & maioris basis portionis interiicitur, ad maiorem extremam antedictam. *Videatur lemma.*

XXXVII.

Si data maiori sphaeræ portioni cylindrus circumscribatur circa eundem axim portionis, centrum grauitatis reliquæ figuræ, ex cylindro circumscripto ablata portione, propinquius erit vertici portionis, quàm centrum grauitatis portionis.

Coroll. Manifestum est autem ex demonstratione theorematum, omnis residui ex cylindro data maiori sphaeræ portionis circumscripto circa eundem axim portionis, cuius basis sit æqualis circulo maximo, centrum grauitatis esse in axe, abscissâ primùm quarta parte ad verticem portionis terminata segmenti axis portionis, quod centro sphaeræ, & vertice portionis, & quarta parte eius, quod centro sphaeræ, & basi portionis terminatur: ad basim terminata in eo puncto, in quo segmentum axis portionis duabus prædictis sectionibus finitum sic diuiditur, vt segmentum propinquius basi sit ad reliquum, vt cubus

segmenti axis portionis centro sphaeræ, & vertice portionis terminati ad cubum reliqui quod basim portionis tangit, si quidem cubi triplicatam inter se habent laterum proportionem: simul illud manifestum est, hoc idem eadem ratione posse demonstrari de centro gravitatis reliqui ex cylindro dempta sphaeræ portione abscissa duobus planis parallelis centrum sphaeræ intercipientibus, ita vt axis portionis à centro sphaeræ in partes inæquales diuidatur, cuius cylindri circumscripti sit idem axis, qui & portionis, basis autem æqualis circulo maximo. Similiter enim descriptis duobus conis rectangulis verticem habentibus communem centrum sphaeræ, bases autem minores basibus oppositis cylindri circumscripti: æqualibus circulo maximo, sumentes pro vertice minorem basim, pro basi, maiorem basim portionis, immotis reliquis propositum demonstramus.

XXXVIII.

† Omnis maioris portionis sphaeræ centrum gravitatis est in axe primum bifariam secto: Deinde sumpta ad verticem quarta parte segmenti axis, quod centro sphaeræ, & portionis vertice finitur: itemque ad basim quarta parte reliqui segmenti inter centrum sphaeræ, & basim portionis interiecti. Deinde segmento axis, inter eas quartas partes interiecto, ita diuiso, vt pars propinquior basi sit ad reliquam vt cubus segmenti axis, quod centro sphaeræ, & vertice portionis, ad cubum eius quod centris sphaeræ, & basis portionis terminatur in eo puncto, in quo segmentum axis centro sphaeræ, & sectione penultima finitum sic diuiditur, vt pars prima, & penultima sectione terminata sit ad totam ultimâ & penultimâ sectione terminatam, vt excessus, quo segmentum axis portionis inter centrum, & basim portionis interiectum superat tertiam partem minoris extremæ maiori posita dicto axis segmento in proportionem semidiametri sphaeræ ad prædictum segmentum, vnâ cum subsesquialtera reliqui segmenti, ad axim portionis.

XXXIX.

† Omnis portionis sphaeræ abscissæ duobus planis parallelis centrum intercipientibus, & à centro æqualiter distantibus, centrum gravitatis est in medio axis, vel idem, quod centrum sphaeræ.

XL.

Omnis portionis sphaeræ abscissæ duobus planis parallelis centrum intercipientibus, & à centro non æqualiter distantibus centrum gravitatis est in axe primum bifariam secto: Deinde sumpta ad minorem basim portionis quarta parte segmenti axis, quod minorem basim attingit: & ad maiorem basim quarta parte reliqui segmenti axis eorum, quæ à centro sphaeræ fiunt: Deinde recta inter hæc quartas partes inter-

secta ita diuisa, vt pars maiori basi propinquior sit ad reliquam vt cubus segmenti axis inter sphaeræ centrum minorem basim, & ad cubum eius, quo inter sphaeræ centrum, & maiorem basim portionis interijcitur: in eo puncto in quo segmentum axis centro sphaeræ, & penultimâ sectione terminatam, vt ad axim portionis est excessus, quo idem axis portionibus superat tertiam partem compositæ ex duabus minoribus extremis, maioribus positis duobus axis segmentis, quæ fiunt à centro sphaeræ in rationibus semidiametri sphaeræ ad prædicta segmenta.

XLI.

✦ Omnis conoidis parabolici centrum grauitatis est punctum illud in quo axis sic diuiditur vt pars quæ est ad verticem sit dupla reliquæ.

XLII.

Omnis frusti conoidis parabolici centrum grauitatis axim ita diuidit, vt pars, quæ minorem basim attingit, sit ad reliquam, vt duplum maioris basis vnà cum minori, ad duplum minoris, vnà cum maiori.

XLIII.

✦ Omnis conoidis hyperbolici centrum grauitatis est punctum illud, in quo duodecima pars axis ordine quarta ab ea, quæ basim attingit, sic diuiditur, vt pars basi propinquior sit ad reliquam, vt sesquialtera transversæ lateris hyperboles, quæ conoides describit, ad axim conoidis.

Corollarium. Eadem demonstratione constat, si prædicta tria solida ita vt diximus disposita secentur plano basibus parallelo: frustum conoidis hyperbolici, & compositum ex frustis coni, & conoidis parabolici, commune habere in communi axe centrum grauitatis.

XLIV.

Si conus & conoides parabolicum circa eundem axim secentur plano basi parallelo: frusti conici abscissi maiori basi propinquius erit quàm parabolici centrum grauitatis.

XLV.

✦ Omnis frusti conoidis hyperbolici centrum grauitatis est in axe primum secto secundum centrum grauitatis cuiusvis frusti conici, circa axem conoidis communi vertice abscissi vnà cum frusto conoidis: deinde vt pars minorem basim attingens sit ad reliquam, vt dupla axis conoidis vnà cum axe conoidis: deinde positis 4. rectis lineis binis proportionalibus, potentia primis secundis longitudine, in proportionem, quæ est inter axem conoidis, & reliquam dempto axe frusti: ita vt maior primarum sit media proportionalis inter axem conoidis, & transversum latus hyperboles, quæ figuram describit, minoris autem potentia sesquialtera minor secundarum: in eo puncto, in quo segmentum axis frusti dictis duabus sectionibus terminatum sic diuiditur, vt pars

minori basi propinquior sit ad reliquam vt cubus, qui fit ab axe frusti vnà cum solido rectangulo quod axe conoidis, & reliqua dempto axe frusti, & tripla axis conoidis continetur, ad solidum rectangulum ex eadem reliqua parte conoidis, & eo, quo plus potest quadrato maior quàm minor dictarum secundarum.

Coroll. Ex omnibus demonstrationibus eorum, quæ in hoc 2 libro proposuimus, manifestum est omnium supradictorum corporum centra grauitatis inuenire: quæcumque enim in modum theorematum proposuimus, eadem tanquam problemata proponi, & iisdem demonstrationibus absolui possunt.

LIBRI TERTII

PROPOSITIONES.

I.

SI recta linea secta fuerit bifariam, & non bifariam: rectangulum partibus inæqualibus contentum æquale est rectangulo, quod bis fit ex dimidiâ sectæ segmentis, vnà cum quadrato non intermedij eorundem segmentorum.

II.

Si circulum vel ellipsim duæ rectæ lineæ tangentes in terminis coniugarum diametrorum, conueniant: & punctum in quo conueniunt, & centrum figuræ iungantur recta linea: quæcumque hanc vnà cum prædictæ figuræ termino alterutrius diametrorum parallela secuerit recta linea, ita ipsa secabitur, vt rectangulum bis contentum segmentis, quorum alterum inter diametrum, & terminum figuræ, alterum inter figuræ terminum & contingentem interiicitur, vnà cum huius quadrato sit æquale quadrato reliqui segmenti inter diametrum, & eam quæ tangentium concursus, & centrum figuræ iungit interiecta.

III.

† Per data duo puncta in duabus rectis lineis datum angulum continentibus, in earum plano parabola transibit, cuius vertex sit assignatum prædictorum punctorum, in qua altera linea parabolam contingat, altera in altero secet, diametro æquidistans.

IV.

† Si recta linea parabolam contingat, omnes rectæ lineæ ex sectione ad contingentem applicatæ diametro sectionis parallelæ inter se sunt

longitudine, vt intèr applicatas & contactum, vel verticem interiectæ inter se potentia: Productis autem dictis applicatis, erunt inter sectionem & basim interiectæ inter se longitudine, vt in circulo, vel ellipsi ad diametrum ordinatim applicatæ, secantesque illam in eisdem rationes, in quas aliæ prædictæ applicatæ secant basim parabolæ, inter se potentia.

V.

Omnis figuræ circa axim in alteram partem deficientis, cuius superficies excepta base sit tota interius concaua basim habentis circulum, vel ellipsim: quælibet tres sectiones basi parallelæ æqualia axis segmenta intercipientes, ita se habent, vt minor sit proportio minimæ ad mediam, quàm mediæ ad maximam.

VI.

Si sphæroides secetur plano vtcumque præterquàm ad axem, circa quem sphæroides describitur erecto, nam tunc circulus fit, sectio ellipsis erit: similis autem ipsi alia quæcumque sectio sphæroidis eidem parallela: earumque omnes diametri quæ eiusdem sunt rationis erunt in eodem plano per axem. *Vide Archimedem l. de sphæroid. & conoid.*

VII.

Si conoides parabolicum, vel hyperbolicum secetur plano vtcumque ad axim inclinato, sectio ellipsis erit: similis autem ipsi alia quæcumque sectio conoidis eidem parallela: eruntque earum omnes diametri, quæ eiusdem sunt rationis in eodem plano per axem.

VIII.

Super datam ellipsim, circa datam rectam lineam ab eius centro eleuatam tanquam axem, coni, & cylindri portionem inuenire. Datoque sphæroidi, & conoidi, vel conoidis, sphæroidisque portioni circa datum axem sphæroidis, vel cuiuslibet dictarum portionum, cylindrus, vel cylindri portio circumscripta esse potest: vel comprehendere inter eadem plana parallela, ita vt eius basis sit similis basi, vel basibus comprehensæ portionis, uel frusti, si de conoidibus sit sermo: & diametri, quæ eiusdem sunt rationis sectæ à centro bifariam sint in eadem recta linea.

IX.

Omnis frusti pyramidis triangulam basim habentis ad prisma, cuius basis est maior basis frusti, & eadem altitudo, eam habet proportionem, quàm rectangulum contentum duobus lateribus homologis basium oppositarum, vnà cum tertia parte quadrati differentiæ dictorum laterum, ad maioris lateris quadratum. Ad pyramidem autem, cuius basis est maior basis frusti, & eadem altitudo, vt prædictum rectangulum, vnà

cum prædicti quadrati tertia parte, ad tertiam partem quadrati maioris lateris.

Coroll. Hinc manifestum est eadem demonstratione, qua utimur ad prop. 36. lib. 1. frustum cuiuslibet pyramidis basim habentis pluribus, quam tribus lateribus contentam, ad prisma, seu pyramidem, cuius basis est eadem quæ maior basis frusti, & eadem altitudo: & reliquum ipsius prismatis dempto frusto, ad ipsum prisma, eas habere rationes, quæ à basium frusti oppositarum homologis lateribus, eorumque differentia derivantur eo modo, quo in præcedenti theoremate dicebamus.

X.

✱ Omne frustum coni, vel portionis conicæ, ad cylindrum, vel cylindri portionem, cuius basis est eadem, quæ maior basis frusti, & eadem altitudo, eam habet proportionem, quam rectangulum contentum basium diametris eiusdem rationis, vnà cum tertia parte quadrati differentiæ earundem diametrorum ad maioris basis quadratum. Ad conum autem, vel coni portionem, cuius basis est eadem, quæ maior basis frusti, & eadem altitudo: vt prædictum rectangulum, vnà cum prædicti quadrati tertia parte, ad tertiam partem quadrati ex diametro maioris basis. Prædicti autem cylindri, vel portionis cylindricæ residuum dempto frusto, ad totum cylindrum, vel cylindri portionem: vt rectangulum contentum diametro minoris basis frusti, & differentia diametri maioris, vnà cum duabus tertiis quadrati differentiæ ad quadratum diametri maioris basis.

XI.

Si sphæra, vel sphæroides secetur duobus planis parallelis vtcunque, neutro per centrum ducto; quædam autem ex centro recta linea transeat per centrum alterutrius sectionum: per centrum reliquæ transibit.

Corollar. Hinc manifestum est, si sphæra, vel sphæroides secetur plano non per centrum: & recta linea sphæræ, vel sphæroidis, & factæ sectionis centra iungens ad superficiem vtrinque producat: talis axis segmenta esse axes portionum, earumque vertices extrema dicti axis.

XII.

Si hemisphærium, vel hemisphæroides vtcunque abscissum: & cylindrus, vel cylindri portio illi circumscripta: & conus, vel coni portio, cuius basis est eadem solido circumscripto, hemisphærium, vel hemisphæroides ad verticem contingens, & communis axis: secetur vno plano, basi hemisphærii, vel hemisphæroidis parallelo: super sectiones autem prædicti coni, vel portionis conicæ, & hemisphærii, vel hemisphæroidis, circa huius abscissæ portionis axem duo cylindri,

dri, vel portiones cylindricæ constiterint, reliquum cylindri, vel portionis cylindricæ prædicto plano abscissæ, dempto eo cylindro duorum prædictorum, vel portione cylindrica, cuius basis est sectio hemisphærij, vel hemisphæroidis, æquale erit reliquo cylindro, vel portioni cylindricæ, cuius basis est sectio prædicti coni, vel portionis conicæ.

XII.

✚ Cylindri, vel portionis cylindricæ hemisphærio, vel hemisphæroidi circumscriptæ reliquum dempto hemisphærio, vel hemisphæroide, æquale est cono, vel portioni conicæ eandem basim hemisphærio, vel hemisphæroidi, & eandem altitudinem habenti.

XIV.

Si hemisphærium, vel hemisphæroides, & cylindrus, vel portio cylindrica ipsi circumscripta, & conus, vel coni portio, cuius idem est axis portioni, basis autem quæ opponitur communi basi duorum prædictorum solidorum, vñ secentur duobus planis basi parallelis: portiones reliquæ figuræ ex cylindro, vel cylindri portione hemisphærio, vel hemisphæroidi circumscripta dempto hemisphærio, vel hemisphæroide, quæ à duobus prædictis planis secantibus fiunt, æquales sunt singulæ singulis prædicti coni vel conicæ portionis partibus siue frustis inter eadem plana parallela respondentibus.

XV.

✚ Hemisphærium, vel hemisphæroides subsesquialterum est cylindri, vel portionis cylindricæ ipsi circumscriptæ.

XVI.

✚ Omnis minor portio sphæræ, vel sphæroidis ad cylindrum, vel cylindri portionem, cuius basis æqualis est circulo maximo, vel æqualis & similis ellipsi per centrum basi portionis parallelæ, & eadē altitudo portioni eam habet proportionem, quam rectangulum contentum sphæræ, vel sphæroidis dimidij axis axi portionis congruentis ijs, quæ à centro basis portionis fiunt segmentis, vñ cum duobus tertijs quadrati axis portionis: ad sphæræ vel sphæroidis dimidij axis quadratum.

XVII.

Omnis portio sphæræ, vel sphæroidis abscissa duobus planis parallelis, altero per centrum ducto ad cylindrum, vel cylindri portionem, cuius basis est eadem, quæ maior basis portionis, & eadem altitudo: eam habet proportionem, quam rectangulum contentum ijs, quæ à centro minoris basis fiunt axis sphæræ, vel sphæroidis segmentis vñ cum duabus tertijs quadrati axis portionis: ad sphæræ, vel sphæroidis dimidij quadratum.

XVIII.

Omnis portio sphaeræ, vel sphæroidis abscissa duobus planis parallelis, neutro per centrum ducto, nec centrum intercipientibus, ad cylindrum, vel cylindri portionem, cuius basis æqualis est circulo maximo, vel ellipsi per centrum basibus portionis parallelæ similis, & æqualis, eam habet proportionem, quam duo rectangula: & quod sphaeræ vel sphæroidis axis axi portionis congruentis ijs, quæ à centro minoris basis portionis sunt segmentis, & quod ea, quæ maioris basis portionis, & sphaeræ, vel sphæroidis centra iungit, & axe portionis continetur, vnà cum duabus tertijs quadrati axi portionis: ad sphaeræ, vel sphæroidis dimidii axis quadratum.

XIX.

Omnis maior portio sphaeræ, vel sphæroidis, ad cylindrum, vel portionem cylindricam, cuius basis æqualis est circulo maximo, vel æqualis, & similis ellipsi per centrum portionis parallelæ, altitudo autem eadem portioni, eam habet portionem, quam solidum rectangulum contentum axe portionis, & reliquo axis sphaeræ, vel sphæroidis segmento, & eo, quod basis portionis, & sphaeræ, vel sphæroidis centra iungit, vnà cum binis tertijs partibus duorum cuborum: & eius qui à sphaeræ, vel sphæroidis axis dimidio, & eius qui ab eo, quod sphaeræ, vel sphæroidis, & basis portionis centra iungit fit segmento: ad solidum rectangulum, quod axe portionis, & duobus sphaeræ, vel sphæroidis axis fit dimidiis.

XX.

† Omnis portio sphaeræ, vel sphæroidis abscissa duobus planis parallelis centrum intercipientibus, ad cylindrum vel cylindri portionem, cuius basis æqualis est circulo maximo, vel similis, & æqualis ellipsi per centrum basibus portionis parallelæ, & eadem altitudo portioni, eam habet proportionem, quam duo solida rectangula externorum sphaeræ, vel sphæroidis axis segmentorum eundem terminum habentium alterutrius basium portionis centrum, binis sphaeræ, vel sphæroidis axem complentibus, & singulis axis portionis itidem à centro sphaeræ vel sphæroidis factis, vnà cum binis tertijs partibus duorum cuborum ex segmentis axis portionis à centro sphaeræ, vel sphæroidis factis: ad solidum rectangulum, quod duobus sphaeræ, vel sphæroidis axis dimidijs & axe portionis continetur.

XXI.

Omnis trianguli comprehensi sectione parabola, & duabus rectis lineis, quarum altera sectionem tangat, altera in eam incidat diametro sectionis ex contactu æquidistans, centrum gravitatis est punctum

illud, in quo recta linea ex contactu diuidens incidentem ita vt pars, quæ sectionem attingit, sit sesquialtera reliquæ, sic diuiditur, vt pars quæ est ad contactum sit tripla reliquæ.

XXII.

Si duo triangula mixta prædicti generis verticem communem habeant, qui est contactus, & bases æquales in eadem recta linea, vel continuas, vel segmento interiecto, tota extra figuram versa cavitæ: centrum grauitatis compositi ex utroque est punctum illud, in quo recta linea à vertice ad bipartitæ rectæ prædictis sectionibus interceptæ, in qua sunt bases dictorum triangulorum sectionis punctum pertinens sic diuiditur, vt pars, quæ est ad verticem sit tripla reliquæ.

XXIII.

Si duæ parabolæ in eodem plano circa æquales diametros in directum inter se constitutas, ita vt vertices sint extrema ex diametris compositæ, communem habuerint aliquam ordinatim ad diametrum applicatarum, & vertices cum puncto conuenientiæ iungantur rectis lineis: centrum grauitatis vtriusque portionis iis rectis lineis abscissæ, rectam lineam quæ terminum communem diametrorum, & concursum parabolæ iungit, bifariam diuidit.

XXV.

Omnis figuræ circa axim in alteram partem deficientis, cuius basis est circulus, vel ellipsis, siue bases sint circuli, vel ellipses, reliqua autem superficies tota interiùs concaua, centrum grauitatis est in dimidio axis segmento, quod basim, vel maiorem basim attingit.

XXV.

Omnis frusti, coni, vel portionis conicæ centrum grauitatis est punctum illud, in quo eius axis sic diuiditur, vt pars quæ minorem basim attingit assumens quartam partem axis ablati coni, vel portionis conicæ, sit ad eam, quæ inter postremam sectionem & quartæ partis abscissæ ad basim totius coni terminum interijcitur, vt cubus qui sit ab axe totius, ad cubum qui sit ab axe ablati coni.

XXVI.

* Residui solidi ex cylindro, vel portione cylindrica hemisphærio, vel hemisphæroide circumscripta, centrum grauitatis est punctum illud, in quo axis sic diuiditur, vt pars basim attingens hemisphærij, vel hemisphæroidis sit tripla reliquæ.

XXVII.

Si hemisphærium, vel hemisphæroides vnà cum cylindro, vel cylin-

cylindri portione ipsi circumscripta secetur plano basi parallelo: reliqui ex cylindro, vel portione cylindrica abscissa ad partes verticis, dempta illa quæ abscissa est simul minori, & sphaeræ, vel sphaeroidis portione, centrum grauitatis est punctum illud in quo eius axis sic diuiditur, vt quæ inter hanc postremam sectionem, & centrum basis vnà abscissæ portione interijcitur, assumens quartam partem segmenti, quod dictæ basis, & sphaeræ, vel sphaeroidis centra iungit, sit ad sui segmentum, quod inter postremam sectionem, & quartæ partis axis hemisphaerij, vel hemisphaeroidis ad verticem abscissæ terminum interijcitur, vt cubus axis hemisphaerij, vel hemisphaeroidis ad cubum eius, quæ basis portione & hemisphaerij, vel hemisphaeroidis centra iungit. Reliqui autem ex cylindro, vel portione cylindrica vnà abscissa cum reliquo hemisphaerij, vel hemisphaeroidis portione, quæ est ad basim, dempta hac portione centrum grauitatis est punctum illud, quod quartam partem abscindit axis portione ad eius minorem basim terminatam.

XXVII.

Iisdem positis solitis, vt in antecedenti, sectisque per duo quælibet puncta axis duplici plano basi parallelo, reliqui ex cylindro, vel portione cylindrica dictis duobus planis intercepta, dempta sphaeræ, vel sphaeroidis portione ipsi inter eadem plana respondente, centrum grauitatis est punctum illud, in quo eius axis sic diuiditur, vt quæ inter hanc postremam sectionem, & centrum maioris basis vnà abscissæ portione interijcitur, assumens quartam partem segmenti, quod prædictæ basis, & sphaeræ, vel sphaeroidis centra iungit, sit ad sui segmentum, quod inter postremam sectionem, & quartæ partis eius, quæ sphaeræ vel hemisphaerij, & minoris basis portione centra iungit ad minorem basim abscissæ terminum interijcitur, vt cubus eius, quæ minoris basis, & sphaeræ, vel sphaeroidis, ad cubum eius, quæ sphaeræ, vel sphaeroidis, & maioris basis portione centra iungit.

XXIX.

Si sphaera, vel sphaeroides vnà cum cylindro, vel portione cylindrica ipsi circumscripta secetur plano, haud per centrum, basibus solidi circumscripti parallelo: reliqui ex cylindro, vel portione cylindrica ad maioris portione sphaeræ, vel sphaeroidis partes abscissa, dempta sphaeræ vel sphaeroidis maiori portione, centrum grauitatis est punctum illud, in quo dicti reliqui solidi axis segmentum inter duas quartas partes extremas segmentorum eiusdem axis, quæ à centro sphaeræ, vel sphaeroidis fiunt interiectum, sic diuiditur, vt pars propinquior basi sit ad reliquam, vt prædictorum, quæ à centro fiunt axis segmentorum

maioris cubus ad cubum minoris.

XXX.

Si sphaera vel sphaeroides una cum cylindro, vel portione cylindrica ipsi circumscripta, secetur duobus planis basi solidi circumscripti parallelis, centrum intercipientibus, & ab eo non æqualiter distantibus: reliqui ex cylindro, vel portione cylindrica dictis planis intercepta, dempta portione sphaerae, vel sphaeroidis ipsi respondente, centrum gravitatis est punctum illud, in quo praedicti reliqui solidi axis segmentum inter quartas partes extremas eiusdem axis segmentorum quae à centro sphaerae, vel sphaeroidis fiunt interiectum sic diuiditur, ut pars maiori basi propinquior sit ad reliquam, ut praedictorum axis segmentorum cubus maioris ad cubum minoris.

XXXI.

✦ Hemisphaerij, vel hemisphaeroidis centrum gravitatis, est punctum illud, in quo axis sic diuiditur, ut pars ad verticem sit ad reliquam, ut 5 ad 3.

XXXII.

Omnis minoris portionis sphaerae, vel sphaeroidis centrum gravitatis est in axe primum bifariam secto; Deinde secundum centrum gravitatis reliqui solidi, dempta portione ex cylindro, vel portione cylindrica abscisso, vel abscissa una cum portione ex cylindro, vel portione cylindrica, sphaerae, vel sphaeroidis circa axim axi portionis congruentem circumscripta: in eo puncto, in quo dimidius axis portionis basim attingens sic diuiditur, ut pars prima, & secunda sectione terminata, sit ad totam secunda, & postrema sectione terminatam, ut rectangulum contentum axe portionis, & reliquo sphaerae, vel sphaeroidis dimidij axis axi portionis congruentis quadratum.

XXXIII.

Omnis portionis sphaerae, vel sphaeroidis abscissae duobus planis parallelis, altero per centrum acto, centrum gravitatis est in axe primum bifariam secto: deinde sumpta eius quarta parte ad minorem basim: in eo puncto, in quo dimidius axis ad maiorem basim attingens sic diuiditur, ut pars axis prima, & secunda sectione terminata, sit ad eam, quae prima, & postrema sectione terminatur, ut rectangulum contentum sphaerae, vel sphaeroidis axis axi portionis congruentis ijs segmentis, quae fiunt à centro minoris basis portionis, una cum duabus tertijs quadrati axis portionis: ad sphaerae, vel sphaeroidis dimidij axis quadratum.

XXXIV.

Omnis portionis sphaerae, vel sphaeroidis abscissae duobus planis pa-

parallelis, neutro per centrum actō, nec centrum intercipientibus, cētrum grauitatis est in axe primū bifariam secto : deinde secundū centrum grauitatis reliqui dempta portione ex cylindro, vel portione cylindrica, abscisso, vel abscissa vnā cum portione à cylindro, vel cylindrica portione sphæræ, vel sphæroidi circa eius axem axi portionis congruentem circumscripta : in eo puncto, in quo dimidijs axis portionis maiorem basim attingens, sic diuiditur, vt pars prima & secunda sectione terminata sit ad eam, quæ prima & postrema sectione terminatur, vt duo rectangula, alterum contentum duobus sphæræ, vel sphæroidis axis axi portionis congruentis ijs segmentis, quæ fiunt à centro minoris basis portionis : alterum axe portionis, & segmento, quod sphæræ, vel sphæroidis, & maioris basis portionis centra iungit, vnā cum duabus tertijs quadrati axis portionis, ad sphæræ vel sphæroidis dimidijs axis quadratum.

XXXV.

Omnis maioris portionis sphæræ, vel sphæroidis centrum grauitatis est in axe, & primū bifariam secto : deinde secundū centrum grauitatis reliqui dempta portione ex cylindro, vel portione cylindrica, abscisso, vel abscissa vnā cum portione à cylindro, vel portione cylindrica sphæræ, vel sphæroidi circa eius axim axi portionis congruentem circumscripta : in eo puncto, in quo axis portionis sic diuiditur, vt pars prima, & secunda sectione terminata sit ad eam, quæ prima, & postrema sectione terminatur, vt solidum rectangulum ex axe portionis, & reliquō segmento axis sphæræ, vel sphæroidis axi portionis congruentis, & eo, quod sphæræ, vel sphæroidis, & basis portionis centra iungit, vnā cum binis tertijs duorum cuborum : & eius, qui à sphæræ, vel sphæroidis axis sit dimidio, & eius, qui ab ea, quæ sphæræ, vel sphæroidis, & basis portionis centra iungit, ad solidum rectangulum, quod duobus sphæræ, vel sphæroidis prædicti axis dimidijs, & axe portionis continetur.

XXXVI.

Omnis portionis sphæræ, vel sphæroidis abscissæ duabus planis parallelis centrum intercipientibus, & ab eo non æqualiter distantibus, centrum grauitatis est in axe, primū bifariam secto : deinde secundū centrum grauitatis reliqui dempta portione ex cylindro, vel portione cylindrica, abscisso, vel abscissa, vnā cum portione, à cylindro, vel portione cylindrica sphæræ, vel sphæroidis, circa eius axim axi portionis congruentem circumscripta in eo puncto, in quo maius segmentum axis portionis eorum, quæ à centro fiunt, sic diuiditur, vt pars prima, & secunda sectione terminata sit ad eam, quæ prima,

& postrema sectione terminatur, vt duo solida rectangula, & quod sit ex duobus sphaeræ, vel sphaeroidis axis axi portionis congruentis ijs segmentis, quæ sunt à centro maioris basis portionis, & ea quæ maioris basis, & sphaeræ, vel sphaeroidis centra iungit: & quod ex sphaeræ, vel sphaeroidis eiusdem axis segmentis à centro minoris basis factis, & ea quæ minoris basis, & sphaeræ, vel sphaeroidis centra iungit, vnà cum binis tertijs partibus duorum cuborum ex ijs segmentis axis portionis, quæ à centro sphaeræ, vel sphaeroidis sunt ad solidum rectangulum quod duobus sphaeræ, vel sphaeroidis prædicti axis dimidijs, & axe portionis continetur.

XXXVII.

Omnis portionis conoidis parabolici centrum grauitatis est punctum illud, in quo axis sic diuiditur, vt pars quæ ad verticem sit eius, quæ ab basim dupla.

XXXVIII.

Omnis frusti portionis conoidis parabolici centrum grauitatis est punctum illud, in quo axis sic diuiditur, vt pars minorem basim attingens sit ad reliquam, vt duplum maioris basis vnà cum minori, ad duplum minoris, vnà cum maiori.

XXXIX.

Omnis conoidis hyperbolici, vel portionis hyperbolici conoidis centrum grauitatis est punctum illud, in quo duodecima pars axis ordine quarta ab ea, quæ basim attingit, sic diuiditur, vt pars propinquior basi sit ad reliquam vt sesquialtera transuersi lateris, hyperboles per axem, ad axem conoidis.

Appendicis Propositiones.

I.

SI sint octo magnitudines quaternæ totæ, & ablatae proportionales, fuerint autem, & primarum vtriusque ordinis ablatae ad reliquas proportionales: erunt vtriusque ordinis reliquæ proportionales.

II.

Si circa datæ hyperboles communem diametrum parabola descripta illius basim ita diuidat, vt quadratum dimidiæ basis hyperbola ad reliquum quadrati dimidiæ basis hyperboles eam habeat proportionem, quam transuersum latus ad diametrum hyperboles: omnes in

hyperbole ad diametrum ordinatim applicatas ita secabit, vt excessus, quibus quadrata in hyperbola applicatarum superant quadrata in parabola ex sectione applicatarum, inter se sint vt quadrata diametri partium inter applicatas, & verticem interiectarum.

III.

Omne conoides hyperbolicum diuiditur in conoides parabolicum circa eundem axim, & reliquam figuram quandam, ad quam conoides parabolicum eam habet proportionem, quam sesquialtera transuersi lateris hyperboles, quæ conoides describit, ad axem conoidis.

Corollarium. Vnde manifestum est, iisdem positis cylindros deficientes, ex quibus constat excessus, quo figura conoidi hyperbolico circumscripta superat circumscriptam conoidi parabolico, ita se habere, vt quorumlibet trium inter se proximorum, minor proportio sit minimi ad medium, quam medij ad maximum: æquales enim sunt singuli singulis cylindris, ex quibus constat figura cono circumscripta, qui sunt inter eadem plana parallela. Quod si ita est, simul illud manifestum erit, & ex hoc, & ex iis, quæ 2. libro demonstrata sunt; prædictum excessum ex tot cylindris deficientibus eiusdem altitudinis, quos diximus componi posse, vt ipsius centrum grauitatis in axe distet à centro grauitatis coni, hoc est à puncto, in quo sic axis diuiditur, vt pars, quæ ad verticem sit reliquæ tripla, eâ distantia, quæ minor sit quantacumque longitudine proposita.

IV.

Si conoidi parabolico figura circumscribatur, & altera inscribatur ex cylindris æqualium altitudinum, binis circa communes axes segmenta axis conodis, & inter eadem plana parallela, minimo circumscriptorum ad nullum relato, omnia residua cylindrorum figuræ circumscriptæ, demptis inscriptæ figuræ cylindris, & inter se, & minimo cylindro æqualia erunt.

V.

Dato conoide hyperbolico, & ipsius conoide parabolico circa eundem axim, quod ad reliquum hyperbolici conoidis eam proportionem habeat quam sesquialtera transuersi lateris hyperboles, quæ conoides describit, ad axim conoidis: fieri potest vt conoidi parabolico figura quædam inscribatur, & altera circumscribatur, vt supra factum est, & hyperbolico alia circumscribatur, omnes ex cylindris æqualium altitudinum multitudine æqualibus existentibus iis, ex quibus constant figuræ conoidibus circumscriptæ, ita vt excessus, quo figura conoidi parabolico circumscripta inscriptam superat, quem breuitatis causa voco excessum primum, ad excessum, quo figura conoidis

noidi

noidi hyperbolico circumscripta superat circumscriptam parabolico, quem voco excessum secundum, minorem habeat proportionem quam cumque proposita.

VI.

Omnis residui conoidis hyperbolici dempto conoide parabolico, ut supra diximus, centrum grauitatis est punctum illud, in quo axis sic diuiditur, ut pars propinquior vertici sit tripla reliqua.

VII.

Omnis conoidis hyperbolici centrum grauitatis est punctum illud, in quo duodecima pars axis quarta ab ea quæ basim attingit, sic diuiditur, ut pars propinquior basi sit ad reliquam, ut sesquialtera transversaliter hyperboles, quæ conoides describit, ad axem conoidis.

Q V A R T A P A R S.

DE LINEA DIRECTIONIS,

& reliquis ad centrum grauitatis pertinentibus.

Linea directionis illa dicitur, quæ motus grauium dirigit; quæque ducta intelligitur à mundi centro ad verticem grauis; hinc fit ut horizontis axis dici possit, cum horizon describatur à vertice, tanquam à polo. Possumus autem supponere cum Villalpando, & aliis, omnes lineas directionis parallelarum instar respectu nostri habendas esse; quemadmodum Architecti supponunt muros ad perpendicularum erectos, & Catoptrici radios solis in speculum incidentes parallelos esse, quamuis id non sit verum iuxta præcisionem Geometricam, quia sensus experienciâ deprehendere nequit, quanto magis duæ lineæ directionis inter se distent in vertice grauis, quam prope teram. Iam verò satis fuerit si Villalpandi propositiones, & quasdam alias cum ad hanc lineam, tum ad centrum grauitatis pertinentes afferamus.

P R O P O S I T I O N E S.

I.

Ad motum hominis progressiuium, & cuiuscumque alterius grauis motum, directionis lineam moueri necesse est: vnde & Zenith, ac

horizon necessarò mutantur: cum ex diuersis ad eandem sphaeræ partem polis diuersos circulos maximos describi necesse sit.

II.

Cuiuscumque solidi centrum grauitatis loco suo in figura dimoueri potest, cum aliquid additur, vel minuitur; vel cum partes alia ratione disponuntur.

III.

In sphaera ex æqualiter ponderantibus conflata idem est centrum grauitatis, & magnitudinis: si verò ex dissimilibus constet, & idem potest esse, & longè diuersum.

IV.

Omnia grauià non impedita ita descendunt, vt centrum grauitatis non discedat à linea directionis.

V.

Omne corpus puncto insistens tunc stabit, cum linea directionis per punctum, cui innititur transiens, per centrum quoque grauitatis eiusdem transierit: cader autem si transierit extra centrum grauitatis: nisi tamen impetus graui impressus easum impederit, vt constat in funambulis, & ioculatoribus corpus in omnem partem versantibus. Huc reuocari possunt ingentia pondera, quæ acus acumine sustinentur.

VI.

Perfectè sphaericum si graue sit, & perfectò plano insistat, nec impediatur, semper mouebitur, donec ad plani punctum perueniat, in quo tantum quiescere potest.

VII.

Grauià quæ quantitati insistent, tunc stabunt, cum directionis linea per medium quantitatìs, cui insistit graue, ducta, per centrum grauitatis transibit: vel cum ducta linea directionis per dictæ quantitatìs extremum transierit per centrum grauitatis, vel saltem dimiserit illud ex parte quantitatìs, cui insistit graue: quod si ex altera parte dimittet illud graue, dubio procul cadet. Hinc fit vt lancea, vel sarissa, vel baculus, vel quæpiam alia, quæ infra fulcimentum habent, crecta stare nequeant, quia grauitatis centrum ita perfectè sisti nequit, vt in neutram partem à perpendiculari declinet: extremo tamen digiti baculum sustinemus, quia in ipso motu digitum assidue centro grauitatis baculi supponimus.

VIII.

Si homo pedibus ita insistat, vt linea directionis per extremum pedis, cui innititur, transiens, transeat etiam per centrum grauitatis, si brachium extendat ex ea parte qua pendet, dubio procul cadet; brach-

chium enim extensum maioris vectis, vel æquispondij rationem habet, quod plus grauitat quo magis à trutina remouetur.

IX.

Nullus homo poterit se inclinare, aut in anteriorem, aut in posteriorem partem, aut ad latera, quin linea directionis transiens per extremam partem quantitatis, cui innititur ex ea parte, in quam se inclinat, transeat etiam per centrum grauitatis corporis, aut hoc immineat quantitati, cui innititur: nam si extra illam maneat, cadet.

X.

Quotiescumque homo sedet, vt se erigat, necessarium est vt pedes sedi quàm maximè habeat propinquos, caputque in anteriora educat.

XI.

Nullus homo, qui totus extensus supinus iaceat, se eriget ita vt erat extensus, quin cadat: sed necessarium est ei, vt corpus complicit, & superiorem partem corporis prius erigat, ac pedes corpori submittat, & sic se eriget. Quod si iaceat pronus, manibus primùm innitetur simul ac pedibus, mox genua in anteriorem partem complicabit, atque ita se eriget.

XII.

Quadrupedia tunc stabunt, cùm linea directionis per extremum superficiem, quam inter extremos pedum terminos operiunt, transiens pertransierit, etiam per centrum grauitatis eorum, vel dimiserit illud ex parte superficiem, cui insistent: ideoque cùm progrediuntur, si vtrumque dextrum pedem simul erigunt, cadent, nisi linea directionis transiens per extremum reliquorum, transierit per centrum grauitatis, aut reliquerit illud ex parte pedum. At cùm sua corpora posterioribus tantummodo pedibus innixa erigunt: & poplites & magnam corporis partem à pedibus in posteriora retrahant necesse est, vt centrum grauitatis ad lineam directionis pedibus superimponant. Hinc constat cur equitantes variis equi motibus concutiamur, nempe vt sua pondera libret equus, & linea directionis per centrum grauitatis continuò circumferatur.

XIII.

Avium, cùm pedibus insistent, eadē quæ de bipedibus ratio habenda est. Quod si volent, quoniam alis suspenduntur, necessarium est vt linea directionis per alarum medium transiens transeat etiam per grauitatis centrum. Hinc cùm supra volatum dirigunt, in anteriores partes: cùm infra in posteriores partes, alas extendunt.

XIV.

Arbores, plantæ & herbæ, nisi impendantur, ad angulos rectos se erigunt, non quidem pauimenti, cui insistent, sed horizonti, nempe secundum directionis lineam, per trunci ima ad centrū grauitatis deductam.

Centrum grauitatis cuiuscumq; corporis nunquam ascēdit naturaliter, sed tātū violenter; alioqui media, vel plusquam media pars grauitatis ascenderet, quod fieri nequit; nec enim vnquam vna pars ascendit, nisi descendens præualeat; sicut nec in balance vna pars aliam atollere potest, nisi grauior fuerit. Huius theorematis veritas clara est in circumuolutione globi descendentis, cuius aliquæ partes ascendunt, dum centrum grauitatis semper descendit: & in ensibus, vel cultris, aut aliis instrumentis baculo obliquè infixis, quæ pendula stant, quia totum pondus simul cadere nequit, cū ex vna parte sustineatur, neque pars grauior, aut æquè grauis ascendere potest. Huc etiam referatur situla aquā, vel alio liquore plena, quæ stat sine casu, si ansa baculo sustineatur, cuius extremitas ex alia parte sustineatur, dummodo alter baculus inter fundum & oppositam baculi partem statuatur, alioqui enim centrum grauitatis ascenderet, si caderet situla, aut vas aliud.

XVI.

Si Deus tolleretur hemisphærium terræ quod nostrum horizontem Astronomicum definit, vnicus homo posset habitare in recta planicie, quæ subdupla esset superficiei hemisphærij ablati: reliqui caderent, ruerentque versus centrum: si tamen vniuersi centrum per hanc sectionem nusquam immutatum iri supponamus. Hinc cōcluditur nos non posse ambulare super terram, si recta foret illius superficies, alioqui centrum grauitatis naturaliter ascenderet: omnes igitur ad idem punctum superficiei ruerent, à quo breuissima ad centrum terræ, vel vniuersi linea duceretur: nisi tamen ita inclinarentur, ac talem situm haberent, vt linea directionis per centrum grauitatis transiret; quod notant in turri Bononiæ Garisenda: quæ stat immota, licet à 500. annis admodum inclinetur.

XVII.

Si aër est æqualis vbique resistentiæ, semper corpus æquiponderabit siue à centro suæ grauitatis, siue à punctis superioribus, vel inferioribus lineæ directionis suspendatur, cū eadem sit facilitas trahendi, & mouendi celeritas, atque resistentia in quopiam ex illis tribus punctis: at verò corpus in supremo, vel infimo tantū loco quiescere potest, dum à punctis superioribus, vel inferioribus detinetur.

XVIII.

Quæ à superioribus lineæ directionis punctis detinentur, ad pristinum statum redeunt, cū ex eo educuntur; cū autem ab inferioribus, recedunt à pristino statu, si ex eo extrahuntur: at verò cū à centro grauitatis, vbicumque posita manent, quia lineæ directionis diui-

dit corpus per punctum retentionis in duas partes æquè grauitantes; quod in aliis casibus diuidit in partes inæquales, dum corpus suspensum extra statum quietis positum fuerit. Hinc fit, vt libræ in quocumque statu, seu situ maneant, cùm punctum retentionis habent in centro grauitatis; ad æquilibrium redeant, quando punctum retentionis est superius; vel integrum circulum absoluant, quando est inferius.

XIX.

Corpus liberè pendere dicitur à puncto retentionis, quando in omnem partem ita circumuolui potest, vt omnia illius puncta à prædicto puncto remota circa illud circulum describant; quod quidem semper in linea directionis reperitur. At verò si corpus à duobus punctis liberè pendeat, concursus linearum illis punctis affixarum, erit semper in linea directionis.

XX.

Si mathematicè loquamur, nullum est corpus in rerum natura, præter globum, quod ex suæ grauitatis centro cogitatione, vel reapse suspensum quemlibet datum situm retineat, vel quod per planum in partes situ æquipondias diuidatur; nec grauius pondus eam rationem habet ad leuius, quam habet longior radius ad breuiorem, sed vnum altero ponderosius erit ex situ, penes angulum eius maiorem, & recto propiorem. Verùm illud sensibile non est, nisi concipiamus iugum libræ per vnā, aut plures leucas extendi: quod cùm à nobis fieri nequeat, rectè statuimus omnes lineas directionis respectu nostri perpendiculares esse, vt in præfatione partis istius dictum est. *Reliqua ad grauitatis centrum, vel lineam directionis spectantia ex dictis, vel ex infra dicendis intelligi poterunt: quapropter ad secundum librum accedo.*



MECHANICORVM

LIBER SECVNDVS.

P R Æ F A T I O.

Hic liber explicabit quæ sit ratio ponderum à diuersis à centro libræ, vectis & aliarum machinarum distantis pendentium; & quid aqua, & aër mechanicis conferant: quod ita Deo iuuante præstabimus, vt neque libri longitudo fastidium, neque breuitas obscuritatem paritura sit: quod more solito quibusdam propositionibus exequemur, quæ partim à Guido Vbaldo, & Steuino, partim ab aliis demonstratæ sunt, & facili experientia comprobantur. Hunc autem librum in quasdam partes, vt priorem diuidemus, quarum prima sequitur.

P R I M A P A R S.

DE IIS QVÆ AD LIBRAM,
& vectem pertinent, & de modo reperiendi
centrum grauitatis columnarum, &
aliorum corporum.

P R O P O S I T I O N E S.

I.

DVarum grauitatum situ æquilibrium ponderosior illam rationem habet ad leuiorem, quam longior radius ad breuiorem. Vbi aduerte æquilibratam efficere, vt grauiora pondera leuioribus æquiponderare videantur; quod specie tantum ob situm videlicet, & non pro-

priè verum est: aliud igitur est æquipondium, aliud æquilibre. Hinc fit vt si pondus duplo leuius duplo magis à centro libra distet quàm pondus duplo grauius, vel pondus millies leuius, millies distet ampliùs quàm pondus millies grauius, isorropa futura sint. Huius autem propositionis. varias demonstrationes Stevinus adducit.

I II.

✦ Distantiæ in libræ longitudine sumuntur à puncto, à quo libra liberè pendet, & circa quod liberè voluitur: & à puncto, à quo pondus liberè pendet, quod respondet centro grauitatis corporis appensi.

II I.

✦ In æquilibrio vt se habet pondus ad pondus, ita se habet longitudo brachij dextri libræ ad longitudinem brachij sinistri, & vt se habet hæc longitudo ad illam, ita celeritas ad celeritatem, quia quo puncta à centro remotiora sunt, eo maiores circulos, & quo viciniora, eo minores in dicta proportionem describunt: adeout si pondus à centro libræ 8 pedibus distet, duplo maiorem circulum describat, duplòque moueatur celerius, quàm aliud pondus 4 solum ab eodem centro pedibus remotum. Igitur maior celeritas ponderis grauitatem compensat: hinc fortè deduci potest quanto ponderi iaculorum, & aliorum corporum vi projectorum vis, & celeritas respondeat.

IV.

Tria prædicta, nempe pondera, longitudo, & celeritas extra æquilibrium non eandem semper habent proportionem; maior enim est vnus proportio, quàm alterius, atque adeò non est talis minoris inæqualitatis inter celeritates ratio, qualis est maioris inæqualitatis inter duo pondera opposita. Huc autem reuocari possunt quæ de libra, & vecte sequuntur.

V.

Potentia sustinens pondus vecti appensum, eandem ad ipsum pondus proportionem habebit, quàm vectis distantia inter fulcimentum, ac ponderis suspensionem: ad distantiam à fulcimento, ad potentiam interiectam. Vnde sequitur quò fulcimentum ponderi fuerit proprius, minorem ad idem pondus sustinendum requiri potentiam.

VI.

Si potentia pondus in vecte appensum moueat, erit spatium potentiæ motæ, ad spatium moti ponderis, vt distantia à fulcimento ad potentiam: ad distantiam ab eodem ad ponderis suspensionem. Hinc fit spatium potentiæ mouentis ad spatium ponderis moti maiorem habere proportionem, quàm pondus ad eandem potentiam sustentem, cum hæc potentia minor sit potentia mouente.

VII.

Potentia quomodocumque vecte pondus sustinens ad ipsum pondus eandem habebit proportionem, quam distantia à fulcimento ad punctum, ubi à centro gravitatis ponderis horizonti ducta perpendicularis vectem secat, intercepta, ad distantiam inter fulcimentum, & potentiam.

VIII.

✦ Potentia pondus sustinens centrum gravitatis supra vectem horizonti æquidistantem habens, quò magis pondus ab hoc situ vecte eleuabitur; minori semper, vt sustineatur, egebit potentia: si verò deprimetur, maiori.

IX.

✦ Potentia pondus sustinens infra vectem horizonti æquidistantem ipsius centrum gravitatis habens, quò magis ab hoc situ vecte pondus eleuabitur, maiori semper potentia, vt sustineatur, egebit; si verò deprimetur, minori: vnde constat, si potentia vecte sursum moueat pondus, cuius gravitatis centrum sit infra vectem: quò magis pondus eleuabitur, semper maiorem requiri potentiam, vt pondus moueatur, cum potentia sustinens maior esse debeat.

X.

✦ Potentia pondus sustinens in ipso vecte centrum gravitatis habens, quomodocumque vecte transferatur pondus, eadem semper, vt sustineatur, potentiâ opus erit.

XI.

✦ Si vectis distantia inter fulcimentum, & potentiam ad distantiam fulcimento, punctoque, ubi à centro gravitatis ponderis horizonti ducta perpendicularis vectem secat, interiectam, maiorem habuerit proportionem, quàm pondus ad potentiam, pondus vtique à potentia mouebitur.

XII.

Hinc fieri potest vt datum pondus à data potentia dato vecte moueatur: & potentia reperiat, quæ in dato puncto data pondera sustineat, atque moueat, quocumque datis in vecte ponderibus vbicumque appensis, cuius fulcimentum sit etiam datum, & gravitas vectis data. *Iam verò ad libram redeo, in cuius gratiam addo sequentes propositiones.*

XIII.

✦ Si pondus in eius centro gravitatis à recta sustineatur linea, nunquam manebit, nisi eadem linea horizonti fuerit perpendicularis.

XIV.

✦ Libra horizonti æquidistans, cuius centrum sit supra libram, æqua-

æqualia in extremitatibus æqualiterque à perpendiculari distantia habens pondera, si ab eiusmodi moueatur situ, in eundem rursus relictâ, redibit, ibique manebit.

XV.

† Libra horizonti æquidistans æqualia in extremitatibus, æqualiterque à perpendiculari distantia habens pondera, centro infernè collocatâ, in hoc situ manebit: si verò inde moueatur, deorsum relictâ, secundum decliuorem partem mouebitur.

XVI.

† Libra horizonti æquidistans, æqualia in extremitatibus, æqualiterque à centro in ipsa libra collocatâ, distantia habens pondera, siue inde moueatur, siue minus, vbicumque relictâ manebit. *Contra Cardanum & Iordanum, ut Guid. Vbaldus prop. 4. de libra fusissimè demonstrat.*

XVII.

† Duo pondera in libra appensa, si libra inter hæc ita diuidatur, vt partes ponderibus permutatim respondeant: tam in punctis appensis ponderabunt, quàm si vtroque ex diuisionis puncto suspendantur.

XVIII.

† Pondera æqualia in libra appensa eam in grauitate proportionem habent, quam distantia, ex quibus appenduntur: unde & statè rationes ostendi possunt.

XIX.

† Duobus vel pluribus datis in libra ponderibus vbicumque appensis, centrum libræ inueniri potest, ex quo si suspendatur libra, data pondera maneat in æquilibrio: quod fiet, si prius partes ponderum simul addantur; deinde spatium lineæ datæ, quod est inter puncta suspensionis, in totidem partes diuidatur, quot fuerint vnitates in summa addita. Denique si ponantur ex parte vnius ponderis tot partes longitudinis, quot oppositum pondus habet partes grauitatis, punctum enim quod terminabit huiusmodi partes, erit punctum æquilibrij: exempli gratiâ, si pondus maius habet partes 12, minus verò duas, additæ faciunt 14, quas si numeres in prædictâ libræ longitudine, incipiendo à centro maioris ponderis, centrum grauitatis libræ erit in fine secundæ partis; hoc est in fine 12. si incipias à minori pondere. Quod autem de duobus ponderibus dictum est, pluribus conueniet: semper enim duorum ponderum centra ad vnum reuocabuntur, donec æquilibrio quæsitum inuentum fuerit: quod fiet si, vt maius segmentum, quod se tenet ex parte minoris ponderis, est ad minus, quod se tenet ex parte maioris ponderis, ita maius pondus fuerit ad minus pondus: quod Stevinus 2. prop. de statica elementis fusè demonstrat: ex quo sequentes prop in columnarum gratiam.

XX.

✦ Pendula columnâ per grauitatis centrum à plano ad basim parallelo sectâ, firmitudinis autem, idest *retentionis*, puncto supra grauitatis centrum fixo; axis est horizonti parallelus.

XXI.

✦ Si punctum retentionis centrum grauitatis sit pendentis columnæ, quemcumque ei situm dederis, seruat.

XXII.

✦ Si columna per grauitatis punctum sit secta à plano basi parallelo, fueritque retentionis punctum in secante plano, infra grauitatis centrum: columna, naturæ ductu, sese inuertit, donec grauitatis centrum sit in pendula grauitatis diametro. Est autem grauitatis diameter recta infinita per grauitatis centrum acta, quæ cùm horizonti perpendicularis fuerit, *pendula* vocatur. Grauitatis autem centrum pendentis corporis est in pendula grauitatis diametro. Ratio istius propositionis est, quia columna prædicta nequit iacere in puncto, sed tantum in solo.

XXIII.

Ansa infinitum continuata binorum ponderum iugum quoduis in suos radios secat. Est autem ansa, duorum ponderum pendula grauitatis diameter; quale est filum quo duo corpora in extremitate baculi posita suspenduntur ita vt filum è medio baculi puncto suspendatur; qualis est etiam trutina in bilancibus. Iugum vero, siue trabs est recta: duabus pendulis diametris terminata. Sicut ansæ punctum in iugo fixum, dicitur firmum seu retentionis, ac firmitudinis.

XXIV.

Datis retentionis puncto notæ columnæ, notisque ponderibus situ æquipondijs inde pendentibus, inueniri potest an axis horizonti parallelus futurus sit; an quem dederis situm seruaturus: an verò se inuersurus, donec grauitatis centrum fuerit in pendula grauitatis diametro. Notâ etiam columnâ, notisque ponderibus inde suspensis, retentionis punctum inuenitur, in quo quemlibet datum situm seruabit. Denique notâ columnâ cum retentionis puncto, notis item ponderibus inde suspensis, quæ axem horizonti parallelum seruant; pondus reperiri potest, quod optato columnæ loco suspensum axem in dato situ seruabit: vt *Stevinus prop. 10. 11. & 12. libri prædicti demonstrat.*

XXV.

Æqualia pondera, vnum eleuans, aliud deprimens æqualibus & angulis, & radiis æquales potentias habent. Pondus autem eleuans de quolibet potentia pondus eleuante dicitur, quod est rectum, vel obliquum, prout horizonti perpendiculare, vel obliquum fuerit.

XXVI.

Datis columna, & in eius axe duobus punctis, vno fixo, altero in longiore segmento mobili, inuenire pondus rectè attollens ex puncto mobili, quod datam columnam in dato situ retineat. Quod Stevinus *prop. 14. demonstrat.*

XXVII.

Duorum punctorum in axe columnæ altero fixo, altero mobili: pondus rectè attollens ex mobili cum columna situ æquipondium, illam habet rationem ad columnam, quæ est segmenti axis, quod inter centrum grauitatis, & punctum fixum est, ad segmentum eiusdem quod inter fixum, & mobile intercipitur. Quod punctum si seruet columnam in vno aliquo situ, in quouis alio seruare poterit.

XXVIII.

Columnâ super duobus in axe punctis quiescente, quemadmodum axis segmentum inter grauitatis centrum, punctumque sinistrum, ad eiusdem segmentum inter grauitatis centrum, punctumque dextrum: ita columnæ pondus super puncto dextro quiescens, ad reliquum ponderis super sinistro quiescentis.

XXIX.

Columnâ duobus in punctis quiescente, erit vt segmentum axis inter grauitatis centrum, & perpendicularem per punctum sinistrum, ad eiusdem segmentum inter grauitatis centrum & perpendicularem punctum dextrum: ita sustentatum pondus columnæ dextro puncto, ad pondus quod sustinetur sinistro.

XXX.

Centrum grauitatis cuiuscunque, & quantumcunque difformis, & irregularis figuræ reperitur, si ab aliqua sui parte liberè suspendatur, & ab eadem parte, à qua pendet, demittatur perpendiculum, ita vt in corpore linea, quam fecerit perpendiculi filum, notetur: deinde ab alia parte corpus idem liberè suspendatur, vt prius, noteturque iterum linea perpendiculi ab hac parte super corpus demissi, concursus enim duorum filorum perpendiculi in illis duobus suspensionis punctis demissi, erit centrum quæsitum.

XXXI.

Præter ea quæ primo libro de centro grauitatis dicta sunt, Stevinus libro de centro grauitatis videri potest, in quo demonstrat centrum grauitatis cuiusque trianguli rectam ab angulo in oppositum latus medium ita secare, vt segmentum inter ipsum & angulum duplum sit reliqui. Deinde trianguli duorum laterum vnoquoque in tria æqualia segmenta diuiso, recta per sectionum puncta tertio lateri proxima, per

grauitatis centrum ductam esse. Tertiò, securiculæ grauitatis centrum esse in recta laterum parallelorum bisectionem connectente : cuius securiculæ grauitatis centrum rectam parallelorum laterum bisectricem ita secare demonstrat, vt segmentum bisectricis minori lateri conterminum ad reliquum sit, vt maioris paralleli lateris duplum minore auctum, ad duplum minoris cum maiore. Quartò, parabolarum grauitatis centrum, quod est in earum diametris, hasce diametros in homologa segmenta dirimere: quod de figuris planis intellige, quarum omnium centrum figuræ idem esse cum centro grauitatis ostendit prima propositio, quemadmodum 2. trianguli cuiusque grauitatis centrum esse in recta ab angulo in oppositum latus medium ducta.

XXXII.

Præterea demonstrat in centrobaricis solidorum, solidi cuiuslibet, figuræ & grauitatis idem esse centrum. Deinde prismatis centrum grauitatis esse in axis medio; pyramidis verò in axe, quem à centro grauitatis ita secari docet, vt segmentum vertici vicinius reliqui sit triplum: at verò de centro grauitatis lib. 1. fusiùs actum est, quàm vt hîc plura subiungere debeamus. *Cum autem (mi THEOTIME) hac in parte de ponderibus rectâ descendentibus egerimus, sequenti de obliquè descendentibus, atque vi morus libra, vectis, &c. dicendum est.*

S E C V N D A P A R S.

DE PONDERIBVS OBLIQVIS,

& de viribus vectis, & libræ & aliarum machinarum ad ea reductarum, vbi & de nauigatione, & de quæstionibus mechanicis Aristotelis.

Obliqua pondera dicuntur quæ impediuntur quominus rectè pergant ad centrum, vt cum globulus à vertice montis descendit, tardiusque ad planum montis peruenit, quàm cum absque vilo impedimento perpendiculariter descendit: quò verò planum per quod descendit graue, magis inclinatur, seu magis à perpendiculari recedit, & ad horizontem accedit, eò tardius, ac difficiliùs graue descendit, eoque minus grauitatis suæ vires exerit. Hinc fit vt eò minor vis requiratur ad pondus in plano obliquo retinendum, vel ad illud per idem planum eleuandum, quò planum magis inclinatum fuerit: cum enim ex parte sustineatur à plano obliquo, linea directionis, hoc est centri terræ,

transiens per punctum contactus ponderis cum plano obliquo, pondus non diuidit in partes æquiponderantes, vt contingit in ponderibus liberè per aërem descendantibus. Vix autem aliquid hætenus de ponderibus obliquè descendantibus, vel ascendentibus demonstratum est. Nunc igitur solum ea afferemus, quæ à multis conceduntur.

PROPOSITIONES.

I.

VT fiat æquilibrium duorum ponderum super planis inclinatis positorum, debet vnum pondus se habere ad aliud, vt latus vnum trianguli, in quo pondus vnum consistit, ad aliud latus super quo pondus aliud fuerit: *quod Stevinus ita concipit.* Si triangulum planum horizonti perpendiculare fuerit, basis parallela, reliquis autem lateribus globi singuli addantur æquilibres, erit quemadmodum trianguli latus dextrum ad sinistrum, ita sacoma globi sinistri ad antisacoma globi dextri. *Quod probat, quia si sequeretur alioqui motus perpetuus, quod absurdum esse putat, quem tamen in eo quidam aiunt deceptum fuisse, vt & Pappum, lib. 8. coll. Mathem. prop. 9. quippe existimant tam huius propositionis falsitatem, quam Pappi errorem manifestissime demonstrari.*

II.

Si axis columnæ puncta habeat, firmum; & mobile; & ex isto dependentia pondera, vnum rectè, alterum obliquè eleuans, in dato situ columnam conseruant: vt se habet linea rectè eleuans ad lineam obliquè extollentem, ita illius pondus ad pondus huius. Si verò prædictæ lineæ deprimant, erit pondus rectum ad pondus obliquum, vt linea rectè deprimens ad lineam obliquè deprimentem.

III.

Æqualia pondera suspena è ductariis lineis, quæ ex eodem axis puncto in contrarias partes ductæ æquales cum axe angulos faciunt: in columnam æqualem potentiam exercent. Potentia verò ponderis, cuius ductaria linea axi perpendicularis est, in columnam dati situs est omnium maxima. Hinc fit, vt quod anguli ductariarum linearum, è quibus pondera suspenduntur, angulo recto viciniore sunt, eo ponderum potentias esse maiores: eoque minores, quo longius ab angulo recto dissident.

IV.

Dux annuentes, siue non parallelæ lineæ, è quibus columna depen-

det, in infinitum productæ, in columnæ pendula grauitatis diametris se se interfecant: si verò vna sit horizonti perpendicularis, erit & reliqua: sin obliqua, obliqua: si illa huic annuit, annuet & hæc illi: sin abnuet, abnuet.

V.

Si columna, & duo pondera obliquè extollentia situ æquilibria sunt, vt linea obliquè extollens ad lineam rectè extollentem, ita ponderum quodque obliquum ad suum pondus rectum.

VI.

Quæcumque proportionēs sunt columnæ ad pondera inde suspensa, ponderumque lineas: easdem cuiusuis etiam corporis esse ad sua pondera consimiliter inde pendentia, ponderumque lineas. Hæc autem omnia hoc axioma niti videntur, quod supra tetigi, nempe vt se habet latus ad latus, ita celeritas descensus vnus ponderis ad celeritatem descensus alterius: quoties enim, verbi gratia, sit æqualis descensus, æqualis ad centrum sit accessus: quò autem latus trianguli, seu planum est obliquius, eò longius est: igitur & descensus corporis grauis super eo factus, tardior erit, atque adeo tardius ad centrum vniuersi accedet.

VII.

Hoc concessò principio si fiat triangulum, cuius latus vnum sit perpendiculare horizonti, aliud verò sit ita inclinatum, vt præcedentis centuplum existat, pondus subcentuplum in illo appensum sustinebit pondus centuplum in illo positum, erunt enim æquilibria. Vnde pondere dato dari potest vis, & inclinatio, & è contra.

VIII.

Pondus circulo, vel globo insitens in diuersis partibus varie ponderat, ob varias globi ad horizontem inclinationes: quod & de aliis figuris sphaeroidalibus, & conicis intelligendum est.

IX.

Si eadem sit proportio vis projectorum obliquorum, & rectorum, quæ ponderum rectorum & obliquorum eleuantium, & deprimentium, pilæ, iacula, globi è bombardis emissi, & alia quæcumque vi proiecta tantum de astituitate sua, quantum de rectitudine, deperdunt; eò que iactus illorum debiliores sunt, quo in parietes, vel alia corpora obliquius incidunt: quæ si redeunt, postquam illisa fuerint, eò tardius, minusque longe redibunt, quo ad corpus reflectens obliquius allisa fuerint. Quibus positis globus per lineam obliquam emissus, quæ dupla sit lineæ muro percussò perpendicularis, subduplam tantummodo illius vim habebit, qui per lineam perpendicularem æquali pulueris pyrij virtute mitteretur.

x.

Hinc etiam cognosci posset, quanto minus vela nauium ab obliquis, quàm à rectis ventis impellantur; datisque leucis, quas naues à vento perpendiculari adiutæ faciunt, leucæ dari possent, quas conficerent impulsæ à vento æqualis virtutis, iuxta quamcumque obliquitatem consideratis. *At verò de nautica alibi dicendum est: Iam enim ad vim motus accedo, quæ mirabilis esse videtur.*

x i.

Tanta est vis motus ponderibus ascendentibus, descendentibus, aut intransuersum actis impressus, vt quodlibet minimum pondus, maximum quodlibet superare possit, modo celeritas motus illius compenset, & superet grauitatem istius. Hinc fit vt pondus decidens eò maiorem vim habeat, magisque ponderare videatur quò ex altiori loco decedit: quamuis non sit eadem ratio spatiorum à quibus cadit, & virium: neque res motæ impedimentis suis, (qualis est aër, & superficies contactus corporis per aërem descendentis) sint proportionales; similia enim solida superficiebus suis non sunt proportionalia, nam cubi in ratione octupla habent superficies in ratione quadrupla. Hinc fit vt minora corpora maius impedimentum patiantur, & propterea tardius descendunt quàm maiora: Stevinus tamen asserit se expertum fuisse æquale 30. pedum spatium pari velocitate à duobus globis plumbeis pertransitum fuisse, tametsi essent in ratione decupla.

x li.

Probabile est vim illam ingentem, quam pondera per motum acquirunt, ex eo proficisci, quod aër inter corpus motum, & corpus percussum condensetur, qui cum horum corporum neutrum penetrare, neque huc illuc effugere possit, maximam potentiam exerit. Quod manifestum est in malleo in cuneum celeriter incidente, & impacto, qui longè potentior est, quàm mille mallei eidem cuneo superimpositi, qui pari celeritate, qua cuneus, moueri debent, vt lignum ingrediatur, ac proinde vim habere maiorem quàm lignum in sui diuisione resistentiæ habeat: at verò malleus decidens cuneo ingrediente celerius mouetur cumque adigit eo fortius, quò magis condensat aërem.

x l i i.

Hinc concludere possumus malleum, globum è bombardis emissum, lapidem funda proiectum, &c. eo maiorem vim habere, magisque in corpus, in quod emittuntur, agere, quo magis aërem interpositum condensant; aërem verò eo magis condensari, quò celerius mouentur: igitur si duplo, vel centies celerius mouentur, duplo, vel centies magis aërem condensabunt, ac duplo, vel centies fortius ferient.

XIV.

Magnum quid is in mechanicis reperiet, qui rationem virium corporis decidentis, & spatiorum à quibus decedit, reperiet, & demonstrabit quanto, verbi gratiâ, globus ex altitudine 20. pedum decedens vim maiorem habeat, quàm si ex 10. solummodo pedibus cadat: & quanto maior esse debeat globus ex altitudine 10. pedum cadens, globo ex altitudine 20. pedum decedente, vt vim æqualem habeat, ac corpus subiectum æqualiter feriat; quod pluribus impossibile videtur. *Deinceps verò de singulis instrumentis ad mouenda pondera destinatis agendum.*

XV.

Libræ maiores minoribus exactiores sunt, quia brachia libræ maioris maiorem circulum describunt, cùm eorum extremitates magis à sparto, seu trutina, hoc est centro, distent: hinc fit vt velocius moueantur, quia minus à centro ad motum sibi non naturalem, id est, circumlarem retrahuntur, & à motu recto sibi naturali minus impediuntur, per quem descenderent, nisi à centro retraherentur, & in gyrum inflecterentur. Itaque quo semidiametri, vel radij extremitas magis à centro, vel sparto recedit, eò liberior fit, minusque cogitur; quo circumferentiæ sunt maiores, eo magis vergunt ad rectam lineam: vide igitur (mi THEOTIME) num circumferentia infinita cum linea recta infinita, & contrà coincidat. Quod autem lances plurimorum artificum, quamuis maiores, minus exactæ sint quàm minores Gemmariorum, vel Aurificum, id oritur ex eo quod illæ sint rudes, & materiæ pertinaciæ obnoxiores; hæ verò exquisitiùs elaboratæ. *Hinc constat rationem mobilitatum esse vt diametrorum: & circulos eadem vi motos hanc analogiam seruare, vt quæ est ratio motus in maiore circulo secundum naturam ad suum motum præternaturam, eadem sit motus in minore circulo secundum naturam ad suum motum præternaturam. Denique ab eodem pondere extremum librilis eò celerius ferri, quo plus ab agina distiterit.*

XVI.

Quamuis libræ ponderibus vacuæ æquibrent, non idèò tamen omni fraude carent: si enim spatium non sit in medio, & lanx radij breuioris facta fuerit ex ligno nodoso, vel radici vicino, vel ei plumbum infusum fuerit; adhuc lances æquibres erunt; sit enim breuior radius in 10. partes diuisus, longior in 15. huius lanx ponderet 10. illius verò lanx 15. certe ob permutatam proportionem libra suspensa in sparto æquibrabat: nec ab æquilibrio discedet, si lanci breuioris radij facoma vnciarum 6. & alteri lanci facoma se habens ad 6. vncias, vt 10. ad 15. Propterea quæst. 1. lib. Mechan. purpurarios reprehendit

Arist.

Aristot. cum enim ut 10 ad 15, ita 4 ad 6, pro 4 vnciis purpuræ, 6 vnciarum pretium sumet, sed fraudem deteges, si alternatim facoma modò huic, modò illi lanci apposueris.

XVII.

Cum libra spartum, seu aginam, hoc est centrum habet in superiori parte, & imposito pondere vna pars scapi, seu librilis sursum tollitur, ablato pondere, redit ad pristinum statum, quia in librili sublato plus libræ fiebat extra perpendicularum: si verò fulcimentum, seu centrum est in parte inferiori, librilis pars per pondus depressa, ablato pondere non redit, quia pars inferior librilis maior est, statim atque à parallelismo cum horizonte discessit, ac proinde grauior est, situmque decliuem retinet; alioqui centrum grauitatis ascenderet. Denique cum spartum est exquisitè medium, librilis partes in quolibet situ remanent, cum libræ brachia semper æqualia sint, & centrum grauitatis sit in perpendiculari horizontis: quod iam in parte prop. 11. & 12 dictum fuerat. Hoc autem vltimum libræ genus exactissimum est, cum vel minimo pondere altrinsecus posito declinet. Videatur apud Baldum cur turbo, seu conus, ac trochus puerorum in orbem actus non cadat donec cesset motus; quomodo funambuli in neutram partem cadant; & vnde machinarum demolitoriarum, vt arietum, & testudinum, vires pendeant.

XVIII.

Tametsi de vecte, sicut & de libra in prima parte egerimus, hîc tamen alia subiungemus, quibus omnes ferè quæstiones solui possint, quas Arist. In Mechanicis proposuit. Itaque vectis est palus oblongus, cuius extremum acutius, lingula: obtusius verò, caput appellari potest: quod autem vecti subditur, vel quod ei superponitur, vt onera faciliùs eleuentur, dicitur hypomochlion; quod si prismation fuerit, id est in formam ptismatis factum, & vni laterum vectis supponatur, optimum erit. Musculos autem corporis Galenus vectibus lib. 1. de placit. Hippoer. & Platon. comparauit, quibus singula corporis membra vt totidem onera variè flectuntur, sursum intenduntur, contorquentur, &c.

XIX.

Vectis ad libram reducitur, imò est libra deorsum habens aginam, seu hypomochlion pro centro, siue onus sit inter fulcimentum, & potentiam, siue futura sit inter onus & potentiam, quod sæpius contingit, siue potentia sit inter vectem & onus. Ita verò se habet motum pōdus ad potentiam mouentem, vt brachij longitudo ad brachij longitudinem; & quo brachium lōgius fuerit, eò celerius, ac minori vi mouebitur, maque pondus leuabit: hic vectis, & libra ad circulum reuocantur; cuius

centrum ab agina, seu fulcro, radij vero, seu diametri à brachijs representantur. Videatur Archim. lib. 1. de equipond. prop. 6. & nostra prima pars. Hinc fit vt potentia sit ad pondus sustentum, vt pars vectis ab hypomochlio versus linguam, ad partem ab eodem hypomochlio versus caput.

XX.

Remi, quibus naues impelluntur, ad vectem reduci debent, ita vt scalmus cum naui sit pondus, mare hypomochlion, & remex, potentia mouens, qui manubrium remi tenens mare diuidit, quo palmula remi fulcitur vt nauim antrorsum impellat. Ex tribus autem remigum ordinibus Thalamires, qui sedet ad proram, & Thranites, qui versus puppim, vna impulsione plus scalmum, seu nauem mouent, quàm Zygitæ, seu mesoneus, hoc est qui versus mediam nauis spondam, quæ est ἀερεοειδής. Plus autem illi nauim promouent, quorum remi ita disponuntur, vt remi pars à scalmo ad manubrium maior sit, & pars à scalmo ad palmulam plurimum maris diuidat. Tunc autem mare pondus erit, & scalmus agina, si nauis immobilis esse supponatur. Tamen si vero minus zygitæ, facilius tamen nauim promouet: hinc triremium præfecti robustiores remiges ad proram, & puppim, imbecilliores circa mediam triremem ponunt: quod est contra Aristot. q. 4.

XXI.

Temo, seu gubernaculum nauis ad vectem reducitur, nam mare est hypomochlion, vt antea; cardines verò, scalmus seu pondus mouendum; gubernator, potentia, quæ nauim dextrorsum obliquat mouendo mare sinistrorsum, & contra. Est autem gubernaculum in puppi, cuius paruus motus est causa motus longè maioris qui fit in prora. Maxime verò nauis currens motu pterygij mouetur, non ita quiescens. Videatur Baldus, qui carinam ait vectis instar in conuersione nauis se habere: pars mota, & mouens potentia ad puppim; fulcimentum circa proram; potentia mouens mare, quod alas temonis oblique ferit.

XXII.

Ad gubernaculum reduci debent caudæ piscium, & auium, quarum nempe motu ad dextram, sinistramque conuertuntur. Omitto vela molendinorum, & verticillorum, quæ à vento, quemadmodum alæ pterygis ab aqua, mouentur: de quibus agitur vbi de ventis vela nauium impellentibus. Sequuntur quinque propositiones Nonnij, quas duabus sequentibus complectemur.

XXIII.

Remigibus nauim mouere potentibus caput remi plus antrorsum

mouetur quàm nauis. Capite vero remi motu proprio, & nauis æqualiter motis, palmula immota veluti centrum manet: & palmula immota, caput remi, & nauis æqualiter mota sunt: nam si remi palmula dimota non fuerit à loco suo, ibi quæ tandiu persistat, donec remus situm rectitudinis obtineat, tantum spatium conficiet caput remi motu proprio, quantum nauis.

XXIV.

Capite remi proprio motu conficiente spatium duplum spatij nauis; tunc nauis tantum promouebitur, quantum palmula retrocedet: igitur si nauis æquè prouehitur ac palmula retrocessit, motus capitis remi proprius duplus est motus nauis. Naui autem celerius mota quàm capite remi; palmula antrorsum mouebitur, nec quicquam retrocedet, idque spatij decurret, quo nauis motus motum capitis remi superat.

XXV.

✠ Quò antenna sublimior fuerit, iisdem velis, & vento eodem celerius feruntur nauigia: est autem antenna lignum per transuersum in malo positum; & malus, seu ῥός est lignum instar trunci arboris circa medium nauis perpendiculariter infixum, cuius partem inferiorem, pternam; mediam, πᾶχυνον summam denique, carchesium appellant: vtraque verò latera veli in antenna suspensi dicuntur cornua: sed & tria velorum genera numerantur, nempe artemo, & acatium, quod maius est, dolo, quod minus: & ἑνδρμος, quod à tergo ponitur: lonem vulgo τῖνχῆτον appellant.

XXVI.

✠ Malus & vela expansa reducuntur ad vectem, vis enim mouens est ventus, qui eo maiorem vim acquirit, quanto fuerit pars longior vectis inter hypomochlion, & vim mouentem; pterna, seu calx mali est fulcimentum, carchesium est caput vectis, pondus est locus mediæ spondæ, in qua malus carinam deferit, vel tota nauis. Baldus tamen antennam reducit ad nouum genus ipsius vectis, cuius brachia in angulum desinunt, qualia sunt brachia mallei, quo clauos reuellimus; & forcipum, quæ morfu clauorum capita violenter è tabulis extrahunt: pondus siquidem est clauus euellendus.

XXVII.

Tametsi ventus secundus non fuerit, possumus tamen cornu antennarum ventis obiecto nauigare, quod Aristoteles dixit pedem facere, hoc est ita partem veli disponere, vt obliquo, vel etiam contrario vento vtamur; ad quod rudentes μισοειᾶ quibus detrahitur velum, & ὑπὸ πρῶτον quibus intenduntur ad proram, & ὑπὸ ἰστίον quibus ad angulos conuertuntur, & laxantur, necessarè

sunt. Videatur Plin. l. 2. c. 47. & Galenus 1. de usu part. c. 19. ubi de motu navis mixto ex ventis, & remigantium robore. Hinc fit ut naues eodem vento in partes contrarias agantur: vento enim exempli gratia, dextrorsum nauim pellente gubernaculum cum nautis illam sinistrorsum rapit: ita tamen ventus præualere potest, ut inutilis sit remigum renixus, & industria, ideo que anchora iacienda est. Sed postea de navigatione pluribus agendum erit, itaque redeo ad libram & veltē.

XXV I I I.

Statera, seu trutina reducitur ad libram & veltē: & quæ Aristoteli *στάλαξ* dicitur; illius autem partes sunt scapus; ansa fulcimento hærens: harpago, vel lanx: & æquipondium, quod appendiculum, & *καρπώμα* vocant, quod omnia pondera distinctione punctorum in scapo notatorum supplet, ac vi mouenti respondet. Appendiculum autem paruilicet ponderis, æquibre fit magnis ponderibus in lance appensis, eoque maioribus, quò longius à fulcimento sistitur, quod in extremo ansæ reperitur: seruata enim permutatim ponderum, & brachiorum proportionē fit æquilibrium ut in veltē vel libra, ideoque proportionēs brachiorum, seu spatiorum porportionibus ponderum, & contra, æquari debent: enimvero in æquilibri statera pondus lancis ita se habet ad pondus appendiculi, ut spatium inter fulcimentum & appendiculum ad spatium inter fulcimentum, & punctum, à quo lanx seu pondus dependet.

XXIX.

Cum statera duplex fulcimentum habet, illo grauiora appendimus pondera, quod propius est puncto in quo lanx appenditur, tunc enim veltis est maior. Possumus etiam uti statera, quæ stabile appendiculum, mobile autem fulcimentum habeat, quod cum erit in centro grauitatis, statera stabit, & ita diuisa erit, ut fiat brachiorum, & ponderum eadem ratio, ordine permutato: hæc tamen statera ut minus commoda, non est in usu: quæ actu, & potestate libræ est totuplex, quotuplex est locus ansæ.

XXX.

Cum scapus integer ad pondus appensum eam rationem habet, quam duplum partis, quæ est ab ansa versus lancem, ad reliquum; tunc pondus scapum vniformem, & omnibus suis partibus æqualem in æquilibrio constituit: ut si scapus est 12 vnciarum, & pars à lance ad ansam 2; huius partis duplum est 4, reliquum 8, ut igitur 4 ad 8, ita scapus, idest 12, ad pondus nempe 24 vnciarum. Si verò pars ab ansa ad lancem sit 1, duplum erit 2, reliquum 10: ut igitur 2 ad 10, ita 12, hoc est

totus scapus, ad pondus nempe 60, vnciarum, quod per regulam trium reperitur. Cognoscitur autem ponderationis æquilibrium, cum in appendendo scapus stateræ cum ansa rectos angulos constituit, & plano horizontis parallelus est.

XXXI.

Si stateram pro vecte sumas, trutina erit fulcimentum, seu hypomochlion, pondus leuandum, merx lanci imposita: potentia verò perpendiculum, seu appendiculum, ita vt quanto productior fuerit pars vectis, hoc est scapi, ab hypomochlio ad potentiam, tanto facilius potentia moueat. Statera autem de qua Arist. 20. quæst. plures trutinas actu distinctas habuisse videtur, ita vt hasta statim in vna, statim in alia trutina suspenderetur pro vario pondere determinando, quod fiebat eam proportionem inter pondus mercis, & æquipondij obseruando, quæ erat permutatim inter distantias vtriusque ab assumpta trutina, quæ in trutinando vicem hypomochlij gerit: tunc autem merx est potentia mouens, pondus vero æquipondium, quod æquiponderabat nudæ lanci, vt tota statera per se æquilibrabilis esset. Hinc igitur constat stateram esse simul libram, & vectem; libram, quia quodlibet spatorium, seu trutinarum sit centrum libræ, cuius duæ lances sunt harpago, & æquipondium, quod tantumdem ponderis trahit, quantum est in harpagine: vectem autem, quamuis inuersum, ob rationes prædictas. Æquipondij vero grauitas in vno scapi puncto ad grauitatem eiusdem æquipondij in altero puncto se habet vt remotio ad remotionem, hoc est, vt longitudo scapi à fulcimento ad vnum punctum æquipondij, ad longitudinem scapi à fulcimento ad aliud punctum æquipondij.

XXXII.

Odontagrâ, seu dentiduco medici facilius quàm digitis dentes euellunt, quia odontagogum, hoc est dentiforceps habet rationem duplicis vectis oppositi; commissura enim, seu decussa connexio est hypomochlion, dens est pondus commouendum, qui eo facilius è gingiue suæ gynglimò eximitur, quo brachia forcipum longiora fuerint. Mauult tamen Vbaldus dentem, & forcipem vectium officio fungi; ita vt dens habeat fulcimentum in eo loco, in quo à breviori dentiduci brachio tangitur, longius brachium sit potentia mouens, dentis vero resistentia ponderis vices referat. Quo vero maior fuerit proportio latitudinis dentis à fulcimento ad potentiam ad eam quæ est à fulcimento ad pondus, eo facilius auellatur.

XXXIII.

Nucifrangibulum certius quàm ictus frangit nuces: nisi enim mal-

leus ita incidat in nucem vt punctum quo planum mallei attingit nucem incidat in rectam lineam cum puncto plani, cui nux insistit, facile elabatur, & ictum ob sui rotunditatem eludit. Quò verò manubria, seu brachia forcipis nucem frangentis longiora fuerint, & quò maior erit proportio spatii à vertebra, hoc est hypomochlio, ad extremitatem brachiorum seu ad potentiam mouentem, ad partem brachii quæ est à fulcimento ad nucem, eo validius nux frangetur; quò nux fulcimento propior fuerit, maior fiet vectium eleuatio, seu maior brachiorum apertio.

xxxiv.

Magnum quid is in mechanicis reperiet, qui proportionem inter vim dati nucisfrangibuli, & cuiuscumque alterius forcipis, & vim ictus vel motus impressi dati assignauerit; hac enim ratione dici poterit quæ sit proportio ponderis, vel potentiae pugni hominis ferientis, cum ipso pugno non feriente: quod aliqui aiunt constare posse ex percussione lancis vacuæ collatæ cum plena: si enim ictus pugni, vel mallei deprimat lancem vacuam, præponderabit ponderi alterius lancis; alioqui lanx onerata grauior, vel fortior erit ictu dato: quod etiam in vecte, & stateris experiri possumus. Expertus sum quidem pondus vnus libræ cadens ex altitudine dimidii pedis vim æqualem habere 6 libris absque vlllo motu chordæ æneæ insistenti: eundemque effectum præstare semilibram ex altitudine sesquipedali, & quadrantem libræ ex quadrupedali altitudine decidentem: sed vltius inquirendum, antequam certam vllam inter prædicta proportionem statuamus.

xxxv.

Longa ligna manu, vel humero gestata longè difficilius ab extremo, quàm à medio sui gestantur, quia quò longiora sunt, eo magis flectuntur, & vibrantur, atque nutant, quapropter per lationem quæ fit sursum & deorsum centrum grauitatis mutant, & lationem anteriorem impediunt, latorem quodammodo retrahendo. Ratio verò mechanica est, quia lignum gestatum est vectis, potentia sustinens est manus; pondus, extremitas ligni remotior; humerus, fulcimentum; vel si manus est fulcimentum, humerus, aut quidpiam simile dicetur potentia sustinens. Itaque manus, vel humerus, hoc est potentia sustinens pondus debet esse ad pondus, vt totum lignum, id est totus vectis, ad partem eius quæ à potentia ad fulcimentum. Verbi gratiâ, si minima pars inter manum & humerum intercepta sit sextupla maximæ partis inter humerum, & extremum vectis in quo pendet pondus 6 librarum, interceptæ, humerus 36 libras feret; qui tamen in medio ligni constitutus 12 solum libras gestaret: tunc enim extrema se inuicem

suspendant, librant, & subleuant, vt fiat æquilibrium. Hinc habetur ratio cur hasta solo iacens manu ad alteram extremitatem appensa difficillime extollatur.

XXXVI.

Baculus, vel lancea digito facilius sustinentur, si fuerint horizonti perpendiculares, quia tunc partes inferiores sustinent superiores: cum autem baculus inclinatur, omnes partes sine fulcimento tendunt deorsum: & hypomochlion non longè abest à vi mouente, à quo tamen longius distat alterum extremum inclinatum.

XXXVII.

Cum idem pondus valde procerum est, difficilius ab humero fertur, quam cum breuius est, quia quo magis extrema ligni ab eius centro recedunt, eo debiliora fiunt, ac proinde suo pte pondere facilius nutant, ac succussantur, & duplici pressione grauant humerum: dum enim deorsum vergunt, impetu ex ipsa violentia acquisito trahunt centrum humero suprapositum: quia tamen post depressionem extrema vibrata attolluntur, secumque centrum ad superiora trahere conantur, humerus alleuiatur. Vbi aduertendum dextrum humerum non adeo aptum esse ad onus ferendum ac sinistrum, quia huius est sustinere, illius vero, vt & cruris dextri, mouere, impellere, & trahere.

XXXVIII.

Ex duobus hominibus phalangâ, seu perticâ pondus ferentibus, ponderi vicinior magis premitur, atque laborat, quia phalangarius, seu baiulus ponderi, hoc est hypomochlio vicinior, habet rationem ponderis moti, baiulus vero remotior est potentia mouens, ex cuius parte se tenet longior pars perticæ, quæ vectis est. Vterque tamen baiulus fulcimentum, & potentia dici potest, est autem mobile quod inter vtrumque appendet. Quapropter potentia vnus ad alterius potentiam erit vt interualla inter potentias, & pondus reciproce. Vtrisque autem vectis cum appenso pondere innititur. De reliquis viribus & machinis, & circuli mirabilibus sequenti parte dicturi sumus.

TERTIA PARS.

DE VUTILITATIBVS, ET mirabilibus circuli in mechanicis.

PROPOSITIONES.

I.

Circulus, quem Aristoteles initio Mechanicæ, quantitatis ponderum, & potentiarum examinatricis, θαυμασιώτατος appellat, plurima complectitur, quæ mirabilia esse videntur. Primò, fit ex quodammodo contrariis, mouente, & immoto, quia dum vnum extremum diametri circulum describentis mouetur, alterum quiescit. 2. tametsi omnia puncta diametri, quæ sunt infinita, simul moueantur, inæqualiter tamen mouentur. 3. extremum diametri motum duobus motibus contrariis eodem tempore mouetur, vno naturali ad peripheriam, altero violento retrahente versus centrum. 4. terminus circuli, qui est vnica linea, latitudinis expers, est simul conuexus, & concavus, quæ duo contraria videntur. 5. eodem tempore ad contrarias loci differentias, nempe ante, & retro, sursum, & deorsum mouetur.

II.

Vbaldus negat primum mirabile circuli, quia quælibet pars diametri circulum describens mouetur, punctum autem immotum non est pars circuli: deinde, si diameter proportionem cresceret & decresceret & stante altero extremo moueretur, describeretur ellipsis. Tertiò, spiralis linea altero semidiametri extremo manente, altero moto producit: concluditque illud conuenire circulo, non quod vna semidiametri extremitas moueatur, alia stet, sed quia sua circulatione semper eandem seruat longitudinem. Præterea monet quartum θαυμασιώτατος superficiei, ellipsi, hyperbolæ, parabolæ, spiræ, cyffoidi, conchoidi, & aliis infinitis curuis lineis conuenire. Denique negat quintum: qui enim per circuli circumferentiam ambularet, centrum semper haberet ad dextram, vel ad sinistram.

III.

III

His tamen nonobstantibus prædicta potiori aliquo iure circulo conueniunt; præter quæ vult Arist. radij circulum describentis duas lationes, nempe secundum, & præter naturam, nullam habere rationem inter se, quæ vel numeris, vel lineis explicari queat; alioqui futurum esse, vt rectam describerent; sed eum Vbaldus arguit, cum mixtus motus, qui nunquam proportionem seruatâ sit, etiam ellipsim, & quamcumque aliam lineam, cuius nulla pars sit recta, describere possit: imò demonstrat circulum ex mixto motu produci posse, qui aliquam proportionem, sed non eandem seruet.

IV.

Quæcumque ferè in mechanicis mirabilia contingunt, oriuntur ex secunda proprietate circuli, quia quod mouetur in puncto à centro remotiori, velocius illo mouetur quod ab eo distat minus, ita vt velocitas, & facilitas motus se habeat ad velocitatem, vt circumferentia ad circumferentiam, & diameter ad diametrum. Qua proprietate, quòve principio libra, vectis, & aliæ machinæ nituntur.

V.

Præter dicta, multæ proprietates admirandæ circulo conueniunt; primum enim vnica linea simplicî, vniformi, carente fine & principio, finitâ tamen, constat: licet illa linea non faciat angulum, ad eum tamen proximè accedit, imò dici potest *πᾶν γωνίας*, & *ἰσόγωνος*. Hinc Benedictus vocat circulum, & sphæram figuras infinitorum angulorum rectorum; quem tamen numerum angulorum in circulo ait minorem esse duplo infinito per duo infinita angulorum contingentia, quæ duo infinita sunt minora quouis angulo acuto rectilineo: numerum autem angulorum rectorum solidorum sphære minorem esse quadruplo infinito per quatuor infinita angulorum solidorum contingentia: quæ quatuor infinita, minora sunt quouis angulo solido acuto terminato à tribus planis: negat autem circulum esse primam figuram, id enim triangulo conuenire ait, sicut pyramidi quadrilateræ, vt sit prima inter corpora, inter quæ sphæra est vltima, quemadmodum circulus est vltimus inter figuras. *Omitto alias circuli passionēs, de quibus dictum est in Geometria.*

VI.

Rotundæ figuræ sunt reliquis mobiliore, quia planum quouis modo circumuolutæ in vno tantum puncto tangunt, ideoque minus atteruntur, & impediuntur, quia faciunt angulos contingentia omni acuto rectilineo minores; hinc ad motum procliuiore sunt, parum enim absunt à plano propter angustiam anguli: & vnica linea plano

perpendiculari solo hæret ; unde quodlibet eo difficilius mouetur, quo pluribus punctis planum tangit , tot enim lineæ perpendiculares per mobile transcurrentes illud cum plano vniunt , atque fulciunt, ne deliciatur : quapropter figurarum planum pro vertice habentium instabilissima cubus dicitur, quamuis procliuior sit ad volutationem quam retraëdum, aut pentaëdum, quia cum pluribus planis claudatur, magis ad sphæram accedit : nam quo plura latera, pluresque angulos figuræ regulares habuerint, eo viciniore circulo , vel sphæræ, ac proinde mouentiores erunt: quò verò mobilis latus contingens planum latius fuerit, eò difficilius mouebitur , imò si planum mobilis, & planum quod tangit, essent perfectè plana, mobile superius apprehensum à plano subiecto vix disiungi posset : hinc aiunt multi, aut parietem perfectè planum non posse tangi à cubo æneo ita emisso è bombardâ, vt aliqua cubi superficies rectâ versus parietem tendat, quantumuis bombardâ parieti vicina, & quantacumque violentia explosa fuerit : neque enim aër intermedius cedit : *verùm ea de re postea.*

VII.

Aliæ sunt rationes, ob quas figura circularis mobilior est : i. quia in omni positu dimidia sui parte quoquouersum ad planum acclinat ; ideoque sphæricum ad latus quacumque vi mouebitur, quæ aërem impulsu, vel tractu diuidere poterit : cum vnicus aër circumstans motum impediat. Hinc perpetua est circuli propensio ad motum : quò verò circulus maior fuerit, tanto nutus eius, seu propensio ad motum maior erit, quia extremitas diametri maioris remotior est à loco suo naturali, ad quem propterea magis conatur, est autem nutus, seu *vis à Deo* vnique rei impressa, qua in loco suo naturali quiescit, & volenti ab eo dispellere, resistit ; quæ resistantia dicitur *antipæsis*. Cum autem omnis circulus infinitos concentricos intra se contineat, omnis peripheria nutum habet infinitum, ac proinde perpétuum ad motum.

VIII.

Linea recta ab extremo semidiametri in diametrum perpendiculariter acta demonstrat qualis sit nutus ; nam quo maior est semidiameter, eo maior est prædicta linea, prædictusque nutus ; linea enim recta ducta à termino, à quo mobile mouetur, vsque ad terminum, in quo quiescit, dicitur *linea nutus* ; eademque in terminis contrariis, *linea renixus* : illas verò secans linea ad angulos inæquales, dicitur *linea obliqui nutus*, vel *renixus* : secans autem ad rectos, nec est ad nutum nec ad renixum. Angulus autem ad angulum nutare dicitur, cum in angu-

lorum æqualitate erurum est inæqualitas. Ex illo autem perpetuo nutu fit vt cum globum voluimus, eum iam veluti proprio nutu se mouentem moueamus; nam post motum ad centrum vniuersi, maxime circulare desiderat: & linea perpendicularis ducta à puncto contactus ad diametrum globi demonstrat eum esse in æquilibrio; quælibet autem vis duo pondera æquilibria ab hoc statu æquilibri dimouere potest.

IX.

Quo circuli maiores, eo mouentiores ob rationes prædictas; & quia eorum anguli contingentiae minores sunt: vnde quod rotæ curruum sunt maiores, eò ad celeritatem, & motus facilitatem commodiores: Quod etiam sarcina est altior, facilius trahitur ab equo, quam vbi depressior est, quia tunc non nihil ferenda & non solum trahenda: modo tamen non adeò sit alta, vt iugum ex collo præ pondere posteriore trahat: cum autem onus simul trahendum, & sustinendum est, vt in bellicis tormentis, vnus equus iugum sustinere, alij loris trahere debent. Hinc explicari potest cur binæ rotæ quaternis faciliores sint: cur prioribus posteriores rotas maiores esse oporteat; quare sarcina in anteriore plaustri parte poni debeat, &c. quæ ex dictis, vel ex dicendis concludi possunt.

X.

Quando duo vel plures circuli ita firmiter eidem axi iunguntur, & circa eum conuoluuntur, vt minores tantum ad maioris motum, vel maior ad minorum motum moueantur, minor motu maioris lineam eiusdem longitudinis suâ circumferentia describit, cuius est linea à circumferentia maioris descripta, etiamsi maioris circuli diameter millecupla esset diametri minoris: si verò maior circulus ad motum minoris feratur circa axem, linea descripta à maiori ad breuitatem lineæ descriptæ à minori redigetur. Quod quidem mirabile esse videtur, cum vtrique planum subiectum in toto motu tangant, neque vllam partem plani pars vlla circumferentiæ bis tangat, aut transfiliat. Vnde sequi videtur circulum quemlibet maximum æqualem videri circulo quantumlibet minimo, & contra, cum vterque maior, & minor sint æquales vni tertio, nempe lineæ rectæ ab vtroque descriptæ.

XI.

Ratio cur circuli adeò inæquales eandem lineam describant, ex eo sumenda est, quod minor, aut maior, non proprio motu, sed violento alterius moueatur: circulus enim ab alio motus extenditur, & applicatur secundum extensionem mouentis, adeo vt motus minoris, ra-

factioni; maioris verò, condensationi comparari possit: maioris autem condensationem cum luce in vnicum à speculo parabolico punctum coacta conferunt. Itaque cessabit admiratio si consideremus minorem non exercere motum suum, cum transfertur à maiori; hinc fit vt aliqui negent centrum maioris esse centrum minoris, quod nempe feratur, cum tamen centrum maioris agat, & moueatur.

XII.

Cum minor circulus motu maioris circumuolutus spatio maioris æquale spatium conficit, tarditas minoris raritati, maiorisque velocitas densitati comparatur, adeò vt quod est in tempore successiuo tarditas, in loco permanente raritas, & quod in illo celeritas, in isto densitas esse videatur: quemadmodum enim densitas partes quantitatis permanentis, ita celeritas partes quantitatis successiuæ comprimit: & sicut celeritas, aut tarditas motus, ita densitas & raritas corporis semper maior fieri potest; motus enim qui fit à digito spatio vnus minuti horæ, ita tardus esse potest, vt tot annorum duret milliones, quot arenas firmamentum continere potest: hinc motus firmamenti, qui factus est à principio mundi vsque ad annum 1644. ab Oriente in Occidentem, totus fieri potest durante vnico horæ minuto: Granum etiam sinapis ita rarefieri, vt totum firmamentum compleat, & totus mundus ita condensari, vt in grano sinapis concludatur.

XIII.

Rotundorum motus sex species assignantur; nam sphaericum per se, vel ab alio mouetur; *per se*, vt coelum, cuius nulla pars primò moueri dicitur; *ab alio*, cum pars aliqua primò mouetur, idque vel progrediente axe, vel manente: *progrediente*, cum motus incipit à circumferentia, vt in rota super planum volutata: vel cum incipit ab axe, vt in rota per axem currus circumducta. *Manente* verò, vel axe moto in suo loco, vel immoto: *moto*, vel cum motus incipit à circumferentia, vt in succula per collopes versa; vel cum incipit ab axe, vt in mola, qua acuuntur gladij. *Immoto*, vt in trochlea, cuius vertentis per funes motus incipit à circumferentia, sed axe penitus immoto. Deinceps verò de trochleis, succulis, & aliis machinis agendum est.

Q V A R T A P A R S.

DE TROCHLEIS.

PROPOSITIONES.

I.

Trochlea est instrumentum tractorium ex rotula circa axiculum fixum alicubi appensum per funem ductarium in eius circumferentia circumuoluta, quæ pro libito multiplicatur, vt fiat trispaston, pentespaston, polyspaston, &c. in quibus rotulæ sibi inuicem seruientes onus attrahendum ita diuidunt, vt facillimè attrahatur. Simplex autem trochlea, qualis est ea, qua haurimus aquam ex puteis, nullam vim mouenti addit, sed tantum impedimenta tollit.

II.

Trochlea reduci potest ad vectem, cuius fulcimentum, seu hypomochlion est in medio, à quo cum pondus, & potentia in extremitatibus funis circumducti æquidistant, sunt in æquilibrio, cum sit eadem proportio ponderis ad potentiam, quæ distantia ad distantiam: diameter autem rotulæ motæ vectis euadit. Id autem ita Guid. Vbaldus concepit. Si funis trochleæ supernè appensæ orbiculo circumducatur, alterumque eius extremum ponderi alligetur, altero interim à potentia pondus sustinente apprehenso; erit potentia ponderi æqualis. Vnde constat iterum idem pondus ab eadem potentia absque trochleæ auxilio sustineri posse.

III.

Si funis orbiculo trochleæ ponderi alligatæ circumducatur, altero eius extremo alicubi religato, altero verò à potentia pondus sustinente apprehenso; erit potentia ponderis subdupla. Vnde sequitur pondus hoc modo à minori in subdupla proportionem potentiæ sustineri, quam sine ullo huiusmodi trochleæ auxilio.

IV.

Si vtrisque duarum trochlearum singulis orbiculis, quarum altera supernè, altera verò infernè constituta, ponderique alligata fuerit, circumducatur funis, altero eius extremo alicubi religato, altero verò à potentia pondus sustinente detento; erit potentia ponderis subdupla.

V.

Si vtrisque duarum trochlearum singulis orbiculis, quarum altera supernè, altera verò infernè constituta, ponderique alligata fuerit, circumducatur funis: altero eius extremo inferiori trochleæ religato, altero verò à potentia pondus sustinente detento: erit potentia ponderis subtripla; quilibet enim funis tertiam ponderis partem sustinebit.

VI.

Si tribus duarum trochlearum orbiculis, quarum altera supernè vnicò duntaxat, altera verò infernè, duobus autem insignita orbiculis, ponderique alligata constituta fuerit, funis circumponatur; altero eius extremo alicubi religato, altero verò à potentia pondus sustinente retento; erit potentia ponderis subquadrupla: & ideo quilibet funis quartam ponderis partem sustinebit.

VII.

Si quatuor duarum trochlearum binis orbiculis, quarum altera supernè, altera verò infernè, ponderique alligata, disposita fuerit, circumducatur funis: altero eius extremo inferiori trochleæ religato, altero verò à potentia pondus sustinente retento: erit potentia ponderis subquintupla. Vnde constat orbiculos trochleæ, cui est alligatum pondus, efficere, ut pondus minore sustineatur potentia, quàm sit ipsum pondus: quod trochleæ superioris orbiculi non efficiunt.

VIII.

Si funis orbiculo trochleæ sursum appensæ fuerit circumuolutus, cuius altero extremo sit alligatum pondus: alteri autem mouens collocata sit potentia: mouebit hæc vecte horizonti semper æquidistante. Igitur spatium potentie pondus mouentis est æquale spatium eiusdem ponderis moti. Præterea potentia idem pondus per æquale spatium in æquali tempore mouet, tam fune hoc modo orbiculo trochleæ sursum appensæ circumuoluto, quàm sine trochlea, dummodo ipsius potentie lationes in velocitate sint æquales.

IX.

Si funis orbiculo trochleæ ponderi alligatæ fuerit circumuolutus, qui in altero eius extremo alicubi religetur, altero autem à potentia mouente pondus apprehenso: vecte semper horizonti æquidistante potentia mouebit. Iisdemque positis, spatium potentie pondus mouentis duplum est spatij eiusdem ponderis moti. Potentia deinde idem pondus in æquali tempore per dimidium spatium mouebit fune circa orbiculum trochleæ ponderi alligatæ reuoluto, quàm sine trochlea: dummodo ipsius potentie velocitates motuum sint æquales.

Si funis circa plures reuoluatur orbiculos, altero eius extremo alicubi religato, altero autem à potentia pondus mouente detento: potentia vectibus horizonti semper æquidistantibus mouebit. Iisdem positis, spatium potentiae duplum est spatij ponderis. Præterea potentia idem pondus in æquali tempore per dimidium spatium mouebit fune circa duos orbiculos reuoluto, quorum vnus sit trochleæ superioris, alter verò sit trochleæ ponderi alligatæ; quàm sine trochleis, dummodo ipsius potentiae lationes sint æqualiter veloces.

XI.

Fune circa singulos duarum trochlearum orbiculos, quarum altera supernè, altera verò infernè, ponderique alligata fuerit, reuoluto: altero etiam eius extremo inferiori trochleæ religato, altero autem à mouente potentia detento: erit decursum trahentis potentiae spatium, moti ponderis spatij triplum. Vnde tempus istius motus cognoscitur, eadem enim potentia in æquali tempore, spatio secundum triplum ampliori sine huiusmodi trochleis idem pondus mouebit, quàm cum eisdem hoc modo accommodatis. Spatium ponderis sine trochleis moti æquale est spatio potentiae: qua ratione in omnibus tempus inueniemus.

XII.

Fune circa tres duarum trochlearum orbiculos, quarum altera supernè vnico dumtaxat, altera infernè, duobus autem insignita orbiculis, ponderique alligata fuerit, reuoluto: altero eius extremo alicubi religato, altero autem à potentia pondus mouente detento: erit decursum trahentis potentiae spatium moti ponderis spatij quadruplum. Hinc patet ita se habere pondus ad potentiam ipsum sustentem, vt spatium potentiae mouentis ad spatium ponderis moti. Deinde orbiculos trochleæ ponderi alligatæ efficere, vt à moto pondere minus, quàm à trahente potentia describatur spatium: maiorique tempore datum æquale spatium describi, quam sine illis. Quod quidem orbiculi trochleæ superioris non efficiunt.

XIII.

Si funis orbiculo trochleæ à potentia fursum detentæ fuerit circumuolutus: altero eius extremo alicubi religato, alteri verò pondere appenso, dupla erit ponderis potentia. Quibus positis mouebit hæc eadem vecte horizonti semper æquidistante, per 14 prop. Gnid. Vbaldi: & spatium ponderis moti duplum erit spatij potentiae mouentis. Vnde sequitur, idem pondus trahi ab eadem potentia in æquali tempore per duplum spatium trochleâ hoc modo accommodata, quàm sine trochleâ: dummodo ipsius potentiae lationes in velocitate

sint æquales. Spatium enim ponderis moti sine trochlea æquale est spatio potentiaæ.

XIV.

Si vtriusque duarum trochlearum singulis orbiculis, quarum vna supernè à potentia sustineatur, altera vero infernè, ibique affixa, constituta fuerit, funis circumducatur: altero eius extremo superiori trochleæ religato, alteri vero pondere appenso: tripla erit ponderis potentia. Et spatium ponderis moti triplum erit spatij potentiaæ motæ.

XV.

Si vtriusque duarum trochlearum binis orbiculis, quarum altera supernè à potentia sustineatur, altera vero infernè, ibique annexa, collocata fuerit, funis circumducatur: altero eius extremo alicubi, non autem superiori trochleæ religato, alteri vero pondere appenso: quadrupla erit ponderis potentia: & spatium ponderis moti quadruplum erit spatij potentiaæ: & sic in infinitum omnis potentiaæ ad pondus multiplex proportio inueniri poterit, ostendeturque semper ita esse pondus ad potentiam ipsum sustinentem, sicuti spatium potentiaæ, pondus mouentis, ad spatium ponderis moti.

XVI.

Vectium ipsorum orbiculorum motus ita fit, vt vectes orbiculorum trochleæ superioris moueantur, id est, habeant fulcimentum in extremitate, potentiam in medio; & pondus in altera extremitate appensum: vectes verò trochleæ inferioris habent fulcimentum in medio, pondus, & potentiam in extremitatibus. Hinc constat orbiculos trochleæ superioris efficere, vt pondus moueatur maiori potentia, quàm sit ipsum pondus, & per maius spatium potentiaæ spatio, & per æquale, tempore minori: quod quidem orbiculi trochleæ inferioris non efficiunt.

XVII.

Si vtriusque duarum trochlearum singulis orbiculis, quarum altera supernè appensa, altera verò infernè, à sustinente potentia retenta fuerit, funis circumuoluatur: altero eius extremo alicubi religato, alteri autem pondere appenso; dupla erit ponderis potentia. Vnde patet orbiculos trochleæ inferioris in his efficere vt pondus maiori potentia moueatur, quàm sit ipsum pondus, & per maius spatium spatio potentiaæ, & minori tempore per æquale: quod quidem orbiculi superioris trochleæ non efficiunt.

XVIII.

Si vtriusque duarum trochlearum singulis orbiculis, quarum altera supernè

supernè à potentia sustineatur, altera verò inferne, ponderique alligata, constituta fuerit, funis reuoluatur: altero verò inferiori trochleæ religato: pondus potentia, sicut & spatium potentia spatij ponderis, sesquialterum erit.

XIX.

Si tribus duarum trochlearum orbiculis, quarum altera vnus tantum orbiculi superne potentia sustineatur, altera verò duorum inferne, ponderique alligata, collocata fuerit, funis circumuoluatur: altero eius extremo alicubi, altero autem superiori trochleæ religato. pondus potentia sesquitertium erit, sicut & spatij ponderis.

XX.

Si vtriusque duarum trochlearum singulis orbiculis quarum altera supernè à potentia sustineatur, altera verò inferne, ponderique alligata collocata fuerit, circumducatur funis: altero eius extremo alicubi, altero autem superiori trochleæ religato, erit potentia ponderis sesquialtera, sicut & spatium ponderis spatij potentia sesquialterum: & sic procedendo in infinitum semper ostendemus potentiam pondus sustententem ita esse ad pondus, vt spatium ponderis ad spatium potentia pondus mouentis.

XXI.

Si vtriusque duarum trochlearum singulis orbiculis, quarum altera superne à potentia sustineatur, altera vero inferne, ponderique alligata, constituta fuerit, circumferatur funis, vtroque eius extremo alicubi, non autem trochleis religato: æqualis erit ponderi potentia.

XXII.

Si tribus duarum trochlearum orbiculis, quarum altera vnus dumtaxat orbiculi superne à potentia sustineatur, altera verò duorum inferne, ponderique alligata fuerit constituta, circumdetur funis: vtroque eius extremo alicubi, sed non superiori trochleæ religato: duplum erit pondus potentia: spatiumque potentia duplum erit spatij ponderis.

XXIII.

Si tribus duarum trochlearum orbiculis quarum altera binis insignita rotulis à potentia superne detineatur: altera vero vnus tantum rotulæ inferne constituta, ac ponderi alligata fuerit, circumuoluatur funis: vtroque eius extremo alicubi, non autem inferiori trochleæ religato: dupla erit ponderis potentia. Videatur Vbaldus, qui prop. 26. problematicâ modum ostendit, quo reperiatur proportio superpartiens, multiplex superparticularis, & multiplex superpartiens, quam habet pondus ad potentiam pondus sustententem; ita vt pluribus

funibus, & trochleis superioribus tantum, vel superioribus vti possumus. Sed & quaecunque alia proportio infinitis modis inueniri potest, cum omnis ex infinitis proportionibus componi possit, vt ostendit Eutocius in 4. prop. lib. 2. Archim. de sphaera, & cylindro. In his autem maiorem semper proportionem habebit spatium potentiae mouentis ad spatium ponderis moti, quam pondus ad eandem potentiam.

XXIV.

Ex his omnibus sequitur datum pondus à data potentia trochleis, sicut & vectibus moueri posse, idque per data spatia sibi inuicem longitudine commensurabilia: & quamlibet datam in numeris proportionem inter pondus, & potentiam: ac inter spatium ponderis moti, & spatium potentiae motae, infinitis modis trochleis inueniri posse. Denique quò pondus facilius mouetur, eo quoque tempus maius esse: quò verò difficilius, eo minus esse: & è conuerso.

XXV.

Non est simpliciter verum quod ait Aristoteles q. 9. nempe ea celerius, & facilius moueri, quae maioribus trochleis, & scythalis mouentur; nam quando funis vni trochleae siue maiori siue minori circumducitur, si in duobus extremis chordae aequalia pondera suspendantur, erunt in aequilibrio, quod aequali superaddito pondere aequè tolletur in minori, ac in maiori trochlea: brachia enim bifariam diuiduntur, & in vtrisque eadem est brachiorum proportio, & eadem ponderum ratio. Verum autem erit dictum Aristotelis, quando trochlea maior maiorem habet rationem ad suum axem, quam minor ad suum. Vnde patet trochleam illam facillimè pondus trahere, quae cum maxima sit, minimum axem habet, eumque axungiâ perfusum.

XXVI.

Quò longitudo manubrij rotæ maiorem habet proportionem ad axis semidiametrum, eo facilius mouet. Reducitur autem ad illud vectis genus, in quo fulcimentum est inter pondus, & potentiam: nihil autem refert vtrum rotæ lateri vel axi manubrium affigatur, vel rectis, aut curuis partibus constet. Quamuis autem rota grauior ob maiorem resistentiam difficilius moueatur, licet aequalis sit magnitudinis, tardius tamen cessat à motu, quia impetum impressum diutius retinet; vt contingit in proiecto lapide cum palea comparato. Alia vero quae ad scythalas, & alias machinas attinent, in sequentibus explicabuntur.

QVINTA PARS.

DE SCYTALIS, ERGATIS, AXE in peritrochio, tollenone, cochlea, pancratio, &c.

PArum differunt scytalæ, ergatæ, & axis in peritrochio, cum circa illorum axem funis ductarius voluatur; ergata tamen, seu τογὼν axem horizonti perpendicularem habere, vel duabus trabibus perpendiculariter erectis fulciri dicitur; succula verò, Græcis ὀβὺς supinum axem habet, vel quatuor tignis ex vtraque parte binis sustentatur: de qua loquitur Hippocrates lib. 3. de fracturis. Cæterum hæc omnia ad vectem reduci constat ex sequentibus propositionibus. Aduertendum est autem succulas pro collopibus à quibusdam sumi, quibus ergatæ, vel axes mouentur, sed nos vitandæ confusionis gratiâ illa duo nomina semper distinguemus.

PROPOSITIONES.

I.

Ratio cur maiores collopes circa eandem ergatam facilius moueantur, vel saltem maiora pondera moueant, ex eo petenda, quod maiores lineæ ex centro celerius moueantur ab eadem vi; collopes autem, quibus ergatæ, & succulæ voluuntur, linearum & vectium rationem habent; centrum vero est in medio axis. Vnde fit etiam vt succulæ graciliores facilius moueantur, quia collopes sunt tanto maiores, quanto succula gracilior fuerit.

II.

Omisa scytalâ Laconicâ apud Lacedæmonios in litteris scribendis vsurpata, quæ fuit lignum teres oblongum, instar cylindri, circa quod chartam exaratam spiratim circumuoluebant, ad scytalas vectorias accedo, quibus onera facilius quam curribus portantur, quamuis illæ minores rotas habeant, hæ siquidem rotæ scytalis coniunguntur, atque adeo simul conuertuntur: hinc in scytalis nulla est offensatio, neque huc illuc nutant, vt rotæ curruum quæ ab axe

seiuñcta sunt : & ab ipso onere iam commoto, supra, & simul à potentia mouentur. His autem succulis siue rotatis, siue non, architecti, lapidæ, & alij artifices sæpissimè vtuntur, cum lapides, naues, trabes, aut alia quæpiam grauißima pondera per horizontis planum transferunt; cum enim centra scytalarum ab horizontis plano æqualiter distant, pondus æquidistanter horizonti mouetur, & ideo centrum grauitatis illius nusquam in motu qui fit, eleuatur. In his vero tarditatem motus, qui in eo tardior, quo vectes, vel collopes longiores, mouendi facilitas abunde compensat.

III.

Potentia pondus sustinens axe in peritrochio ad pondus eandem habet proportionem, quam semidiameter axis ad semidiametrum tympani, vnà cum collope. Hinc fit vt potentia semper minor sit pondere, cum semidiameter axis semper minor sit semidiametro tympani: & potentia eo minor sit pondere, quo semidiameter axis minor est semidiametro tympani vnà cum collope. Inde vero concluditur ita esse pondus ad potentiam pondus sustententem, vt spatium potentie mouentis ad spatium ponderis moti; maioremque semper habere proportionem spatium potentie mouentis ad spatium ponderis moti, quam pondus ad eandem potentiam. At quo facilius pondus mouetur, eo quoque tempus maius est; & quo difficilius, eo minus: & è conuerso.

IV.

Paruo cuneo valida fit impressio, magnæque finduntur moles: qui reducitur ad vectes, quorum hypomochlion est in extremo apice cunei, pondus vero intra vectem, ea videlicet ligni pars, quæ à cuneo vrgetur, ac diuellitur, cuneo autem valida mallei percussio vires addit: hinc fit vt cunei virtus partim ex duplici vecte, partim ex mallei percussione constet: quanquam illum ita considerare possimus, vt dum ingreditur, id quod scinditur, nihil aliud sit quam pondus supra planum horizonti inclinatum mouere: ideoque ad libram reduci potest; eadem est enim ratio, siue manente cuneo, vt pondus super cunei latus moueatur, siue eodem etiam moto, pondus adhuc super ipsius latus moueatur, tanquam super planum horizonti inclinatum.

V.

Quò minor est cunei angulus ad verticem, hoc est, quo cuneus acutior est, quò malleus est grauior, & durior: quò maius est manubrium mallei, quo vtimur, vt cuneum percutiamus, eo maior est effectus; & quidem tantus vt à nullo alio vecte, aut vllâ cochleâ suppleri possit. Húcque enses, gladij, mucrones, secures, ferra, cuius dentes instar cunei percutiunt, dolabra, & lima, quorum tot cunei,

quot denticuli: necnon venenatorum, & aliorum animalium mordentium, & omnium instrumentorum vulnera inferentium dentes, stimuli, & acumina referri possunt. *Quamquam id alij de ferra, & lima negant, quod alibi forte discutiemus.*

V I.

Duplicem cuneorum speciem, linearem & superficiale Baldus statuit; linearis complectitur acus, subulas, clauos, enses, aculeatam culicis proboscidem; apum, vesparum, scorpionum culeos, &c. quæ quanto magis ad imaginariæ lineæ subtilitatem accedunt, tanto magis, & facilius penetrant. Hæc autem cuneorum species, siue angularis, siue rotunda fuerit, adeo subtilis esse, & tanta celeritate cūtem, imo forte totum corpus penetrare potest, vix vt sentiatur.

V I I.

Superficialis cuneorum species acie in lineam superficiei terminum definens continet cultra, enses, secures, scalpra lata, &c. quorum illa validissime scindunt, quæ maxime ad superficiei naturam accedunt: hinc dentes anteriores superficiem magis imitantur, quia scindere debent; cum dentes canini ad linearem cuneum magis accidere videantur, vt melius perforent: molares enim contundunt.

V I I I.

In actu scissionis cuneo factæ, rei scissæ partes vt vectes considerari possunt; quorum fulcimenta erunt in superficie partium externarum, fere è directo verticis cunei: potentiæ erunt in extremitatibus partium fissarum cuneum contingentibus: pondus vero materiæ resistentia in loco separationis: in ipsa vero scissione fulcimentum, ac portio assidue mutatur, ita tamen vt progrediente scissione posterior priori semper facilius euadat, quod non solum materiarij in primis, & sequentibus ictibus securiculæ, sed etiam in baculorum fissione, quæ fit diductis manibus, singuli experiuntur: quia vectis inter pondus, & potentiam semper maior efficitur.

I X.

Celonium, seu tolleno, quo aqua hauritur, pondere in alteram partem prægrauante, ad vectem reducit, trabis enim seu tigni erecti axiculus est hypomochlion; hasta transversa, vectis: pondus, hydria, situla, vel aliud vas, quo hauritur aqua, vnà cum fune sustinente: denique potentia est onus, quod in altera parte hastæ positum vnà cum manu vectem ita premit, vt situlam prius immersam eleuet.

X.

Quemadmodum cuneus est vectis multiplicatus, ita cochlea est vectis continuatus cylindro circumuolutus helicis instar, percussione

quidem expers, sed per vectem cylindri-axi annexum versus faciens motionem magnorum ponderum, siue impellendo, siue attrahendo, siue attollendo, prout cylindrus cochleæ positus erit ad planum horizontis cum, vel absque sua matrice. Helices autem cochleæ sunt latus, cunei reuolutum circa cylindrum.

XI.

Illa cochlea dicitur infinita, quæ tympanum iunctum habet, cuius dentes cochleæ helicibus ita accommodantur, ut dum circumuertuntur, semper eodem modo sese habeant; quæ tametsi duo incommoda habere dicatur; nempe quod obliquè trahat, & quod in ea pro ponderis varia ratione non possit diminui mora temporis, duo tamen habet maxima commoda, tantum enim vnica lineâ spirali potest, quantum alia instrumenta cum pluribus rotis coniunctis: deinde absque vlllo fulcro, seu retinaculo in quacumque parte quiescere potest absque eo quod pondus recidat.

XII.

Quo plures sunt helices, & quo obliquiores, quoque longiora fuerint manubria, eò pondus facilius, quamuis tardius mouebitur. Quò verò plures erunt matricis cochleæ helices, eo minus in pondere mouendo cochlea patietur: nam cum vnicam habet helicem, totum pondus à sola cochleæ sustinebitur helice: cum verò plures habet, in totidem cochleæ helices ponderis grauitas distribuetur; ut si 20 helices fuerint, vnaquæque helix vigesimam totius ponderis portionem sustinebit.

XIII.

Ex dictis omnium instrumentorum vim determinare possumus: exempli gratiâ detur prælum vinarium, cuius cochlea suas helices habeat à se inuicem latitudine pollicis distantes; vectis autem à centro cochleæ, seu cylindri helicibus circumdati ad manum prementis septem pedes habeat, ita ut integra vectis circumuolutio 22. pedibus, seu 264. pollicibus constet; dico vim præli tantam esse, quanta ponderis 13200 librarum, quibus racemi, oleæ, vel alia prælo subdita perpendiculariter prementur, dummodo hominis vectem circumducentis potentia 50 librarum fuerit, idque eodem tempore quo cochlea vnus pollicis latitudine deprimitur: nam vectis circumuolutio per vim hominis multiplicata, prædictum 13200 librarum pondus tribuit. Idem verò continget, si portio vectis inter hypomochlion & pondus vnicam partem, portio verò inter hypomochlion, & potentiam 50 libris æquivalentem 264 partes prædictæ æquales habeat: potentia enim pondus 13200 librarum attollet: vel in æquilibrio sustinebit. Hinc etiam reliquorum prælorum, nec non forcipum helices haben-

XIV.

XV.

XVI.

Inprædictis, & aliis quibuscumque machinis maior est mouendi difficultas, quàm absque illis: licet enim augeant potentiam, moram temporis ita producant, ut quod vnus homo spatio centum dierum, vel annorum beneficio machinæ facit, idem absque machina centum homines vno die, vel anno facturi sint: quibus præter æqualitatem virium, instrumentorum pondus, & mouendi difficultas addenda sunt. Exempli gratiâ, si fiant sex rotæ, quarum vnaquæque nonaginta sex dentes habeat, eisque sex axiculi, quos Galli vocant: *pi-*


gnons, accommodentur, quorum vnusquisque octo denticulos habeat, primus primæ rotæ denticulus duodecies voluetur, quandiu rota hæc vnicum circuitum efficiet: secundus vero axiculus duodecies duodecim hoc est 144; tertius duodecies 144, & sic deinceps vsque ad sextum, qui durante vnico primæ rotæ circuitu, voluetur 2985984. Quapropter si quis quotidie spatio 298¹ dierum manubrium mille decies circumagat, prima rota vnicum circuitum peraget: pondus verò libræ vnus in axe manubrii suspensum æqueponderabit 2985984 libris ab axe primæ rotæ suspensis. Quot autē nouæ rotæ cum axiculis addentur, toties vis, mora temporis, & manubrij celeritas ex æquo, hoc est duodecies multiplicabuntur, quarum proinde vnaquæque centuplo, vel millecuplo vim, & celeritatem multiplicatura est, si axiculus centies, millies circumagitur, vt prima rota vnicum circuitum conficiat.

XVII.

Facile est definire quid aëris, & aquæ rarefactione, quidve metu vacui in machinis pneumaticis, & hydraulicis fieri possit, si supponamus quamlibet aëris, aquæ, & alterius liquoris partem in infinitum augeri posse per rarefactionem, & minui per condensationem. Hinc enim ea soluentur quæ vi pulueris pyrij in tormentis bellicis, in cucurbitis, lagenis, & doliis liquore plenis, & in aliis instrumētis sūt, vt thermoscopiis, &c. de quibus fusè satis in Hydraulicis Pneumaticis, quibus puto me spei quam ad huius 2. Libri Mechanicorum calcem primâ editione synopses inieceram, vtcumque satisfecisse: & quibus Hydrostaticam subieci, ne quis hic illam quærat, vt in editione prima, in qua fecerat tertium librum Mechanicorum.

MONTVM.

Lectoribus innotescet duos prædictos mechanicorum libros plurima complecti quæ desunt nostris Phænomenis mechanicis, hosque tractatus sibi inuicem succenturiare, vt quod vni desit, in altero reperiatur, vel quod in vno fuerit breuius, vel obscurius, in altero fusiùs & clariùs habeatur. Sequuntur vero qui præcesserant in prima editione Opticorum libri, vt ex luce corporeâ, quâ nil gratius esse videtur, ad mentis lumen, æternæque gloriæ splendorem transferamur, iuxta Psaltis desiderium, Psal. 35. *In lumine tuo videbimus lumen.*



IN LIBROS

OPTICORVM.

PRÆFATIO

AD LECTOREM.



VM Opticæ scientiæ hoc sæculo magnos progressus fecisse videatur ob peculiare conicorum studium, & lucis varias obseruationes & meditationes, quædam ante sequentium librorum lectionem obseruanda sunt.

I. Legendam esse 24. propos. Ballisticæ, quæ nouas lucis, & luminis ideas præbet; & illustris viri Dioptricam, in qua fusè de lumine.

II. Nonnulla ex iis quæ dicta sunt à nobis in Genesim, à columna 497. emendanda esse; nempe cùm dicitur, *Spharicum speculum esse partem, segmentum, aut arcum alicuius circuli*, rectiùs scribi esse sphaeræ partem, vel segmentum, cuius (plano per axem secto) communis sectio circulus est, quales sunt adscripti eo loco circuli. Deinde non benè dicitur, speculum, speculo maius, minusue esse, si maioris, minorisue circuli (scribe sphaeræ) portio fuerit; cùm speculum dici maius debeat, cuius amplior species reflexiua: minor vero, cuius arctior, licet hoc maioris, illud minoris sphaeræ portione constet, non enim hîc diametri quantitas, sed chordæ arcum circuli communis vtriusque superficiei sectionis subtendentis attenditur. Tertio, pro verbis sequentibus, *duplici modo centrum speculorum sumi posse, tum quo centrum sphaera notatur, tum quo centrum superficiei, seu mediæ superficiei, aut medium in ea punctum sumitur*, melius centrum speculi centro sphaeræ, cuius pars extet speculum: illud autem mediæ superficiei speculi punctum, non centrum, sed speculi verticem appellabis. Quarto, quæ dicitur ibidem speculi diameter, rectiùs circuli communis sectionis vtriusque superficiei chorda vocabitur; cùm ea quæ non est centro

bisecta, diameter appellanda sit. Quinto, columna 500. pro *huiusmodi speculi diametrum*, scribe, speculorum basis diametrum. Pro *diametri partem*, lege, *axis partem*, & ab eadem *axis parte*, deinde *speculi basis diametrum*, & *diametralem speculi basis longitudinem*, & *proposita qualibet basis diameter*, legendum est.

Col. 501. l. 22. pro hemisphærium integrum vix sesquiunciali in idolis multiplicandis profuturum, scribe præstaturum; neque illud simpliciter intelligas, cum maior sphæræ portio minori in multiplicandis simpliciter idolis præstet, quoniam à pluribus punctis fit tam directa, & immediata, quàm secundaria reflexio, à paucis hætenus in speculis concauis notata: quæ plurium imaginum representatio simplex magis ludicra videtur, quàm seria; quemadmodum maior imaginum numerus ab hemisphærio, non tam imagines, quàm imaginationes; idque tantum ab exiguis obiectis: quare minor maioris sphæræ portio maiori minoris sphæræ portioni datæ futuri speculi præferenda.

Colum. 516. l. 7. dele quæ post dictionem, *afferemus*, sequuntur vsque ad dictionem *quia*, quod non egerim de dioptrica in prolegomenis, vti decreueram ad ostendendum omnes scientias ad Scripturam sacram intelligendam utiles; quod postea satis, l. 2. de Veritate Scientiarum Gallicè factum est.

III. Quod ad tertium librum optices, seu dioptricem attinet, notandum est Cl. V. Renatum Cartesium suam edidisse Dioptricam, quæ veram refractionum legem, rationem & regulam adeo luculenter explicauit, vt iam radios lucis in quamuis figuram mutare, vel à quibuscumque punctis ad alia quævis puncta transmittere possis: quod fatebere statim atque librum illius attente perlegeris: ex quo varios perspicilliorum fabricandorum modos addisces, quamuis hætenus hyperbola nulli fauerit nulliusque votis illa constructio satisfecerit: forte quod nonnulla ex oculi parte supplenda sint quæ negligi soleant.


IV. Placet eadem addere quæ sequuntur ex Cl. V. Hobs circa quartam Dioptricæ partem, in qua de tubis Batauicis, qui melius intelliguntur ex iis quæ profert.

Sit igitur vitrum conuexum $A C B$, à cuius tanta distantia constituitur aliquod obiectum, vt rectæ $A B$ magnitudo ad magnitudinem distantiae obiecti non habeat rationem sensibilem. Ductæ autem duæ rectæ à duabus obiecti extremitatibus ad singula puncta vitri $A B$, faciant angulos $D A E$, $D C E$, $D B E$; & similiter fieri supponatur ad cætera omnia puncta quæ sumi possunt inter A & B . Producantur

iam dA , eA , quæ se mutuo secant in A , & dC , eC , quæ se mutuo interfecant in C , & dB , eB , quæ se mutuo secant in B ; producantur, inquam, omnes usque ad vitrum parallela, vel non valde obliqua: quo facto manifestum est productas omnes esse refractas, & binas binis propius accedere, prout propius accedunt ad vitrum concavum. Lineæ autem refractæ transeunt per A notatæ sunt punctulis: quæ vero transeunt per B , notatæ sunt linearum fragmentis; & quæ transeunt per C , lineis continuis.

Sit iam oculus FG , & supponamus talem esse figuram vitri concavi, & talem eius esse situm, tam respectu vitri convexi, quàm oculi, ut omnes lineæ venientes ab e , ab ipso ita refringantur ad superficiem oculi, ut refractæ rursus ab ipso oculo, prout naturæ oculi postulat, concurrant omnes in fundo oculi ad unum & idem punctum H .

Item omnes lineæ venientes à d , ita refringantur, ut concurrant omnes in fundo oculi ad punctum I . Quod si fiat, videbitur d in linea recta, quæ ducitur ab I parallela parti lineæ dAI , vel dCI , vel dbI , quæ intercipitur inter vitrum concavum, & oculi superficiem; videbitur autem e in linea recta quæ producitur ab H parallela parti lineæ eAH , vel eCH , vel eBH , quæ intercipitur inter vitrum concavum, & superficiem oculi; ita ut lineæ visuales extremorum punctorum obiecti sint rectæ HL , & IM , atque ita fiet ut toties multiplicata sit visio extremitatum obiecti per vim in HI , quot sunt puncta in lente convexa AB :



& per eandem rationem puncta quæ sumi possunt inter d & e , toties multiplicabuntur per vim quæ est in punctis inter H & I mediis. Fiet etiam vt distantia extremitatum obiecti inter se sit maior quàm si spectaretur nudo oculo. Nam propter refractionem linearum irradiationis exeuntium à vitro concavo, quo magis coguntur diuergere inter se, eò lineæ visuales (quæ ipsis parallelæ sunt) in maiori angulo se mutuò secabunt, quàm est angulus $d A e$, vel $d C E$, vel $d B e$, in quo se quidem angulo mutuò secarent sine tubo optico.

Quæ ita se habere ex ipso phænomeno constat; si enim partem quamcunque, vel partes quascunque vitri conuexi $A B$ obtexerit quis, relicta qualibet particula tantum eius detecta, idque siue in medio, siue versus extrema vitri, semper tamen totum obiectum videbitur distincte, sed minus illuminatum.

Vnde colligitur primò videri obiectum per radios transeuntes per quodlibet vnum punctum vitri conuexi. 2. totum obiectum videri per radios venientes à quolibet vno puncto vitri conuexi $A B$: ideòque si duæ rectæ punctuatae veniant ab A ad H & I , erunt H & I in lineis visualibus, quibus videntur extremitates obiecti per A : & præterea si duæ rectæ venientes à B incidant in fundum oculi ad alia duo puncta, quàm H & I , putà ad N & O , erunt N & O in visualibus, quibus videntur extremitates obiecti per B .

Itaque si N & O non coincidunt, videbitur vtraque extremitas obiecti per diuersas visuales; atque ita obiectum non vnum, sed duo viderentur, quod est contra Phænomenon ipsum quod apparet vnum & distinctum.

Omnes itaque radij venientes à d , desinunt in I ; & omnes ab e venientes desinunt in H , & ita de cæteris mediis obiecti punctis dicendum est, nempe quod videantur in singulis punctis sibi in fundo oculi correspondentibus. Vnde sequitur quod linearum irradiationis ab eodem puncto obiecti venientium partes illæ quæ intercipiuntur inter vitrum concavum, & oculi superficiem sint inter se parallelæ. Nam alioqui punctum, quod repræsentant, non posset videri vt vnum: si enim videretur punctum obiecti in ipsa linea irradiationis, quæ intercipitur inter vitrum & oculum, videretur plures, quia videretur per plures irradiationes, & si videretur in vna ducta aliqua à fundo oculi, vni linearum interceptarum parallela, videretur etiam in iis lineis quæ ducerentur parallelæ cæteris interceptis; & ita rursus videretur vnum obiectum.

Restat igitur vt lineæ irradiationis procedentes ab eodem puncto obiecti habeant partes suas, quæ intercipiuntur inter vitrum cõcavum;

& oculum, parallelas inter se, & vera visualis illa sit quæ ducitur à puncto concurrentiæ in fundo oculi illis omnibus parallela.

Locus autem imaginis visæ per tubum opticum, vnaque magnitudo diametri apparentis comparata cum magnitudine diametri apparentis sine tubo, hoc modo determinari potest.


Sit obiectum quodlibet Luna spectata sine tubo optico, cuius diametrum apparente, & cuius distantia ab oculo sensu solo æstimamus: supponamus lineam rectam prope oculum ductam, itavt secet axem opticum ad angulos rectos, qualis linea est P Q. Sitque P Q æqualis veræ diametro Lunæ. Huic parallela statuatur alia recta æqualis diametro lunæ apparentis, (quæ est quasi semipedalis) sit autem distantia inter has parallelas tanta, quanta est distantia apparens inter oculum & lunæ imaginem (quæ mensurari quidem non potest, sed æstimari sensu, tanquam longitudinis 200 passuum) si iam intelligantur ductæ duæ rectæ per extremitates dictarum duarum parallelarum concurrentes intra lunæ imaginem: rectæ autem H L, L M producantur donec illis occurrant, determinabunt illæ lunæ distantiam, & diametrum per tubum opticum apparentem.

Exempli causâ, sit obiectum aliquod A B, quod tantum distet ab oculo in C vt appareat sub magnitudine D E, videaturque sub angulo D C E; si atque F G æqualis A B; ducanturque F D H, & G E H per extremitates imaginis D E. Iam si idem obiectum A B H spectetur per angulum I C K maiorem angulo D C E, dico quod diameter eius apparens erit I K, & maior quàm D E; & distantia apparens erit recta à puncto C ad rectam I K perpendicularis.

Quò enim obiectum recedit longius ab oculo, eò sub minore angulo videtur, donec evanescat angulus, putà in puncto H; & vt est distantia H K, vel H I, ad distantiam H E, vel H D, ita est diameter imaginis I K ad diametrum imaginis D E.

Si igitur A B esset luna vera, D E luna apparens sine tubo optico, modò angulus I C K ille esset quem faciunt radij visuales per tubum opticum, esset I K, Luna apparens per tubum opticum.

V. post 3 Opticæ, Catoptricæ & Dioptricæ libros, sequitur liber 4 de paralloxibus, de quibus post primam synopsis istius editionem



vir Clar. Ioannes Baptista Morinus, Professor regius parte 8, vt parte 9 de refractionibus multa docuit. Liber quintus agit de arte Perspectiuæ, quam nuper R P. Niceronus; curiosâ parte adornauit à quo possis perfectum opus Opticum expectare.





OPTICÆ

LIBER I.

PARS PRIMA.

De luce, corpore luminoso, & umbra.

DEFINITIONES.

- I. **C**Orpus luminosum dicitur, quod sui luminis diffusum est.
- II. Diaphanum, per quod lumini patet aditus.
- III. Umbrosum vel opacum, quod est imperium lumini.
- IV. Lux prima est, quæ secundam efficit.
- V. Lux minima, quæ si diuidatur, non habet amplius actum lucis.
- VI. Radius est linea luminosa, vel motus lucis.
- VII. Linea radiofa, est per quam species visuales diffunduntur.
- VIII. Linea refracta, cuius partes angulum faciunt.
- IX. Pyramis radiofa, cuius basis est in superficie corporis radiantis, vertex verò in puncto cuiuscumque alterius corporis.
- X. Pyramis illuminationis, cuius vertex est in puncto corporis luminosi, & basis in superficie rei illuminatæ.

Postulata.

- I. Lucem compressam, & condensatam fortiorem esse luce disgregata, & rarefacta, atque adeò vehementius illuminare.
- II. In absentia luminis umbram fieri, in eius præsentia desinere.
- III. Umbram aliquam in sui termino acui, & ad punctum terminari.
- IV. Quodlibet punctum lucis, *sicut coloris, & aliarum qualitarum actiuarum*, in orbem irradiare, & infinitis numero lineis diffundi.
- V. Lucem res coloratas pertranseuntem earum coloribus, & quorumcumque corporum superficiebus affici.
- VI. Naturam nihil frustra agere, nec deficere in necessariis. Hæc ferè ex Vitellione, vt & sequentia.

Theorema primum.

Radij cuiuscumque luminis, & qualitatis actiue secundum rectas lineas, vtpotè breuissimas omnium potenduntur.

II.

Lumen non impeditum per totam sphaeram actiuitatis sue in instanti necessario defertur.

III.

Luci cum discessu à centro accidit aliqua attenuatio in latum, nam radij ad centrum magis vniti, & densiores sunt, cum sint totidem in angusto loco, quot in spatio maiori: quibus si nulla attenuatio in longum accidit, æqualis est fortitudo radij quantumcumque à puncto luminoso recedentis, tuncque fortitudo, seu densitas radiorum in angustiori loco ita se habet ad densitatem radiorum in ampliori superficie, vt se habent sphaericæ superficies, quarum centrum est lucis origo, seu punctum lucens, amplior ad angustiolem, & conuersim.

IV.

Radius quo peruenit lux à corpore luminoso ad corpus oppositum est linea naturalis sensibilem habens latitudinem, in qua linea mathematica radians imaginatione sumenda est.

V.

Luces & colores in corporibus diaphanis distincti penetrant, vt constat ex pictura referente obiecta exteriora in cubiculo clauso, radiis visibilium per foramen ingredientibus: radii enim visibilium impermixtè medium illustant.

VI.

Totum luminosum, vel illuminatum pyramidem sui luminis in quolibet puncto medij terminat.

VII.

Æqualiter inclinati radij, æqualiter erectiores, magis: perpendiculares verò maximè illuminant: vnde æquè remota puncta lucida æqualiter; propiora magis illuminant, magisque proinde calefaciunt: possibile tamen est puncta illa inæqualiter distantia spatium aliquod æqualiter, imò & viciniora minus illuminare.

VIII.

In circuli centro, vel peripheria punctum lucidum existens singulas ipsius peripheriæ partes æqualiter illustrat.

IX.

Lucis & cuiuslibet visibilis radiatio fit secundum opticam figuram, seu conum opticum, itavt innumerabiles coni oppositi ducantur à radiante in radiatum, & à radiato in radians.

Radius perpendicularis fortissimus est; obliquus verò tanto fortior, aut debilior, quanto magis aut minus obliquus, seu recedens à perpendiculari.

Lux per angustum foramen, vel fenestram incidens, quò longior, eò latior, & ad figuram rotundam magis accedens, cuiuscumque figuræ fenestra fuerit. At si lucens, & fenestra circuli formam induunt, radius in pariete perfectum circulum describit: radius autem per orbiculare foramen traectus coni recti, scaleni, orthogoni, vel amblygoni figuram imitatur.

Si fenestra totidem suis diametris à pariete distet, quot superficies lucens suis, confunduntur figuræ: alioqui quò superficies prædicta pluribus, aut paucioribus suis diametris abest à fenestra, eò magis, aut minus fenestræ figuram refert.

Lumen à puncto per multilaterum foramen transfusum pyramis est.

Radij transeuntes ab extremitatibus corporis lucidi per extremitates foraminis, inter foramen & corpus lucidum se mutuò secant: qui si, cum per foramen traecti sunt, magis à foramine distent, quàm à corpore luminoso, lumen plano exceptum, corpore luminoso maius erit.

Perfectum lumen in obiectum planum per idem foramen traectum ab æquali corpore luminoso æquale est; à maiore minus: à minori maius.

Si planum foramini parallelum fuerit, lumen puncti luminosi plano excepti, foraminis seruabit figuram: at si planum obliquum fuerit, figura luminis erit obliqua sectio coni, vel pyramidis: si denique foramen & corpus luminosum diuersæ fuerint figuræ, lumen foraminis ac corporis figuram imitabitur; eritque figura mixta: quod similiter continget si diuersum habeant situm, licet eiusdem figuræ fuerint.

Lumen quod à quolibet puncto superficie lucidi corporis emicat, radios luminosos triplicis generis, nempe æquidistantes; sese intersecantes, & in diuersa abscedentes emittit in quodlibet spatium illuminatum.

Si quo longius discedit radius à puncto radiante, debilior & languidior efficitur, decrescit, & crescit vniformiter, difformiter, idque in spatiis proportionalibus proportionaliter: hic enim modus maxi-

nam relinquit sphaeram aëtiuitatis lumini, si modum in tertio theoremate allatum excipias.

X I X.

Lumen sublato luminoso ne quidem per momentum in medio perseuerat: vbi lapis Bononiensis lumen seruans considerandus.

X X.

Omnia lumina sunt eiusdem speciei, suntque corporum lucentium, velut imagines, aut potius motus.

X X I.

Lumen lumini non obsistit, quamuis maius offuscet minus: vnde luminum actiones neque segniores, neque vegetiores sunt ex mutuo occurso, quia dum concurrunt in eadem parte medii non maiorem, neque minorem edunt effectum, quam vnumquodque per se seorsum.

X X I I.

A caua superficie sphaerae luminosa, quod minimè illustratur, est centrum, contra autorem Perspectivæ, qui l. i. prop. 21, contrarium asserit.

X X I I I.

Lumen exactè medium inter æqualia luminaria, est omnium minimum eorum, quæ constantur ex luminarium occurso: si verò hæc inæqualia sint, minimum lumen minori luminari propinquius erit.

X X I V.

A puncto sphaerae luminosa media dumtaxat aëtiuitatis sphaera illustratur.

X X V.

A sphaera luminosa ad punctum remotius plures radij, quàm ad propinquius proiciuntur.

X X V I.

Luminosum externum maiorem partem sphaerae remotioris irradiat, quam propinquioris: vnde luminosum sphaericum maiori suo segmento illuminat punctum longinquius; & contra.

X X V I I.

Si sphaericum luminosum illuminat sphaericum opacum, extremus, longissimusque radius vtrumque sphaericorum tangit: ergo si tangit, longissimus.

X X V I I I.

Luminosum sphaericum illuminat sphaerici æqualis dimidium: minoris plus dimidio: maioris minus.

X X I X.

Sphaera luminosa opaca æqualis mediam huius partem illustrat, si illa maior, hæc magis quàm per mediam partem illuminatur, quod fit in terra à Sole collustrata: expropter Sol ante ortum, & post occubi-

zum spectabilis est: cum tamen Luna oriens non videatur, & ante occubitum dispareat.

xxx.

Si sphaera luminosa maior fuerit opacâ, à minore parte luminosæ maior pars opacæ illustratur; si verò illa minor fuerit, à maiore parte luminosæ ad minorem opacæ lumen proueniet.

xxx i.

Sphaeroides luminosum maius è propinquo partem ampliorem opaci irradiat, quàm è remoto: eapropter Luna numquam illustratur minus quàm cum plena est.

xxx ii.

Sphaeroides luminosum minus opaco propinquius minorem huius portionem illustrat, quàm cum est remotius.

xxx iii.

Si pars sphaeræ illuminata, & pars visa bases habuerint parallelas, lumen visum circulare erit, & apparebit.

xxxiv.

Si pars sphaeræ illuminatæ non fuerit parallela parti visæ, nec se mutuo secant: sitque quod videtur, minus: pars luminis visa circulo continebitur, & vt circulus apparebit: at si pars visa sit maior, ambitus spectati luminis erit quidem circularis, sed ellipsis videbitur.

xxxv.

Si hemisphaerii illustrati, partisque visæ bases se mutuo perpendiculariter secant, quod de lucido hemisphaerio cernitur, sector est superficiei sphaericæ, at semicirculus apparebit. Quibus stantibus, si pars illustrata hemisphaerio minor est, fulgidum segmentum visum *μηνοςιδής* schema mixtum ex arcu circulari, & arcu ellipseos intus curuato referet. At si pars illustrata sit parte visa maior, segmentum visum apparebit instar figuræ mixtæ ex circulari ambitu, & ellipseos figurâ intus curuata, qualis ferè est Luna in quadrato aspectu, cum semicirculo maior est, quanquam ob ingentem distantiam semicircularis appareat.

xxxvi.

In sphaera si bases partis illustratæ, partisque visæ se mutuo secant oblique, portio luminis, quæ sub aspectum cadit, mixta è circulo, & ellipsi apparebit. *Quibus addi possunt alia plurima theoremata qualia sunt sequentia.*

xxxvii.

Quo plura sunt luminosa simul agentia, eò etiam longius lumen vel fortius producent.

xxxviii.

Lumen in medio productum indiuisibiliter pendet à luminoso.

Radii ab eodem luminosi puncto longius continuati apparent paralleli, &c. sed duoprecedentia non adeo certa sunt, & de ultimo deque aliis lucis proprietatibus in *Catoptrica* dicendum erit. Ad umbram accedamus, reliqua ad lucem pertinentia in fundamentis catoptrices, & dioptrices allaturi: umbra autem est diminutio lucis, cuius tenebræ sunt privatio.

DE UMBRA.

Theorema primum.

Radius umbrofus, cum radio luminoso, à quo procedit, in directum extenditur.

II.

Umbra finita partim opaco corpore, partim lumine circumfuso, ut extinsco termino, definitur.

III.

Opacum tot proiicit umbras quot luminaribus opponitur, quas in aduersam luminibus partem proiicit.

IV.

Opacum quò plures radios luminosi intercipit, eò ampliorem umbram producit, & maius opacum maiorem umbram proiicit.

V.

Umbra quemadmodum lumen, intendi, ac remitti potest: quæ cum multiplicatur, obscurior redditur.

VI.

Umbra secunda obscurior est quàm prima, & tertia quàm secunda, & sic in infinitum.

VII.

Umbra corpori opaco propinquior, obscurior est: & longè etiàm quàm re ipsa sit, obscurior apparet.

VIII.

Puncti umbra semper est linea infinita.

IX.

Si linea opaca lucenti corpori ita obiecta fuerit, ut producta ipsum secet, erit umbra eius linea interminata: si verò illud non secet, producta umbra eius erit plana superficies.

X.

Si opaca superficies producta corpus luminosum secet, erit umbra eius plana superficies; si verò non illud secet, erit umbra eius quoddam solidae figuræ genus.

X I.

Vt puncti umbra semper est linea, ita corporis umbra semper est corpus.

X II.

Si sphaera luminosa sphaerae opacae aequalis fuerit, umbra illius erit cylindrus interminatus: si maior, umbra erit conus basim habens, circulum ex radiorum contactu descriptum, verticem autem in radiorum concursu: denique si minor fuerit, umbra continuo aucta, tum longitudine, tum latitudine infinitum abibit: prima autem vulgò κυλινδραιοῦς, secunda κωνοειδης, tertia καλαθοειδης appellatur.

X I I I.

Si maior fuerit luminosus, quam opaci corporis altitudo, erunt extremitatum radii altitudinibus proportionales: si verò utriusque altitudo aequalis fuerit, umbra projecta interminata erit.

X I V.

Quò altitudo corporis luminosi ad opaci corporis altitudinem minorem proportionem habuerit, eò maior umbra producet: hinc umbræ maiores sunt in ortu, & occasu Solis quam in meridie; & maiores in meridie brumali, quam æstiva: sed & umbræ lunares longiores sunt, cum utrumque astrum eandem altitudinem horizontalem habuerit.

X V.

Ex multis corporibus opacis æquè altis, quod est propinquius lucido copori altiori, breviorum umbram facit: & in æqualibus altitudinibus corporum opacorum distantia eam inter se proportionem habent quam projectæ in planum umbrarum longitudines.

X V I.

Si idem luminis radius è sublimi delapsus, per plurimum inæqualium altitudinum vertices transeat erunt umbræ altitudinibus proportionales.

X V I I.

Si luminosi radii per summities inæqualium altitudinum porrecti paralleli fuerint, umbræ item erunt altitudinibus proportionales: & ideo ex umbra notæ altitudinis incognita altitudo reperitur.

X V I I I.

Triplex est umbra; nempe Recta, quæ umbra opaci perperpendicularis plano terrestri, in eodem plano extensa: qualis est umbra hominis incedentis, gnomonis terræ perperpendicularis, turrium, &c. Versa, quæ est umbra opaci paralleli plano terrestri in planum ipsi plano terrestri perperpendiculare projecta, qualis est clavi, vel styli horarij muro tertæ perperpendiculari infixi, & brachiorum extensorum hominis erecti: tertia umbra vocatur Media, quæ fit à Sole 45. gradus super horizontem elevato: quæ tres umbræ notantur in scalis altimetris planisphaeriorum, & mensuris deseruiunt.

XIX.

Cum umbra recta minuitur, ut ante meridiem, versa crescit, & contra: unde in meridie illa breuissima, hæc longissima: hinc una data, alia colligitur; verbi gratia, quot partium est umbra recta, cum Sol 20. gradibus eleuatur, tanta erit versa, dum 70. gradibus Sol eleuabitur: & contra.

XX.

Altitudine luminosi, & styli data, datur umbra versa; & contra, ex umbra versa, & stylo datis, datur luminosi supra terram altitudo.

XXI.

Ut est sinus rectus altitudinis luminosi ad signum rectum complementi, sic est gnomon ad umbram rectam: & sicut umbra recta ad suum gnomonem sub eadem altitudine luminosi, ita gnomon quilibet ad suam umbram versam: denique ut sinus rectus complementi ad sinum rectum altitudinis luminosi, ita stylus ad umbram suam versam.

XXII.

Diaphanum perfectum, ut aer, nullam facit umbram, & corporum magis diaphanorum rariores, & tenuiores sunt umbræ, sicut magis opacorum densiores; hinc umbra terræ opacissimæ noctem facit.

XXIII.

Umbra figuram & motum opaci imitatur, quanquam ad solius luminosi motum moueri possit: quod si circa opacum moueatur, umbra contrariis motibus ciebitur, idque pari velocitate.

XXIV.

Umbra lucis propioris est densior, remotioris tenuior: estque tantò minor, quantò sublimius est lumen: æquatur autem suo opaco, cum Sol 45. gradibus super horizontem eleuatur.

XXV.

Possibile est trianguli non æquilateri umbram æquilateram, circuli ad planum obliqui, sectionis item conicæ circularem umbram, & circuli umbram esse ellipsim, parabolam, vel hyperbolam.

XXVI.

Umbra lunæ solari longior est, cum utrumque astrum eandem habet altitudinem horizontalem, quod tamen vix sensibile.

XXVII.

Si Sol per ambitum circuli maximi sphaeræ incedat, ut contingit in æquinoctialibus, umbra centri eundem percurrat circulum: si verò per circulum non maximum incedat, duæ conicæ superficies ad communem verticem in centro sphaeræ conuenient, una luminosa ex radio circumactò, altera opaca ex umbra, quam centrum proiicit.

Sol incedens per circulum æquatori parallelum, in horariis umbra centri projecta erit circulus, quando planum horologij eidem æquatori parallelum erit: parabola, cum horologij planum circulo maximo parallelum erit, qui vtramque basim conicarum superficierum contingit: hyperbole vero, si planum horologij parallelum fuerit maximo circulo, qui conum vtrumque secat: denique ellipsis erit, si planum horologij æquidistet maximo circulo, qui neque basibus conorum parallelus sit, neque eas tangat, neque secet.

Si horologij planum axi parallelum fuerit, umbræ projectæ inter se parallelæ erunt, sicut & parallelorum umbræ, nisi in eandem rectam lineam incident: xxx.

Axis umbra erit recta linea in eodem cum circulo existens plano, si Sol horarium aliquem circulum ex iis attingat, qui horas à meridiano incipiunt: quod si fuerit in horario, in quo horæ ab horizonte incipiunt, centri umbra punctum erit in eodem cum circulo existens plano. *Omitto plurima quæ ad umbrarum projectiones pertinent, de quibus in prospectiva agendum est.*

O P T I C Æ

P A R S S E C V N D A.

De coloribus, & aliis obiectis potentia visiva, de speciebus intentionalibus, quarum ope obiecta videmus, & de oculi fabrica.

NOn hîc quæro an color sit aliquid à lumine distinctum, quod Plato colorem appellauit: an verò sit tantummodo lumen vario modo affectum: sufficit enim ad Opticam statuendam si supponamus ex Philosophia colorem, sicut & lumen esse qualitatem corpoream, quæ mouet actu perspicuum, quæ duo sunt obiectum primum visus: vel si mauis lumen erit motus, & color lumen modificatum.

Theorema primum.

Obiectum visus præcipuum est lux, & color, vel lux colorata, aut color lucidus.

Obiectum secundarium est noncplex ; 1. quantitas, sub qua magnū, parvū, crassū, tenuē, longū, latū, maius, minus, &c. 2. figura; sub qua curvū, convexū, concavū, obtusū, acutū, asperū, laevē, &c. 3. locus; sub quo superna, inferna, dextra, sinistra, anterius, posterius. 4. situs, sub quo sessio, statio, & qualibet partium corporis dispositio. 5. distantia; sub qua longinquum, propinquum, altum, profundum. 6. continuïtas, sub qua vñum. 7. discretio, sub qua numerus, multitudo, paucitas, 9. quies.

III.

Illa novem visibilia per accidens ad duo capita, nempe ad magnitudinem & locum reuocari possunt, sicut & 20. obiecta communia Vitellionis; nam sub magnitudine continetur figura, corporeitas, pulchritudo, deformitas, lenitas, asperitas, similitudo, diuersitas, distantia: sub loco, situs, continuïtas, separatio, numerus, motus, & quies: sub luce, & umbra, diaphaneitas, densitas, obscuritas, & tenebræ: quæ duo postrema sunt priuatiua.

Extensio requiritur in obiecto visus, sicut & in obiectis aliorum sensuum, quæ alioqui minime perciperentur.

V.

Colores singuli ad tres reuocari possunt, nempe ad album, rubrum, & nigrum, ex quibus alij fiant: flauus quidem ex rubro, & albo: coeruleus vero ex rubro, & nigro.

VI.

Color albus ob maiorem cum luce similitudinem est nobilissimus, niger imperfectissimus, viridis respectu oculi gratissimus: niger nullos alios colores recipit, forte quia omnes continet, albus omnes recipit; hic lucis, ille tenebrarum imago est.

VII.

Colores variantur pro varietate lucis, mediij, distantiae, & dispositionis oculi.

VIII.

Colores, & alia obiecta prædicta visus eodem modo quo lumen in medio diffunduntur, quapropter illis applicari possunt quæcumque de lumine diximus.

IX.

Species, quæ vulgò intentionales, & virtuales appellantur, & quibus obiectum representatur, sunt inuisibiles in medio diaphano: visibiles verò, cum terminantur in opaco; vt constat ex speciebus per foramen

traiectis

traiectis in cubiculo clauso, & in alba charta terminatis.

X.

Species eodem modo quo lumen, & color in medio propagantur, & ad oculum perueniunt: his igitur lucis proprietates conueniunt, & qua fortè non distinguuntur.

OPTICÆ

P A R S T E R T I A

De oculi fabrica, & de visione.

Theorema primum.

TRes humores, & septem tunicæ, continentes tres illos humores, constituunt oculum: humores sunt aqueus, chrySTALLINUS, & vitreus: tunicæ sunt adnata, cornea; sclerotica, quæ cum cornea consolidatiuam componit: vUEA, quæ foramen habet rotundum, quod PUPILLA dicitur: choroides, quæ diuersicolor est pro varia cerebri temperie, & vocatur IRIS: aranea quæ chrySTALLINUM humorem complectitur; & retina, quæ vitreum humorem continet.

II.

Humor aqueus est in anteriori parte oculi: vitreus obscurior in posteriori: chrySTALLINUS in media, cuius figura est lenticularis, antèrius tamen minus curua, posterius fortè hyperbolica, vel circuli minoris portio maior.

III.

Oculum nerui plures mouent; 1. attollit: 2. deprimit: 3. adducit: 4. abducit, 5. & 6. coagitant: 7. tonicè firmat, nisi à 6. præcedentibus simul agentibus illud fiat.

IV.

Pupillæ ambitus constringitur vt nimiam lucem minuat, & dilatur, vt modicam multiplicet: quod fit constrictione & dilatatione vUEÆ tunicæ, quæ aqueo humori alterationibus obnoxio innatat.

V.

Iris in felibus, & noctiuagis animalibus lumen continere videtur non chrySTALLINUS humor, cum pupilla nocte illuminata non videatur; alioqui obiecta distinctè cernere nequirent.

Præcipua, & vltima pars oculi in qua repræsentantur obiecta, & fit visio, est retina tunica: est enim oculus instar parui cubiculi clausi, cuius foramen pupilla, vitrum conuexum, chrySTALLINUS humor; charta post vitrum exposita, retina, quæ recipit species eo intensiores, quo chrySTALLINUS humor conuexus maior, & magis detectus est.

VII.

Retina plena est spiritibus visorijis, oritur à medulla cerebri, & distinctè, ordinatèque species obiectorum recipit, ac repræsentat, quæ in tunica cornea, & chrySTALLINO, vt in conuexo foraminis vitro, confusæ sunt.

VIII.

Omnes tunicae, præter sclerodem, vucam, & choroidem diaphanæ sunt, cornea tamen retinâ magis diaphana est; hæc enim plus opaci habet quàm diaphani, cum per eam neque cornea, neque humor chrySTALLINUS, & vitreus videantur.

IX.

Choroides opaca semper in sua superficie concava læui colorata est, vt patet ex colore pupillæ, cuius fundus in diuersis hominibus varius est, in tauro cæruleus, in fele flauus, &c.

X.

Vuca opaca est, vt luci, & speciebus ingressum nimium interdicat, & sinum oculi tenebrosum reddat.

XI.

Choroides & sclerodes opacitate suâ cameram oculi speciebus recipiendis adaptant, eam obumbrando.

XII.

Humores omnes pellucidi sunt, maximè verò chrySTALLINUS, nec aranea, & hyaloides multum à perspicuitate suorum humorum differunt.

XIII.

Diameter circuli corneam tunicam basis instar terminantis, vel arcum illius maximum subtendentis vix hexagoni latere minor, vixque tetragoni latere maior: cuius quantitas explorabitur globulo vitreo obiectum eadem magnitudine referente.

XIV.

Axis opticus transit per centra omnium humorum, & tunicarum, quamuis tunicae sint excentricæ: nervus autem opticus non iacet in axe optico, sed sinistrorsum vergit in oculo dextro, & dextrorsum in sinistro.

XV.

Perfecta visio non minorem distantiam postulat, quàm quæ axi-

bus continentur, cum quibus nervi optici rectos angulos efficiunt.

XVI.

Inter visum & visile necesse est medium diaphanum intercedere: quod visile debet esse imperuium, satis magnum, oppositum, & illustratum, alioqui non videbitur.

XVII.

Oculus optimè videt è tenebris; cuius visio non fit irradiatione Galenica; non solâ obiecti præsentia; non solâ compassione, vel sympathia; non emissitijs radijs; nec per *συμπαθείαν*, sed per species, seu imagines rerum in retina susceptas, quæ in chrySTALLINO humore sæpius decussantur.

XVIII.

Visio est actio elicitæ ab interno vitæ principio, quæ per simplex medium fit rectis lineis, quæque nihil suapte vi exterius operatur.

XIX.

Visio ab utroque oculo simul in vnâ rem conspirante fortior est quam ab altero tantum.

XX.

Oculorum acies in vnum duntaxat punctum quod distinctè conspiciatur, figi potest: nequit autem fieri vt plura simul æquè perspicuè videantur.

XXI.

Visio fit vel simplici aspectu, vel intuitu, seu obtutu ex prænotione, seu anticipata notione: aspectus autem simplex fit per quemlibet pyramidis opticae radium, obtutus verò per solum axem: ille fit in instanti; hic in tempore, cum primo aspectu formæ rerum non perfectè comprehendantur, & absoluta rei comprehensio fiat diligenti intuitu, vel syllogismo, vel anticipata notione: quapropter visus nequit perfectam visionem producere sine ope sensus communis.

XXII.

Visus ab obiecti præsentia pendet, quamuis res absens vt præsens videri possit; specie diuinitus in oculo seruata: qui substantias rerum solummodo videt per accidens.

XXIII.

Visio confusa naturâ distinctam antecedit; qua primò post simplicem aspectum, lux & color distinguuntur: sed proprietas vnica è visibilibus per se sola nequit à visu apprehendi: non enim color, aut lumen absque magnitudine, &c. quamuis ex proprietatibus istis aliæ alijs citius comprehendantur: nam generica ratio obiectorum prius, & minori tempore quàm specifica percipitur.

XXIV.

Id solum videtur, à quo ad oculum radius opticus extendi potest:

est autem radius opticus illa recta linea, per quam forma rei aspectabilis ad obtutum porrigitur, quique per totius oculi centra transit: qui cum sit viuacissimus dicitur acies oculi, & à reliquis radiis, regis instar, fouetur.

XXV.

Species eiusdem rei potest simul directo, reflexo, & refracto radio ad centrum oculi peruenire.

XXVI.

Optica pyramis est species per medium diaphanum ab obiecto ad oculum perueniens, habens verticem in centro visus, basim autem in ipsa re: quæ maxima dicitur, cum omnia complectitur, quæ oculus vnico aspectu cernere potest.

XXVII.

Axis pyramidis opticae est recta linea, quæ per verticem, & centrum rectæ basis transit.

XXVIII.

Præter axes prædictos, 5. lineæ spectari possunt in oculis, quarum prima duci concipitur ab vnus oculi centro ad alterius centrum, diciturque connectens centra visuum: 2. dicitur connectens extrema neruorum opticorum, quæ ad terminos applicatur, ex quibus pendunt orbes oculorum. 3. educitur ab axium opticorum concursu, & connectentem centra visuum bifariam secat; diciturque radius communis. 4. vocatur axis communis, quæ à neruo communi in connectentem extrema neruorum opticorum orthogonaliter incidit. 5. Denique vocatur horopter, quæ parallela est ei, quæ centra visuum connectit, & transit per axium opticorum congressionem.

XXIX.

Horopteris planum est, quod axes secat ad rectos angulos, estque instar tabulæ in visus termino collocatæ, ac directè oculis obuersæ, in quo rei visæ locus apparens statuitur, qui nihil est aliud quàm huius plani, & radii optici per rem visam producti communis intersectio.

XXX.

Optici radij axi viciniore minoribus angulis franguntur, remotiores maioribus, æquidistantes æqualibus, cum transeunt per albugineum humorem: refringunturque ad perpendicularum.

XXXI.

Radij ab vno puncto visibili obiecti in oculum emissi non sunt plures quàm sex, nec pauciores quàm vnus: sex quidem si radius refringatur in cornea tunica, aqueo humore, vitreo, chrySTALLINO, & retina: vnus autem cum punctum visibile in axe optico iacet.

XXXI. Radij ex cornea in aqueum si refringuntur, isque sit corneâ rarior, franguntur à perpendiculo; ex aqueo in arcaneam, & humorem chrySTALLINUM ad perendiculum, iterumque ex chrySTALLINO ad concavam vitrei humoris superficiem, seu hyaloidem; denique ex humore vitreo ad retinam, quæ retina radium vltimum primo similem ita reddit, vt visibile in proprio suo loco videatur.

XXXII. Radij visorij portio sub qua visio fit, non est punctum indiuisibile, sed habet lōgitudinem sensibilem: iacet autem locus apparens rei visæ in linea formaliter visoria, quæ vltimò appellit ad retinam ex optici nerui meditullio, & medulla cerebri procedentem, spiritibusque vitalibus, & visoriis plenissimam.

XXXIV. Perfecta visio non minorem distantiam postulat quàm quæ axibus continetur, cum quibus nerui optici angulos rectos efficiunt.

XXXV. Axes optici debent esse in eodem plano cum linea connectente centra visuum, & coniungente extrema neruorum opticorum.

XXXVI. Optici nerui sunt in eodem plano cum linea, quæ illorum extrema connectit.

XXXVII. Motis oculis axes optici loco mouentur, qui sunt in eodem plano cum linea connectente extrema neruorum opticorum, & duabus à neruo communi eidem connectenti conterminis, si cum axe communi conueniant.

XXXVIII. Radij omnes, qui à proposita quauis recta linea ad centrum visus extenduntur, sunt in eodem plano.

XXXIX. Axis communis per se immutabilis est: communis autem radius pro quolibet motu oculorum semper variat, præterquam in dilatatione, & constrictione.

XL.

Oculi nequeunt ita dilatari, vt axes firmentur paralleli: qui propius terimnari nequeunt quàm vbi cum neruis opticis rectos angulos efficiunt: verùm inter se ad normam concurrere non possunt.

XLI.

Cum radius communis connectenti-centra visuum est normalis, axes optici sunt inter se æquales; & cum axes optici sunt inter se æquales, radius communis connectenti-centra visuum normalis est.

Cum axes optici ad punctum aliquod communis axis congregiuntur, sunt inter se æquales, & cum connectente extrema neruorum optitorum, seu basi isosceles efficiunt, cuius angulum comprehensum axibus coincidentibus axis communis bifariam secat.

Cum axis communis cum duobus opticis concurrit, connectens centra visuum est parallela connectenti extrema neruorum optitorum.

Ab una re duobus oculis obiecta duæ formantur pyramides, quarum communis basis est res ipsa, quæ spectatur, vertices autem sunt in oculis, quæ quidem mouentur motis obiectis, vel oculis, tametsi per se dicantur immobiles: harum verò axes mouentur mota pyramide, sed in ea situm nonmutât, licet axis opticus extra pyramidem excurrere possit.

Si corpus opacum interiectum inter rem visibilem & aspectum axibus comprehenditur, nullam visibilis partem obteget, aliqua tamen obiecti pars obscurius apparebit: si verò axes opticos excedat, aliqua pars visibilis non videbitur, alia ab vno tantum oculo, reliquum ab utroque conspicietur: quod si eosdem axes non attingit, pars media, & extrema rei visibilis ab utroque oculo videntur, sed partes inter extremas & mediam positæ ab vno tantum oculo cernuntur.

Horopter est in eodem plano cum axibus opticis, & connectente centra visuum: in quem cum radius communis orthogonaliter incidit, anguli quos facit horopter cum axibus sunt inæquales: quicquid autem in eodem cum axibus existens plano videtur, in horoptere verum, vel apparentem locum habet, quandoquidem horopter est imaginaria linea transiens per concursum axium, in qua videntur quæcumque videntur: cuius planum est instar tabulæ perspicuæ, & directò oculis obuersæ, in qua rerum omnium visarum species, seu imagines optice, ac veluti projectione quadam descriptæ esse videntur: hoc autem planum Guido Vbaldus sectionem, alij parietem, vel tabulam, alij vitrum appellant.

OPTICÆ

P A R S Q V A R T A.

De modo quo obiecta communia percipiuntur.

Theorema primum.

Quamuis distantiam vnus oculus per se definire nequeat, ex accidenti tamen per vicina corpora intercedentia distantiam cognoscit: sicut & ex axium optidorum latitudine, sed non ex axium coniunctorum angulis.

II.

Equalibus magnitudinibus ex inæquali distantia visis maior est ratio distantiarum quàm angulorum, sub quibus illæ magnitudines cernuntur, si maior minori comparetur.

III.

Apparentes magnitudines ex quantitate anguli verticalis pyramidis opticae comprehenduntur, sunt enim inter se magnitudines, vt anguli pyramidorum opticarum: qui sunt sensibiles, si res visa sensibilis est.

IV.

Veræ magnitudines colliguntur ex collatione anguli pyramidis opticae, & distantia rei; quæ cum inæquales sunt, non ita se habent vt anguli optici quibus cernuntur, cum sit maior magnitudinum quàm angulorum ratio; & maior verarum quàm apparentium proportio, si maior maiori comparetur.

V.

Rerum magnitudines sunt semper maiores quàm appareant: nec ita sunt apparentes magnitudines, vt distantia; illarum enim quàm harum minor est ratio.

VI.

Oculus communis sensus adiutus præsidio magnum & paruum, crassum & tenue, longum & latum, æquale & inæquale cognoscit.

VII.

Rectum ac planum ex vniformiter difformi, irregularem curui-

tatem ex difformiter difformi partium à visu distantia; conuexum ex præcipiti partium extremarum recessu; concavum ex minore partium extremarum elongatione quàm in rectis accadat lineis, visus agnoscit.

VIII.

Corporum eminentias, & profunditates exiguas ex umbris præsertim; asperum & læue ex luminis, specierumque receptione: acutum & obtusum ex eo quod eorum partes à summo fastigio celeri tardove motu prolabi videntur, aspectus discernit.

IX

Circulum oculus deprehendit, quia eius peripheria à centro visus paribus vndique distat radiis: rectilineam figuram ob laterum rectitudinem: polygonam ex maiore angulorum, quàm laterum à visu distantia, solidam verò ex laterum dispositione, vel syllogismo dignoscimus.

Locus rei certus vno oculo designari nequit, qui tamen cognoscitur ex rei distantia, & respectu partium vniuersi; sed præsertim in axium opticorum congressu locus dignoscitur: positionum autem differentiarum ex comparatione medijs prospectus intelliguntur, qui ex radio communi ad horizontem librato, eique quæ centra visuum connectit normali, cognoscitur.

Situs eodem modo cognoscitur, quo distantia, figura, & locus, cum ex iis omnibus componatur.

Continuum ex non interrupta, discretum ex interrupta partium coniunctione; identitas ex identitate; distinctio ex distinctione specierum in oculos incurrentium; vnitas verò ex continuatione, vel identitate, & numerus ex discretione, vel distinctione cognoscuntur.

Motus ex oculi motione, vel ex diuerso corporis situ distinctis temporibus sensibilibus, vel ex loci ipsius mutatione; & aliis quibus distantia, seu spatium, deprehenditur.

XIV.

Velocitas tarditasque motus ex inæqualitate temporis cognoscuntur, quo mobile æqualia percurrit spatia, vel ex inæqualitate spatio- rum æquali tempore confectorum: si verò motus tardus est, ex comparatione vicini corporis quiescentis deprehenditur; quanquam ea quæ tardè mouentur, non moueri, sed mota esse cognoscuntur; at quies percipitur è visibili locum, ac situm eundem, tēpore sensibili obtinente.

XV.

Transparentia syllogismo è rebus post trans corpus interiectum visis: opacitas

opacitas ex aspectus prohibitione; umbra ex vicinia maioris lucis; tenebrae ex totius luminis absentia colliguntur.

XVI.

Similitudo ex convenientia; dissimilitudo ex diuersitate visibilium formarum; pulchritudo ex visibilium proprietatum symmetria; turpitudine ex earumdem asymmetria comprehenduntur.

OPTICÆ

PARS QUINTA.

*De fallaciis aspectus, & reliquis ad Opticam
pertinentibus.*

Theorema primum.

Æ Qualium, & similiter oppositarum magnitudinum propinquior sub maiore, remotior sub minore angulo cernitur; hinc viciniore euidentiùs cernuntur. Vt autem visus deceptiones corrigere possis, quæ ex circumstantiarum ad perfectam visionem necessariarum asymmetria oriri solent, nempe ex illustratione, & distantia maioribus vel minoribus, &c. *Sequentia theoremata accipe.*

II.

Distantiæ minores semper, quàm re ipsa sint, conspiciuntur: & quo remotiores eo semper minores: hinc superiores ædificiorum ordines resupinari videntur, quia radius illos attingens longior est, res enim apparent iuxta modum quo species in oculo recipiuntur.

III.

In rerum distantis visus maximè decipitur, cum visile longius distat, aut cum inter hoc & visum nullum visibile corpus intercedit: hinc arborum, & columnarum anteriorem in partem longo ordine dispositarum, quæ longissimè distant, coniunctæ videntur; & qui procul ab æmne distant, res vteriores à ceterioribus non distinguunt.

IV.

Visus non deprehendit quantum astra distent a nobis, & coelum terræ in ambitu horizontis coherere putat: res enim ut plurimum propinquiores existimantur, quarum intermedium spatium non percipi-

R R

tur : hinc cœlum prope horizontem longius quàm iuxta vèrticem à nobis distare videtur : hinc etiam ignis noctu procul conspectus vicinior apparet, & quæ circa crepusculum prope sunt, remota creduntur, quod & turribus ac montibus per nebulam visis contingit.

V.

Ob temporis breuitatem aspectus veram rei distantiam explorare nequit.

VI.

Eodem conspecta angulo quorum distantia non perpenduntur, æqualia existimantur, & quantus est angulus, tanta res apparet : quod autem remotiore loco apparet, maius, quod propinquiore, minus esse iudicatur : hinc res eadem maior vel minor apparet ob diuersas distantias.

VII.

Recta linea perpendiculariter visui obiecta spectatur vt punctum, directè verò, aut obliquè, vt linea : plana verò superficies perpendiculariter obiecta visui vt linea, directè vel obliquè, vt superficies apparet.

VIII.

Omne visile minus videtur obliquè, quàm directè spectatum : & quo directius opponitur, eò perfectius videtur.

IX.

Oculo ad id quod videtur accedente, visile augeri putatur, & auctum visile accedere videtur.

X.

Si radij optici per extremitates duarum parallelarum incedant, radiorum longitudines sunt magnitudinibus proportionales : quo totius Geodesiæ fundamentum statuitur, radio enim, altitudo, profunditas, longitudo, & latitudo ignotæ explorantur.

XI.

Fieri potest vt immoto visu, mutatum obiectum æquale semper appareat, moto etiam oculo immutatum obiectum æquale semper videri potest : quod in pluribus casibus Aguilonius l. 4. explicat.

XII.

Est locus, è quo inæquales magnitudines aspectu æquales videntur, & ex quo data magnitudo appareat alterius pars aut multiplex in postulata ratione, qua angulum secare, vel augere conceditur : denique loca dantur, è quibus eadem magnitudo sui ipsius pars, aut multiplex in data proportionè cernatur.

XIII.

Res eodem modo apparent quo species, seu imagines illarum oculum ingrediuntur, non autem quo ex obiecto egrediuntur : hinc quæ

sublimioribus radijs, sublimiora; quæ humilioribus humiliora; quæ dextris vel sinistris, dextra vel sinistra cernuntur. Hoc autem theorema est artis perspectivæ fundamentum: capropter enim templorum pavimenta ingredientibus, fastigiata; horizon sublimior quàm sit; mare gibbosum, plana iacentia sub oculo remotiora à visu in altum elata, super oculum incumbentia, ad ima prolabi, porticus, & arborum series in angustum stringi, æqualium magnitudinum sub visu erectarum remotiores, altiùs euectæ: supra visum autem erectæ, depressæ videntur.

XIV.

Quemadmodum parallelæ lineæ propiùs coire videntur, quo longiùs à visu recedunt, ita non parallelæ lineæ ita videri possunt vt parallelæ appareant, possunt etiam duæ lineæ subiecto plano inscribi, quarum intercapedo visui in sublimi posito æqualis vbique appareat: harum autem vna recta erit, alia hyperbolica.

XV.

Si in altera linearum angulum continentium punctum quodpiam assumatur, à quo perpendicularis excitetur ipsius anguli plano, è quovis perpendicularis puncto angulus rectus, acutus, aut obtusus videbitur, si rectus vel acutus, vel obtusus fuerit: quod etiam continget in quolibet puncto perpendicularis, si in altera linearum angulum continentium exteriùs producat. Item angulus semper æqualis apparebit in quovis puncto rectæ à vertice anguli per oculi centrum infinite productæ.

XVI.

Angulares formæ ex interuallo spectatæ circulares apparent: circuli verò in eodem cum oculo plano situ ambitus è longinquo recta linea apparebit.

XVII.

Visus in caua circulari superficie constitutus vniuersum ambitum, in conuexa nullam ambitus partem contuetur: extra circuli ambitum in eodem cum circulo plano positus partem hemicyclo minorem intuetur.

XVIII.

Visu existente in linea circuli centro perpendiculariteristente, omnes diametros æquales videt.

XIX.

Circulus obliquè conspectus vt ellipsis, & ellipsis, quodam oculi situ vt circulus apparet.

XX.

Pars visa sphæræ circulo, & radijs contingentibus definitur: quæ si vno spectetur oculo, hemisphærio minor est: quæ fit eò minor quò propinquior oculus fuerit, tametsi tunc hæc minor sphæræ portio maior appareat.

Visus in superficie sphaeræ positus totam superficiem concavam, solum autem convexæ punctum videt: qui si intra sphaeram appropinquet, minor portio videbitur, sed apparebit æqualis: eminus autem spectatæ concavæ, vel convexæ superficies sphaerarum planæ videntur.

XXII.

In cylindro, ut se habet circuli portio quæ videtur, ad eam quæ latet, sic visa superficies cylindri ad non visam: pars autem cylindri visa parallelis circumscribitur, cuius medietas videtur, si distantia oculorum æqualis fuerit cylindri diametro: quæ si maior, aut minor est, maior, aut minor pars cylindri spectabitur.

XXIII.

Radij oculorum coni superficiem tangentes omnes, utrimque in rectis lineis actiones faciunt, suntque in eo similes omnium circulorum portiones, quas oculus vno aspectu contuetur: in quo cono ut se habet circuli portio visa ad occultam, ita coni visa superficies ad reliquam latentem.

XXIV.

Si axis coni sursum productus centrum visus attingat, uniuersa superficies coni, excepta basi, spectabitur: sed apparebit circulus: videbitur autem ellipsis, si latus coni supernè productum in centrum visus incurrat, totaque coni superficies sub aspectum cadet.

XXV.

Res qualibet in ea horopteris parte conspicitur, ubi ipsum radius per centrum ductus attingit.

XXVI.

Quemadmodum res vna vno spectata oculo in vnico loco, & plura vno spectata radio in eodem loco apparent, ita res vna utroque visu duobus in locis, duæ res in tribus, & 4. locis apparere possunt.

XXVII.

Cum quid apparet pluribus in locis, nullus illorum proprius est locus, & minus perspicue cernitur: fieri verò nequit ut quod vno tantum videtur oculo, geminum appareat.

XXVIII.

Quæ celerrime mouentur, totum per quod feruntur spacium complere videntur, vel videri nequeunt: quæ verò perniciosissimo motu agitantur, quiescere videntur: & si motus circularis est, eminus spectatus rectus apparet.

XXIX.

Eorum quæ pari velocitate mouentur remotiora postera fieri, & tardius moveri videntur: quod etiam verum esse potest, quando remotiora velocius agitantur.

Sí per eandem lineam rectam mobile, & oculus pari velocitate incedant, quiescere videbitur mobile; accedere, si oculus fuerit concitator; abscedere, si segnior.

Cætera quæ de fallacijs visus, hîc afferri possent, ex sequentibus libris intelligentur: illa verò quæ spectant ad Sciagraphiam, vel Scenographicam, Ichnographiam, Orthographiam, & ad omnia projectionum genera, peti debent ex arte Perspectiuæ, de qua fusè Vitruuius, Albertus Durerus, Daniel Balbarus, Guido Vbaldus, Stevinus, Aguilonius, & alij tractarunt: nosque postea dicturi sumus.





OPTICÆ

LIBER II.

SEV CATOPTRICA.

*Pars prima de ijs qua pertinent ad specula in communi,
& de speculis planis in particulari.*

DEFINITIONES.

I.

Politio corporum est continuïtas partium superficiei politi corporis sine sensibilitate pororum.

II.

Speculum dicitur omne corpus politum operâ artis vel naturæ; est autem multiplex, nempe rectum; concavum, & conuexum sphericum; concavum & conuexum cylindricum, concavum & conuexum ellipticum, parabolicum, hyperbolicum, pyramidale, conchoïdeum, hederaceum: estque totuplex, quotuplex esse potest linea, vel superficies concava, aut conuexa politi corporis; qualis est superficies facta à linea quadratrice, & ab illis lineis, quæ radios parallelos diuergentes, & conuergentes in punctum; & à dato puncto parallelos, diuergentes, & conuergentes per refractionem efficiunt; *de quibus in*

Dioptrica

III.

Linea incidentiæ dicitur illa secundum quam imago obiecti cadit in superficiem speculi.

IV.

Linea reflexionis dicitur illa secundum quam imago reflexa, propter soliditatem speculi, quam penetrare nequit, reflectitur ad oculum.

V.

Punctus incidentiæ dicitur is, in quo linea incidentiæ cadit in superficiem speculi: idemque est punctus reflexionis, quia radiorum, vel specierum reflexio ad visum fit semper à puncto incidentiæ.

VI.

Perpendicularis super superficiem speculi, à quo fit reflexio, dicitur

linea orthogonaliter erecta à puncto incidentiæ super superficiem speculi illius, à quo fit reflexio, si illa superficies sit plana: si verò concaua, vel conuexa fuerit, tunc illa linea dicitur perpendicularis super ipsam, quæ est perpendicularis super superficiem planam, illam superficiem concauam, vel conuexam in puncto incidentiæ contingentem.

VII.

Superficies reflexionis illa dicitur, quæ continet lineam incidentiæ & reflexionis, & perpendicularem à puncto contingentiæ productam super ipsam speculi superficiem, vel super superficiem illam contingentem.

VIII.

Cathetus incidentiæ est linea perpendiculariter erecta super superficiem planam speculi, aut super lineam rectam contingentem communem sectionem superficiæ reflexionis, & superficiæ speculi conuexi vel concaui, ducta à puncto, à quo incipit incidentia, vt à centro visus, vel ab alio puncto, ad quem reflexio terminatur.

IX.

Cathetus reflexionis est linea erecta super illam eandem superficiem vel lineam à puncto, ad quem terminatur ipsa linea reflexionis, vt à centro visus, vel ab alio puncto, ad quem reflexio terminatur.

X.

Superficies incidentiæ illa dicitur quæ continetur à linea, seu imagine reuivisæ, & à cathetis incidentiæ terminorum illius lineæ.

XI.

Angulus incidentiæ dicitur quem in superficie reflexionis continet linea incidentiæ cum lineâ, quæ est communis sectio superficiæ reflexionis, & superficiæ ipsius speculi, vel superficiæ speculum in puncto reflectionis contingentis.

XII.

Angulus reflexionis est, quem in superficie reflectionis continet linea reflectionis cum dicta communi sectione.

XIII.

Imago dicitur forma in speculo comprehensa: & facit basim coni optici, vt visibile in visione simplici.

XIV.

Locus imaginis est locus visionis illius formæ, seu locus, in quo illa videtur.

Theorema primum.

Superficies corporum terforum politorum, cuiuscumque figuræ sint, quolibet suo puncto reflectunt lucem, colorem, & figuram rerum oppositarum secundum lineam rectam, quia natura agit in omnibus secundum lineas breuiiores.

II.

Omnis reflexio luminis & coloris, siue lucem & colorem debilitet, siue non, fit secundum lineas sensibilem latitudinem habentes.

III.

In speculis planis radij obliquè incidentes semper ad angulos æquales reflectuntur: perpendicularis verò radius in seipsum redit; idèmq; dicendum de reliquis speculis regularibus, nempe sphaericis, conicis, & cylindricis tam conuexis quàm concavis, in quibus angulus incidentiæ semper æqualis est angulo reflexionis; vt constat ex obiecto, quod per eandem omnino viam immittit species in oculum videntis, per quam oculus immittit species in obiectum visum.

IV.

Visibile per speculum comprehenditur à visu sub lineis breuissimis: quanquam id non sit semper verum in speculis concavis, vt Benedictus in epistolis demonstrauit.

V.

In quolibet speculo, vel corpore cuiuscùmque curuitatis anguli incidentiæ, & reflexionis sunt æquales respectu lineæ tangentis punctum superfici ei sphaericæ, in quod radius incidit: debet autem illa lineæ tangens vltèrius producta secare cathetum ab obiecto deriuatum.

VI.

Radius incidentiæ, & reflexus & 4. puncta, nempe visibilis, incidentiæ, imaginis, & oculi, sunt in eodem plano.

VII.

Impossibile est simul duo puncta eiusdem rei visæ ab eodem puncto cuiuscùmque speculi reflecti ad idem centrum visus, vel à duobus punctis speculorum planorum vel cōuexorum formam vnus puncti, quamuis ab vno puncto speculi cuiuscùmque ad diuersos visus plurium punctorum imagines, & à diuersis vna imago reflecti possit.

VIII.

Specula plana omnium optimè repræsentant obiectum præsertim si ex chalybe facta fuerint; quæ si perfectè recta, & polita, vix oculo deprehendi possunt. eoque minus videntur quò melius repræsentant, quia natura speculi in repræsentandi virtute sita est.

IX.

Obiectum in speculis planis videtur in concursu radiorum cum catheto ducto à quolibet obiecti puncto per speculum in quod incidit perpendiculariter vsque ad concursum radii visualis vltèrius productis; quia radii reflexi eodem modo post factam à plano speculo reflexionem propagantur, quo emitterentur directi ab eodem obiecto, si per foramen rectà transirent.

Specula plana faciunt radios reflexos eiusdem generis cuius essent, si radij illi fuissent continuati; parallelos, si paralleli fuissent, concurrentes, si concurrissent, & recedentes, si recessissent.

XI.

Locus imaginis, seu puncti visi in planis speculis est in concursu radiorum cum catheto: quod Euclides de quibuscumque speculis concludit; sed aliter Keplerus, & alij recentiores sentiunt.

XII.

In omni reflexione à speculis planis facta, lineæ incidentiæ & reflexionis proportionales sunt cathetis à punctis suorum terminorum demissis, & ipsis basibus in speculorum superficie interiectis.

XIII.

Eadem est distantia loci imaginis à superficie speculi plani sub speculo, quæ est puncti visi ab eadem superficie supra speculum planum existentis.

XIV.

In omni reflexione à speculis planis facta, lineæ à centro visus ad locum imaginis producta æqualis est lineæ incidentiæ, & reflexionis simul iunctis: ambobus autem oculis vnica imago apparet.

XV.

Altitudines & profunditates tam in conuexis quàm in planis speculis euerse; dextra sinistra, & contra, nobis apparent: obliquæ verò longitudines videntur quemadmodum se habent.

XVI.

Specula ita disponi possunt, vt intuens, propria imagine non visa, videat imaginem alterius rei non visæ, & in cubiculo discernat, quæ geruntur in aliena domo, vel in plateis.

XVII.

Speculum ex multis planis construi potest, in quo solius aspicientis plures imagines ad modum chorearum appareant, & in quo aspiciens suam imaginem volentem videat, dæcente Ptolomæo 2. catopt. theor. 6.

XVIII.

Imago eiusdem puncti per duo vel tria specula plana orthogonaliter ad inuicem disposita videri potest: hinc specula quæ dicuntur infinita, desumuntur: quot autem erunt in quocumque polygono æquilatulo & æquilatulo specula ad inuicem disposita, toties imago eiusdem puncti videri poterit.

XIX.

A pluribus speculis planis potest imago rei per se visæ, vel non visæ reflecti ad oculum; ab imparibus autem dextra sinistra, & contra: & à paribus dextra apparent dextra; & distantia imaginis à visu constat ex

quantitatē omnium linearum incidentiæ, & reflexionis.

xx.

Duo specula plana rectangula, & æqualia ita collocari possunt, ut intuens in vno speculorum suam imaginem videat venientem, & in altero recedentem: docente Prolo. theor. 4.

xxi.

Si vertex montis, aut turris, incidens in speculum planum reflectatur ad oculum; erit ut reflexio ad suam perpendicularem, sic incidentia ad montis altitudinem. Aliter, ut se habet distantia pedis à puncto reflectente speculi, ita se habet distantia speculi, & turris, vel montis, ad eiusdem montis vel turris altitudinem: hinc oritur Geometria Catoptrica, seu ars mensurandi per specula.

xxii.

Ab vno speculo plano ignis accendi nequit, potest à pluribus: vnicum tamen planum ignem ab alijs speculis productum continuare potest.

xxiii.

Optima materia speculorum chalybea: vel cuprea stanno, stibio, auripigmento, tartaro, & halinitro mixta.

xxiv.

Inter puncta imaginis superficiiei cuiuscumque speculi incidentis, & speculi oppositi superficiem necesse est infinitas pyramides figurari, conos, & bases hinc inde mutuas habentes.

xxv.

Necesse est superficiem reflexionis erectam esse super speculi superficiem, vel super superficiem speculum illud in puncto reflexionis contingentem: in illa verò superficie centrum visus, punctum visibile, punctum reflexionis, terminusque perpendicularis, & catheti utriusque reperiuntur.

C A T O P T R I C Æ

P A R S S E C U N D A.

De speculis sphericis, æque cylindricis, & pyramidalibus tam conuexis quàm concavis.

D E F I N I T I O N E S.

I.

MAius speculum siue sphaericum, siue columnare & pyramidale, tam conuexum quàm concavum à Vitellione lib. 6. & 7. dicitur,

cuius sphaeræ diameter est maior, vel quod est pars maioris columnæ, vel pyramidis, & minus est contrario.

II.

Diameter, & centrum speculi sphaerici, diameter & centrum sphaeræ dicitur, cuius portio est speculum: *Videantur quæ in Prefatione dicta sunt.*

III.

Diameter visualis dicitur linea à centro visus per centrum speculi sphaerici transiens, quæ similiter cathetus reflexionis appellatur.

IV.

Linea recta speculo sphaerico conuexo æquidistare dicitur, quæ secundum punctum medium æquidistat lineæ aliquem arcum circuli magni illius speculi secundum medium eius punctum contingenti.

V.

Finis contingentiae est punctus ubi altera cathetorum secat lineam in puncto reflexionis speculum contingentem.

VI.

Meta locorum imaginis est punctum, vel linea, ultra quam imago non videtur.

Theorema primum.

In conuexis speculis sinistra apparent dextra & contra: & imago propius abest à speculo quàm aspectabile, eoque minor est; tantoque minor quanto minus est speculum; tanto verò maior, quanto visibile est propinquius.

II.

In iisdem speculis aspectabilium imagines conuexæ apparent, eoque conuexiores quo specula conuexiora fuerint.

III.

Specula sphaerica, vel alio modo inflexa, composita dici possunt ex pluribus, vel infinitis planis speculis; ideoque se habent in representando, illuminando, & calefaciendo, ut specula plana multiplicata, & tangentialia singulas speculorum curvaturarum partes.

IV.

Anguli incidentiæ & reflexionis cuiuslibet puncti iudicantur penes lineam rectam tangentem punctum in quo desinit radius incidentiæ, & incipit radius reflexionis.

V.

Locus imaginis visæ in speculis sphaericis conuexis ponitur ab antiquis in concursu lineæ reflexionis cum catheto incidentiæ: in concauis in recta linea ducta ab aspectabili ad centrum sphaeræ, cuius portio est ipsum speculum. A Steuino 7. prop. Catoptr. in occurssu lineæ

ad oculum reflexe cum linea recta perpendiculari à visibili ducta, super lineam contingentem speculi superficiem in puncto reflexionis; que perpendicularis non pergit ad centrum sphaeræ, cuius portio speculum existit. A Keplero statuitur in perpendiculari ex re visa in superficiem siue refringentem, siue repercutientem, quatenus distantia punctorum rei visæ per binos oculos, seu per vnius oculi diametrum latitudinis capitur: nisi cum vtriusque oculi eadem fuerit superficies; tunc enim in conuexis speculis, & mediis densioribus imaginem è perpendiculari excedere, ad visum accedere putat.

VI.

Si ab aspectabili puncto per globosi speculi centrum recta infinita ducta sit, imago in recta infinita, & aspectabile punctum æqualiter à speculo distant, apud Steuinum: at minor est distantia imaginis à speculi conuexi sphaerici superficie apud Vitell. prop. 37. l. 1. 6. & Euclid. 20. quàm ipsius rei extra: de variis autem locis, & figuris imaginis, pro vario rei visæ situ fusissimè agit Vitellio ab 11. prop. 6. vsque ad 62.

VII.

A superficie speculi sphaerici conuexi ex diuersis superficiebus sphaerarum composita imagines monstruosæ videntur: tametsi verò ab vnius superficie ignis accendi nequeat, potest à pluribus.

VIII.

Superficies sphaericæ aptissimæ sunt ad rerum plurimarum perspectiuam, seu picturam in parua quantitate repræsentandam: quæ si columnares, seu cylindricæ fuerint, extensas picturas ignotas colligent, & notas facient: at de his speculis Vitellio fuse tractat lib. 7. per 60. propositiones: quarum duas vltimas solum afferro.

IX.

In speculis columnaribus vel pyramidalibus conuexis maioribus maiora videntur idola: rei que visæ propinquioris imago videtur maior. Quod si perpendicularare fuerit horizonti cylindricum speculum, tantum imaginem producet in longum, quantum deducet in latum, si eidem horizonti parallelum statuatur.

X.

Possibile est speculum cylindricum, vel pyramidale conuexum ita collocari, vt intuens videat in aëre extra speculum imaginem rei alterius non visæ. Deinceps verò de speculis sphaericis concauis agamus.

XI.

Radij ab obiecto lucido vel colorato procedentes à conuexis speculis disgregantur; sed à concauis colliguntur.

XII.

Centro visus, vel puncto rei visæ in centro speculi sphaerici concaui existente, à quolibet puncto fiet reflexio in ipsum visum: adeoque nihil præter seipsum videbit oculus.

XIII.

Posito visu extra centrum speculi eiusdem, à quolibet puncto speculi fieri potest imaginis alterius reflexio ad visum, præterquam à puncto, cui incidit diameter visualis.

XIV.

Locus imaginis rerum ab eodem speculo reflexarum quandoque est in ipso puncto reflexionis; quandoque ultra speculum; quandoque inter visum & speculum; quandoque in superficie ipsius visus; quandoque retro visum: docentibus Alhazeno, Vitellione & experientia, atque ratione, ex quibus & sequens theorema.

XV.

In eodem speculo eadem est proportio catheti incidentiæ ad rectam à centro speculi ad locum imaginis productam, quæ lineæ à puncto rei visæ ad finem contingentæ ductæ, ad lineam à fine contingentæ ad locum imaginis productam.

XVI.

Quilibet punctus diametri circuli magni eiusdem speculi potest esse locus imaginis, quantumcumque producat.

XVII.

Oculus positus in circumferentia, aut extra circumferentiam non apparet: potest autem visum punctum in speculo concauo seu sphaerico à pluribus locis reflexum vnicam imaginem habere: potest etiam duas, & fortè 3. aut 4.

XVIII.

In speculis istis concauis intra centrum speculi eiusque superficiem res in proprio situ, extra verò centrum eversæ apparent: illic maior, hic minor esse videtur imago.

XIX.

In speculis istis, radij paralleli ita circa quartam partem diametri reflectuntur, ut maximè illuminent, & comburant; itaque focum speculi concaui reperies, si noueris diametrum sphaeræ cuius speculum portio fuerit.

XX.

Si speculi concaui sphaerici diameter duorum pedum regionum fuerit, non solum in foco circa medietatem semidiametri, sed citra & ultra per spatium 3. aut 4. digitorum comburet ob radiorum multitudinem, & condensationem in toto illo spatio existentem.

Difficile est assignare quanta radiorum multitudo necessaria sit, ut ignis generetur ab eis per reflexionem: videat quispiam si possit illud definire dato minimo speculo, quod comburere queat; quale fortitan erit, si pollicis vnus solummodo diametrum habuerit.

XXII.

Illuminatio foci speculi concaui non est sita in indiuisibili, sed vnus saltem lineæ diametrum habet: sunt qui definiant istius foci latitudinem per arcum subtēdentem angulum 30. minutorum, à radiis ex quolibet puncto reflexis productum; quia solis diameter apparens est tot minutorum: quod si verum est, hyeme quàm æstate focus latior erit, cum Sol in Capricorno existens, sit etiam in perigæo, in quo solas 1100. terræ semidiametros à nobis distat; cum in apogæo 1181. dum versatur in Cancro, à terræ superficie recedat; hinc fit ut 92745. leucis, quarum quælibet 15000. pedes regios complectitur, hyeme quàm æstate Soli fiamus viciniore: est enim terræ semidiameter 1145. leucarum.

XXIII.

Fieri possunt concaua specula sphærica quæ ad magnam distantiam comburant, & illuminent, si dentur artifices, & materia; quæ tamen ab hominibus tanta fieri non posse credidero, ut ad spatium dimidiæ leucæ comburant: quot enim obsecro requirerentur homines ad mouendum illud speculum; quanta materia ad illud conficiendum?

XXIV.

Specula prædicta radios candelæ in foco, vel circa focum positæ ad magnam distantiam veluti parallelos, & columnares ita remittunt, ut per 500. pedes remotus solo paruulæ candelæ lumine minutissimæ litteræ cognosci, atque legi possint: posset verò tantum esse speculum, & tam perfectè politum, ut per vnā aut alteram leucam litteræ superficiei adhærentes, vel etiam in loco per 2. leucas remoto positæ legi possent: sed industriâ humana fieri nequit, ut litteræ speculo adhærentes, vel alio modo dispositæ in Luna videantur; quapropter mentitur Agrippa cum secretum illud sibi vendicat.

XXV.

Si densitas seu fortitudo radiorum in angustiori loco se habeat ad fortitudinem eorundem in latiore superficie contentorum, ut se habent sphæricæ superficies, quibus origo lucis pro centro est, amplior ad angustiorē, & contra: radij solares directi absque vlla reflexione, 7⁶² terræ propè Solem semidiametris, æquē ac radij Solis à speculo concauo pedali in focum latitudinis vnus lineæ reflexi, comburent. An verò non sit aliud ignis elementum præter illum ignem Solis athe-

reum,) Philosophis discutiendum permitto: suppono autem Solem esse in media distantia, id est 1141. semidiametros terrenas à nobis distantem.

XXVI.

Speculorum concavorum ope, luna, & alia sydera in data magnitudine videri, ac proinde homines ab ingenti spatio cognosci, & litteræ tametsi minutæ ab eodem spatio, ut à 2. leucis, discerni possunt: non potest tamen obiectum ita multiplicari, seu crescere, ut quis litteras in luna positas legat: Opticus tamen determinare potest quale & quantum speculum ab Angelis confici debeat, ut litteræ, & alia minutissima in luna, vel etiam in stellis posita videri possint ab oculo in terra circa speculi centrum collocato.

XXVII.

Speculorum concavorum foci quoad vim illuminandi, calefaciendi, & comburendi, se habent ut ipsorum speculorum concavæ superficies, ideoque in duplicata ratione, quemadmodum à diametris quadrata: igitur data speculi superficie vis foci dabitur; si tamen prius alicuius foci vim supponamus. Cum igitur 14000. vicibus diameter speculi è portione terrenæ sphaeræ confecti minor sit diametro speculi è portione sphaeræ stellatæ abscissi, & speculi è portione sphaeræ diametrum, vel axem pedalem habentis facti diameter terrenâ diametro 38320000. vicibus minor sit, & tamen speculum è portione sphaeræ pedalem axem habentis foco suo plumbum celerrimè liquefaciat, cogita, quanta vis duorum prædictorum speculorum futura sit.

XXVIII.

Si firmamentum esset speculum, nihil in eo præter suum oculum intuens videre posset, qui eiusdem cum dimidio firmamenti magnitudinis appareret: quo posito speculo, viderint Chymici quid passurus sit globus terrenus, & in quæ principia reducendus.

XXIX.

Si firmamenti concava superficies esset speculum, candelæ 7000. terrenis diametris à terra distantis luce singuli homines legere possent.

XXX.

Si firmamenti superficies concava speculum ponatur, solo candelæ parvulæ lumine ubicumque intra firmamentum positæ legere quispiam poterit in circulo 7000. terrenis diametris à terra distante, id est in quarta parte diametri sphaeræ stellatæ.

XXXI.

Quo speculum est portio minoris sphaeræ, eo aptius est ut calefa-

ciat, vel illuminet, & inflammet vi lucidi propinqui: *Plura de loco imaginis, & de omnibus apparentiis imaginum, sicut & de aliis ad concaua specula sphaerica pertinentibus Vitellio, 68. propositionibus 8. libri tradidit; plurâque nos 1. tomo in Genesim ex Magino attulimus: solum addo theorema sequens.*

XXXII.

Imaginum, seu idolorum varij situs, & diuersa loca, quæ in speculis conuexis, & concauis apparent, ita vt aliquando citra superficiem concaui, aliquando intra conspici videantur, vt patet ex manibus, ensibus, & alijs rebus speculo obiectis, & ex eo velut egredientibus, explicari possunt per angulos maiores, aut minores, sub quibus idola, vel potius ipsa obiecta cernuntur: nam quæ sub maiori angulo conspiciuntur, accedere, quæ sub minori, recedere videntur, vt primo libro dictum est.

XXXIII.

Lumen, & ignis, beneficio speculorum planorum, & concauorum facile transferri possunt in antra, & alia loca subterranea, ad quæ radij directi solis, vel alterius lucidi peruenire nequeunt: potestque lumen ter aut quater à tribus aut 4. planis speculis reflexum ignem producere, si in vltima reflexione colligantur radij cum speculo concauo. At verò determinare reflexionem vltimam, vltra quam nulla alia vim comburendi habitura sit, est solus in Catoptrica peritissimi: tamen magnitudo speculorum, & distantiae reflexionum data sint: *Hinc reliquæ proprietates speculi sphaerici concaui concludi possunt; idcirco ad concaua cylindrica progredior.*

XXXIV.

Centro visus existente intra speculum columnare vel pyramidale concauum, à quolibet puncto speculi fiet reflexio ad visum: existente verò extra idem speculum non integrum, à maiore parte superficiiei speculi fiet reflexio ad oculum.

XXXV.

A quocumque puncto eiusdem speculi non potest nisi forma vnius puncti ad visum reflecti, ideoque vnica imago videretur: at verò locus imaginis erit aliquando vltra, quandoque citra speculum & visum; quandoque in centro visus, vel in superficie speculi, vel inter visum & speculum, vt in sphaeris concauis accidit.

XXXVI.

Communi sectione superficiiei reflexionis, & speculi columnaris concaui existente oxygonia, vel circulo, poterunt esse vnum, duo, tria, vel quatuor puncta reflexionis, non autem plura: iuxta quæ, loca imaginum numerabuntur.

XXXVII.

Omissis reliquis quæ Vitellio de his speculis 9. libro per 38. propositiones docet, addo speculis istis ignem accendi: his autem & conuexis cylindricis, & pyramidalibus siue seorsim sumptis, siue mixtis, faciem, & alia obiecta monstruosa representari, vel monstruosa, & penitus incognita ad iustam formam, & pulchritudinem quæsitam reuocari potest. *Iam superest ut de speculis & sectione coni genitis agamus.*

CATOPTRICÆ

PARS TERTIA.

De speculis ellipticis, hyperbolicis & parabolicis.

EX sectionibus coni duas omittamus, eam nempe quæ sit plano per axem, & plano basi parallelo, cum illâ speculum planum, hac autem sphericum concavum vel conuexum tantummodo generari possit: si verò vnius lateris sectio sit alteri lateri parrallela, parabolicas si non sit paralella, sed occurrat alteri lateri producto supra verticem, hyperbolica; si denique latus vtrumque ita secetur, vt sectio concurrat cum vno latere ultra basim producto, elliptica sectio nascetur. Quibus ab Appolonio demonstratis, sit.

Theorema primum.

Si sectionem parabolicam lineæ recta contingat, à puncto contractus ducatur recta perpendicularis diametro sectionis productæ ad concursum cum contingente, erit pars diametri interiacens perpendicularem, & peripheriam sectionis, æqualis parti interiacenti sectionem & contingentem.

II.

Omne quadratum lineæ perpendicularis ductæ ab aliquo puncto sectionis parabolæ super diametrum sectionis est æquale rectangulo contento sub parte diametri interiacente illam perpendicularem & peripheriam sectionis, & sub latere recto ipsius sectionis.

III.

Si in sectione parabolica ab extremitate diametri ex parte peripheriæ sectionis refecetur æquale parti lateris recti ipsius sectionis,

omnis lineâ æquidistanter diametro incidens alicui puncto sectionis, & lineâ ab eodem puncto sectionis ad punctum abscissionis diametri producta, cum lineâ contingente sectionem super illud punctum, continent angulos æquales.

IV.

In omni superficie concaua concauitatis parabolice, si ab extremitate axis contingentis sectionem abscindatur pars æqualis quartæ parti lateris recti ipsius parabolæ: omnis lineâ æquidistanter axi incidens illi superfici ei, & lineâ à puncto incidentiæ ad punctum signatum in axe producta, cum lineâ in illo puncto superficiem contingente continent angulos æquales.

V.

Speculo parabolico concauo Soli opposito, ita ut axis ipsius sit in directum axi corporis solaris: omnes radij incidentes speculo æquidistanter axi, reflectuntur ad punctum vnum axis distantem à vertice speculi secundum quartam partem lateris recti ipsius parabolæ: quod non tantum de Sole, verum etiam de quolibet puncto lucido verum est, quod tantopere distat à speculo, ut omnes radij ab illo procedentes paralleli conseri possint,

VI.

Speculum parabolicum radiis solaribus expositum fortissimè omnium comburit: puncti lucidi in foco positi radios in finitum reflectit parallelos, & obiectum in eodem foco positum maximum representat: eapropter candelæ in foco parabolico positæ lumine longissimè litteras discernere; similiterque candelæ à speculo parabolico remotissimæ lumine in foco collectæ litteras in eodem foco expositas legere possumus.

VII.

Speculum parabolicum, similiterque sphæricum aquam calidam in foco positam congelare possunt, si glacies, aut aliud vim gelatiuam habens in axe, vel diametro speculi parabolici, vel sphærici longè à foco exponatur, & radij calidi & frigidi lucis radios æmulentur.

VIII.

Quemadmodum radij à puncto lucido in centro speculi concaui sphærici posito diuergentes in idem punctum à superficie istius speculi remittuntur; & radij paralleli in datum punctum, radiique concurrentes, vel punctum lucidum in radios iterum parallelos à parabolico reflectuntur; ita radii à puncto dato in punctum aliud ab elliptico speculo reperiuntur & radii concurrentes, magis concurrentes fiunt à speculo hyperbolico, citiusque in punctum, ad quod alioqui tardius

peruenissent, istius speculi occurſu coeunt. Vide Lemma Propoſ. XIX. Hydraulicorum, vbi plura de his ſectionibus.

IX.

Si fiat ellipticum ſpeculum, cuius vnus focus ſit in centro Solis, alter verò focus in ſuperficie terræ, nullus intra tropicos viuere poterit: imo neque fortassis in vlla parte terræ, quippe quæ calore in hoc foco concepto fortè tota in cineres verti poſſet.

X.

Duo ſpectula parabolica ita diſponi poſſunt, (ſi materia nulli igni cedens dari poſſit) vt radios in punctum, vel ſaltem in comburentem denſitatem collectos, in linea, vel paruula columna in longum producta ſemper vrentes conſeruet: quod vt fiat, minus ſpeculum parabolicum in foco maioris in vertice foramen eiſdem magnitudinis cum minori ſpectulo habentis, ſt. tui debet, quod radios Solis in punctum à maiori coactos, parallelos per prædictum foramen in magnam diſtantiam remittat, quos poſtea plano ſpectulo in punctum datum reflectere poſſis.

XI.

Annulus parabolicus comburere poteſt; quantæ vero magnitudinis eſſe debeat ad vim vrendi habendam Catoptricus abſque experientia determinare nequit.

XII.

Dato puncto in quo generandum incendium proponitur, facile eſt assignare ſpeculum parabolicum, quo illud producat: & ellipticum quod punctum lucidum ad punctum datum reflectat.

XIII.

Si fornix alicuius aulae formam ellipſis concavae ſeruet, & quiſpiam demiffè loquatur in alia extremitate, quamuis per centrum, vel etiam plures paſſus diſtet, audietur ſolum in alia extremitate, & in toto ſpatio inter medio non audietur: ſimuliterque candela in vna extremitate poſita, plus in alia extremitate illuminabit quam in vlla alia parte totius aulae.

Omitti plurima quæ ſpeculorum regularium, & irregularium ope fieri poſſunt, quales ſunt variae diſtinctionis alicuius repræſentationes, quæ tametià vnica ſit, verbi gratia, Latina Hebraica, & Græca legi poterit: deinde variae picturae, & confectio horologiorum quorumcumque, & alia ludrica propemodum infinita, partim ex ſequenti Diaclaſtica, partim ex Perſpectiua poterunt intelligi: capropter nihil amplius de ſpeculis ſubiiciam, vt animum Dioptriciis applices, de quibus ſequenti libro dicturi ſumus.

OPTICÆ.

LIBER TERTIVS,

SEV DIOPTRICA.

PRIMA PARS

Dioptricæ principia complectitur.

DEFINITIONES.

I.

Linea incidentiæ dicitur, iuxta quam radius recte diffunditur per medium vnus diaphani, qualis est radius candelæ vsque ad vitrum perueniens.

II.

Reflectio est incuruatio eiusdem lineæ ad angulum continendum, vt cum radius Solis peruenit ad vitrum conuexum, quippe qui frangitur in superficie istius vitri.

III.

Punctus refractionis est is, in quo lineæ incidentiæ fit refraction; estque in superficie secundi diaphani à primo diuersi.

III.

Linea refractionis est, quæ à puncto refractionis ad centrum oculi extenditur.

V.

Linea perpendicularis hic dicitur, quæ à puncto refractionis erigitur perpendiculariter super superficiem corporis, à qua fit refraction perpendiculariter producta.

VI.

Cathetus incidentiæ est linea à puncto rei visæ super superficiem corporis, in quo est res visa, & à qua fit refraction, perpendiculariter producta.

VII.

Superficies refractionis est, in qua continentur lineæ incidentiæ, & refractionis.

VIII.

Angulus incidentiæ dicitur minor angulus, quem continet linea incidentiæ cum linea perpendiculari ducta à puncto refractionis super superficiem corporis, à qua fit illa refraction.

IX.

Angulus refractus dicitur angulus minor, quem continet linea refracta cum dicta perpendiculari.

X.

Angulus refractionis est, quem continet linea refractionis cum lineâ incidentiâ trans corpus diaphanum, à cuius superficie fit refraction, in continuum producta.

XI.

Directa visio dicitur, cum imago rei visæ sine refractione peruenit ad visum.

XII.

Obliqua verò, cum ad visum refractè peruenit.

XIII.

Imago refracta est forma rei visæ obliquè perueniens ad visum.

XIV.

Locus imaginis refractæ est, in quo imago refracta visibus occurrit.

Theorema primum.

In omni superficie refractionis necessario sunt punctum, cuius forma refringitur; punctum refractionis: centrum ipsius visus: & perpendicularis ducta puncto refractionis super superficiem, à qua fit refraction: quæ postrema superficies primæ subiicitur.

II.

Refraction rei visæ, vel radij cadentis à medio diaphano rariore in superficiem densioris, fit ad perpendicularem, quæ ducitur à puncto refractionis super superficiem, à qua fit refraction: si verò cadat à densiori diaphano in rarius, refraction fit à perpendiculari.

III.

Centro visus, & puncto rei visæ per refractionem in diuersis diaphanis loca propria permutantibus, eadem lineæ incidentiæ, & refractionis nomina permutant.

IV.

Imago refracta rei visibilis nunquam occurrit visui in loco rei visæ, sed semper extra suum locum.

V.

Omnis forma puncti per refractionem visi comprehenditur in rectitudine lineæ, per quam à puncto refractionis species ad oculum extenditur: idque in lineâ perpendiculari ducta à puncto rei visæ super superficiem corporis, à qua fit refraction, iuxta doctrinam antiquorum: sed ambobus oculis in eadem refractionis superficie versantibus, & valde ex obliquo intuentibus imaginem à perpendiculari excedere, & oculis appropinquare Keplerus animaduertit.

Quo res visæ, vel radij magis distant à perpendiculari ducta à centro visus super superficiem refringentem corporis diaphani, eo maior est refractionis. *Aliter.* Quò lux obliquius incidit, eo maiori angulo refringitur: attamen refractionum anguli crescunt maioribus rationum incrementis, quàm obliquitas incidentiæ; nam refractiones syderum crescunt circa horizontem præcipitatis incremento- rum proportionibus.

VII.

Lucis tenuis, & densioris nulla est differentia refractionis, cæteris paribus; sicut & nulla vtriusque differentia in reflexionibus; *quantum videlicet ad angulos attinet.*

VIII.

Si diuersa visibilia æquidistant ab oculo in diuerso medio, refringentur ad puncta æquidistantia, & æquales refractionis angulos facient: remotius autem refringetur ad punctum remotius, & maiorem refractionis angulum faciet.

IX.

Refractionis reddit aliquando colorem, & lucem, vel colorem lucidum, aut lucem coloratam obiecti, non imaginem, ut patet in coronis, virgis, iride, & aliis meteoris: aliàs reddit imaginem, quamuis illa lux colorata, imperfecta imago dici possit.

X.

Imago videtur in medio rariori remotior, & minor: in densiori verò propinquior, & maior: ut constat ex demersis in aquam: & obiecta eò minora videntur in aëre, cum ab oculo posito in aqua cernuntur, quò maiora videntur in aqua ab oculo in aëre constituto: quanto verò rarius est medium, tanto minora & remotiora: quanto densius, tanto maiora, & propinquiora apparent; unde Cleomedes concludit solem longè maiorem visum iri, si lynceis oculis per solidos parietes spectaretur.

XI.

Locus imaginis tam in speculis reflexione, quàm in perspicillis, & dioptriciis instrumentis refractione mutatur ad rei visæ, vel oculi mutationem: *ut fusius postea dicturi sumus.*

XII.

Si superficies refringens recta est, linea, & oculus sit in perpendiculari exeunte à medio puncto rei visæ super illam superficiem corporis diaphani, vel si punctus rei visæ existat in perpendiculari ducta à centro visus super superficiem diaphani, imò & spherici, puncti visi nulla sit refractionis, & vnica imago videtur: si verò punctus rei visæ iaceat ex-

tra perpendicularē ductā à centro visus, in vno tantū puncto fiet refractionis, siue communis sectio superficiei refractionis, & superficiei corporis diaphani refringentis sit plana, siue sphaerica.

XIII.

Rei visæ superficies non æquidistans superficiei refringenti visa in medio densiore maior videtur quàm si æquidistaret: ac proinde pars quælibet imaginis videbitur maior re visa sibi proportionali: quod vltimum peræquè verum est de superficie rei æquidistante.

XIV.

Re visa trans corpus diaphanum columnare densius aëre, itavt centrum visus, & centrum alicuius circuli corporis æquidistantis basibus columnæ & res visa sint in eadem linea recta, imago duplicata videbitur.

XV.

Locus imaginis rei visæ refractionem, existentis in medio secundi diaphani, quandoque est in ipso secundo corpore diaphano, quandoque in ipso puncto refractionis, quandoque inter visum & illud corpus diaphanum, quandoque retro visum: quandoque in ipsa superficie visus, docente Vitellione theor. 16. l. 10.

XVI.

Imago formæ cuiuslibet rei visæ figuratur diuersimodè secundum figuram superficiei corporis, à qua fit refractionis ad visum.

XVII.

Diaphanum aëre densius radios solis ita condensare potest, vt ignis excitetur, quod euidens est in lagenis aqua plenis, & in lentibus crystallinis ex vna, vel ex vtraque parte conuexis, vt in 2. parte dicemus.

XVIII.

Sol, & alia sydera maiora videntur prope horizontem ob refractionem: vnde sæpissimè Sol ellipticus apparet, ob vapores atmosphæræ interpositæ, & obliquitatem incidentiæ radorum, quippe qui in sphaeram atmosphæræ terræ concentricam obliquè incidunt; & idè Solis altitudo coarctatur, & non latitudo; eoque magè coarctatur, quo vapores minus alti fuerint, cum solarem conum ad axem opticum magis obliquent: eaque de causa prope horizontem sydera magis à se distare videntur latitudine, quàm altitudine.

XIX.

Refractiones faciunt vt maculas solares statim maiores, & viciniore, statim minores, & magis distantes helioscopus intueatur, Hinc pro varietate refractionum atmosphæræ, altitudo varia esse iudicatur.

XX.

Ob illas refractiones, qui sunt in sphaera parallela sub polis mundi

constituti, Solem totum æquinoctij tempore vident oblōgum ob contractionem: sed & eiusdem meridiani, & paralleli incolis eodem tempore ellipticus, & sphæroides apparere potest, ob varias dispositiones atmosphæræ.

XXI.

Ob easdem, ambo luminaria diametraliter opposita, & eclipsis Lunæ, vnaque Sol conspici possunt: *Verum quæ spectant ad astrorum refractiones, in optica astronomica afferentur, ubi de dioptricis instrumentis actum fuerit.* Videatur illustri viri Dioptrica, ex qua possint emendari quæ forsan hocce libro minus certa videri possent. Leganturque duo tractatus qui huic volumini colophonem imponunt.

D I O P T R I C Æ,

P A R S S E C V N D A.

De dioptricis instrumentis, & de aliis principiis Anaclastica.

Quemadmodum opacitas in corporibus reflectentibus requiritur ita diaphaneitas, seu perspicuitas in refringentibus: quæ si regularia sint, speculorum instar polita, atque læuigata esse debent: alioquin si eorum superficies diffformes sint, & perturbatæ, obiectum fideliter repræsentare non poterunt. Debent præterea instrumenta dioptrica coloris & lucis expertia esse, ne imago obiecti illo colore inficiatur, vel nulla ratione videatur, quibus positis, reliqua more solito theorematibus exponemus.

Theorema primum.

Idem corpus potest esse instrumentum dioptricum & catoptricum, cum nullum adeo sit opacum, quin aliquid perspicuitatis habeat, ut constat ex cornubus nigerimis, & aliis corporibus opacissimis in tenues laminas extensis: & contra. II.

Quidquid sit instrumentis catoptricis, fieri potest dioptricis; quibus videlicet utimur ad obiecta repræsentanda, lucem colligerdam, ut facilius tam lunæ quàm stellarum luce legere possimus, & ad calorem, & ignem excitandum. III.

Tot sunt superficies siue regulares, siue irregulares anaclasticorum instrumentorum, quot sunt catoptricorum.

IV.

Quo densius fuerit instrumentum dioptricum, & quò plus opacitatis

citatis immixtæ habuerit, radius in illud difficilior ingreditur, cum opacitas ad vim illuminatiuam ita se habere videatur, quo medium densius, & fortius ad virtutem motiuam: Secus tamen dicendum, si radij eò facilius in diaphanum ingrediantur, quo densius fuerit, ut nobilis Mathematicus existimat.

V.

Dari possunt diaphana, quæ radios à puncto dato diuergentes ad datum punctum refringant; vel parallelos efficiant: & quæ parallelos quoscumque in dato puncto colligant, iterumque ex dato puncto parallelos reddant.

VI.

CrySTALLI, vel alia diaphana, æquè ac specula, ita fabricari possunt, ut ex quolibet quodlibet repræsentetur; nempe ex grano sinapis electas: ex pulcherrimo vultu maximè deformis, & contra: & quæ toties obiectum multiplicent, quoties volueris: vel quæ multiplicatum, ut vnum quidpiam referant.

VII.

Eadem est refractionis radiorum siue ingredientium, siue egredientium: quorum refractiones in crystallo, & vitro sunt proximè æquales, & vsque ad tricesimum inclinationis gradum sunt ferè proportionales inclinationibus: est autem angulus refractionis in crystallo vsque ad prædictum terminum quàm proximè tertia pars inclinationis in aëre, quæ sumitur ex angulo inter perpendicularem superficiem, & quemcumque radium prædictam perpendicularem in puncto superficie secantem.

M O N I T V M.

Ita sentiebat Keplerus cum aliis, donec Vir Illustris in sua Dioptrica nos docuisset veram refractionis proportionem; quam prop. 24. Ballistica, pag. 79. explicauimus, rursusque in duobus tractatibus Dioptricis ad calcem librorum istorum Opticorum explicatam habes: iuxta quam omnia, (si quæ contraria reperiantur in hisce libris) emendanda sunt.

VIII.

Maxima crystallo refractionis est circiter 48. graduum, quæ à maxima inclinatione radij incidentis oritur: nam quo maior, aut minor est hæc inclinatio, eò maior aut minor est refractionis: licet refractiones exquisitè pensatæ non sint proportionales inclinationibus in aëre.

IX.

Radij à diuersis punctis in idem superficiem densioris refringentis punctum incidentes, ita se mutuò secant, ut situm mutant, ac si sectio fieret sine refractione.

X.

Si radij plus 42. gradibus intra corpus cryſtalli ſuper vnam eius ſuperficiem inclinati eam penetrare nequeant, poſſint tamen reflecti, vmbra contra Solem proiici poterunt.

XI.

Radij penetrando linearem angulum priſmatis ex triangulo æquilatere vitreo, vel cryſtallino formati iucundiſſimos colores iridis producent: ſi verò vitrei corporis angulus inter oculum, & viſibile poſitus rectus fuerit, non transmittet radios viſiles ad oculum.

XII.

Priſmatis angulo ſupino quæ ſunt, videntur ſupra, prono infra, dextro dextra, ſiniſtro ſiniſtra.

XIII.

Licet punctum quodlibet lucidum vel coloratum radiet in orbem, cum tamen diameter instrumenti dioptrici nullam habet ſenſibilem proportionem cum prædicti puncti diſtantia, radij extrema dioptrici contingentes paralleli cenſentur: quorum vnicus occurrenti ſuperfici curvæ perpendicularis eſſe poteſt.

XIV.

Radij puncti viſibilis propinqui diuergentes; plurium verò punctorum conuergunt ad centrum oculi, vel lentis vitreae, ſive cryſtallinae; quæ vel conuexa eſt, vel concaua, vel mixta: & quæ duplicem habet magnitudinem, nempe corporis, & figuræ: iuxta quam dicitur eſſe parua, vel magna pars circuli, vel ſphæræ: quo verò minor eſt circulus, eo conuexitas, & concauitas maior eſt, & contra.

XV.

Radij paralleli incidentes in lentem conuexam portionis minoris quàm 30. graduum, perpendiculariter obiectam, concurrunt cum radio perpendiculariter incidente poſt ſeſquidiametrum ſphæræ circiter: qui ſi paralleli, & perpendiculares penetrent planam baſim prædictæ lentis inuerſæ, infra ſuperficiem conuexam concurrent cum perpendiculari radio, ſerè diametro conuexitatis.

XVI.

Si radij intra prædictum corpus non ſint paralleli, ſed verſus denſum conuexi terminum conuergant, in breuiori diſtantia à conuexo, quàm eſt diameter conuexitatis, ad punctum concurrent: at ſi punctum radians propius fuerit conuexo, diametro conuexitatis, radij puncti illius refracti diuergent in corpore denſo.

XVII.

Radij ex vno radiante puncto paralleli in lentem vitream vtrimque

conuexam perpendiculariter obiectam incidentes propius post lentem concurrunt ad vnum punctum quàm sit diameter circuli, qui format auersam superficiem: & propius quàm sesquidiameter obuersæ. Quod si conuexitas vtrique ex eodem circulo fuerint, concursus post lentem fiet in puncto, quod abest semidiametro obuersi conuexi ferè, hoc est in centro eius.

XVIII.

Si fuerint inæquales conuexitates, concursus post lentem in illa distantia continget, quæ inter vtriusque conuexitatis semidiametros versatur: quæ erit maior semidiametro minoris, quia altera superficies est de maiori circulo; quæ si de æquali fuisset, semidiametri mensura in hoc interuallo fuisset: minor autem erit diametro minoris, quia superficies minoris non est sola: denique minor erit semidiametro maioris, quia si superficiei minoris circulus æqualis fuisset, in hoc interuallo fuisset; nunc autem non æqualis, sed minor est.

XIX.

Longinqui puncti de re visibili radij proximè lentem concurrunt: propinquieris puncti radiorum concursus post lentem est remotior: cuius ope visibilium externorum pictura in pariete, vel charta in cubiculo clauso ad punctum concursus specierum posita, licet inuersa, bellè repræsentatur, sed quæ alterius lentis, vel plani speculi beneficio possit erigi: distinctissima verò pictura semidiametrum, vel diametrum lentium ostendet.

XX.

Vt se habet diameter picturæ ad eius distantiam à lente, sic ferè se habet diameter rei visæ ad eius etiam distantiam à lente: cum radij visibilis se mutuò secant penè in vno puncto proximè centrum lentis: cum igitur anguli ad verticem sint æquales, habent etiam bases cruribus vtrinque proportionales: eapropter rei visibilis distantia lente conuexa possumus vnica statione metiri.

XXI.

Quæcumque lens, vel quodlibet perspicillum facit radios de directis certi generis refractos eiusdem, vel alterius generis, toties idem facit radios de directis istius posterioris generis refractos prioris generis: sic enim tam per specula quàm per dioptras radij solis fiunt de parallelis concurrentes, & de concurrentibus paralleli: hinc concludit dioptrorum instrumentorum ope de nocte litteras ad stellarum radios legi, & candelæ lumen longissimè projici posse.

XXII.

Lens illa ad ignem excitandum aptissima est, quæ obiectum maximè distans, vt solem, lunam & stellas distinctissimè repræsentat, cum vtrobiq; radij omnes tam visibilis quàm calefacientis in vnum pun-

Autem confluant: verum deinceps agendum est de lentibus, quatenus
ut perspicilia visioni succurrunt.

DIOPTRICÆ

P A R S T E R T I A.

De perspicillis visionem iuvantibus.

Supponendum est axes visorios per centra pupillæ, & humorum tran-
seuntes in naturali motu, vel quiete parallelos esse; voluntariè au-
tem ad propinquiora videnda contorqueri. Secundò visionem illam
esse distinctam, qua partes rei subtilissimæ in conspectum veniunt:
confusam, in qua partibus maioribus apparentibus minores confusis
inter se terminis obliterantur: claram, cum res in multo lumine; ob-
scuram denique, cum in tenui lumine videtur. Tertio crystallinum
humorem esse lentem vtrinque conuexam hyperbolicâ fere conuexi-
rate, & tunicam retiformem esse concavam papyri vice post crystal-
linum, quæ picturam obiecti excipit, eaque afficitur: an verò in hu-
ius picturæ sensatione visio formaliter consistat, vltius inquirendum:
quidquid sit, cum vtraque retina similiter afficitur, vnica res percipi-
tur, duæ verò, si dissimiliter pingantur. Reliqua theorematibus pro-
sequamur.

Theorema primum.

Retiformis eundem situm retinens non potest tam à propinquis
quàm à remotis pingi; debet igitur accedere ad crystallinum humo-
rem vt remota, & ab ea recedere vt propinqua distinctè videamus, nisi
hunc accessum & recessum in ipso crystallino statuamus. Hic autem
motus constrictione processuum ciliarum pectinatim distinctorum,
veluti quodam diaphragmate latera oculorum contrahente, & figu-
ram oculi in ellipsoidem vertente fieri potest, vt retiformis à crystallino
recedat: sicque eorumdem processuum dilatatione latera oculi am-
pliante, & oculum in lenticularem figuram conuertente fundus reti-
formis ad crystallinum accedere potest: ideòque fortè humores flu-
xiles sunt, & excepto crystallino dilatari possunt.

II.

Senes & alii propinqua confuse, & remota distinctè vident, quorum
retina magis ad crystallinum accedit: myopes contraria de causa pro-
pinqua distinctè, & remota confuse; iuuenes verò qui mouent reti-
nam, prout necessarium est, vtraque distinctè vident.

III.

Conuergentibus vnus puncti radioſi radiis verſus oculum diſtincta viſio fieri nequit, ſed tantum parallelis, aut diuergentibus.

IV.

Interualla inter oculum & rem minutam ſunt in euerſa proportione angulorum viſoriorum; id eſt, quo longius viſibile recedit, hoc minori angulo cernitur; & ideo minus, remotius apparet: maius autem & propinquius, cum ſub maiori videtur angulo, cum rei diſtancia cognoscitur, & ignota eſt eiſdem magnitudo; vel cum ignotâ diſtantiâ magnitudo cognoscitur.

V.

Per lentes conuexas, oculo poſito intra propinquitatem puncti concurſus radorum ab vno viſibilis puncto fluentium, viſibile repræſentatur in ſuo ſitu, id eſt erectum, ſi ſit erectum, & contra.

VI.

Quælibet per conuexas lentes erecta repræſentatio viſibilium erectorum remotorum eſt neceſſariò confuſa; & tanto confuſior, quânto lens conuexa ab oculo remotior: erecta tamen propinquorum repræſentatio ſenibus diſtincta eſt; & oculus in puncto concurſus parallelorum collocatus videt propinqua adhuc erecta: quamuis in puncto concurſus radorum à puncto rei defluentium, punctum illud per lentem diſtinctè non videat, ſed omnium confuſiſſimè.

VII.

Punctum euerſionis, in quo ſe ſecant binæ linæ binis punctis rei viſibilis in centrum oculi confluentes, eſt inter viſibile & lentem, non autem inter lentem & oculum, qui conſtitutus extra punctum ad quod concurrunt vnus viſibilis puncti radij, viſibilis puncta per lentem conuexam euerſo ſitu videt.

VIII.

Oculus preſbytæ nil penè euerſarum rerum per lentem conuexam diſtinctè videt; videt autem oculus myopis in certa remotione oculi à concurſu radorum vnus puncti rei viſibilis: quia illius oculi aſſuefacti ſunt ad radiationem parallelam puncti remoti: huius verò oculi ad radios ſenſibiliter ab vno puncto diuergentes.

IX.

Vnica ſuperficies conuexa paruo circulo, in cogendis radiis ad punctum æquipollet duabus lentis ſuperficiebus conuexis ex vno circulo duplo maiore deſumptis.

X.

Omnis per conuexam lentem erecta imago viſibilis rei, eſt neceſſariò maior iuſto.

X I.

Oculus quo fuerit remotior à conuexa lente versus punctum concursus eò videt angustiores hemisphærij partem per lentem, eamque partem eo minorem æstimat.

X I I.

Oculus visibile longinquum respiciens propè lentem, vbi recesserit eminus, versus concursus punctum, maius quàm prope videbit.

X I I I.

Oculus idem visibile conspicatus per duas lentes conuexas, singulas seorsim, si fuerit distantia ab oculo in eadem proportionem ad suæ conuexitatis diametrum; per vtramque lentem seorsim videbitur eadem magnitudine: sin variata erit proportio, maius videbit per lentem, cuius distantia in proportionem fuerit maior.

X I V.

Oculus, quo longius extra punctum concursus abierit, hoc euerſa minora videt; sed duobus conuexis maiora, & distincta, sed euerſa videntur; quamuis erigi, & erecta super papyrum depingi possint: tribus autem conuexis non solum erigi, sed maiora, distinctaque videri possunt.

X V.

Si radii ab vno puncto radiante paralleli, vel diuergentes, ingressi fuerint in cauam densioris superficiem, & punctum illud extra centrum superficiem fuerit, diuergunt magis per corpus densi: si vero propius fuerit lenti centro cavitatis, diuergentes, refractione factâ, minus diuergent intra corpus densum.

X V I.

Diuergentes intra corpus densius versus cauum eius terminum, eo pertransito diuergunt amplius: quod similiter contingit radiis per corpus densum parallelis, & radiis diuergentibus versus lentem, quocumque ad lentem situ puncti radiantis, si lens vel vtrumque caua vtrumque, vel altrinsecus etiam plana fuerit: statim enim atque lentem pertransierunt, magis diuergunt.

X V I I.

Visibilia longinqua lente satis caua in vno puncto ab oculo myopis collocata, distincta, sed minora repræsentantur; quod si longius recesserit ab oculo caua lens, pauciora visibilia per cauam ad oculum veniunt, & minora repræsentabuntur, quantisper lens non propinquior fiet rei visibili quàm oculo.

X V I I I.

Si caua lens proximè oculum applicanda sit, vt cum naso perspicillia feruntur, tum cuique sua propria est ad visionem efficiendam: quod si propter nimiam cavitatem lens aliqua proximè oculum, visibilia confusa reddit, ex aliquo intervallo distincta reddit, & contra.

DIOPTRICA

P A R S Q V A R T A.

De tubis, qui vulgò Batauici, vel Hollandici, aut Galilei vocantur: seu de iunctis lentibus cauis, & conuexis.

Supponendum est tubum, de quo hîc, esse cylindricum opacum scauum, cuius bina ostia vitris perspicuis clauduntur, estque instrumentum oculare ad res longinquas cominus aspiciendas, cuius vitrum vnum visibile, aliud oculum respicit. Linea vero per vtriusque vitri centra conuexitatem, & cauitatum transiens vna, & eadem esse debet, vt vitra parallela sint: his positis sit

Theorema primum.

Si caua lens radiationes vnus puncti quæ traiecta lente conuexâ refractionem passæ conuergunt, intercipiat antequam illæ veniant ad punctum sui concursus: aut punctum concursus prorogabitur in longinquum, aut radiationes incedent porro parallelæ, aut denique rursum diuergent.

I I.

Visibilia lente caua & conuexa maiori quantitate super papyro depingi possunt, quàm per solam conuexam, sed euersa.

I I I.

Quemadmodum duplici speculo parabolico comburi posset in infinitum, data materiâ igni resistente, idem fieri posset duplici lente, quarum vna conuexa parallelas radios in punctum cogeret, & caua proximè focum posita radios de concurrentibus parallelas efficeret: quod similiter continget cum vnico speculo parabolico, & vnica lente caua.

I V.

Cauâ lente proximè oculum posita, quæ solitaria confusa præstaret visibilia; quæcumque lens maiori circulo conuexa in vna certa remotione à caua distinguit, & auget visibilia.

V.

Conuexo posito in quacumque distantia ab oculo, quodcumque cauum, quod solitariè applicatum oculo, confusa præstet visibilia;

quodque sit minori circulo cauum quàm quo utitur conuexum, in certa distantia, situ inter oculum & conuexum distincta exhiberet visibilia.

V I.

In instrumentis maiora & distincta exhibentibus visibilia, nulla caua lens valde longè abest à punctis concursus, post lentem conuexam existentibus.

V I I.

Proposita lente conuexa, cauarum lentium oculo proximè applicatarum, quæ minori circulo caua est, ea longius à conuexo distat, & propius ad punctum concursus applicanda est.

V I I I.

Cauum vnum & idem proximè applicatum, vt cum conuexis diuersis distincta exhibeat, ab omnium illorum concursibus æquali interuallo debet abesse.

I X.

Proposita lente caua prope oculum lentes magno circulo conuexæ longam requirunt distantiam à caua, & oculo, paruo breuem: & quo maiori vel minori, eo longiorem, aut breuiorem.

X.

Proposito conuexo caua minoris circuli representant visibilia maiora, maioris minora.

X I.

Lens caua breuissimo interuallo longius digressa à conuexa, multum auget visibilia.

X I I.

Proposita lente caua proximè oculum, conuexarum lentium, quæ minori circulo conuexa est, minora representat visibilia, quæ maiori, maiora: igitur visibilia pro libito magna representari possunt, cum aucta proportionem circulorum cauitatis, & conuexitatis, augeantur visibilia.

X I I I.

Inæquali lentium distantia, representantur visibilia æquali augmento magnitudinis; breuiori tamen instrumento maiora representabuntur, si conuexo minori existente, maior sit proportio inter conuexitatem & cauitatem, quàm in longiori instrumento.

X I V.

Posito concauo, clariùs maiori, seu latiori conuexo, quàm minori, similiterque posito conuexo, per cauum maioris circuli, quàm per minoris cauum, visibilia representantur.

X V.

Portionis de hemisphærio, per lentes visæ pars media & perpendiculari proxima fortiùs, seu clariùs videtur, quàm limbus circumcirca:

& angustâ lentis conuexæ portione, cæteris paribus, distinctiora representantur visibilia, lata verò, confusiora.

XVI.

Visibile in sublimi, in profundo, à dextra, vel sinistra, & vbicunque volueris, cerni potest: quod fit cùm lentis cauæ diameter pupilla latior est, & satis lata, vt oculus à centro eius iusto spatio ad latera migrare possit.

XVII.

Posito cauo, duo conuexa similia applicata inuicem proximè, pro vno, ferè dimidiant longitudinem instrumenti, quod eorum conuexorum vnum solùm habet: & simul quantitatem, speciei minuunt, quæ per aliquod artificium mensurari potest.

XVIII.

Vnica superficies concauo paruo circulo in disgregandis radiis ferè æquipollet duabus superficiebus concauis ex circulo duplo maiore desumptis.

XIX.

In lente, quæ æqualibus circulis hinc conuexa est, inde caua, omnes radij qui perpendiculari intra corpus paralleli incedunt, æqualibus angulis in vtraque superficie refringuntur, & refracti retinent diuergentiam, aut parallelitatem eandem.

XX.

Radij vnus puncti in lentem simul conuexam & cauam eodem circulo incidentes, si punctum longinquum fuerit, transita lente conuergunt: si propinquus diametro circuli, diuergunt ampliùs quàm ab origine.

XXI.

Si cavitatis ex maiori circulo fuerit, quàm conuexitatis, radij puncti longinqui traicte lente conuergunt, plus quidem (seu post breuius interuallum quàm si solùm conuexum esset) si cavitatis circulus maior fuerit triplo circuli conuexitatis: minus verò (& post maius interuallum) si minor triplo fuerit. *Aliter.* Cavitatis maioris circuli derogans conuexitati minoris, præstat effectum conuexitatis circuli valde magni; dicatur *meniscus*: æquipollet lenti purè conuexæ: punctum autem menisci reperietur, si tantum elongetur concursus, quantum lens attenuatur.

XXII.

Si cavitatis ex minori circulo fuerit quàm conuexitatis, radij vnus puncti diametro post conuexum collocati diuergunt ampliùs transita lente. *Aliter.* Conuexitatis maioris circuli derogans cavitati minoris,

præstat effectum cavitatis circuli valdè magni.

XXIII.

Si cavitatis lentis vnâ superficie conuexæ centrum suum habuerit interius centro conuexi; radij puncti etiam longinqui per lentem efficiuntur diuergentes. Illa verò æquipollet lenti purè cauæ circulo valdè magno.

XXIV.

Diuerſi generis lentes puræ, associatæ, inuicemque contigux, æquipollent lenti mixti generis, & tandem lenti puræ: Instrumentum autem fieri potest magni circuli conuexo, quod breuius sit vulgaribus, vno videlicet conuexo intus latente: sicut & instrumentum magni circuli cauo, ita vt etiam superet circulum conuexi, quod visibilia maiora solitis instrumentis referat, intus nempe cauo, vt prius conuexo, geminato.

XXV.

Conuexo parui circuli, etiam minoris circulo concaui apud oculum, parari potest instrumentum longissimum, quod præstet ingentia visibilia.

XXVI.

Manente eadem distantia lentis ab oculo, & linea ex oculo in lentis vmbilicum per centra conuexitatum, vel cavitatum transeunte, refractiones contingunt proximè eædem, vtram velis dissimilium superficierum lentis oculos obuertas: effectus autem sequi potest, tametsi vitrum vtrumque tam quod ad oculum, quàm quod ad visibile vergit, cauum, vel conuexum, vel vitrum ad oculum conuexum, ad visibilia cauum fuerit.

XXVII.

Tota perfectio quartæ istius partis, & totius ferè Dioptricæ sita est in lentibus, & alijs medijs assignandis, & exhibendis, quæ radios à puncto dato recedentes, seu diuergentes ad punctum datum refractione colligant, vel parallelas, aut magis diuergentes reddant: radios etiam data inclinatione, seu conuergentia ad se inuicem accedentes ad punctum datum refringant, vel parallelas, aut quomodocumque diuergentes, vel etiam magis aut minus conuergentes efficiant: parallelas denique in punctum datum constriquant, vel conuergentes, aut diuergentes pro libito reddant.

XXVIII.

Lentibus, & alijs instrumentis dioptricis quodlibet à quolibet representari potest, elephas, aut domus à grono milij, & granum milij à domo, &c. cum pro varia vitrorum, & crystallorum præparatio-

ne & figura, radij, & species cuiuslibet obiecti quocumque modo in quemlibet locum mitti, & sub quolibet angulo visū ingredi possint.

XXIX.

Quemadmodum specula conuexa radios eo magis disgregant, & calorem, ac imagines obiectorum minuunt, quo conuexiora sunt: & vt concaua radios congregant, & calorem, ac imagines augment; ita lentes crySTALLINÆ, & alia diaphana densiora magis concaua lumen, calorem, ac species magis disgregant, & minuunt; lentes verò conuexæ radios congregant, & calorem, ac imagines amplificant.

XXX.

Si refractiones sint inclinationibus quibuscumque proportionales, vt vult Maurolycus, qui maximo inclinationis angulo, quem rectum putat, angulum refractionis tribuit $\frac{1}{2}$ vnus recti continentem, refractiones erunt vniformiter diffformes, hoc est proportionem Geometricam seruabunt. *Deinceps autem paucis de refractionibus astronomicis agamus.*

XXXI.

Certum est regionem aëris inferiorem ob vapores quibus condensatur, æthereâ densiorem esse, atque adeò in conuexa superficie istius aëris singula cœli puncta, vel singulos syderum radios in eam oblique incidentes refringi.

XXXII.

Vt parallaxes deprimunt, ita refractiones astra eleuant; vtque illis varias à terra planetarum distantias, ita his mediorum proportionem ad inuicem, vt aëris ad aquam, quoad eorum densitatem, & altitudinem aëris à terra inuestigare licet. Vnde Keplerus concludit aquam aere 1533304672. densiorem esse, atque adeo cyathum aquæ totidem aëris cyathis æquiponderare: ex eo quod in inclinatione 80. graduum refractione ex aëre in aquam sit 19.17. ex æthere verò in aërem 59. & per consequens ex æthere in aquam 19.18: proportio itaque est eadem quæ 1. ad 1177 $\frac{2}{3}$ sed aëris altitudini tantummodo leucam tribuit.

XXXIII.

Varia sunt aeris refractiones pro varia aeris densitate, & altitudine in diuersis locis, vel temporibus: vnde Hollandi 17. diebus ante legitimum tempus supremum solis marginem sub 76. gradibus altitudinis poli viderunt, dum per nouam Zemblam quærent fretum, quo transirent in Oceanum Scythicum & Orientalem: qui cum Solem vltimò vidissent anno 1596. die 3. Nouembris, Sol qui tantum redire debebat 11. Februarij anni sequentis, 24. Ianuarij visus est.

XXXIV.

Colores auroræ, seu crepusculorum tam matutinorū quam vesper-

tinorum, iridis, & aliorum meteororum tam refractionē, quàm reflectione formantur: cum enim diaphaneitas vaporum opacetur, & exhalationum opacitas perspicuitati iungatur, catoptrici, atque mesoptici instrumenti rationem habent; ut contingit in speculis vitreis tam planis quàm concauis, & conuexis, qui vnam, vel plures imagines reflexione, & vnam vel plures refractione repræsentant. Ex quibus reliqua poteris intelligere, quæ ad opticam astronomiam pertinent.



OPTICÆ

LIBER QVARTVS.

DE PARALLAXIBVS.

PRÆFATIO.



ARALLAXIS, seu diuersitas aspectus, est apparentis loci à vero distantia, quæ nascitur ex linea à centro terræ vsque ad phænomenon in sublimi conspectum, & ex linea ab oculo, vel superficie terræ ad idem phænomenon producta; has autem lineas instrumenta meteoroscopica exhibent, illam videlicet perpendiculo, hanc verò dioptra: quibus positis sequuntur.

DEFINITIONES.

I. **L**inea veri loci est quæ à centro mundi per phænomenon vsque in firmamentum ducitur.

II. Linea visi, seu apparentis loci est quæ ab oculo prospicientis per phænomenon vsque in sphaeram stellatam protenditur.

III. Verus locus phænomeni est punctum firmamenti, quod linea visi loci terminat.

IV. Vera distantia phænomeni à vertice est arcus verticalis circuli inter verticem seu zenith loci, & verum locum phænomeni interceptus. *Aliter*, Est angulus in centro mundi contentus à gnomone, & linea veri loci.

V. Vifa distantia, seu apparens à vertice est arcus inter zenith, & visum locum phænomeni. *Aliter.* Est angulus contentus à gnomone, & linea visi loci.

VI. Parallaxis verticalis est arcus verticalis circuli inter verum, & visum locum phænomeni. *Aliter.* Est angulus contentus à lineis veri, & visi loci in phænomeno.

VII. Vera declinatio phænomeni est declinatio loci veri: seu arcus à polo mundi per locum verum descendens portio inter locum verum & æquinoctialem.

VIII. Ascensio recta vera est ascensio recta loci veri cometæ, seu æquinoctialis ab initio γ , vsque ad arcum veræ declinationis.

IX. Ascensio recta visa est ascensio recta loci visi, seu arcus æquinoctialis ab initio γ vsque ad arcum visæ declinationis.

X. Parallaxis declinationis est differentia inter arcus veræ, & visæ declinationis.

XI. Parallaxis ascensionis est differentia veræ, & visæ ascensionis, siue arcus æquinoctialis inter arcus veræ, & visæ declinationis.

XII. Distantia vera phænomeni ab aliquo est arcus circuli maximi inter astrum & locum visum phænomeni.

XIII. Parallaxis distantiae est differentia inter veram, & visam distantiam.

XIV. Arcus motus veri est quem transit locus cometæ verus.

XV. Arcus motus visi est quem transit locus cometæ visus.

XVI. Parallaxis motus est arcus quo differunt arcus veri, & arcus visi motus.

XVII. Differentia parallaxium verticalium est arcus inter loca visa, siue angulus quem in phænomeno continent duæ lineæ visi loci, & veri.

XVIII. Differentia parallaxium latitudinis est differentia inter duas latitudines visas. *Quibus ex triplici Scipionis ordine adductis, eiusdem propositiones asseramus.*

Propositio prima.

Q Vando phænomenon est in linea à mundi centro ad verticem prospicientis, linea tum veri, & visi loci, vna & eadem linea sunt.

Prop. II.

Quando phænomenon est in linea à centro mundi ad verticem prospicientis nulla tum est parallaxis, cum vna & eadem sit linea ve-

ri, & visi loci; unde & est idem visus & verus locus, adeoque nulla inter eos differentia, arcusve intercedit, quæ erat parallaxis. Item linea veri & visi loci nullum continent angulum; parallaxis enim est angulus ab illis contentus.

Prop. III.

In parallaxi distantia visa phænomeni à vertice est maior quam vera.

Prop. IV. Problema I.

Cùm tria in hoc negotio occurrant; distantia visa: distantia vera, & parallaxis, datis duabus quibuscumque eorum tertium indagare. Hinc si ex distantia visa detrahamus parallaxim, habebimus distantiam veram, scilicet phænomeni à vertice. Si ex distantia visa detrahamus distantiam veram, habebimus parallaxim: si distantiam veram, & parallaxim componamus simul, habebimus distantiam visam.

Prop. V.

Parallaxis verticalis, seu locus verus, & visus in verticali circulo in eodem verticali sunt non in alio, & alio verticali.

Prop. VI.

Si duo vel plura phænomena sint in eadem loci linea, quod eorum est propinquius terræ, maiorem habet parallaxim; quod remotius, minorem.

Prop. VII.

Si duo vel plura phænomena fuerint in linea veri loci: quod eorum propinquius est terræ, maiorem habet parallaxim: quod remotius minorem.

Prop. VIII. Probl. II.

Data parallaxi phænomeni, dataque in verticali circulo distantia eius à vertice indagare quot milliariis distet à centro terræ. Supponitur verò notum quot quæditorum milliariū sit semidiameter terræ.

Prop. IX. Probl. III.

Data distantia visa phænomeni à vertice, nec non dato quot milliariis distet idem phænomenon à centro mundi, inuestigare eius parallaxim.

Data distantia visa phænomeni à vertice nec non dato quot milliariis distet idem phænomenon à centro mundi inuestigare eius parallaxim.

Prop. X. Probl. IV.

Data vera distantia phænomeni à vertice, & à centro terræ in milliariis, indagare eius parallaxim.

Prop. XI.

Si ad lineas loci visi phænomeni alicuius ab eodem terræ puncto ductas lineæ à centro mundi perpendiculares agantur, maxima perpendicularium est, quæ incumbit lineæ contingenti terram in dato puncto, reliquæ eo minores quo lineæ ad quas ducuntur propius ad verticem accedunt.

Prop. XII.

Maxima parallaxis fit ad lineam terram contingentem; cæteræ minores quo propiores sunt vertici, nulla tamen datur parallaxis minima. *Videantur 19. modi quibus parallaxis verticalis inuestigatur apud Glaramontium; qui deinceps agit de differentia parallaxium verticalium.*

Prop. XIII. Probl. V.

Determinare in verticali circulo communi duobus terræ locis triplicem situm, in quorum altero differentia parallaxium, vel duorum locorum visorum aggreget duas parallaxes, in altero sit ea differentia vnica parallaxi æqualis, in altero differentia ea ipsa vna cum maiori duarum parallaxium reliquam ac maiorem componet parallaxim.

Prop. XIV.

Differentia parallaxium verticalium, quæ in puncto circuli verticalis intermedio inter vertices duorum terræ locorum fit, est maxima omnium differentiarum aliarum dictis terræ locis accidentium, minima autem est, quæ fit in linea tangente terram in remotiore dictorum duorum terræ locorum, id est, in horizonte puncti remotioris interiecta, inter eas verò differentiæ maiores sunt, quo propiores sunt puncto inter vertices medio, minores quo propiores lineæ contingenti, siue horizonti.

Prop. XV. Probl. VI.

Data differentia parallaxium verticalium, & distantia visa phænomeni à vertice alterutrorum duorum terræ locorum, quorum inter se distantia sit data (scilicet quot gradibus, circuli maximi inter se distent) indagare vtriusque loci parallaxim. *Hic autem propositionem II. & 12. repetit: postea verò de parallaxibus ad æquinoctialem agit.*

Prop. XVI.

Verticalis parallaxis ex qua parallaxis ascensionis rectæ nascitur, potest parallaxi ascensionis rectæ ex se nascente esse æqualis; potest esse ea maior, vel minor.

Prop. XVII.

Data sola quantitate parallaxis verticalis non potest cognosci parallaxis rectæ ascensionis.

Prop. XVIII. Probl. VII.

Data parallaxi verticali phænomeni vnà cum distantia eiusdem à vertice visa, atque angulo azimuthali, reperire parallaxim ascensionis rectæ; supponitur autem nota eleuatio poli loci obseruationis.

Prop. XIX. Prop. VIII.

Data parallaxi verticali, declinatione visa, ac distantia visa phænomeni à vertice, & eleuatione poli loci vbi fit obseruatio, indagare parallaxim ascensionis rectæ.

Prop. XX. Probl. IX.

Data parallaxi ascensionis rectæ vnà cum distantia visa phænomeni à vertice: necnon eleuatione poli, & angulo azimuthali inuestigare parallaxim verticalem. Eadem inuestigabitur, si pro triangulo azimuthali constiterit declinatio visa phænomeni, proindeque eius complementum.

Prop. XXI.

Parallaxis verticalis semper maior est parallaxi declinationis, quæ ex ipsa nascitur.

Prop. XXII. Probl. X.

Data parallaxi verticali cum reliquis tribus datis prop. 18. vel data eadem parallaxi verticali cum reliquis datis prop. 19. inuestigare parallaxim declinationis.

Prop. XXIII. Prop. XI.

Data parallaxi declinationis vnà cum distantia visa phænomeni à vertice, & angulo azimuthali, necnon eleuatione poli indagare parallaxim verticalem.

Prop. XXIV.

Cùm arcus verticalis in quo est phænomenon, adeoque parallaxis verticalis idem cum meridiano est, nulla tum est parallaxis ascensionis rectæ. Vnde cùm verticalis in quo phænomenon reperitur, idem fuerit cum meridiano, parallaxis verticalis, & parallaxis declinationis eadem erunt: deinceps verò de differentia parallaxium ad æquinoctialem.

Prop. XXV.

Vt parallaxes ad æquinoctialem nascuntur ex parallaxibus verticalibus, ita differentiæ parallaxium ad æquinoctialem nascuntur ex differentiis parallaxium verticalium.

Prop. XXV. Probl. XII.

Datis declinationibus, & ascensionibus rectis ex parallaxi visis, ideoque differentia parallaxium ascensionum phænomeni respectu duorum terræ locorum, quorum notæ sint poli eleuationes, notæque sit longitudinis inter eas differentia, si qua datur, reperire eius

Phæno-

phænomeni parallaxim verticalem quoad vtrumque locum: supponitur verò, præter alia, notum etiam punctum eclipticæ quod in meridiano tum reperitur.

Prop. XXVII.

Cum ex parallaxi locus verus à viso differt, phænomeni declinatio maior videtur australiori terræ loco, minor Septentrionali: seu visa declinatio australiori loco; & maior minùs australi loco: *alioqui si minor videatur, erit refraçtio.*

Prob. XXVIII. Prob. XIII.

Ex datis distantiiis visis phænomeni à duorum terræ locorum verticibus eodem tempore obseruatis, & datis Azimuth inuestigare verticales parallaxes amborum locorum sigillatim. Supponuntur notæ locorum terræ longitudines, & latitudines.

Prob. XXIX. Probl. XVI.

Ex iisdem datis, quæ in 26. prop. parallaxes alio modo inuestigare. *Iisdem ferme propositionibus ea discutiuntur, quæ de parallaxibus ad eclipticam docet.*

Prop. XXX.

Verticalis parallaxis ex qua parallaxis ascensionis rectæ nascitur, potest parallaxi ascensionis rectæ ex se nascenti esse æqualis, potest ea maior, & minor esse.

Prop. XXXI.

Data sola quantitate parallaxis verticalis non potest cognosci parallaxis rectæ ascensionis.

Prop. XXXII.

Parallaxis verticalis semper maior est parallaxi latitudinis, quæ ex ipsa nascitur.

Prop. XXXIII. Prob. XV.

Data distantia verticis à polo mundi, & angulo azimuthali quocunque in eo vertice facta ab arcu verticali ad phænomenon quocunque datum: datoque puncto eclipticæ, quod in meridiano tum reperitur, inuestigare arcum inter verticem, & polum eclipticæ, & angulum, quem prior angulus verticalis continet cum arcu à vertice ad eclipticæ polum ducto.

Probl. XXXIV. Prop. XVI.

Data parallaxi verticali phænomeni vnà cum distantia visa eiusdem à vertice, atque angulo azimuthali, nec non distantia poli mundi à vertice, reperire parallaxim longitudinis pariter, & latitudinis: supponitur verò datum punctum, quod est in meridiano.

Prop. XXXV. Probl. XVII.

Data parallaxi verticali, & reliquis quæ in præcedente, & pro distantia visa, latitudine visa indagare parallaxim longitudinis.

Prop. XXXVI. Probl. XVIII.

Data parallaxi longitudinis vnâ cum distantia visa phænomeni à vertice, nec non eleuatione poli, & angulo azimuthali, inuestigare parallaxim verticalem. *Idem fiet*, si pro angulo azimuthali constiterit latitudo visa phænomeni: supponitur autem semper notum qui punctus eclipticæ sit in meridiano.

Prop. XXXVII. Probl. XIX.

Data parallaxi latitudinis vnâ cum distantia visa phænomeni à vertice, & angulo azimuthali, nec non eleuatione poli, & puncto, qui in ecliptica, indagare parallaxim verticalem.

Prop. XXXVIII.

Cum verticalis in quo est phænomenon, atque phænomeni parallaxis verticalis transit per locum eclipticæ, nulla tunc est parallaxis longitudinis: *Imo & parallaxis latitudinis, eadem est cum verticali.*

Prop. XXXIX.

Cum arcus verticalis transit per polos eclipticæ, secat eclipticam in 90 gradu ab horizonte ad punctum vbi secatur à dicta verticali, & gradu 90.

Prop. XL.

Cum phænomenon apparet in 90 gradu eclipticæ ab ascendente, nullam tunc patitur longitudinis parallaxim.

Prop. XLI. Probl. xx.

Ex loco viso locum verum secundum longitudinem phænomeni deducere; item secundum ascensionem rectam reperiatur locus visus phænomeni cum fuerit in grad. 90. ab ascendente, idem enim erit locus verus longitudinis ex præcedente. Similiter reperiatur locus visus phænomeni secundum ascensionem rectam cum fuerit in meridiano, & habebimus locum pariter verum horum secundum eandem ascensionem rectam.

Prop. XLII. Probl. XXI.

Parallaxim phænomeni secundum longitudinem, & secundum ascensionem rectam deprehendere, sumptis veris locis, vt in proxima; tum extra grad. 90. eclipticæ ab ascendente pro longitudinis parallaxi, extra meridianum pro parallaxi ascensionis obseruetur phænomenon, habebimusque locum visum inter quem & verum differentia erit parallaxis quæ sita.

Prop. XLIII. Probl. XXII.

Visum locum phænomeni tum ad æquinoctialem, tum ad eclipticam inuestigare, quod armillâ Ptolomæi ad eclipticam: armilla verò æquatoria Tychonis, vel similibus instrumentis ad æquinoctialem peragitur: ex distantia quoque à duabus stellis fixis vtrumque locum visum deducere licet. *Deinceps verò de differētij parallaxiū ad eclipticā.*

Prop. XLIV. Probl. XXIII.

Datis longitudinibus & latitudinibus phænomeni alicuius visis, & sic data differentia parallaxium ad eclipticam respectu duorum terræ locorum, qui vel secundum altitudinem poli differant, vel solum, secundum accessum ad Orientem recessumve, vel secundum vtramque rationem, at differentiæ eiusmodi, siue plures, siue vna tantum datæ sint, reperire parallaxim phænomeni verticalem ad vtrumque terre locum, & demum verum eius locum. Præter dicta, dari debet punctum eclipticæ in meridiano, siue innotescat ex dato tempore, & hora obseruationum, siue ex stella in meridiano tempore obseruationum existente, siue alio quouis modo. *Quo problemate nititur Scipio ut cometas sublunares esse probet.*

LEMMA I.

Ex datis longitudine, & latitudine phænomeni declinationem eius reperire. Datur enim arcus complementi latitudinis phænomeni ex data latitudine, datûrque arcus inter polum eclipticæ, & polum mundi, & datur angulus quem in polo eclipticæ duo illi arcus continent: metitur autem eiusmodi angulum arcus inter punctum longitudinis datæ phænomeni & ptincipium 69. ergo datur eiusdem trianguli basis, quæ est complementum declinationis phænomeni arcus, scilicet inter polum mundi, & phænomenon.

LEMMA II.

Dato complemento declinationis phænomeni, & dato arcu distantie verticis à polo mundi, nec non angulo, quem duo illi arcus in polo mundi continent, reperire arcum à vertice ad phænomenon, scilicet distantiam phænomeni verticalem, seu complementum altitudinis eiusdem verticalis. Dantur enim duo arcus trianguli, & angulus quem continent, dabitur itaque basis quæ est distantia quæsitæ phænomeni à vertice.

Prop. XLV.

Iisdem suppositis differentiis longitudinis, & latitudinis visarum, siue iisdem suppositis locis visis phænomeni ad duo terræ loca, quorum altitudo poli diuersa, eo maiores erunt parallaxes, quo minus polorum altitudines inter se distiterint: quousque angulus quem

arcus verticalium parallaxium in loco phænomeni vero, vbi se secant, continens, fuerit acutus. *Sequens propositio litteris indiget. Nunc autem agendum est de parallaxi distantia phænomeni ab aliqua stella.*

Prop. XLVI.

Quantacumque sit parallaxis verticalis phænomeni dati, potest illud ab aliqua stella æqui distare secundum locum visum, atque secundum locum verum (& ita omni parallaxi distantia carere) & magis distare, & minus distare. *Videantur 2. lemmata.*

Prop. XLVII.

Ex sola quantitate parallaxis distantia non potest inferri quantitas parallaxis verticalis.

Prop. XLVIII. Probl. XXIV.

Data distantia verticali phænomeni, & distantia data eiusdem verticis à stella, nec non dato angulo, quem in vertice continent duo arcus dictæ distantia stellæ, & distantia Phænomeni à vertice, & data præterea distantia parallaxi, si quæ est, inuestigare parallaxim verticalem.

Prop. XLIX. Probl. XXV.

Data distantia verticali visa phænomeni, data distantia eiusdem visa à stella, dataque eiusdem distantia parallaxi, & data distantia stellæ eiusdem à vertice, indagare eandem parallaxim verticalem.

Prop. L. Probl. XXV.

Data parallaxi verticali phænomeni distantiaque eius visa à vertice nec non à stella, cuius itidem stellæ à vertice distantia nota sit, vel cum parallaxi verticali datæ sint distantia à vertice obseruatoris tum phænomeni, tum stellæ, sitque datus angulus ab illis arcubus contentus, inuestigare parallaxim distantia, distantiamque veram, & visam.

Prop. LI. Probl. XXVI.

Data parallaxi distantia visæ, data phænomeni distantia à stella aliqua fixa, & dato angulo, quem in loco veri phænomeni continet cum arcu verticali arcus distantia veræ phænomeni ab eadem stella, inuestigare parallaxim verticalem.

Prop. LII. Probl. XXVII.


Data parallaxi distantia visæ datæ phænomeni à stella aliqua fixa, & dato angulo, quem in loco viso continet cum arcu verticali arcus distantia visæ phænomeni ab eadem stella inuestigare parallaxim verticalem. *Nunc vero de differentia parallaxium distantia phænomeni ab aliqua stella dicamus, qua etiam nascitur ex differentia parallaxium verticalium.*

Prop. LIII. Probl. XXVIII.

Cum duo terræ loca latitudine solum, non etiam longitudine discrepauerint, & phænomenon tempore obseruationum fuerit in meridiano: obseruatæ verò sint distantie visæ eiusdem phænomeni ab eadem stella fixa, & constet tempus obseruationum, inuestigare parallaxim verticalem phænomeni ad vtrumque locum; notâ tamen altitudine poli vtriusque loci.


Prop. LIX. Probl. XXIX.

Iisdem datis cum phænomenon fuerit extra meridianum, quærere easdem parallaxes verticales; at præterea dari debent distantie visæ phænomeni ab vtroque vertice; siue duo terræ loca differant sola latitudine, siue latitudine & longitudine nempe datis. *Dua sequentes propositiones litteris indigent. Qui plura volet, Scipionis Antitychonem legat*, quo contendit præteritorum annorum cometas fuisse sublunares. Cum autem hocce tractatu singula prosequamur quæ ad visum pertinent; notandum est parallaxes non solum in cœlis, verum etiam vbique deprehendi, verbi gratia in cubiculo, in quo si ex duobus locis candelam spectaueris, illam duobus locis diuersis respondentem inuenies: idem continget si digitum statim vno, statim altero cernas oculo, deprehendes enim digitum tuum ab oculo sinistro conspectum in alio loco videri, quàm ab oculo dextro. Quod etiam experieris duabus candelis, diuersitas enim vmbrarum aspectuum differentiam repræsentabit: nam sicut eo minor est parallaxis, quò astrum à nobis remotius, & puncto verticali propinquius fuerit, ita diuersitas vmbrarum eò minus sensibilis est, quo longius corpus opacum distat à candelis: vnde quis parallelismum instituere poterit inter vmbrarum varias proiectiones, & visuum diuersitatem. Quod quia facillimum est, huic libello finem impono, postquam terminos præsentis schemate explicauero, quorum ignorantia nonnullos ab ista parte Optices reuocare posset.



Itaque AD semicirculus terram repræsentat, cuius centrum C: ZX circulus cœlum octauum refert, habens idem centrum C. CAZ est semidiameter firmamenti; CA semidiameter terræ, quæ 14000 in semidiametro firmamenti continetur: punctum Z est zenith, seu punctum verticale. Iam verò E sit *phænomenon*, CE ducatur vsque in

M, & AE vsque in F. Linea CEM est *linea veri loci*; AEF est *linea visæ loci*. M *verus locus*; F *locus visus*. *Distantia vera phænomeni à vertice* est angulus ACE, qui idem est cum angulo ZCM. *Distantia visa* est angulus ZAE.



Cùm autem angulus exterior ZAE æqualis sit duobus interioribus ACE, AEC, erit angulus AEC differentia inter angulum ZAE, visam distantiam, & ACE veram distantiam. Quæ differentia, quive angulus AEC dicitur *parallaxis verticalis*. Arcus ZM est *vera distantia verticalis*; distantia visa est arcus ZF. *Parallaxis* est arcus MF, nēpe differentia inter verā, & visam distantiam. Vbi semper est supponendū, semidiametrū terræ nullam habere sensibilem proportionem ad firmamenti semidiametrum. Quo posito, ducatur CK parallela rectæ AEF, anguli alterni AEC, ECK, seu MCK erunt æquales; at AEC est parallaxis verticalis, igitur & MCK, cui cùm MK sit æqualis, cùm sit uterque totidem graduum, sequitur arcum MK esse parallaxim verticalem exactè. Cùm autem AC sit insensibilis ad circulum ZK, FK etiam erit insensibilis: ideóque puncta F, k, quoad sensum pro eodem puncto: & arcus MK pro MF habebuntur: igitur MF est parallaxis, id est differentia inter verum, & visum locum, motum, vel arcum.

Rursus eodem schemate prop. 8. 9. & 10 explicabo, vt hæc meliùs intelligantur: itaque 8. propositio docet qua ratione ex data parallaxi phænomeni, & eius à vertice distantia scire possimus quot milliariis distet à centro terræ. Sit igitur phænomenon E, cuius distantia visa à vertice sit angulus ZAE, & data parallaxis angulus AEC: scies quot milliarium sit CE, si producas EA in directum, & ad eam sic productam ducatur à puncto C, perpendicularis CI, quoniam datur angulus ZAE, datur etiam angulus ei ad verticem CAI, cuius cum sinus sit oppositum latus CI in triangulo rectangulo AIC, est CI latus notum in partibus, quarum sinus totus AC est 100000. Quarum ergo partium est CA, earundem notum erit CI per regulam aureā. Et quoniam datur in triangulo rectangulo CIE, datur angulus acutus IEC, & latus CI, dabuntur quoque reliqua duo latera adeoque CE; vnde patebit quot milliarium sit distantia phænomeni à centro terræ. Ex visa autem distantia phænomeni à vertice, & distantia phænomeni à centro terræ datis, cognoscemus parallaxim per notam prop. hac ratione. Sit igitur notum quantus sit angulus ZAE, & quot milliarium sit CE, inuestigandus est angulus AEC: cùm autem detur angulus ZAE, datur angulus ei ad verticem CAI, & latus

CA, igitur & alia latera datur, ac proinde latus CI ex 29 Regiomōtani dabitur in iisdem milliaribus, quibus constat CA. Notum est etiam quot sit milliarium CE; cū igitur in triangulo rectangulo CIE, duo latera CE, CI data sint, anguli acuti cognoscuntur, ac proinde angulus parallaxis quæsitus CEI, vel MEF notus erit. Denique ex vera distantia phænomeni à vertice nota & notis milliaribus, quibus distat à centro, ita illius parallaxim indagabimus. Sit datus angulus z CM, vel ACE vera distantia à vertice; notūque sit quot milliarium sit CE, indagare oportet angulum CEA; quoniam nota sunt duo latera seorsum CA, CE, constat enim quot milliarium singula sint, & continent angulum ACE datum, erunt quoque noti reliqui duo anguli AE singillatim, ex prop. 49. l. i. triangul. Regiom. adeoque notus erit angulus IEC, qui est parallaxis quæsitā.

Cæterū alia plurima de parallaxibus apud Kepl. in Optica Astronomica videri poterunt, nec enim omnia hocce breui compendio possunt afferri; cui finem impono, cū artem Perspectivæ breuissimè proposuero.



DE ARTE

PERSPECTIVÆ

LIBER QUINTVS.

P RÆ F A T I O.



AMETSI Anaglyptica, Sculptoria, Cælatoria, Statuaria, & Plastica miros effectus edant, his tamen Perspectiva longè nobilior censenda, cū sit illarum veluti mater: vt enim ectypa fiunt ex protypis, ita hæc ex designationibus, siue projectionibus: ex quibus consurgunt omnes partes Architecturæ, nempe ordinatio, dispositio, eurythmia, symmetria, decor, & distributio siue œconomia, tresque dispositionis species, ichnographia videlicet,

seu formæ in plano descriptio; orthographia, hoc est erectæ frontis imago operis faciem ostendens: & sciographia, seu scenographia, id est frontium compositio per apparentiam linearum tanquam in vnum concurrentium. Pictura vero maximè pendet ex arte Perspectivæ, cum illa nihil aliud esse videatur quàm solidorum in planas tabulas projectio, siue delineationem species, siue lumen, umbram, & colorem.

Perspectiva autem est ars representandi obiecta prout apparent: adeo ut pictor ille sit perfectior, qui magis oculos fallit; hinc figuræ secundum Geometricas rationes factæ, à figuris Perspectivæ differunt, ut veræ ab apparentibus.

Representatio obiectorum prout apparent, est germana pictura, & sectio pyramidis, quæ sit à speciebus ab obiectis in oculum derivatis, & in plano, seu vitro medio sui vestigium relinquentibus: hinc illi modi deducuntur, quibus ignarus cancellis, vel talco, speculis, &c. quidpiam depingere potest.

Delineatio obiecti, seu pictura eodem modo variatur, quo plani sectio: quæ totuplex esse potest, quotuplex erit obiectum, vel situs, & distantia obiecti, & tabulæ pyramidem visualem secantis: sed maximam varietatem asferre videtur verticis pyramidis mutatio, quo manente, visio non mutatur, quacumque facta in basi pyramidis mutatione.

Quemadmodum Astronomi, & Geographi certis punctis & lineis utuntur, ut explicent quæ contingunt in cælesti, ac terrestri globo, ita Perspectivi quasdam lineas, & puncta statuunt, quibus artem exprimant; præcipuæ vero lineæ sunt linea terræ, quæ ponitur in ultima parte tabellæ, & linea horizontalis quæ ducitur in eadem cum oculi altitudine.

Linea terræ determinat res pingendas, est communis plano perspectivo, & geometrico, & est terminus inter prædictum planum, & obiectum.

Linea horizontalis tria puncta continet, nempe punctum oculi, hoc est primarium, & alia duo hinc inde opposita, & in æquali à primario puncto distantia. Hinc autem ea solum afferemus, quæ à Steuino in Sciagraphia demonstrata sunt.

DEFINITIONES.

I. **Sciagraphia** est rerum extantium plana imitatio, quæ tamen **S**eminens quoque videatur.

II. Si corpus à plano horizontali ita secetur, vt in eo communes sectiones aut reuera, aut cogitatione dumtaxat extantium superficierum appareant, apparens forma **Ichnographia** dicitur.

III. Si corpus plano ad horizontem recto ita secetur, vt in secante communes sectiones ipsius & superficierum aut reuera, aut cogitatione dumtaxat extantium appareant, apparens forma **Ortographia** dicitur.

IV. **Adumbrandum** dicitur id cuius **Sciagraphia** optatur: & huius expressa **sciagraphia**, **umbra**.

V. **Pauimentum** est planum in quod **adumbrandum** insistit.

VI. **Oculus** est punctum quod oculi visibile respicientis munus obire fingitur.

VII. **Opterocathetus** est recta ab oculo ad pauimentum perpendicularis, eiusque in pauimento terminus **peda** dicitur.

VIII. **Opterometros** est recta **opterocatheto** æqualis.

IX. **Vitruum** est planum infinitum quod inter oculum, & **adumbrandum** constituitur; in quo **adumbranda** forma **umbram** suam exhibere sumitur.

X. **Vitri-basis** est ipsius, & **pauimenti** communis sectio.

XI. **Radius** est recta ab oculo procedens.

XII. **Concursus** est punctum quo **umbræ** parallelarum rectarum, quæ **adumbrandæ** proponuntur, concurrunt.

XIII. Et rectæ, quæ ad idem **concursus** punctum coeunt, concurrentes dicuntur.

XIV. Recta in pauimento à **peda** ad vitrei basim **dapedogramme** dicitur: atque eius in vitruo tactus, **dapedogrammaphe**.

XV. Si à dato in pauimento **adumbrando** puncto infinita contra **dapedogrammen** parallela vitrei basim interfecet, harum intersectio prima vitrei basis sectio dicitur.

XVI. Si recta datum, **adumbrandum** in pauimento punctum cum **peda** connectens vitrei basim interfecet, hæc secunda vitrei basis sectio dicitur.

Definitiones.

I. Adumbrandum physicum punctum, eius umbram in vitreo physico, & oculum physicum in eadem recta consistere.

II. Datum in vitreo punctum, lineam, planumve umbræ suæ vice fungi.

PROPOSITIONES.

I.

Recta inter duas umbras adumbrandorum punctorum interiecta, est umbra rectæ ad dicta puncta terminata.

II.

Adumbrandæ parallelæ lineæ per vitreum eisdem parallelum conspectæ habent umbras in vitreo parallelas.

III.

Si adumbrandæ parallelæ rectæ per vitreum ipsis non parallelum conspiciantur, illarum umbræ continuatæ concurrent in eodem puncto radij adumbrandis rectis paralleli: & si adumbrandæ pavimento parallelæ sint, punctum concursus eadem altitudine supra pavementum extat quâ oculus.

IV.

Si rectæ parallelæ, omnes quidem ad pavementum, nulla autem ad vitreum parallelæ, inter se verò ita situ variatæ ut illarum unus ordo alteri non sit parallelus, adumbrandæ proponuntur, illarum diuersa puncta concursus æqualiter vitrei basim supereminent.

V.

Adumbrando in pavimento puncto, & vitreo eidem perpendiculari, & pedæ, & opterocatheto datis, eius umbra inueniri potest: sicut & umbra adumbrandi in aëre supra pavementum exstantis puncti.

VI.

Vitreo circa vitrei basim tanquam axem, & opterocatheto circa pedā ita conuersis, ut opterocathetus rectæ in vitreo vitrei-basi perpendiculari perpetuò parallela sit umbra adumbrandi in pavimento puncti eodem loco in vitreo semper existet. *Reliqua de oculo, & alijs punctis inueniendis vide apud Stevinum, Aguilonium, & alios Perspectiuos, præsertim verò apud Guid. Vbaldum, qui sex libris demonstrat quæ ratione*

puncta, lineæ, superficies, & corpora in sectione repræsentari debeant: ideoque pauca tantum hic delibabimus.

VII.

Pluribus modis quodlibet repræsentari potest, quorum 23. Guido Vbaldus demonstrat: tot autem figurarum describendarum rationes esse possunt, quot sunt modi repræsentandarum duarum imaginum sese in dato puncto interfecantium, nam inuento tali concursu, punctum quæsitum dabitur: inuentis autem puncti & lineæ terminantibus, aut in medio eius existentibus lineæ per inuenta puncta duci poterunt, quarum extrema superficies, ac proinde corpora repræsentabunt.

VIII.

Omne punctum obiecti repræsentatur in vitro, seu tabula secundum eam rationem, qua species illius ad oculum perueniens, & transiens per planum concipitur aliquod sui vestigium relinquere; punctum verò, vel lineæ rectæ oculo in directum opposita, solum punctum; reliquæ verò lineæ, sicut & superficies rectæ oculo secundum longitudinem opposita, lineam, omnis autem alia superficies, superficiem in plano relinquit, ac depingit: lineæ enim transitu suo punctum, superficies lineam, corpus denique superficiem facit.

IX.

Quotiescumque superficies est parallela vitro, in eo depingi concipitur cum omnibus lineis in illa expressis secundum figuram ei similem, quam habet; ideoque geometrica, seu realis figura à perspectiua, seu apparente non differt: quando verò obliqua est, hæ duæ figuræ differunt inter se.

X.

Cum res quælibet eò minor, aut maior apparere soleat, quò sub minori, vel maiori cernitur angulo, circulus ab oculi centro descriptus demonstrabit quantum fenestræ, quæ sunt in vertice turris, fenestris æquales, quæ sunt in ima turris parte, his minores appareant; & quanto maiores fieri debeant, ut in vertice, vel alia quapiam turris parte semper æquales appareant.

XI.

Rei cuiuslibet umbra, ac proinde pictura exhibetur, si cognoscatur punctum lucidum lucem emittens in corpus opacum, lineam enim perpendiculari à puncto opaco, lineis item ductis per punctum lucidum, & opacum, & per extrema duarum priorum linearum perpendicularium, concursus istarum linearum dabit punctum umbræ à puncto opaco projectæ: eademque ratione reliquis punctis exhibitis, si

gura totius vmbrae dabitur.

XII.

Præter communem pingendi, ac repræsentandi modum in triplici visionis genere fieri possunt imagines, & picturae ab obiectis maxime diuersae, quæ tamen perfectissime repræsentent obiectum ex dato puncto: sic enim in visione directa fiunt perspectivæ inversæ, quæ tantummodo referunt obiectum ex puncto dato. Qua ratione omnia quæ continentur in plana superficie horizontali centum leucarum depingi possunt in plano pedali, si nempe super illam superficiem pedali altitudine oculus erectus fuerit. Deinde si imago depicta sumatur pro obiecto depingendo: & ea quæ sunt in plano horizontali pro pictura, fiet imago longitudinis centum leucarum repræsentans obiectum pedale. Hinc si caput depictum sit pedale, quod pro pictura supra planum horizontale statuatur, supra quod prædictum caput depingatur, prout species concurrentes ab obiecto ad oculum, ultra picturam capitis incidunt in illud planum, dabitur pictura longissima referens caput brevissimum: quantumcumque enim imago sit in se difformis, semper oculo perfecte repræsentabit obiectum, quoties idem pyramidis specierum vertex in eo recipietur, quem obiectum faceret.

XIII.

Cylindrus aptissimus est, quo difformes imagines ita videantur, ut obiecta perfecte referant; colligit enim lineas inter se distantes, quemadmodum vitra polygonæ res inter se distantes in vnum corpus, & locum colligunt: quamvis & vnum corpus etiam diuidant, & in totidem constituent locis diuersis, quot facies habuerint. Ex quibus colligi potest quomodo triplici visione vna dictio, vel integra sententia Latinè vel Gallicè scripta varijs linguis, & in pluribus locis legi, vel plures in vnicam linguam, vnicumque locum coalescere queant.

XIV.

Obiectum depingendum, vel imago ex eo puncto spectanda est, ex quo immotus oculus vno intuitu totum obiectum, vel totam imaginem commodè spectare possit: an verò hæc distantia sit illa, ex qua obiectum facit angulum 60. graduum in oculo terminatum, hoc est triangulum æquilaterum, ut plurimi arbitrantur. an linea diametralis obiecti visi: an angulus 40, 20, 10, aut 5, graduum plus, minus, generaliter determinari nequit, cum tanta sit oculorum diuersitas, vix ut duo reperiantur, qui ex vna distantia obiectum, aut imaginem spe-

ſtēt æqualiter. Omitto varia instrumenta, quibus vtuntur Perſpectiui, vt ſingula viſione directā, vel per ſpeculum, aut per diuerſa media reſractionis ſpectata intueantur, vt ſumma cum animi voluntate iſtis omnibus propoſitionibus ita (mi THEOTIME) vtaris, nihil vt eſſe poſſit in ſingulis Opticæ libris, quod ad Dei præpotentis gloriam non referas, dum ruri vitam degis Angelicam, & iugi feruentium orationum exercitio ad æternitatem properans nihil aliud præter amorem diuinum *ῥεωμέντις, ἔ θεόπνευστος, ἔ θεότρογος* amplecteris.

MONITVM PRIMVM.

SI per otium licuiſſet, præcedenti libro ſubiunxiſſem adumbrationis explicationem & praxim; cuius ſolius propoſitiones nunc accipies. Eſt igitur Scenographia locorum inuentio, vbi radij omnes viſorij ad quodlibet viſibile deſtinati planum diaphanum inter oculum, & viſibile poſitum penetrant.

PRIMA PROPOSITIO.

VT tota diſtantiarum linea ad partem eius inter viſibile & diaphanum, ita oculi altitudo ad altitudinem imaginis viſibilis horizontalis in communi ſeſtione plani oppoſiti ad illud deſtinati, & diaphani.

II. PROPOSITIO.

VT tota linea diſtantiarum ad partem eius inter diaphanum & oculum, ita altitudo puncti ſublimis ad altitudinem imaginis eius in communi ſeſtione diaphani, & radij ad illud deſtinati ſupra imaginem baſis eius.

Quare ſi fiat vt tota linea diſtantiarum ad partem eius inter tabulam & viſibile horizontale, ita altitudo oculi ad aliud, habebitur locus viſibilis horizontalis in communi ſeſtione diaphani, & plani optici ad illud directi.

Deinde ſi fiat vt tota diſtantiarum linea ad partem eius inter oculum & diaphanum, ita puncti ſublimis vel eminentis altitudo ad aliud, habebitur altitudo imaginis eius in communi ſeſtione diaphani, & optici plani ad illud directi ſupra imaginem baſis eius.

Hæc autem quarta proportionalis vel Geometricè ex lineis, vel ex numeris per auream regulam, vel organo facile reperietur: & in communi sectiones plani optici & diaphani dabitur locus imaginis cuiuslibet visibilis. Et hoc est geminum totius artis fundamentum.

MONITV M II.

DVm illum amici singularis tractatum expectabis, accipe duos alios tractatus eruditissimos Clarissimorum Anglorum, primum nempe Gualteri Vverneri; secundum viri nobilis, subtilissimique Philosophi D. Hobs, qui ex proprijs hypothesebus refractiones prosequitur; erit igitur ille primus tractatus liber sextus: secundus verò septimus liber Opticæ, qui duo libri plurimum iuvabunt, atque perficient quæ libro tertio præcedenti continentur.





LIBER SEXTVS. PROBLEMA

A D

TABVLAS REFRACTIONVM.
EX OBSERVATIS CONSTRVENDAS,
sequenti processu apodictico soluendum.



IN visione Refractâ, Angulo Refractionis quocunque, in cuiuscunque generis Mediis, per observationem cognito, alium quemlibet requisitum per simplicem Analogismum exhibere. Atque adeo, si opus fuerit, reliquos omnes (solo, rationis communis ex terminis probatis constitutæ adminiculo) cum angulis suis incidentiæ, & refractis, conformatos, in Tabulam ordinatam redigere.

DEFINITIO I.

Visio, quæ vnius oculi adminiculo sit, *singularis*, quæ vtriusque, *Coniugata*, vocetur.

SVPPOSITIO I.


IN Visione, siue singulari, siue coniugatâ (quod ad præsens Problema attinet) obiectum radians, *Punctuale*, siue minimum Visibile intelligatur, idque in medio densiori, oculis in rariori existentibus, collocatum.

DEFINITIO II.

IN Visione coniugata, recta illa distantia, quæ est inter Oculorum Ieentra (quoniam super punctum illius Medium liberè, & tanquam

circulariter est conuertibilis vt vel parallela, vel perpendicularis, vel alio quocunque situ obliquo, ad Planum contactus, pro videntis arbitrio, applicari possit, ad exemplar diametri Pupillæ in Visione singulari) *Diameter visualis* vocetur. Et punctum eius intermedium (centro Pupillæ Analogum) *centrum visuale*.

Vt sint puncta C, E oculorum centra, & sit circulus B C D E oculus imaginarius per illa centra transiens; sitque recta C E, scilicet distantia inter oculorum centra: & oculi imaginarij diameter, *Diameter visualis*, & oculi imaginarij centrum A, *Centrum visuale*. Hinc fit, vt in visione coniugatâ per binos solummodo radios laterales, qui oculorum pupillas penetrantes ad ipsorum centra C & E, rectâ perueniunt, ac terminantur, omnis fieri intelligatur Visio.



SUPPOSITIO II.

Diameter visualis, ab ipsorum oculorum potius quàm pupillarum centro, sumenda erat, quia distantia illa quæ est inter pupillarum centra in obiecti punctualis intuitione, pro obiecti distantia alterabilis est, scilicet in obiecti propinquitate contractior, in longinquitate extensior. Quæ variatio distantie oculorum, (vtcunque pupillæ, ex oculorum in sedibus suis ossibus, & immobilibus obuolutione contorqueantur & distrahantur) oculorum centris immotis non contingit. Quare non tantum in sequentibus (quæ ad particularem hanc quæstionem spectant) sed generaliter in doctrinâ opticâ, siue directâ, siue reflexâ, siue retractâ, vbi de Visione coniugatâ agitur, tanquam principium per se manifestum, & certum statuendum est, *Diametrum Visualem sibi perpetuò constantem, & æqualem esse.*

DEFINITIO III.

IN Visione coniugatâ, recta linea quæ in Plano contactus, inter duo puncta, in quibus lineæ radiosæ ab obiecto vtrinque ad oculos procedentes, tum incidunt, tum refringuntur. Ac proinde inter duo plana refractionis, in quibus lineæ illæ radiosæ refractæ ad oculum deferuntur, comprehenditur (quia diametro visuali perpetuò parallela existit, & similem cum diametro spatij circularis, vel elliptici incidentiæ, in visione singulari conformitatem obtinet) *Diameter incidentiæ*, & punctum eius medium, *Centrum incidentiæ*, vel *centrum Refractionis* appelletur.

DEFINITIO IV.

IN Visione coniugatâ, si Planum per Diametrum visuale Plano contactûs Parallelam, ipsum contactûs Planum ad rectos angulos secans ductum intelligatur, & in recta linea, à centro visuali ad Planum contactûs, vel Diametrum perpendiculari, in plano isto productâ, obiectum positum sit. Et in eodem item plano duæ lineæ Radiosæ ab obiecto vtrinque egredientes in planum contactûs incidunt, & à punctis incidentiæ, in quibus refringuntur, Refractæ ad oculos procedant, Planum istud idcirco *Planum refractionis oculare* vocetur.


DEFINITIO V.

ET linea ista Recta, ab obiecto ad centrum visuale, inter lineas radiosas refractas media (ipsa refractionis expers) *Linea interradosa directa* vocetur.

DEFINITIO VI.

ET quia linea ista interradosa planum contactûs ab obiecto ad centrum Visuale recta pertransit, visio quæ in Plano Refractionis Oculari, per tres istas lineas fit, *Visio coniugata Recta* vocetur.

PRO DEFINITIONE 2.3.4.5.6.



O Biectum. B. Oculi D & S.
 Diameter visualis. D Q S. } ad def. 2.
 Centrum visuale. Q.
 Diameter incidentiæ F C G. } ad def. 3.
 Centrum incidentiæ C.
 Lineæ Radiosæ refractæ. B F D. & B G S.
 Linearum radiosarum partes incidentes. B F. & B G.
 Linearum radiosarum partes refractæ. F D, & G S.

Linea interradosa directa. B C Q.
 Lineæ interradosæ pars incidens. B C. } ad def. 5.
 Lineæ interradosæ pars refracta. C Q.

Planum per Diametrum Visualem D S, oculos scil. D & S, atque obiectum B transiens planum contactus in diametro incidentiæ F G ad rectos angulos secans, *Planum Refractionis oculare.* } ad def. 4.

Planum contactus in diametro incidentiæ F G ad rectos Angulos secans, *Planum Refractionis oculare* subintelligendum est.

Delinatio quintilatera DFBGS, vnâ cum interradiosa directâ B C Q. *visionis coniugata recta* integra descriptio est. Nam per tres lineas DFB; SGB, QCB in plano refractionis oculari fit visio coniugata recta, vt est in definitione. } ad def. 6.

DEFINITIO VII.

IN visione coniugatâ rectâ (Obiecto in medio densiore, oculo in rariore positus) excessus bipartitus (bina scilicet segmenta) diametri visualis supra basim trianguli per linearum radiosarum partes incidentes, ad ipsum diametrum rectâ productas facti. Ex linearum in rariore & magis dilatatæ constitutionis media proueniens, *Radiofitatis dilatatio* vocetur.

Linearum radiosarum partes incidentes à diametri incidentiæ terminis. F G. ad diametrum visualem rectâ productæ B F M. B G N.

Triangulum per lineas productas factum M B N. huius basis. M N. } ad def. 7.

Radiofitatis dilatatio. D M + N S.

DEFINITIO VIII.

IN visione coniugatâ, si diametro visuali plano contactus parallelâ collocatâ, planum per centrum visuale transiens tum diametrum, tum planum contactus, ad rectos angulos secet, & in plano illo obiectum ex altera parte, extra centri visualis perpendicularum positum sit, & per diametri visualis terminos (ipsos sc. oculos) atque obiectum ducta sint duo plana, planum contactus ad rectos angulos secantia, & se mutuò in obiecti perpendicularo interfecantia, & in duobus hisce planis ab obiecto vtrinque ad oculos delatæ sint duæ lineæ radiosæ, in diametri incidentiæ terminis refractæ, duo ista plana, *Refractionis radiosæ Plana* vocentur.

DEFINITIO IX.

Cum autem linea ab obiecto ad centrum visuale, in centro incidentiæ refracta, linea interradosa refracta sit, in plano intermedio per centrum visuale & obiectum transeunt ducta. Planum illud intermedium, *Planum refractionis interradosa* appelletur.

DEFINITIO X.

Et cum linea interradosa, pars scil. illius incidens, obliquè in planum contactûs incidat, visio quæ in tribus istis planis per tres prædictas lineas refractas sit, *Visio coniugata obliqua* nominetur.

AD DEFINITIONEM 8. 9. 10.

Planorum contactûs & Refractionis intermediæ communis sectio L G. Perpendicularum incidentiæ & Refractionis. M C N. Obiectum. F. Perpendicularum obiecti. F G. Diameter visualis D E S. Centrum visuale. E diameter incidentiæ. B C H. Centrum incidentiæ. C. Lineæ radiosæ refractæ F B D & F H S. Linearum radiosarum partes incidentes. F B. & F H. Linearum radiosarum partes refractæ. B D. & H S. Linea interradosa refracta. F C E. Lineæ interradosæ partes, incidens. F C. Refracta. C E. Perpendicularum oculorum D Y. & S X. Perpendicularum centri visualis. E L.

Duo plana refractionis radiosæ D B Y G F. & S X H G F, planum contactûs ad rectos angulos secantia in rectis lineis Y B G & X H G. ad def. 9.

Planum refractionis interradosæ. E L C G F. planum contactûs ad rectos angulos secans in rectâ lineâ. L C G. ad def. 10.


Delineatio quintilatera D B F H S, vnâ cum lineâ interradosâ refractâ E C F, pro visionis coniugatæ obliquæ integrâ descriptione habenda est Nam per tres lineas refractas D B F. S H F & E C Q in tribus refractionis planis (deff. 8. & 9. descriptis) existentes, sit *visio coniugata obliqua*, vt videre est in definitione. ad def. 11.

SVPPOSITIO III.

EX tribus lineis refractis, quæ ab obiecto ad diametrum visualem procedunt, cum duarum Radiosarum refractione cum refractione transuersâ siue oculari composita atque implicata sit, sola verò interradosa simplicis refractionis capax sit. Ex lineâ interradosâ tantum, ad planam contactus, siue, quod idem est, ad perpendicularum incidentiæ & refractionis habitudine, Anguli incidentiæ & Refracti constituendi, & eorum differentiæ & æqualitates sumendæ sunt. Quod non in præsentî tantum quæstione, sed generaliter in visione coniugatâ obliquâ intelligendum, & supponendum est.

L E M M A.

SI duorum triangulorum Isoscelium BPH , & BNH : altitudinum inæqualium CP , & CN . quæ super eadem basi BH constituuntur, latera PB & PH , & NB . NH ad rectam lineam DS basi BH parallelam producantur, duo triangula PXY , NDS basium inæqualium XY , DS . constituentia; trianguli producti altitudinis maioris XPY . minor erit basis XY . Eius verò cuius altitudo minor est, DNS . basis maior erit DS .




DEFINITIO XI.

IN visione coniugatâ obliquâ, si planum per diametrum visualem & diametrum incidentiæ ei parallelam ductum intelligatur, & in plano illo lineæ interradosæ pars refracta directe continetur donec pars à centro incidentiæ ad terminum continuationis lineæ interradosæ parti incidentiæ equalis sit, & à termino continuationis per diametri incidentiæ terminos in prædicto plano, ductæ sint duæ rectæ lineæ triangulum super diametrum visualem constituentes (cuius basis per lemma (diametro minor erit) Excessus bipartitus (bina scilicet segmenta) diametri visualis, supra Trianguli istius basim, Radiositaris dilatatio, in casu isto visionis coniugatæ obliquæ, censendus est.

Visionis coniugatæ obliquæ delineatio D B Q H S.

Planum refractionis oculare. D B P H S.

DX F Y S



Lineæ interradiosæ pars refracta FC, à centro incidentiæ C, ad distantiam CP. lineæ interradiosæ, parti incidenti QC æqualem, certa continuata CP.

Lineæ rectæ PBX & PHY, à puncto P. per diametri incidentiæ terminos B & H ad diametrum visualem in plano oculari recta productæ triangulum XPY super basim XY constituentes.


Excelsus diametri Visualis DS supra basim. XY (iuxta definitionem) radiositatis dilatatio, bina scilicet segmenta DX + YS.

DEFINITIO XIII

IN visione coniugatâ obliquâ, quoniam linearum Radiosarum partes refractæ, quæ ab oculis ad diametri incidentiæ terminos procedunt & à terminis illis rectâ continuatæ in obiecti perpendiculo coincidentes locum imaginis in coincidentiæ puncto constituunt. Lineæ Idcirco interradiosæ vnâ cum Radiosis rectâ continuatæ, pars illa quæ à centro incidentiæ ad imagidem terminatur, *Linea imaginaria* vocetur.

AD DEFINITIONEM XII.

Visionis coniugatæ obliquæ delineatio. D B Q H S. Planorum contactus, & refractionis communis sectio L C G. Obiecti perpendiculum QG: (vbi debet intelligi recta connectens puncta QG) linearum radiosarum partes refractæ. DB, & SH, à diametri incidentiæ terminis B, & H, in planis suis rectâ continuatæ in obiecti perpendiculo QG coincidunt. Coincidentiæ punctum N locus imaginis est.



Lineæ interradiosæ pars refracta FC, à centro incidentiæ C in plano suo recta continuata ad imaginem N. Linea igitur CN, linea imaginaria, est.

DEFINITIO XIII.

Lineæ interradiosæ quæ partes suas similes, æquales habent, vt partes incidentes inter se æquales, & partes refractas in visione

obliquâ; vel directas in visione rectâ, inter se item æquales, *similiter æquales* vocentur.

AXIOMA.

IN visione siue fingulari, siue coniugatâ, anguli refracti angulis incidentiæ æqualibus respondentes, æquales sunt, & Anguli refracti maiores, maioribus incidentiæ angulis, minores minoribus respondent.


THEOREMA I.

IN visione singulari obliquâ, si perpendicula obiecti, oculi, & interstitij, in diuersis Visionis actibus, æqualia fuerint, anguli incidentiæ æquales erunt.

Sit in actu visionis aliquo, planorum contactus, & refractionis communis lectio DH.

Et in plano refractionis, in mediis suis, oblique posita sint obiectum B & oculus G.

Sitque obiecti perpendiculum BH : Oculi
 GD .



Ac proinde interstitij perpendicularum DH ,
 siue quod ei æquale est, GY .

Ductaque sit in plano refractionis ab obiecto **B** ad oculum **G**, linea
radiofa **B T G**, in puncto incidentiæ & refractionis **T** refracta.

Et ad punctum T in eodem plano, ducatur incidentiæ & refractionis perpendiculum P T F.

Erit inde $\text{angulus incidentiæ BTP}$, & $\text{refractus ei respondens GTF}$.


In actu visionis alio quocunque, sit planorum contactus, & refractionis communis sectio B K.

Et in plano refractionis ducta sint tria perpendiculara DK LB, LP.
perpendicularis tribus similibus BH, GD, GY actus prioris, æqua-
lia.

Et ad punctum D collocetur obiectum, & ad punctum L oculus.

Ductaque sit in plano refractionis ab obiecto D ad oculum L, linea
radiofa D C L in puncto incidentiæ & refractionis C, refracta.

Et per punctum illud C in eodem plano, ducatur incidentiæ & re-
fractionis perpendicularum X C Q.



Erit inde angulus incidentiæ DCX, & LCQ angulus refractus ei respondens. His constitutis, probandum est, angulos incidentiæ DRT, & DCX æquales esse.

Si æquales non sunt, erit angulus DCX angulo DRT; vel maior, vel minor. Sit primum si fieri potest maior.

Sumpto igitur puncto incidentiæ R, ductisque perpendiculo TRS, & lineæ radiosæ parte incidente DR, sit angulus incidentiæ DRT, minor angulo incidentiæ DCX.

Ductâque lineæ radiosæ parte refractâ RL, fiet angulus LRS, refractus angulo incidentiæ DRT respondens.

Cum sit igitur angulus incidentiæ DRT minor angulo incidentiæ DCX, erit (per Axioma) angulus refractus LRS minor refracto LCQ. Est autem recta LS maior quàm recta LQ.


Æqualibus igitur existentibus rectis RS, & CQ, est angulus LRS maior angulo LCQ.

Erit ergo Angulus LRS & minor & maior angulo LCQ, quod est impossibile. Non est igitur angulus DCX maior angulo DRT.

In simile absurdum inciditur, supposito angulo DCX, angulo BTP minore, & sumpto angulo aliquo incidentiæ vt PFN maiore quàm sit angulus DCX. Itaque in visione, &c. Quod erat probandum.

THEOREMA II.

IN Visione coniugatâ rectâ, si lineæ interradiosæ in diuersis visionis actibus similiter æquales fuerint, Radiositatis dilatationes, æquales erunt.



Sit primò visionis coniugatæ rectæ actus aliquis DGBHS, in plano refractionis oculari (secundum def.6.) constitutus.

Et in plano illo linearum radiosarum partes incidentes BG, & BH. à diametri incidentiæ terminis G, & H, ad diametrum visualem directè continentur, triangulum MBN super basim MN constituentes.

Est igitur (per def.7.) Excessus bipartitus diametri visualis DS supra basim MN. (bina scil. segmenta) DM + NS radiositatis dilatatio in hoc actu.

Secundò, sit actus alius quicunque $DKPLS$, in plano refractionis oculari (per def. 6.) constitutus, sitque $PR \propto BC$ & $RQ \propto CF$.

Et in plano illo, linearum radiosarum partes incidentes PK , PL , à diametri incidentiæ terminis K & L ad diametrum visualem directè continuentur Triangulum XPY super basim XY constituentès.

Est igitur (per def. 7.) Excessus bipartitus diametri visualis DS , supra basim XY (bina scil. segmenta) $DX + YS$, radiositatis dilatatio in hoc secundo actu.

His constitutis dilatationes istas radiosas $DM + NS$, actus primi, & $DX + YS$, secundi, æquales esse probandum est.

Angulus GBC , angulo KPR . (per Theor. 1.) æqualis est, & angulus HBC angulo LPR , item æqualis.

Angulus igitur GBH trianguli MBN angulo KPL trianguli XPY æqualis est.

Perpendiculum item BCF , perpendiculo PRQ ex hypothesi æquale est.

Basim igitur MN , basi XY æqualis est.

Excessus igitur diametri visualis DS , supra basim MN , scil. $DM + NS$ qui radiositatis dilatatio actus primi est, excessui diametri visualis DS , supra basim XY scil. $DX + YS$ qui radiositatis dilatatio actus secundi est æqualis est. Quod probandum erat.

THEOREMA III.


IN duobus visionis coniugata, altero recta, altero obliqua actibus si lineæ interradosa, directa, in visione recta refracta in obliqua, similiter æquales fuerint, diameter incidentiæ vnus, diametro incidentiæ alterius æqualis erit.

Sit visionis rectæ actus $DRBTS$ in plano refractionis (secundū def. 6.) constitutus.

In quo, obiectum B , diameter visualis DXS , lineæ refractæ BRD , BTS , lineæ interradosa directa. BEX & diameter incidentiæ. RET .

Et sit visionis obliquæ actus $DFEGS$, in duobus planis refractionis radiosæ & tertio interradosæ (ex præscripto def. 10.) constructus.

In quo, planorum contactus & refractionis interradosæ sectio cōmunis BC . Incidentiæ & refractionis perpendiculum LRK . obiectu m:



iectum Q. Diameter visualis D H S, lineæ radiosæ refractæ. Q F D, H G S. lineæ interradosa refracta E R Z. & diameter incidentiæ F R G.

His positis probandum est diametros incidentiæ duorum actuum R E T, F R G, æquales esse.

In actu visionis rectæ D R B T S linearum radiosarum partes incidentes B R, B T, à diametri incidentiæ terminis R. T. directe producantur ad diametrum visuale triangulum super diametrum constituentes H B K.

Erit igitur (per def. 7.) excessus diametri D S supra basim trianguli producti H K, bina scil. segmenta D H + K S radiositatis in hoc actu dilatatio.

Deinde in actu visionis obliquæ D F H G S, per diametrum visualem D S, & diametrum incidentiæ illi parallelam. F G. ductum sit planum refractionis oculare, & in plano illo lineæ interradosæ pars refracta L R, à centro incidentiæ. R, directe continuetur ad distantiam R H, lineæ interradosæ parti incidenti R H æqualem.

Et à puncto H, per diametri incidentiæ terminos F, G, ducantur rectæ lineæ H M, H N, ad Diametrum visualem D S Triangulum super eam constituentes, M H N.

Erit igitur (per def. 11.) excessus diametri visualis D S, supra basim trianguli M N, bina scil. segmenta D M + N S radiositatis dilatatio in hoc visionis obliquæ actu.

Si iam planum contactus per incidentiæ diametrum F G ductum intelligatur secans rectam H Z, in puncto R, ad angulos rectos & obiectum concipiatur in puncto H. posita erit (per def. 6.) constructio ista D F H G S, visionis coniugatæ rectæ actus.

Erunt igitur (per theorema 2.) dilationes radiosæ D H + K S in actu proposito & D M + N S, in actu hoc constituto, æquales.

Est igitur M N basis trianguli M H N, æqualis basi H K, trianguli H B K.

Et sunt (ex hypothesi & constructione) triangulorum M H N & H B K, perpendiculara Z R H, & X E B similiter æqualia.

Sunt igitur triangula M H N, & H B K, ac proinde triangula F H G & R B T inter se similia & æqualia.

Est igitur diameter incidentiæ F G in actu visionis obliquæ, diametro incidentiæ R T in actu visionis rectæ, æqualis. Quod erat probandum.

OPTICÆ THEOREMA IV.

IN duobus vtcunque diuersis visionis coniugate oblique actibus si lineę interradosę similiter æquales fuerint, diametri incidentiæ æquales erunt.

In actu visionis oblique primo $DGHTS$ sit linea interradosa refracta HEN & angulus incidentiæ HEY . Diameter incidentiæ GT .

In actu visionis oblique secundo $DFHKS$, sit linea interradosa refracta HRL lineæ interradosæ prioris HEN , similiter æqualis.

Sit vero angulus incidentiæ HXX , angulo incidentiæ prioris HEY , vtcunque inæqualis, sitque diameter incidentiæ Fk .

Probandum est, diametrum incidentiæ Fk diametro incidentiæ GT æqualem esse.

Theorema hoc superioris tertij immediatè confectarium est.

Descripto enim visionis rectæ actu $DNKCS$, in quo linea interradosa directæ kIM , lineis interradosis refractis HEN & HRL similiter æqualis sit, & incidentiæ diameter NC . Erit (per theor. 3.) incidentiæ diameter GT incidentiæ diametro NC æqualis; & incidentiæ diameter Fk eidem NC , æqualis.

Sunt igitur incidentiæ diametri GT , Fk . inter se æquales. Quod probandum erat.



THEOREMA V.

IN duobus vtcunque Visionis coniugatæ obliquæ actibus si lineæ interradosæ similiter æquales fuerint, lineæ eorum imaginariæ æquales erunt.

Sit actus primus $DGBKS$, & sit planorum contactus & refractionis interradosæ communis sectio ML & obiecti perpendiculū BL .

Tres igitur rectæ lineæ DG . TE . SK . in planis suis refractionis à tribus terminis diametri incidentiæ G . E . K . directè continuatæ concurrent in puncto aliquo perpendiculi. BL . Sit punctum concursus C .

Est igitur punctum C , locus imaginis; & lineæ interradosæ pars continuata EC linea imaginaria (per def. 12.)



Sit actus secundus D F P H S. Et sit planorum contactus & refractionis interradosæ communis sectio M C, & obiecti perpendicularum P C.

Tres igitur rectæ D F. Y R. S H. in planis suis refractionis à tribus terminis diametri incidentiæ F. R. H. directe continuatæ concurrent in puncto aliquo perpendiculari P C. sit punctum concursus G.

Est igitur (per def. 12.) Punctum G. locus imaginis, & lineæ interradosæ pars continuata R G. linea imaginaria.

His constitutis, lineas istas imaginarias E C. & R G. inter se æquales esse probandum est.

In triangulo primo D C S, recta linea D T S, minus rectâ G K, ad ipsam G K, est vt recta T E. ad rectam E C.

Et in triangulo secundo D G S, recta D Y S. minus rectâ F H, est ad ipsam F H vt recta Y R ad rectam R G.

Sunt autem rectæ D T S & D Y S diametri visuales inter se æquales.

Et rectæ G K & F H. diametri incidentiæ (per theorema 4.) item sunt æquales.


Et rectæ T E, & Y R. linearum interradosarum partes refractæ (ex hyp.) sunt æquales.

In duobus igitur istis analogis primis terminis primi analogismi, scil. D T S minus G K. G K. T E tribus primis terminis secundi scil. D Y S minus F H. F H. Y R. æquales sunt.

Quartus igitur primi E C. linea imaginaria actus primi, quarto secundi R G, lineæ imaginariæ actus secundi æqualis est, quod erat probandum.

THEOREMA VI.

IN duobus vtcunque diuersis visionis coniugatæ obliquæ actibus, linearum interradosarum partes incidentes, lineis suis imaginariis proportionales sunt.



In actu primo sit planorum contactus & refractionis interradosæ communis sectio H D, perpendicularum incidentiæ & refractionis K C M.

Et in plano refractionis interradosæ ab obiecto B, ad centrum visuale F ducta sit linea interradosa refracta B C F.

Et ducto obiecti perpendicularo B D, pars refracta F C directe con-

tinuetur ad perpendiculari punctum N.

Erit ergo (per def. 12.) recta CN linea imaginaria.

In actu secundo sit planorum communis sectio GF. & perpendiculari incidentiæ & refractionis HEZ.

Et in plano refractionis interradosæ, ab obiecto N. ad centrum visuale Y. ducta sit linea interradosa refracta NEY, quæ partes suas NE incidentem, & EY refractam partibus actûs primi BC incidentis, & CF refractæ inæquales habeat, & pars incidens NE cum perpendicularo HE angulum incidentiæ NEH faciat, angulo incidentiæ BCK actûs primi, inæqualem.

Et ducto obiecti perpendicularo NF, pars refracta YE directè continuata sit ad perpendiculari punctum P.

Erit ergo (per def. 12.) recta EP linea imaginaria.

His constitutis probandum est linearum interradosarum, in duobus actibus, partes incidentes BC & NE lineis suis imaginariis NC & PE proportionales esse.

Fiat actûs cuiuspiam tertij delineatio, in quâ interradosæ pars incidens HT. interradosæ parti incidenti BC actûs primi æqualis sit. Et angulus incidentiæ HTD angulo incidentiæ BCK primi, item æqualis: Interradosa verò pars refracta TX interradosæ parti refractæ EY secundi æqualis.

Ducto igitur obiecti perpendicularo HR, & lineæ interradosæ parte refractâ XT directè continuatâ ad perpendiculari punctum & erit recta linea TK huius tertij actûs linea imaginaria.

Cum sint autem anguli incidentiæ HTD & BCK æquales, sunt (per Axioma) anguli refracti LTX, MCF æquales.

Ergo anguli ad verticem DTK, KCN, æquales sunt.

Ergo anguli HTK, BCN quoque æquales.

Existentibus igitur rectis lineis HT & BC, item angulis HTK & BCN, erunt rectæ TK & CN, lineæ scilicet duorum actuum imaginariæ inter se æquales.

Porrò cum lineæ interradosæ, actûs secundi, pars incidens NE interradosæ parti incidenti BC actûs primi facta sit utrunque inæqualis. ponatur hæc illâ maior.

Erit igitur interradosæ parte incidente actûs tertij quoque maior.

Sumatur in rectâ NE punctum Q pro loco obiecti, ad distantiam EQ interradosæ parti incidenti HT æqualem, quæ pro interradosæ parte incidente hîc sit.

Et ab obiecto Q agatur perpendicularum QT lineam imaginariam priorem EP, secans in puncto R.

Erit ergo recta ER linea imaginaria interradosæ parti incidenti QE debita.

In constructione ista quæ (per def. 10.) provisionis obliquæ actu habenda est, linea interradosa refracta QEY , lineæ interradosæ refractæ HTX actus tertij, similiter æqualis est.

Ergo (per theor. 5.) linea imaginaria ER huius, lineæ imaginariæ TK illius æqualis est.

Sunt ergo rectæ lineæ QE & ER , rectis HT & TK . sigillatim æquales.

Rectas autem HT & TK . rectis BC & CN æquales esse, supra probatum est.

Sunt igitur rectæ QE & ER rectis BC & CN æquales.

Est autem recta NE ad rectam PE , ut recta QE , ad rectam ER .


Est igitur recta NE ad rectam PE ut recta BC ad rectam CN .

Sunt igitur in duobus visionis obliquæ actibus propositis linearum interradosarum partes incidentes XE & BC , lineis suis imaginariis EP & CN proportionales. Quod erat probandum.

THEOREMA VII.

IN visione refractâ secantes complementorum angulorum incidentiæ, secantibus complementorum angulorum refractorum incidentiis respondentium proportionales sunt.

Ut in visione coniugatâ persistamus, sit primò planorum contactus & refractionis interradosæ communis sectio HG . perpendicularum incidentiæ & refractionis per incidentiæ centrum C . transiens, KCL .



Et in plano refractionis, sit linea interradosa refracta BCD . angulus igitur incidentiæ est BCK , & refractus ei respondens, LCD .

Et lineæ interradosæ pars refracta DC directè continuata secet perpendicularum in puncto F .

Erit inde angulus FCB angulo refracto LCD æqualis.

Erit ergo angulus BCG anguli incidentiæ complementum, & angulus FCG anguli refracti complementum.

Positâ igitur rectâ CG pro radio, siue sinu toto, erit BC secans complementi anguli incidentiæ, & FC secans complementi anguli refracti.

In actu secundo sit planorum intersectio GE , & perpendiculū incidentiæ & refractionis per incidentiæ centrum R transiens, XY .

Et in plano refractionis ducta sit lineæ interradosa refracta QR S , angulos faciens cum perpendiculis suis XR & YR , incidentiæ quidem QR X . refractum verò YR S . angulis actūs primi utrunque inæquales.

Differentiā istā angulorum inter duos actūs constitutā, & quod reliquum est huius descriptionis, processu priori omnino simili peracto, erit recta QR secans anguli QRE complementi anguli incidentiæ, & recta TR secans anguli TRE complementi anguli refracti.

Secantes iam istas QR . & CB . complementorum angulorum incidentiæ, secantibus TR , FC . complementorum angulorum refractorum proportionales esse manifestum est.

Sunt enim QR & BC linearum suarum interradosarum partes incidentes, & TR , FC . lineæ imaginariæ incidentiis istis debitæ.

Sed per theor. 6.) lineæ incidentes, lineis suis imaginariis proportionales sunt.

Ergo secantes QR & BC complementorum angulorum incidentiæ, secantibus TR , & FC , complementorum angulorum refractorum proportionales sunt. Quod erat probandum.

THEOREMA VIII.


IN visione refractā sinus angulorum incidentiæ, sinibus angulorum refractorum incidentiis respondentium proportionales sunt.

Resumptā duorum actuum superiore descriptione, in primo, super rectā CG ut diametro, describatur peripheria $CVTG$, rectas lineas BC & FC secans in punctis V & T . ducanturque rectæ GV , GT .

Erunt inde anguli CGV & CGT , angulis BCK . & ECK , angulis scilicet incidentiæ, & refracto æquales.

Erunt igitur CV & CT angulorum incidentiæ & refracti sinus. CV . scilicet anguli incidentiæ CGV sinus, & CT anguli refracti CGT sinus.

In secundo super rectā RN ut diametro, describatur peripheria:



RZEN, rectas QR & TR secans in punctis Z & E, ducanturque rectæ NZ & NE.

Erunt inde anguli RNZ & RNE angulis QRX & TRX; angulis scilicet incidentiæ, & refractio æquales.

Erunt igitur rectæ RZ & RE angulorum incidentiæ & refracti sinus. RZ scilicet anguli incidentiæ RNZ & RE anguli refracti RNE sinus.

His constitutis probandum est sinus angulorum incidentiæ cv, & RZ, sinibus angulorum refractorum CT & RE proportionales esse.

In actu primo est BC ad CG vt GC ad CV.

Et FC ad CG vt GC ad CT.

Est ergo (per lemma sequens) BC ad FC vt CT ad CV.

In secundo est QR ad RN vt RN ad RZ.

Et TR ad RN vt RN ad RE.

Ergo (per Lemma) QR ad TR vt RE ad RZ.

Sed (per Theor. 7.) est BC ad FC vt QR ad TR.

Ergo est CT ad CV vt RE ad RZ.

LEMMA AD PRÆCEDENTEM.

SI in duobus analogismis trium terminorum medij termini æquales fuerint, termini extremi reciprocè proportionales erunt.

Si sint analogismi. . . Primus . . . vt B ad C. ita C ad D.

Secundus . . . vt F ad C. ita C ad G.

Erit vt B ad F. ita G ad D.

Est enim rectangulum BD æquale rectangulo CC, & rectangulum CC, æquale rectang. FG. quare rectangulum BD æquale est rectangulo FG.

Ergo vt B ad F. ita G ad D. vt est enuntiaturum.

COROLLARIUM.

THEOREMA hoc, problematis, processûs huius initio præfixi, totius scil. præsentis negotij fundamentale est. Si enim angulo cuicunque, siue incidentiæ, siue refractio, ex suppositione dato vel sumpto, angulus respondens per observationem dioptricam acquisitus sit. Ratio quam sinus anguli suppositi, ad sinum anguli observati ei respondentis habet (per Theorema) eadem est, quæ sinus angulorum omnium de genere suppositi, ad sinus angulorum om-

nium de genere obseruati figillatim eis respondentium obtinent. Communi igitur istâ ratione constitutâ, manifestum est angulos omnes incidentiæ à minimo ad maximum, cum angulis suis refractis, atque angulis refractionum vtrisque congruis Calculo Analogistico, vel (altero rationis termino ad numerum decuplatum, siue finum totum reducto.) solo multiplicationis opere in tabulam ordinatam redigi posse. Vnde patet problematis initio propositi solutio.



OPTICÆ
LIBER VI.

OPTICÆ

LIBER SEPTIMVS.

HYPOTHESES.

MANIS Actio est motus localis in agente, sicut & omnis Passio est motus localis in Patiente. Agentis nomine intelligo Corpus, cuius motu producit effectus in alio Corpore, Patientis, in quo motus aliquis ab alio Corpore generatur. Exempli gratiâ. dum clauus, ut aiunt, clauum pellit, motus pellentis est actio eius, motus pulsi, est pulsi passio. Item dum Carbo ignitus calefacit hominem, etsi neque Carbo, neque homo suo loco exeat, neque ideo moueatur, est tamen aliquid materiæ siue Corporis subtilis in Carbone, quod mouetur, & motum eiet in medio, usque ad hominem; & est in homine stante immoto, motus aliquis in partibus internis inde generatus. Motus autem hic in partibus hominis internis est calor; & sic moueri, Calefieri, hoc est pati; & motus ille qui est in partibus Carbonis igniti, est actio eius, siue calefactio; & sic moueri, calefacere.

2. Visio est passio producta in vidente per actionem obiecti lucidi vel illuminati.

3. In visione, neque obiectum, neque pars eius quæcunque transit à loco suo ad oculum. Ut motus possit motum generare ad quamlibet distantiam, non est necessarium, ut corpus illud à quo motus generatur, transeat per totum illud spatium, per quod motus propagatur; sufficit enim ut parùm, imò insensibiliter motum, protrudat id quod proxime adstat; nam id quod adstat, pulsum suo loco, pellit quoque quod est proximum sibi, atque eo modo motus propagabitur quantum libueris.

4. Lucidum omne vndiquaque à quolibet simul aspicientibus videri potest.

5. Medium rarius voco quod minus contumax est aduersus motum recipiendum. Densus quod magis. Aerem autem rariorem suppono quàm aquam, quàm vitrum, quàm cristallum.

PROPOSITIO I.

Omne lucidum dilatat se, tumescitque in molem maiorem, iterumque contrahit se, perpetuam habens systolem & diastolem.

Quoniam enim (per hypothesein quartam) lucidum omne simul undiquaque videtur, visio autem (per hypothesein secundam) fiat ab actione lucidi, & est (per hypothesein primam) omnis actio motus localis in Agente, sequitur, esse in lucido motum versus omnes partes simul. Quia vero lucida dum videntur non disperguntur vsque ad oculos undiquaque videntium, (sic enim perderentur) restat ut partes lucidi quas ostensum est moveri versus omnes partes simul, se iterum recipiant. Hoc autem idem est ac si diceremus totum lucidum tumescere, & iterum se contrahere alternis vicibus, siue habere perpetuam systolem & diastolem. Quod erat probandum.

Videtur autem, quam in omni corpore lucido observamus & appellamus scintillationem nihil aliud esse quam hanc systolem & diastolem.

PROPOSITIO II.

Motus à lucido ad oculum propagatur per continuam reflectionem partis medij contigua.


Supposuimus (hypothesei tertia) neque obiectum, neque partem aliquam eius quamcunque in visione transire ad oculum; neque ullus alius modus quo motus ad distantiam propagetur excogitari potest, præter illum quem proposuimus, sequitur ergo illum esse.

PROPOSITIO III.

*Considerare quomodo fiat lumen,
& quid sit?*

Sit propositum lucidum, Corpus solare, cuius centrum A; semidiameter A B, cui circumscribatur orbis Concentricus cuius

crassities BC, (orbem voco solidum contentum inter duas sphaëricas superficies Concentricas) Rursus orbi BC circumponatur orbis alius Concentricus CD, & huic alter DE, & eodem modo quotcunque alij, quilibet cuilibet æqualis; quoniam ergo exteriores circumferentiæ semper maiores sunt interioribus, erunt reciproçè crassities interiorum orbium maiores quàm exteriorum, quare maior est BC quàm CD, & CD quàm DE. Quoniam iam per primam, sol



dilatatur se, & tumescit in molem maiorem, supponamus solem in diastole, siue tumescencia æquare totam sphaëram cuius semidiameter est AC; necesse ergo est vt medijs pars quæ erat in orbe BC exeat in locum sibi æqualem proximum, nempe in orbem CD, idque eodem tempore; nam quo instante incipit motus à B versus C. necesse est vt incipiat motus à C versus D, & à D versus E, & ab E prorsum, quare si statuatur oculus in qualibet distantia à sole puta in E, quo instante incipit sol dilatari se in B, eodem ferietur oculus in E. vnde propagabitur motus ad retinam, & inde per connatum retinæ neruum opticum vsque ad cerebrum; & hoc fit eodem instante, quo motus incipit in B; Præterea est in Cerebro vt in cæteris omnibus quæ patiuntur, reactio sua, vnde motus à cerebro propagatur retro per neruum opticum in retinam, inde per easdem lineas versus solem quibus ante à sole versus retinam. Atque omnis hic processus erit factus (vt iam demonstrauius fieri à sole ad oculum) in instante. Manifestum ergo est in omni visione propagari motum à lucido ad oculum & ad cerebrum, & inde retro ad partes extra oculos in instante. Manifestum item est, motum qui sic à lucido propagatur debiliorem esse longè quàm propè; cum enim BC sit maior quàm CD, & CD quàm DE, sit tamen tempus propagationis à B ad C, idem quod à C ad D, vel à D ad E, velocior est motus propagatus in BC quàm in CD, & in CD quàm in DE, & sic deinceps.

Haëtenus motum à lucido qualis sit considerauimus, iam quomodo talis motus & quando vocatur lumen considerandum est.

Primò si nulla esset visio, nihil esset quod vocaremus lumen: nam cæci nati, loquentem de lumine & coloribus non intelligunt; lumen ergo non dicitur motus ante visionem, hoc est antequam perueniat ad cerebrum. Deinde motum in cerebro quod vocamus lumen, non sentimus in ipso cerebro, sed foris ante oculos. Motum ergo à lucido non vocamus lumen antequam retrò à cerebro per reactionem propagetur per neruum opticum & oculos ad medium inter

oculum & lucidū. Lumen ergo est apparitio ante oculos motus illius qui propagatur à lucidi diastole siue tumescentiâ ad cerebrum, & inde retrò per oculos ad medium. Est ergo lumen lucidi phantasma, siue imago concepta in cerebro. Confirmatur autem etiam experientia, eo quod in omni concussione cerebri quo fit motus aliquis per nervum opticum extrorsum, vt quando oculus percutitur apparet lumen quoddam ante oculos. Ex his quæ dicta sunt faciemus breue **Corollarium.**

COROLLARIUM.

Lumen est phantasma à lucido. (Idem sentiendum de coloribus qui sunt lumen perturbatum.)

Lumen propagatur ad quamlibet distantiam in instante.


Lumen quo longius eo debilius propagatur.

MONITVM.

Difficultas maxima in lumine concipiendo tam veterum, quam Neotericorum Philosophorum ingenia torfit, quibus spero satisfactum iri, si considerent vix ac ne vix quidem à nobis clarè, distinctèque concipi quidpiam nisi motus, aut figurarum ope. Quasi quis diligenter perpendat, & motum compositiones intelligat, nil in tota Philosophia facilius, nil ad demonstrationem accommodatius, & hominum ingenio congruentius esse fatebitur.

DEFINITIO RADII.

Radium appello viam per quam motus à Lucido per Medium propagatur. Exempli gratiâ. Sit Lucidum AB , à quo moto ad CD , pars Mediæ quæ interiacet inter AB & CD , protrudatur ad EF : & à parte Mediæ quæ erat inter CD & EF , promotâ ulterius ad GH , propellatur pars illa quæ erat inter EF , & GH , ulterius ad IK , & sic deinceps, siue directè, siue non, puta versus LM . Spatium itaque quod continetur inter lineas $AIOL$, & $BKEM$, est id quod voco Radium, siue viam per quam motus à Lucido per Medium propagatur.



PROPOSITIO IV.

Radius est spatium solidum.

Quoniam enim Radius est via per quam motus projicitur à Lucido; neque pōtest esse motus nisi Corporis; sequitur Radium locum esse Corporis; & proinde habere tres dimensiones. Est ergo Radius spatium solidum.

DEFINITIO RADII DIRECTI ET REFRACTI.


Radius directus est qui sectus plano per axim, exhibet in plano secante figuram parallelogrammam (ut AK .) Radius Refractus est qui componitur ex directis angulum facientibus, unā cum parte intermediā; (ut Radius AM , Refractus dicitur, quia componitur ex directis AK , & KL , unā cum parte IKO .)

DEFINITIO LINEÆ LVCIS.

Lineam unde Radij latera incipiunt (exempli gratiā, lineam AB , unde incipiunt latera AI & BK) appello lineam Lucis simpliciter. Linearū autem quæ à lineā Lucis continuā protrusione deriuantur (quales sunt CD , EF , &c.) unamquamque appello lineam Lucis eousque propagatam.

CAVSA PHYSICA RADIORVM DIRECTORVM.

Qvandoquidem Radius habet tres dimensiones, demus ipsi perspicuitatis gratiā latitudinem aliquam notabilem AB : perspicuitatis inquam gratiā; quia Radius à minimo lucido deriuatus, est insensibilis, & tamen Radius.



Iam si AB protudat ante se Medij partem sibi proximam versus CD , omni suo puncto æque velociter, necesse est ut describatur parallelogrammum, siue Radius directus AD , tanquam si AB esset latus cylindri volutati ab AB , versus CD . Quamdiu autem Medium vniformè est, hoc est, æque vbique permeabile, nulla ratio excogitari potest quare AB non propagaret motū omni sua parte æque velocem; ideoque ratio patet quare in eodem medio radius quemp

est directus. Quod si AB non moueretur omni sua parte æquè velociter, sed inæqualiter, puta pro ratione rectæ AE ad rectam BF , non propagabitur motus per viam siue spatium parallelogrammum $ABCD$, neque erit EF linea lucis propagata: sic enim AB quam supponimus esse in materiâ tenuissimâ, distraheretur in quantitatem sese maiorem. Vt sciamus autem per quam viam propagabitur motus hic ab AB inæqualis, putemus ipsam AB esse (non vt antelatus cylindri, sed) latus frusti conï, habentis diametrum maioris basis AE , minoris verò BF . Iam si frustum hoc Coni prouoluatur, circuli basium eius tanquam duæ rotæ inæquales describent duos circulos AK , BR , quorum centrum commune erit vertex Coni, puta punctum G . Reliquæ autem partes intermediae describent singulæ singulos circulos, quales sunt IK , LM , NO , PQ , extremis AH , BR , concentricos. Via ergo quâ motus inæqualis propagatur ab AB , non est directâ, vt AD , sed qualis continetur lineis rectis AB , HR , & circularibus AH , BR , nempe portio Sectoris.

His positis, putemus rectam ED determinare duo media, quorum utrumvis, puta superius, sit rarum, alterum densum; & ab AB lineâ lucis, venire obliquè Radium directum, siue parallelogrammum AD. Statim atque ventum est ad contactum Densi in D, progressus erit inæqualis (propter medium biforme, cum C sit in raro, D in Densio) nempe tardior à parte D, velocior à parte C, in ratione CE ad DF, vel CG ad DH. Via ergo quâ motus propagatur à CD, est per portionem Sectoris CGDH, & est GH linea lucis propagata omni suâ parte ad medium densum, & æqualis ipsi CD, vel AB. Si igitur ad GH in punctis G & H, ducantur perpendiculares GI, HK, erit progressus directus; & totus Radius erit spatium conclusum intra figuram ACGIKHDB. Patet ergo ratio physica quare Radius refringitur, consistens in eo, quod medium est biforme.

Notandum est quoque rectas LF, MH , perpendiculares ad ED .

esse inter se æquales (quod demonstrare non est difficile, sed verbum.) Ex quo sequitur, datis LF (quæ est quantitas demersionis termini D in medio denso,) & AB (quæ sumitur arbitrio nostro pro linea lucis,) statim dari GH pro lineâ lucis propagatâ in medium densum. Ductâ enim rectâ FH parallelâ ad ED , & applicatâ longitudine AB , ita vt alter terminus sit in rectâ ED , alter in FH , fiet GH lineâ lucis propagata eousque : à quâ ductæ perpendiculares GI , HK , designant Radij partem refractam. Neque refert ad effectum refractionis in quâ parte rectæ ED statuatur punctum G , cum tota ED , sicut & AB vel GH intelligenda sit vt insensibilis. Commodius tamen ponetur G in ipso puncto E , & H , in eâ parte rectæ FH , quam longitudo AB determinat, vt AE in medio raro continuetur cum GI parte refractâ in medio denso.

PROPOSITIO V.

Radius incidens perpendiculariter in superficiem planam considerari potest tanquam linea Mathematica, sed incidens in eandem obliquè considerandus est vt habens latitudinem.

Sit radius $ABCD$ habens latitudinem AC cadens perpendiculariter in planum BD , consideratur ergo vt via qua motus propagatur, in qua eadem omnia accidunt lateri AB , quæ lateri CD ; nam & vtrumque latus est perpendicularè ad planum BD , & æqualis est operatio ab A ad B , & à C ad D , vel à tota AC ad totam CD . Quare æquè considerare motum possumus in AB , vel in CD , vel in tota linea $ABCD$.




Possumus ergo considerare radium $ABCD$ sine latitudine, hoc est vt linea Mathematica, sed in incidentia obliqua vbi operatio ab F ad planum in H , in maiori est distantia quam ab E in G non potest considerari EF vt linea Mathematica, quia sic consideraretur EF vt punctum Mathematicum, quod tamen consideratur vno termino operari longius quam altero, hoc est consideratur vt habens terminos, hoc est, non vt punctum. Itaque si consideraremus lineam obliquè incidentem, vt Mathematicam, consideraremus EF vt punctum & non punctum, quod est absurdum.

PROPOSITIO VII.

Sit ED in superficie planâ medij rarioris, ita vt quod est supra
ED sit medium densius, quod infra rarius. Sitque in medio den-
so linea lucis (puta solis
diametrum) AB à qua
exeat radius cuius latera
AE, BD sint ad AB
perpendicularia, & ad
planum ED obliqua.
Propagato igitur altero
lucis termino ad planum
ED in puncto D; alter
terminus non propaga-
bitur simul ad planum in
puncto E, sed tantum ad
C, ita vt AC sit æqualis
DB. Productâ rectâ DB,
fiat DH æqualis rectæ
CE. Si igitur medium
Dddd.

Patet hinc ratio, quare Dominus des Cartes, docens nos quomodo vitri refractione experiunda est per triangulum rectangulum pag. 138, iubet angulum acutiorem statuendum in eam partem, unde auertitur linea refracta ut in hoc exemplo. Quia FIG est perpendicularis ad AB & inclinata ad AC, ita ut linea FI refringatur ad H, necesse est ut angulus A minor sit semirecto, aliter enim IH caderet vel in IC, vel intra triangulum.




Resistentia enim vitri ad resistantiam aëris maior est quam pro ratione diametri ad latus. Plus enim refrangit vitrum quam aqua, aqua vero refrangit secundum rationem diametri ad latus, vel saltem ferè.

PROPOSITIO IX.

Si radius incidat ad planum medij densioris, cuius talis sit natura ut tardius propagetur lux in ipso quam in raro unde venit, ea proportionem quam habet latus quadrati ad diametrum, in omni inclinatione erit angulus refractus minor semirecto.

SIT medium rarius quod est supra ED, & medium densius quale supponitur quod est infra. Cadat autem radius ab AB lineâ lucis in planum ED, in angulo inclinationis AEP semirecto. Quoniam ergo radius AE, refringitur versus perpendicularem, cadet linea




refracta inter EM & EO , quare cum sit angulus OEM semirectus, erit radius refractus in angulo inclinationis semirecto, minor semirecto. Quod si angulus inclinationis minor esset semirecto AEM , recta faceret angulum cum perpendicularo EO minorem semirecto, refractus igitur multo minor esset semirecto. Quare angulus refractus in angulo inclinationis semirecto vel eo minore, minor est semirecto. Sit iam angulus inclinationis maior semirecto quicumque TEP . Dico angulum refractum hic quoque minorem esse semirecto. Supponimus AB , & TR , lineas lucis æquales, ut radij ab ipsis differant sola inclinatione, æquales ergo sunt EF & EI , nempe æqualibus AB , & TR , coniunctæ per parallelas æquales. Quoniam autem angulus AEP est semirectus, erit quoque CED semirectus, ideoque cum ECD sit rectus, etiam CDE erit semirectus. Quare rectæ EC , CD æquales erunt, & $CDEI$, quadratum, & ut CI diameter ad CD latus, ita EI ad IS , hoc est EF ad IS . Ducatur FG perpendicularis ad ED , minor erit FG quam EF , minor ergo est ratio GF ad IS quam diametri ad latus. Fiat ergo ut EF ad IS , siue ut diameter ad latus, ita FG ad aliud HK perpendicularem ad planum idem ED . erit ergo HK minor quam IS : quia ergo EF est profunditas quam acquisiisset terminus lucis R , existente termino T in E si medium non esset mutatum, erit iam ex supposita qualitate mediij KH profunditas eius. Si ergo ducatur LH parallela ad ED , erit lineæ lucis alter terminus in E , alter in LH , quoniam autem linea lucis æqualis est rectæ EI , terminus eius in rectâ LH cadet inter punctum H , & punctum in quo EI & LH se mutuo interfecant. Sit ergo linea lucis EQ , ad quam ducta perpendicularis in puncto E , nempe EY erit linea refracta. Quoniam ergo YEZ est angulus rectus, item MEI angulus rectus, si dematur angulus communis YEI , erit angulo IEZ æqualis angulus MEY , qui cum angulo YEO facit angulum MEO semirectum. Minor est ergo angulus refractus YEO semirecto. Quapropter etsi inclinationis angulus maior sit semirecto, erit angulus refractus semirecto minor. Itaque siue angulus inclinationis sit maior vel minor, vel æqualis semirecto, (hoc est in omni inclinatione) in ratione mediorum suppositâ, angulus refractus erit semirecto minor. Quod erat probandum.

PROPOSITIO X.

Angulus refractionis qui fit à radio intrante in medium densum versus perpendicularum, æqualis est angulo refractionis, quem idem radius refractus facit exiens in idem medium rarum, in partes à perpendicularo auersas.

Sit medium rarum quod est supra rectam CB, quod infra, densum. Sit autem linea lucis AB, à quo exit radius cuius latera AC & BD. Completo rectangulo ABCD, si medium non esset mutatum, esset CD linea lucis propagata; sed quia medium sub CB densius est quam supra, erit lineæ lucis terminus B, minùs in ipsum immersus quàm punctum D. Sit ergo linea lucis propagata CE, ita vt CE æqualis sit ipsi AB vel CD. Ductis ergo perpendiculararibus ad CE, rectis CG, EH, erit CG linea refracta, & ICG angulus refractionis versus perpendicularum CK. Rursus sit medium densum




quod est infra LD, rarum quod supra, & sit GH linea lucis propaganda à denso in rarum, quando iam terminus lucis H est in D, si medium non esset mutatum, deberet alter terminus lucis G esse in F, sed propter raritatem medij in quo iam est ille terminus vltterius ad C, pro ratione mediorum suppositâ, hoc est pro ratione distantiae inter LD & CB ad distantiam inter ME & eandem CB, est igitur iam CD linea lucis propagata ad densi & rari confinia, quoniam ergo AC & BD sunt perpendicularares ad ipsam CD lineam lucis, erit CA linea refracta, & ACQ angulus refractionis auersus à perpendicularo CP. Restat probandum angulum ACQ æqualem esse angulo ICG, quod facile est, sunt enim verticales. Quare angulus refractionis, &c. Quod erat demonstrandum.

Facile quoque demonstratu est radium transeuntem à medio raro per medij densioris plana opposita, in medium rarum simile priori, habere partes ante ingressum & post exitum sibi inuicem parallelas.


PROPOSITIO XI.

Si sint duæ quælibet inclinationes radiorum ab eodem medio raro ad idem medium densum vel contra, superficies autem mediorum communis sit plana, progressus lucis in primo medio, ad progressum lucis simul factum in secundo habebit eandem rationem, in vnâ inclinatione quàm in alterâ.



Sint duæ quælibet inclinationes radiorum AC , & ac , in angulis diuersis, ACB & acb , ad planum cb , CB , à punctis autem b , B , ducantur bf , BF , rectæ radii ac , AC , parallelæ, sumptisque in bf , BF , rectis bd , BD , iisdem radiis ac , AC , æqualibus, compleantur parallelogramma $abcd$, $ABCD$. Sitque medium quod est infra, cb , CB , (quod voco medium secundum) non eiusdem naturæ cum medio quod est supra (quod voco medium primum) sed vel densius, hoc est in quo tardior sit propagatio motûs, vel rarius, hoc est in quo velocior sit propagatio motûs. Sit iam progressus lucis in medio primo, in alterâ quidem inclinatione, recta, ac , in altera verò recta AC , vel si progressum hunc lucis velimus mensurare in perpendiculari ad planum cb , CB , sit in altera inclinatione ak in alterâ AK . Sit autem progressus lucis in medio secundo eodem tempore, maior vel minor quam in primo, in altera quidem inclinatione bc (scilicet si densius sit secundum medium quam primum, vel bf si rarius.) Aut

si velimus progressum hunc mensurare in perpendiculari ad planum cb , CB , sit ie , progressus ille in densiori medio, gf in rariori: in alterâ autem, sit progressus lucis BE in densiori, BF in rariori, vel mensurando perpendiculariter IE in densiori medio, GF in rariori. Dico esse ut inclinata ac , ad inclinatam be , vel bf ; hoc est, ut perpendicularis K , ad perpendicularem ie , vel gf , in inclinatione unâ ita esse inclinatam AC , ad inclinatam BE , vel BF , hoc est, perpendicularem AK ad perpendicularem IE , vel GF , in alterâ.




Quoniam enim idem est medium in quo ac , & in quo AC , æquè velox est motus ab a ad c motus ab A ad C . tempus ergo quo fit motus ad a ad c , est ad tempus quo fit motus ab A ad C , ut recta ac , ad rectam AC . Similiter quoniam idem est medium in quo be , & in quo BE , æquè velox est motus à b ad e , & à B ad E , tempus ergo quo fit motus à b ad e , est ad tempus quo fit motus à B ad E , ut recta be ad rectam BE , sed tempus quo fit motus à b ad e , æquale est tempori quo fit motus ab a ad c . item tempus quo fit motus à B ad E , æquale est tempori quo fit motus ab A ad C . tempus ergo quo fit motus ab a ad c , est ad tempus quo fit motus ab A ad C , ut recta be ad rectam BE . Est autem supra ostensum, tempus motus ab a ad c , esse ad tempus motus ab A ad C , ut recta ac ad rectam AC , in eadem ergo sunt ratione ac ad AC , & be ad BE . Eadem methodo demonstrari potest esse ut ac ad AC , ita bf ad BF . Porro quoniam est ut ac , hoc est bd , ad be , ita AC , hoc est BD ad BE , & ut bd ad dh vel ak (propter similitudinem triangulorum bah , & bei) ita be ad ie , atque etiam ut BD ad DH vel AK , ita BE ad IE , erit ut ak ad ie .

ad ie , ita AK ad IE . eadem quoque viâ ostendi potest esse vt ak ad gf , ita AK ad GF . Quare vt est inclinata ac , ad inclinatam be vel bf , & vt perpendicularis ak ad perpendicularem ie vel gf , in vna inclinatione, ita est inclinata AC , ad inclinatam BE vel BF , & perpendicularis AK ad perpendicularem IE , vel GF in altera inclinatione. Itaque si sint duæ quælibet inclinationes, &c. Quod erat probandum.


PROPOSITIO XII.

Si sint duæ qualibet inclinationes radiorum ab eodem medio raro ad idem medium densum, vel contra, sitque superficies mediorum communis plana, erit vt sinus anguli inclinationis ad sinum anguli refracti in vnâ inclinatione, ita sinus anguli inclinationis ad sinum anguli refracti in alterâ inclinatione.



SIT planum cb CB commune duorum mediorum, quorum primum siue id quod est supra cb CB sit rarum, alterum siue medium secundum infra cb CB densum. Sint autem ac & AC radij inclinati ad planum cb CB in angulis inæqualibus aco & ACO . Sit autem radius refractus ab ac , recta ck , & angulus refractus kcl , & radius refractus ab AC , recta CK , & angulus refractus KCL . Dico vt sinus anguli inclinationis, aco ad sinum anguli refracti kcl ,

Eccc



ita esse sinum anguli inclinationis ACO ad sinum anguli refracti, KCL ducatur ab recta perpendicularis ad ac , quæ secet planum in puncto b , (secabit autem quia angulus acb est minor recto) huic æqualis fiat AB , & ita applicetur ut sit altera eius extremitas in plano CB , & sit perpendicularis ad AC in puncto A , & compleantur parallelogramma $abcd$ & $ABCD$. Ducatur ce perpendiculariter ad radius refractum ck in puncto c , & CE perpendiculariter ad radius refractum CK in puncto C . Sit autem ce æqualis cd vel ab , sicut & CE æqualis CD , vel AB . Itaque ductus circulus centro c , intervallo ce transibit per d , & ductus circulus centro C intervallo CE transibit per D . Iam quoniam ce , & CE sunt perpendiculares ad radios refractos ck & CK , & æquales lineis lucis ab & AB , ductæ ap & AP perpendiculares ad planum $cbCB$, erunt progressus lucis in medio raro, in propositis inclinationibus, & er ER progressus lucis in medio denso. Sed est per præcedentem, ut ap ad er in vnâ inclinatione, ita AP ad ER in altera inclinatione. Secundo, sit medium primum, nempe quod est supra planum $cbCB$ densum, quod infra, rarum. Vbi radij refracti ad partes auersas à perpendiculo, sint cq & CQ , & ad ipsos perpendiculares sint cf & CF æquales lineis lucis ab vel AB , & ad planum $cbCB$ sint perpendiculares ff & FS . Similiter probabitur esse, ut ap ad ff , ita AP ad FS , Sed ap & AP sunt sinus angulorum, propositarum inclinationum, & er ER sunt sinus angulorum refractorum in medio denso, sicut ff & FS sunt sinus angulorum refractorum in medio raro. Quod sic probatur. Anguli oca , & acb simul sumpti sunt æquales recto, item abc & acb simul sumpti faciunt rectum. Ergo dempto communi angulo $acbre$.

manet abc æqualis angulo inclinationis oca ; ducto igitur circulo, cuius semidiameter sit ba erit ap sinus anguli inclinationis. Eodem modo probatur AP esse sinum anguli inclinationis; sunt enim ab & AB æquales per constructionem. Rursus quoniam angulus kcc , & lcb est vterque rectus, dempto communi angulo lce remanet ecb æqualis angulo kcl refracto, quoniam ergo ce est æqualis ab erit er sinus anguli refracti. Eâdem methode ostenditur ER esse sinum anguli refracti in alterâ inclinatione. Porro vbimedium secundum rarius est primo, angulus qcf & lcb est vterque rectus, dempto ergo communi angulo lcf remanet angulus scb æqualis angulo refracto qcl . Est ergo fs sinus anguli refracti; & per eandem rationem FS est sinus anguli refracti in inclinatione altera. Quoniam ergo est vt ap ad er , vel fs in vnâ inclinatione, ita AP ad ER vel FS in alterâ inclinatione, erit vt sinus anguli inclinationis ad sinum anguli refracti in vna inclinatione, ita sinus anguli inclinationis ad sinum anguli refracti in alterâ inclinatione, siue refraction fiat versus perpendicularum, siue ad partes à perpendicularo auersas. Igitur si sint duæ quælibet inclinationes, &c. Quod erat probandum.

COROLLARIUM.

IN maiore angulo inclinationis maior est angulus refractus, in minore minor. Maioris enim anguli maior semper est sinus. Et est iam ostensum, esse vt sinus anguli inclinationis ad sinum anguli refracti, ita sinum alterius anguli inclinationis, ad sinum anguli in illa inclinatione refracti.


PROPOSITIO XIII.

Si duo radij æqualiter inclinati procedant ad planum diuersi medij, alter à medio raro in densum, alter à medio denso eodem, in medium rarum, sinus anguli refracti in raro, sinus anguli inclinationis, & sinus anguli refracti in denso erunt continuè proportionales.

SIT CB planum diuidens duo media: quorum primum sit rarum, secundum densius, & sit AC radius inclinatus ad planum CB .
Eccc ij.

in quocunque angulo ACB , ducatur AB perpendicularis ad AC
secans planum in B , &
compleatur parallelo-
grammum $ABCD$.

Quo tempore igitur punctum A venit ad planum in C, eodem, si media essent eiusdem naturæ, immergeretur punctum B subter planum, profunditate perpendiculari D H, sed quoniam densius statuitur mediū




infra planum quàm supra, sit immersum punctum B profunditate tantum EI. Est igitur linea lucis iam CE facta æqualis rectæ AB, & ductâ KC perpendiculari ad CE, & LC ad CB erit angulus refractus KCL, cui ostensus est in præcedente, æqualis ECI. est ergo anguli refracti in denso sinus EI. Et quia angulus ABC æqualis est angulo inclinationis, vt ostensum est in præcedente, & huic æqualis est BCD erit recta DH ducta perpendicularis ad CB sinus anguli inclinationis. Et habet DH ad EI rationem eam quam requirit semper eandem, eorundem mediorum diuersitas. Supponamus iam medium primum esse densius secundo, sitque inclinatio radij AC eadem quæ ante: quo tempore ergo punctum A est in superficie medij rari ad C erit punctum B immersum in raro, profunditate GF maiore quàm est DH. Scilicet pro ratione mediorum, quam supposuimus esse vt DH ad EI. Est igitur FG ad DH. vt DH ad EI. Sunt itaque continuè proportionales FG, DH, EI; sed ostensum est in præcedente angulum BCF esse angulo refracto in raro LCM æqualem, quare FG est sinus anguli refracti in raro, sicut DH est sinus anguli inclinationis, & EI sinus anguli refracti in denso. Itaque sinus anguli refracti in raro, sinus anguli inclinationis, & sinus anguli refracti in denso, sunt continuè proportionales. Ideoque si duoradij æqualiter inclinati, &c. Quod erat probandum.

ALIA DEMONSTRATIO EIVSDEM
PROPOSITIONIS.

Sit planum media separans $G B F$, & super rectâ $G B F$ diametro
constituatur circulus $G H F E$, cuius centrum B . Sit autem quod

est supra diametrum, medium rarum, quod est infra densum; duca-



tur AC per centrum in angulo quocunque inclinationis dato ABH in medio raro, cui æqualis est angulus CBE in medio denso, & sinus anguli inclinationis est MA vel OC. Iam supponamus radium AB venientem è raro in densum, refringi in radium BD, hoc est, versus perpendicularem, vtrunque. Sinus ergo anguli refracti in denso est DR ducta à circumferentia in D perpendiculariter ad BE, & huic

æqualis est LI. Rursus supponamus radium, venientem à medio denso in rarum secundum inclinationem quam habet DB, erit ille radius refractus in medio raro, ad BA, vt ostensum est Propositione 10. Et manifestum satis est per se: eadem enim est via à D per B ad A, quæ erat ante ab A per B ad D, (sicut Thebis Athenas, & Athenis Thebas) & angulus refractus in raro ABH cuius sinus est MA, idem cum sinu anguli inclinationis radij, qui veniebat è medio raro in densum. Si deinde fiat, vt DR sinus anguli inclinationis venientis radij à D ad B in denso, ad MA sinum anguli eius refracti in raro, ita CO vel MA sinus anguli inclinationis datæ ad aliud, puta NK erit NK sinus anguli refracti in raro, radij inclinati in denso secundum angulum datum c BE, hoc est ABH. Nam (per duodecimam) vt sinus anguli inclinationis vnus, ad sinum anguli in illa inclinatione refracti, ita est sinus anguli inclinationis alterius ad sinum anguli in illa inclinatione refracti. Sunt itaque continuè proportionales NK sinus anguli refracti in raro, MA sinus anguli inclinationis communis, & LE sinus anguli refracti in denso: quare si duo radij æqualiter inclinati, &c. Quoderat probandum.

COROLLARIUM.


Manifestum hinc est, dato sinu anguli refracti in vno medio ex altero, & inclinatione, dari sinum anguli refracti in altero medio, vel datis angulis refractis vtriusque medij in eadem inclinatione, dari ipsam inclinationem, vel data inclinatione, una cum ratio-

ne quam habent inter se obsequia mediorum, dari cetera.

PROPOSITIO XIV.

Radij incidentis obliquè in medium diuersum, cuius superficies est curua, refractio eadem est ac si incidisset in contactum planæ superficiei, ipsam curuam contingentis.


SIt medium quod est infra rectam FBG diuersum ab eo quod est supra, ducaturque OP secans FBG in B ad angulos rectos, ducanturque duæ curvæ ABC , & LBM se inuicem & rectam FG contingentes in puncto B : inc idat autem ad planum FG in puncto B in inclinatione quacunque radius DB qui refringatur à directâ DBI , vel versus perpendicularum BP , vel contra, vt BK . in mediâ autem latitudine radij DBK (nam ostensum est omnem radium habere latitudinem) consideretur linea Mathematica DBK , ita vt B consideretur quoque, vt punctum contactus. Iam si abscindatur à medio, quod est infra FG , pars illa quæ continetur inter planum FG , & superficiem conuexam ABC , manifestum est, non ideo mutari situm rectæ BK , nam punctum B non tollitur, cum sit commune vtrisque ABC curvæ, & FBG rectæ, erit tamen medium quod est infra ABC diuersum ab eo quod est supra; quare radij incidentis obliquè in medium diuersum cuius superficies est conuexa, refractio eadem est ac si incidisset in contactum planæ superficiei ipsam conuexam contingentis. Rursus si ad medium quod est infra FBG adieceris medij, eiusdem generis, quantum impleat spatium quod continetur inter FG planum, & LBM concauam superficiem. Manifestum est, non ideo mutari situm rectæ BK , quia punctum B est in ipso plano FBG non minus quam in concauo LBM , erit tamen medium quod est infra LBM diuersum ab eo quod est supra. Quare radij incidentis obliquè in medium diuersum cuius superficies est concaua refractio eadem est ac si incidisset in contactum planæ superficiei ipsam



concauam contingentis. Itaque radij incidentis obliquè in medium diuersum cuius superficies est curua, &c. Quod est demonstrandum.

Habes iam sententiam meam de natura lucis, & refractionibus, in qua continentur elementa prima Anaclasticæ, ad perfectam cuius cognitionem in re Physicâ contemplandæ sunt Diaphanorum omnium naturæ, & figuræ, maxime autem figuræ.

Ex iis quæ de natura refractionis dicta sunt, facile est colligere, in omni refractione lineam lucis à quo radius exit quanquam sit minima quæ dari possit, concipere dum radius refringitur vertiginem quandam, & quo sæpius refringitur eadem via, eo maiorem esse vertiginem, ex quo sequitur alterum latus radij scilicet exterius incidere in oculum motu recto, qui augetur à motu vertiginis, alterum autem motu recto qui vertigine minuitur. Atque in hoc fortasse consistit, quod in prismate contento duobus planis oppositis triangularibus & tribus parallelogrammis termini obiectorum ex ea parte qua refractionis facit cubitos, sunt rubri primum, & deinde flauis, ex altera vero parte qua refractionis facit angulos, sunt primum virides vel cærulei, & deinde violacei. Exempli causâ, sit



prismatis triangulum CDE ad cuius latus CE cadant obliquè radij af, bg, à terminis obiecti ab, inde refringantur ad HI, & inde iterum ad KL videbitur obiectum in AB, rubrum ex parte A, quod desinit in flauo versus B, at à parte B viride desinens in violaceo versus exteriora. Quod ideo accidere conijcio quod radius afHK acquirat vertiginem in cubitis f & H, quæ vertigo motum eius rectum secundat, sed

turbat, vnde color ille ruber, & flauus ad interiora. Sed in angulis g & I illa vertigo adimit de motu radij recto, & turbat quoque; vnde nascitur color viridis & violaceus ad exteriora, minus fortes quàm ruber & flauus. Confirmat coniecturam hanc quòd color ruber incipiens ab A tendit versus B, & viridis à B tendit versus exteriora.

FINIS.



190

should be 2 vols
188
m/v

